



9585

Ht



UNIVERSITEITSBIBLIOTHEEK GENT



9000

ACTA
ERUDITORUM
ANNO
M DCC V

publicata.

*Cum S. Cæsareæ & Regiæ Polonicæ Ma-
jestatum Privilegiis.*

LIPSIÆ.

Prostant apud JOH. GROSSII Hæredes,
&
FRID. GROSCHUF.

Typis CHRISTIANI GOE2L.
A. M DCC V.

N. I.
A C T A
ERUDITORUM,

*publicata Lipsiæ
Calendis Januarii, Anno MDCCV.*

TOT EN AGIOIS PATPOC HMΩN KYPIAAOT IEPOCΘOΛITMΩN
Ἀρχιεπισκὸς πᾶς τὰ Σωζόμενα.

*SANCTI PATRIS NOSTRI CYRILLI HIEROSOLY-
morum Archiep. Opera, qua supersunt, omnia. Quorum qua-
dam nunc primum ex Codd. MSS. edidit, reliqua cum Codd.*

*MSS. contulit, plurimis in locis emendavit, notisque
illustravit THO. MILLES, S. T. B. ex*

Aede Christi.

Oxoniz, e Theatro Sheldoniano, 1703. in fol.
Constant Alphab. 4 cum dimid.

IN Cyrillum Hierosolymitanum, ejusque opera edenda atque exornanda, jam olim plures industrias sat accuratam impenderunt, & *Catecheses* imprimis ejus emendate sistendas sibi elegerunt. Præterquam enim, quod easdem Viennæ anno 1560 editas fuisse, Catalogus Græcorum codicum Bibliothecæ Augustanæ memorat, circa idem fere tempus *Jacobus* quidam *Uchanski*, Archi-Episcopus Gnesnensis, Regniq; Poloniæ Primas, *Catecheses* ex Macedonia nactus exemplar, Slavorum idiomate conscriptum, eas in linguam Polonicam transtulit. Paulo vero post *Johannes Grodecius*, Decanus Glogoviensis, ex Græco codice, quem cum eo communicaverat Cardinalis Hosius, omnes *Catecheses* tam illuminatorum, quam mystagogicas, in Latinum sermonem vertit, & A. 1564 ex typographico Christophori Plantini Antverpiæ edidit, præmissa de Cyrilli vita & scriptis Dissertatiuncula. Eodem anno *Guilielmus Morellius*, Caroli IX Galliæ Regis typographus, quasdam illuminatorum *Catecheses*, ut-

A

pote

pote quartam, sextam, octavam, nonam, decimam, undecimam & decimam octavam, una cum quinque mystagogiis, Parisiis Græce edidit. Ex isto tempore doctorum virorum hac in parte industria paululum conquievit, usque dum *Jobannes Prevotius* A. 1609 eadem Parisiis in lucem publicam emisit, maximum inde doctorum & bonorum omnium applausum consecutus. Ope namque codicum MStorum notæ præstantissimæ, quos Bibliotheca Vaticana ei suppeditavit, non solum Catechesæon a Morellio editarum lacunas supplevit, mendasque correxit, verum etiam alias nunquam forte antehac Græce vulgatas typis submisit, interpretationem Grodecii plurimis in locis emaculavit, & Cyrilli demum ad *Constantium epistolam* mantissæ loco sub finem adjecit. Quæ hancsecutæ sunt A. 1631 & 1640 duæ Catechesæon editiones Parisienses, Prevoti editionem pene ad amissum referunt. *Orationem de Domini occurssu, de quo Simeone, qui Deum suscepit*, primus Græce & Latine dedit *Laurentius Sifanus*, Colonia A. 1568, una cum Orationibus Chrysostomi, Gregorii Nysseni, Timothei Presbyteri Hierosolymitani & Amphilochoii in idem festum, quod occursum istum respicit. Tum vero *Pontanus* eam nova editione donavit, & postea *Fronto Duceus* hac oratione, & aliis quantivis pretii antiquorum scriptis, Bibliothecam Patrum adauxit. Omnium autem novissime *Combesius*, pluribus codicibus MStis instructus, eam adeo emendatam, suisque notulis locupletatam, in novo Auctario edidit, ut propemodum nil quicquam aliorum curæ aut industriæ reliquisse videatur. *Historiam Ecclesiasticam & Mystagogicam* primus & solus vulgavit *Fronto Duceus*, *Epistolam autem ad Augustinum* inter opera tum Hieronymi, tum Augustini, reperire facile licet.

Utut vero singula hæc probe cognita perspectaque habuerint, ex cujus fide eadem hæcenus retulimus, celeberrimus *Thomas Milles*, non deesse tamen sibi ansam, accuratorem adhuc editionem evulgandi ratus est, ac præsentem idcirco adornavit, quæ nitore pariter ac diligentia, qua exornata est, antecedentibus omnibus palmam reddere dubiam omnino poterit. In ejus præfatione Cyrilli vitam ante reliqua breviter recenset, quam & hic delineatam ex ipsius relatione exhibere, dividiæ haud fuerit. Videlicet quibus parentibus, quove anno natus fuerit Cyrillus, incomptum reliquisse ait *Historiæ Ecclesiasticæ*.

fice scriptor, de patria vero ejus licet altum ubique pariter silentium sit, e Palæstina tamen, atque ipsis forsitan Hierosolymis, ortum fuisse, vero simillimum judicat. Macarium, Maximumque ipsius in Episcopatu Hierosolymitano antecessores facit, quorum ille Diaconum, iste vero Presbyterum eum constituerit. Catechistæ etiam munus postremis maxime temporibus in Ecclesia Hierosolymitana eum exercuisse, & singulis fere diebus, per totum Quadragesimæ intervallum, præcipua fidei capita catechumenis, ad festum Paschatos baptizandis, luculenter exposuisse refert. Mortuo Maximo, vel ut aliqui referant, in exilium pulso, in sedem Hierosolymitanam Cyrillum successisse dicit, favore & auxilio Acacii Cæsareæ, & Patrophili Scythopoleos Episcoporum, qui Arianorum sectæ faverint, præcipue adjutum, hac quidem cum conditione, ut repudiato Presbyteratus honore, quo ornatus a Maximo fuerat, Diaconi loco & gradu aliquantisper in Ecclesia contentus viveret; id quod Hieronymum affirmare notat Noster, qui tamen ei hac in parte adstipulari minus sustinet, quandoquidem Patres secundæ Synodi generalis Constantinopolitanæ, in Epistola ad Damasum, Cyrillum rite & canonice ab Episcopis provincie ordinatum declarent, & ab Arianorum factione adeo abhorruisse testentur, ut plurima, dum fidem orthodoxam tueretur, mala variis in locis ab iis perpeßus fuerit. Interim cum Acacio amicissime eum vixisse, non negat. Ast rebus Ecclesiæ Hierosolymitanæ per duos tresve annos summa cum laude curatis, lis ipsi gravissima cum eodem de jure metropolitico Ecclesiæ Cæsariensis intercessit, Cynillo Primatum provincie Palæstinæ Ecclesiæ Hierosolymitanæ vindicare satagente, quippe quam omnium Ecclesiarum Matrem a Christo ipso institutam, ab Apostolis fundatam, ab omnibus omnium temporum Christianis maximo honore semper habitam fuisse, jactitabat. Ex hac Acacium inter & Cyrillum simultate, dissidii semina late per Ecclesiam Orientalem sparsa fuere, dum Episcopi, qui idem cum Arianis sentiebant, se Acacio junxerunt sanio rem vero fidem proficentes a Cyrilli steterè partibus. Verum Acacius Cynillum, æquale jus sibi suæque Ecclesiæ vindicantem, diutius ferre haud valens, congregatis Palæstinæ Episcopis, eum ab Episcopatu deposuit, multisque criminum objectionibus ab adversariis oneratum urbe expulit.

Hierosolymis ergo Cyrillus profugus Antiochiam venit, & cum hanc Ecclesiam Episcopo orbatam invenisset, Tarsum ire perrexit, ibique cum Silvano Episcopo diutius commoratus est. Acacius, ut primum de ejus adventu ibidem facto inaudivit, literis ad Silvanum missis, eum certiore fecit, Cyrillum de sede Episcoporum suffragio dejectum, ab Ecclesiastico ministerio, simul & a communione arcendum esse. Silvanus autem, quia videbat, populo placere, quas Cyrillus habebat, conciones, Acacii monitis obtemperare noluit. Tum demum fremere Acacius, & Cyrillum, ut coram Episcopis Palæstinæ compareret, per biennii spacium indefinenter citare. Hisce minis territus Cyrillus, appellationis libello ad Episcopos missio, ad majus judicium, nempe Imperatoris Constantii, provocavit. Hinc Synodus Episcoporum Orientalium circiter CLX Seleuciæ in Isauria congregata est, A. C. 359, in qua in duas partes Episcopi se divisere, stantibus hinc Acacio Casariensi, Georgio Alexandrino, Uranio Tynio, Eudoxio Antiöcheno, una cum triginta aliis; inde vero Georgio Laodiceno, Eleusio Cyziceno, Sophronio Pompejopolitano, & Cyrillo Hierosolymitano, quos longe major pars Episcoporum secuta est. Duabus hisce factionibus acriter inter se concertantibus, Leonas, Synodi Præfectus ab Imperatore missus, cum Episcopos inter se convenire haud posse perspiceret, Concilium dimisit, ita tamen, ut Episcopis liceret in Ecclesia convenire, deque suis controversiis tractare. Convenientibus ergo Episcopis Cyrillo faventibus, Acacium hi cum suis accersivere, ut tam de Cyrilli, quam aliorum etiam Episcoporum causis judicaretur. Illi vero, sæpius licet citati, venire recusantes, a cæteris abdicati fuere. Quibus peractis, Synodoque iterum dimissa, decem Legatos ex suis Constantinopolim miserunt, qui Imperatorem de omnibus rebus certiore facerent; Acacius vero se celeriter e Seleucia proripiens, Constantinopolin prius venit, auresque Imperatoris præoccupavit, qui & alioqui in Acacium propensior ejus hortatu conciliabulum Constantinopolitanum indixit, convocatis ex N'hynia circiter L. Episcopis, qui Cyrillum una cum Silvano Tarsensi aliisque pluribus deposuerunt. Cyrillus autem ab Hierosolymis relegatus, exul usque ad mortem Constantii Imperatoris permansit, cui cum Julianus circa finem anni

361 succederet, Episcoposque, dira Arianorum persecutione fugatos & exules, ad sedes suas revocaret, Cyrillum quoque Hierosolymas rediisse, & Episcopalem dignitatem capessivisse, vero Noster simile existimat, atque una sequentibus Juliani temporibus nihil adeo memoratu dignum de Cyrillo occurrere, fatetur. De iis quoque rebus, quæ Cyrillus sub imperio Valentis gesserit, Ecclesiæ Annales sileio observat, quamvis credibile existimet, eum ab Arianis, qui tunc omnia loca compleverint, admodum gravia fuisse perpesum. Sub Theodosio autem inconcussum omnino Episcopatum illum tenuisse autumat, & tertio Theodosii anno, qui Christi fuit 387, Synodi quartæ earum, quas vocant œcumenicas, Constantinopoli congregatæ, Patres Cyrillum pro rite & legitime ordinato declarasse narrat. Post hoc Concilium, quinque circiter annis superstes Cyrillus fuit; nam die Martii decimo octavo A. 386, si Græcorum Menæo fides adhibenda, grandævus jam curisque confectus, placide obdormivit.

Hæc postquam de vita Cyrilli Noster in præfatione retulit, ad scripta ejus recensenda pergit, & eorum plura olim extitisse, quam quorum vel fragmenta ad nos pervenerint, haud dubitat. Cum enim diutius Ecclesiæ Hierosolymitanæ præfuerit, plurimasque ad populum habuerit conciones, vix ambigendum venire statuit, quin pro more istius seculi, Auditores eas calamo exceptas in vulgus dederint. Sed harum concionum temporis injuria memoriam quoque intercidisse, dolet. Quod autem Anastasius Nicænus (quem verius Sinaitam dici posse censet,) Commentariorum Cyrilli in Marcum, & Epistolæ ad Olympium Monachum meminerit, id ex eo contigisse arbitratur, quod Cyrillum Alexandrinum a Cyrillo Hierosolymitano non satis caute discriminaverit. Scripta igitur Cyrilli hodie extantia, & solertissima Nostri cura nitidior, quam antehac unquam, vultu edita, hæc sunt: *Catechetica Lectiones XXIII*, quarum XVIII Quadragesimæ tempore ad competentes, sive eos, qui ut baptizarentur petebant, habitæ præclarum continent totius doctrinæ Christianæ compendium. Quamvis autem Catecheses istæ suum satis autorem prodant, & primæ Ecclesiæ simplicitatem orationis contextu pulchre referant, non defuisse tamen, nec desse adhuc, ostendit, qui eas non modo Cyrillo abjudicent, verum

sequioris etiam ætatis factum esse asserant; inter quos agmen ducere Rivetum ut animadvertit, sic ejus potissimum argumentis satisfacere, & Cyrillo istas vindicare studet. Catecheses sequitur *Epistola*, quam statim, ac Episcopatum Cyrillus adeptus est, *ad Constantium* scripsit, de signo crucis, & lumine denso valde & consilicante, quod Hierosolymis die Pentecostes A. 373 quartis plurimis videntibus apparuerit. Apparitionis hujus Epistolæque Cyrilli de eadem scriptæ, cum non solum Theophanes & Michael Glycas, verum etiam Sozomenus meminerit, satis mirari Autor vix potest, quid Rivetum impulerit, ut eam aut non a Cyrillo, aut Cyrillo Ariano scriptam, tam audacter asseruerit. Epistolam ad Constantium excipit *fragmentum Homilia in Paralyticum ad Berber de piscina sanatum*, quod nunc primum in lucem ex codice manuscripto Bibliothecæ Bodlejanæ Noster edit, eamque Cyrilli opus genuinum esse nullus dubitat; quippe cum stylus ejus conveniat cum Cyrilli stylo, & quod in Catechesibus fieri solet, orationis continuïtas frequenti S. Scripturæ citatione sit intercisa, & quasi tessellis quibusdam pulchre variegata. Comparet hinc *Oratio de occurſu Domini*, quam inter opera, quæ Cyrillo nostro filio tribuantur, reponere notat eruditissimum D. Cave. At licet modum quidem loquendi laxiorem esse in hac oratione, quam in Catechesibus, & impetu quodam verborum silum decurrere (id quod Cyrillo alias familiare haud sit) fateatur, plurimos tamen viros doctissimos eam Cyrillo tribuere superaddit, quibus etiam tot codices manuscripti suffragantur. Proxime accedit *Historia Ecclesiastica & Mystagogica*, quam Cyrilli nomine prænotatam in codice manuscripto Bibliothecæ Bodlejanæ Editor noster invenit; tractatum vero illud, longo post Cyrilli tempora intervallo, autorem nactum fuisse dicit *Germanum* quendam ejus nominis secundum, Patriarcham Constantinopolitanum, qui circa annum 1228 sedem occupasse perhibeatur. Postremo denique loco *Epistola* comparet *ad Augustinum de miraculis Hieronymi post mortem celebratis*, quam Cyrilli nomen immento præ se ferre, Noster palam asserit. Præterquam enim, quod insigni anachronismo triginta annorum, quibus Cyrilli mors Hieronymi mortem antecesserit, satis constat, a Cyrillo eam scribi neutiquam potuisse, tam futilibus insuper scatere fabellis, &

lis, & propter styli infantiam ac barbariem, adeo deformem & foedam esse innuit, ut a maleferiato & insulsiſſimo Monacho, ante ducentos forte annos, fictam fuiſſe, probabile admodum videatur.

Singula interim hæc ſcripta nunc exhibenda doctiſſimus Editor cenſuit, ac circa eadem id ſibi præcipue negotii datum intellexit, ut textum, præſertim Catecheſeos, purum, integrum & ab omni labe purgatum exhiberet. Ipſum quoque Prevotii textum, ex codicibus manuſcriptis emendatum ab ipſo plurimum plurimumque ſuppletum, adhuc magis emendatum ut daret, cum cum cæteris omnibus, quas conquirere licuit, editionibus contulit, & hoc modo plurima ſphalmata cum typothetarum, tum ipſius Prevotii, facile ſuſtulit. Poſtea Catecheſes omnes, Epistolamque ad Conſtantium, cum duobus codicibus manuſcriptis, aliquas autem, nempe quartam, ſextam, octavam, nonam, decimam, decimam quintam, decimam ſextam & decimam octavam, cum tribus diligenter contulit. Parilem in Orationis de occurſu & partis Hiſtoriæ Myſtagogicæ collatione induſtriam adhibuit, cumque codices iſtos omnes cum Prevotii textu comparaverit, religioni ſibi duxit, ullam omnino, etiam minutiſſimam, lectionem prætermittere; quin ſingulas potius in ima pagina ponendas arbitratus eſt. Variantibus lectionibus adjunxit annotationes quasdam, quibus id unum efficere allaboravit, ut ritus, mores & fidem primævæ Eccleſiæ, ex antiquiſſimorum Patrum monumentis explicaret atque confirmaret. Verſionem demum Grodecii, multum jam ante a Prevotio correctam, plurimis in locis emendatiorem adhuc reddidit; quam tamen ſi quis omnibus ſuis numeris perfectam & abſolutam optaret, novam proſus reddendam venire judicat.

Ex iſtis autem, quas diximus, annotationibus nonnulla ut decerpamus, & Lectori benevolo in guſtum propinemus, noſtrarum merito partium eſſe exiſtimamus. Sic v. g. pag. 1 obſervat, quod ii, qui nondum erant baptizati, quales fuerint, quos alloquatur in Catecheſeon præſatione Cyrillus, φωτισμενοι nuncupentur, aliquibus forſan inuſitatum videri poſſe, quandoquidem vocabula φως, φωτισμα, φωτισμός & φωτίζω ad baptiſmum frequenter referantur. At enimvero φωτίζεν apud veteres non ſolum ſignificare reſpondet, *illumino lumine Baptiſmi*, ſed etiam *docco*, per
inſi.

inſtitutionem Catecheticaſ ad Baptiſmum preparo. Pag. 4. apud primavos Chriſtianos ſacri cultus non minimam partem fuiſſe lectionem ſacrarum Literarum, indigitat. P. 6. de Baptiſmi repetitione ab aliquibus perverſo conſilio ſuſcepta; ibidemque de rebaptizatis iis, quos Hæretici baptizarint, diſſent. De Exorcismis in Baptiſmo veteris Eccleſiæ temporibus obſervatis p. 7; de Samaritis, p. 8; de Homiliis ſeu concionibus, poſt lectionem Evangelii, in cœtibus primavorum Chriſtianorum, a Presbyteris & Epilcopo ad populum habitis, p. eadem; de diſciplinæ arcani veltigis & apud Ethnicos reperiundis, p. 9; de virorum ſedibus a mulierum ſubſelliis in veterum Chriſtianorum templis, intermediis quibusdam tabulatis ſeparatis, p. 10 agit. *Αναγνώσεις* ſive lectiones ſacrarum literarum poſt collectam inſtitutas, p. 15; confeſſionem omnium peccatorum Baptiſmo ſemper præmiſſam p. 18; rebellium Angelorum principem ac ductorem omnibus creatis ſpiritibus longe antecelluiſſe, a pluribus e Patribus creditum, p. 22; diverſas de peccato, ob quod primus malorum Angelorum, caterique cum eo Dæmones de cœlo dejecti ſint, diverſorum Patrum ſententias, p. 22; ſententiam Origenis, Olympiodori, Hieronymi, aliorumque, Angelos poſſe etiamnum peccare, & faciem Dei Patris non alia conditione videre, quam ſi parvulos ſuæ fidei commiſſos ad ſalutem perduxerint, velut Cyrillo etiam arridentem, p. 26; Jeſaiam ſerra lignea diſſectum, p. 29 commemorat. Quotopere Astrologiæ & Genethliacorum vanitatem Patres perſtrinxerint, p. 30; quomodo baptizatos ſtatim, ut aſcenderant ex aqua, alba veſte induerint veterēs, p. 34; ut baptizandi crebris ſe jejunis ante baptiſmum exercuerint, p. 38; qua ratione antiquitus jam baptiſmum diviſerint, p. 39 edocet. Quæſtionem, an jejunium quadraginta dierum, jam inde ab Apoſtolorum temporibus in Eccleſia fuerit uſitatum, p. 43. ſ. tangit, & quæ ab utraque parte quæſtionis dici ſolent, Lectori ob oculos proponit. De errore Docetarum & Phantaſiaſtarum, qui veritatem humanæ naturæ in Chriſto negarint, Apoſtolorum ævo jam exorto, p. 51; de templo in monte Calvaria, prope Hieroſolymas, a Conſtantino, ſeu potius ab Helena matre ejus, Imperatoris auſpiciis extructo, p. 52; de ſecundis nuptiis a Patribus nonnullis damnari ſolit, p. 60; de numero librorum, ex quibus Veteris Teſtamenti codex quarto ſeculo compactus fuerit, p. 65;

p. 65 erudite commentatur. Pag. 67 allegat Photii Historiam Manichæorum nondum editam, quam secum communicatam dicit, & orbi erudito propediem datum iri sperat, a V. C. Jo. Frider. Winklero, Hamburgensi. De ordine librorum Novi Testamenti, deque Jacobi & Judæ Epistolis, ac secunda Petri, una cum secunda & tertia Johannis, a Cyri lo iis libris annumeratis, quos veteres Ecclesiæ Doctores ac Episcopi tanquam sacros posteris tradiderint, curiosa sunt, quæ p. 67 annotat. De Archelao ejusque disputatione cum Manete p. 95; de verbis, *γινώσκει τετραεπίστατοι δόκμοι*, an pro Scripturæ dicto habendis? p. 101; de conjugio olim haud interdicto, p. 161; de domo Caiphæ, quam summorum Pontificum palatium fuisse existimat, p. 185; de Hebraico Matthæi Evangelio, a Patrum non unis approbato, p. 195; de Jacobo, Domini fratre, p. 199; de Hæreticis quibusdam, se pro Christo venditantibus, p. 207; de signo Filii hominis, ad illustrandum locum Matth. XXIV, 30, p. 216 erudita lemmata accumulât. Tacemus, quæ affert de proportionæ numeri angelorum ad hominum numerum, p. 218; de vigiliis Paschatis & Pentecostes, in ordinaria baptismi tempora olim electis, p. 277; de baptisteriis veterum, p. 278; de renuntiatione Satanæ in Baptismo facta, p. 279; de Catechumenis oleo quodam sacro ante Baptismum inunctis, p. 285; de more baptizandos ter in aquam immergendi antiquissimo, p. 286, atque alia.

Quod superest, Veterum de Cyrillo Hierosolymitano ejusque scriptis testimonia operibus illius præmisit, doctorum vero Virorum, *Roberti Coci*, *Andrea Riveri*, ac *Edmundi Albertini* judicia iisdem subnexuit; & ut ne quidpiam deesset, Indices locupletissimos Locorum Scripturæ, Auctorum & Rerum superaddidit.

HISTOIRE CRITIQUE DES DOGMES ET DES Cultes &c.

h. c.

HISTORIA CRITICA DOGMATUM ET CULTUUM bonorum malorumque, in Ecclesia ab Adamo usque ad Christi sum receptorum, Autore PETRO JURIEN.

B

Amste-

Amstelæd. apud Franc. L' Honoré & Socios, 1704. 4. ch. maj.

Constat Alph. 4. plag. 15.

VEræ religionis & divinitus institutæ dogmata & cultus, in parte I & II, quas mense superioris anni Novembri pag. 481 seqq. prolixè recensuimus, ubi expendisset Clarissimus Autor, historiam apostasiæ in sequentibus duabus partibus persequitur; in quibus, occasione cultuum dogmatumque depravatorum, quorum in sacris monumentis mentio, omnem Orientalium Theologiam, & derivatas inde Græcorum Romanorumque superstitiones explicat. Non deterri se ab isto labore debere judicavit magnorum Virorum, Seldeni Vossique, de illo argumento scriptis, cum & defectus eorum & *παρορματα* quædam fuerint corrigenda, & tam copiosa novarum conjecturarum messis in eo se obtulerit, ut novum plane studium hic collocatum videri queat. In diversos vero tractatus abeunt tertia ista pars atque quarta, quorum primus, parti tertiæ liminis quasi loco inserviens, de ipsâ idololatria, Gentiliumque Theologia, agit in genere. Ubi primo de nomine idoli & idololatriæ varia. Vocem *εἰδῶλῶν* diminutivam esse, contra Ragnoldum defendit, sed diminutionis significatum obtinere non habita molis extensionisque ratione, sed perfectionis veritatis internæ respectu, ut quæ *formam minus perfectam* significet, & pro externa, apparente, picta, non vera specie, (cum *εἶδος* internam formam atque essentialem notet,) usurpetur. In voce vero idololatriæ *εἰδῶλῶν* quantum rem, cui divini honores proterva impietate tribuuntur, significare. Origines idololatriam, quæ Cyrilli Alexandrini quoque sententia fuit, post diluvium demum habuisse, eique occasionem dedisse communem hominum in calamitatibus magnis indolem, quæ in extrema fere prolabantur præcipites. Scilicet fœvera Dei in Atheismum antediluvianum animadversione, mortalium mentes extematas, in contrarium superstitionis & idololatriæ vitium proruisse. In eo vero Cyrillum aberrare, quod Belum primum idolum fuisse arbitretur, cum, quod multis veterum locis monstratur, ab astrorum cultu haud dubie idololatriam initia cepit. Stolidissimam vero esse Theologiam Gentilium, quæ vastissimum Deorum numerum, eosque horrendissimorum criminum reos, immortales, & aliorum tamen hominum more genitos sistat, eosque cultibus

P. III. Tr. I.
c. I.

c. II.

c. III.

tibus impuris & abominandis honorare doceat. Ipsos puduisse Gentiles istius furoris, qui in inventa in Theologiam *μυθικήν, Φυσικήν & πολιτικήν* distinctiōe, infucare fuerint conati; quem doctē tamen abstergat fucum Augustinus de C. D. L. I. c. 7. 8. Nec excusari eam posse eo, quod symbolice res naturales earumque genesin repræsentet, cum multa in ea sint, quæ plane respuant symboliceum illum sensum: nec eo denique, quod ista Deorum multitudinē plurā unius Dei, quem agnoverint omnes, repræsententur attributa; namque & paucissimos fuisse ita sentientes, & ipsos eos, qui ita sentire volunt videri, astra tamen in numero Deorum habere, & Numina cetera adorare, & in plurali numero de Diis loqui. Vastum illum Deorum numerum in varias classes divisisse varios. Ex illis memorat divisionem Clementis Alexandrini in classes VII; Servii in *animales & naturales*, quam optimam Autor censet, omniæque Gentilium Numina vel hominem, vel rem naturalem significare, & utrumque simul notare aliquando existimat; Jamblichi porro in octo ordines Deorum distinctiōem; Romanorum in *majorum & minorum gentium* Deos, quorum illi & *Electi* dicebantur & *Consentes*, suoque numero *Deos Samothracas & Cabiros* complectebantur. Cum *Samothracibus* eosdem fuisse *Penates* Deos Urbis & Imperii Romani, idque probare tum hoc, quod Trojanorum, a quibus orti Romani, Diī fuerint *Samothracas*, tum quod eam habitā eorum nomina fuerint: hoc enim ex *Samothracum* disciplina esse, non vero inde, ut ne evocari possent ex urbibus, quod fieri potuisse, ut ut ignotum esset nomen Deorum *Penatium*, ex Macrobio constat. Hancque de *Penatibus & Samothracibus* Diis sententiam Varronis quoque fuisse. *Penates* illos Castorem & Pollucem, quod ex Dionysio duas statuas Deorum Trojanorum militari habitu describente, cum inscriptione *Δεωτες*, colligant nonnulli, esse haud potuisse, cum juniores sint Castor & Pollux Diis Trojanorum *Samothracibus*, probabileque sit, magis Diis *Samothracibus*, primi ordinis Numinibus, quam Castori & Polluci, *Herobus*, Imperii sui tutelam commisisse Romanos. Probabilissimum esse, eos fuisse Jovem, Junonem & Minervam; illos enim esse *magnos Deos* apud Macrobiū, quod nomen Cassius Hemina *Penatibus* quoque dederit. Cum *Penatibus publicis familiarum Penates* h. e. *Lares*

c. IV,

- c. V. & Deos *Viales* confundendos non esse. Speciem Penatum esse Deos *Indigetes*, in quorum tutela erant certæ regiones, illis tamen aliquanto inferiores, inque iis fuisse *Curetes*, qui cum *Corybantibus* & *Dactylis Idaeis* sint iidem. Nomen eorum esse conjugatum vocis *indigena*, Deumque patrium notare, quod mirum viros doctos non vidisse. Infimum Deorum genus *Lares* Deosque *Manes* esse, & *Genios*, de quibus in primis ex Apulejo de Deo Socratis, & Jamblichio de Mysteriis agit. Porro cum omnis apostasia & idololatria Israelitarum, ex Phœnicum seu Chananæorum Ægyptiorumque Theologia, suas repetat origines, dilata in alium locum de horum superstitionibus dissertatione, hic quidem Phœnicæ Theologia ex Sanchoniathone exhibet compendium, & ingeniose ostendit historiam Mosaicam in iis, quæ de originibus rerum commentatus Sanchoniathon fuit, vestigia. Quæ inter alia ille de *adoratis* a primis hominibus *plantis* dicit, ex male acceptis illis, quæ habet Moses de Adamo, quæ in Paradiso constituerit Deus לעברה, esse putat: vocem enim Ebræam *culturam terra* pariter, ac *cultum religiosum* notare. Creationem hominis apud eundem ita exponit, *ventum Colopia* esse כִּלְ קִי רִיחַ *Spiritus vocis oris Dei*, i. e. omnipotentis verbum, vel ut Davides loquitur, *Spiritus oris Dei*, qui ex matre sua באוּ כִּרְוִי h. e. materia rudi, genuerit *Proterogonum* בכור i. e. primum hominem, & אִיֶּזְבָּה i. e. uxorem ejus, cujus nomen sit ex mala interpretatione vocis עלמָה quæ *virginem* notet, & sit feminina forma עֵלְמָה quod אִיֶּזְבָּה *seculum* significet. *Usonum* Cainum, *Hypsuranium* Abelem fuisse putat, sic dictum, quod Deo coelorum esset acceptus. Quis sit ἡνίοχος αὐτοχθόνων, quem Adamum statuit esse Bochartus, se quidem ignorare, sed & in cæteris multum perturbatam hanc Sanchoniathonis historiam se invenire. De *Agrote* Deo obscura omnia. Per simulacrum vero huius adeo venerabile arcam Moysi, & per templum a bobus bajulari solitum, tabernaculum facile intelligi: nam pro Levitis boves ab Autore monstroriarum adeo fabularum pleno substitui, non esse mirandum. *Schaddai* eum inter Titanas referre, quod Deastris omnibus bellum intulerit verus Deus. Eum Phœnices Θεὸς μέγιστος *Deum maximum* appellare, quod dicit Sanchoniathon, id spectare ad Palæstinos, qui ejus excellentiam in templo Dagon experti fuerint. Eo etiam pertinere nomen *Misfer*, quod *dimissum* notet, quia arca a Palæstinis fuerit dimissa.
- c. VI.

fa. *Taanum* Mosen esse: *Sydyk Melchisedecum*, ut alibi monstratum. Ex istis Phœniciis vero Græcos omnes fabulas suas & Theogonias derivasse, pro sua fingendi licentia, innumeris rebus sive additis sive mutatis: quod in sequenti tractatione universa passim uberius ostenditur. Hisce vero generalibus de idololatria, succedit specialior de Syrorum & Hebræorum idololatria tractatio. Hic perlustrantur ante omnia Scripturæ loca, in quibus *Teraphim* mentio. Hinc reiectis Eliezeris, Mosi Nachmanidæ & Bechai, Salomonis Jarchii & Aben-Esra, Moncaï & Gaffarelli, Spencerique de *Teraphim* sententiis: ipse quidem tanquam certissimum supponit, figuram humanam eos habuisse, quod patere putat ex historia Davidis, in cuius lecto *Teraphim* collocavit Michal, ut ipsius præsentis præberent speciem. Hoc vero etiam certum esse, instrumenta magica illos fuisse, ad indagandas res vel futuras vel alias obicuras: non fuisse tamen magiæ instrumenta eos in prima sua origine. Vix enim probabile esse, vel Jacobum, probatæ pietatis virum, in domo Labanis fuisse tam diu commoraturum, si magicis huiusmodi abominationibus cum *Teraphim*, quos ibi fuisse constat, peragendis, quotidie illa fuisset conspurcata; vel Rachelem horrendæ istius impietatis instrumenta fuisse asportaturam: fuisse ergo eos nil aliud initio, quam imagines, in quibus colere Deos suos solerent Gentiles. Imagines autem non fuisse magnorum istorum Deorum, *Baalis*, *Astartes*, *Molochi* & aliorum, sidera cœli representantium; hos enim humana forma, qualis *Teraphim* extiterint, cultos a Syris nunquam fuisse: homines itaque representasse eos, in numerum Deorum relos, ipsosque adeo Latinorum *Lares* familiarum tutelæ præfectos. Et certe privatos, non publicos hos fuisse Deos, probare id primum, quod solus Laban, non omnis illa gens, eorum ablatione fuerit commotus. Ipsum porro probare nominis etymologiam, quæ a *רפא* *sanare* descendat, ut *Deos* adeo *servatores hospitalesque* *רפאים* significant, unde & Græca vox *ἑγανευτις* originem habeat. Imo porro, ut Latinorum *Lares* compitis quoque præerant, *Viales Dii* inde nominati, sic *Teraphim* quoque manifeste id tribui Ezechielis 21. Hoc porro, istis evictis, quod Servius *Lares* dicit esse *animales Deos*, hæc armas consecratas, ad originem *Teraphim* primam nos deducere. *Lares* enim fuisse animas progenitorum, illustriumque in

Tr. II.
c. I.
c. II.
c. III.

c. IV.

familia virorum : tales ergo *Teraphim* fuisse, qui Noam forte Semumque representaverint. Duos nempe fuisse, Autori probabile ; quod plures uno prodar oratio Labanis Deos illos appellantis, duobus vero plures non fuisse, Rachelis occultatio indicet. Hincque esse, quod Ovidius *duos Lares* faciat, *Larunda* genitos, quorum numerum multiplicaverit superstitiosa credulitas. Hinc parere, unde Michal in domo Davidis *Teraphim* nacta sit, a quo scilicet, ut & ab aliis Israelitis, majorum imagines, procul amandata superstitione, assevari potuerint. Has majorum imagines primum in honorem tantum majorum assevatas, inde adoratas, & ut nunquam subsistit superstitio, ita interrogatas postremo de rebus obscuris fuisse : dignumque notatu, quod in Scripturis, quoties magiæ species recensentur, nulla sit *Teraphim* mentio ; ubi vero interrogatio mortuorum commemoretur, versaque vice de hac nihil invenitur, ibi de *Teraphim* dictum ; argumento luculento, *Teraphim* cultum, & interrogationem mortuorum, pro eadem re haberi. Formam cultus illam fuisse, ut *κνωτάφια* in ædium recessibus construerent, quorum extremitatibus adderent imagines majorum, speciemque adeo illa habuisse arce Mosis : atque inde evocasse Manes homines male credulos, cujus superstitionis vestigia passim apud Gentiles ; sic enim Andromacham apud Virgilium Hectoris Manes ad sepulcrum ejus evocare : inde oracula prodississe, sicut ex arce medio. Hinc clarum esse, cur LXX Senes in historia Michal *Teraphim* verterint *κνωτάφια*. & cur iidem in Josue, falsos cultus destruentis, historia voci *Σεραφίμ* vocem *Σελητὰς* addiderint, qui sint incantatores Manes evocantes. Patere item, cur Oseas dicat, Israel *nec Ephod, nec Teraphim* per plures dies habiturum. *Ephod* nempe significare *Urim & Thumim* : *Teraphim* vero arcam, cum impositis *Cberubim*, inter quos oracula ex arca prodibant, speciem *Teraphim*, ut modo monitum, ferentem. Atque adeo minime quidem eosdem esse *Teraphim* & *Cberubim*, quod Monæzo, Spencero, Gassarello visum : illos enim humanam speciem, hos quatuor Ezechielis animalia representasse. *Teraphim* tamen apud idololatrias locum tenuisse eum, quem *Cherubim* in sanctuario. Utut vero *Teraphim* antiquiores fuerint arca, tamen istam formam cultus modo descriptam, exemplum *κακοζηλία* diabolica ab arca accipiente, invaluisse demum, cum antiquioribus ;

bus temporibus nudæ imagines fuerint *Teraphim*. Loci libri Judicum, ubi *Teraphim* Michæ mentio, hunc sensum esse, quod duas imagines, alteram ex ære conflatam, alteram cælo elaboratam, sibi confici curaverint, indeque oraculum *Teraphim* composuerit, (his nempe cenotaphio impositis) cui filium suum præfecerit sacerdotem. Deo autem vero hunc cultum Micham instituisse, sanctificari *Teraphim* posse eorumque cultum credentem, si Deo eos dedicaret; quæ fuerit Israelitarum quorundam illius temporis superstitio, idololatriæ cultus, modo ad Deum referantur, nihil mali habere existimantium. Probabile autem non esse, oracula ipsas istas statuas edidisse, quod visum Bellarmino; nam rarissima esse statuarum loquentium exempla, prætereaque cum nihil aliud quam Manium evocatio fuerit *Teraphim* consultatio, verosimilius esse, vel speciem et terra loquentis edidisse Diabolum, vel excitasse ipsam consultoris phantasiam ad oracula huiusmodi proferenda. Aliam *Necromantia* speciem apud Syros fuisse eam, quæ Hebraica voce **בין** designatur, quæ male *Spiritus Pythonis* reddant interpretes, hoc vero obfessos ex ventre loqui credant, pro iisdemque habeant eum *ἰγγασεύς* & *ἰγγασεύς*, Nam hoc falsum primum esse, quod idem sit *Spiritus habens Pythonis* & *ἰγγασεύς*, patere ex historia ancillæ Act. XVI, quam *Pythonem* habuisse constat, non tamen ex ventre edidisse vocem murmurantem: ut probabile sit, *Pythonis Spiritum* nihil aliud esse, quam spiritum divinationis, qui *ἀπὸ τοῦ πυθάρου*, *Python* & *Pythius*, quod erat Apollinis cognomen, fuerit appellatus: atque id quidem fieri potuisse, ut *ventriloquus* haberet *Spiritus Pythonis*, omnem vero *Pythonis Spiritu* actum *ventriloquum* hand fuisse. Deinde magis falsum etiam esse, quod **בעלי בין** iidem sint cum *Pythonis Spiritu prædictis* vel *ventriloquis*. Hos enim proprie *Necromantas* fuisse carmine Manes evocantes, eosque in magno vase aqua pleno representantes, accedente voce, quæ ex terræ visceribus prodire videretur. Nempe **בין** apud Hebræos significare *ras* huiusmodi *profundum*, nec alias istam speciem magiæ esse ignotam, quæ Græcis *λεκανοματεία* vocetur. Eam exercitam fuisse a quodam Mago in loco quodam, ubi ipse Autor tum commorabatur, doctus ea de re a testibus *αὐτόπταις*, Magum illum vitro aquæ pleno pecuniam tandem injicere iussisse, donec convexam superius figuram acciperet, tum in aqua apparuisse desideratam

c. V.

deratam imaginem. Specula frequentius adhibere magos his nostris temporibus, ejusque rei exemplum allegat ex Historia Henrici VII R. Angliæ, idque luculenter magis in quadam ad illustrem Cuperum epistola exponit, ex *Sigismundo Freibergero* in Germania Perturbata & Restaurata, *Christoph. Pelleri* in Politico Scelerato impugnato, atque aliunde, etsi circumstantiis paulum variatis, notissimum. Qua occasione illustris Cuperus, in quadam ad Autorem epistola, aliud vaticinium commemorat Angliæ itidem res spectans, quod ante sex hos annos in Bibliotheca Jesuitarum Leodiensi, quo Roma allatum fuisse dicebatur, se vidisse ait, ad imitationem prioris haud dubie a quodam Religioni Romanæ addicto, ut illud a Protestante quocunque confectum. Cæterum Reverendus Autor noster suam de **וה** sententiam ex historia Sagæ Endorensis firmat, cui Saulus dixerit, *divina mihi per וה & fac ascendat, quem tibi dicam*: unde manifestum, ventriloquam eam non fuisse, ut quarum non sit evocare Manes; divinationem vero per **וה** commodissime intelligi eam, quæ fiat per vas aquis repletum, cui sententiæ fa-
veat domicilium Sagæ **עֵינֵי דָּר עֵדֹר**, i. e. *fons perennis*; puras enim aquas Diabolum in hujusmodi ritibus affectasse. Vocem vero comitari solitam esse Diabolicas hujusmodi nugas, locum Esaiæ XXIX, 4. & VIII, 19 luculenter firmare. Quod autem LXX senes **וה** *εγγασφιμύθως* passim vocent, causam esse, quod hoc nomine omnes magi, vocem obscuram & murmur obtusum producentes, fuerint appellati: id quod inde pateat, quod ipsi illi Senes vocem **וה**, quam *εγγασφιμύθως* vertunt alibi, Es. VIII, 19 *Φωνήες* *ἐκ τῆς γῆς*, ex terra vocem edentes, fuerint interpretati, cui loco accedunt non dissimilia Esaiæ XIV, 3, & XXIX. 4. Atque hæc de Syrorum & Ebræorum idololatricis superstitionibus, in ipsis originibus suis spectatis. Succedit inde de originibus simulacrorum tractatio, quæ idololatria ætate censet esse posteriora. Primo enim Deos naturales animalesve esse adoratos, paulo post etiam inventum fuisse modum, cultorum cogitationes per objecta hujusmodi sensibus obnoxia, atque in templis conspicua, excitandi. Probat hoc inde quod Persæ, Chaldæi, Ægyptii, idololatriæ inventores, nullas habuerint primis temporibus imagines, id quod etiam de Phœniciis Græcisque, Platonis & Porphyrii testimonio probet Eusebius

Eusebius Præpar. I, 9, de Romanis, Germanis, aliisque populis evincant alia vetera monumenta. Inventas vero statuas & simulacra in Chaldæa primum fuisse, Nimrod temporibus, quæ etiam sit Cyrelli sententia, indeque esse Labanis *Teraphim*: hunc porro cum coloniis in cæteris orbis partes esse derivatas. Eas initio non adorationis, sed memoriæ causa factas esse, coepisseque adeo illam per simulacra idololatriam in simulacris hominum, non cœlestium corporum, quæ ipsa primum fuerint adorata sine imagine. Inde vero successu temporis evenisse, ut degenerantibus in cultum Divinum mortuorum honoribus, antiquis suis Diis, astris, mortuorum jam in Deos conversorum nomina tribuerint, Baalis, Astartes &c. sicque imagines consecraverint astris hominibusque defunctis communnes. Præterea phantasie excitandæ commodissimum deprehendentes, ob oculos habere imaginem; si non simulacra, emblemata saltem Deorum cœlestium conficere homines instituisse, indeque natas boum, ovium cæterorumque animantium formas, mistasque imprimis illas ex variis corporum formis figuras, emblematicæ omnes Solem et astra representantes. Privatum primo, non publicum, istum cultum fuisse. In Chaldæa enim primis temporibus Solis tantum ignisque cultum publice fuisse receptum, qui & postea diu reliquis cultibus omnibus prævaluerit; quod ex Chaldææ Persicæque religionis cognatione, et loco Ruffini in libro II Hist. Eccles. probatur. Invaluisse autem statuas publice una cum templis, quæ a sepulcris habeant origines, quod testentur Patres ubique: nata vero templa ex sacellis, in quibus privatim primo in ædium penetralibus asservabantur majorum reliquiæ & imagines, luxu paulatim loca magis ampla magisque exornata quærente. Materiam simplicissimam fuisse primo terram coctam; sic fictilem Jovis Capitolini statuem a Varrone commemorari: inde lignum, metalla postea, argentumque & aurum. Artem initio fuisse in iis rudem, unde *caudicaria Numina* Tertulliano appellentur. Opiniones de hisce simulacris suis diversas omnino fuisse diversos. Eos, qui optime adhuc saperent, non pro ipsis Diis, sed representationibus memoriam Deorum provocantibus, ea habuisse. Sic Varronem sensisse, sic Senecam, sic Maximum Tyrium, sic ipsum Platonem, Celsumque & Dionem Chrysostomum, eamque sententiam in Gentilibus agnoscere & confutare

c. III.

C

Ar.

c. IV.

Amobium, Origenem & Augustinum cum cæteris : adeoque verum esse, quosdam ita sensisse, ut ne quidem *Φύσις* Deorum imaginibus istis representari, sed symbolice virtutes indicari crediderint. Alios tamen longius progressos, consecratione hæc imaginibus conciliari ipsorum Deorum personalem, ut ita loquamur, præsentiam credidisse, ut adeo non statuas, sed Deum in statu is præsentem coluerint, hancque sententiam Amobium L. 6, p. 103, & Lactantium Institut. II, 2. confutare; ut alia taceamus eruditis notissima, quibus ea illustratur. Atque hanc certe eandem esse Pontificiorum de suis imaginibus opinionem, quibus peculiari modo præsidere credant eum, cui imago est dedicata, virtutemque insignem in illis diffundere, ex qua affricu participent alia corpora, ut sacras peregrinationes proinde ad eas instituere, variisque eas superstitionibus colere, sit operæ pretium : quæ omnia certe credentes atque patrans, intentatum sibi idololatricæ crimen non facile valeant deprecari. Sed & tertiam esse de huiusmodi simulacris sententiam, quam ex Mercurio Trismegisto proponat Augustinus de C. D. VIII, 23. Nempe Deum consecratione evocatum, in simulacrum ceu corpus, animæ ad instar immigrare, unumque cum eo totum componere, homini simile ex anima & corpore constanti. Quartam denique opinionem esse hominum plane stupidorum, qui ipsa simulacra, ut sensibus eorum patebant, Deos arbitrabantur. Quibus ita positis, temeritatis facile revinci Bellarminum, qui nullam aliam Gentilium de statu is suis, quam postremam istam agnoscat sententiam, contra quem Calvinii argumenta, reliquas quoque species idololatricæ adstruentis, diligenter a Cl. Autore vindicantur. Denique cum inter simulacra celebratissimum sit Israelitarum vitulus aureus in deserto conflatus, peculiaris ipsi opera impenditur. Ubi primo figmenta, quibus Judæi horrendum illud crimen excusant, adducuntur. Inde de figura huius idoli disquiritur, moneturque, dubiam eam reddere varia nomina, dum modo *אֵפֶסֶת* vitulus, modo *אֵפֶסֶת* taurus, modo *אֵפֶסֶת* caput bubulum, quod nomen apud Patres frequens, vocetur. Pro tauri figura pugnat Noster, quod Ægyptiis moribus, apud quos plures boves fuerint adorati, sit convenientissima; nec repugnare putat Ebr. *אֵפֶסֶת* quod bovem æque ac Latinorum *vicula vaccam* notare potest, imo & caput bubulum idem quod bovem notare, bonorum scriptorum

c. V.

c. VI.

c. I.

autoritate. Causam hujus figuræ contra Monæum cum plerisque Viris doctis defendit esse, quod in Ægypto illi fuissent assuefacti, quod ex Jos. XXIV, 14. Ezech. XXIX, 16. XXIII. 3. Act. VII, Eusebio item & Laëtantio pateat. Inde, quæ animalia coluerint Ægyptii, ostendit, errareque illos, qui Ægyptios & lanam averlatos esse omnino statuunt, & animalium esum, quod Herodotus, sibi ipsi tamen hic contradicens, affirmet. Nempe boves & mactare, & edere, & sacrificare liquisse coloris ejus, qui fuerit Typhonis, Deorum Ægyptiorum hostis jurati, id est rufos. Inter Boves, qui in honore erant & adorabantur, eminuisse *Apin* & *Mnevin*, de quibus diligenter Melæ, Plinii, Herodoti, Eliani, Ammiani, Plutarchi allegantur loca, ut qui omnia eo spectantia tradiderint. Peculiaria illa & hodie in nullo bove facile obvia signa, quæ requirebantur in *Api*, magicis incantamentis, quæ Augustini quoque fuerit sententia, deberi. Causis cultus prima facie tam absurdi ab aliis allatis rejectis, veram esse eam, quod his animalibus symbolice Dii eorumque virtutes repræsentarentur, quodque adeo idem esset eorum, quod apud ceteras gentes statuarum officium; cui rei firmandæ oppido illustria Herodoti in Euterpe p. 128, Clementis Alex. e Protreptico, & Plutarchi de Iside & Osiride c. 38, 39 & 40 loca adducuntur. Hinc contra Pontificios rursus corollare conficit, qui non in symbolis tantum panis & vini Christum, sed & in imaginibus Sanctos adorent, quæ tamen repræsentationi rei alicujus Divinæ, minus quam animantia, vita & spiritu vigentia, idonea existant. Utque huic consecratio plus roboris accedat, fusius probatur, non pro ipsis Diis, sed repræsentationibus Deorum animantia illa ab Ægyptiis fuisse habita. Inde *Apin* minime fuisse consecratum Græcorum Epapho; multo minus *Serapin* & *Apin* esse eundem, & Josephum Patriarcham designare, ad quem proinde omnis iste tauri, quem *Apin* vocant, spectet cultus, quod doctissimo Vossio verosimile visum, ostenditur. Esse vero *Apin* Isidis Deæ symbolum, *Mnevin* Osiridis, quibus nominibus cum, juxta antea præstructa, junctim naturales Dii & animales, h. e. & astra, & homines præclare de humano genere meriti, designentur, in Isidem & Osiridem paulo penitius inquiritur, ut hac ratione ad eos spectare symbola Apidis & Mnevis intelligantur. Osiridem itaque ex Deorum naturalium classe so-

c. II.

c. III.

c. IV.

c. V.

c. VI.

c. VII.

lem esse, quod ex Plutarcho inprimis, Macrobio & Diodoro ostenditur: Isidem *Naturam universalem*, utcumque aliter alius videatur. Probatum hoc, quoniam in gemino hoc Numine, per universam Ægyptum, quod nulli alii Deo Deææ contigit, culto, hæc dubie principia omnis generationis venerari Ægyptii voluerint, inter quæ non *Luna*, bene tamen *Natura universalis* locum obtineat, quæ matris ad instar se habeat, *Sole* patris vices gerente. Porro inde etiam, quod Isidi primas in cultu suo sacrisque religionibus deferant in omnibus Ægyptii, ipsi quoque Osiridi eam anteferentes, quod in *Lunam* certe non competat, vel aliam quamcunque ex naturalibus rebus. Argumentum quoque ipsum nomen *Isidis* suppeditare, quod *antiquitatem* Diodoro teste notet; hoc vero in *Naturam universalem* optime quadrare videri, quam Gentiles omnes æternam crediderint. Sed melius adhuc rem evincere veras nominis rationes, ex lingua Hebræo-Chaldæa, cum ab istis gentibus omnium religionum repetenda veniant initia, derivandas. Esse itaque *Isis* nil aliud quam *ישרה* *Ipsa est*, vel *יש יש* *Est est*. Indequè simul patere originem verbi *is, is*, Apollinis Delphici templo inscripti. Nempe esse illud ipsissimum *Isidis* nomen, cujus commentarium habeat inscriptio ad pedes Isidis, in urbe Sais Minervæ nomine cultæ, insculpta apud Plutarchum: *Ego sum omne quod fuit, quod est, quodque futurum est*; cui oppido conveniat cum inscriptione Capuensi, in qua est: *Te tibi iura, quæ es omnia Isis*. Hancque veram esse nominis *Jebozab* interpretationem, quod *Natura universali* tribuerint Ægyptii, mania, quæ postea Spinofam aliosque profanos homines invasit, jam occupati. Sed & quartum argumentum pro hac sententia omnia Isidis simulacra suppeditare, atque illud inprimis, quod in explicatione geminæ Augustæ Illustris Cuperus exhibuit p. 252. In eo *urrin capiti impositam* terram, *duas cannas*, quarum radices tridentem representent, mare, *flammas* ex cavitatibus cannarum prodeuntes aerem & ignem notare. Præterea *turrim in capite*, Cybeles quoque Cereisque esse signum, itemque *mammarum*, vim alendi notantium, multitudinem; Isidem enim, Cererem, Vestam, Cybelem, Matrem Deorum, nil aliud esse, quam diversa Numinis ejusdem nomina. Illius rei si Illustris Cuperus in mentem venisset, miraturum non fuisset, inter Boissardi imagines Isidis inveniri figuras mul-

EIM 176

immammias, cum inscriptione *Φύσις παναίολος*, *Natura universalis*. Nec obscurum ipsi futurum fuisse *κεντροφόρος* epitheton, quod Vestæ Eusebius tribuit. Ideo nempe hoc fieri, quod Vestā, Cybele, Ceres, quæ cum Iside sint eadem, *Naturam universalem, eam que in centro mundi*, utpote in principali parte sua *residentem*, significent. Huic Doctissimi Autoris conjecturæ ingenii laudem concessit, soliditatem in dubium vocavit, in quadam ad eum Epistola, Illustris Cuperus. Si enim in centro resideat, eoque contineatur *Natura universalis*, quæ est Autoris nostri sententia, non posse eam dici *κεντροφόρον*, quod significat *centrigeram* vel *centrifera*cem. Vocem itaque *κεντροφόρον* significare aliquid, quod *Φύσις*, *Natura*, terra vel *Vestā* producat; quemadmodum *χλοηφόρος* & *καρποφόρος* etiam dicatur, inde quod *ferat* vel *producat herbas & fructus*; atque alia quoque diversa a variis rebus, quas producit vel efficit, nanciscatur nomina, *τεοφῶς* scilicet *alticis*, *πέτροποις petrificis* &c. Nihil itaque convenientius videri, quam labem esse in voce *κεντροφόρος*, & pro ea apud Eusebium legendum *δενδροφόρος*, *arborum ferax*: indeque simul patere, cur etiam *παρθένης* dicatur eodem loco, quoniam scilicet *Terre virgo*, h. e. *quæ non sensit aratrum*, vel in *cujus viscera querendorum metallorum gratia nondum descendit quisquam*, arbores protulerit: vel quoniam cum arboribus virgines comparari solent. Nomen denique *ἑσίας*, apud eundem Eusebium, ad firmam terre stabilitatem pertinere videri. Et istam vocis quidem *κεντροφόρος* emendationem atque explicationem, facile Autor noster in responsorio ad Cuperum admisit: inque observatis ab eo, confirmationem se invenire eorum, quæ de eodem Isidis, Vestæ, Ceres, Cybeles, Matris Deorum Numine, antea affirmaverat, existimavit: imo & *Venerem* Syriam, quæ *Urania* Græcis audit, *Naturam universalem* notare, & cæteris unius rei nominibus diversis addendam esse putavit. Hinc vero omnino rationem reddi posse animadvertit diversorum attributorum soli huic Dææ adscriptorum: quæ & tot celebretur nominibus, diversas Naturæ universalis partes respicientibus. *Vestam* appellari, quod *ignis* ejus sit pars, *calore* suo principium generationibus rerum largiens, idque diserte Ovidium in Faëtorum VI. indicare. *Θέμιν* & *χρησµωδον* vocari ob spiritum æther-

num & immenſum, Univerſi molem penetrantem, eam moderantem, omniaque cognofcentem: *σπειματικὸν λόγον*, quod principium omnium rerum eſſet; *τρεφόν*, quod aleret omnia. Sic *κεντροφόρον* etiam eam dici poſſe, non quod *ferat centrum*, a quo potius *feratur*, ſed quod ſit *κεντρώσα* centri, illique præſit: quamvis tamen omnino inhaerendum ſit Cuperi emendationi, modo obſervetur, vim *δενδροφόρον* & *χλοηφόρον* eſſe virtutes *φύσεως πανούλης*, *Natura univerſalis*. Hanc namque, ſicuti *ἑστία Veſta*, *fecus*, *vivā flamma* appellatur, in reſpectu ad cœlos, ubi reſidet pura illa flamma; *δενδροφόρον* quoque vocari & *χλοηφόρον* in reſpectu ad terram, *herbarum arborumque feracem*. Poetas vero, quando in terra *Veſta* nomen quæſivere, cauſam eam habuiſſe, quod terræ, emolumentorum ſuorum cauſæ, maxime inhaerint, quæ pars tamen *Natura univerſa* exiſtat. *Παρθένη Virginis* nomen, *Natura univerſa* adſcriptum, optime Cuperum explicuiſſe. Sed ut ad ſilum tractationis Autoris noſtri redeamus, quintum argumentum ejus rei, quod Iſis ſit *Natura univerſa*, ſuppeditant ſymbola Iſidis, inter quæ maxime emineat ipſe *Apis*. Hunc enim ad Iſidem pertinuſſe, non Oſiridem, hinc colligit, quod in maxima veneratione *Apis* fuerit; ſymbolum autem præ ceteris venerabile, ad Numen haut dubie pertinuiſſe, cupis ſumma in Ægypto religio; hoc autem Iſidem fuiſſe. Præterea conſentire omnes, *Mucvín* bovem, ſymbolum Solis, fuiſſe Heliopoli adoratum: verosimile igitur haut eſſe, duos boves Oſiridi vel *Soli*, nullum Iſidi fuiſſe conſecratum. In *Apide* itaque omnes eſſe *Natura univerſa* characteres: *marem* illum eſſe, ad maſculam ejus vim ſignificandam; nomen *Apis* *ἰβν* parentem ſignificare; *alendis hominibus* plurimum bovem, præcipuum culturæ terræ instrumentum, conferre: *τιθήνην* vero atque *αλτρίcem* eſſe *Naturam*. Signa totius Naturæ impreſſa huic bovi fuiſſe, *Lunam* in dextro atere, *aquilam* Jovis alitem, ſymbolum cœli, in dorſo, *ſcarabeum* in lingua Solis ænigma. Omnes vero conjecturas illas tantum accendere luminis celebri Amoſi Prophetæ loco: *portuſhis tabernaculum Regis veſtri, Kijun, imagines veſtras, & ſidus Deorum veſtrorum, quos vobis feciſtis*, ut ille novum vi-ciſſim robur addat ſententiæ illi, quod Iſis *Natura ſit univerſa*. Prophetam nempe delineare idololatriam in deſerto. *Apin* enim

Rc

Regem haut dubie fuisse religionis Ægyptiæ; *Kijun* esse Numen, cui ille sacer erat: id autem esse *Naturam universam*: כִּיּוֹן *kejono* enim Syris esse *genium Naturæ*, a quo diversum non sit *Kijun*, nisi terminatione Chaldæo-Syri. Nec male hic sentire Judæos, qui *Kijun* velint esse *Saturnum*: illum enim esse *genium Naturæ universæ*, totam naturam comprehendere, omnem felicitatem donare, perficere omnia, ut diserte Lib. I Dionysius Halic. testetur. Genium vero naturæ esse ἀρρενὸς ἡλυν, utroque sexu potentem, quod nomen & *Isidis* hæreat, cumque adeo a sexum masculinum maxime spectantibus *Saturnum*, a cæteris *Isidem* vocari. Verba vero Prophetæ, & *Sidus vestrorum Deorum*, eo pertinere, quod *Apis* non unam solam particularem Divinitatem, sed Naturam referat, quæ omnia complectatur sidera; unde & Stephanus Act. VII dixerit, exercitum cali Israelitas adorasse. Sic investigatis, quos *Isis* referebat & *Osiris*, quorum symbolicae imagines erant *Apis* & *Mnevis*, Diis naturalibus, Typhonem esse quodcunque generationibus rerum adversum principium docet, atque sic ad investigandos, qui latent sub *Isidis* *Osindisve* nomine, Deos animales, Reges scilicet & Viros illustres progreditur. Principes vero inter Deos animales, Patriarchas nationum haut dubie fuisse, dicit, & quidem in ista Theologia Ægyptiaca, Noë, Chami & Mitsraimi esse vestigia; Noë in primis, quem multa in *Apide*, fabulaque *Isidis* & *Osiridis*, referre videantur, nunc brevitate causa prætereunda. Mosē sub Typhonis nomine latere. Ruffum enim fuisse Typhonem: Mosē, egregiæ hominem formæ, comam probabiliter ahuisse affinis, i. e. flavi coloris. Nomen Typhonis esse Syrum *Tbupbon* תְּבֻפּוֹן quod inundationem notet, quia pessunderit Mosēs Pharaonem cum Ægyptiis; quo pertineat etiam, quod Plutarchus mare & marina omnia abominari Ægyptios Sacerdotes, & sal Typhonis spumam appellare dicit. Typhonem hostem Deorum Ægyptiorum judicari, quod judicia sua per Mosē contra omnes eos Deus exercuerit, ut est Exod. XII, 12. Numer. XXXIII, 4. Typhonem LXXII sibi junctis hominibus *Osirin* interficientem, Mosē significare, regimen post egressum ex Ægypto cum LXXII senioribus partitum. Typhonem fratrem *Osiridis* Regis Ægypti: Mosē filium Natæ Pharaone creditum esse. Typhonem Æthiopæ Reginam habuisse adjutricem: Æthiopiā Mosi fuisse uxorem. Typho-

c. VIII.

- Typhonem asinae insidentem in Ægyptum venisse, ut Isidi & Osiridi bellum inferret: & Moſen simili vectura usum Exod. IV, 20. Denique Typhonem, teste Plutarcho, acie victum, septiduana fuga asino vectum discessisse, posteaque Jerosolymum & Judæum genuisse: quod ipse Plutarchus eo spectare animadvertat, ut Judæi in partem fabulæ Typhonis veniant. Et certe septidui fugam spectare sabbatum, post exitum ex Ægypto a Moſe constitutum. Jerosolymi & Judæi natales, constitutam a Moſe Judaicam Rempublicam. Hæc de Ægyptiorum Theologia, usque boum in ipsorum religionibus, Apidis inquam & Mnevis. Jam porro Israelitas, vitulum adorantes, non id egisse, ut Deos adorarent Ægyptios, Apin Isidemque vel Osirin, sed verum Deum in Ægyptio isto symbolo voluisse honorare, quæ Calvinii & Protestantium plerorumque sententia est, contra Romanæ Ecclesiæ Doctores diligenter Autor defendit. Festum celebratum Vitulo Exod. XXXII, s. dedicationis fuisse, in quo ritus in Isiacis recepti observati fuerint, quorum nonnulli ex Herodoti Euterpe, quibus festum Isidi Būbaste celebratum describit, recensentur. Nec dubium Autori videtur, in eo festo in thesa vitulum illum circumgeltatum fuisse, eoque spectare locum Amosi: *porcristis tabernaculum Moloch vel Regis vestri*. Moſen autem solennibus illis intervenientem, vitulum per calcinationem, quousque licuerit, in cineres redegeisse. Cum idololatria populi in deserto, & formæ & materiæ cognationem habere idololatriam Jeroboami. Illum vitulorum cultum ex Ægypto, ubi diu versatus fuerat, attulisse. Dicit autem idola illius diserte *δαυαλεις, junices*, in Scriptura passim: alibi rursus *vitulos*: quod suspicioni locum dat, utrumque sexum gemina vacca Jeroboannum representasse, quia, ut supra dictum, *αππρωθηνος* Iſis crederetur. Deum venum hoc symbolo Jeroboannum colere voluisse, & ceremoniis quidem a Moſe præceptis: quod imprimis clarum sit ex relatis 2. Reg. XVII, 28, ubi dicitur, novos Salmanaſſaris colonos Samariam tuto habitare non potuisse, donec discerent cultum Dei Israelis, quem proinde retinuisse hucusque necesse sit Israelitas, nisi quod vitulorum adhiberent symbola. Ex loco Oſæ XIII, 2. male cum Judæorum magistris quosdam colligere, homines vitulis hisce fuisse immolatos; sensum enim verborum esse: *quicumque inter homines sacrificat, osculum figet vitulis;*
- c. IX.
- c. X.
- c. XI.

vitulis. Id tamen inde constare, osculo honoratos illos fuisse, quod & in aliis religionibus observatum; ut ex Jobi XXXI, 27, & Apulejo in Apologia pateat. Sacerdotes Jeroboami male quosdam inter Eruditos putare ex face plebis delectos; quod parum conveniens fuisset ad conciliandam novæ religioni auctoritatem. Ebræa verba **עמם ספרים** non *ex infima plebe* notare, sed simpliciter *ex medio populo*: id indicare tantum volente sacro Historico, quod ex tribu Levi scripti non fuerint Sacerdotes, sed ut fors ferret, ex populo. Peccatum denique illud Jeroboami illis, qui imagines & ἱεροσχεύας suas cultui divinitus præcepto miscere gaudeant, neutiquam favore. Ut ut enim minus fuerit Jeroboami peccatum crimine ultimorum Israelis Regum, a veri Dei cultu penitus ad Baalim deficientium: peccatum tamen nihilominus fuisse. Nec illi excusando inservire, quod Elias tamen Eliseusque, veri Prophetæ, perpetuo in illa gente fuerint versati: hoc enim placuisse sapientiæ Divinæ, ut aliqua tamen adhuc, licet corrupta, in illa gente servaretur Ecclesia. Atque hæc Autor doctissimus de cultibus falsis inter Israelitas ex Egypto oriundis. Jam libro IV ad eos pergit, qui Syriæ & Chananzæ natales debent. Sed ejus quidem justum recensum nemo a nobis requirit; cum in prioribus tribus enarrandis, jam tum instituti nostri limites longe fuerimus supergressi.

THESAURUS ANTIQUITATUM GRÆCARUM,
contextus & designatus a JACOBO GRONOVIO. Vo-
lumen sextum, septimum, & octavum.

Lugduni Batavorum apud Petrum van der Aa, 1699, fol.

Volumen VI constat Alphab. 6. plag. 19.

VII Alphab. 8. plag. 11.

VIII Alphab. 7. plag. 17.

Primum Voluminis sexti locum obtinet Joachimi Stephani, Pomerani, J. U. D. *de jurisdictione veterum Græcorum liber.* Pronunciat de eo celeberrimus Gronovius, satis quidem scite consideravisse utramque urbem, vel potius generatim patefecisse universam Græcorum indolem istuc quidem ferentem, ut δίκην colet; ast nihilominus nimium Alexandro ab Alexandro & Cædio Rhodigino in hoc libro tributum esse: doletque præterea, non ma-

D

jori

jori cum cura librum istum in editione prima fuisse administratum. Sequuntur p. 2755 Joachimi Perionii, Hebraicarum & Græcarum litterarum Lutetiæ Interpretis Regii, *de Magistratibus Græcorum & Romanorum libri tres*, a Francisco fratris filio editi, quorum tertium librum adeo Romanis rebus obrutum Gronovius dicit, ut nequaquam explicet impleatque inscriptionis promissum ac materiam. Proxime abest Heraclidæ Pontici *de Politiis Græcorum libellus, cum interpretatione Latina Nicolai Cragii*, quem si integrum dare potuisset, totius instar Thesauri futurum fuisse existimat. Ast temporum injuria fragmentum solum dare coegit, cujus tamen nec editores, nec interpretes, exquisitam rationem habuerunt. Hunc excipit pag. 2835 Jo. Adami Osiandri de *Afyllis Gentilium dissertatio*, quam p. 2855 Jo. Baptistæ Crophii *Antiquitates Macedonica*, hisque p. 2939 adjuncta Petri Hendreich *Massilia* comitantur. Inde pag. 3007 comparat Burcardi Niderstedii *Melita vetus & nova, Hephestia insula, Melita subterranea*, de qua in præfatione dum verba facit Gronovius, micatur insimul, inter *σεβάκουα* hujus insulæ, non nisi Herculem & Junonem celebrari, quum & Dea Proserpina, & templum ejus, in inscriptionibus apud Gualterum tam aperte nominetur. Hac occasione, Jacobi de Wilde, cui hæc studia mirum quantum debent, beneficio mœnetam in ære ΜΕΛΙΤΑΙΩΝ, prout erat, expressam accuratissime ex quinque fidelissimæ notæ cætypis adducit, deque *κυνή* & rosa Meliteni si ibi occurrentibus præcipit, & contra Sponium aliosque disputat. Inde pag. 3087 conspiciuntur Petri Gyllii, quem in primis laudat, *de Bosporo Thracio libri tres*, & p. 3219 ejusdem de *Topographia Constantinopoleos, & de illius Antiquitatibus libri quatuor*. Hos excipiunt Georgii Doufæ de *Itinere suo Constantinopolitano Epistola*. Accesserunt *Veteres Inscriptiones Byzantio & ex reliqua Græcia cum quibusdam doctorum Virorum epistolis* p. 3343 : Leonardii Aretini *Commentaria rerum Græcarum*, p. 3387. Wolfgangi Lazii *Græciæ Antiquæ variis numismatibus illustrata lib. II* p. 3419 : Josephi Laurentii *Disquisitio de Rebus publicis, suffragiis, conciliis, accusationibus, tormentis, &c. veterum*, p. 3651 : Everardi Feithii *Antiquitatum Homericarum libri IV*, in quibus fere omnes eorum temporum per Græciam ritus, ceremoniæ & mores, tam in sacris quam profanis, exponuntur & illustrantur, p. 371. Nico-

Nicolai Damasceni *de moribus Græcorum aliarumque Gentium libellus*, cum interpretatione Latina Nicolai Cragii, p. 3843. De Jos. Laurentio censet, nimis breviter instituto defunctum, versus peregrina & aliena statim deflexisse. Præclarior de Feithio existimat, & nonnullos in hoc opere occurrentes naves non ab ipso, sed editorum negligentia profectos arbitrat.

Volumen septimum ad Sacra præsertim Græca & Festivitates spectat, & librorum hoc Antiquitatis caput persequentium hanc contemnendam seriem repræsentat. Primum ex his locum occupat Danielis Clasenii *Theologia Gentilis seu demonstratio, qua probatur, Gentilium Theologiam (ceu tenebras) Deos, sacrificia & alia ex fonte Scriptura (ceuluce) originem traxisse, in tres partes divisa*. Hinc p. 133 Josephi Laurentii *Varia Sacra Gentilium*, & p. 253 Abrahami Ortellii *Deorum Dearumque capita, ex antiquis numismatibus collecta*, *Historica Narratione illustrata a Francisco Swertio* conspiciuntur. Reliqui libri hoc ordine exhibentur: Julii Cæsaris Bulergeri *de Oraculis & Vantibus liber* p. 1. Idem *de Templis Eibnitorum* p. 50. Jo. Henrici Eggelingii *Mysteria Cereris & Bacchi, in vasculo ex uvo onyche, cum figuris* p. 57. Joannis Meursii *Panathenæa, sive de Minervæ illo gemino festo, liber singularis*, nunc ex ipsius auctoris chirographo auctus, p. 77. Ejusdem *Eleusinia, sive de Cereris Eleusiniæ Sacro, ac Festo, liber singularis*, nunc ex ipsius auctoris chirographo auctus, p. 109. Jo. Nicolai *de ritu antiquo & hodierno Bacchanaliorum commentatio*, p. 173. Jo. Jacobi Helleni *Exercitatio de Deo ignoto Atheniensi sum*, p. 221. Jacobi Sponii *ignotorum atque obscurorum quorundam Deorum Aræ, notis illustrata, cum quorundam Eruditorum epistolis ad eam rem pertinentibus*, p. 233. Stephani Byzantini Grammatici de Dodone fragmentum, quo tota veterum doctrina & fabulatio de perantiquo Oracula ipso continentur, cum exercitationibus recognitis Jacobi Gronovii, cum figuris, p. 269. Jacobi Triglandii, J. F. J. N. *Conjectanea ad quadam obscura fragmenti de Dodone loca*, p. 321. Jo. Antonii Vernerii *de Oraculis & Divinationibus Antiquorum, tractatus succinctus & exquisitus*, p. 325. Symbolica Diane Ephesti *Statua a Claudio Menetreo exposita, multis novis additionibus, nummis & monumentis antiquis illustrata*, p. 357. Lucæ Holstienii *epi-*

stola ad Franciscum Cardinalem Barberinum, de Fulcris seu Veribus Diana Ephesia simulacro apposis, cum figuris, p. 393. Jo. Petri Bellorii *note in Numismata tum Ephesia, tum aliarum urbium, Apibus insignita, cum figuris*, p. 401. Ejusdem *expositio Symbolici Deae Syriae simulacri cum figuris*, p. 425. Marmorea *Basis Colossi Tiborio Casari erecti, ob civitates Asiae restitutas, post horrendos terre tremores: cujus Colossi fides a Jo. Meursio oppugnata defenditur, tantum non oculis exhibetur, & venusta proponitur: tempus, numerus & nomina civitatum restitutarum ubique falsus & varius a recentibus commentatoribus traditur; verus & certus ex marmorea basi, publico instrumento, feliciter probatur. Ad Ser. ac Rev. Principem Franciscum Mariam Medicum, &c. Primus trans Alpes vulgavit, revocavit, notis & observationibus illustravit* Laurentius Theodorus Gronovius, *cum figuris*, p. 433. Laurentii Pignorii *Magna Deum matris Idae & Attidis initia, ex vetustis monumentis eruta, cum figuris*, p. 433. Jo. Fazoldi *Græcorum veterum ΤΕΡΟΛΟΓΙΑ*, p. 521. Petri Castellani *ΕΟΡΤΟΛΟΓΙΟΝ*, p. 597. Jo. Meursii *Græcia Feriata, sive de Festis Græcorum libri VI, cum notis & marmore Ταυγεναδαΐων*, pag. 701. Nempe Gronovius non aliquoties tantum in ima ora ad Meursianam poliendam aliquid addidit, sed etiam p. 854 interposuit, ad fidem summæ suæ erga Oxoniensē marmor reverentiæ, & nomen, & conspectum festi ΤΑΥΡΟΚΑΘΑΪΙΑ. Jo. Jonstoni *de Festis Græcorum schediasma*, p. 871. Julii Cæsaris Bulengeri *de Ludis veterum liber unicus*, p. 901. Jo. Meursii *de Ludis Græcorum liber singularis*, p. 941. Danielis Souterii *Palamedes, sive de Tabula lusoria, Alea & variis ludis, libri tres* p. 997. Andreae Senftlebbii *de Alea veterum liber singularis*, p. 1121. Cœlius Calcagninus *de Talorum ac Tesserarum & Calculorum Ludis ex more veterum, in gratiam Lili Gregorii Gyraldi*, p. 1213. De singulis fere in præfatione eruditissimus Gronovius nonnulla monet, & vel perperam dicta indicat, vel prolata illustrat, auget & dilucidius exponit. Ita de Symbolica Dianæ Ephesiæ statua a Menetrejo exposita disserens, temperare sibi non potest, quin marmoream ejusdem Dianæ, quam in arcis Heemsteejanæ propylæo deprehendit, statuam ex longinquis locis advectam repræsentaret, & hoc modo Menetrejo lucem afferret. Quæ uti nullis aliarum, judice Gronovio,

novio, pulchritudine artis & elegantia cedit, ita ab omnibus diversa est, seu manuum elevationem consideres, seu septem fascias, in quibus unice convenit cum ea, quam Leonardus Augustinus ex gemma edidit, seu *περὶ τῶν ἀνδρῶν* equorum in aliis parum observatas, cum tanta canum multitudine Hecaten suam iustissime cingente, ut mereatur certe hoc marmor inter reliqua spectari. Miratur cateroquin, cur non Menetrejus nummos illos omnes, quos citet, collectos apposuerit, vel qui factum fuerit, ut ex hac Dianæ in nummis gloriosa pompa, ab Holstenio collecta, omisus sit nummus Claudii, eam perinde in æde tetrastilo stantem & veribus innixam exhibens, cum ipsis literis DIANEPHE, ut est in serie orbium Crojanorum. Hanc vero Dianam ex suis sacris illustratam vult, non admixtione nunc Cereris, nunc Isidis, nunc Cybeles, adeoque discedit ab illis, qui has ad partes vocaverint.

Volumen Octavum cætera Ludrica & Amœnitates Græcas persequitur, & p. 1234 siliit Jo. Meursii *Orchestra, sive de Saltationibus veterum liber singularis*. In hoc non probat, neglectum adeo fuisse Scaligerum nomen, ut ne meminisse quidem dignatus fuerit, præsertim cum reperias apud Scaligerum (capite nempe XIV de Comœdia) quæ omisita Meursio. Inde repræsentantur Jo. Baptistæ Casalii de *Ritu Nuptiarum, ac de Jure Connubiali veterum dissertatio*, p. 1302. Josephi Laurentii de *Sponsalibus & Nuptiis antiquorum libellus*, p. 1330. Barnabæ Brissonii *ad legem Juliam de Adulteriis liber singularis*, p. 1346. Josephi Laurentii de *Adulteris & Meretricibus tractatio*, p. 1402. Jo. Meursii de *Puerperio synagma*, p. 1418. Josephi Laurentii de *Natalitiis Conviviisque, quæ in eisdem agebantur, exercitatio*, p. 1430. Ejusdem de *Praconibus, Cirbaradis, Fislulis ac Tintinnabulis collectio*, p. 1459. Lillii Gregorii Gyraldi de *Comœdia, ejusque apparatu omni & partibus commentarius*, p. 1474. Julii Cæsaris Scaligeri de *Comœdia & Tragœdia, ejusque apparatu omni & partibus commentatio*, p. 1494. Ejusdem de *Versibus Comicis tractatus*, p. 1550. Joachimi Camerarii de *Comicis versibus diatriba*, p. 1578. Jo Baptistæ Casalii de *Tragœdia & Comœdia lucubratio*, p. 1598. Albenci Gentilis de *Actoribus & Spectatoribus Fabularum non notandis disputatio*, p. 1826. Evanthii & Donati de *Tragœdia & Comœdia commentatiuncula*, p. 1682. De *Fabularum, Ludorum, Theatrorum, Scenarum ac*

Scenicorum antiqua consuetudine, libellus, p. 1694. Jo. Ludovici Fabricii *de Ludis Scenicis* ΔΙΑΛΕΞΙΣ *casuistica quinquepartita*. Petri Fabri *de re Athletica, Ludisque veterum Gymnicis, Musicis atque Circensibus spicilegiorum tractatus, tribus libris comprehensus, opus tessellatum*, cum ejusdem paralipomenis, p. 1758. *Inscriptiones Athleticae nuper reperta, edita & notis illustrata* ab Octavio Falconerio, quibus accefferunt aliae ex Africanis marmoribus recens descriptae, p. 2290. Barnabæ Brissonii *commentarius ad L. Dominico de Spectaculis*, in C. Theodosiano, & L. omnes dies Cod. de Februarii p. 2358. Josephi Laurentii *de Agyrtis, Histrionibus, Acclamationibus, & Osculis investigatio*, p. 2434. Jo. Meursii F. *collectanea de Tibiis*, p. 2450. Musonii Philosophi *opus de Luxu Gracorum, in quo de bellionibus, bibacibus, generibus poculorum, vino, coronis, quibus in conviviis veteres utebantur, unguentis, musicis instrumentis, bellariis, saltationibus, parasitis, generibus placentarum, ac meretricibus insignibus*, a Stephano Nigro congestum, p. 2466. Petri Bellonii *de admirabili Operum antiquorum & rerum suspiciendarum praesentia, libri tres*, p. 2530. Philo Byzantius *de septem Orbis Spectaculis, Graece, cum notis & interpretatione Leonis Alatii*, p. 2642. Phlegontis Tralliani *de rebus mirabilibus liber, Graece, cum interpretatione Latina Guiljelmi Xylandri, ac recensione notisque Jo. Meursii*, p. 2690. Ejusdem *de Longaevis libellus, Graece, cum interpretatione Latina Guiljelmi Xylandri, ac recensione notisque Jo. Meursii*, p. 2727. Jo. Frederici Gronovii *de Museo Alexandrino exercitationes Academicæ, habita anno M DCLXVII post caniculares ferias, absilio ejus excepta, & nunc primum edita*, p. 2738. Ludolphi Neocori *de Museo Alexandrino diatriba, nunc primum edita*, p. 2766.

ISAACI NEWTONI TRACTATUS DUO, DE SPECIEBUS & Magnitudine Figurarum Curvilinearum.

Londini apud Samuelem Smith & Benjamin Walford,

Typographos Societatis Regiæ, 1704, in 4.

Constant plagul. 10.

Celeberrimus magno suo merito Vir, Isaacus Newtonus, Tractatui suo Optico de Coloribus, Anglice scripto, appendicis in modum

dum sermone Latino duos subjecit Tractatus Geometricos, breves sed præclaros, priorem de Enumeratione Linearum Tertii Ordinis; alterum de Quadratura Curvarum. Quod Enumerationem Linearum attinet, notat in antecessum, *lineas* dici posse *primi, secundi, tertii, quarti* &c. *ordinis*, quas recta potest secare in punctis, uno, duobus, tribus, quatuor &c. Itaque *primi ordinis* est ipsa recta; *secundi* sunt *conice*, sub quibus comprehenditur circulus; *tertii* sunt *æ*, quas hoc loco numerare aggreditur. Lineæ autem ordinis secundi, tertii, quarti &c. possunt dici (respective) *curvæ generis primi, secundi, tertii*, &c. Curvæ denique infinitesimi generis sunt, (ut notum est) quas recta in infinitis punctis secare potest, quales sunt, quæ per radii vel rotæ revolutiones infinitas generantur. Ostendit deinde, proprietatibus quibusdam primariis, conicarum seu curvarum primi generis, consimiles esse proprietates curvarum secundi generis, & generum etiam superiorum; quoad ordinatas scilicet, diametros, vertices, centra, axes, latera recta & transversa, & asymptotos. Nam si rectæ plures inter se parallelæ & ad sectionem conicam utrinque terminatæ ducantur, recta duas earum bifecans bifecabit alias omnes; quæ dicitur *diameter*, & parallelæ dicuntur *ordinatim applicatæ*. Concurfus diametrorum est *centrum* figuræ, & intersectio curvæ ac diametri, *vertex*; & diameter illa, cui ordinatim applicatæ insistant ad angulos rectos, dicitur *axis*. In curvis secundi generis si rectæ duæ quævis parallelæ ducantur occurrentes curvæ in tribus punctis, recta quæ ita secat has parallelas, ut summa duarum partium ex uno secantis latere ad curvam terminatarum æquetur parti tertie ex altero latere ad curvam terminatæ, eodem modo secabit alias, his parallelas curvæque in tribus punctis occurrentes. Hæ ergo tres partes, quæ hinc inde æquantur, dicuntur, ut in conicis, *ordinatim applicatæ*, & recta secans dicitur *diameter*, & concurfus duarum diametrorum dicitur *centrum*, & ubi omnes diametri in eodem puncto concurrunt, illud erit *centrum generale*. Diameter autem ad ordinatas rectangula, si modo aliqua sit, etiam *axis* dicitur. Et quemadmodum in conicis sectionibus non parabolicis quadratum ordinatim applicatæ hoc est rectangulum ordinatarum, quæ ad contrarias partes diametri ducuntur, est ad rectangulum partium diametri, quæ ad vertices ellipsos vel hyper-

bolæ

bolæ terminantur, ut data quædam linea, quæ dicitur *latus rectum*, ad partem diametri, quæ inter vertices jacet, & dicitur *latus transversum*; sic in curvis non parabolicis secundi generis parallelepipedum sub tribus ordinatis est ad parallelepipedum sub partibus diametri ad ordinatas & tres vertices figuræ abscissis, in ratione data: in qua ratione si sumantur tres rectæ ad tres partes diametri inter vertices figuræ sitas, tunc illæ tres rectæ dici possunt *latera recta*, & illæ partes diametri inter vertices, *latera transversa*. Et sicut in parabola conica, quæ ad unam & eandem diametrum unicum habet verticem, rectangulum sub ordinatis æquatur rectangulo sub parte diametri, quæ ad ordinatas & verticem abscinditur, & recta quadam data, quæ *latus rectum* dicitur; sic in curvis secundi generis, quæ non nisi duos habent vertices ad eandem diametrum, parallelepipedum sub ordinatis tribus æquatur parallelepipedo sub duabus partibus diametri ad ordinatas & vertices illos duos abscissis & recta quadam data, quæ proinde *latus rectum* dici potest. *Hyperbola* primi generis duas *asymptotas*, secundi tres, tertii quatuor &c. & non plures habere potest. Et quemadmodum partes lineæ cujusvis rectæ inter hyperbolam conicam & duas ejus *asymptotas* sunt hinc inde æquales; sic in hyperbolis secundi generis si ducatur recta quævis secans tam curvam quam tres *asymptotos* in tribus punctis, summa duarum partium istius rectæ, quæ a duabus quibusvis *asymptotis* in eandem plagam ad duo puncta curvæ extenduntur, æqualis erit parti tertiæ, quæ a tertia *asymptoto* in plagam contrariam ad tertium curvæ punctum extenditur. Sicut etiam in conicis sectionibus, ubi duæ parallelæ ad curvam utrinque terminatæ secantur a duabus parallelis ad curvam utrinque terminatis, prima a tertia, & secunda a quarta, rectangulum partium primæ est ad rectangulum partium tertiæ, ut rectangulum partium secundæ ad rectangulum partium quartæ: sic ubi quatuor tales rectæ occurrunt curvæ secundi generis, singulæ in tribus punctis, parallelepipedum partium primæ rectæ erit ad parallelepipedum partium tertiæ, ut parallelepipedum partium secundæ ad parallelepipedum partium quartæ. Porro curvarum secundi & superiorum generum æque ac primi cras omne in infinitum progrediens vel *hyperbolicum* est, si ad *asymptoton* aliquam in infinitum appropinquet, vel *parabolicum*, si *asymptoto* destituitur. Denique

lineæ

lineæ omnes ordinis primi, tertii, quinti & imparis cujusque, duas habent ad minimum crura in infinitum versus plagas oppositas progredientia. Quod formas curvarum attinet, Autor vocat hyperbolam *inscriptam*, quæ tota jacet in asymptoton angulo ad inslar conicæ; *circumscriptam*, quæ se at asymptotos, & partes abscissas in sinu suo amplectitur; *ambigenam*, quæ uno crure infinito inscribitur & altero circumscribitur; *convergentem*, cujus crura concavitate sua se invicem respiciunt, & in plagam eandem diriguntur; *divergentem*, cujus crura convexitate sua se invicem respiciunt, & in plagas contrarias diriguntur; *cruribus contrariis præditam*, cujus crura in partes contrarias convexa sunt, & in partes contrarias infinita; *conchoidalem*, quæ vertice concavo & cruribus divergentibus ad asymptoton applicatur; *anguineam*, quæ flexibus contrariis asymptoton secat, & utrinque in crura contraria producit; *cruciformem*, quæ conjugatam decussat; *nodatam*, quæ se ipsam decussat in orbem redeundo; *cuspidatam*, cujus partes duæ in angulo contactus concurrunt, & ibi terminantur; *punctatam*, quæ habet ovalem infinitæ parvam, id est, punctum; & *puram*, quæ per impossibilitatem duarum radicum, ovali, nodo, cuspidem & puncto conjugato privatur. Eodem sensu parabolam quoque convergentem, divergentem, cruribus contrariis præditam, cruciformem, nodatam, cuspidatam, punctatam & puram nominat. *Hyperbolam* vocat *redundantem*, quæ numero crurum sectiones conicas superat; *defectivam*, quæ unicam habet asymptoton, & duo tantum crura hyperbolica juxta asymptotam illâ in plagas contrarias infinite progredientia; ex his una est *cissois* veterû. *Hyperbolæ parabolicas* vocat, quæ habent crura hyperbolica & parabolica. In universum autem numerat lineas tertii ordinis, seu curvas secundi gradus, septuaginta duas. Et notat, quod, si in planum infinitum a puncto lucido illuminatum umbræ figurarum projiciantur, umbræ sectionum conicarum semper erunt sectiones conicæ, curvarum secundi generis semper erunt curvæ secundi generis (vel potius non plus quam secundi generis) & ita porro. Et quemadmodum circulus umbram projiciendo generat omnes sectiones conicæ (idem de quavis conica dici potest) sic quinque parabolæ divergentes secundi generis exhibent omnes alias secundi generis curvas. Quinque illæ parabolæ divergentes sunt hæ, quarum æquatio com-



E

mut-

minis est $yy = ax^3 + bxx + cx + d$, ubi AB, AG sunt axes conjugati, curvæ punctum C , & AB, X , & BC, y . Quodsi jam sit $y = 0$ & æquationis $ax^3 + bxx + cx + d = 0$, tres radices AT, At, At sint reales & inæquales, prodit figura parabolica divergens *campaniformis cum ovali* ad verticem *fig. 2. 3*. Si radices duæ sunt æquales, parabola prodit vel *nodata* contingendo ovalem, *fig. 4*, vel *punctata* ob ovalem infinite parvam, *fig. 5*. Si tres radices sunt æquales, parabola est *cuspidata* in vertice, & est parabola semicubica vulgo dicta, *fig. 7*. Denique si duæ radices sunt impossibiles, habebitur parabola *para campaniformis* *fig. 4. & 6*. His quinque parabolis divergentibus secundi generis adiciamus ex Autore cissoidem veterum *fig. 1*, parabolam, per quam Cartesius æquationem sex dimensionum contruxit *fig. 7*. (quæ habet quatuor curvæ infinita, quorum duo sunt hyperbolica circa asymptoton AG , & duo parabolica convergentia, & cum prioribus speciem tridentis fere efficiuntia) & parabolam cubicam vulgarem (quæ est ex numero parabolarum divergentium) *fig. 8*. Reliquæ figuræ, quæ cum his omnes septuaginta duas curvas secundi generis representant, apud Autorem videri possunt. Cæterum Autor non attingit *focos* vel *umbilicos* curvarum secundi generis, & multo minus generum aliorum. Cum ergo ea res abstrusioris sit indaginis, & maximi tamen in hoc genere usus, tum ad descriptiones, tum ad alias proprietates curvarum, & doctrina hæc focorum ab Ill. Dn. D. T. profundius sit versata; supplementum ejus pro his curvis amplius ingenio expectamus.

Ingeniosissimus deinde Autor, antequam ad *Quadratarum Curvarum* (vel potius figurarum curvilinearum) veniat, præmittit brevem *Isigogen*. Quæ ut melius intelligatur, sciendum est, cum magnitudo aliqua continue crescit, veluti linea (exempli gratia) crescat fluxu puncti, quod eam describit, incrementa illa momentanea appellari *differentias*, nempe inter magnitudinem, quæ antea erat, & quæ per mutationem momentaneam est producta, atque hinc natum esse calculum *differentialem*, eique reciprocum *summatorium*; cuius Elementa ab inventore Dn. Godefrido Guiljelmo Leibnizio in his Actis sunt tradita, varique usus tum ab ipso, tum a Dn. Fratribus Bernoulliis, tum & Dn. Marchione Hospitalio, (cujus nuper

TAB. I, ad A. 1705.



per extincti immaturam mortem omnes magnopere dolere debent, qui profundioris doctrinæ profectum amant,) sunt ostensi. Pro differentis igitur Leibnitianis Dn. Newtonus adhibet semperque adhibuit fluxiones, *quæ sint quam proxime ut fluentium augmenta æqualibus temporis particulis quam minimis genitæ;* iisque tum in suis Principiis Naturæ Mathematicis, tum in aliis postea editis eleganter est usus, quemadmodum & Honoratus Fabrius in sua Synopsi Geometrica motuum progressus Cavalierianæ Methodo substituit. Porro ut dato quantitatis alicujus, velut y , valore per aliam indeterminatam, qualis x , haberi etiam potest valor ipsius dy (differentiæ inter duas proximas y ,) per x , & per dx (differentiam inter duas proximas x) seu uti data quantitate y , potest inveniri differentia dy ; quod nihil aliud est, quam invenire tangentes curvarum; ita vicissim dato valore ipsius dy , modo dicto exhibito, seu data differentia dy invenire terminum y , est invenire summas omnium differentiarum seu dy ; quia discrimen inter duas y assignabiles extremas est summa omnium differentiarum intermediarum; & posito unam ex extremis æqualem esse nihilo, seu crescendo incipi ab 0, tunc summa illa est ultima y . Hinc dato termino y , qui sit ad a constantem, ut dy ad dx , erit rectangulum dy æquale summae omnium $y dx$, quæ scribitur $\int y dx$, id est, æquabit aream figuræ factæ ex ordinatis y ductis respective in dx elementa abscissarum. Atque ita regressus a valore ipsius dy

(seu ipsius $\frac{y dx}{a}$) differentia, ad valorem ipsius y (seu ipsius $\int \frac{y dx}{a}$) est quadratura figuræ, cujus abscissa x , ordinata y . Adeoque fluxus ipsius y est areæ dictæ proportionalis. Sed cum regressus hic ad differentias ad quantitates, vel a quantitativis ad summas, vel denique a fluxionibus ad fluentes, non semper Algebraicè fieri possit, (prorsus ut regressus a potentiis ad latera, vel a quantitativis ad radices non semper fieri potest rationaliter) ideo querendum est; tum quibus casibus quadratura Algebraicè succedat, tum quomodo Algebraicè successu deficiente aliquid subsidiarium adhiberi queat. In utroque etiam a Dn. Newtono est utilissime laboratum, tum alias, tum in hoc tractatu de Quadraturis, ubi series adhibet infinitas; quæ eo casu, quo abruptuntur, seu finiuntur, quæsitum Algebraicè exhibent. De quo etiam dictum est super in recensione tractatus


Dn. Cheynai, Medici Scotici Londini degentis. Conferri etiam potest tractatus Dn. Craigii Scoti de Quadraturis, & ejusdem Theorema ad Quadraturas pertinens, nuper in his Actis exhibitum; quæ faciunt etiam, ut ipsis Theorematis Newtonianis recensendis superfedantur, quia paucis exponi non possunt: quemadmodum nec ejusdem Theoremata quædam reductionis ad quadraturas faciliores. Eas autem quantitates, quæ Algebraice exprimi non possunt, Newtonus vocat *Geometrice irrationales*, ad imitationem quantitatum furdarum seu Arithmetice irrationalium.

**RUNÆ IN NUMIS VETUSTIS DIU QUÆSITÆ,
eandemque ibidem feliciter inventa, seu de Numis Runicis com-
mentatio NICOLAI KEDERI, Regii Antiquitatum
Suecico-Gothicarum Collegii Adjectoris.**

Lipsiæ apud Jo. Frid. Geditsch, 1704, 4-
Plag. 4 cum fig. æn.

Annus nunc, & quod excedit, elapsus est, ex quo elegantissimum Kederi nostri schediasma, quod de *Argento Runis seu literis Gothicis insignito* inscripserat, in hisce Actis nostris, mense nimirum Septembri anni 1703, pag. 417 seqq. recensitum exhibuimus; cui quidem consignando ansam dederat delineatum in Camdeni Britannia, Anglice nunc loquente & ampliata, Runicum numisma. Jam vero aliam de numis Runice signatis commentationem idem litteratissimus Vir lectori curioso sistit, in qua Runas diu in vetustioribus numis a se quæsitas, ac tandem feliciter inventas delineat. Ut vero mentem suam clarius exponat, primo quidem *Runarum* vocabulo elementa se intelligere Gothica dicit, non qualia sequior ætas, ob Longobardicum characterem inter Monachos frequentatum, *Monastica*, i. e. *Münch's Schrift* / adpelavit, sed ejus tantum generis, quæ in lignis & saxis antiquissimis exarata deprehendimus. An vero hi Gothorum characteres, quos *Runas* vulgus nominat, metallo etiam signato, sive in numerorum formas conflato, antiquitus fuerint dati, diu dubitavit, iis maxime de causis, quod multi ex argento numi Runici dentur, animi gratia fusi ac plane spurii, in quorum censum *Astili* vel *Astila*, *Sipari* vel

T. B. II. ad A 1705. M. Jan. p. 37.



vel *Sivardi, Erici, Waldemari & Margaretha* Regg. numismata refert, atque *bracteatum* quendam sive *cavum* se vidisse ait, quem Petrus Baillet, civis Holmiensis possideat, Runice quidem signatum, sed falsum tamen, licet malleo cufum. Magnum itaque in ejusmodi pecunia discrimen esse habendum, ac ne in alterutram partem nimis declinemus, dispiciendum docet. Nobis enim idem contingere posse, quod Vaillantio, Viro alias rei numariae callentissimo accidit, qui in Gordianorum historia omnem Africanum, qui aversus A U G. & non A U G G. habeat, mala notæ esse contendit; quum tamen Kederus noster apud Per-Illustrem Baronem de Heckerem, Fœderati Belgii ad Aulam Suecicam Legatum nuper extraordinarium, suis oculis observavit indubitæ antiquitatis integerrimæque fidei Gordianum Africanum patrem ex ære primæ magnitudinis, latere secundo insignitum hac epigraphe: PROVIDENTIA AVG. uno duntaxat G. Laudat deinde Illustrem e Suecia Virum, Jo. Gabrielem Sp. n. *wenfeldium*, quem Potentissimus Rex Carolus XI, ad perquirenda apud exteros antiquariæ supellestilis, quæ Suecos attingant, cimelia, per annos aliquot peregrinari, ac præcipue Mantuæ Carpetanorum seu Madriti commorari jusserat. Cæterum quum litteras Runicas non reperiret Noster in numismatibus Ostro-Gothicis aureis, argenteis, æreisve, olim in Italia percussis, neque etiam in numis aureis nomina & capita Regum Westro-Gothorum seu Wisi-Gothorum exhibentibus, partim in Gallia, partim in Hispania cufis, (quorum Regum senem contexuit, & Latinis eos potius, quam majorum suorum literis usos ostendit,) ac ne quidem apud aurarios fabros meliore fortuna gauderet, ad quos tamen vetustatis reliquiæ in agrorum latebris inventæ perferri soleant, de sorte sua pæne desperare, atque amplius de illis dubitare cepit. At enim vero ita cogitanti eruditissimus Vir, Elias Brennerus, numilos tres, e tenui bractea argentea *cavos* ostendit, quorum (Vid. figur. 1. 2. 3.) unus præfert Π (V) tribus coronis (antiquis propriisque Sueciæ insignibus,) scriptum: alter \mathbb{B} (B) interhemicyclum & crucem: tertius \mathbb{H} (S) stella, cruce atque lunula, quas singularis globulus ter interflinguit, stipatum. Quibus annumerandi sunt trini ejus commatis alii, quos Olaus Bromelius, Med. D. & Gothoburgensis Poliater explicatus est, quique pari modo e *cava* lamella argentea sunt, & (vid. figg. 4. 5.

TAB. II.

Fig. 1. 2. 3.

Fig. 4. 5. 6.

E 3

6.)

6.) quorum unus 木, alter 来, tertius autem R, characteres oculis fiſunt. Diſcurit ergo doctiſſimus Autor, cur in Brennerianis literæ ſingulæ ſive ſimplices, in Bromelianis vero compoſitæ exiſtant? atque hæc ipſa ſigna non Gothiſ tantum, verum Græciſ quoque ac Romanis uſitata, atque *Monogrammata* fuiſſe vocata reſpondet, ſeculo fere poſt C. N. octavo frequentia, & inter Moſcos quoque aut Ruthenſos haud ignota; quod ipſum Ruſſicæ inſuper monetæ, in qua Magni Ducis nomen monogrammate expreſſum ſpectamus, exempliſ illuſtrat. Poſt longam tandem expectationem voto ſe ſaturnatum, ac in veterum quorundam argenteorum non unius gentiſ numiſmatum e ſolo Gothiæ Orientaliſ fortuito erutorum acervulo, *numum Runiſ inſignem* longe illuſtriſſimum inveniriſe, ſibiſque illam cum ſtipatoribꝯ ſuiſ prece & pretio non ſegniter redemiſſe narrat, cuiꝯ figura num. 7. adpicta, vinum togatum & ſaſcia vel balteo ſuccinctum, ſublata dextera, ac leva pectori admotâ monſtrat, cum verbis: MALIVS REX i. e. MAGNVS REX. Poſtea pars crucem figuræ quadrangulâ globuliſ excultâ quaſi incluſam exhibet, epigraphæ Runicæ: **† HINDI. † INNITH. † RIT†.** (Latinis litteriſ SEVIN. AVLFIETS. FRNTE.) Numum hunc, etiamſi præter Gothicas iſtaſ literaſ, etiam Latinas, Anglo-Saxonico fere ritu ductaſ, habeat, Runicum tamen denominatum, a SVENONE, Comitiſ Ulphoniſ natione Sueci, Danorum ſub Canuto *Droite*, Daniæ Angliæque Rege, Gubernatoriſ filio, OLAI Suionum ac Gothorum *Regiſ in gremio geſtatiſ*, nec non Canuti illiꝯ, ex ſore uterina Alſtride vel Æſtrita, Nepote cuſum opinatur Kederuſ, & quidem cum nup̃e a MAGNO Bono, S. Olai filio, Norvagorum & Danorum Rege, Regno Danico cum vicaria poteſtate regendo tutandoque præſectꝯ, nondum regnum illud, ſumto Regiſ nomine, tantopere ſed fruſtra affectaſſet, quod tamen poſt MAGNI fata haud difficulter obtinuit. Doctæ oppido conjecturæ ſunt, quibꝯ verba SEVIN. AVLFIETS. FRNTE pro SVEIN OLAVI FRENTE, i. e. *Sveno Olai Conſanguineuſ*, interpretatur: quem Suenonem numi auctorem fuiſſe, firmare gemina literaturâ videtur, Gothica videlicet ac Latialiſ, utraqꝯe circa Principiſ iſtius tempora per regionaſ aquilonareſ in uſu. Binoſ deinde alioſ adjunxit, Camdenianum nempe fig. 8 ſupra nobiſ memoratũ, & Sperlingianum aliũ quem

TAB. II.

Fig. 7.

FAB. II.
Vig. 8.

quem novum fig. 9 sensus valde obscuri, de quo tamen conjectatiunculam suam subnectere haud detrectavit. Nihil equidem illic, quod moneamus, occurrit; ceterum tres ex argento numulos per vetustos, Gothici, ut arbitramur, generis, inter Acta nostra mense Majo A. 1704. pag. 226 adpictos, si nondum fortasse curatius adspexerit, Clarissimo Auctori nostro in memoriam revocamus, dignos forte, quorum clypei ac natale solum ab Viro aliquo, Gothicarum antiquitatum callente, diligentiore cura illustrentur.

Fig. 9

OEUVRES POSTHUMES DU CHEVALIER

Temple

i. c.

*WILHELMI TEMPLE, EQUITIS, OPUSCULA
posthuma.*

Ultrajecti, apud Guil. van de Water, 1704, in 12.

Plag. 13.

ETiam lacinias magnorum Virorum dignas esse, quæ colligantur, sapientissimus quisque monet; esse vero inter Viros merito suo magnos commemorandum *Wilhelmum Temple*, Equitem Auratum & Baronettum Britannicum, ante hos quinque annos fato functum, nemo dubitaverit, qui gesta ejus in pacificatione Neomagensi, cui pro Potentissimo Britanniarum Monarcha interfuit, in memoriam revocaverit. Quare non ejus solum epistolas, & duo operum miscellaneorum volumina, scriptaque alia eruditus Orbis magna cum delectatione accepit, sed posthuma etiam hæc diu desideravit.

In his primum sortitur locum *Tentamen de indignatione populi* (*Mecontentement populaire*) ad intimos Politicæ solidioris recessus spectans. Auctor Illustris initium petit a proprietatibus generis humani, quas vulgo constituunt, nimirum sermone, figura, risu, fletu & ratione. Harum plerasque, doctorum judicio, etiam aliis animantibus convenire monet, excepto risu. Ipse vero novum ac sextum hominis proprium addit, videlicet inquietum & indignabundum animum, qui humanum genus contentum esse non sinat, sed ut perpetuo vacillet inter spera metumque, ac mutationes nunquam non desideret, unus efficiat. Hunc esse fontem indignationum

num motuumque in familiis ipsaque Republica, indeque oriri indignationem populi versus imperantes, quæ in magnis æque ac parvis, barbaris & politis gentibus observetur, cum primis vero politas vexet. Hinc factiones oriri, optimosque interdum Principes accites, ut tyrannos & proditores tractari. In omni Republica discrimen servandum esse, ut melius quidam habeantur, honoribus divitiisque ornentur; porro diversa esse subjectorum commoda, diversos scopos, huic pacem placere, bellum alii; hinc non posse non varias prodire querelas & machinationes. Monet etiam, nullam Reipublicæ formam prorsus esse perfectam, sed singulas suas habere defectus; imo et si perfecta quædam regiminis daretur facies, eam tamen brevi a prima indole degeneraturam, cum optimæ etiam leges illico administrationis defectu corrumpantur: nec possibile esse, ut Principes ministros probos ac populo placentes semper eligant; audaces, fraudulentos, ac præfidentes plerumque publicis se muneribus obtundere, optimos quosque eadem averfari. Hic rem observatū dignissimam Auctor in medium affert: dari certas quasdam tempestates annonæ similes, quæ cum claris abundant ingeniis, nullas tamen proferant occasiones magnarum rerum, in quibus illa vires suas exferere possint; atque e contrario multas interdum evenire fortiter ac generose agendi occasiones, quando viri fortes magnique sint rarissimi. Utrobique rempublicam pati, locumque indignationi populari amplissimum concedi. Citat hac occasione festivum morionis cujusdam dictum, qui cum seminantem aliquando gestibus exprimeret, quæstus, quid ageret, stultos se ferere: dixit; addita ratione, regionem, in qua viveret, non alius frumenti patientem esse. Posthæc enarrat, quo pacto ex levi quadam in lignatione & obmurmuratione seditiones oriantur, facta animorum inextinguibili inflammatione. Huic malo opponit sequentes regulas: omnes legum ac consuetudinum immutationes Principi esse vitandas: genuinum totius populi commodum esse quærendum: subjectos ad rem æconomicam esse excitandos; eo enim futuros patientiores, quo sint familiæ laborique addictiores. Hæc prima sectio re exposita, altera ad Historiam gentis Britannicæ, turbasque Saxonicas, Rosicæ, & rubicæ, ac Presbyterianas applicat, monens, Reipublicæ nihil esse magis noxium, quam factiones robore æquales; infirmiores enim

sæpe

sæpe illi salutare fieri. Tandem datis quibusdam consiliis, quæ patriæ suæ maxime proficua futura credit, valedicit Reipublicæ, ac successoribus animum æque patriæ amantem, commodiores vero recte agendi occasiones apprecatur.

Secundum locum obtinet *Tentamen de sanitate & longæva vita*. Auctor initio prudenter monet, bonas intentiones semina esse bonarum actionum, recteque agere eos, qui bene ac salutari scopo cogitata publicent, atque adeo quasi agro committant; passim enim radices ea agere & fructus edere: omnium optime homines propriis bene cogitatis stringi, seque ipsos rectius, quam alios magistros pati. Noster itaque, quæ expertus ipse est, literis hic consignavit. Sanitatem inter præcipua hominis bona nominat, observatque, eam idem esse in corpore, quod pax in Republica, & serenus aer in orbe nostro est: eam esse solam, quæ voluptates alique bona deliciis instruat, nobisque tribuat, ut felices esse possimus. Post hæc eundo per exempla probat, eos omnium maxime sanos & longævos vixisse, qui simplici victu usi fuerint, & a voluptatibus abstinerint. Utitur cum primis Brasilianorum exemplo, qui cum Europæi ad ipsos appellerent, ducentos trecentosque annos vivendo attingebant. Dignum admiratione esse ait, quod incolæ regionum Meridionalium sub Sole calentium diutius vivant, quam ii, qui sub temperato climate degunt. Cujus ille rei hanc causam putat: appetitum voluptatis penes hos esse vehementiorem in moderato calore, quam apud istos in nimio; & cum excessus immoderati omnes in torrido climate vestigio vehementer noceant, homines ad temperantiam vel nolentes adigi: hinc plures esse in Hispania senes, quam in Gallia. Recte senem quendam Verulamio respondisse, hanc esse longævitatæ suæ causam, quod semper, antequam famem sitimque sentiret, comedisset ac bibisset. Separatim vero de longævis Britannis agit, quorum exempla assent plurima, additque, incolas regionum montanarum vivaciores esse; plerosque longævos esse ex plebe homines, adeoque vitam longam tenui victu & voluptatum abstinentia querendam esse. Unde ipsi p. 130 sequens regula nascitur: cuius homini aut esse laborandum, aut jejunandum, aut medicina utendum, aut ærotandum. Originem artis medicæ a Græcis, incontinentiæ quippe studiosissimis, adeoque morborum intempe-

perici valde subjectis, derivat; ab his venisse ad Persas, aliosque, & Barbaro ævo a Saracenis voluptuariis ad Europæas gentes. Hinc de incertitudine atque defectibus Medicinæ disserit, inter quorum causis hanc præcipientiam putat, quod post Galenum, Medici ab usu simplicium ad varias compositiones discesserint. Romanis ait quatuor fuisse remedia potissima, balnea, frictionem, fumigationem & agitationem: hæc magno rei medicæ detrimento in desuetudinem venisse. Ultimam præsertim lenire dolores acutissimos, Mauriti Principis Nassovii exemplo docet, qui podagræ aut calculi dolore laborans, lecto pensili agitari se curaverit. Post hæc monet, morbos suas habere periodos, sæpe etiam imaginationi adscribendas. Olim omnes de morbis spleneticis, inde de scorbuto, post hæc de fermentatione sanguinis conquestos esse, nunc vapores pro epidemio Europæ morbo haberi: nec minus remedia has vices pati; quod exemplo Tabaci & herbæ Thææ ostendit. Auctor ante omnia hæc, quæ expertus est, commendat simplicia: *Salviam* malis pulmonum propriam, quam non minori quantitate e Belgio ad Indos asportari ait, quam Thæa inde ad nos perferatur: *Ruiam*, Romachicum excellens: *Crocum*, cordiale optimum: *Allium*, quod contra colicos dolores & podagram remedium singulare esse docet: *Sambucum*, quam hydropi & colico malo mederi ait: *Millepedum* pulverem, qui omnes faucium affectiones curare dicitur; denique *Tabacum* vel *Betoniam* contra rheumatismum, & *Myrrham* contra pestem. Contra podagram commendat, præter *Moxam*, commotionem loci affecti ad calorem usque, tum lanam ventris ovini, vel pannum rubrum aqua vitæ ardenti imbutum. Scite vero de vino scribit, primum ejus potum conducere sanitati, secundum lactitiæ, tertium amicis, quartum inimicis.

Tertio loco *Dissertatio de eruditione veterum* occurrit, cujus hæc occasio fuit. Ediderat Illustri Auctor Tentamen de eruditione veterum, contra gloriationes recentiorum, cui Theologus quidam observationes suas opposuit, refutatus a Nostro in hac dissertatione, quæ tamen manca est, & ultimam manum nondum passa. Monet hic Autor, Paracelsum & Cartesium primos fuisse, qui veterum sapientiæ suam præferrent; hunc tamen Philosophiam suam appellasse suam Fabulam Romanensem (*son Romain.*) Post hos Soci-

os quosdam Academiae Regiae Anglicanae & Academiae Gallicae, maxime Fontenellum & Perraultum, veterum gloriam nostris eruditissubjecisse; Perraultum vero, poenitentia ductum, A. 1693 ad ianiorum mentem venisse. His expositis, Pythagoram, Democritum aliosque veteres, contra cavillationes recentiorum defendit, praecleara veterum opera recenset, de fati & interitu eruditionis apud Aegyptios, Phoenicios &c. disserit, seriem Monarchorum Assyriorum contra novam quorundam crisin defendit, in Chymiam & Philologiam recentiorum invehitur, ac de illa cum primis jocatur, eam quam optime inter liberales disciplinas referri, cum, qui addicti eidem sunt, plurimum argenti prodigant.

Postremo cogitata quaedam Auctoris de fortuna & conversatione, tumultuaria opera in chartam consignata, ut conscribendo olim libello cuidam inservirent, annectuntur, inter quae multa sunt peringeniosa. Nobis unicum illud impraesens sufficiat, ubi hanc fuisse ait viam, qua postremus Pontifex Romanus (dubium, quem intelligat) ad dignitatem istam pervenerit: *Nil petere, nil recusare, de nemine conqueri.*

Georg Adami Struvens Jurisprudenz / oder Verfassung der Landublichen Rechte / &c.

i. c.

GEORGII ADAMI STRUVII JURISPRUDENTIA,
post varias editiones, ex Jure communi Caesareo, Recessuum Imperii, & Saxonico, ut & scriptis Jutorum, praecipue Saxonico, additis pluribus casibus, aliisque materiis antea omisissis, nec non necessariis allegatis & indicibus, theoretice & practice elaborata, ac in justum Systema Juris redacta a D. HENRICO ERNESTO FLOERCKEN, communis Curia Ducatus Saxonicae Advocato Ordinario.

Francfurti & Lipsiae, apud Christophorum Hülse, 1704, in 4.

Constat 5 alph. 10 plag.

Notum satis in scholis Juridicis nomen est Jurisprudentiae Romano-Germanicae Forensis, a Celeberrimo Struvio olim composita. Nam non tantum Latina editio, plus vice simplici prelo sub-

F 2

jecta

jecta est; sed & postquam illa in Germanicam translata est linguam, typothetarum operas repeti necessum fuit, ut nunc quidem laudata illa Jurisprudentia, novorum librorum catalogo sero nimis inferi videatur. Enimvero cum opus Germanicum denuo recudi fecerit, illudque novo plane habitu donaverit B. Struvii Gener, Consultissimus Editor, hinc non immerito jure novorum scriptorum id censei, ac Lectorum notitiæ a nobis insinuari potest. Quid autem doctissimus Autor præstiterit, id ex comparatione editionum diversarum facile liquet. Partitio & series totius operis generalis ubique eadem est, sed numerus titulorum sive capitum, jam in præcedenti editione Germanica, auctior est, dum ea, quæ in Latina editione conjunctim erant proposita, sub specialibus rubricis explanate magis recensentur, aut etiam nova subinde capita adjiciuntur, atque hunc numerum auctiorem in ultima hac editione retinuit Noster, nisi quod in libro 2 titulum 32 de *incapacibus heredibus* omiserit, & libro 3 titulum 20 de *evictione & editio Aedilitio* inseruerit, quæ vix memoranda diversitas est. De cætero præter summaria margini apposita, non tantum allegata legum & Doctorum, ut & indicem satis copiosum, quibus prior editio Germanica destituitur, adjecit, sed & multis rerum accessionibus novam hanc locupletavit; id quod vel sola ejus moles, cum præcedentibus collata editionibus, persuaserit. In fidem dictorum nonnulla adjiciemus exempla. In lib. 1 tit. 6, sponsaliorum materiam prolixè tradit Noster; commemoratis causis, ob quas sponsalia invaluerint, nuptiasque præcedere soleant, eorum diversitatem, quod vel de futuro, vel de præsentì sint, adducit, eaque occasione varietatem & effectum conditionum sponsalibus apponi solitarum, ut & modum, qui pactis illis etiam nonnunquam accedit, persequitur. His ad liquidum deductis docet, quod sponsalia requirant consensum serium, perspicuum, non vi vel dolo elicitum, non erroneum, verbis vel facto declaratum; quæ singula per capita deinde specialius exponit, ac inde ad necessitatem consensûs parentalis progressus, quousque patris & matris, cæterorumque parentum remotiorum, vel etiam aliorum propinquorum, voluntas hic spectanda sit, edisserit. Inprimis personarum, sponsalia vel nuptias contracturarum, consideratio Nostrum tenuit sollicitum. Primo ergo ostendit, quod in linea recta consanguinitatis, sponsalia

lia in infinitum, idque quovis jure, Naturali, Divino & Gentium, quicquid etiam nonnulli Canonistæ dissentiant, sint prohibita. Dē-
indemonstrat, quod in linea collateralī, inter eas personas, inter
quas est respectus parentum & liberorum, sponsalia prohibeantur.
An vero hæc prohibitio nitatur jure naturali, nec non; utrum pro-
hibitio, in S. Literis occurrens, personas expressas solum concernat,
an vero de gradibus sit exaudienda, id semper inter Scriptores con-
troversum fuit, adeoque Nostro amplius disquirendi materiam sup-
peditat, quousque dispensatio hic locum habeat, etiam adjicienti.
Tertio inter fratres & sorores sponsalia nuptiasque prohiberi, Con-
sultissimus Autor indicat, actum de moralitate, tum sensu prohibi-
tionis hujus, ulterius disceptat, quidque vel jus Canonicum, vel
leges nostrates, illie adjecerint, recenset, addita Arboris Consanguini-
tatis, diversæque computationis explicatione. Non minori curâ
affinitatem deinde Noster considerat. Nam adducto ejus fundamēto,
explicataque indole, primo ostendit, quod non inter omnes, qui
affines se salutare solent, vera affinitas contrahatur, & quod adeo
ii, qui nullo affinitatis vinculo connectuntur, sponsalia inire non
prohibeantur; hoc tamen cum aliquo temperamento accipiendum
esse, simul admonet. Postea de gradibus & generibus affinitatis
fatagit, adductamque generalem regulam prohibitivam, ad lineam
rectam & collateralē applicat, & quousque prohibitio, sive gra-
dus sive genera spectes, idque vel secundum jus divinum, vel hu-
manum, se extendat, commemoratis pluribus personis casibusque
specialibus, gnaviter exponit. Dimissa consanguinitate & affinitate,
alia commemorat Noster impedimenta, quæ sponsalibus & nu-
ptiis obstant. Eo pertinent agnatio civilis, ex adoptione orta, co-
gnatio spiritalis, ex jure canonico ortum trahens, morbus animi
vel corporis, totalis religionis diversitas, adulterium, aliaque poli-
ticiis rationibus subnixa obstacula, a Nostro sigillatim explicata. Pro-
ducunt de cætero sponsalia vinculum, non penitus quidem indiso-
lubile, attamen satis firmum, ac non facile solvendum. Ob quas ergo
causas sponsalia solvi queant, tum quæ ex pluribus concurrentibus
preferantur, deinde doctissimus Autor tradit, addita vinculi spon-
salitii & matrimonialis, quoad nonnullos effectus speciales, compa-
ratione. De Magistratibus municipalibus, in editione Latina nihil
habe-

betur, sed Germanicæ l. i. tit. 14. hac de re aliquid proposuerunt, quod Noster itidem nonnullis observationibus auxit. Docet ergo primo Magistratus municipalis necessitatem & constituendi modum; deinde eos, qui ab hoc munere excludantur, recenset; tum habiles ad illud suscipiendum posse cogi, ostendit. Inde ad personarum, ex quibus Senatus componitur, diversitatem, dignitatem, jura tam in Ecclesiasticis, quam Politicis, ipsis competentia, ac innexa officia, explicanda accingitur (in quem locum nundinarum, onerum tam personalium quam realium, similiumque materialium consideratio incidit) ac quousque successor privilegia, ab antecessore data, servare debeat, disquirat. In l. 3, tit. 20 materiam evictionis & Ædilitii Edicti Noster pertractat, quem titulum prioribus editionibus, Latinæ & Germanicæ, deesse, antea diximus. Recepta methodo, evictionis præstatio sub initium definitur; quam definitionem excipiunt negotia, in quibus evictio præstanda sit; tum sequuntur casus, in quibus præstatio peti, nec non media, per quæ illa obtineri queat. Quo autem felici successu evictionis præstatio aliquando exigi possit, opus est litis denunciatione, aliisque requisitis, a Nostro deinceps commemoratis. De cætero non tantum emtori, sed & hæredibus, actio ad præstandam evictionem competit, quæ etiam contra venditorem similesque, ut & fidejussores, horumque omnium hæredes, vim suam exerit; certis tamen in casibus evictionis præstandæ necessitas cessat, Nostro latius illa omnia deducente. Illud in commerciis humanis frequenter contingit, ut contrahentes sese lædant. Istis læsionibus apud Romanos etiam occurrebat Edictum Ædilitium, cujus argumentum, requisita & actiones inde ortas, Consultissimus Editor ultimo loco explanat.

LIBRI NOVI EX ANGLIA.

Joannis Raii *Historia Plantarum Tomus tertius, qui est Supplementum duorum præcedentium. Accesit Historia Stirpium insule Luzonis & reliquarum Philippinarum; item J. B. Tournefort Corollarium Institutionum Rei Herbariæ. Londini apud S. Smith & B. Walford, 1704. in fol.*
The History of the Rebellion and Civil Wars in England, begun in

in the Year 1641. Written by the Right Honourable Edward Earl of Clarendon. Volumen the First. Oxford, printed at the Theatre, 1704. Fol.

A Treatise of Fluxions: Or, an Introduction to Mathematical Philosophy. Containing a full Explication of that Method by which the Geometers have made such vast Advances in Mechanical Philosophy. By Charles Hayes. London, printed for Dan. Mitwinter and Tho. Leigh, 1704. fol.

Miscellanea Curiosa. Being a Collection of some of the Principal Phenomena in Nature, accounted for by the Greatest Philosophers of this Age. London, for Jeffery Wale and J. Senex, 1705, 8.

Opticks: Or a Treatise of the Reflexions, Refractions, Inflexions, and Colours of Light. London, for S. Smith and B. Walford, 1704, 4.

A Dictionary of all Religions, ancient and modern. Whether Jewish, Pagan, Christian or Mahometan. London for James Knapton, 1704, 8.

Salvation by Jesus Christ alone, agreeable to the Rules of Reason, and to the Laws of Justice. By Tho. Staynoe. London for Benj. Toke, 1704, 8.

Henrici Dodwelli de Nupero Schismate Anglicano Paraneſis ad Exteros, qua jura Episcoporum veterum eorundemque a Magistratu Seculari Independentia, omnibus afferenda commendantur. Londini impensis Richardi Smith, 1704. 8.

The Knowledge of a Man's Self the Sureſt Guide to the True Worship of God &c. by Thomas Tryon, 1704, 8.

Miscellanies, by D. John Worthington. London, for John Wyat, 1704, 8.

A Discourse of the Unity of the Church &c. By Robert Burscough. Exeter, for Tho. Bennet, 1704, 8.

The Religion of a Prince. By William Nichells. London, for Tho. Bennet, 1704, 8.

The Case of Impropriations, and of the Augmentation of Vicarages and other Insufficient Cures. London, for Awnshaw & J. Churchill, 1704, 8.

Essays

Essays on the Preservation & Recovery of Health. London, for Richard Wilkin, 1704, 8.

The Storm: Or, a Collection of the most remarkable Casualties and Disasters which happen'd in the late dreadful Tempest, both by Sea and Land. London for G. Sawbridge, 1704, 8.

D. Roberti Huntingtoni, Episcopi Rapotensis, Epistole. *Præmittitur de ejusdem Vita Τροχωνάτιον*, scriptore Thoma Smitho. Londini, impensis A. & J. Churchil, 1704, 8.

Henrici Dodwelli *Exercitationes due: Prima de Ætate Pythagoridis: Secunda de Ætate Pythagora Philosophi.* Londini, impensis Richardi Smith, 1704, 8.

Nonnulli e Luciani Dialogis selecti: omnes scholiis illustrati ab Edwardo Leedes. Cantabrigia, impensis R. Clavel, S. Smith & R. Walsford, 1704, 8.

The History of Man: Or, the Wonders of Humane Nature, in Relation to the Virtues, Vices and Defects of both Sexes. London, for R. Basset, 1704, 8.

Clavis Commerctii: Or, the Key of Commerce, shewing, the True Method of Keeping Merchants Books &c. London, for Eben. Tracy, 1704, 4.

Of the Principles and Duties of Natural Religion, two Books: by D. John Wilkins. The fifth edition. London, for R. Chiswel, 1704, 8.

Anglie Notitia: Or, the Present State of England, with divers Remarks upon the ancient state thereof. By Edw. Chamberlayne, and continued by his Son John Chamberlayne. The 21 edition, with large Additions and Improvements. London, for S. Smith and B. Walsford, 1704, 8.

A Discourse concerning the Nature, Advantage and Improvement of Trade: by P. Paxton. London, for R. Wilken, 1704, 8.

A Table of a Tub. To which is added an Account of a Battel between the antient and modern Books in St. James Library. The third edition. London, for John Nutt, 1704, 8.

Tractatus brevisculus, in quo ostensum, ranclectiones Episcoporum quam ordinationes, ad nullam potestatem secularem, sed ad solos Ecclesiarum Praesides pertinere. Autore Thoma Gregorio. Londini apud Th. Benner, 1704, 4.

* * * *

A C T A ERUDITORUM,

publicata Lipsiæ

Calendis Februarii, Anno MDCCV.

*L. ANNÆI FLORI RERUM ROMANARUM LIBRI
duo Priores, ex Criticorum Observationibus correcti, cum Textus
ratione, Notisque Variorum Historicis, Politicis & Antiquariis:
jussu & impensis Augustissimi REGIS BORUSSIÆ & Electo-
ris Brandenburgici, in usum Principis Regni & Electoratus Ha-
redis adornati & editi a LAURENTIO BEGERO,
Consiliario Regio & Electorali ab Antiquitatibus
& Bibliotheca.*

Coloniæ Marchicæ, typis Ulr. Liebp. Typographi Regii, 1704,
in fol.

Constant Alphab. 4. plag. 20. multisque fig. æn.

E Tiamsi tot præclara elegantioris doctrinæ specimina, quibus
Celeberrimus Begerus illustre sibi inter strenuos venerandæ
antiquitatis vindices nomen jam asseruit, nondum innotuis-
sent literato ordini, haud dubium est, quin unico hoc libro
edito, summam eruditionem, ac mirificum reliquiarum prisce ævi stu-
dium, eidem satis abundeque comprobaret. Cum enim jussu Potenti-
ssimi Borussicæ Regis, Florum Historiæ Romanæ Epitomatorem non
incelebrem, in usum Serenissimi Principis Regii expoliendum sumeret
Noster; id sane egit, ut omnibus hujus generis Autoribus, quot-
quot hæcenus lucem adspexerunt, palmam præriperet. Non
enim modo textum Scriptoris quam castigatissimum dedit, & ra-
tionum proxime subjunctarum examine firmavit, sed etiam notas
varias, quæ historicas & politicas, quæ philologicas atque antiqua-
rias e Camerte, Vineto, Stadio, Grutero, Freinshemio, Zevecotio,
Salmasio, Ruperto, Grævio & Anonymo quodam depromptas adjecit,

G

fuis-

suisque pariter observationibus selectissimis locupletiores effecit. Neque tamen intra hanc metam substitit, sed ut ornatius singula prostrarent, innumeras armorum, statuarum, toreumatum, gemmarum, nummorumque delineationes curatissime incisas interspersit; quin & tabulas geographicas, triumphales aliasque scōpo suo congruentes, quas inter eminet una e Gazophylacio Regio-Electorali Brandenburgico prælum Scipionis & Hannibalis in patera argentea depingens, magno cum judicio addidit. Quod ne temere fecisse, & laciniam purpura ornasse videatur, in præfatione totus in eo est, ut Floro brevitatē vitium injuste exprobrari ostendat, Verderiumque pariter ac Schottum, quorum hic compendia librorum pestem, labem, perniciem & tetra Autorum vulnera; ille Florum brevitate sua se implicare potius quam explicare, ejusque opera multos libros perisse dixit, ut iniquissimum, ita & absurdissimum judicium, quod nullo modo attendi mereatur, tulisse existimat. Deinde Illustrem Grævium, nuper cheu! ut alibi dictum a nobis est, demortuum, κακοζήλιαν in Floro nimis severe carpere statuit, eaque de causā singulos naves, in præfamine ad editionem suam ab eodem notatos, expungere conatur, Grævianæ famæ defensores ad certamen insuper provocans, quorum jam erit armorum pondus explorare. Nos quidem arenam occupare, aut in castra ullius transire nolumus; id tamen persuasi sumus, τὴν μακαρίτην juvenum manibus non plane excutere voluisse hanc epitomen: cur enim illustrandæ ei tantum operæ impendisset? rationes vero habuisse haud scilicet, quare Flori lectionem circumspecte instituendam monuerit. Sed missa hæc facimus, serioque profite-mur, ut animum a cavillandi pruritu alienum semper servavimus, ita nec in præfati Cl. Begero opinionem æqui rerum affirmatoris nos derogare velle. Merita certe ejus de Floro majora sunt, quam ut verbis assequi valeamus, quippe qui præter laborem in explicatione verborum ejus collocatum, eruditum etiam discursum de Romanorum originibus præmisit, sicque ingressum ad integram historiam probe munivit. Est itaque omnino, quod gratias decernat Nostro Musarum coctus de bellissimo hoc munere, viresque apprecetur annorum victrices, quo postremos duos libros pari felicitate atque ingenio absolvere possit.

ME-

*MEDITATIONES SELECTÆ DE SUBLIMI HO-
minis Scientia, compendiose digestæ a DAVIDE BRAUN,
S.R.M. Polonia Burggrabio Marienburgensi, & Oeconomie
Bellicæ Regni Commissario.*

Gedani apud J. Z. Stollum, 1704. in 8. Alphab. I.

Quidnam homo, solius etiam rationis sanæ ductum secutus, de rebus Theologicis firmiter tenere valeat, hoc in opusculo demonstrare annisus est Autor Nobilissimus, atque momenta capropter huc spectantia præcipua, quæ ab aliis fusius jam pertractata fuerunt, Meditationibus paucis atque brevioribus includit, quibus obviam ire se velle profitetur discursibus admodum scandalosis, quos passim hodie haurire detur ex ore sublimium etiam virorum, qui dum mysteria sacrosanctæ fidei ignorent, aut nosse profecto putida jactantia dissimulent, ipsam usque adeo notitiam, qua natura duce possent imbui, evertere aut obscurare minimum allaborent.

In prima itaque Meditatione DEUM sibi considerandum sumit, ejusque Majestatem ex scala naturæ homini cuilibet sano, mediisque necessariis ad judicium veritatis assequendum instructo, affatim patere innuit. Tam alte etenim impressisse ideas suas divinum Numen humanis ait mentibus, ut nemo inter gentes qualescunque educatus, conscientiam ejus queat exuere, utut quam maxime velit; adeoque atheos strictè sic dictos dari, prorsus abnuit. Hinc quibus modis, esse Deum, ex natura possit evinci, significat. In acie statim ponit hujus universi considerationem, in quo constans elementorum discordia, rerum omnium ordo, cœlestium terrestriumque corporum summa pulcritudo & immensa magnitudo, ipsi gentibus sapientissimum Architectum ob oculos veluti spectandum proposuerint. Materiam vero Deo in creatione ullam coævam, aut mundum esse æternum, & sive casu, sive necessario existere, petitis ex ratione argumentis inficiatur. Porro ex consideratione sui ipsius, quemlibet existentia Dei fundamentum posse petere ostendit. Dum enim nos esse non dubitemus, nosque nobis ipsis nostrum esse non dedisse vel ex eo colligamus, quod perfectiones eas, quas nobis jam deesse conqueramur, nobis dare liquisset, si a nobismet dependeret esse nostrum, ab alio certe pro-

venire existentiam nostram, colligendum hinc venire evincit, & posito uno gradu dependentiæ cuiuscunque entis a causa alia, semper progrediendum esse addit usque ad ultimam causam, summum DEUM. Tertiam rationem ex Aristotelis Philosophia depromit, & a motu in universo raundo mutuatur; unumquodque enim quod movetur, ab alio moveri supponit, cum impossibile sit, idem esse motum & movens; id autem, quod moveat, actu esse necessario debere infert. Firmissimum tamen ratiocinium a fine rerum in universum omnium derivat; nam cum nulla creatura sine aliquo careat, hunc ipsum sane tanquam causam, licet non executione, tamen intentione, ante ipsam rem existisse asserit. His prælatis, ad impugnandam Deorum multitudinem, hominum apotheosin, & simulacrorum symbolicum cultum pergit, & argumentis ubique similibus utitur. Naturam Dei rationem, sine revelatione, difficulter agnoscere fatetur. Inde de attributis Dei dispicit. Dei operationem ad extra necessariam esse, & in ipsis creaturis quidquam mali a Deo conditum, quod agnoscere quis debeat, rationem jubere ullam negat. Quomodo fatum, casusque & fortuna, cum Divina providentia consultat, & quomodo hæc humani libertatem arbitrii minime impediat, methodo haud ineleganti demonstrat, & blasphemiam illorum, qui homines se esse obliiti, Deum causam mali & peccati pronuntiare haud vereantur, ponderibus ex ratione depromtis, valde indignatur.

Meditatio *secunda* circa *animam* occupata est, & ante omnia eum, qui usque adeo Scepticorum seu Aporeticorum secta infatuatus fuerit, ut quoque animam inesse animato dubitet, perinde responso indignum fore judicat, ac illum, qui equitem qua talem sine equo, aut citharædum absque cithara, denominari & actu esse posse, blateraret. Excussis postmodum quæstionibus: an anima ex elementis sit composita? an ex igne? an sit aer subtilis? an ipse sanguis? an corpus? an temperamentum? an numerus & harmonia? an ex censu corporum cælestium? an duæ in uno corpore animæ? an anima sit divisibilis? aliisque, hanc animæ definitionem subministrat, quod sit spiritus corpori hominis hypostatice junctus, inque corporis organis vires nutritivas & sensitivas exrens, sine ullo tamen corporis organo intelligens, & extra il-

lud

lud subsistere aptus. Circa ejus propagationem determinandam, neque his adstipulatur, qui alicubi omnes animas simul quondam creatas existere, corporique extrinsecus illabi statuunt, neque istis, qui simpliciter aternas & substantiæ divinx particulas easdem faciunt, aut singulis hominibus quotidie infundi eas credunt; sed potius ex illa una anima, quæ Adamo, primo homini, data est, cæteras quotidie propagari affirmat. Immortalitatem ejus ex eo probat, quod extra corpus & sine ejus organis possit operari; quod a se ipsa perpetuo moveatur, motusque sit principium; quod simplex sit & incorporea, atque ex contrariis non constet, iisque haud afficiatur: nam quod aliqui animam in phreneticis corruptam esse perhibere conentur, frustraneum judicat, cum non ipsa, sed organa phantastica corrumpantur: prout & in lapsu Protoplastorum non animam ipsam, verum additam ei imaginem divinam, sanctitatem & justitiam, corruptam fuisse monet. Eandem porro immortalitatem animæ ex conscientiæ potenti motione, ex voluntatis insuperabili libertate, & Dei justitia, rationibusque ejuscemodi aliis comprobatur, & parili modo resurrectionem corporum cum animabus reduniendorum statuminat. Metempsychosin tantundem rationis, quantum metamorphosin, habere notat, & utramque rejicit, apparitiones quoque præstigiis diabolicis annumerat.

Tertia Meditatio beatitudinem, seu summum hominis bonum contemplatur, atque hoc nec in ipso, nec in ullis rebus externis aliis, quærendum autumat; quin imo ne in hacquidem vita illud possideri admittit, ut alio modo in bonis corporis, modo in animi bonis, inepte admodum idem quæsierint. Ac sane apud Sapientes hujus seculi, veram beatitudinem haud inveniri censet, indeque ad illuminatos divinis revelationibus Doctores confugiendum esse suadet, quorum ductu sapientia vera cognitura sit, summum hominis bonum in sola religione seu agnitione Dei consistere, cumque hæc ipsa præsentem in mortalitate imperfecta valde sit, in immortalitate futura explendam fore superaddit. Hanc veritatem ipsos quadantenus Gentiles attingisse observat, omnesque Philosophorum de summo bono sententias ab errore ad rectam revocari posse viam autumat, unico hoc additamento, quod eadem de futuræ vitæ beatitudine intelligi debuissent. Gentilibus autem

tem Judæisque recentioribus ac Turcis, qui carnales voluptates futuræ vitæ affingant, rejectis, bona futura tam animæ, quam corporis enumerat, & quod veritatis hoc in negotio crepusculum Platonem, Porphyrio & Varroni haud obscure illuxerit, notari cupit.

Quarta Meditatio prolixitate sua priores sola adæquat, cumque *religioni seu viæ ad beatitudinem summam ducenti* destinata sit, post Religionum Indifferentissimum explosum, principales a mundo condito religiones quatuor, *Gentilissimum, Judæissimum, Christianissimum & Mahometissimum*, contemplandas sumit duabus in sectionibus, quarum prima Gentilissimum & Mahometissimum damnat, altera vero Christianissimum & Judæissimum sibi invicem opponit, istiusque præ hoc excellentiam vindicat. Circa Gentilissimum dum versatur, Oraculorum vanitatem redarguit, autoribusque Dæmonibus, ipsorum gentilium testimonio, per fœminas a Cæcodæmone obsellas & furore correptas edita, mendacia fuisse & ambigua, turpia item crudeliaque phurima efflagitasse eadem, ostendit. Sibyllarum revelationes non minus insanas, turpes, crudeles, mendaces atque falsas fuisse, adstruit. Nec Philosophorum doctrinam & præcepta veram Dei cognitionem complexa fuisse largitur, & falsitatem moralem eorum Theologiæ ex Philosophorum vitis sigillatim deducit. Socratem certe v. g. ob libidinem, gulam & impudentem iracundiam Alcibiadi in deliciis, sed ipsum vicissim adolescentem corruptorem, & ob familiaritatem Dæmonis, a quo futura se doceri prodiderat, infamem; Platonem adulationis nimie, luxus, & quod Stella astrologo, Dione, Phædro & Alexi abusus sit, accusatum fuisse, ob statuminatam item licentiam, mulieres communes reddendi, male notatum; Aristotelem eo usque insanie progressum, ut scorto tanquam Dæi sacrificaret, cum filios ex ea procreasset; Bionem pæderastiæ sceleris damnatum; Pythagoram apud Crotoniatis tyrannidis affectatæ reum actum; Periandrum propria matre abusum; aliosque plures scelerum aliorum longe gravissimorum convictos fuisse meminit. Hinc compendiosam Theognosiam idolorum gentilium, tam omnibus populis communium, quam singulis propriorum, adumbrationem suppetitat, Deosque qua minorum qua majorum gentium recenset, sigillatim Solem, Lunam, sidera, elementa, ventos, fulmina, tonitrua, ignes

ignes fatuos, homines, bruta, plantas, fossilia, in cultum eorum venisse edocet, ac symbola simul Deorum Gentilium considerat. Gentilibus Mahumedanos statim associat, quæque sint religionis ipsorum principia, & quam mendaces ac impuræ deprehendantur, quas jactent, revelationes, pluribus verbis doctissime declarat. Atque hæc contenta primæ sectionis sunt. In altera Christianismum contra Judæos vindicat, quorum antiquas revelationes divinas esse omnino concedit, eaque occasione de Mosis antiquitate & sanctitate juxta scriptores gentiles differit, quamque plurima doctrinæ & historię Mosaicæ Gentiles noverint, ut ut eadem ad impia sua sacra detorsissent, exponit. A priscis vero revelationibus cum obstinacia & falsâ interpretatione sua Judæi postmodum misere defecerint, & ex vere credentibus paulatim Ethnicis æquales aut peiores facti fuerint, hinc contra eos late disputat, ac summa hæc capita deducit: quod Messias, in scriptis Mosis & Prophetarum, tanquam Deus ipse in carnem humanam venturus describatur: quod idem certo tempore, stante nimirum templo Salomonis secundo, hoc est, post captivitatem Babylonicam restaurato, venire debuerit, salvaturus non Judæos solum, verum & Gentes: quod idem in Berthehem, de tribu Juda, & de domo David, & inaudito miraculo ex virgine castissima nasci: quod multis ærumnis exantlatis, in carne pati, crucifigi, ultimoque ex mortuis resurgens in cœlum adscendere, inque mundo Apostolos Spiritus S. donis instructos, qui ad spirituale ipsius regnum omnes nationes terræ miraculis & verbi Dei virtute vocarent, magnamque vere credentium civium Ecclesiam colligerent, relinquere: quod lex Cereimonialis seu Levitica tempore Messię hujus exspirare debuerit. Quibus singulis scite demonstratis, ultimo loco, quod talis & tantus Christus Dominus jam venerit, qui hæc omnia excellentiori modo adimpleta dederit, indeque Judæi maximi erroris de venturo adhuc Messia acculandi sint, quodque Christiani e contra vera verbi Divini mysteria palam sectentur, valide concludit. Sed antequam opus ipsum finiat, in doctrinæ Christianæ sanctitate & moralitate non invenire affirmat, sive Gentiles, sive Judæos, quod objiciant. Præcipuos namque illius articulos, de Trinitate, de Filio Dei incarnato & crucifixo, ac de Spiritu Sancti cum fidelibus conjunctione, Judæorum

pariter & Gentilium ipsorummet testimoniis, ex eorum scriptis heic allegatis, firmari monstrat. In eos igitur non minus atque in Atheos, Epicureos, Indifferentes, ac illos quoque, de Dæmonibus qui dubitant, justam stringit epanorthosin, & ut gentes extra Christum omnes damnari, haud obscure sibi persuadet, sic ad blasphemias nonnullas Judæorum objectiones, contra miracula resurrectionemque Christi, & fidem Apostolorum, in medium allata, respondet, & post inculcatam denuo doctrinæ Christi innocentiam, & charitatem imprimis, quam hæc tantopere requirat, in parænesi ad infideles omnes, & impios non minus Christianos, inque piis votis desinit.

G. BRANDS HISTORIE DER REFORMATIE IN
en Ontrent de Nederlanden. Het derde en vierde Deel &c.

h. c.

J. BRANTII HISTORIA REFORMATIONIS BÈL-
gii & vicinarum Provinciarum. P. III & IV.

Roterodami apud Barent Boss, 1704. in 4to. Volumina II.
alphab. 12.

Primam præstantissimi hujus Operis partem, libros X priores, Historiam reformationis a primis Christianismi in his partibus incunabulis, usque ad annum C. 1600 sistentes, complexam, anno 1663 Amstelædami excusam habemus. Ea una cum parte altera, qua continuatur eadem Historia usque ad exitum anni 1618, Amstelædami anno 1671 iterum lucem adspexit. Ob aptissimum rerum ordinem, fidem in allegandis diligenter monumentis & testimoniis idoneis, eximiumque linguæ nitorem, hostium quoque encomia promerita fuit. Sane enim laudes istas omnes Brantio ne ipse quidem derogaverit Henricus Ruilius, verbi Divini apud Amstelædamenses olim minister, qui in scriptis adversus hanc Historiam variis libellis, omnes istas virtutes Brantiano fortui concedit, de eo tantum conquestus, quod, ubi ad Kornherti tempora, primasque adeo schismatis inter Remonstrantes & Contraremonstrantes in Belgio origines, deventum esset, plus quam decebat Historicum, Remonstrantium studiosum se ostenderit, in quorum sci-

scilicet partibus ecclesiastico munere apud Amstelædamenses fuit defunctus. Sed quicquid sit de ista Ruilii accusatione, quam variis scriptis apologeticis, dum viveret, abstergere conatus diligenter fuit ipse Brantius, magna hucusque semper hujus Historiæ apud Belgas existimatio fuit & autoritas. Ut multum haut immerito res patriæ ecclesiasticæ debere videantur Reverendo Gerardi Brantii Filio, Joanni, qui continuationem Historiæ illius ab ipso Parente ad annum usque 1623 productam, ex schedis ejus nunc demum publicavit. Complectitur illa accuratam Synodi Dordracenæ, tristitiumque, quæ post eam Remonstrantes afflixere, factorum Historiam, ex omnibus, quæ suppetebant, monumentis, actis, relationibus, litteris diligenter digestam, atque eo usque diligentæ & accuratæ observationem, ut minutillimas affectuum, contentionum, eventuum occasiones, ipsaque verba ultro citroque commutata, semper exhibeat, indolemque, mores, ingenium, studia hominum vivide admodum, tanquam in tabula, repræsentet. Ut si quis alius unquam, ad ecclesiasticam prudentiam, sive comparandam, sive firmandam, hic inprimis liber spectare videatur.

BARTHOLOMÆI DE MOOR VERIS OECONOMIÆ Animæ seu potius Humane Principiis innixæ Pathologia Cerebri Delineatio Practica; in qua Morborum Soporosorum per Notas Characteristicas Distinctio, nec non Spasmodorum accuratior Distributio traditur.

Amstelædami, apud Gerardum Borstium, 1704. in 4to.

Constat 3½ Alphab.

Quemadmodum Clarissimus Author in *Cogitationibus suis de Insurrectione Medicina*, a nobis in *Actis Anno 1696 Mense Augusto pag. 370* commendatis, omnes humanæ œconomix functiones a sanguinis pressione deducendas esse docuit: ita ab ejusdem pressionis vitio, non neglecta singularum partium structura, morbos & symptomata esse derivanda, ut demonstret, in hac Idea Praxeos Medicæ Novæ, cujus librum primum, Pathologiam Cerebri continentem, jam sistit, conatu non spernendo occupatus est.

H

A Cc-

pag. 1.

A Cephalalgia initium facit, cuius causas a pressione sanguinis partim aucta, partim imminuta repetit. Cum enim membranae cerebri copiosissimis vasis arteriosis, & una cum pericranio summa gaudeat sensibilitate, quivis facile intelliget, enormiter has partes affici a pressione, dilatatione & aestu sanguinis; sub quo statu hic non solum totus immutatur, sed imprimis serum ita degenerat a solita sua tenuitate, ut in gelatinam spississimam excoquatur: cui pressioni auctae ansam dant febres, plethora, exercitia, radii Solares, ebrietas & ingluvies. Sed & ab imminuta pressione excitatur hoc malum, quando sanguis nimis lentus & viscidus per vasa non nisi ægerime propelli potest; quod patet in chlorosi & scorbuto. Quod partium solidarum vitia attinet, oritur cephalalgia, præter conformationem p. n. a commotione cerebri, ab equitatione & uestione vehemente, a refrigeratione capitis &c. Quibus explicatis desinit cephalalgiam, quod sit capitis sensatio molesta, imprimis a sanguine motu suo vasis & membranarum vim inferente producta. Quanquam enim, uti dictum, partium solidarum vitium capitis dolorem producat, sæpe tamen is ideo excitatur, quod sanguini circulaturo impedimentum aliquod obiciatur, quod pulsatio molesta excipit. Ex causis fluunt indicationes generales, quæ in eo consistunt, ut sanguinis pressio nimia compescatur, progressus per vasa capillaria facilius reddatur, cerebri vitia corrigantur, & dolor mitigetur. Mittimus prognosin, cautelas practicas, & formulas, quas subjungit fideliter Author Clarissimus, ex propria praxi partim, partim ex authoribus allegatis petitas. Atque hæc speciminis loco sufficiant, ex quibus haud obscure intelliget L. B. qua usus fuerit methodo Noster in reliquis explicandis capitis morbis. Inter quos cum affectus soporosi non sint infrequentes, ab Authoribus vero maxime confuse fuerint tractati, notas characteristicas singulorum subungere placuit Clarissimo Moor. Coma igitur vigil vocat, quando ægri conqueruntur de summa capitis molestia, non quidem dolore, sed velut interno ardore, & motu intestino expansivo, qui ipsos reddit quidem in somnum proclives, & somnum enixe desiderantes, cum tamen non possint aut non audeant eundem capessere. Coma somnolentum est, quando ægri, provectoris ætatis præsertim, ad somnum sunt valde proni, cum

in-

pag. 188.

in signi mentis hebetudine, nonnunquam oris apertione, adeo ut sedentes & cum aliis colloquentes, etiam interdiu, in somnum involuntarium prolabantur. Hic morbus circa vesperam ingravescere solet; febris non est insignis, aliquando lenta, nec ægri conqueruntur, nisi de somnolentia molesta. Huc etiam referri potest ea somnolentiæ species, quæ suppressionem urinæ insequitur; ut & sopores profundi absque manifesta febre, e.g. ab ebrietate, usu opii, & somnolentia scorbutica. Quando autem ægri, febris insigni & vehementi, & statim in augmento, vel etiam principio, in somnum profundum incidunt, unde vix aut ne vix quidem excitari possunt, quem aliquando convulsiones & ipsa mors brevi excipiunt. Cui species prima dicitur. Quod si vero ægri post attritas vires a febre continua, in somnum profundum & *asphyxia* incidant, in eo statu per aliquot dies permaneant, nihil rogent, jaceant veluti moribundi, postmodum oculos iterum attollant, aliquando statim cibum petant, atque feliciter evadant, vocatur cui species secunda. Quibus tertia accedit species, quando in febris ægroti, diem unum aut alterum ante mortem, velati somno oppressi decumbunt, ob attritas vires, sanguinem ad circulationem ineptum redditum, & spiritus dissipatos. Lethargus est sopor gravis cum febre & stertore, in quo ægri excitati respondent, & iterum in somnum relabuntur. Apoplexia denique Nostro audit sensuum omnium, cum *asphyxia* & resolutione, nec non difficili respiratione, subita privatio, a sanguine cerebrum ejusque vasa inundante, aut nimia replente, ortum ducens. De cætero cum in titulo accuratam Spasmodorum distributionem polliceatur Author, operæ pretium est, mentem ipsius brevius explicare. Scilicet per spasmodum in genere intelligit involuntariam & vehementem musculi aut fibrarum muscularium contractionem: ejusque causam, Hippocratem secutus, rejicit in repletionem & inanitionem. In priori casu arteriæ carotides nimis replentur; unde sequitur compressio nervorum, depressio cerebri, spirituum animalium versus musculos propulsio, fibrarum tensio, sanguinis progressus retardatus, musculi inflatio, partis tendinis annexæ vehemens & involuntaria contractio. In posteriori casu cerebrum expansionem suam amittit, adeoque veluti subsidet; quæ subsidentia spiri-

PAG. 339.

tus animales inordinate versus musculos premit, & convulsiones ciet; ad quas classes irritatio partium nervearum, a reliquis Authoribus accusata, ut referri debeat, prolixius explicat Author. Spasmi igitur in genere dividuntur in convulsiones, & motus convulsivos. Illæ sunt vel universales, vel particulares. Universales observantur vel minus frequentes, ut tetanos, opisthotonos & emprostotonos; vel magis frequentes, exque vel graviore, vel minus periculosa. Inter illas quædam infantes infestant, vel statim a nativitate, vel circa dentitionem; quædam adultos vexant, ut morbus caducus, & epilepsia proprie sic dicta symptomatica, quæ diversi observatur esse generis. Est enim 1) febrilis, vel ordinaria in principio & progressu morbi, vel extraordinaria epidemica; 2) pedissequa dolorum, purgationum, hæmorrhagiæ, vulnere & ulcerum, repletionis, &c. 3) hysterica; 4) hypochondriaca; 5) scorbutica. Inter minus periculosas convulsiones referuntur subsultus in somno, convulsiones in somno, spasmus flatulentus, & quæ hæmorrhagias excipiunt. Particulares vero quod attinet, sunt hæ strabismus, *τρεσσοίς*, spasmus Cynicus, risus Sardonicus, latyrialis, sternutatio & singultus. Motus convulsivi denique sunt vel vehementiores, vel minus vehementes; utrique febriles, hysterici, &c. Cum autem morbus caducus cum sensuum interiorum abolitione sit conjunctus, hujus symptomatici occasione, quædam circa sensorium commune præfari, operæ pretium duxit Author. Hoc autem supponit debere 1) esse partem unam, quia motus a duplicibus sensoriis externis in eo velut uniri debent; 2) motus spirituum animalium ab omnibus organis & membris delatos recipere; 3) motus spirituum animalium, ad illud tanquam metam pertinentes, velut terminare; 4) sensuum exteriorum objecta varia percipere ac dijudicare; 5) motum spirituum animalium versus has vel illas partes determinare. Exque his concludit, nullam cerebri partem solidam dari, cui hæc omnia tribui possint; cum autem eadem in mentem cadant, hanc sensorium commune adstruere, nullus dubitat.

p. 368.

p. 457.
p. 530.

Tandem non possumus non Compositiones quasdam evporistas ab Authore, Clarissimo inventas vel correctas, hic commendare, scilicet, *Diascordium novum*, *Spiritum Cephal-*

licum epilepsiam hypochondriacam tollentem, Spiritum Galbani compositum in spasmo flatulento adhibendum, & Aquam laetis nephriticam Pharmacopœæ Bateanæ correctam.

p. 539.

p. 559.

M. JO ANNIS TRIBBECHOVII, FAC. TH. HALL, & Phil. Jen. Adjuncti Brevia Lingua Ῥωμαϊκῆς, seu Græcæ Vulgaris Elementa, quibus differentia antiquum inter & recentiorum Græcismum præcipue ostenditur. Præmissa est Dissertatio de Ortu & Natura hujus Lingue: accessit Concio Christi montana Matth. V.

VI. VII. Epistola Clarissimi Anastasii, Græci, & Syl-
labus vocum usitatorum.

Jenæ, apud Jo. Bielckium, 1705, in 8. Plag. 10.

Dissertationis, quæ etiam Jenæ publice ventilata est, summam ipse titulus monstrat, eam videlicet agere de ortu & natura linguæ vulgaris Græcæ: quæ quidem, si rem ab ovo ordiamur, referenda fuerit ad quintam Græcorum dialectum, κοινή, h. e. communem & vulgarem antiquis dictam, teste Jo. Grammatico in suis Τεχνικοῖς. §. I. Alio nomine hæc dicitur πεζή, quasi pedestris, si quidem illam cum antiqua sermonis elegantia comparaveris. Ad di etiam posset synonymum ἀπλὴ Φρασις, quo propter simplicem dictionem haud raro insigniri solet. Communiter tamen adpellatur Ῥωμαϊκῆ, sicut Græci post tempora Constantini Ῥωμαῖοι, & Constantinopolis νέα Ῥώμη audit. §. II. Jam si quaeratur, num antiqua illa κοινή, qua comœdiarum historiarumque scriptores usi sunt, conveniat cum recentiore Græcorum sermone? istam quidem hujus esse fundamentum & velut matrem agnoscendam, sed longe puriorem fuisse cultioremque hodierna, nemo ibit inficias. Causæ corruptionis in promptu sunt: Romanorum imperium, unde tot Latinismi, etiam in ipso Novo Testamento; Græcorum scriptorum desidia, qui tam facile barbaras voces, magno numero in Meursii Glossario congestas, admiserunt; in primis Turcarum tyrannis, litterarum studiis infensa; item frequens commercium cum populis vicinis, maxime Italis. §. III - VI. Cæterum quatenus hæc lingua Græca est, ex quatuor antiquis dialectis conflata deprehenditur, quod ex allatis ibi exemplis patet §. VII. VIII. Deinde traditur divisio hujus linguæ, quæ est vel ecclesiastica, vel politica: hæc

rursus vel *ἡπειρωτικὴ*, quæ in *ἡνίοποις*, vel *ὑπερῶν*, quæ in *terra continenti* viget; quibus additur tertia, nimirum *Constantinopolitana*, quia Constantinopolis systema Græciæ, & præcipue *ἡ τοῦ Πατριαρχίου*, sedē Patriarchali, idioma ecclesiasticum principem locum obtinet. Præter Constantinopolin, purior dialectus reperitur Thesalonica, in reliquaue Græcia stricte sic dicta, imprimis vero in metropoli Epiri *Jannina*, ubi illustre Græcorum gymnasium, una cum *ἀκροατήριον* hodiernum floret. §. IX. X. XI. Laudatur quoque hac ætate schola *Larissæ & Corcyrensis*, ubi itidem litterarum studia coluntur, & præcipue posterior acroaterium Latinum habet. Quod ad dialectum insulanam attinet, ea melior est in Cycladibus, quam Sporadibus & Echinadibus insulis, vel eam ob causam, quod illæ præpiores sint S. Monti seu Atho, hodie monasteriis reſerto. Echinades vero, una cum Creta, nimium ex Italico sermone, quod Italiæ viciniore sint, trahunt. §. XII. Sed rursus magna varietas propter multitudinem insularum, ut vere obtineat, *quot insula, tot lingua*, fatentibus ipsis Græcis, quorum testimonia adducuntur. §. XIII. XIV. De sermone ecclesiastico tenendum, quod proxime accedat ad veterem Græcismum, exceptis quibusdam generalioribus momentis, quibus ad captum populi immutatus est. Versio autem Novi Testamenti Græco-Vulgaris, autore *Maximo Callipolitano* edita, & cura *Seraphimi Müylenensis* denuo Londini A. 1703 excusa, plus solito barbararum vocum habet, in gratiam tot millium Bulgarorum, Wallachorum &c. qui inter Græcos habitant. §. XV. XVI. Denique iudicium fertur de hac lingua, eam quidem, quoad elegantiam, antiqua longe esse inferiorem, propterea tamen minime, Criticorum quorundam more, tam graviter accusandam, imo rejiciendam esse, vel propter multas peregrinas voces, vel etiam *βαρβαρὰς φωνὰς* & malam *ῥυθμίαν*; quæ omnia diluuntur §. XVII - XXI. Virtutes contra huius idiomatis recensentur, perspicuitas qua cum ipsa matre certare videtur, peculiarisque quædam elegantia & *δουλότης*, quam imitari difficile est. §. XXII. Poësis *ῥωμαϊκὴ* rudior quidem, sed hodie cultior extat, præsertim in Creta, quæ hoc in genere multum reliquis præstat. §. XXIII. Apparatus librorum, ad hoc institutum facientium, apud nos exiguus est: differitur ta-

men

men de *Lexico Vlachii Cretensis* & aliorum Dictionariis, & ex notis stratibus laudatur *Crusii Turco-Græcia*, licet multa ibi obsoleta & corrupta occurrant. §. XXIV. Tandem ratio & occasio editionis huius Elementorum, quæ fuit adventus Græcorum in Academia Fridericiana, quibuscum Autori arctior familiaritas intercessit, significatur, & ne locus vacuus esset, adduntur quædam potiora ex præfatione *Glossarii media & infima Græcitatæ Caroli du Fresnei*.

Ipsa vero Elementa conscripsit Autor Doctissimus, magnique Parentis & Theologi quondam celeberrimi haud degener filius, methodo Celeberrimi Hardtii, quam in tradendis linguis Orientalibus Clarissimus in Academia Fridericiana Prof. Michaelis non sine fructu discipulorum eximio, adhuc observavit. *Duabus* partibus totum negotium absolvitur, quarum prima agit de *Fundamentis*, altera de *Paradigmatibus*. Circa fundamenta notanda sunt quatuor momenta lectionis & descriptionis, *Consonantes, Vocales, Tonus & Notæ Diacriticæ* lectionis: in quibus modo differentia ab antiquo sermone breviter indicatur. Eadem quidem consonantes sunt, sed paulo alter pronuntiantur, præcipue τὸ δ, θ, ζ: quæ pronuntiatio omnino præferenda, si non in omnibus, saltem in plurimis; quod vel ex Clenardi Institutionibus & aliis antiquioribus Grammaticis facile probari potest. Vocalium pariter & diphthongorum sonus plane convenit cum eo, qui in superiori Saxonia ut plurimum receptus est: nam aures Græcorum a distinctis illis sonis ai, ei, oi, abhorrent. Tonus sæpe variat, si usum spectes: sæpe enim ob celestem pronuntiationem ad ultimam eum rejiciunt, ut ἀνθρώπινος, Φιλία; vel in antepenultimam revocant, ut ἑλληνικά, ἀγιώτατη: id quod Clarissimo Henninio in suo *Hellenismo*, quem ὁρθαῖδον inscribit, tanquam antiquissimi & rectioris toni vestigium mirifice placet. Ex notis diacriticis id præcipue notandum, quod Græci recentiores spiritum asperum ut lenem efferant, more Æolum antiquiores, qui propterea ψιλάτικοι adpellabantur.

Altera pars horum Elementorum exhibet paradigma singularia Nominum, Pronominum, Verborum, &c. Differentia Nominum communis est, quod ignorent Dativum casum & numerum Dualem. Specialia ibidem plu-

pluribus legas. Verba carent Aoristo primo & secundo, nec non Futuro secundo. Perfectum hic nihil aliud est, quam Aoristus primus. Plusquamperfectum & Futurum adhibitis verbis auxiliaribus ἔβλεω & ἔχω, utin lingua Germanica, formantur. Infinitivum non habent, sed loco ejus utuntur Conjunctivo cum particula ἵνα. Verba circumflexa & anomala pauciora & faciliora hic sunt, quam in veteri lingua, quorum paradigmata Autor concinno ordine proposuit. Quæ ad discrimen Syntaxeos pertinent, paucioribus momentis itidem comprehensa sunt. Elementa excipit Concio Christi montana ex metaphrasi Ῥωμαϊκῇ correctæ, Latine versæ & notis quibusdam illustrata. Tum sequitur epistola Anastasii, Macedonis, ad Autorem, qui Elementa censuræ ejus subjecerat, in qua de isto specimine ita judicat, multis quidem parasangis id superare Portii Grammaticam, qui primus aliquid eo in genere tentasse dicitur. De cætero ex litteris illis apparet, hunc Virum Græcæ eximie callere, & litteris ac disciplinis sic satis esse imbutum. Digna est lectu epistola, utpote quæ plurima ad statum Græciæ litterarium pertinentia continet. Accessit etiam brevis Dialogus amici, linguæ hujus periti, quo fundamenta religionis præcipue tanguntur. In fine adjectus est syllabus vocum usitationum, quæ tironi ad intelligentiam Novi Testamenti ἐν ἀπλῇ φράσει scitu necessariæ sunt.

PSALTERIUM DAVIDIS ÆTHIOPICE ET LATINE, cum duobus impressis & tribus manuscriptis codicibus diligenter collatum & emendatum, nec non variis Lectionibus & Notis Philologicis illustratum. Accedunt Æthiopice tantum, Hymni & Orationes aliquot Veteris & Novi Testamenti, item Canticum Canticorum, cum variis Lectionibus & Notis: Cum

JOBI LUDOLFI.

Francos. ad Mœn. Prostat apud Jo. David. Zunner & Nic. Wilh. Helwig. Typis & sumptibus Autoris, impressit Martin.

Jacquet, 1701 in 4. Constat 2 Alphab. & 9 plagul.

QUÆ sit ratio hujus recens editi Psalterii Æthiopici, ipse Illustris Autor, qui ad meliorem vitam Francofurti ad Mœnum d. 8 Apr. superioris anni translatus est, in præfatione dilucide exponit; quam hic pro

MENSIS FEBRUARII A. M DCCV. 65

pro instituti ratione breviter recensimus. Primum quidem narrat, quam charus, quam pretiosus sit Psalmorum liber Æthiopice genti, ut omnes cum quotidie legant, & tanquam brevium orationum suarum æstiment, adeo ut & scemina, præsertim nobiliores, memoriter eum recitare queant. Appellare autem solent simpliciter *David*, ut cum Psalterium finitum esse indicare volunt, dicant, *finis est David*. Id quod in calce hujus ipsius editionis quoque fuit observatum. Deinde disserit Autor noster Illustris de fonte, ex quo suam Æthiopes *ὑστάτης* derivarint, quem non fuisse textum authenticum Hebræum, sed LXX Interpretum versionem Græcam adferit, eo quod Æthiopicus interpres plerumque exemplar *Alexandrinum*, in Bibliis Polyglottis Anglorum excerptum, ut & *Vaticanum*, passim impressum, sæpe sequatur. *Temper* hujus translationis incertum est, licet probabile sit, eam non multo post conversionem Æthiopum, cum aliis Sacræ Scripturæ libris factam esse, quo de Historiam suam Æthiopicam cum Commentario conferendam monet. *De ordine & numero Psalmorum* inde observat, eundem esse, qui apud Græcos. Isti Psalmum IX & X, apud Hebræos divisum, conjungunt, atque ab illo Psalmo Æthiopes semper unum minus putant; ut qui apud Hebræos est XI, apud Græcos & Æthiopes X habeatur. Idem rursus continet Psalmum apud Hebræos CXV, quem totum Æthiopes cum CXIII suo conjungunt, & vice versa Hebræorum Psalmum CXVI in duos dividunt, donec in Psalmo CXLVII rursus conveniant, qui apud Hebræos usque ad Psalmum CXLVIII continuatur, apud Æthiopes vero dividitur, ita ut apud nos versu 13 fiat initium Psalmi CXLVII, & deinde numeri in Psal. CXLVIII rursus concordent; licet hic ordo in novissima editione Lipsiensi LXX Interpretum non fuerit observatus. Adjectus est etiam Pl. CLI, apud nos *apocryphus*, quia Orientales communiter illum habent; quamvis *numerum reliquorum excedere*, in titulo illius Psalmi fateantur. Cæterum linguam ipsam *Axumiticam* non male vocari, censet summus Autor. Nam quo tempore Reges Æthiopie *Axume* in regno *Tigre* habitabant, in usu fuit; quamobrem a nonnullis *Tigrana* sive *Tigrensis* vocata fuit. Translata vero in Amharicam Imperii sede, vernacula esse desit, adeoque Habessiniani illam e libris & doctrina litteratorum ad-

discere necesse habent. Post hæc de *variis editionibus* hujus Psalterii sermonem facit, quarum primam curavit *Jo. Porken*, Germanus, Ecclesiæ S. Georgii Colonienfis Præpositus. Ediderat illud primo *Roma* anno 1513, cum annexis hymnis & orationibus quibusdam Veteris Testamenti, adjuncto etiam Cantico Canticorum. In Germaniam reversus, denuo illud *Calonia* A. 1518 excudit, sed Psalterium tantum, additis tribus aliis linguis, Hebraica, Græca, & Vulgata Latina. Æthiopicam, errore illius temporis, *Chaldaam* vocavit, & sine versione aut notis ullis, secundum exemplar suum manuscriptum, quod Romæ nactus fuerat, nude vulgavit; sed artis Grammaticæ rudis, menda in suo exemplari reperta corrigere non valuit. Sic ultra seculum jacuit, nemine neque de Psalterio, neque de studio Æthiopico publice sollicito. Æthiopes quidem, ob bellum Adelense in funnam desperationem adducti, ante centum & quinquaginta annos Roman venerunt, atque ibi Novum Testamentum typis dederunt, Psalterio neglecto, quod tamen Angli in Bibliis suis Polyglottis denuo impresserunt, at parum accurate, veteribus mendis impressorum codicum relictis, & novis superadditis. Tum vero quid præstitum sit hac novissima editione, indicatur. Videlicet accurata prius collatio codicum variorum instituta est, ad quam adhibiti sunt duo illi *Porkenii impressi* & tres *manuscripti*; inter quos primus & præcipuus fuit, quem *Pocokianum* appellat, quia in Celeberrimi *D. Pocokii* Bibliotheca repertus, ab erudito quodam Æthiope quondam tractatus, variisque etiam ex Patribus Græcis observationibus fuit illustratus. Alter *Berolinensis* ex Bibliotheca *Potentissimi Regis Prussie* gratiose communicatus, & tertius, quem *Amstelodamensem* inscribit, a Viro Amplissimo *Petro van Dam*, qui ex India cum acceperat, benevole fuit transmissus. Ex qua diligenti, ab ipso hujus litteraturæ principe instauratore facta collatione, non potuit non correctius & emendatius exemplum, nunc publici juris factum, prodire. Nam quod ad *varias lectiones* attinet, illæ e manuscriptis supra descriptis collectæ, & cum codicibus impressis collatæ sunt; lectiones cum Græcis codicibus, Alexandrino scilicet & Romano, convenientes in textum receptæ, judicio de iis haud raro interposito. Incerdum etiam integri versus vel hemistichia in Hebræo

&c

& Græco textu clare extantia, in Æthiopica vero versione casu, vel per incuriam scribarum omiſſa, reſtituta ſunt atque ſuppleta. Si vero Æthiopica verſio a Græca diſcreparet, ratio differentiæ, quantum potuit fieri, inveſtigata eſt. Præterea quoque, in gratiam Philologiæ cultorum, acceſſit *verſio Latina*, ad litteram Æthiopici textus; additis tantum ad coherentiã ſermonis *מלשון* ſupplementis, expreſſa; quæ pars laboris commiſſa fuit Clarifſimo Viro Jo. Heinr. Michaelis, Linguarum Orientalium Profeſſori in Academia Fridericiana longe meritifſimo, & ab eodem feliciter perfectã; quemadmodum non mediocri laude ejus diligentiam, doctrinam & profectus hac in lingua eximios, ipſe Illuſtris Autor prædicat. Sed & præter versionem, additæ etiam ſunt utiliſſimæ notæ philologiæ, cura & ſtudio laudati Profeſſoris, ex quibus modo unam vel alteram ſpeciminis loco adferemus. E.g. Pfalm. IV, 3. בני איש. *filii viri*, quæ Æthiops vertit, *liberi ſobolis matris viventium*, hæc notat: *Hebræi homines vocant בני אדם FILIOS ADAMI; Æthiopes contra quaſi בני חורר FILIOS EVÆ, dum illos vocant ſobolem matris viventium, ſcilicet hominum* Gen. III, 20. Sic & Pfalmo XXVIII, alias XXIX, 6. notabilis adfertur varia lectio Manuſcripti Pocokiani: *Et ſubſilire facit eos tanquam vitulum Rhinocerotis: Dilectus vero eſt tanquam ſoboles Reemi, cui eſt unum cornu; cum hac epicriſi: Abit hic Æthiops partim a Græco & vulgari lectione, partim ſequitur textum Hebræum, adeoque illud mixtim & paraphraſtice reddens, ut illi moris, retento vocabulo Hebræo אר, quod alias in Æthiopica lingua nuſpian occurrit, addito tamen epitheto Monocerotis, quod eſt in Græco. Reſte autem obſervavit, אר eſſe Rhinocerotem.* Qualia plura ibi invenias notatu digna, inprimis etiam quod attinet ad differentiam hujus & LXX viralis verſionis ab ipſo textu authentico, ut jure hic labor queat commendari, quia præter notatas emphases Æthiopicas, multum facit ad rectius intelligendos LXX interpretes, imo ipſius Hebræi textus non pauca, eaque difficiliora, loca illuſtrat. Agnoſcendum quippe donum Dei in Illuſtri, nunc Beato, Autore plane eximium, quo fere ſolus hoc in genere polluit, nec permittendum a litterarum bonarum amatoribus, ut hic theſaurus linguæ Æthiopice quaſi deſoſſus jaceat, cum

indefessa industria, qua virtute Beatus Autor inter cæteras eminebat, adeo facilis & expedita via monstrata sit, edita *Grammatica & Lexico Æthiopico*, de quibus nomini non constat, qui harum literarum paulo est cupidior.

VITA ERNESTI PII, DUCIS SAXONIÆ, Descripta ab ELIA MARTINO EYRINGIO, Sereniss. Vidue Ducis Saxo-Coburg. Aula Inspectore. Accessit Ejusdem Dissertatio de ortu & progressu religionis Christianæ in Franciæ Orientali.

Lipsiæ, apud Joh. Frid. Gleditsch, 1704, in 8. Plag. 17.

Quo clariora & illustriora sunt illorum exempla Principum, qui pacis artibus, & inprimis literarum ac pietatis studio, rem suam atque publicam ornare & amplificare allaborarunt: eo studiosus ex hac *Ernesti, Saxoniæ Ducis*, pietate ac literarum amore omnibus seculis commemorabilis, Vita, ea nobis in his Eruditorum Actis adnotanda existimavimus, quæ ad piæ eruditionis incrementa, ab optimo Principe cogitata, & felicissimo successu perfecta legimus. Scientes igitur illa prætermittimus, quæ de Serenissimi Principis natalibus, majoribus, fratribus, fortitudine ac belli discriminibus, pacis studio, matrimonio auspiciatissimo, prole numerosa ac felicissima, de politia prudentissime instituta, aulæ sedatissimis moribus, rerum æconomicarum reddituumque dispensatione sapientissima, de munifica ejus liberalitate, omnisque sorditiei averfatione, monetarum cudendarum usu & modo circumspecto, & sanctissimo, felicitate in hæreditatibus impetrandis singulari, testamento, morbo & obitu beatissimo &c. consignata sunt. E quibus sane veritas eorum, quæ Autor de laudibus Ernesti Pii nunquam non deprædicat, luculentissime apparet. Quod autem lit rarum amorem, quem nos jam potissimum spectamus, & promanantem inde ecclesiarum & scholarum, quæ ejus seminaria sunt, curam attinet, ipsa Principis Serenissimi indoles prima ejus semina illi instillasse videtur. Quæ in felicissimo ingenio, singulari judicii acie, animoque excellentissimarum cogitationum veræque pietatis capaci, cum ætate ita succrèverunt, ut cum se malo fato suo a nonnullis, quibus educatio ejus curæ esse debebat, destitutum, & Latini inprimis sermonis non

C. VI.

C. VII.

la-

fatis gnarum esse, non sine summo dolore intelligeret; animum tamen ingenti omnium disciplinarum desiderio incensum retineret, ipsumque non solum historiarum, politices, matheseos, aliarumque dignarum Principe artium studio, sed suorum etiam institutione, optimorum librorum edendorum, eruditorum adjuvandarum, ecclesiarumque ac scholarum instaurandarum cura, luculentissime testaretur. In Serenissimorum Filiorum suorum educatione nihil certe omisit Sapientissimus Princeps, quod ad literarum ac pietatis amorem penitus ipsis implantandum pertineret. Dirigebant illorum studia Viri Illustres, Seckendorffius & Gablkovius; bonas literas ipsis Majerus, Reyherus, Brucnerus, Kunoldus & Rosenbergius instillabant; in ipsorum profectus, singulis mensibus, consilarii sacri ac civilis ordinis inquirebant, summaque sollicitudine plures bonos reipublicæ patres formabant: cujus rei fructu terræ Saxonica hodie etiam perfuuntur. Curæ, quam pro ecclesiæ commodis, religionisque firmamenti gessit Ernestus Pius, sedula ecclesiarum ab ipso facta inspectio, optimorum Theologorum & Politicorum expetita in eam rem consilia, Synodus anno 1645 de moribus ecclesiarum curandis habita, dignissimorum pastorum, inspectorum, catechizantium constitutio, disciplina ecclesiastica, censura Christiana, observatores morum, judicium delatorium das Rîges Gerichte / pœnitentiæ publicæ, tot leges & ordinationes alia saluberrimæ, tot literæ & scripta de controversiis Helmstädiensibus componendis ejus autoritate confecta, tot legationes & literarum commercia cum externis Principibus, ipso etiam Magno Moscovitarum Duce, Patriarcha Alexandrino, Æthiopiæ Rege & aliis, de puriori & sanctiore Dei cultu instituta, certissima testimonia haberi possunt. Huc inprimis singularis illa cura pertinet, quam de Collegio quodam Hunniano instituendo habuit, atque ideo cum Rege Sueciæ Daniæque, & inferioris Saxoniae Ducibus, Alberto filio suo natu secundo, doctore Veerpottenio, Gabelkovenio & Brucnero eum in finem missis, pio conatu egit. Scilicet Nicolaus Hunnius, Superintendens Lubecensis, in libro, quem appellabat *Consultationem*, Gustavo Adolpho, Regi Sueciæ, & Joh. Georgio Saxoniae Electori dedicato, & anno 1632 edito, sollicite suaserat, ut certus numerus piorum, eruditorum & celeberrimorum Theologiæ Do-

C. XIII.

C. XIV.

C. XIX.

C. XVII.

C. XIX.

ctorum, communi Procerum Evangelicorum consensu & publica autoritate aleretur, hisque lautius stipendium & selectissima bibliotheca assignaretur, singulisque singuli studiosi ac eruditi, naturæ simul ac gratiæ dotibus ornatı adderentur, a quibus difficiliora Theologiæ capita, selectioresque controversiæ, summo studio examinarentur, orationes sacræ ac dissertationes Theologiæ frequentes haberentur, sacri etiam codicis, patrum, scholasticorum, historiæ ecclesiasticæ, conciliorum, decretorum, casuum conscientiæ & praxeos ecclesiasticæ accuratissima collatio institueretur, rarissimæque ac utilissimæ circa hæc observationes communi opera conferrentur. E quo instituto ut maxima ecclesiæ commoda pollicebatur Ernestus; ita nihil omittebat, quod ad illud promovendum & conficiendum pertineret: quanquam, quæ erat eo tempore rerum facies, approbato licet ab omnibus isto consilio, difficultates quædam orirentur, quæ felicem rei successum impedirent. Quod igitur apud alios, per temporum injuriam, perficere non poterat, id saltem in suis terris, salutaribus aliis institutis, obtinere studebat. Constitutis igitur scholarum ordinibus, fidelissimisque ac piis magistris præfectis, omnium sibi subditorum liberos inde a quinto anno in scholas duci, nec nisi satis in literis ac pietate profecissent, inde revocari imperavit, eaque re illud obtinuit, ut proverbio vulgo diceretur: *russicos Ernesto subjeptos nobilibus pagorum alienæ ditionis esse doctiores*. Nobilibus certe, ipsi ministrantibus, literarum studia præ omnibus commendabat, ipsisque inculcari sedulo curabat: quod Seckendorffii, Herberstenii alique generosissimi viri, Ernesti auspiciis, artibus ac literis bonis imbuti, abunde declarant. Ipseque adeo nobilibus haud eruditis, locum in aula sua vix concedendum putabat. Omnis autem ordinis ac generis studiosos, qui suæ industriæ specimina ac testimonia habebant, largissimis stipendiis ac magnificis juvabat. Adhæc Princeps optimus curabat, ut a viris doctissimis libri componerentur, quorum auxilio felicius juvenus proficeret, errores facilius evaderet, & tum pietatis, tum Latinitatis, Grammaticæ, Logicæ, Physicæ principia genuina caperet. Quorsum inprimis etiam Historia Ecclesiastica Gothana, Boecleri, Seckendorffii & Artopæi studio concinnata, omnibusque eruditis maximi æstimata, referenda est. Quin ipsa immortalia opera, Historia Lutheranismi

a Se-

2 Seckendorffio, & Belli Smalcaldici Expositio ab Hordledero conscripta, Biblia item Vinariensis & Concordantiæ Biblicæ, Ernesti auspiciis, mandatis, & subsidiis, autoribus ipsis id fatentibus, una cum multis aliis, quæ Autor p. 75 enumerat, originem suam debent. Quam providus autem de libris in communes usus parandis erat, tam severus etiam suis, inprimis pastoribus, illorum legendorum autorem & concitorem fuisse accepimus. Quo illud inprimis pertinet, quod Autor p. 76 & 77 recenset. Quæ quidem omnia, cum multis aliis, qui nobiscum expendent paulo penitius, ii tanti Principis pietatem, amoremque piæ eruditionis omni ævo commemorabilem, merito nobiscum venerabuntur, pluresque tales literarum statores ac principes eruditæ indulgentes, bono literarum publico ut nascantur, optabunt. De Appendice, seu Dissertatione de ortu & progressu religionis Christianæ in Francia Orientali, cum jam plures ante annos in illustri Academia Jenensi publicæ ventilationi fuerit exposita, & nunc solum recusa, non est ut plura dicamus.

**Herrn Hanns Asmans / Freyherrn von Abschatz/
Poetische Uebersetzungen und Gedichte.**
sive

JOANNIS ASMANNI L. B. ABSCHATZII Metaphrasæ & Opera Poetica.

Lipsiæ & Vratislaviæ, apud Christ. Bauchium, 1704-8.

Constat Alphab. 2.

Magnis illis in Poesi Germanica Heroibus, quos Silesia progenit, suo merito Vir Illustris annumerandus est, Dn. *Jo. Asmannus Liber Baro Abschatzius*, Wirwicii, Lederossii, Petschendorffii, Superioris Berschdorfii & inferioris Gelschavii Toparcha, in Lignicensi Ducatu, dum viveret, Provincialis Syndicus, atque in publicis Silesiæ Conventibus ordinarius Adfessor, Vir multiplici meritorum ac eruditionis gloria celebris, Lignicii d. 22 Aprilis anni 1699 fatis functus, & cum Generosissima Coniuge, biduo post mariti obitum, placida morte vivis exempta, eodem quietorio in Aede apud Lignicenses Petro-Paulina tumulatus. Quanta Baronis laudatissimi inter suos celebritas, quantus natalium splendor, quanta apud

Au-

Augustissimum Imperatorem LEOPOLDUM gratia, quanta apud summos Silesiorum Principes atque Ordines exultatio fuerit, ipsi ex Silesius cives cordati, & literarum cultura clarissimi, optime norunt, quorum præconiis in exterorura gratiam istud adjicimus, Virum tantæ dignationis, inter continuam curarum molem, & itinera pro salute Ducatus ac Reipublicæ Silesiorum universæ suscepta, Apollini tamen & Gratis litasse, & quæ nunc publicata sunt, carmina prælo parata hæredibus reliquisse. Hæc vero nunc ipsi ex voluntate optimi Parentis in lucem exposuerunt, Cl. Gryphio, Socio ac Amico nostro honoris causa nominando, præfationem scribente, in qua modernam Nobilium consuetudinem falsè taxat, qui artium liberalium, & Poeseos præsertim, exercitamenta Equestri homine minus digna judicant, & gladio nihil rei esse cum calamo autumant; quum tamen ex Purpuratis Vatribus, hoc est, ex Imperatoribus, Regibus, Ducibus, Principibus, Pontificibus item, Cardinalibus, Archiepiscopis atque Præfatis, aliisque summæ auctoritatis Magnatibus, qui Poeseos cultores fuere, vastus quidam index confici queat. Cæterum duæ quasi operis hujus partes sunt, quarum altera *Metaphrasēs*, altera vero *Pœmata ex ipsius Abschatzii Baronis ingenio deprompta* completitur. Inter Metaphrasēs principe loco se sinit *Pastor Fidu* Tragicocomœdia, ex Italico Guarini, vatis celeberrimi, conversa. Quæ facta Guarinus auctor in Italia expertus sit, quot versiones hujus Dramatis in omnes fere linguas transpositi numerentur, Clarissimus Crescimbenus in Commentariis de Poesi Hetrusca fusiùs docuit. Ex Germanis tres, nisi fallimur, *Pastorem* hunc *Fidum* adgressi sunt, Hildebrandus quidem prosaica, Hofmanswaldius autem & Abschatzius, Silesii, metrica interpretatione. Hofmanswaldianæ versionis plus elegantiarum tribuit Morhofius (*Part. 2 de Poesi German. cap. 2 p. 205*) quam ipsi textui Guariniano: ipse vero Hofmanswaldius in præfatione Poematum suorum, primas præ se laudes Abschatzio nostro deberi, eumque verba Hetrusci Idiomatis strictius ac felicius expressisse, monet. Nostrarum partium non est, hanc inter illos litem dirimere, de qua, qui utriusque linguæ intimiore notitia pollent, judicare permittimus. *Sonuli* autem *joseferii*, qui *Pastorem Fidu* presso pede subsequuntur, & quos ex Alexandri Adimari Equitis Thasci *Terpsichore* de-

prom-

promittit, mira transpositionis felicitate & argumenti raritate notabiles sunt. Quinquaginta nimirum scæminas *Therpsichore*, (id tractatulo nomen est,) nobis repræsentat, omnes novercantis naturæ invidia, maculis quibusdam vel in ore, vel in moribus, deformes, calamo tamen vatis & poetica venustate commendabiles. Quod ad alteram poematum classem attinet, quæ soli Baronis nostri venæ ortum suum debent, prima sunt Sacra, quæ adpellatione ex Floræ regno desumpta, *Zimmel • Schlüssel* / sive claviculas cœli aut primulas veris nominavit. In iis metaphrases quorundam Psalmorum, meditationes in ferias Dominicas & Festales, encharistica matutino æque ac vespertino tempore, nec non post superatas graviore tam publicæ quam privatz rei calamitates fusa; hymni item anniversarii, onomastici, genethliaci, & quæ alia mysteriorum sacrorum genera sunt, occurrunt: quibus & ætatis suæ quinquagenariæ curriculum, totidem stropholis sive sectiunculis a se delineatum, Autor noster subjunxit. Post sacras meditationes, carmina statim subnexa reperimus, quibus reverentiam & obsequium erga Divum Imperatorem LEOPOLDUM, & Celsissimos Austriæ Archiduces, cum propter victorias contra hostes obtentas, aut in nominalibus feriis, tum propter alias almæ benedictionis accessiones, contestatus est. Succedunt Epicedia in obitum ultimi Lignicensium, ex Pfaltzorum Familia nongentenaria, Ducis, & quorundam generosæ stirpis Equitum, carmen item honori Lohensteiniano, ob Arminii & Thunseldæ vitas, fabula Milesia, sed ea longe doctissima & omnis generis eruditione referta, descriptas dedicatum; funebria deinde aliquot in bestias ab heris suis perdue adamatz, & miscellanea varii argumenti, in quibus omnibus magnæ venæ felicitas, styli nitor, vocabulorum aculei, & nativa sensus elegantia deprehenditur. At enimvero in illa inventio-num varietate, & argutiarum adparatu, id maxime miramur, ambidextrum fuisse Vatem nostrum, id est, utroque idiomate, Germanico æque ac Latino, versus plane egregios panxisse: cujus rei luculento testimonio sunt Genethliacum Deo incarnato in terris hospiti, nocte Natali, in monte Senonum inhospitali, vena dextraque frigente, adfectu tamen calente, d. 24 Decembris anni 1666 sacratum, (*vide Sacra pag. 42 seqq.*) Paschologium nocte sacra anni 1667 Romæ formatum, (*ibid. pag. 54 seqq.*) Elegia super incendio d. 12 Oct.

1696 (*ibid. pag. 73. 74.*) Elegia ad Primkium, Rectorem Scholæ Lignicensis, Præceptorem olim suum fusa, in qua peregrinationis suæ rationes ac fructus exponit; (*inter Miscella pag. 106 seqq.*) & alia denique ad amicos ex Italia discedentes valedictoria, (*ibid. p. 111. seqq.*) ut adeo, novo certe exemplo, comprobasse videatur Baro noster Illustrissimus, eam esse Latine linguæ majestatem atque elegantiam, ut illius exercitiâ Nobilioribus ingeniis, & Equestri dignitate præfulgentibus, de decori nequaquam haberi debeant.

ΟΜΗΡΟΣ ΕΒΡΑΙΟΣ.

sive

HISTORIA HEBRÆORUM AB HOMERO HEBRAICIS nominibus ac sententiis conscripta in Odyssea & Iliade, exposita illustrataque studio atque opere GERARDI CROESII. Tomus I.

Dordraci, apud Theodorum Goris, 1704, 8.

Constat Alphab. L. Plag. 20.

EO tendens Clarissimus Autor, (civis Reipublicæ Amstelodamensis, non adoptatus, sed intra moenia ipsius natus, ortu longa ducto seric,) quo ipsum ratio quodammodo singularis officii ordinisq; sui vocabat, primus Homerum e tenebris eruere, conditamque ab eo Historiam sacram, & e nostro Scripturæ codice repetitam, in lucem proferre voluit. Sic enim censet: Homerum narrare in Odyssea inde a primordiis, varia eventa majorum Israelitarum, i. e. Patriarcharum & Israelitarum ipsorum, usque ad obitum Moysis, eo pacto, ut multa adjungat, quæ ad populos eodem genere *Heber* oriundos, pertinent; in Iliade vero ea, quæ acciderint in occupanda urbe Hierichunte, ac tota terra Chanaan, duce Josua cæterisque jure imperatorio præditis, intermixtis plurimis, quæ ad gentes ab Israelitis devictas fugatasve Chananæos pertinent. Et hæc arbitratur Homerum sic exarare lingua Græca, ut interim nomina propria personarum & regionum, quin & rerum insigniter memorabilium, efferat Hebraice, vocibus singularem in modum sermoni Græco accommodatis. Se autem isthæc perscrutari contendit, non delectatione novitatis, verum spe atque fiducia evolutum in publicum.

Elle

Esse enim in his subsidium, tum ad alias scientias, tum etiam sacras & augustas literas, utcumque magis enucleandas ac illustrandas. Saltem grande in his pondus inesse, ad subvertendum omne Parntheum Deorum gentilium veterum, & tot ineptas de iisdem fabulas, quas non Græci modo ac Latini olim, sed tot inter Christianos etiam philologi & antiquarii, juventuti in suis auditoriis & gymnasiis instillaverint, ac propinarint. Penes Homerum, non nisi unius veri Numinis sub diversis notionibus sonare nomina, & describi Historiam sacram, ita ut in illo sit magna vis, ad tuendam firmandamque sacrarum literarum antiquitatem & auctoritatem, adversus ementitas argutias improborum, quorum in tanta ingeniorum prurigne, non exigua hodie copia sit. Præmittit autem operi suo Autor Introductionem satis amplam in universum Poetam, ceu partem generalem, XIV adeo capitibus absolutam. Omnes nimirum veteres hoc animadvertisse, Homerum ubique loqui verbis alienis a vulgari Græcorum forma, peregrinis, novis, translatis, interdum contractis, concisis, amputatis, ut difficile sit ejus mentem assequi. Sed & res ipsas proponere modis prorsus reconditis, ita obscuris ac fabulosis visis, ut legenti nullæ certæ imagines in animum deducantur. Homero ergo verba illa ac nomina, quæ de Deo aut Diis usurpantur, quæ hominibus Heroibus etiam & actionibus ipsorum singularibus, porro quæ regionibus, urbibus, fluminibus, montibus, rebusque aliis, in quibus suspicito est quandam peculiarem proprietatem contineri, indita sunt, petraro Græca, frequentissime autem Hebraica esse: sed aliter sonantibus nominibus, & tamen re significantibus idem, quod in Scriptura Hebraica notet nomen proprium. Atque rursus sic afferri illa nomina Hebraica, ut omnino accedant ad nomina ista, quæ alibi tertiarum, maxime in Græcia, sunt notissima. Interdum occurrere nomina regionis aut loci, tanquam nomina propria, & tamen pro re aliqua, velut nomina appellativa usurpari, cujus generis sint vocabula *Siculi*, *Messenii*, *Sardinii*. Et quæ fingit accidisse Ulyssi aut Trojanis, non de unico dicere Ulyssæ, verum de multiplici, neque de unius Trojæ excidio, sed plurium urbium eo nomine involutarum; ut ita alius sit Ulysses in initio, alius in progressu, alius in fine operis, & ut alterius generis sit Troja & Ilium in Odyssea, atque est in Iliade. Per-

peram igitur censerī ab omnibus, scriptam Odysseam post opus Iliadis, & hanc ex illius tenore debere explicari. Contra vero, Homerum sequi ordinem Historiæ sacræ, & adeo Odysseam præmississe Iliadi. Præterea indicare eum, Græcos antiquissimos oriundos fuisse e Chananæa, Idumæa & iis oris, eosque fuisse, qui ab Israelitis circumventi, pressi, fugati, se fuga receperint in Asiaticam Græciam & Græciam Europæam. Et hos fugitivos illa illis regionibus nomina de sua lingua patria Chananæa, quæ & Hebræa, imposuisse, quæ tamen temporis tractu, & usu longo, jam ipsiusmet Græciæ nomina viderentur esse. Eo magis autem voluisse eum uti hisce nominibus, sibi notissimis, quo minus Græcos offenderet, sed ut iis palpum obtruderet, cum ipsi de sua antiquitate & de patrio suo solo, quod in eo essent *αὐτόχθονες*, admodum gloriarentur. Facile etiam illa vocabula ad formulam linguæ Græcæ potuisse construi & exarari, absque jactura vocis, modo flexione alicujus literæ, vel mutatione, quod Græci tali litera carent, aut aliam substituerent, quo vox magis clare ac sonore caderet. Adeoque uti Homerum lingua, quæ diutissime post istius tempora cœpit in usu esse Judæis inter Græcos degentibus, Hellenistica. Bene multas etiam apud Homerum personas esse illarum gentium, quæ, qui homines fuerint, nos lateat, nec tamen occultæ fuerint Homero. Sed & multis eum uti nominibus, quæ videantur esse Græca nomina Deorum Dearumve, aut hominum inter Græcos notabilium illustriumque, neque tamen quicquam minus voluisse, quam quod eæ personæ, quarum apud eum sunt nomina, fuerint vel Dii vel Heroes Græcorum. Quantum ad res ipsas, Homerum ait multas partes Historiæ sacræ notare, non ea serie loci ac temporis, qua Sacra Scriptura, verum obiter, ubi incidit occasio aliquid vetus commemorandi, in conventu aliquo, in quodam colloquio. Vicissim varias tractare res nihil facientes ad Historiam sacram, etiam amplis & copiosis narrationibus, etiam integris libris. Cujus generis illa de navigatione Ulyssis Odyssei lib. V. quæ de Scylla & Charybdi, quæ de Circe, & plura, præsertim in Iliade. Sic igitur per illum Scripturam sacram potuisse innotescere Gentilibus, sed tectam & in fabulas conversam: ut fuerit ille tam pater mendacii, quam veritatis. Vixisse autem illum post tempora Davidis

vidis ac Salomonis, ex eo colligit Noster, quod non obscuram ποιήσεως horum Regum faciat mentionem in Iliade. Sed & post tempora Jeroboami, primi regis X tribuum vixisse, colligit ex hoc, quod & huius regis meminerit. Et cum aliqua probabilitate possit dici, vixisse post tempus Amri sive Omri, sexti regis: quo regnante invaluerit religionum quasi confusio, & Samaritana incoeperit, & Idumæi Sidoniorumque res floruerint, eorumque ingens coeperit esse auctoritas in populo Israelitico, tum vero incuria in custodienda Scriptura Sacra. Certe fuisse Homerum doctum linguam Hebræam, doctum Hebræorum historiam, ut, ubi vellet, hanc potuerit ea in lingua tradere. Sed *Ομηγο* non videri nomen Poetæ, quin potius titulum ejus operum atque indicem argumenti. Esse nomen Hebraicum *עמר* Omer, *omtor*, *rhetor*, vel *commentarius*, ab *עמר* Amar, *dicere, eloqui*. Nam & nomina illa *Οδυσσεύς* & *Ιλίδης* non ab auctore indita fuisse, verum ab iis, qui postea auctoris opus sua operata distinxerint. Similiter nomina *Hesiodi*, *Theognidis* & *Phocylidis*, ipsorum Poematis fuisse indita. Scripsisse Homerum libros suos non ea serie ac numero, ut quidem nunc extant, sed variis temporibus, per varias partes, quas vel Pisistratus, vel ejus filius Hipparchus, in eum redegerint ordinem, quo nunc habemus, eo tempore, quo Athenis constitutum, ut versus Homeri in ludis Panathenæis publice legerentur: quomodo quondam Dei mandato Lex Mosæica, septimo quoque anno, in Festo tabernaculorum, a sacerdotibus universo Israeli prælegebatur. Exhibere novissime celeberrimum Gronovium, in secundo Volumine Thesauri Græcarum Antiquitatum, picturam marmoris, quam Homeri *Διόσκωρον* vocant, & nos quoque in his Actis A. 1683 p. 558 exhibuimus. Elegans, inquit Noster, *Marmor, ubi suos amatores invenit: neque enim omnes, ut pueri, istius modi imaginibus ac pupis trahuntur*. Equidem Homeri librum, pergit Noster, esse in multis partibus allegoricum, symbolicum, emblematicum. Atqui in his cum sequatur Scripturæ S. iterum viam docendi vulgatam tritamque, esse adhuc totum Homeri opus historicum. Unde permirum videri debere, accidisse post Natalem Comitem, G. J. Vossium & alios, etiam nostro tempore Francisco de Salignac, Archiepiscopo Cameracensi, præceptori Ducis Burgundiæ, quod voluerit librum quartum Odyf-

c. 4.
c. 6.

c. 4.

p. 67.

c. 9.

seu Homeri hieroglyphice interpretari, & erudire Principem juventutis Gallicæ argumento symbolico, tanquam ex Homero desumpto, repletoque cunctis lascivis ac mollibus Deorum Deorumque sermonibus actionibusque, atque id stylo accuratissimo, quo videlicet adolescentes, sua sponte ad voluptates adhinnientes, hoc magis illiciantur inescanturque. Et mirum, potuisse se impetrare Curiam Romanam, ut cum in hujus Antistitis libros religiosos asceticos tam acerbè stylum strinxerit, nulli censuræ subiceret hunc ejusdem librum amatorium, habentem quidem saltem, ostentantemque penetralia virtutis ac honestatis, at totum eo ducentem per sacellum fallacis & ambitiosæ idololatriæ Gentilium, vanæque superstitionis, & voluptatis. Intelligit librum Gallicæ lingua conscriptum, *Aventures de Telemaque fils d'Ulysse*. Præterea Homerum docet non modo multas habere γυναικας consimiles S. Scripturæ, verum eas quoque mutuatum esse e Scriptura sacra; nec tamen alias, quam quas invenerit in libris Moïsi, nonnullas quas in reliquis libris Historicis, itemque in Jobo & Psalmis & libris Salomonis. Ubi simul castigatur Zachariæ Bogan Homerus Εβραϊζων editus Oxonii 1658, & Jac. Duporti Gnomologia Homeri, Cantabrigiæ biennio post edita. Edmundum Dickinsonum contendere equidem, Græcos quicquid apud Delphos celebre erat, e Josuæ historia effinxisse, verum vix quidquam eum adferre ex Homero. Jac. Capellum sensisse quidem, Homerum legisse Scriptores sacros, & ex his ipsis fontibus multas sumpsisse sententias; res tamen ne hunc quidem ex eo allegare. Eundem Capellum laudari magnopere a Th. J. ab Almeloveen in Specimine Antiquit. atque congerere hunc omnia e prophanis auctoribus, quæ similitudinem habeant cum historiis Moïsaicis; ne de verbo autem ullo, nedum de re quapiam, Homeri meminisse. Dan. Heinsium in Aristarcho S. promittere, se alicubi ostensurum, *Homerum omnia deprompsisse ex Oriente, quod ad caeremonias, ad res, ad voces*; nusquam tamen ne verbo quidem præstitisse. Vossium, Bochartum, & Ezech. Spanhemium, multa ex antiquis Poetis eliciuisse, quæ spectent ad res in Sacra Scriptura narratas; tale tamen quidpiam de Homero nihil. Dan. Huetium in Demonstratione Evang. ubique in Poëtis & aliis auctoribus veteribus invenire Moïsen; ex Homeri autem

p. 162.

c. II.

c. I. p. 14.

tem scriptis duo duntaxat adducere loca, quæ ad historiam quandam in Scriptura relatum transferri possint. Unus, addit, est Gallus, qui propter suam jactantiam ac promissionem inanem satis orbi erudito vapulavit, & quandoque nominatim propter ea, quæ aliis abstulit atque edidit pro suis, venit in Catalogum plagiariorum Thomasi. Perperam etiam Everardum Feithium libris 4. Antiquit. Homerocarum, omnia in Homero ad Græcos retulisse, monet. In parte speciali præstuit, descriptionem Patriarcharum fieri in Odyssea cum primis sub persona Ulyssis, sed venientis alio atque alio nomine; quemadmodum & opus obitu Ulyssis, ita ut re ipsa sit nomen Moysi, concludatur. Itaque illum Ulysses aliquoties recurrere, & jam abire, & obire, jam redire, isti primo similem. Id indicari verbis L. II. v. 175. *τεῖχος τῷ ἐν αὐτῷ*, similis illi uni ipsi, non vigesimo anno; item cum L. I. v. 1. dicitur *ἀνὴρ πολὺ τέχνης*, multiformis, non versutus. Nam & Scripturam Sacram non semel nomen viri proprium imponere alteri, etiam diutissime post venient. Penelopen, uxorem Ulyssis, æque esse nomen commune & appellativum, ac toties ita vocari, quoties femina quædam dignitate præstans & curans bene negotia domestica venit nominanda. Patriam utriusque appellari *Ithacam*, non Ioniam illam, sed, quod inauditum ad hunc diem usque, Mesopotamiam, Hebr. נִי i. e. insulam, regionem, & תְּרִי *Tbavech* medium, elisa litera, inter duos amnes, Euphratem ac Tigrim. Hinc Homero *Ἰθάκην ἀμφιάλοιν*, mari circumdatam Lib. I. v. 385 & 394 dici. Alibi vocare *ἡλύσιον* *πεδίον*, non campum Elysiū, sed Mesopotamiam felicem. Nam *πεδίον* congruere cum תְּרִי *Paddan*, quo nomine Moyses Mesopotamiam vocet Gen. 48. 7. *ἡλύσιον* esse תְּרִי *Alei*, satus, exultabundus. In Ithaca designari ab Homero urbem Ulyssis patriam *Κρήτην* Lib. 19 v. 172, non Cretam Græcorum insulam, sed Babylonem, ubi lingue mixta. Nam Hebr. קֶרֶת *Keretb*, Chald. קֶרֶת *Kareta*, dici urbem, & κατ' ἐξοχήν intelligi Babylonem. Homerum ergo hoc, quod dicit de mixtura linguarum, hausisse ex verbis Moysi de Babylone, Gen. XI. 9. In vicinia Babylonis fuisse *Κνωσόν*, magnam urbem, a *Κνωσ* *Canos*, æstus, fervor. Hanc alio nomine Hebr. vocari *חָרִי* *Chari*, æstus, ardor, Græcis *καρραι*, ubi There & Abraham & Nahor vixerint, & in qua Isaacus & Jacobus sibi uxores asciverint. Eandem esse urbem, quæ Homero lib. 4 v. ult. vocatur

p. 179.

c. 13.

c. I.

c. 2.

tur Ἀσφίς, ab עֶשְׂתֵּר *Asthar*, pecus, grex: quod qui illic degebant, his maxime in usu esset facere rem pecuariam. Porro genealogiam Ulyssis & cognationem exhibet ex eodem loco Homeri, lib. 19. v. 1179 seqq. Ibi enim juniorem aliquem Ulysslem enarrare majores suos, quorum singula nomina sint Hebraica. Μίνως enim Nostro est Abrahamus, a מֵאָה *Mea*, centum, centenarius, & נוֹבֵן *Nous*, germinare, quasi dicatur *germinans etiam centenos annos natus*. Fuisse autem Abrahamum natum centum annos, quum ei nasceretur Isaak. Gen. 21, 5. Convenire id etiam Semo. Minos Homero Rex novenus, ætate vel generatione. Abrahamus autem non verbis, sed re, nonus generatione in posteritate Semi, filii Noachi Gen. c. XI, pater celsus & habitus uti princeps Dei, Gen. 23, 6. Atrides Homeri est Lotus, cum suis domesticis, Hebr. *latens, absconditus*. Alio nomine παδάναβος, Hebr. *soporatus, & sic tamen se extendens, & floridus*. Ilium Homeri est Hebr. אֵילֹן *Eil, אֵילֹן* *Eilon*, planities, locus campestris, spatiosus. Trojam Hebr. esse תְּרוֹרָה *Therou*, clamorem, vociferationem. Nimirum Abrahamum & Lotum abeuntes ex Ure Chaldæorum, venisse Carras sive Charan, deinde accepisse sedem *planitiem* Jordanis, ac Lotum quidem extendisse tentoria usque ad Sodomam. Cumque hæc una ex urbibus planitiæ, propter flagitia *clamantia* versus cælum, igne cælesti deleta esset, Lotus *occultavit* se in spelunca, ubi *vino somnoque sepultus* factus est pater duorum filiorum, unde infinita multitudo hominum. Hinc Lotus Homero alio nomine Πρωτόγονος, *potens sui generis auctor*. Minois filius *Deucalion*, quasi Hebr. destinatus in holocaustum, verum ex isto periculo cteptus. Hunc esse filium Abrahami, Isaacum. Alio nomine Telemachum, quasi agnū mactatum vel percussū, vulneratum. Filius alter Abrahami ex pellice, Ismael, dicitur fuisse Castor, Hebr. קַסֵּף *Casaf*, sagittarius, arcitenens. Gen. 21, 20. Porro Ulyssis frater major natus Homero, Ἰδομενεύς, ab Edom, rufus Esavus. Et hunc similiter vocari hic Telemachum a תֵּלֵעַ unde תֵּלֵעַ *tho-la*, ruber, coccineus, & מַחֲשֵׁה *Machas*, perfregit, ut sit ille *qui matris ventrem perfregit*. Ludere enim Homerum nominibus, pro natura personarum. Quin imo Lotum ipsum venire sub persona Ulyssis etiam, & Abrahamum, Isaacum, Jacobum, item Moysen, at quem-

c. 3.

quemque suo ordine ac tempore. Fusius autem ea, quæ diximus, aliaque recensentur in sequentibus. Ac primum eruitur incendium Sodomæ ex verbis primis libri I hoc modo: conatum quidem Ulysssem magna cura, uti suam, sic amicorum animam in excidio Trojæ servare; verum nihil profecisse, etiamsi immitteret se in eos, (ἰέμεν) minitans illis, ni excederent, missum iri in eos ignem. Repetuntur autem ac suppleantur hæc ex lib. 4 v. 246 seq. Σπῆγγα καὶ ἀμφ' ὤμοις βαλὼν, οἰκῆς εἰσικῶς, quæ ita Noster transtulit: *ingressus magnam Trojanorum urbem vibrabat circumquaque, numerosas sententias ignis, qui eos liquaret, gerens se similem istorum duorum virorum, similem δέκτη, i. e. δικαστῆ, judici inter eos, qui tamen non erit.* Latere enim hic iterum Hebraica observat in vocabulis Græcis, κακὰ, σπῆγγα, ὤμοις. Quorum nihil omnino assequuti sint Latini interpretes: *Vilibus pannis circumjectis ad humeros, serpo similis, alteri seipsum viro assimilavit mendico.* Cæterum viros Trojanos periisse v. 7 lib. 1 αὐτῶν γὰρ ἀταθάλησιν: voce iterum Hebræa, quæ verbis multiplex unum significet, execrabile facinus cum viris, תלה - נשי - רב Et t bala, Et, cum, Is, vir, Tbeala, execratio. Neminem enim potuisse dicere, unde nomen hoc sit derivatum, & quomodo possit existimari esse Græcum. Porro ipsam exprimi v. 8. 9

ἡπιοι, οἱ καταβῆς ὑπερίονος ἡελίοιο

ἡδίων αὐτὰρ ὁ τοῖσιν ἀφείλατο νόστιμον ἡμᾶρ.

Noster: *faci, qui Sole supergradiente devoraverunt illos in mares peccatores. Et abstulit idem Sol! ipsis redeuntem diem.* Nomen enim καταβῆς iterum Hebraicum esse, fluxum licet ad modum Græcæ vocis βῆς, compositum a כתח Cathat contundere, & בוש Bor, pudenda. Et qui se perditum cunt invicem nefanda libidine, devorare se dicunt, velut suo se cibo replentes, suisque deliciis. Accidisse autem Ulyssi, v. 13. ut cum se ex hac calamitate eriperet, sua uxore privaretur. Hanc ait esse historiam illam Loti, Gen. 19. cui obiectum sit similiter v. 9. quod indefinenter agat *judicem*, quique uxore sua in incendio Sodomæ orbatus sit. Eandem historiam recurrere in Odyssæa pariter & Iliade, quæ singula hic non persequimur. Historiam Loti concumbentis cum filiabus in spelunca montis, unde nati Moabitæ & Ammonitæ, Gen. 19, 30. seqq. de-

L

pre-

c. 4.

c. 5.

prehendit Cl. Croesus eodem libro I Odysseæ, ubi Ulysses detinet v. 14. 15 nymp̄ha Calypso in specubus cavis, cupiens eum sibi esse maritum, i. e. ut faceret sibi, quæ maritus uxori. Cum hac nymp̄ha conjungi v. 71 & postea in universo opere *Θούσα*, aliam nymp̄ham, quæ Ulyssi mixta in specubus cavis peperit ei Cyclopem Polyphemum, filia Phorcynis, regis Maris mortui, ipsius scilicet Ulyssis. Sic igitur exponit Homerum v. 22 seqq. Ulysses seu Lotum non omnino accessisse Æthiopus longe semotos, ultimos virorum, Occidentales & Orientales, sed dum in specubus illis cavis habitaret, sua ebrietate ac vino eo accessisse, uti saltu protulerit genueritque duos populos montanos & feros, alteros Occidentales, alteros Orientales. Nam *μετεκίαθς* esse a *μέθη* ebrietas & a *κίεν* saltu proferre. Æthiopes in Scriptura esse Cusim, homines facie a Sole adusta, ab *αἶθω* & *ὄψις*. Habitasse autem Ammonitas & Moabitas loca montana, Sodomæ veteri ultra mare mortuum finitima; illos versus Orientem, hos versus Occidentem. Appellari *τηλοθέοντας*, feros, *ἰεράτας ἀνδρῶν*, viros ortos e duabus sororibus, ab *ῥ* vir, & *ῥ* *ἄχαος*, sorores. Fuisse eos *δυσουρῆς*, ex terra Gigantum, omnia conterentium, a *ῥ* *δοῦ*, terere, & *ῥ* *ἔμιν* Emim, Gigantes. Deut. 2. 10. 11. 20. Cumque Moabitarum & Ammonitarum termini fuerint montes Abarim & fluvius Arnon, Num. 21. 11. 13. & 22. 36. eosdem terminos his nominibus etiam Homerum signare, ut notet, utrumque populum unam suorum sacrorum communitatem habuisse, v. 25. *ἀντιῶν ταύρων τε καὶ ἀργεῖων ἑκατόμης*. Abirim enim Hebr. esse *ταύρες*, & *ἀργόν* Hebr. nomen fluvii. Porro Deum verum, (non omnino Neptunum,) ex eo tempore infestum Ulyssi, non occidisse eum quidem, tamen abegisse a patria in viam erraticam, v. 75. Ac *συγχερισμόν* Abrahami & Loti diu postea commemorari ab Homero Lib. 3. v. 304. & Lib. 5. v. 520. Imo toties eum fere exprimere & repetere hanc historiam, quoties referat in hoc opere concubitum hominum furtivum, maxime lib. 5. Redit ad Historiam Abrahami Cl. Auctor, ostenditque, multa occurrere apud Homerum, quæ a Mose descripta sint Gen. 15. 1-5. 16. 1. seqq. 17. 16. 18. 18. 10. 14. 21. 10. 14. Mitti nimirum a supremo Deo Jove *Ἀθήνην*, Minervam, Archangelum, (qui Jovem nominet suum parentem; assessor, qui alicui sit clypei instar ac multa merces, *γλαυκῶπις Ἀθήνη*)

e. 6.

p. 186.

17) ad Ulyssēm, Abrahamum, & Nympham *ἑυπλόκαμον* Saram, in Ithacam, *ut ei excires filium*. Lib. 1. v. 88. Excipi autem ceu charum & Jove genitum hospitem honorifice, v. 120. Et hinc ortum inter gentiles, quod homines antiqui propter justitiam suam fuerint *θεοῖς ἕβ-ισαι*, qui illos hospitio exceperint. Pausaniam hoc sumpsisse e verbis Homeri Odys. L. 7. v. 203. Minervam porro interrogatam a Telemacho, ut sibi dicat, quæ vere sit, respondere v. 179, & iterum v. 418: *Μέντης ἀρχαῖοιο δαΐφρονος υἱός*. Nomen *Μέντης* Hebraicum esse, notans, *qui vere est, fuit atque erit*: filium *δαΐφρονος*, Hebr. ejus, qui fructuosum reddit ac fecundat: *Ἀρχαῖον*, itidem nomē Hebr. ac Dei singulare, *qui juret per se*. Abrahamum describi v. 189. seqq. ceu senem incurvum, humi repentem, nomine Laertis herois, qui moleste ferat, *quod sit sine liberis*: cujus uxor *ἀμ-φιπόλος*, vetula, multa caligatione oculorum laborans. Et hanc habuisse ancillam Eurycleam, quæ & Penelope hic vocatur, uxorem secundariam, Hagarem nimirum, matrem Imaelis, sive Telemachi. Homerum noluisse rem dicere aperte, neque illum vocare filium non legitimum, docere tamen, notam inesse aliquam, Lib. 2. v. 86. Euryclea Homero etiam appellatur *Ἠγήτωρ, μέντης Ταφίων* Lib. 1. v. 105. Videturque Nostro *Ἠγήτορ* esse *Ἠγερ*, (insertis duabus literis, ne nimis manifesta esset locutio poetæ, suas res occultantis,) Hebr. Hagar, a peregrinando. *Μέντης* Hebr. h. l. *nuirix*. Taphii, (Hebr. a rapiendo) Ismaelitæ, Arabes, alibi Hagerim in sacris, 1. Chron. 5, 20. Cumque Antinous illam e domo ejiciendam urgeret, durum id visum Telemacho, L. 2. v. 130. Respicere autem Homerum ad legem Hebræorum, de dimittenda uxore secundaria, & de danda portione filio uxoris repudiatæ. Exod. 21. & Deuter. 21. Tandem discedere Telemachum cum matre, *non absque consilio Dei*, datisque ei amphoris vino plenis duodecim, & utribus viginti farinæ. L. 2. v. 171. Bellum porro Abrahami adversus Regem Helami Cedor-Laomor, ejusque locos Gen. 14. perspicue recenseri ab Homero L. 3. proficitur Noster, atque in primis historiam Melchisedeci. Dicit enim Nestor v. 278. seqq. se & suos venisse ad *Σύνιον Ἰεθρὸν ἀρεθρὸν Ἀθηναῶν, ad hospitalem supremum Sacerdotum fortissimorum*. *Σύνιον* enim Autori nostro est h. l. a *Σύνιον* *Souna*, hospes, qui cibum & alimentum præbet. Ibi ergo ait Nestor *οἰῶδες Ἀπολλων κατέπεφνε* Me-

c. 7.

κελεύει κίερεντήν ἀγαυοῖσι βέλεοσι, *Sacerdos auguste sancteque colendus fecit respirare Menelai sodalitiū nutans ac delassatum a praelio, suis panibus ac pbalis vinariis.* Postremum venisse se Nestor ait v. 287. ἀμαλειῶν ὄρεσιν, ubi notentur decimæ, quas Abrahamus obtulit Melchisedeco: nam מילימ Miluim esse oblationes, consecrationes. Sed & ex εὐλογία ejusdem Gen. 14, 9. sumptum esse, quod Homero Deus vocatur Ζεὺς αἰγίοχος v. 42. & Ποσειδάων γαίης ὄρεσιν v. 55. *excelsus possessor cæli atque terræ, Deus in se sufficiens.* Spirare ergo in oratione Poetæ sermonem Sacræ Scripturæ. Et huic Deo esse sacrificatum, ἐνοσίχθωνι κυανοχαίτη, v. 6. *punienti peccata, & nihilominus gratioſo, ac condonanti peccatoribus.* Repetita enim hæc esse e verbis ipsius Dei, Exod. 34, 6. 7. Dignum nunc est videre, quid de immolatione Isāci apud Homerum repperit Cl. Autor. Ubi notat primum, Abrahamum rem tantam filio non nisi sensum ac tractim insinuasſe potius quam manifestasſe: *Deus ipse sibi prospiciet de agno ad holocaustum,* Gen. 22, 8. Sic apud Homerum Minervam ad Nestorem, cum jam sacrificium Deo omnipotenti faciendum esset, dixisse, τοῖο γὰρ ἄρη, *pro ὄρεσιν, adeſt enim tanti, omnipotentis, provisio.* Lib. 3. v. 334. Teste iterum Minervam dicere, se velle mane ire ad καύκωνας magnanimos, ubi sibi χρεῖσθαι debeat neque νέον neque ὀλίγον, *ad principes sacerdotes holocausti, ubi sacrificium sibi debeat, neq; juvenile neq; infantile.* v. 367. Hic cum filium Ulyssis Telemachum peti intelligeret Nestor, stupor equidem invasit omnes, v. 371. statim tamen illum (i. e. agnum mactandum h. l.) manu apprehendit, hortaturque, ut jam nunc haut ignavus sit neque imbellis: Deos enim illū comitari. Actutum vero Nestor orat Minervam, ut sibi propitia sit, & largiatur pro Telemacho sacrificare bovem legitimam, indomitam, quam nemo vir iugo subdiderit, h. e. juvencam optimam, v. 373-383. Et hanc esse dicit Noster expressionem poetæ ad verba Scripturæ, Num. 19, 2. & Deut. 33, 17. Atque audivisse in hoc Minervam fenem illum, effusasque deinde d'ras devotioni debitas super hostiam bovis jugulationi destinatam. Describi hic etiam ritus agni Paschalis mactandi & comedendi a tota quaque familia. Interea vero Telemachum, (habitum velut mortuum,) domi a suis ablutum, mactum & indusio pulchro tunicaque fuisse indutum, v. 437-468.

se-

secundum morem pollinetur. Sed sistendum hic. Jamdudum enim excitatum in animis Lectorum arbitramur desiderium videndi tum reliquas in Opera Homeri meditationes, quas se ait habere confectas, tum alia scripta Cl. Crocii, quæ p. 6. 84. 147 promittuntur.

THESAURUS ANTIQVITATVM GRÆCARVM
contextus & designatus ab JACOBO GRONOVIO.
Volumen Nonum & Decimum.

Lugduni Batavorum, apud P. van der Aa, 1701, fol.

Vol. IX constat Alphab. 8, plag. 21.

- X -- Alphab. 10, plag. 16.

Series Scriptorum, quæ in nono Volumine inveniuntur, hæc est: Jani Cornarii, Medici Physici Zwicciensis, de *Conviviis veterum Græcorum libellus*, pag. 1. Andreæ Baccii de *Conviviis antiquorum*, deque solenni in eis *Vinorum usu*, atque ritu *Cenarum summuosissimo*, libri quinque, pag. 21. Jo. Baptistæ Casalii de *Tricliniis, Conviviis, Hospitalitate & Tesseris veterum exercitatio*, cum figuris, p. 121. Josephi Laurentii opuscula de *Conviviis, Hospitalitate, Tesseris & Sirenis*, p. 161. Jacobi Sponii de *origine Sirenarum dissertatio epistolica*, historico-moralis, p. 205. Jacobi Philippi Tomasini de *Tesseris Hospitalitatis liber singularis*, in quo jus *Hospitii universum*, apud veteres potissimum, expenditur. Accedunt quadam ex *Ant. Augustino*, & Jo. Chislerio, ad majorem illustrationem hinc inde inserta, cum figuris, p. 213. Josephi Laurentii de *Prandio & Cæna veterum*, ac de aliis ad eadem spectantibus, *miscellanea*, p. 285. Petri Castellani *ΚΡΕΝΦΑΓΙΑ*, sive de *esu carnium libri I V*, p. 353. Hieronymi Mercurialis de *Potionibus ac Eduliis antiquorum mantissa*, p. 465. Joannis Freinsheimii *dissertatiuncula de Calida Potu*, p. 493. Adriani Turnebi de *Vino ac ejus usu & abusu libellus*, p. 517. Jo. Henr. Meibornii de *Cervisiis veterum, potibusque & ebriaminibus extra vinum aliis commentarius*, pag. 537. Jo. Baptistæ Casalii de *Thermis & Balneis veterum tractatio*, cum figuris, p. 633. Petri Servii de *Odoribus dissertatio philologica*, p. 645. Lazari Bayfi de *Vasculis libellus*, sive *animadversiones in tractatum de Auro & Argento legato*, cum fl.

guris, p. 677. Pomponii Gaurici *de Sculptura, sive Statuaria liber*, p. 725. Ludovici Demontiosii *commentarius de Sculptura, Calatura gemmarum, Sculptura & Pictura antiquorum*, libri duo, p. 777. Aldus Manutius Pauli Fil. *de Calatura & Pictura veterum*, p. 803. Philostratus *de Pictura*, p. 807. Julii Caesaris Bulergeri *de Pictura, Plastica, Statuaria libri duo*, p. 809. Jo. Baptistæ Casalii *de Insignibus, Anulis, Fibulis, &c. syntagma* cum figuris, p. 893. Josephi Laurentii *de re Vestiarum syntagma*, pag. 921. Otthonis Sperlingii *de Crepidis veterum diatriba*, p. 961. Theodori Gazæ *de Mensibus Atticis liber*, ex interpretatione Jo. Perrelli, pag. 977. Jo. Perrelli *de ratione Lunæ Epactarum, & mensis intercalarii commentariolus*, p. 1009. Petri Hagueloni *Calendarium trilingue, seu de Mensibus Hebræorum, Græcorum & Romanorum dialogus, ex optimis quibusque auctoribus collectus*, pag. 1017. Joannis Lalamahtii *dissertationes tres*, I. *de Tempore & ejus partibus*, II. *de Anno Macedonum, seu Græcorum*, III. *de Anno Attico*, p. 1041. Petri Castellani *de Mensibus Atticis, nec non de Mensibus & Anno Græcorum, Atheniensiumque diatriba*, p. 1081. Samuelis Petiti *de Anno Attico eclogæ chronologicae*, p. 1109. Stephani Pighii *Themis Dea, seu de lege divina*, p. 1137. Ejusdem *Mythologia ΕΙΣ ΤΑΣ ΩΡΑΣ, vel in anni partes*, ex symbolis antiqui cujusdam toreumatis argentei, quod extat apud Rev. D. Antonium Perrenotum, Episcopum Atrebatensem, cum figuris, p. 1185. Jacobi Usserii *de Macedonum & Asiæ annis Anno Solari dissertatio, cum Græcorum Astronomorum paraepemate, ad Macedonici & Juliani anni rationes accommodato*, p. 1205. Josephi Laurentii *de Annis, Mensibus, Diebus, Horis, &c. tractatio*, p. 1269. Phlegontis Tralliani *de Olympiis fragmentum*, cum Latina interpretatione & notis Jo. Meursii, p. 1289. Erycii Puteani *Olympiades, sola manu, ut vere annis mundi respondent, computata*, p. 1297. Joannis Meursii *Denarius Pythagoricus, sive de numerorum, usque ad denarium, qualitate ac nominibus, secundum Pythagoricos, liber singularis*, p. 1329. Joachimi Camerarii *historia rei Nummaria, sive de Numismatis Græcis & Latinis*, p. 1401. Leonhardi Porcii *de re Pecuniaria antiquorum, & de eorum Ponderibus, Mensuris, Stipendiis militariis &c. libri duo*, p. 1433. Josephi Scaligeri, Jul. Cas.

Cæf. F. *de re Nummaria antiquorum dissertatio, liber postumus.*
Ex Bibliotheca Academiae Lugd. Bat. p. 1493. Willebrordi Snellii
R. F. *de re Nummaria, liber singularis*, p. 1549. Caroli Patini *de*
Nummate antiquo Augusti, & Platonis epistola, p. 1589. Seba-
stiani Fæschii *de Numo Pylemenis Evergetæ, Regis Paphlagoniæ*
epistola, pag. 1601.

In præfatione pro more adnotat loca, vel perperam citata,
vel non satis intellecta, hocque adeo nomine varia doctrinæ & an-
tiquitatis capita illustrat, & de Græciæ monumentis optime mere-
tur. Inter alia ista Philonis *de plantatione Noæ* verba : *πρὸς Φέ-
ρον τοῖς οἰνοχομαίοις καλέοντες*, quæ a Freinshemio de Calidæ
Portu cap. I. §. 1. citantur, explicat, affirmatque, *πρὸς Φέρον τοῖς οἰ-
νοχομαίοις* dici convivas, qui os & labia componant ad ea, quæ
infusa sunt, haurienda, atque adeo admoveant vel calici vel patinæ;
ut inde gustent, ac vescantur. Hinc conficit, Jo. Freinshemium mi-
nus idoneam interpretandi rationem secutum esse, quando *οἰνοχο-
μαίους* pincernas convertit. Quod ad Laurentii schediasmæ *de*
Medicis ac Balneis antiquorum attinet, monet verba de Antonio
Musa, quæ exhibentur col. 625, non esse Dionysii Halicarnassei, sed
Dionis Cassii Cocceiani ex libro LIII, pag. 517. Eadem scribendi le-
vitæ factum esse, ut in schediasmate de *Re Vestiaria* col. 944.
loco Iustini de Lysimacho & leone præscripserit Suetonium. Eo-
dem errore ductus est Jo. Bapt. Cafalius *de Insignibus, Anulis, Fibu-
lis*, qui col. 898 Hirtii verbis de Scipione Africano agi putat, cum
intelligatur socer Pompeji. Non minus in Pighii Themide col.
1154 prave legitur : *verum D. Laetantius Uranum Latine Cæ-
lestem interpretatur*; quum respiciat ad verba capitis XI lib. I de
falsâ religione : *Jupiter in eo loco suspexit in calum, quod nomi-
natur Ουρανός*. Id vero admodum juvenile videtur, quod Ludo-
vicus Demontiosius *de Sculptura* col. 784 pronunciavit, Bruto
nempe, qui Reges expulit, statuam positam non fuisse. Aliter enim
Suetonium in Jul. cap. 80 tradidisse, his usum verbis : *Subscribere*
quidam L. Bruti statua, utinam viveres! Non minus rejicit,
quæ paulo ante citatus Pighius col. 1163 scribit : *Itaque Veneris-
cer pecten est, quem idcirco Cytheriacum appellat Naso* Poet. *de*
Salmaci canens : Sape Cytheriaco deducit pectine crines;
quum

quum in loco illo jamdudum ediderint *Cytoriaco*, & nimis esset confusum, ut quod Themidi proprium symbolum datum fuit, tamen diceretur Venerium. Imo vero rem sponte loqui, & Cytorum montem rasile buxum suum pectinibus faciendis approbavisse etiam per ipsos Poetas.

Volumen decimum uberem ingeniorum copiam & varias exercitiorum amoenitates recenset, cujus scripta hoc se ordine excipiunt: Ludovici Cresfollii *Theatrum veterum Rhetorum, Oratorum, Declamatorum, quos in Græcia nominabant* ΣΟΦΙΣΤΑΣ, *expositum libris V*, p. 1. Diligenter hoc opus in præfatione celeberrimus Gronovius persequitur, variosque naves indicat, e. g. quod col. 204. scribat, Apollonii sectatores in Græcia nominatos fuisse *Ἀπολλωνίῃς ἡκίας*, cum legendum sit *Ἀπολλωνίῃς σκίας*. Origenis *PHILO-SOPHOTMENON fragmentum*, quod ex bibliotheca Medicea descripsit, ac notis illustravit Jacobus Gronovius, *Græce & Latine*, p. 249. Meminerunt jam pridem hujus opusculi vini clarissimi, Lucas Holstenius, Joannes Pearsonus, Ægidius Menagius, (qui partibus inde petitis observationes suas ad Diogenem auxit) & Petrus Daniel Huetius. Id solummodo interest, quod Menagius & Huetius non ipsi Origeni, sed alii potius sub Origenis nomine latenti tribuant. Quos proinde Gronovius confutat, ac inprimis Huetii objectionibus respondet. Descripsit vero Gronovius ex codice, chartaceo illo quidem, at auro pretiosiore, quippe unico, in quo emendatissimum sit Arriani *Ἀναβάσεως* Alexandri Magni exemplar, eadem manu scriptum, & unde Gronovius olim egregia illa ejus Scriptoris supplementa, & nuperrime opus integrum edidit. Præterea eum ipsum codicem esse ait, in quo Hieroclis ad aurea Pythagoræ Carmina eruditissimus commentarius tam integer & inviolatus exhibeatur, ut non aliunde æque, ac ex hoc ipso volumine, colligi possit, quam maculosi codices ab typographis nostris, ad multiplicanda exemplaria usurpati fuerint. Dividit Origenes in hoc fragmento Philosophos in quatuor classes, Physicos, Ethicos, Dialecticos, Barbaros, id est Brachmanes & Druidas, singulorumque opiniones refert, & refutat. Sequuntur hunc libellum Guiljelmi Morellii *de veterum Philosophorum origine, successionem, ætate & doctrina tabula compendiosa*, cum Hieronymi Wolfii annotationibus, p. 293. Davidis Chy-

Chytræi *Tabula Philosophica, sive series Philosophorum, & selecta eorum præcipua*, a Thalesæ & Socrate imprimis, usque ad Cicronem deducta, p. 346. Desiderii Jacotii *de Philosophorum doctrina libellus*, p. 349. Joannis Meursii *Æschylus, Sophocles, Euripides, sive de Tragædiis eorum libri tres*, nunc ex ipsius Auctoris chirographo aucti, p. 393. De Æschylo Meursii tradit, multa ex ipso decerpisse Thomam Stanlejum, imò integras fere paginas 638, 639, 640, 641, 642, 643, 644, 645, deberi huic opusculo, quod tamen maluerit Stanlejus lectori permittere ad cogitandum, quam ipse confiteri. Plutarchi *Alexandrina Proverbia Græca*, ex Bibliotheca Medicea, cum interpretatione Latina Jacobi Gronovii, nondum antehac edita, extant in præfatione, pag. 6 seqq. Descripsit hæc Proverbia, beneficio Illustris Magliabequii, Clarissimus Gronovius nostri Frater, eaque digna judicavit Noster, quæ huic Thesaurο insereret. Extant nonnulla ex Proverbiis apud Erasmum citatis (is enim allegat Plutarchi Collectanea, sicut quoque duo Adagiorum libri inter amissa Plutarchi opera referuntur) in hoc libello; quamvis Erasmo ad manum videatur fuisse aliquid auctius, quum ex illis Plutarchi collectaneis etiam ab eo citetur, quod in hoc numero non deprehendes. Sunt eorum CXXXI, & his verbis finiuntur: ΠΛΥΤΑΓΧΗΣ παρρησία, αἷς Ἀλεξανδρεὺς ἐχρῶντο; quanquam Gronovio non ipse Plutarchus, aut certe non solus ea collegisse videatur. Joannis Meursii *Theseus, sive de ejus vita rebusque præclaris megestus, liber singularis*, pag. 465. Raphaelis Tricheti du Fresne *Epistola de Charondæ effigie in Catanensi nummo expressa, apud Petrum Sequinum in nummo argenteo*, pag. 569. Joannis Meursii *Dionysius, sive de Auctoribus istius nominis, eorumque scriptis, liber singularis*, & nunc primum ex chirographo Auctoris editus, p. 577. Ejusdem *de Heracleide, aliisque ejus nominis & eorum operibus dissertatio*, nunc primum ex chirographo Auctoris edita, p. 605. Ejusdem *Theophrastus, sive de illius libris, qui injuria temporis interciderunt, liber singularis*, pag. 621. Ejusdem *Lectiones Theophrastæ*, in quibus eorum librorum, qui supersunt, loca aliquot emendantur, p. 647. Accedit Adolphi Vorstii epistola de obitu V. C. Jo. Meursii ad filium ejus Joannein, juvenem præstantissimum, ut & Epitaphia in ejusdem mortem per A. Buchellium,

& Nicolaum Heinsum, p. 654. *Manus Aenea Cecropii votum referentis dilucidatio*, Auctore Jacobo Philippo Tomasino, cum figuris, p. 657. Octavii Falconerii *de numo Apamensi, Deucalionis diluvii typum exhibente, dissertatio*, pag. 672. Georgii Schubarti *enarratio parergica metamorphoseos Ovidiana de Diluvio Deucalionis*, p. 701. Tanaquilli Fabri *vita Poetarum Græcorum, ex Gallico idiomate in Latinum translata*, p. 740. De Latina vitæ harum versione ita censet, non in scite modo a Gallicis Latina recedere, sed nævos quoque Tan. Fabri studiis indignos, & historiam ac rem ipsam violantes, occurrere. Josephi Barberii *de miseria Poetarum Græcorum liber*, p. 797. Petri Castellani *vita veterum & illustrium Medicorum, qui 1010 orbe nque ad Seculum XIII floruerunt*, p. 855. Jo. Henrici Boetleri *de Scripioribus Græcis & Latinis, ab Homero ad initium seculi post Christum natum decimi sexti, commentatio*, pag. 905. Helladii Besant'noi *Chrestomathia: Græce, cum interpretatione Latina & notis Joannis Meursii*, p. 949. In his notis col. 952 f. extat operosissima operum Callimachi enumeratio, quam in editione Callimachi, quæ ante aliquot annos prodiiit, repetitam esse ideo ægre fert, quod Meursii nomen suppressum, hocque adeo modo industriæ Meursianæ nonnulla illata fuerit injuria. Joannis a Wower *de Polymathia tractatio: integri operis de studiis veterum ἀποσπασμάτων, cum præfatione Jacobi Thomasi; accefferunt præterea Auctoris vita & elogia in Polymathiam, item tabella Synoptica*, p. 985. Josephi Laurentii *de Professoribus, Oratoribus, Nomenclatoribus & literis collectio*, p. 1161. Jo. Meursii *Bibliotheca Græca libri tres, ex chirographo Auctoris nunc primum editi*, p. 1181. Ejusdem *Bibliotheca Attica*, sive de antiquis Atticis scriptoribus, eorumque item operibus, libri IX, ex chirographo Auctoris nunc primum editi, pag. 1393. Leonis Allatii *de Patria Homeri liber, cum figuris*, p. 1555. Ejusdem *Homeri natales, cum interpretatione Latina Andree Bajani*.

MENSIS FEBRUARII A. MDCCV. 91
A CONFERENCE WITH A THEIST &c.

h. e.

COLLATIO CUM THEISTA, CONCERNENS
doctrinam de Animorum Immortalitate. Pars V. Auctore
GULIELMO NICHOLLS, S. Theo-
log. Doct.

Londini, apud Thomam Bennet, 1703, in 8. plagg. 18.

PUtabat Vir Clarissimus, postquam quatuor voluminibus in Actis
nostris A. XCVI p. 537, XCVII p. 367, Supplem. T. II p. 273, &
A. DCC p. 325 non negligenter recensitis, Religionis revelatæ fun-
damenta adversus profanos homines defendisset, vacationem sibi
haud immerito ab ejus generis labore deberi, cum editis *posterioribus*
de animorum immortalitate cogitationibus, nescio quis, (*Estibium* enim
Psycheletbam appellat ipse) denuo zelum ejus provoca-
ret. Ejus itaque cavillationibus Dialogo, quem hic instituit, satis-
faciendum sibi esse putavit, quo *Estibium* ipsis verbis paulo ante
nominati libri suam, Credentium vero & Philologum veritatis
causam agentes, nobis sistit. Initium facit huic disputationi a con-
futatione persuasionis *Estibii*, quasi periculo careat hic error suus, si
error sit, de animis una cum corpore extinguendis, quandoquidem
restituenda corpora animata in extrema die esse concedat, & ex-
plodendis illis, quas *Estibius* allegavit, creditæ a plerisque morta-
lium immortalitatis causis, quas educationem, & emolumenta, qui-
bus sacrorum inhient antistites, ille esse existimaverat. Inde ad
ipsa argumenta progreditur: quorum primum *Estibius* defumferat
a dissensu Philosophorum circa spirituales & immortalem animo-
rum naturam, qui cum nihil nos doceant de animo certi, hoc vi-
sum exploratissimum primo fuerat *Estibio*, animum accidens esse,
non substantiam, & quidem nihil aliud quam motum in materia
seminali cum sensu conjunctum. Quem conceptum tamen No-
ster vel hoc uno absurditatis revinci putat, quod hac ratione
Adamum tantundem vitæ & motus habuisse necesse sit, quam
omnes una mortales, quandoquidem ab eo ceteri omnes fuerint
derivati, nihil vero plus, quam ipsum habeat, motus cum altero
possit communicare. Quin & motum cum sensatione concipere

M 2

sibi

sibi non minus difficile videri, quam videm motum concipere vel amarum. Inde definitionem animæ ab Estibio allatam, quod sit afflatus, materiæ in creatione Divinitus infusus, examinat; & ex ipsa narratione Moſis, ad quam respicere illa videtur, probat, distinctam toto genere animam a materia esse. Cumque porro Estibius multum inservire hypothefi suæ posse existimaverit, si evincere possit, bruta animantia ratione gaudere, eam sententiam diligenter impugnât Noster. Utque difficile imprimis solertia quorundam animalium, barrorum, equorum, canum solvat phenomenon, non a ratione brutorum, sed ratione Dei hoc esse ait; quod quantum abluat ab eorum sententia, qui Deum tanquam spiritum universi sibi concipiunt, viderit doctissimus Autor Meditationum de Cometis, cui nuper multorum Philosophorum sapientiam suspectam reddidere ejus generis lemmata. Sed præcipua in eo versatur controversia, an pura puta machina homo sit; mechanicæque eas, quas menti vulgo tribuimus, operationes producat. Negativam sententiam istas potissimum considerationes evincere, Autor arbitratur. Quod certum sit, cogitationem sine mechanico motu dari in Deo, quodque aliquam organorum mechanicorum constructionem atque combinationem cogitationem producere, nullo argumento, nullo modo possit ostendi. Sed tamen adeo a motu sanguinis & animalium spirituum pendere in operationibus suis animam, ait Estibius, ut sibi vel ob hanc causam ejus immaterialitatem & immortalitatem nequeat persuadere: cui id imprimis opponit Noster, quod anima non sit tale agens, quod omnia in materiam possit, quodque adeo instrumento corrupto, non mirum sit, minus expedire suum ei procedere opus. Interea tamen ne in iis quidem, quorum corruptissimum cum spiritibus animalibus cerebrum, furiosis & mente captis, omne perire mentis rationalis indicium, argumento evidenti, illud a materia non pendere penitus. Quod facile separari adeo mens a corpore possit, materialitatem ejus non probare; nam istam rem legibus conjunctionis a Creatore sanctis esse tribuendam, & destructum instrumentum, tanquam sibi inutile, deferere animam. Nec esse, quod hic opponatur difficultas expellendi spiritum malum e corpore hominis obsessi; ejus enim in illo perseverantiam pendere, sub

sub directione Dei, a voluntate spiritus illius, nec esse eandem conjunctionis animæ cum corpore, quæ ab arbitrio illius non pendeat, sed recta corporis constitutione, rationem. Quod incrementa capiunt per varias ætates animæ vires & potentia, materialis naturæ argumentum non esse: nam illa mentis incrementa, corporis haut debere extensioni per illas ætates crescenti, vel hoc evincere, quod optima mens non sit ea semper, quæ maximam corporis molem animat, adeoque a cultura illa esse mentis, & educatione, atque experientia, quæ uno momento perfici non queat. Sed si immaterialis est anima, quam rationem reddemus stuporis in illis, agilitatis in aliis hominibus? quam a materiæ temperie optime Estibius derivari posse credit. Ipsas itaque mentes, in primis originibus suis, majores minoresque sortiri perfectiones, & rationibus & Scripturæ testimoniis firmat Autor, imo & instrumenti perfectionem, hoc est corporis hujus temperiem, aliquid huc conferre posse; unde tamen non magis possit probari, animam esse materialem, quam aerem esse ejus naturæ, cujus est tibia quam inflat, eo quod motum & sonum aeris aliquo modo ab hujus structura pendere, manifestum sit. Quod vero porro urgetur, magis rationi convenientem esse mortalitatem animæ & materialitatem, eo quod facilius concipiatur; in eo & hoc negatur, quod rationi maxime conveniens semper sit, quod facillime concipitur, & quod facilius concipiatur mortalitas animæ quam vita perennis: at cum disputatio de istorum posteriori non dissimilis sit disputationi de gustibus, priori forsitan optime inhæreas, & Autor quoque illud in primis urgere videtur. Non opus vero, ut prolixi simus in iis commemorandis, quæ reponit Estibio: urgenti, quod doctrina de interitu animæ, ut ab ipso proponitur, moraliter non sit turpis, quodque contra, superstitionis pro mortuis precibus, & doctrinæ de purgatorio fundamenta subternat, quæ obtinuit de animæ immortalitate sententia. Certe enim ubi de rei simpliciter veritate instituitur quaestio, superfedere poterunt disputantes illarum quaestionum utraque, & posteriori in primis facile vel mediocriter sapientes respondere, non erat difficile. Nec magis merebatur responsionem argumentum, quod impossibile non sit, animam interire atque redire, cum hic de eo, quod evenit, non vero de eo, quod evenire

potest, sit quæstio. Quod vero sententiam, immortalitatem defendentem, in multis parum apte coherere Estibius arguit, in eo non male industriam Cl. Autor locavit. Quod ex immaterialitate immortalitas non recte inferatur, concedit; nam & brutis animantibus immateriale principium largiendum esse existimat, quibus tamen immortalitatem vindicare non audet; at ex fine creationis humanoque animo, qui idem persistat semper, continuationem quoque conservationis eorum inferendam putat. Sed quid si argumento illo, ad mundi totius durationem æternam demonstrandam, cum Platonicis aliisque Philosophis aliquis utatur? Animam, quæ ne in vita quidem semper cogitet, ad iudicii usque diem cogitandi suspendere actum, atque adeo ad tempus non vivere, non absurdum visum Estibio; at præsuppositum negat cum Cartesio Noster. Difficultates circa unionem spiritus & corporis motas ita solvit, ut dicat esse unionem actionis & passionis, animumque corpori præsentem esse per suam *involuntatem*. Ex eo, quod Hebraica vox **נפש** *vitam* significat in sacris literis, non sequi, animam esse materialem; eam enim vocis notionem ceteras, & hanc imprimis, quæ *mentem* designat, non excludere; idque eo firmatur, quod omnia naturæ spiritualis & cogitantis attributa **נפש** **נפש** in sacris adscribantur. Immortalitatem in Scripturis tribui animæ, temerario ausu negari; contrarium enim ex Eccl. XII, 7. Matth. X, 28. Luc. XXIII, 43. 2. Cor. V, 6. Apoc. XIV, 13. 1. Corinth. V, 23. patere. Ludicrum plane esse, quod ex eo, quod Salvator mortuos excitans, *redi anima in corpus tuum*, dixerit nunquam, argumentatio instituitur, sed *surge juvenis &c.* Hoc enim, inquit Autor, est postulare, ut omnia dixerit Servator, quæ dici poterant; voluisse autem eum voce *surge* potestatem indicare suam, mortuis vitam restituendi. Quod animæ superstites non appareant, id quod nunquam fieri absolum visum Estibio nisi extinguerentur, inde esse, quod certis legibus sint in statu separationis adstrictæ animæ: imo apparere quandoque, fide dignorum hominum testari narrationes. Argumentum ex historia lapsus sumtum, quæ doceat, per peccatum mortalem factum hominem totum, adeoque & animam ejus, solvitur distinctione inter mortem spirituales, quæ sit amissio vitæ divinæ, & physicam; hanc corporis, animi esse

illam. Quod dicitur, poenam vero non esse mortem corporis, qua anima æternis illius liberetur; id valere de restitutis per Christum conceditur, non vero de impiis, quibus per mortem huius vitæ detrahantur solatia, gravissimis & insolabilibus malis inde succedentibus. Nec ex doctrina de animæ immortalitate sequi, corpus, quod hac ratione in se spectatum pro mole materiæ ignava, vitæ ac sensus experte, habeatur, adeoque in peccati partes venire nequeat, injuste post resurrectionem puniri: proprie enim corpus poenæ non sentire, sed animam puniri per corpus, per quod etiam peccaverat. Quod Apostolus ait, in extrema die superstites mutandos esse, ita cum animorum immortalitate esse conciliandum, ut non quoad immortalitatem, sed quoad ceteras qualitates, & relationes inprimis ad hoc corpus, mutandæ esse dicantur. Nec absolum esse, animæ superstiti felicitatem adscribere, ejusque consummationem in extremam diem differri dicere. Nec inde sequi, duplex judicium esse admittendum: bonas enim animas, quæ influxu gratioso bonitatis divinæ, & expectatione manifestandæ penitus gloriæ, beatæ sint, nullo peculiari discretionis judicio opus habere, ante solennem istum nobis præfixum diem: similemque impiorum etiam esse rationem. Redemptionem vero Christi, quæ totum hominem concernit, animæ immortalitati non obstat; eam enim a morte spirituali, ut corpus a physica, liberatam fuisse. Loca Scripturæ, quæ renovationem animæ ad diem judicii differunt, centies explicata fuisse & vindicata. Novam denique non esse illam doctrinam, quod Estibius urserat. Apud Græcos enim, diu ante Platonem & Thaletem, eam viguisse, ex Homero patere; Senecam Ep. CXVII apud omnes gentes eam receptam esse agnoscere, quod inductione quadam facta ostenditur, indeque concluditur, in ipsis incunabulis generis humani eam traditam fuisse, quæ alias late adeo non potuisset propagari. Inprimis vero Judæos hanc doctrinam semper tenuisse, contra Estibii cavillationes defenditur, disputationibusque suis gravibus quibusdam monitis imponitur.

Vidimus non ita pridem articulum novi Operis, quo, ut in his Actis libri nuper editi recensentur, ita in vienna Academia Jenensis librorum veterum selectissimi protrahentur in lucem, & ex his Excerpta luculenta exhibebuntur. *Bibliotheca Antiquæ* nomen præferet, & per mensium intervalla publicabitur; quemadmodum jam primum illius segmentum mense hujus anni Januario publici juris factum fuit. Specimen rei a Paulo Colometho in *Bibliotheca Selecta* dudum fuisse editum, in Actis nostris A. 1684 p. 313 sqq. memoratum a nobis meminimus. Neque ignoramus, simile quid anno 1702 tentatum fuisse Parisiis, mense illius anni Julio publicari ceptum & post continuato libello: *Essais de Littérature pour la Connoissance des Livres*; qui & Hagæ Comitum, sed additis subinde Viri docti alterius censuris, recusus est. Verum cum post mensem Julium anni 1703, nihil ad nos illius opusculi pervenerit, parum abest, ut abruptum illud, quod tot aliis hujus generis scriptis accedit, arbitremur, eoque magis calcar addamus Doctissimis Bibliothecæ illius Antiquæ Collectoribus, ut institutum saluberrimum strenue profsequantur. Qua occasione non dubitamus quoque; celeberrimæ Academiæ de novo incremento gratulari, quod cognovimus, non solum Historiarum Professionem, postquam per aliquot annos vacasset, tandem Eruditissimo ac Diligentissimo Viro, *Burchardo Gotthelf Sirvicio, et præv. Georgii Adami Filio*, demandatam, sed inprimis quoque Reverendæ Facultati Theologicæ meliorem nunc lucem affulgere, cui ormandæ deinceps Viri magnis in Republicam Literariam meritis Clarissimi, *Michael Förstebius, & Johannes Franciscus Budden*, hic ex Fridericiana, ille ex Tubingensi Academia evocati, studium suam operamque impendent. Inter libros ex his regionibus expectandos, elegantiorum literarum cupidis Clarissimi Viri, *Wilhelmi Ernesti Tenzelii*, Saxonia, ut vocat, Numismatica, seu Nummophylacium Numismatum Mnemonicorum & Iconicorum, a Serenissimis Electoribus Ducibusque Saxonie cudi jussorum, indicari præcipue meretur; cujus partem primam, quæ a Duce Alberto, Albertinæ linæ Conditore incipiet, & in Electore Augusto desinet, proximis nundinis Lipsiensibus certo nobis pollicemur. Hanc quo ordine excepturæ sint partes alie septem, peculiari programme ipse Auditor celeberrimus exposuit, quod apud *Philippum Wilhelmum Stockium* Bibliopolam nostratam prostat.

A C T A ERUDITORUM,

*publicata Lipsiæ
Calendis Martii, Anno MDCCV.*

MELCHIORIS LEIDEKKERI, S.S. THEOL. D. & PROF.
de Republica Hebraeorum Libri XII.

Amstelodami, apud Isaacum Stokmans, 1704, in fol. Alph. 9.

OMnium rerum, adeoque & studiorum esse vicissitudinem, ac proinde ut omnibus nos utiles præbeamus, servendum non raro tempori venire, observat in Præfatione doctissimus Leidekkerus. Fuisse sane ait, cum vigerent admodum controversiæ de Religione. Inde vero Viros eruditissimos animum ad pietatis praxin in Scholis & Ecclesiis excolendam applicuisse, & simul commendasse Scripturæ Sacræ analysin & meditationem, ne quædam modo illius particulæ inspicerentur, ut fieri consueverat in controversiis, sed omnis Divini verbi œconomia perfecta haberetur. Ac cum linguarum Orientalium peritia eo maxime inserviret, Philologiæ studium Theologiæ conjunctum fuisse innuit, in quo certe Lutheranos, Hackspanium, Dilherrum, Glassium, Carpzovium, Frischmuthum, Wagenfeilium, aliosque excelluisse uti haud dissimulat, sic Reformatis quoque laudem illam cumprimis deberi addit, cum nemo nesciat, Buxtorfos, patrem & filium, Hottingerum, Erpenium, l'Empereurium, Sixt. Amamam, Coccejum, Leusdenium, Lightfootum, Seldenum, & reliquos, quorum vestigiis hodie insistant Witsius, Marckius, Triglandius, Vitringa, Braunius, Hulsius, Rhenferdus. Qua de causa & suam mentem hæc studia revocasse fatetur, quippe cum ad Philologiæ sacra fontes ab adolescentia perductus fuerit, tanto quidem cum progressu, ut doctore Judæo usus, Rabbiorum scripta

N

le-

legerit, quando vix annos septendecim natus fuerit. Nec unquam se intermisisse testatur linguarum Orientalium studia, dum verbi foret ministerio, ac si id unum agere libuisset, hodie inter linguarum Hebræarum peritissimos se censi potuisset, nullus dubitat; sed remoram sibi injecisse causatur horridum Talmud, quo viderit tot futilia contineri, & quæ ad bonam mentem nihil sæpe proficiant. Nihilo secius necesse tandem fuisse asserit, ut Philologicis mentem magis, quam ante, appelleret. Postulasse etenim Juventutem Academicam Collegia ad Cunnæum & Goodwinum, unde enatæ sint ad Majemonidis quendam tractatum observationes, quæ orbi erudito haud displicuerint. Hinc ad Cunnæum nonnulla notare se constituisse, quorum specimina disputationibus quibusdam ediderit. Rogatus vero, ut quæ haberet ampliora, luci publicæ exponeret, mutato consilio Rempubicam Hebræorum describere gestit in præsentī opere, de quo istam spem concepit, fore ut intelligat Lector, nullum extare volumen, quo tanta amplitudine Sacra & Politica Hebræorum Respublica depicta, aut Philologiæ Sacræ synopsis tradita fuerit. Ut igitur de tam illustri opere judicium ferre liceat & iis, quibus ejus videndi aut perlustrandi copia nondum hucusque facta est, illius faciem paucis dare adumbratam juvabit.

Et libris quidem istud absolvitur duodecim, quorum *primus* de *Gentis Hebræorum sacerrima antiquitate* agit, & a nomine exorsus, cur eadem Hebræorum, Israël, Judæorum appellatione gaudeat? disquirat. Prosapiam deinde Patriarcharum ab Adamo usque ad diluvium illustrat, atque inter alia ad Sethum delatus, de ejus columnis disserit. Prot-Evangelium de Semine mulieris curatius attendi jubet, idque adversus varias detorsiones vindicat, ac Messiam & salutem per ipsum consequendam istud promittere, ostendit. De diluvio, de Filiis Dei, & imprimis de Gignatibus, varia in medium affert, ac diluvium hoc fuisse universale, probat. Historiam hinc Noachi & posterorum, ad turris usque Babylonicæ æram persequitur, deque ipsa turri Babylonica & linguarum confusione dispicit; istud vero, quod Judæi comminiscantur de LXX linguis, ex confusione Babelica ortis, & distributis per LXX nationes, fabulis accenset; statimque ad dispersionem gentium; & originem nationum ex tribus Noachi filiis, com-

tem-

templandam se confert, in sancta vero ex Noacho progenie, ad Abrahami usque ætatem se extendente, desinit. Hic notamus ex aliis, quæ de Cainane affert. Cainan nimirum verus ipsi ante diluvium est filius Enoschi, at falsus filius Arphaxadi, licet habeatur in Genealogia Christi apud Lucam. De eo autem dum Viri eruditi disputent, observari vult, Moſen, quando bis genealogiam Patriarcharum mox a diluvio texat, Cainanem prætermittere, idem fieri ab autore Chronicorum sero tempore post captivitatem Babyloniam, imo vero ibi Cainanem suum non interposuisse incautos & sui oblitos textus divini corruptores. In omnibus porro exemplaribus Græcis Cainanem non haberi, sed tantum in versione LXX yrali, quæ multas passâ corruptelas fuerit. Hinc τὸν καὶνὰν forte in Luca primitus non fuisse, sed insertum esse deinde ab illis, qui versionem LXX Interpretum, seu Prophetico Spiritu adornatam, ignarum codicis Hebræi, nimirum venerati fuerint.

¶ *Secundus liber de origine gentis Hebræorum ex Abrahamo, Isaaco & Jacobo agit, & usque ad illius statum in Ægypto sermonis telam pertexit.* Postquam igitur de Abrahamo & ejus vocatione ex Ure Chaldæorum verba fecit, de Melchizedeko adversus P. Cunnæum, fuisse hunc ipsum Dei Filium asserentem, late disputat. Circa foedus Dei cum Abrahamo paulisper detinetur, at diutius tamen hæret in circumcisione sacraque illius origine. Reliquam libri partem consueunt Ismael & Ismaelitæ, Saræ mors, Isaaci vita, Esavi item & Jacobi historia, duodecim quoque Jacobi filii, gentis Hebrææ Patriarchæ.

Varium gentis Hebræorum apud Ægyptios statum dum Libro tertio Autor sub considerationem paulo penitiorem revocare aggreditur, post prolixam satis Dissertationem præliminarem de fœderibus Ægyptiorum Dynastiis, de Ægypto primum ipsa, & mox de ejus incolis horumque negotiis quædam promittit. Uti vero studium sapientiæ apud Ægyptios extollit, sic eorum vicissim superstitionem atque idololatriam taxat, & in causam odii Ægyptiorum in pastores ovium inquit. Notatu digniora circa Josephi præfecturam in Ægypto ubi excussit, & hunc Gentilibus minime ignotum fuisse demonstravit, Hebræorum in Ægypto sedes, negotia, victum, sacra commemorat, suppeditatisque de Jacobi testa-

mento & XII Patriarcharum morte observationibus, ad statum & regimen Hebræorum Politicum in Ægypto pergit, non omiſſis inſuper eorum conjugii, incrementis atque moribus. Afflictum de cætero eorum in iſta regione ſtatum, quidquid videatur aliis, ultra CCXV annos haud duraffe, innuit.

Liber quartus miracula Divina providentia in conſtituenda Hebræorum Republica enarrat, cumque Deus primum ad tanta negotia vocaverit & inſtruxerit Moſen, ut eo ceu inſtrumento ſuæ providentiæ uteretur, idcirco de hoc Moſe ante omnia diſſent, & ad res ſub ipſo geſtas delatus, de decem Ægyptiorum ſuppliciiis, de egreſſu Hebræorum ex Ægypto, tranſitu per Mare rubrum, fontibus in Elim & de Manna, de aqua ex rupe profluente, de victoria ab Amalekitis reportata, de Politico Magiſtratu a Moſe inſtituto, legibus in Sinai latis, ſimilibusque materiis commentatur. Quin & Joſuam, Moſis ſucceſſorem, heic ſub diſpectum vocat, tranſitumque per Jordanem deſcribit, ac bella Joſuæ in Cananæos tangit; ultimo vero loco, poſt Chronologiam peregrinationis Iſraeliticæ in deſerto, antiquitates Gentium, earumque ſynchroniſmos cum hiſtoria Moſis & Joſuæ collocat.

Quintus liber Theocratiam Hebræorum ſibi præfixam gerit, legesque Moralem, Ceremonialem, Politicam, ac ſingularum corpora Juris ſpectat, hoc eſt, ſumman legum in certos titulos digeſtam ſiſtit, prout hos in lege Morali Decalogus, in reliquis vero libri Moſis paſſim ſuggerunt. Peculiares autem leges quasdam paulo accuratius indagat, legem puta agrariam, legem anni Sabbathici, & legem anni Jubilæi; cujus poſterioris dum meminit, ſimul de tempore Jubilæorum, utrum quovis XLIX an L anno celebrata ſint? diſquirit, & qui poſterius aſſerunt, maximis induci argumentis autumat. Tandem prout in antecedentibus ſubinde ad antiquitates & ſynchroniſmos Hebræorum atque Gentium reſpexit; ſic hoc in capite Nationum leges conſert, & Joſepho, aliis deductis, contradicit, quando ille ex Moſe leges Gentium profluxiſſe perhibet.

Ad Reipublica Hebræorum ſedes & incolas Liber ſextus pergit, cumque Deus ſuam Theocratiam, non variis ſolum legibus, ſed & diſtributione terræ Cananææ illuſtriorem reddiderit, de

hac

hac ipsa distributione per sortes facta dicere orditur, ac post Terræ Sanctæ extollit præstantiam. Civitates quoque Hebræorum uti generatim, sic primariam maxime urbem Hierosolymitanam lustrat, & cum civibus earum aliquandiu versatur, nec Profelytorum, quæ iustitiæ, quæ domicilii seu portæ obliviscitur. Conjugia porro & divortia, Familiasque inter eos florentes, uti eorundem non minus negotia exponit, & quibus hæc reguntur, tempora, dies, hebdomadas, menses, annos metitur, & sub finem breve Kalendarium Judæis familiare subnectit.

Nullam Reipublicæ salutem esse, nisi cives suis utantur bonis, eorumque tranquilla gaudeant possessione, & quisque suo fungatur officio, spe præmiorum & metu poenarum, Libri *septimi* initium præsupponit. Istum vero scopum cum sine *Politico Regimine* attingere haud liceat, idcirco de eodem latius disserere Autor nunc instituit. Derivat illud a primævo Magistratu, Senioribus populi, Principibus tribuum, capitibus Familiarum, Principibus civitatum, Chiliarchis, Centurionibus, Quinquagenis, Decurionibus, & eorum Ministris, qui שטרים nuncupantur. His addit extraordinarios in Israele Judices, a quibus ad statum Reipublicæ reliquum, inde a morte Josuæ, ad Reges usque transit. Sed diutius circa statum sub Regibus exactum detinetur, sigillatim Saulem, Davidem, Salomonem ob oculos sibi proponens, & sacrarum pariter ac civilium rerum sub istis conditionem delineans. Synedrium magnum ac minus, Domumque Judicii Triumviralem, seu Triumvirorum quoddam collegium in civitate, quæ CXX incolas non haberet, una cum Judiciis quibusdam aliis describit, & ut horum iustitiam in præmiorum ac poenarum distributione consistentem, sic jura quoque belli ac pacis examinat.

Qui supersunt quinque Libri, circa Hebræorum sacra & religionem singuli occupantur, & *ostæus* quidem per loca sacra divagatur, Tabernaculum puta Moïsis, cujus ornamenta & supellex recensentur, Templum Salomonis, cujus varia fata perpendit, & ejus cum secundo Templo comparisonem instituit, Synagogas dehinc, & tandem Excellā atque Proseuchas. *Nonus tempora religionis sacra* notat, Sabbathum ante omnia, Neomenias inde &

Festum clangoris, ac festa quolibet anno solennia, Festum Paschatos, Pentecostes, diem Expiationis, Festum Tabernaculorum, Festaque extraordinaria atque accessoria, quibus & jejunia associantur. *Decimus liber Personas sacras* producit Sacerdotem putatum, quem suis in vestibus contemplatur, & Sacerdotes inferiores, Levitasque & Nethinatos, quas item opes & quos reditus Sacerdotes & Levitæ, quales thesauros Templum habuerit, enarrat, ac in contemplatione Prophetarum definit. *Undecimus actiones in Religione publica sacras* spectandas sumit, videlicet doctrinam & conciones, sacrificia, oblationem, suffitum, sal, ligna, solennem expiationis diem, preces & benedictiones publicas, Psalmodiam sacram, Ministerium Templi & Regimen Ecclesiasticum. Tandemque liber *duodecimus* & ultimus *privatam Hebræorum Religionem* sistit, & non generatim modo eorum fidem, pietatem ac virtutes alias, sed & speciatim exercitia pietatis domestica laudat. Naziræorum & Rechabitarum vota præ cæteris pensitat, & quales se Hebræi in elemosynis, in cibis & conviviis, in vestibus, in impuritatibus & lotionibus, in morte & sepultura, inque luctu gesserint, quæ spes æternæ vitæ & futuri seculi eos lætaverit, innuat.

Hæc summa sunt voluminis hujus capita, in quibus exponendis celeberrimus Autor non semper se Rabbiorum opiniones secutum fuisse perhibet, cum illi testes de antiquitatibus Hebræorum optimi haud sint; quanquam nugacissimas Judæorum antiquitates tacere noluerit, ut manifestum foret, non esse probæ mœnetæ, quæ ex illorum officinis venditantur. Cæterum Lectorem aliud adhuc volumen expectare jubet, quod statum Reipublicæ & gentis Hebræorum inde a schismate Jeroboami, in quo præsens terminatur, usque ad hæc tempora exhibiturum sit.

Sed antequam heic quiescere calamus jubeamus, de Appendice voluminis nonnihil adhuc dicendum est. Præfixum illa gerit titulum *Archæologia sacra, qua de Divina rerum omnium origine secundum Mosis historiam, atque adeo de prima Hebræorum fide differitur contra Gentes & quosdam Philosophos, ac præsertim adversus T. Burneti Archæologiam Philosophicam & profanam telluris Theoriam.* Inter Reipublicæ namque Hebræorum primaria funda-

men-

menta locum obtinere monet principem doctrinam, de origine Universalis Mosaica. Ab hac vero fide cum illi hodie deficiant, qui suas Archæologias Mosaicis opponant, ac cum refutare Scriptorem sacrum non audeant, eum mundi originem obscuro texisse velo communicantur, dum τὸ ἱστορικὸν docere moresque instruere, non τὸ θεωρητικὸν & accuratam rei veritatem exponere intendit; ideo ut Mosis sua constet autoritas, frontem iis obvertere æquisum judicat.

CONCILIATION DE MOYSE ET DE
S. ÉTIENNE.

i. c.

CONCILIATIO MOSIS ET S. STEPHANI CIRCA
numerum Familiae Jacobi.

Amstelod. apud Petrum Brunel, 1704, 8. Plag. 7.

Qui sub literis U. P. R. D. L. R. nomen suum latere voluit Auctor hujus schediasmatis doctissimus, Critici cujusdam, qui nuper in Novis Literariis Jo. Bernardi, *Éclaircissement* Mosis & Stephani, circa numerum familiae Jacobi, conciliare tentaverat, exemplo excitatus est, ut hoc opusculum conscriberet. Siquidem hunc perfunctorie solum gravem istum scrupulum tractasse existimat; indeque ipse majori rem industria aggressus, eam se conciliandi methodum novam iniisse innuit, ut non solum verba Mosis Gen. XLVI, 26, cum effato Stephani Act. VII, 14 concilianda, sed & ea, quæ Gen. XLVI, 27, & Deut. X, 22 leguntur, inter se invicem & cum prioribus istis componenda esse existimet. Nam Gen. XLVI, 26 dici, omnes personas, quæ cum Jacobo in Ægyptum venerint, ex ipsius semine egressas, fuisse numero 66. At ejusdem capitis v. 27 affirmari, omnes personas familiae Jacobi, quæ in Ægyptum venerint, fuisse 70. Porro Deut. X, 22, pronunciari, patres gentis Israeliticae, qui in Ægyptum descenderint, fuisse 70: qui vero numerus cum præcedenti minime conveniat, quia ibi omnes personæ ad familiam spectantes; hic vero soli patres & familiae propagatores numerentur. Denique Act. VII, 14 dici, familiam Jacobi, quam Josephus in Ægyptum abduxit, capitibus constituisse.

Verum

Verum has difficultates Auctor noster, LXX virali versione vel ideo penitus statim repudiata, quod dubia magis augeat, quam minuat, ex solis fontibus Ebraïis se soluturum pollicetur; eamque in rem, Chronologia familiæ Jacobi præmissa, præsupponit, Josephum, vivente adhuc Isaac, anno Jacobi 91, inter Naphthali & Gad fuisse natum, dicique filium senectutis Jacobi Gen. XXXVII, 3, non quod natu fere minimus fuerit, ceu vulgo quidem credatur, sed quod seni Jacobo & gaudio fuerit, & auxilio singulari. Post hæc quinque instituendæ conciliationis ponit principia: nimirum Her & Onan, Judæ filios, eo quod ante ingressum familiæ in Ægyptum, obierint, plane hic non esse connumerandos; etsi in recensione familiæ Jacobi Gen. XLVI (quam tamen ad sequentes numeros v. 26 & 27 expressos plane non spectare, sed separatas suas rationes habere putat) sigillatim commemorentur: uxores & nurus Jacobi huc prorsus non pertinere; filias vero, ut membra familiæ, non vero ut capita populi, esse numerandas: eos qui Gen. XLVI recensentur, Jacobi posteros omnes reipsa non vixisse, cum ille in Ægyptum abiret; neque etiam id velle sacrum Scriptorem, quia per præfixum 5 eo loco adhibitum solum indicetur, eos omnes Jacobo in Ægypto degenti (stylo Hebraico) advenisse, h. e. ab eo, dum viveret, visos: Jacobum, antequam fato fungeretur, omnes nepotes suos capita linearum, ut filii tribuum capita erant, constituisse: denique Josephum, antequam obiret, suos quoque nepotes inter capita linearum retulisse.

His ita constitutis, ipsam Auctor noster conciliationem instituit, ejusque nervum p. 54 omnium clarissime sequentem in modum exponit: Primum Gen. XLVI, 27 familiam Jacobi *physice* & ita considerari, qualis ex eo prodierit; quo pacto omnes Jacobi, quos in Ægypto agnoverit, posteros, sublati prius per principium præsuppositum, Her, Onan & Dina (utpote quam non secus, ac istos, inter Cananæos mortuam contendit) at Josepho ejusque filiis cum Serah filia connumeratis, fuisse numero LXX. Secundo Gen. XLVI, 26 eandem familiam *politice* concipi, numerarique omnia populi capita, tam tribuum, quam linearum, quæ moriens Jacobus constituerit, quæque in Palæstina hæreditatem obtinuerint, & Num. XXII sigillatim describantur: quorum numerus,

re-

rejeſta Serah, quippe ſecmina, & Saule, Simeonis gnato (quem ſpiritu, adeoque e numero capitum populi Divini excluſum exiſtimat) fuerit LXVI. Tertio Deut. X, 12 recenſeri eadem populi capita, additis etiam iis, quæ Joſephus in tribubus Manaſſeh & Ephraim capita linearum recens creaverat, unde jam proveniant LXX. Denique Act. VII, 14 omnia omnino populi Iſraelitici capita, atque etiam Saulem (qui poſt decimam generationem Divina lege in cenſum populi receptus, & Deut. X, 12 jam connumeratus ſit) & Levi ejusque tres filios, quorum in acquirenda Palæſtinæ hæreditate nullum alias jus fuerit, ipſumque Jacobum, gentis univerſæ caput, enumerari, atque hinc numerum LXXV oriri.

Ceterum *ως εν παρῶν*, ſecundo hujus Diſſertationis capite (nam XVII omnino capita continet) obſervat Auſtor, ſuo quidem judicio manifeſtas transpoſitiones Chronologicas in Ebraiſ etiam Bibliis contineri, quando v. gr. mors Jacobi ante Joſephi venditionem, & Joſephi nativitas poſt fratrum natu poſteriorum natales enarratur: in numeris vero fidem ſe codici Ebraico involatam habere. Tandem in adjecta Præfatione Marollium, qui in Jo. Bernardi Novis Literariis Auſtoris hac de re cogitata, antea jam publice propoſita, menſe Aprili 1704 impugnaverat, eundo per capita reſellit, pluraque alia conſimilis argumenti ſcripta pollicetur.

AVIS SINCERE AUX CATHOLIQUES &c.

i. e.

SINCERA ADMONITIO AD CATHOLICOS Fœderati Belgii incolas, de Decreto Romane Inquiſitionis contra Archiepiſcopum Sebaſtenum dato,

--- 1704, 12. plag. 15.

Tertius jam vertitur annus, ex quo univerſum Belgium Fœderatum, magnaſque Romanæ Eccleſiæ pars, turbis vexatur domeſticis, quas controverſia Petri Coddæi, Archiepiſcopi Sebaſtæni titularis & Eccleſiæ Fœderati Belgii, quotquot Pontifici Romano parent, ſumma cum poteſtate & Vicarii Apoſtolici axiomate præfecti, cum Jeſuitis aliſq; religioſis Ordinibus, miſſionis munere ibidem fungentibus, excitavit. Accuſatur ille, quod Janſenianis & Rigidis,

quos

quos vocare solent, insigniter faverit, libris Jansenismum disseminantibus in Belgio Fœderato edendis vel operam vel patrocinium attulerit, vernaculam S. Bibliorum lectionem promiscue concesserit, & quæ sunt hujus commatis alia. Clam hæc ab initio agebantur: quare vocatus Romam Archiepiscopus, ipso Jubilæo anno in Urbem venit, auditus a Collegio fidei propagandæ causa instituto, auditus a Congregatione Cardinalium peculiari, imo a Pontifice ipso, duos præsertim defensionis suæ causa libellos A. 1701 ibidem edidit, quorum prior *Declarationis*, alter *Responsionum* titulo comparuit. Sed prævalere adversarii, Archiepiscopo infecta re in patriam remigrante: quem e vestigio insecutum est Decretum Inquisitionis Romanæ, præsentē Papa Clemente XI die 3 Apr. A. 1704 confectum, sed die 7 Maji demum publicatum, pag. 167 hujus opusculi existans, quo libelli duo ab Archiepiscopo Romæ editi damnantur, ipseque Apostolici Vicarii munere privatur. Dum hæc geruntur, magna libellorum seges in subsidium Archiepiscopo venit, ejusque causam Belgica dicendi libertate defendit. Quos inter præcipuus est, quem nunc exponemus, a Presbytero quodam, ut videtur, Hollandico conscriptus, Belgicaque non minus, quam Gallica lingua editus.

Quæ in fronte libri exstant observationes, tum Sebastien Archiepiscopi, tum Alestensis & S. Pontii Thomeriarum Episcoporum, qui paria Romæ fata perpassi erant, causas recensent, tū Lovanienses Theologos, qui nuper Alestensis Episcopi Rituale damnarunt, non leviter castigant. Ipsum vero opusculum principio inculcat, eos recte omnino agere, qui Decretum Pontificis examinent, non cœco impetu amplectantur; Judices Ecclesiasticos, etiam supremæ cavæ, nonnunquam graviter impingere in sanctissimas justitiæ leges, (quod Aloysii de Leon, & P. Hauzeur testimoniis confirmatur;) sanctissimos sæpe viros a Romanis Pontificibus indignis modis exceptos esse, ex quibus Basilium, Paulinum, Hieronymum, Hierotem, Lazarum, Augustinum, Hilarium Arelatensem, Mamertum Viennensem, Petrum Diaconum, Julianum Toletanum, Bernhardum, Ludov. Alemantium, Alph. Toftatum, Savanarolam, Jo. Picum Mirandulanum, B. Carranzam, Jo. Grimanum Aquilegiensem Patriarcham, Car. Borromæum, Bellarminum, Sorbonam, Episco-

pum

pum Aleckensem, & S. Pontii Thomeriarum, aliosque sigillatim recenset. Post hæc Curia Romanæ, quæ nunc est, gesta sub censuram vocantur, quam Jesuitarum fere tributariam Auctor facit, dilatatam idololatriæ Confucianæ apud Sineses Neo-Christianos castigationem, & præcipitatam Calus Conscientiæ, quem vocant, Cryptojanseniani condemnationem, cum primis exagitant. Redit deinceps in orbitam suam Scriptor noster, Pontificesque & falsos sæpe & falli posse, præsertim in rebus, quæ facti dicuntur, exemplis quibusdam, & Academicarum Parisiensis ac Lovaniensis; Cardinalium de Turre cremata, Cusani, Baronii, Bellarmini, Pallavicini, Richelii, Lauræ & Aguirrii; Episcoporum Melch. Cani, Walenburgiorum, Petri de Marca, Ant. Godelli &c. Doctorum, Gersonis, Almaini, Richerii, Launoji, Holdeni, Piroti, Tapperi, Latomi, Stapletoni, Sinrichii, Lupi, Payvæ; Monachorum, Dionysii Carthusiani, Fr. a Victoria, Bannesii, Gonetii, Contensoni, Davenporti; Jesuitarum denique Pallavicini, Gretseri, Tanneri, Becani, Annati, Petavii, Sirmondi, Halloix, Brietii, Veronii &c. auctoritatibus probat. Porro facta distinctione inter provincias Pontifici penitus subiectas, & libertatem veteris Ecclesiæ retinentes (ad posteriores vero Galliam & Belgium refert) existimat, Tribunal Inquisitionis Romanum Officiale Papæ, qua Metropolitani, repræsentare, nullamque adeo in provincias liberas potestatem obtinere: Pontificem ipsum in concilio Episcoporum, & juxta canones antiquissimos, Episcoporum causas judicare debere, idque fateri Leonem I, Gelasium & Theologos probæ notæ. Denique ad Jesuitarum provocat exemplum, qui Innocentii X Bullam A. 1646 datam, qua prohibetur, ne Provinciales, Rectores, alique Superiores Ordinis, ultra triennium fungantur muneribus, auctore Didaco de Avendagno S. J. in Thesaurò Indico Tom. II, cap. 4, p. 9 seqq. non solum examinarint, sed & contra ordinem datam, errore obtentam corrigendamque existimarint, docuerintque, contra eandem impune agi posse, si bona fide, secreto, vel ex opinione probabili agatur. Qua arrepta occasione, Decretum Inquisitionis nuperum cum Bulla ista, velut minus cum majori, contendit, monens Decretum adversus Vicarium Apostolicum datum vel ideo rejiculum esse, quod contra suetam justitiæ formam tractatus sit, quod eruditissimi Cardinales eundem

innocentem pronunciaverint, atque a Fabrono, Congregationis Secretario, quem Archiepiscopus, expertus quippe eundem inimicum singularem, incassum sæpe recusaverit, pleraque confecta fuerint.

Quibus expositis, Auctor Decretum ipsum *κατὰ πῶδα* examinat, in omnibus ferme ejus lineis deprehendens, quod culpet ac repudiet. Nos, iudicio Lectori relicto, præcipua rerum capita enotabimus: Jure Belgarum omne extraneum forum recusari posse: Episcopum Inquisitioni Romanæ subiectum non esse, sed in provincia sua a duodecim vicinis Episcopis judicari debere: Pontificem ex mera potestate egisse: nullos Archiepiscopi & librorum ab ipso editorum errores designatos fuisse: meris suspicionibus Decretum niti: læticiem librorum prohibitorum Episcopis injuste interdicti: Vicarium Belgarum Apostolicum non esse Papæ Vicarium, sed vices gerere Episcoporum, qui olim in Fœderato Belgio fuerint, eorumque frui juribus, a Canonicis Ultrajectinis & Harlemensibus eligi, adeoque mero Pontificis beneplacito, (ut Decretum pronunciaverat) nec exautorari, nec in ejus locum surrogari quempiam posse; (quo loco *ὡς ἐν παρόδῳ* probatur, Episcopatu vacante, auctoritatem omnem & jurisdictionem in Capitulo residere:) Pontificios Belgas, qui a primis usque Reformationis temporibus, sine interruptione ulla, inter Fœderatos subsisterint, male ad conditionem Christianorum recens per Missionarios converforum, Sinensium & Tupinambiorum reduci. Et hæc quidem non sine bile ac sale proferuntur, addita conclusione, qua Cajetani, Sylv. Prieriatis, Franc. a Victoria, M. Cani, Payvæ & Marchantii testimoniis suadetur, resistendum esse ejusmodi Decreto, nec schisma metuendum esse, si bene meritis Pontificiorum Fœderati Belgii incolarum & communis Pastor, etiam invito Papa, retineatur.

Accessit huic opellæ triplex appendix scriptorum ab Episcopis a Romana Curia male tractatis editorum, quæ, cum alibi extare haud facile meminerimus, excerpta quoque memoriz causa dabimus. Primo loco consistit Epistola Circularis quatuor Episcoporum Gallorum, Alestensis, Apamiensis, Bellovacensis & Andegavensis A. 1668 Jansenismi causa oppressorum, ad omnes Galliarum Præsules missa. Postquam enim Clementis IX decreto

cau-

cautum esset, ut hi ab Episcopis quibusdam, contra canonicas constitutiones conscriptis, exauktorarentur, eorumque mandata, quæ Jan-
seniani negotii gratia ediderant, Inquisitionis obelo configeren-
tur, illi moleste hoc ferre, deque læsis Episcoporum privilegiis ac
juribus conqueri: imperare canones Ecclesiasticos, ut non nisi a
duodecim ejusdem provinciæ Præsulibus Episcopi judicarentur, ne-
que appellationes Sardicensi synodo concessas huic sacro derogare,
nec ipsam Gratiani compilationem: Episcopos Gallos suam sibi
libertatem salvam hætenus conservasse, (quod exemplis & an-
tiquis & recentioribus probatur:) vix tolerandum esse Curia Ro-
manæ factum, quæ Episcopos, fratres collegasque Pontificis, con-
tentum adeo tractet, librosque eorundem, ipsis ne quidem præ-
monitis, in prohibitorum indicem referat.

Sequitur Epistola Pastoralis Nicolai Pavillonis, Episcopi Ale-
tensis, iidem A. 1668 scripta, postquam Inquisitionis Romanæ
Tribunal ejus Rituale, severioris disciplinæ Ecclesiasticæ specimen,
damnaverat. Ille, cum de muneris sui, hætenus diligenter accura-
teque exandati, ratione exposuisset, de Roman. Pontificis versus se
gestis graviter conqueritur: Inquisitionis decreta in Galliis irrita
esse: Episcopos, Christi quippe vicarios Divino jure constitutos,
clementius esse tractandos: librum ipsum censuram nullam com-
meruisse: cum primis vero omnes æquitatis limites transcendere
Pontificis literas, dum Episcopis vicinis libri Ritualis combustionem
imperet.

Tandem Episcopi S. Pontii Thomeriarum ad Clementem XI, qui
nunc Pontificem summum agit, Epistola triennio abhinc scripta legi-
tur. Conqueritur ille, libros suos, cum primis illum, quem reducendo-
rum ad Ecclesiam Romanam Hugonotarum causa ediderat, ob contro-
versias, quæ ipsi cum Monachis Recollectis intercessere, Romæ da-
mnatos, nullo tamen errore speciatim indicato: creari sibi cum pri-
mis hanc molestiam, quod negaverit, Mariam Deiparam una cum
Christo in Eucharistia adorari, quod Hebræis Græcisque Scripturæ
fontibus auctoritatem præcipuam adscripserit, lectionem Biblicam
Laicis concesserit, Sanctorum invocationem liberam fecerit, amo-
rem, saltem inchoatum, ad poenitentiam necessarium crediderit,
hæreticorum personas odio prosequi noluerit; in his vero omni-
bus

bus nihil a fide catholica alienum se commisisse, revocationemque adeo Decreti contra se dati & sperare, & omnibus modis ex-
petere.

*EPISTOLA GUILIELMI COWPERI, SOCIETATIS REGIÆ
Socii, ad D. EDUARDUM TYSON data, Anatomien earum
Marsupialis Americani maris partium, quæ a femina
partibus discrepant, ex-
hibens.*

Excerpta ex Actis Philosophicis Anglicis Mens. Mart. 1704. N. 290.

Fœmina erat Marsupiale Americanum, quod cultro Anato-
mico quondam subjecit, ac Societati Regiæ obtulit D. E-
duardus Tyson, nosque in Actis hisce *Mense Septembri 1698 pag.*
407, & in Supplement. Tom. III sect. IV pag. 149 exhibuimus.
Jam quæ in mare peculiariter observantur, subjungit, D. Guil. Cowpe-
rus, quorum itidem mentionem hic facere, nostrarum duximus
esse partium. Præter organa generationi dicata, Marsupiale Mas
in eo differt a Fœmina, quod desideretur marsupium, a catulis in-
habitandum, nec adsint muscoli ab ossibus marsupialibus, hyoi-
dea a figura nuncupandis, emergentes & ad abdominis cutem desi-
nentes. Nullum externe genitalium partium vestigium apparet,
si scrotum exceperis, quod justam pro involvendis testibus nactum
est capacitatem, nec certe aliud foramen conspicietur in his par-
tibus externe, præter anum (*vid. Tab. III fig. 1 A*) ad inte-
stinum rectum ducens: diductis autem hujus marginibus, alterum
in conspectum venit (*B*) quod præputium esse penis sectio monstra-
bat. Compressis his partibus, duæ profluebant guttæ ex utroque ani-
latere, (*cc*) a duobus corporibus glandulosis, seu saccis circa sphin-
cterem positis expressæ. Qui liquor idem videtur esse, ac qui in
fœminæ marsupio inveniebatur, & cui peculiaris ille animalis fœ-
tor in acceptum est referendus; his enim partibus cum cute clo-
acam investiente remotis, omnis disparebat fœtor. Dum cutis ab
abdominis musculis separatur, ossa modo dicta in oculos incur-
runt, unde muscoli quidam oriuntur, femoris ossibus inserti, qui
idem præstant officium ac muscoli psoas in aliis animalibus, quan-
quam hi exliores fuerint. Musculi abdominis, potissimum recti,
quod

quod his ossibus firmissime affigantur, majus robur adducit huic animali corpus elevandi, & crura posteriora versus anteriora movendi, quam aliis animalibus, ossibus dictis destitutis. Immediatè sub cute circa anum musculus datur carneus, præputium, inferiores intestini recti partes & saccos odoriferos, una cum quatuor glandulis mucosis (*MM NN fig. 2. & Tab. IV fig. 1.*) circa penis radicem, ut & ipsum penis corpus involvens: quæ omnes partes musculi hujus actione comprimuntur, imprimis si penis erigatur. Remoto scroto testiculi apparent, (*Q TV Tab. III fig. 2*) una cum vasis præparantibus & deferentibus (*Q Q*) intra musculos cremasteres (*PP*) inclusis. Hi muscoli perquam lati sunt, prout etiam in aliis animalibus vesicularum seminalium expertibus tales occurrunt; suspendunt enim non solum testes, sed comprimendo etiam epididymides & vasa deferentia, seminis per urethram ejaculationem coitus tempore promovent. In hoc siquidem animali dictarum vesicularum defectus epididymidum (*WW Tab. III. fig. 2 & Tab. IV fig. 1*) amplitudine compensatur, quæ justo majorem obtinere videntur porum: quam ob causam pariter tunicæ vaginales valde anguste coarctantur. (*TV RR Tab. III fig. 2.*) Postquam arteria magna (*iii Tab. III fig. 2*) & vena cava (*b*) sub diaphragmate cera repleta fuit, truncus descendens illius sub arteriis emulgentibus directe sub venæ cavæ trunco in hoc animali locari videbatur, nec rami iliaci arteriosi amplectebantur venosos; forsan quod in hoc animali, quod cauda ex arbore suspensum sæpissime capite propendet, non æque ac in animalibus aliis necessarium fuit, ut arteriæ iliacæ venas amplectendo & pulsu comprimendo sanguinis ad cor refluxum promoverent. Arteriæ spermaticæ (*aa*) exsurgunt ex anteriore parte trunci descendens arteriæ magnæ, & perforata leviter (**.....*) vena cava ad testes recta descendunt, neutiquam contorta, ut in aliis quadrupedibus; quæ venæ cavæ perforatio forsan non solum pro transmittendis arteriis spermaticis, verum etiam pro inhibenda leniter sanguinis per easdem arterias ad testes delabentis velocitate, videtur formata. Venæ spermaticæ, relictis testibus, variis ornantur divisionibus & inosculationibus, ad unum truncum in utroque latere redeuntibus, & immediatè super perforatione (*bb*) in venam cavam desinentibus. Si testium structura ratione vasorum suo-

suorum excretoriorum nondum cognita esset, huius animalis inspectio industria eam detexisset. Incisa enim tunica vaginali (*RR Tab. III fig. 2. & Tab. IV fig. 1*) testiculi cum epididymidibus laxius coherent, ita ut a se invicem sint separati, (*W X T Z*) magno autem vitro convexo instructus Author, ductum excretorium (*Z*) ab altero testiculi termino, ubi arteria & vena spermatica apparent, oriundum conspexit, qui ductus brevem sub hac forma emensus viam, in epididymides (*W W*) complicatur, & denique vasa deferentia (*SS*) constituit, quæ relictis præparantibus (*a b Tab. I fig. 2*) majorem nanciscuntur amplitudinem, pristinam angustiam recipientia, dum ureteribus (*ee*) superatis in urethram inferuntur, quorum orificia immediate sub vesicæ cervicæ caruncula in utroque latere detegit. Nullæ vesiculæ feminales in hoc animali conspiciuntur, quæ in ursis, bobus, equis, &c. prope vasa deferentia sitæ sunt, quæ tamen non æque inter se communicant, ac in hominibus. In istis enim animalibus vasa deferentia & vesiculæ feminales communi orificio in urethram aperiuntur; ductus autem communicantes cum sint valde exiles, citius semen in urethram, quam ad vesiculas feminales deponitur. Urethræ longitudo inter vesicam & penem 4 excedit pollices, cujus pars ad 3 pollices cum dimidio corpore glanduloso, prostaticis humanis simili, obvolvitur, cujus ductus excretorii copiosi in urethram undique hiant. Pars hæc urethræ (*IKKL vid. Tab. III fig. 2 & Tab. IV fig. 1*) dicto modo prostaticis circumdata, in situ naturali & dum penis non erigitur, contorta & complicata est, sub erectione autem ejusdem extenditur, & compresso corpore glanduloso humorem in urethram urget. Prostatae quorundam animalium, ut ursonum, arietum &c. per musculos eas includentes, in hominibus per levatores ani comprimuntur. Circa radicem penis Marsupialis occurrunt binæ vesiculæ glandulosæ (*MM NN*) in utroque latere, in urethram humorem mucosum stillantes, similem illi, quem fundunt glandulæ in hominibus eodem in loco nuper ab Authore detectæ. Hæ vesiculæ comprimuntur non solum a tenui latoque sphinctere, verum etiam a bulbis corporum cavernosorum penis (*CC*) & urethræ, (*EE*) dum erigitur penis. Quæ compressio in hominibus ab intumescencia bulbi corporis cavernosi

urs-

urethræ petenda est. Et usque adeo natura sollicita est in bobus, arietibus, catis &c. in exprimendo glandularum harum liquore, ut singulas glandulas mucosas peculiari musculo instruxerit. Penem quod spectat singularis structuræ, præter glandem bifurcatum, (*BB. vid. Tab. III fig. 2 & Tab. IV fig. 1*) cavernosa corpora (*DD*) nullo modo cum ossibus pubis communicant, nec musculi erectores vel directores (*CC*) ad ullum pertingunt os, quemadmodum in hominibus & quadrupedibus aliis; sed omnes hæ partes liberæ jacent sub ossibus pubis, altera corporum cavernosorum extremitate in glandem desinente. Multo minus corpus cavernosum urethræ & ipsius musculi (*EE vid. Tab. IV Fig. 1*) sphincteri ani inseruntur, verum integrum penis corpus liberum jacet, inter ossa pubis & intestinum rectum; hinc libere extrudi potest sub erectione extra præputium. Quam penis extrusionem non parum promovet in hoc animali urethra (*IKL. vid. Tab. III fig. 2*) satis longa, & in plures angulos acutos contorta aut complicata, quam quales figura monstrat: ita ut penis extrudi nequeat, quin vesica (*OO*) insequatur. In anteriore penis parte musculorum par (*ffG*) erectioni inservit, quod carnosum est in corporibus cavernosis penis, (*DD*) unde exsurgit, & evadit tendinosum, (*ff*) dum duo transit ligamenta in ossibus pubis, & tandem unitur in unum tendinem (*G*) dorso penis insertum. Præter hoc, aliud par musculorum (*HH. vid. Tab. III fig. 2 & Tab. IV fig. 1*) retrahit penem erectum, ab intestino recto in extremitates corporum cavernosorum penis insertum. In catis, bobus, arietibus & uris adsunt duo ligamenta, ab osse sacro vel ilio in utroque latere oriunda, & in corpora cavernosa penis desinentia, quæ instar horum musculorum penem in præputium retrahunt. Corpora cavernosa penis in Marsupiali differunt, quoad figuram, ab aliorum animalium corporibus cavernosis; eorum enim pars superior deprehenditur bulbosa (*DD. vid. Tab. III fig. 2 & Tab. IV fig. 1*) tegiturque musculis (*CC*) instar bulbi corporum cavernosorum in humana urethra, quæ pars in aliis animalibus conicam habet figuram. Musculi corporum cavernosorum penis in hoc animali cum minus connectantur cum osse pubis, dorsum penis ad dictum os movere, & venas comprimendo sanguinem refluentem neutiquam retardare possunt; ideo venæ po-

tius quædam amplæ per mediam bulbi (KKC. *vid. Tab. III fig. 3*) partem feruntur, & compressioni solum auscultant, ab intumescencia muscularum, (CC) quibus involvuntur, factæ. Qui potissimum erectionem penis in hoc animali conservat musculus, est sphincter ani latus supra commemoratus, illique connexus. Quando penis extruditur ano, sphincter hujus illum necessario amplectitur, id quod itidem a sphinctere ani fœminæ in coitu contingit: unde creaturas has ad actum hunc exercendum non adeo promptas esse, augurari licet. Præterea figura penis expressa in *figura 3 Tab. III* docet, penem retrahi non posse, nisi glandulæ (AB) detumuerint, quod forsitan in his animalibus non accidit, nisi utriusque æstus deferbuerit. Cum bulbus corporis cavernosus urethræ formatus sit in homine, ut glandem urgente necessitate sufficienter distentum servet, necessarium videtur, hoc animal duos obtinere bulbos, in musculis suis (EE *vid. Tab. III fig. 2*) inclusos, pro continuanda turgescencia glandis bifurcati, (AB *vid. Tab. III fig. 3*) dum penis est erectus. Sub qua distensione glandis media urethræ pars necessario comprimitur (D,) & duo distincta orificia (CC) relinquuntur in utroque latere glandis (AB) bifurcati.

Explicatio Figurarum.

TAB. III.
Fig. I.

Tabula III Figura I monstrat figuram externam Genitalium Marsupialis (Opossi) maris, justo minorem.

- A. Ani pars inferior ad intestinum rectum ducens.
- B. Ani pars superior, vel orificium præputii.
- c. c. Duo orificiola luteum liquorem fundentia.
- D. Scrotum.
- E. Pars abdominis, in qua marsupium hæret in fœmellis, in mare magis depressa.
- FF. Duo pollices pedum posteriorum.

Fig. II.

Figura II sistit partes anteriores organorum generationi dicatorum, veram magnitudinem servantes.


- AA. Corpus penis.
- BB. Glans bifurcatus.

CC

7. Fig. I.



Fig. IV.





- CC. Musculi directoribus penis analogi, bulbos corporum cavernosorum penis includentes.
- DD. Duo corpora cavernosa penis, antequam conjungantur & corpus penis formant.
- EE. Partes duorum bulborum corporis cavernosi urethrae.
- G ff. Par musculorum, cujus tendines ff transeunt duo ligamenta circa ossa pubis, & tandem in unum tendinem G coeunt.
- HH. Duo musculi ab intestino recto oriundi, & parti oppositae corporum cavernosorum penis inferti.
- I. Ur. thra, ubi prostaticae non includitur.
- KK. Prostaticae urethram includentes.
- MM. NN. Duae glandulae mucosae ab utroque latere radices penis sitae, & in urethram humorem infundentes.
- OO. Vesica urinaria.
- PP. Musculi cremasteres.
- QQ. Musculus cremaster sinister tunicam vaginalem includens.
- RR. Tunica vaginalis in latere dextro aperta, ut inclusa vasa praeparantia & deferens in conspectum veniant.
- SS. Vas deferens.
- TV. Tunica vaginalis testiculum sinistrum includens, cum sua epididymide V.
- W X Y Z. Testiculus dexter, prout incisa tunica vaginali apparet.
- W. Ejus epididymis.
- X. Corpus testiculi.
- Y. Arteria & vena spermatica testiculum intrans & deferens.
- Z. Ductus excretorius testiculi.
- aa. Arteriae spermaticae a parte anteriori trunci descendentes arteriae magnae ortae, ubi communi ductu gaudent, qui tamen dividitur, dum per
- * aperturam trunci venae cavae transit.
- bb. Venae spermaticae in venam cavam intrantes.
- dd. Renes.
- ee. Ureteres.
- gg. Venae emulgentes.
- ψ Pars arteriae emulgentis sinistrae.

- h. Vena cava sub hepate.
- ii. Truncus descendens arteriæ aortæ.
- kk. Arteriæ mesentericæ.
- l. Arteria mesenterica inferior, quæ in hoc animali a magno trunco non exurgit.
- m. Glandula renalis sinistra.
- n. Glandula renalis dextra, pone truncum venæ cavæ sita.
- o. Truncus communis arteriæ, a quo ramus gastricus, mesentericus superior & inferior & emulgentes propullulant.

TAB. III.
Fig. III.

Figura III depingit partem anteriorem penis, naturali magnitudini respondentem, corporibus cavernosis Mercurio repletis.

- A B. Glans bifurcatus.
- C C. Duæ aperturæ distinctæ.
- D Media orificii urethræ pars.
- E Duæ glandis venæ.
- F. Bulbi alterutrius corporis cavernosi penis.
- G. Bulbus corporis cavernosi urethræ.
- J. Bulborum apertura pro injectione Mercurii.
- H. Urethræ.
- I. Musculi exsiccati.
- K K. Venæ ligatæ.

Fig. IV.

Figura IV repræsentat partem posteriorem penis.

- A B. Glans bifurcatus.
- EE. Partes venarum a glande redeuntium.
- FF. Bulbi corporum cavernosorum penis.
- GG. Duo bulbi corporis cavernosi urethræ.
- H. Urethra.
- KK kk. Venæ ligatæ.

TAB. IV.
Fig. I.

Tabula IV *Figura I* exhibet partes posteriores genitalium.

- A. Corpus penis.
- B. Glans.
- CC. Bulbi corporum cavernosorum penis, muscularis suis tecti.
- DD. Corpora cavernosa penis.

EE.



EE . . . Duo bulbi distincti corporis cavernosi urethræ, musculus suis involuti.

FFG. Partes musculorum in parte anteriore penis sitorum.

HH. Pars musculorum ab intestino recto exsurgens, & lateribus corporum cavernosorum penis insertum.

IKL. Urethra prostatica KLK involuta.

MN. Duæ glandulæ mucosæ in utroque latere.

O. Vesica urinaria.

P. Musculus cremaster.

Q. Tunica vaginalis aperta.

R. Vasa præparantia a trunco magno dissecta.

SS. Vas deferens in utroque latere.

WXYZ. Testiculus sinister.

ee. Partes ureterum.

** Stylus in urethram insertus.

OBSERVATIONES QUÆDAM MEDICO - PRACTICÆ & PHYSIOLOGICÆ; inter quas paulo fusius de Asthmate, Hydrophobia, & Cordis in Embryone structura &c. agitur, Autore HUM. RIDLEY, M. D. & Colleg. Reg.

Med. Lond. Soc.

Londini, impensis Jacobi Tonson, 1703. 8.

Constant 17½. plag.

Magna quidem Clarissimo Authori in secandis hominum pariter ac animalium brutorum cadaveribus fuit solertia, quam vel solus ipsius *de Cerebro tractatus* elegantissimus, quem in *Actis nostris Anno 1696, Mense Maio pag. 201*, non solum commendavimus, verum etiam Ephemendum Germanorum Volumini, jam sub prelo sudanti, Latinitate donatum, adjunctum in accepimus, abunde docet: maxima tamen utilitate se probare ipsi nunquam non visa est Medicorum industria, qui phænomena a natura cum morbo præliante producta serio sagaciterque expendunt; quibus etiam notis quasi characteristicis morbi, mira aliquando symptomatum quorundam similitudine inter se conjuncti, etiamsi specie discrepantes, a se invicem differant, sedulo edocent, superque ea in-

tentiones curativas superstruunt. Cujus laboris a se pariter peracti specimen in hoc opere edere allaboravit. Sex enim ultra triginta exhibet observationes, in ægris variis morborum generibus ventis factas, in quibus historiam non solum morbi pertexit, sed subinde etiam discursum physiologicum & pathologicum subnectit, & quæ in cadaverum dissectionibus fuerant observata, candide communicat. Nos ea solum libabimus, quæ vel ipsa libri rubrica commendat, de hydrophobia scilicet, asthma & cordis in embryone vasorum structura, sanguinisque circuitu.

Observatio igitur XXV ægrum sistit hydrophobicum, qui ante 13 menses a cane Danico rabioso morsus, inconcussa hætenus sanitate gavissus erat, donec transacto hoc tempore, cogitabundus aliquantulum & subtristis, de frigiditate circa vespem & stupore quodam faciei molesto conquestus fuerit, quibus accesserit aquæ pavor, absque ullo tamen salivæ deglutendæ metu. Insecuta demum per paroxysmos sunt deliria & convulsiones. Liquida omnia averfabatur, ita tamen, ut monitus potionis medicæ portionem aliquam per gulam, licet timide & non sine luctu satis manifesta, transmitteret. Aquæ pavorem, hisce ægris solennem, Noster a convulsionibus muscutorum deglutioni inservientium, & interna caloris febrilis accensione, præfocationis metum inferentibus deducit, ita ut cujuscunque rei vel fluidæ vel solidæ appulsus, utpote partium pneumonicarum cavitatem pertransituræ, & ita aeris ingressum impedituræ, vel etiam aeris confertiore introitu magnopere reformident, & vel ab aliqua istius generis imaginatione penitus abhorreant. Aquæ immersionem, tanquam appropriatum morbi hujus remedium, strenue & violenter peragi debere jubet, causamque consistere putat in eximia illa spirituum humorumque agitatione & mutatione, quam, renitente & averfante natura, producit subita & invita in aquam projectio; hisce enim circumstantiis neglectis, nihil eam juvare, præsentis ægri casus testatur luctuosus, qui in reditu ex Belgio per mare, facto naufragio, aquas nando trajecit trium ad minimum milliarium, multoties interea opprimentibus undis submersus, priusquam ad litus pervenerit.

In Observationibus XXVI & XXVII duo asthmatis exempla proponit, unico præcipue symptomate a se invicem discrepantia, vi-

videlicet sputatione, quæ ob eam essentialiter & omnino inter se vel in specie differre, & modo sicca, sympathica, seu convulsiva, modo humida, idiopathica vel vere pulmonica vulgo vocari solent; cum tamen revera, ex Authoris sententia, unus idemque sit affectus quoad causam formalem, & nulla hic omnino obtineat distinctio, nisi quam vel causæ occasionalis differentia, vel symptomati alicui supervenienti per accidens, juxta ægri temperamentum, acceptam referamus. In asthmate enim convulsivo sæpenumero sputatio sat copiosa supervenit, cum e contra, quæ in asthmate pulmonico dicto rejiciuntur phlegmata, non ex pulmonibus aut aspera arteria rejiciantur, sed per glandulas maxillares & sublinguales exprimantur, partim ob sanguinis nimis relaxatam ex seri redundantia compagem, partim ob ejusdem seri acrimoniam, fibrillas nerveas, per substantiam glandularum disseminatas, in contractiones stimulantem, unde sanguis in suo per vasa redutoria circuitu magnopere impeditus, majorem longe per eorum vasa excretoria solito copiam serositatuni sub tenui salivæ forma, profunder aptus natus est. Nec obstat, quod subinde in asthmaticorum pectore aquarum colluvies fuerit reperta, cum hæc frequenter nullum cum pulmonibus commercium primario & in primo suo ortu habuerit, nisi successive in molem adeo immensam accrescat, ut præ istius copia, jam causæ fixæ & solitariæ rationem habente, spatium expansioni satis liberum non obtinuerint pulmones. Nec tamen id vult Clarissimus Author, quasi nullam omnino in hoc morbo seri in pulmonem exsudationem concederet, sed id, quod rejci videmus in paroxysmo, non causæ semper rationem habere, sed ob sanguinis circuitum impeditum ibi deponi existimat.

In Observatione XXXII feminam in partu mortuam sistit; ex cujus abdomine extracti foetus cor cum pulmonibus vasculisque appensis exsecuit, si quid inibi lateret, quod quovis modo circa partium istarum functiones eum erudiret, lustraturus. Inter alia foraminis ovalis, cum sanguine per id profluente, exhibet delineationem. Valvula, qua gaudet hoc foramen, a superiore marginis foraminis parte, & ex illo istius latere, quod auriculam sinistram spectat, enascitur, deorsum propendens tali latitudine, qualis veli instar, si quovis modo applicetur, vel propellatur ad forami-

TAB. IV.
Fig. III.

TAB. IV.
Fig. III.

minis circumferentiam, eam contegere valeat. (*vid. Tab. IV fig. 3 N. 1 c c*) Inferiori hujus parti chordulas quasdam rubras & fibroïas, quibus ad venæ pulmonalis parietem alligari videbatur, in vitulis semper conspexit, quæ tamen in hominibus semper desunt. Cor hoc cum aliis infantum corculis conferens, valvulæ situm semper aliud atque aliud observavit, prout illis nullum vel aliquod, idque modo breve, modo diuturnum cum aere commercium fuit. In figuræ III. N. 1. conspicuum est, sanguinem in foetu nondum respirante, modo plane declivi a venæ trunco ascendente prope ad auriculam per foraminis partem inferiorem, & transversò directe illi patentē, in venæ pulmonalis extremitatem prope ad auriculam sinistram, statim ad sinistru ventriculum transmigraturum. N. 2. videmus foraminis aperturam, quarta sui parte præter propter, respectu ad ejus circumferentiam habito, cum valvula ab imo sui situ dextram versus altius aliquantulum scandentem, in infante recens nato & per paucula momenta respiratione uso; unde colligere est, quod sanguis e vena cava illuc appellens, & aperturam istius foraminis e tramite suo pristino aliorsum (videlicet a *c N. 1 ad c N. 2.*) descendente, reperiens, in auriculam jam alveo suo inhiantem, cum sanguine reliquo a descendente venæ cavæ trunco refluò, per partem foraminis jam clausam novo incepto cursu decurrat. N. 3. foraminis apertura adhuc altius suspensa, cum valvula juxta naturalem suam dispositionem, in foetu tres septimanas nato delineatur. N. 4. foramen cum sua apertura & valvula plane inversum in corde adulti apparet; ubi ejus apertura supra tuberculi, a Lovvero sic dicti, marginem inferiorem & latere venæ pulmonalis penitus se recondit, cum valvula eidem procul dubio tractu temporis prorsus, ni aliter quovis impedimento interveniente contingat, firmiter adhæfura. Est, ubi dehiscentiâ intra valvulæ hujus extremitatem & tuberculi marginem prædictum superiorem conspexit Author, licet rarius id contingat. Cum enim ad summam N. 4. notatam ascendit apertura, cum valvula plane inversa ad rivum sanguinis e pulmonibus transmissum magis exponitur; quo factum est, ut exigua forsan sanguinis portio, continuo illac irrepando, valvulam eo loci ab omni cum margine cohæsiōe, vel per totum vitæ humanæ spatium impediat. Usus vasorum in corde quod

atti-

attinet, advertendum esse monet Vir Clarissimus, valvulam for-
mini ovali, seu potius rotundo appensam, ejusdem margini undi-
quaque adnecti, servata solum quarta plus minus parte ad imum
istius foraminis aperta, sanguinis transitui dicata; ita ut haud adeo
magnam sanguinis quantitatem, ac haecenus creditum fuit, per
eam transmitti posse, & proinde majorem longe ad arteriam pul-
monalem ascendere, merito concludat. Cui argumento stabilien-
do maxime facit canalis arteriosi constitutio, qui etsi naturali sua
proportione, cum vacuus est, non prorsus ad aortae magnitudinem
venit, liquore tamen quovis repletus, quam proxime, primo suo
praecipue egressu, ad arteriae istius cavitatem accedit. Deinde at-
tentionem meretur arteriae pulmonalis ramorum duorum structu-
ra. Hi enim statim a suo exortu, qui a parte hujus arteriae
trunci interiori est, e regione canalis communicationis adversa,
non solum admodum a se invicem utrinque, dextrorsum scilicet
& sinistrorsum, maxima fere distantia inter se facta recedunt,
quin etiam admodum in suo transitu declives evadunt, priusquam
pulmones ingrediuntur. Cum igitur viam illam adeo deviam &
impeditam sanguis invenerit, & ob valvularum semilunarium re-
nitentiam facile regredi nequiverit, arteriam hanc non potest non
reddere intumescentiorem. Utcunque autem de sanguinis circu-
latione per hoc viscus certior factus fuerit Author, nullus tamen
dubitat, quin admodum lento gradu id fiat, cum ob conforma-
tionem vasorum, tum ob pulmonum substantiam, tunc temporis
adeo densam & compactam, ut instar glandularum ad tactum du-
ra & nodosa haec sentiatur. Nec sane, quomodo per pulmones circu-
latio sanguinis apte fieri queat, concipi potest, nisi vasa sangui-
nem excipientia, tempore gestationis, concidentibus tum pul-
monibus, longe ampliora & capaciora existerent. Concesso
autem tardiori hoc sanguinis per pulmones transitu, fit ut minus san-
guinis per eos, quam si substantia eorum laxior rariorque fuisset,
singula ventriculi dextri systole percurrat; propter eandem ratio-
nem, a consertiori ejus in hanc arteriam influxu, necesse erit, ut
trunco ejus amplitudo major accedat. Hinc similiter cautum est,
ne sortu postea in lucem edito, a longe uberiori sanguinis quanti-
tate, huic arteriae allata, ab utriusque scilicet venae cavae truncis re-
flui,

hui, & celeri ejus appulſu, ceſſantibus jam foraminis rotundi & tubuli arterioſi officiis, arteriæ hujus parietes ſubito diſrumpantur.

Tandem non poſſumus non experimentum Clariffimi Ridley, circa urachum foetus nati & poſt pauca momenta mortui factum, inſimul commemorare. Scilicet urachi ex veſica exitum per ſtylum & ſtatum, ſed fruſtra, etiamſi omni diligentia id fecerit, inquiſivit. Eam denique aqua fontana (cujus tria cochlearia integra capiebat) repletam fundo deorſum filo ſuſpenderit, quam totam ſpatio tridui per urachum in vas ſuppoſitum lente & guttatim tranſiſſe reperit; hinc de perforatione urachi factus certior, eam ſetarum & graciliorum ſpecillorum immiſſione ulterius inquirendo proſequebatur. Cum autem nullo modo eam detegere valuiffet, demum inverſa prius veſica, & intruſo ſubtus digito, in rugoſa ejus tunica verſus fundum, eo loco, ubi de ea procedit urachus, papillam quandam oculis detexit, cujus apicem forficibus cum abſciſiſſet, ſtatim oculis incurrit perforatio. Huic intruſum ſpecillum facile in urachum tranſiit, & poſtea adaptato tubulo, cum cavitate pennæ anſerinæ & amplius donatum deprehendit.

Explicatio Figurarum.

TAB. IV.
Fig. II.

Figura II delineat cor foetus cum ſuis vafiſ, poſtquam hic in ſpiritu vini integer per aliquot annos conſervatus & poſtea apertus fuit.

- A Cor.
- b. Auricula dextra.
- c. Auricula ſiniſtra.
- dd. Pulmones.
- ee. Arteria aorta.
- f. Arteria dextra ſubclavia.
- g. Arteria ſiniſtra ſubclavia.
- h. Arteria carotis dextra
- i. Arteria carotis ſiniſtra
- kk. Arteriæ cervicales ſeu vertebrales, dextra & ſiniſtra, per vertebra-
rum colli proceſſus uſque ad cerebrum tranſmiſſæ.

ll. Ra-

- ll. Rami ejus utrinque inde exeuntes.
- m. Arteria pulmonalis seu vena arteriosa.
- n. Canalis seu tubulus arteriosus.
- o. Nervus octavi paris seu par vagum.
- p. Plexus ejus inferior altior hic, quam in tabulis Willisii vel Vicus-
senii depingitur.
- q. Ramulus distinctus ab hoc plexu descendens & nervum recur-
rentem constituens, absque reflexione ulla super arteriam sub-
claviam: num ita a natura, an per aliquod accidens in sectio-
ne, nescit Author.
- rr. Ramulus recurrens dexter.
- ss. Rami aliquot (num nervi vel sanguinei, nescit Author) ab hoc
plexu in nervum recurrentem & ulterius propagati, eorum
instar, qui in Willisii figura a nervi intercostalis plexu medio
distribuuntur.
- tt. Nervus intercostalis, cujus plexus gangliiformis medius hic
deest.
- r. Plexus ejus thoracicus.
- ww. Plexus ejus superior.
- x. Trachea.
- y. Vena cava descendens absclissa.

Figura III sifit Foramen ovale seu rotundum naturali
aliquanto majus.

TAB. IV.
Fig. III.

- ab. Foramen ovale.
- ccc. Valvula.
- e. Ejus apertura.
- dd. Sanguis per eam transfluens.

THESAURUS GRÆCARUM ANTIQUITATUM

contextus & designatus a JACOBO GRONOVIO.

*Volumen Undecimum & Duodecimum. Quibus acce-
dit Tomus Indices Generales
complectens.*

Lugduni Batavorum, apud P. van der Aa, 1701, 1702, fol.

Vol. XI constat Alph. 8. plag. 13.

- XII - - Alph. 5. plag. 19.

& plurimis figuris.

Index - - Alph. 5. plag. 8.

Undecimum hoc Antiquitatum Græcarum Thesauri volumen Historica, Geographica, Nautica, Equorum curam, Tropæa & Exequias sistit, atque istis scriptis absolvitur. Pag. (1) comparent Dicæarchi *Geographica quadam, sive de Vita Græciæ. Eiusdem descriptio Græciæ, versibus Iambicis*, ad Theophrastum, Henrico Stephano interprete, cum ipsius & Isaaci Casauboni annotationibus. Accedit Henrici Stephani ad Dicæarchum, & suam in illum lucubrationem appendicula. Quamvis vero & Stephanus & Casaubonus præclaris maxime observationibus Dicæarchi libellum illustraverint, ad eumque rite explanandum multum studii ac laboris attulerint; neutiquam tamen omnes huius instituti rationes ita explicari potuerunt, quin hinc inde relicta quædam fuerint, quæ pleniorẽ enucleationem jure merito flagitare viderentur. Proinde ad se pertinere eruditissimus Gronovius judicavit, perquirere ista in præfatione diligentius, adhibitaque solertia efficere, ut menda ea, quæ aliorum, Stephani imprimis, aciem fugerant, tempestive tollerentur. Quo consilio monet, Stephanum col. (9) de Minervæ templo, quod scribitur esse πολυτελής, ἀπόβιον, ἄξιον θύας, agentem, nimis licenter vocem ἀπόβιον mutare in δόρυβλεπτον, cum reponendum sit ἄποπτον, id quod plane respondeat literis vetustæ scripturæ, & congruat verbis Plutarchi in Camillo, ἰερεῖν, inquiringis, εἰς τὴν ἀγορὰν ἄποπτον. Quid sit ὑπόδημα ὑσκλητόν, quod col. (28) Thebanis foeminis tribuitur, se definire posse negat, nisi statuatur loco vocabuli ὑσκλητόν legendum esse δικλυτόν, quod optime conveniat calceis fere nudos pedes ostendentibus, ut in reticulatim positis corrigiis nimium rara essent foramina. Col. (32) in urbe Chalcide quum dicantur esse ὕδατα τὰ μὲν πολλὰ ἀλυκὰ, ἐν δὲ ἡσυχῇ μὲν ὑπόπλατυ, hoc posterius plane vitiosum esse monet, idque omnino vidisse Stephanum; at in eo Virum doctissimum errasse, quod supposuerit ὑπόπαχυ, quod plane non sit oppositum & diversum τῷ ἀλυκῷ, neque proprium aqua-

ἀquarum: verosimile ergo videri, Dicæarchum ὑπογλυκὺν, subdulce scripsisse. Qui col. (36) citantur, versiculos

Λάρισσά τε μετ' αὐτὴν δ' Αὐλῆς. ἡ Βοιωτία

Χώρα δὲ μετὰ Φωκῆς διπκεῖται

ita restituit, ut legat: Λάρισσά τε μετ' αὐτὴν Δαυλῆς. Affirmat quippe, falsum esse, quod Larissæ vicina sit Aulis, illa scilicet, quæ in inferioribus dicatur Ἀυλῆς τε βοιωτῶν πόλις: potius ita de Daulide statuendum esse, uti appareat ex Strabonis lib. IX, p. 423. Prætermittimus de industria reliqua, quandoquidem ista latius persequi, instituti ratio prohibet. Proxime hinc abest Henrici Stephani *Dialogus, Dicæarchi Sympraſtor, vel de Græcorum moribus, præsertimque Atheniensium, supplementum*. Sequitur pag. 1 Erasmi Vindingi, Pauli F. Hellen. Exponuntur in hoc opere, quod ex Auctoris MS. autographo nunc primum editur, antiquæ Græciæ populorum incunabula, migrationes, coloniarum deductiones, & res præcipuæ gestæ, urbiumque & regnorum origines, mutationes, interitus, & Principum in iis successiones, e Græcis præcipue scriptoribus, Historicis, Poetis, Geographis, Oratoribus & Grammaticis. De quo etsi præclare sentiat Gronovius, dolet tamen, opus hoc, priusquam ad se transmitteretur, a nullo harum rerum intelligenti viro recognitum, ac politius limatum esse. Cum enim constiterit foliis solutis, multaque adfuerint inducta, multa denuo allita, multa variis signis annotata, fieri non potuisse, quin multa a mente Auctoris & veritate aliena ibi contineantur, quorum proinde numerum init, ac dato commemorandi loco recenset. Inde comparent Lazari Bayffii *de re Navali liber, seu annotationes in L 2 De Captivis & postliminio reversis*, cum figuris, pag. 564: Stephani Doleti *de re Navali liber*, ad Lazarum Bayffium, pag. 629: Cælii Calcagnini *de re Nautica commentatio*, ad Liliū Gregorium Gyraldum, pag. 741: Jo. Schefferi *de varietate Navium schediasma*, pag. 769: Josephi Laurentii *de varietate Navium schediasma*, pag. 789: Joachimi Cameratii *Hippocomicus, seu de curandis equis, item de nominibus Equestribus Græcis & Latinis collectio*, pag. 793: Julii Cæsaris Bülengeri *de Triumphis, spoliis bellicis, trophæis, archibus triumphalibus, & pompa triumphi, liber unicus*, p. 857: Francisci Modii *de Triumphis, ludis & spectaculis veterum libri duo*,

pag. 961: Jo. Meursii *de Funere liber singularis, in quo Græci & Romani ritus*, p. 1073: Josephi Laurentii *de Funeribus Antiquorum tractatus, in quo ritus funebres ante rogam, in roga, & post rogam illustrantur & explicantur*, p. 1164: Jo. Andreae Quenstedii *de Sepultura Veterum tractatus, sive de antiquis ritibus sepulchralibus Græcorum, Romanorum, Judæorum ac Christianorum*, p. 1201: Petri la Seine *Homeri Nephthes, seu de abolendo luctu liber*, p. 1329.

Duodecimum volumen tria solummodo, eaque reconditæ ac veræ eruditionis plenissima scripta complectitur, inter quæ primum locum occupant Veterum Sepulcra, seu *Mausolea Romanorum & Etruscorum, inventa in urbe Roma, in quibus multa ad eruditionem monumenta continentur, collecta & delineata a Petro Sanctio Bartolio, cum explicationibus Joannis Petri Bellorii. Ex Italico in Latinum sermonem transtulit Alexander Dukerus, cum figuris. His subjunguntur Veterum Lucernæ Sepulcrales, collecta ex cavernis & specubus subterraneis urbis Roma, figuris æneis expresse, in quibus multa ad eruditionem monumenta continentur, delineata secundum formas suas a Petro Sanctio Bartolio. Divisa in tres partes, cum observationibus Joannis Petri Bellorii. Ex Italico in Latinum sermonem transtulit Alexander Dukerus. Prodiit hæc opus Italica lingua conscriptum Romæ 1691 in fol. dignumque illud judicavit Celeberrimus Begerus, quod Latina civitate donaret. Vid. Acta nostra A. 1692, p. 224, & A. 1702, pag. 208. Eandem operam elegantissimo scripto Alexander Dukerus navavit, cujus versio hic extat, atque præstantissima hæc antiquitatis monumenta aliquot accessionibus locupletata exhibet. Tertium locum sibi vindicat Jo. Potteri *Archæologia Græca, sive Antiquitatum Græcia corpus absolutissimum*. Editus hic varia multiplicique doctrina refertus liber in Anglia fuit, & patria proinde lingua confectus lucem aspexit, sed nunc ob singularem reconditamque eruditionem, Latina civitate donari meruit. Quod officium Vir quidam doctus ita obiit, ut non solum in convertendo illo multum studii, solertique adhibuerit, sed translationem quoque Clarissimo & nobis alias quoque in his Actis laudato Auctori, ut de ea censeret, transmissit. Factum inde, ut & versionem penitus examinaverit Clarissimus*

nus Auctor, ipsumque librum uberrima variarum rerum accessione auxerit. Ab initio ejus, qui duodecimi totius Thesauri voluminis partem secundam constituit, & separatim emi potest, comparat librorum, capitum & titulorum syllabus, in fine vero accuratus rerum verborumque index est subjectus.

Ne vero splendidissimo Thesauri operi universo quid deesset, quoad ejus commendationem facere possit, peculiaris Tomus Indicibus destinatus est. Quorum hæc est ratio, ut primus effigies, alter auctores & opera, tertius res & verba, quæ undecim voluminibus prioribus & duodecimi parte prima continentur, exhibeant. Demandata primum hæc cura fuerat Jo. Gravenhage apud Hulsianos Verbi Divini Ministro; ast cum hic morte interceptus esset, alii, quorum cura & industria id, quod decrat, perficeret, eligendi fuerunt.

*PII MANES STRUVIANI, SIVE DE VITA ET
scriptis GEORGII ADAMI STRUVII, Illustris quondam Jure-
Consulti, quibus jussa persolvit maerissimus filius, B. UR-
CARD GOTTHELF
STRUVE.*

Jenæ, apud Joannem Bielckium, 1705. 8. Plag. 9.

MAgnum inter litteratos nomen est *Georgii Adami Struvii*, quem communem Germaniæ Præceptorem norunt, qui iudiciis adsident. Hujus igitur merita cum tanta sint in Jurisprudentiam, ut inter summos nostri temporis Jureconsultos merito sit referendus, filius ejus inter natu minores, Vir Clarissimus & Historiarum in Illustri Academia Jenensi hoc tempore Professor, pietatis esse duxit, Orbi erudito exponere, quæ sibi de vita, fatis atque scriptis beati parentis essent cognita, cujus ductum brevius sequemur. Natus erat ille Germaniæ nostræ Ulpianus Magdeburgi V Kl. Octobris A. 1619, patre *Bartholdo Struvio*, hæreditario in Wandesleben, Jcto, & judicii Archiepiscopalis, quod Magdeburgi erat, præfecto: ipsa vero Struviorum familia ex Ducatu Brunsvicensi originem trahente. Mater ejusdem erat *Anna Margaretha Brunneria*, ex nobili Brunnerorum & Fomannorum familia prognata. Hæc autem Brunnerorum familia ex Lehenstein, Bohemiæ prope Egram ar-

cc

ce orta, inter alios *Georgium Brunnerum*, *Camerae* Spirensis adfessorem, atque ex materna gente *Ortholphum Fomannum* in academia Jenensi olim antecessorem celeberrimum, numerat. Traditus noster primum Lycei Magdeburgensis præceptoribus ad ingenii culturam, anno 1630 vero, die 18 Octobris, annum agens duodecimum, in gymnasium Schleusingense, inter tertii ordinis discipulos, rectore Sergero est receptus. Integrum fere sexennium in hoc gymnasio exegit, præceptore potissimum usus *Andrea Reyhero*, atque die 30 Aprilis anni 1636, cœtui discipulorum in episcopum scholasticum præfectus, habita insuper a dicto Reyhero solenni oratione. Eodem anno, ætatis vero decimo septimo, a suis demum advocatus, insigni cum testimonio ex gymnasio dimissus est. Paulo post, die 11 Junii ejusdem anni, in academiam Jenensem a parentibus missus, præceptores ibi nactus est, *Philippum Horstium* in morali & practica philosophia, in philosophicis aliis *Danielem Stahlum*, in physicis *Joannem Zeisoldum*. Præ cæteris vero assidue frequentavit scholas *Joannis Michaelis Dilherri*, oratoricæ atque historiarum Professoris, sub cujus etiam præsidio anno 1638 publice defendit de victoria & clade dissertationem, proprio Marte elaboratam, atque statui illorum temporum accommodatam. In juri prudentia doctores secutus est *Dominicum Arumæum*, *Petrum Theodoricum*, *Erasmum Ungebaucrum*, *Ortholphum Fomannum*, & *Sebastianum Beer* curiæ provincialis Advocatum. Triennio continuo, & quod excedit, in eadem academia exacto, honorifico cum testimonio, a *Paulo Marquardo Slegelio*, Rectore Magnifico, academici nomine concessio, dimissus est. Neque tamen fata propitia ibi semper fuit expertus. Dum enim Jena a milite Cæsareo diriperetur, tempore feralis istius belli Germanici, irruerant quoque milites in nostri musæum, mortem minantes, bombardæ ad feriendum paratæ pectori ipsius adplicatæ, ut vix singulari Dei beneficio, aliorum interventu servaretur. Hec autem terror in tantum labefactavit nostri valetudinem, ut pæne vitæ incurreret periculum. Relicta hyemali tempore anno 1640 Jenensi academia, reliquam hyemis partem domi transegit. Insequenti vero anno, in almam Juliam se contulit, ut vestigia legeret, quæ in hac academia fuerat ingressus. *Conradum Hornejum* ibi audiit inter-

pre-

pretantem Aristotelis Nicomachiorum libros, cujus etiam ductu
 variis exercitationibus vacabat. In politicis audivit Hermannum
 Conringium, jura majestatis & politicam Aristotelis interpretantem.
 Hunc etiam præceptorem secutus in historiis, dum explicaret Tacitum
 de moribus Germanorum, Diepholdi genealogiam, atque
 alia. Specimen quoque profectuum in hisce studiis edidit, habita
 sub Conringii præsidio *de Ducibus & Comitibus Imperii Germanici* dissertatione, quæ inter Conringianas alias extat. Inter Jure-
 consultos Hahnium secutus, quem interpretantem audivit Pande-
 ctas & Codicem, & præcipue collegio ejus Wesenbeciano inter-
 fuit. Cum autem facile adduci non posset laudatus Hahnus, ut
 ipse viva voce juventutem doceret, sed pleraque in calanum da-
 ret, ipse quoque vicaria Struvii opera, in dictandis ad Wesenbe-
 cii Paratita observationibus, utebatur. Ejusdem præsidio noster vltis
 in dissertatione a se elaborata, *de damnis, illis præcipue, quæ ex dolo,*
culpa aut casu proveniunt, horumque correctionibus & præstatio-
nibus. Hisce exantlatis, nomen professus est apud Collegium
 Juridicum, atque præviis examinibus, ad inauguralem disputationem
de Vindicta privata fuit admissus, habitam A. 1645 Februario mense.
 Vocatus postea, mense Aprili ejusdem anni, ad Assessoris in Scabi-
 natu Halensi munus; id quod illum movit, ut sequenti anno Do-
 ctoris insignia in se conferri peteret. Annum Halæ nondum
 transegerat & dimidium, cum auspiciis Serenissimorum Saxonie
 Ducum, ad ornandam Juris Professionem, in locum Gothofredi Fi-
 bigii, in academiam Jenensem vocaretur, commendante illum præ-
 cipue Georgio Frantzkio, Cancellario Gothano, in numerum
 Professorum, habita prius dissertatione pro loco *de Aedificiis priva-*
tis, 12 Decembris anni 1646 receptus. Inde quoque in Scabi-
 natum, atque numerum Adessorum Curie Provincialis, fuit adle-
 ctus. In hac autem academia quanto semper cum applausu do-
 cuerit, in commune notum est. Immo Syntagmata ejusdem feu-
 dalis atque civilis juris, quæ in plerasque Germaniæ academias rece-
 pta, satis de communi adplausu testantur. Et cum latius propagaretur
 etiam extra academias ipsius fama in consilium vocabatur a Brunovi-
 censium republica, delato ipsi anno 1660 primi consilarii munere,
 ita ut quater in anno eo migraret. Id quod etiam, adnuentibus

R

Se-

Serenissimis Saxoniz Ducibus, ad triennium suscepit, quo præterlapso, muneri renuntiavit. Annus agebatur 1667, cum a Serenissimis Saxoniz Ducibus, Vinariensis lineæ, ipsi Consilarii aulici munus, atque rerum cameralium summa, clementissime demandaretur. Multa quidem in hoc munere publicorum negotiorum mole obrutus erat, quæ tamen minime obstabant, quo minus inter aulæ negotia, varios quoque publici boni causa ederet tractatus, præcipue *Evolutiones*, & *Jus Sacrum Justinianicum*. In hoc munere transactioni quoque, ratione Altenburgensis successionis factæ interfuit. In quo negotio pertractando talem se præstitit, ut non solum Ernestus Pius, contrarias licet partes tueretur, illum numismate aureo donaret, sed etiam facta postea divisione, Consilarii intimi munere ac dignitate augeretur. Subsequenti anno 1673, mortuo Richtero, in Jenensem academiam fuit revocatus, atque Ordinarii in Jctorum Collegio munus ipsi delatum est, relicta nihilominus Consilarii intimi dignitate. Cui muneri cum adnexa esset juris Canonici professio, idem & voce & scriptis illustrare aggressus est. Dolendum saltem, quod illi, quos publico destinaret labores, perfecti non fuerint, atque eorundem solum extent adhuc collectanea, licet inter hæc varia responsa ad causas & beneficia ecclesiastica spectantia. Sed neque ipsa meta dignitatum. Cum enim mortuo Bernhardo, Saxoniz Duce, unicus superesset Jenensis lineæ Saxonicus Princeps, Joannes Guilielmus, atque illo minorenni adhuc, tutelare regimen formaretur, illius Præses noster anno 1680 ordinabatur, demandata etiam Consistorii cura, & reddituum provincialium directorio. Ne itaque laborum mole obrueretur, cedebat juris professione, solo retento Ordinarii munere. Solatium autem in tanto negotiorum cumulo quærebat in Musis, disputationibus vacabat tam publicis quam privatis, editis etiam tractatibus, illo præsertim de *Invocatione nominis Divini*, & *Jurisprudencia Germanica*, licet ante jamdum jussu Ernesti Pii elaborata. Mortuo vero Juventutis Principe, & cum eo Jenensi linea extincta, dissolvebatur regimen, terris partim ad Vinariensem, partim Isenacensem domum delatis. Redibat igitur noster, quod sibi reservaverat, ad ordinem Juridicum, idque mense Junio anni 1691, juris Canonici vestigia relegens, lectionibus potissimum publicis atque diversis

acroa-

acroamatibus vacans. Eodem anno a Serenissimo Hassio-Darmstadiensi Landgravio in partes curarum vocatus, & Consilarii intimi munere ac titulo honoratus est. In academico munere, Rectoratus vices bis gessit, Decani vero quater & decies, Brabeutæ quinques. Hæc origo, studiorum progressus, & honorum incrementa. Quantum ad statum familiarem, uxores binas habuit: priorem *Annam Mariam*, Christophori Philippi Richteri filiam unicam, ex qua suscepit septem filios, filiam unicam; alteram sibi matrimonio junxit anno 1663 *Susannam*, Burcardi Berlichii filiam natu secundam, ex qua XVII liberorum pater factus. Ex binis matrimoniis quinque solum sunt superstites. Corpus ipsi contigerat firmum, quadratum, iusta temperie bene dispositum, & gerendis negotiis obduratum. Valetudine utebatur prospera, ter solum in omni ætate morbo, sed gravi correptus. Pius alias, religiosus & constans erat. Inter adversarios habuit illustrem alias Jctum, *Henricum Coccejum*, qui in materia de dolo, culpa & casu contra eum egit: *Gerhardum Pfankuchium*, in materia retorsionis: *Theodoricum Paulum* in questione, an sacerdotes ab actione injuriarum sint immunes. Quartus adversarius erat personatus ille *Antonius a Mara*, sive *Elias Schnegas*, qui dum in tractatu suo de concursu creditorum, alios Jureconsultos magni nominis lacerasset, nostrum etiam erroris arguere voluit, defendente tamen illum Filio, vitam hanc describente. Perillustis vero Baro *de Lincker*, dum Analektis suis utrumque syntagma vel explicaret, vel in quibusdam suppleret, dissentendum ab eo quodammodo existimavit, sed pro mutuo, quod inter utrosque intercedebat studio, multa cum modestia. Inter discipulos, præter perplures alios, magnis honorum gradibus adcumulatos, præcipue numerabat magnum olim aulae Berolinensis Status Ministrum, *Paulum Fuchsum*. Immo multi erant, qui ipsius Syntagmata vel in compendium, vel tabulas synopticas redigerent. Civile vero Syntagma prolixo Commentario illustravit *Petrus Müllerus*. Quid? quod ipsi Galli Jurisprudentiam ipsius Romano-Germanicam in suam linguam transtulerunt. Sed fatalis nostro dies atque terminus erat quintus decimus Decembris anni 1692, cum ipse debilitatis licet, solito plus, catarrho suffocativo viribus, consultantibus tamen collegis adesset, & cum de causa, quæ ad

Scabinatum delata, ad eos retulisset, inopinato adfiebat, omnibus pæne eundem derelinentibus viribus. Quieti itaque datus a suavisima conjuge, moxque vocati & Medicus, & supremus Ecclesiæ Antistes, officio dexterrime uterque functi sunt. Sed vix aliquot horas supervixerat, instantibus jam extremis, cum inter suorum suspiria & planctus atque preces, animam suam, circa horam quartam matutinam, in manus Dei placide dimitteret, annis tribus & septuaginta major, septem & quadraginta liberorum aut pater aut avus. Hæc sunt, quæ de vita ac fati parentis narrat filius mœstissimus. Subsequitur funebre programma, Academiæ Jenensis nomine, die exequiarum 16 Decembris, publice adfixum, atque ultimo loco catalogus scriptorum beati Viri atque dissertationum.

DE NUPERO SCHISMATE ANGLICANO PARÆNESTIS ad Exteros tam Reformatos quam etiam Pontificios, qua Jura Episcoporum vetera, eorundemque a Magistratu seculari independentia, omnibus asserenda commendantur ab HENRICO DODWELLO, A. M. Dubliniensi.

Londini, impensis Richardi Smith, 1704, in 8.

Constat plagulis 17.

Cum Guilielmus, gloriosissimæ memoriæ Rex Angliæ, felici sidere Londinum appulisset, ac in primo Parlamento, ipsius auspiciis convocato, decretum fuisset, ut quicumque Parlamento assiderent, a juramento fidelitatis Jacobo II præstito absolverentur, novumque novo Regi juramentum præstarent; non pauci inter Episcopos id præstare veriti sunt, ac eapropter Episcopatu exuti fuerunt. Quos cum a Magistratu civili deponi haud potuisset, multi sibi persuasum haberent, Episcopos novos, qui in locum depositorum surrogati fuerant, nec recipi, nec cum iisdem communionem quandam haberi posse judicarunt, imo quotquot cum illis facerent, schismatis cujusdam accusare non dubitarunt. Cui sententiæ, inter eruditissimos Angliæ Viros, Dodwellus etiam additus, libellum præsentem in lucem publicam emittere, inque eo Episcoporum jura a prima origine repetere, ac jus in eadem Magistratui civili derogare voluit. In quo tractationem exorsurus do-

doctissimus Autor, primum admonet externos, ut sibi prospiciant, ne quid mali exempli ab Anglis ad eos redundet, quod ipsorum quoque communionem precariam, nec diutius duraturam, quam Magistratui civili videatur, reddat: dein omnem schismatis nuper apud Anglos orti causam ab Episcopis suis amoliri, & in eorum adversarios transferre studet: tandem exteris factum hoc dijudicandum tradit, ea tamen lege, ut secundum primæ Ecclesiæ placita, non juxta præconceptas modernarum etiam Ecclesiarum opiniones, illud examinent. Quibus præmissis, ante omnia duo primæ Ecclesiæ intervallo, unde quidem ad nostra tempora deduci solet argumentatio, caute invicem discernenda esse notat, & quidem prius eorum fuisse monet, cum in universam Christi Ecclesiam, talem primum obtineret Episcopus Hierosolymitanus, qualem Pontifex templi Hierosolymitani Judæus in Synagogas Judæorum per orbem dispersas habuerit. Tum enim *ἀρχιερεὺς* seu Princeps sacerdotum (per quos Pontifices, Expontifices, Segenes seu vicarios Pontificum, qui totius *δωδεκάφυλος*, seu duodecim tribuum nomine, sacris publicis præfuerint, intelligit) in Synedrio Christianorum Hierosolymitano Apostolos, pro tribuum quoque numero duodenos, respondisse. Quod autem primum hoc Ecclesiæ Hierosolymitanæ Collegium, ad Collegii apud Judæos Hieratici instar, communi *ἀρχιεραὶ* nomine haud insignitum fuerit, in ratiociniis illius ævi Platonici de Archetypis atque Ectypis, causas valde commodas inveniri censet, quæ eo denique redire videntur, ut cum Christus ipse, *ὁ ἀγῶς*, Prototypus, unicuique esset ac æternus Sacerdos, & *κατ' ἐξοχήν* ac vere *ἀρχιερεὺς*, Apostoli a nomine tam venerando sibi temperare voluerint, Collegiumque suum modestiori aliquo vocabulo, quod ministros Christi potius quam collegas sonaret, censuerint insigniendum, ne quam sibi paritatem cum *ἀγῶ* vindicare viderentur. Porro observat, cum explendo duodenario Apostolorum numero non sufficerent, qui ex eadem cum Christo stirpe essent, aliunde arcessendos fuisse, qui tribuum numerum æquarent: in hoc tamen Apostolorum Collegio, primum locum Christi cognatos habuisse. A primo, quod Hierosolymis erat, isto Cleri Christiani Collegio ad secundum progreditur, atque istud cum secundo Synedrii Judaici Collegio non modo commune Presbyterorum nomen, sed & parem numerum habuisse

buiffe docet, id colligens ex libro Apocalypſeos, ubi 24 Presbyterorum mentio injicitur, & juxta ipſum Eccleſia Hieroſolymitana, qua Synedrio Hieroſolymitano reſpondit, adumbratur: præterea aſſerit, a ſecundo hoc Chriſtianorum Hieroſolymitanorum Collegio ad exterarum eccleſiarum exemplum Presbyterorum tranſiſſe, atque ſic nullum eſſe potuiſſe locum presbyteris laicis. Cum igitur utriusque Cleri, Judaici pariter ac Chriſtiani, Hieroſolymitani Collegia adeo accurate ſibi invicem reſponderint, facile hinc colligi poſſe opinatur, Clero Chriſtianorum Hieroſolymitano obſequium omnes orbis univerſi eccleſias debuiſſe, uti Clero Hieroſolymitano Judæo omnes per mundum univerſum diſperſæ Judæorum ſynagogæ paruerint: imo ex hac convenientia inferre ſatagit, primo hoc Apoſtolorum ſpatio, Chriſtianis omnibus unitatis principium Episcopum Hieroſolymitanum fuiſſe; ad eundem plane modum, quo & Judæis omnibus, quantumvis invicem diſſitis, unitatis principium ſummus fuerit Pontifex, qui rem ſacram omnium nomine procuraret: paulatim deinde Reſtorum ordinariarum poteſtatem in eccleſiis exteris, eccleſiæ forte Hieroſolymitanæ conſenſu, augmenta cepiſſe: primis autem temporibus vix alios, quam illius miniſtros, Hieroſolyma miſſos, in eccleſiis eccleſiæ Hieroſolymitanæ obnoxias diſciplinam ac poteſtatem exercuiſſe: ipſos tamen hos miniſtros itinerarios utriusque Collegii, tam Apoſtolorum quam Presbyterorum, Clero citra dubium obnoxios fuiſſe. Ne vero, quæ de primatu eccleſiæ Hieroſolymitanæ in univerſam Chriſti eccleſiam adducta ſunt, in cerebro ſuo finxiſſe videretur Clariffimus Autor, eundem proximis poſt Apoſtolos temporibus non ignotum fuiſſe, corroborare ſtudet, eumque in finem ad Hegelippum e ſtatu eccleſiæ Hieroſolymitanæ de ſtatu eccleſiæ Catholicæ judicantem; ad traditionem quandam de Apoſtolis, aliisque Domini tam cognatis quam diſcipulis, e peregrinationibus domum reverſis, ut Simeonem Cleopæ episcopum Hieroſolymitanum conſtituerent; ad Clementem Romanum, qui non Petrum, ſed Jacobum Episcopum Episcoporum ſalutarit; ad ordinem epistoliarum Catholicarum, inter quas primus locus epistolæ S. Jacobi, ob hujus prærogativam, aſſignatus fuerit; ad Epiphanium, qui hæreſi 70 num. 10 hunc eccleſiæ Hieroſolymitanæ primatum agnovit, provocat. Expoſito ita ec-

de-

eclesiæ Christianorum Hierosolymitanæ in reliquas jure, quod juxta ipsum ad Trajanum usque tempora se extendit, ad alterum Ecclesiæ intervallum & hodiernum regimen ejus pergit, illiusque constitutionem, licet ab Apostolis emanarit, omnibus tamen N. T. scriptis recentiorem, ac proinde ibi haud expectandam esse tradit, imo perhibet, minus necessarium esse, ut regiminis ecclesiastici forma, hodie inter Christianos observanda, in sacris literis commemoretur, quandoquidem sine illa mentione parem, imo forsitan etiam majorem habeamus saltem regiminis ab Apostolis in ecclesia universa relictæ certitudinem, quam quæ in libris ab Apostolis scriptis nobis relicta fuerit. Sepositis igitur libris Scripturæ canonicis, e quorum silentio regiminis ecclesiastici juri nihil decedere credit, ad recentiora monumenta sese confert, atque ex illis, quæ demum nova jura, & qua ratione, singulis ecclesiis ex Hierosolymitanæ clade accesserint, perlustrare, ac quo melius rerum deinde gestarum nexus intelligatur, tempus, quo tanta illa mutatio contigerit, paulo curatius, quam hætenus factum, indagare suscipit, atque docet, post Simeonis Cleopæ cædem, (quam olim anno æræ vulgaris CXVI contigisse sibi persuaserat, jam vero ad initium imperii a Trajano gesti, annum puta CIV vel CV, referendam esse suspicatur) in singulis ecclesiis Episcopos pares Episcopo olim Hierosolymitano successisse, dissipataque ecclesia Hierosolymitana, & causis omnibus primatus spoliata, primum ipsum etiam Dei providentia fuisse sublatum: episcopis primis potestatem Apostolos dedisse, non tamen tantam, quæ illos ab officio Apostolis debito excusaret: post cædem Simeonis Cleopæ, Collegium Apostolorum Ephesi sub moderamine S. Johannis Apostoli degisse, atque ita primum ab ecclesia Hierosolymitana ad Ephesinam translatum esse, nec multo post, autoribus Apostolis, nomen Episcopi *πρωτοκαθέδρις*, seu primam sedem occupantibus, proprium fieri cœpisse; non tamen effecisse magnificum illum Episcoporum titulum, ut Apostolis obnoxii non essent *πρωτοκαθέδρις*: tempus autem, quo hoc novo Episcoporum nomine donati ab Apostolis fuerint *πρωτοκαθέδρις*, in tanta vetustatis caligine constituere, fatetur esse difficillimum, id tamen anno Christi CVI, ante stabilitum a Collegio Ephesino Evangeliorum Canonem præter propter contigisse hæriolatur, idque dein probare satagit.

git. Quod Episcopi nomen, commune antea cum aliis, ubique & tam repente *πρωταθρονο* soli obtinere coeperint, ex suis hypothesebus facile declarari posse affirmat. Juxta ipsius namque mentem, juris Hierosolymitani legitima devolutio rationem omnem excludit, cur quis merito adversaretur: imo fecit, cur boni omnes æquique amantes eam tuerentur: jus vero illud principii unitatis non corpori universo, sed corporis tantummodo capiti, & personæ adeo singulari, convenire commode potuit: sic æmulos nullos vel unica illa ratio *πρωταθρονης*, seu primariæ sedis, admisit: nec de personis, quas in prima sede, ab ultimis Ecclesiæ Apostolicæ Hierosolymitanæ ministris constitutas, repererat ipsa illa devolutio, certamen ullum enasci potuit: etenim quos prima apud suos sede dignos judicavisset ecclesia illa Apostolica, iidem digni etiam juribus, ad primas sedes postea devolutis, censi debuerunt. Circa nomen Episcopi observat, quod illud prima significatione Dei proprium sit, inde autem ad alios, qui ejus personam repræsentarent, præcipue autem ad sacerdotes primarios aliosque intimioris admissionis amicos emanarit: quod Apostoli ac Presbyteri exterarum ecclesiarum, nondum coercendi potestate donati, Episcopi appellati sint, quia elemosynis Deo sacris distribuendis præfati fuerint. A nexu visibilium Episcoporum cum invisibili causâ accessit, cur singulorum Episcoporum sententiæ jus communionis universalis dederint vel abstulerint. Etenim cum admissus in ecclesiam ab Episcopo in una solum ditione, a Christo etiam similiter admissus sit, & contra ejectus ex ecclesia, a Christo ipso pariter ejectus fuerit: collegæ certè in Episcopatu nulli jus esse potuisse, repudiandi a sua communione, quem Christus ipse in suam admisit, corporisque sui membrum per vicarium suum visibilem agnovit; nec contra, jus ulli esse potuisse in suam communionem admittendi, quem Christus pariter, per vicarium suum visibilem, a se alienum damnandumque pronunciavit. Hinc in gratiam *Φιλαρχαίων*, quid ecclesiæ Catholicæ nomine intellexerit Ignatius, disquirit, variisque sententiis repudiatis, illum Ecclesiæ invisibilem & archetypam, sub Christo archetypo & invisibili Episcopo, Catholicam appellasse asserit; propugnatque ecclesias etiam particulares Catholicas appellari posse, quæ servant cum cælesti Apostolorum

ecclesia communionem : non posse autem illas, quæ singularum ecclesiarum regimen monarchicum immutare ausæ sint. Porro quid S. Cypriani verba, de una ecclesia, uno episcopo, uno episcopatu, cujus a singulis in solidum pars teneatur, sibi velint, exponit; ac declarat, Episcopos proprium sibi collegium, & quidem non solum de facto, sed de jure, atque ex ecclesiæ Christianæ commodo constituisse: unum episcoporum ab Apostolis electorum, alterum potestate non superasse: omnem imparitatem, quæ subsequenti tempore inter Episcopos obtinuit, singulorum factis tribuendam esse, quæ tantundem valuerit, quantum ipsa pacta valent. Quam diu vero inter Episcopos paritas illa obtinuerit, tot primævis monumentis deperditis, difficulter admodum definiri posse judicat. Suspiscatur tamen, ad tempora fere Constantini eam perdurasse: iis enim canones Conciliorum de rebus diocesanis privatis primum conditos deprehendi. Quod Episcoporum in sedes vacantes sufficiendorum jus, non ad Presbyteria, sed ad Collegii Provincialis Episcopos spectarit, liquidum esse autumat; difficilior autem Auctori quæstio videtur, num Episcopum episcopatu exuendi jus habuerint Collegæ, cum pares inter se essent, & vere Episcoporum non ausi fuerint esse episcopi. Circa quod problema extra controversiam ponit, quod potuerint Collegæ eum saltim pro Collega non agnoscere, qui seipsum ob admitta crimina episcopi dignitate privarit: sed crimina talia esse oportuisse, quibus non solum meruerit, ut exueretur, sed quæ ipso facto illum exuerint, episcopalisque honoris incapacem fecerint. Ad quæ crimina refert, si quis idolis sacrificarit: cum enim nulla communio Christo sit & Diabolo, nec mensæ Diaboli particeps mensæ Domini particeps fieri queat, multo minus communicantium omnium caput ac unitatis principium cum Christo communionem habere potuisse. Iisdem criminibus accenset, si quis hæresi se commaculasset. Etenim cum literarum formatarum finis hic præcipuus fuerit, ut commune fidei depositum hec commercio inviolatum servaretur, in propatulo esse, qui aliam fidem sequebantur, jus nullum collegii orthodoxi, nec commercii literarum formatarum amplius habuisse. In eorum criminum numero schisma denique collocat, utpote quod ab Ecclesia, ac proinde etiam a collegio sacerdotali & collegii commercio, aliquem separavit.

rit. De regiminis ecclesiastici origine cum ita egisset Auctor, in Episcoporum potestate longe majus, quam vulgo creditur, momentum esse monet, atque Reformatos ad restaurandum Episcopatum exhortatur. Demonstrat porro, primævis Episcoporum juribus adversari, quæ Romanus Pontifex sibi vendicat; primatum illum certe ad articulos fidei non posse referri; incertam admodum esse illam Ecclesiæ Catholicæ unitatem, quæ ab unius Ecclesiæ episcopo, tanquam cæterorum capite, arcessitur; bono ecclesiæ publico longe utiliorem esse omnium episcoporum paritatem, quam si unus Episcopi Hierosolymitani hæres Episcopus Romanus fuisset. Absoluto ita primo de veteribus Episcoporum juribus capite, ad secundum de Episcoporum a seculari potestate independentia accedit, ac postquam eandem probare studuit, monet, Principibus secularibus in hoc negotio neque Reformatos, neque Pontificios admodum fidere posse: ad ecclesiæ dissolutionem spectare, si Principibus Episcopos officio ecclesiastico exuendi concedatur potestas: ne quidem commodis suis inservire Principes, vim religioni inferentes: ad bonum reformationis publicum facere, si Episcopi cum primævis suis juribus restaurentur: primæva illa Episcoporum jura, ad concordiam cum modestioribus fidei Romanæ sociis promovendam, multum conducere: Ecclesiæ etiam Pontificiæ non prodesse Principis tutelam, si, quam tuetur in Pontificem, ecclesiæ libertatem ipse violaverit: officia in episcopos primæva digna plane esse, quæ hodiernis etiam catechesibus inferantur.

JOSEPHI PITTON TOURNEFORT AQUISSEXTIENSIS, Doctoris Medici Parisiensis, Academia Regiæ Scientiarum Socii, & in Horto Regio Botanices Professoris, Corollarium Institutionum Rei Herbariæ.

Parisii e Typographia Regia, 1703. in 4to.
Constat plag. 9 & tab. æn. 13.

Peculiare id habet præ aliis studium Historiæ Naturalis universum, maxime Botanicum, ut quo major copia rerum nobis cognita fuerit, hoc majus oriatur desiderium videndi plura. Atque hæc ipsa insatiabilis cupiditas impulit modo nominatum Tournefort

fort, ad suscipiendum iter longe durissimum plenumque multiplici periculo. Vix absolverat Institutiones Rei Herbariæ, (Anno 1701 Mense Augusto a nobis indicatas,) pulcherrimum opus, in quo 673 plantarum genera, sed species 8346 diligentissime describuntur, & ea libido visendi exteras regiones, Orientales præcipue, invalsit eum, ut rariores conquireret stirpes, eas etiam, quas olim celebrasse ac in frequenti usu habuisse veteres Medicorum principes, nihilominus hodie deperditas aut ignotas novimus. Adjutus igitur munificentia Ludovici Magni Regis Galliarum, una cum sociis D. Andr. Gundelsheimer, Medico Germano, & Claudio Aubriet Gallo-Campano, pictore peritissimo, primum ad Ægæi maris insulas tum Cyclades, tum Sporades, abiit, postmodum Constantinopolim, Pontum Euxinum usque Trapezuntem visitavit, in Bithynia, Paphlagonia, Cappadocia, utraque Armenia, Iberia, Galatia, Mysia, Phrygia, Æolide, Lydia & Ionia exploratis collectisque plantis non satiatum rediit: maluisset enim Syriam ac Ægyptum peragrarè, nisi pestis inibi dire grassata eum deterruisset. Interim non penitendos peregrinationis fructus ex locis illis reportavit secum: plantas namque rarissimas 1356, ac inter has 25 genera prorsus nova invenit, atque in hoc Corollario descriptas delineatasque in publicum edidit.

Kurzer Entwurff der Einigkeit der Evangelisch-Lutherischen und Reformaten im Grund des Glaubens/ abgefasset von SAMUEL STRIMESIO.

h. c.

BREVIS DELINEATIO CONSENSUS INTER Evangelicos Lutheranos & Reformatos in fundamento fidei, singulari desiderio promovenda unionis Christiana inter utrasque Ecclesias consignata a SAMUELE STRIMESIO, SS.

Theol. Doctore, ejusdemque Professore Ordinario, & Pastore Primario in Academia Regia ad Viadrum.

Apud Jer. Schreyen & Jo. Christoph. Hartmann, 1704, 8.
Plag. II.

CEleberrimus inter Reformatæ religionis Doctores *Samuel Strimelius*, in præsentî Delineatione id agit, ut ostendat, Ecclesiarum Lutheranæ - ac Reformatæ - Evangelicarum doctrinas, quod ad fidei fundamentum attinet, convenire, ac proinde nihil ob stare, quo minus colligari in unum corpus mutuamque fidei societatem coire queant. Trium itaque quæstionum brevi, sed luculenta discussione, operis tractationem absolvit. Primo enim quærit, utrumne discrimen sit ponendum inter veritates, quæ theologicæ aut sacræ tantum dicuntur, & inter eas, quæ cum ipso fidei fundamento arcte connectuntur? Deinde disquirît, quænam istæ sint veritates aut doctrinæ, quæ cum fidei fundamento necessarium nexum habeant? Quibus explicatis, probare denique nititur, Reformatos cum Lutheranis, in istis doctrinis, quæ fidei & salutis fundamentum constituunt, convenire, adeoque nullam adesse rationem, cur ad constituendam inter utrasque Ecclesias unionem, animus non sit adjiaciendus.

Quod inter veritates tantum theologicas, & quæ fundamentum salutis constituunt, differentia sit admittenda, liquere arbitrat, quoniam priores sic comparatæ sint, ut vel plane ignorari, vel memoria iterum excidere possint, salva hominis salute; cujusmodi est doctrina de motu vel quiete telluris. Ipsos Apostolos, *Petrum & Paulum*, dissensisse inter se de veritatibus quibusdam theologicis. In primitiva Ecclesia dissensisse *Victorem* Episcopum Romanum ab Asiaticis Ecclesiis de celebrando Paschatis festo, vitioque ab omnibus verti *Victori*, quod ideo *Polycratem*, Ephesinum Episcopum cum omnibus Asiæ ecclesiis a communione absciderit. *Lutherum* Bohemos fratrum loco habuisse, tametsi ipse fateatur in Præfatione ipsorum Confessionis, quæ *Wittebergæ* A. 1533 prodiit, adjectæ, quod non in omnibus inter se atque ipsos conveniat. Eundem charos eximiosque habuisse *Helvetios*, licet non omnino se invicem intellexerint. Esse cum inter Reformatæ, tum Lutheranæ Ecclesiæ Doctores, in quibusdam dogmatibus dissensum, qui nihilo interim minus unitate Spiritus, per vinculum charitatis, inter semet invicem conjugantur. Neque fieri posse, ut in tanta temperamentorum, corporum, intellectus, cognitionis, inclinationum, educationis, institutionis, præjudiciorumque diversitate, & causarum in vel extra hominem posita-

sitarum, unum idemque omnes sentiant. Proinde nihil aliud superesse, quam ut de dogmatibus, ipsum fidei & salutis fundamentum constituentibus, tantum circumspeciamus, utpote in quibus consensus atque unionis ratio solum requiratur. Hinc explicantur criteria, ex quibus doctrinæ ad ipsum fidei fundamentum pertinentes cognosci possint. Nimirum requiri ad hoc, ut vel Deus ipse veritates istas ad salutem esse necessarias revelaverit, vel ut ex evidenti consecutione idem intelligi possit. Consequentiam autem evidentem vel ad necessariam doctrinam, vel ad expressionem necessitatis ejus ad salutem, respicere. Ex quo arguuntur in defectu peccantes Sociniani & Arminianorum nonnulli, in excessu autem, qui fundamentum substantiale, dogmaticum & organicum posuerint, ad quod omnia dogmata, uti antecedens quoddam, aut constituens, aut consequens retulerint, & qui consequentias ex Auctorum hypothesebus sive vere sive perperam deductas, ipsis licet vel maxime renitentibus impingant. Cum vero nonnulli sex, alii quinque, quatuor alii, & iterum alii tria tantum dissensionis capita, inter Ecclesiam Lutheranam & Reformatam constituerint, proponuntur primum quatuor argumenta, quibus consensus harum Ecclesiarum fundamentalis probatur; deinceps vindicantur a dissensu fundamentalis tria ista capita, quæ unionem impedire plerisque creduntur. *Primum*, quo utrarumque Ecclesiarum consensus in fidei fundamento confirmatur, desumptum est a consensu circa Scripturam S. tanquam principium, uti loquuntur, adæquatum credendi atque agendi; *secundum* a quinque præcipuis capitibus religionis Christianæ, nimirum a Fide, Lege, Oratione Dominica, Baptismo & S. Cæna; *tertium* a convenientia circa Augustanam Confessionem invariata; *quartum* a convenientia circa Formulam Concordiæ strikte dictam, & explicantur ea, quæ dubios reddere nonnullos hac in re potuissent. Nam cum Formula Concordiæ circa tres tantum articulos, scilicet in loco de *Cæna Domini*, de *Persona Christi*, & de *Prædestinatione*, dissensum suum adversus Reformatos testetur, de hisce tribus sigillatim sibi agendum esse, putavit Auctor Celebrerrimus. Ut igitur nullum dissensum fundamentalem, in articulo de *Cæna Domini*, inter Reformatos & Lutheranos intercedere ostendat, docet ex suæ Ecclesiæ Doctoribus, ipsos concedere primo, ve-

p. 27.

p. 30.

p. 33.

p. 34.

p. 36.

p. 42.

p. 43.

p. 46.

p. 49.

p. 57.

p. 62.

- rum corpus & sanguinem Christi vere & substantialiter adesse, atque cum pane & vino distribui; deinde corpus & sanguinem Christi supernaturali & coelesti modo cum pane & vino sumi; adeoque dissensum constitui tantum in eo, an corpus & sanguis Christi ore sumatur, atque an ab indignis non minus quam dignis ore corporis accipiat: adductisque Reformationum negandi rationibus, existimat, quomodocunque tandem res comparata sit, illud omnibus perspicuum apertumque esse, dissensum circa hæc ad fundamentum fidei non pertinere, quoniam neque quisquam propterea vitæ coelestis iacturam pati possit, & ipsi dissidentes circa ea, quæ præcipua in S. Cœna sunt, nimirum quoad spirituales manducationem conveniant. Imo totum de cœna Domini articulum non esse ex sententia etiam Doctorum Lutheranorum fundamentalem, ac ipsum Lutherum initio reformationis statuisse, non committi errore in fundamento fidei repugnantem, si quis transubstantiari panem crediderit, in reformationis quoque progressu professum, se amplius Bucero spirituales manducationem concedenti litem non moturum. Adjungitur quoque responsio ad quinque argumenta, quæ Vir quidam eruditus objecerat, ut omnis circa hunc articulum orta dubitatio tolleretur. In loco *de Christo* concedi inquit a Reformatis fere omnia, quæ Formula Concordiæ proponit: difficultatem in hoc solum motam esse, an naturæ humanæ finitæ, in abstracto sumptæ, communicatæ fuerint proprietates divinæ essentielles, & vice versa; quoniam proprietates essentielles, in primis in Ente simplicissimo, qualis est divina natura, cum rei essentia unum sint idemque. Sed cum concedatur, Christum esse verum Deum & hominem in una indivisa persona; eidem tanquam vero Deo & homini competere omnia attributa essentialia divina & humana, ne uno quidem excepto; personæ in concreto, sive ab humanitate sive divinitate denominetur, non solum utrasque proprietates, verum etiam quicquid Christus in terris aut cœlo perfecit, aut adhuc agit, aut acturus est, non secundum solum nomen, sed rem ipsam tribui, evidens esse putat, dissensum in hac sublimi materia non esse fundamentalem. Denique in articulo *de Prædestinatione*, approbari a Reformatis dicit Vir Reverendus, quæ in Formula Concordiæ leguntur, quæque non tam Reformatis, quam nonnullis inter ipsos Lutheranos

opposita fuisse deprehendantur. Adducit proinde, ad meliorem intelligentiam, Universalistarum & Particularistarum Reformatorum, atque ipsorum Lutheranorum sententias de Prædestinatione. Inductos autem fuisse Reformatos, cum nonnullis Lutheranis, ante Hunnū & Myli tempora, in istam de prædestinatione mentem, ne quid tribuisset viderentur viribus humanis, in consequenda salute nostra. Eandem fovisse sententiam Augustinum & Patres nonnullos. Sed cum vulgo obijciatur, neminem, secundum Reformatorum doctrinam, de salute certum esse posse, quoniam propositionibus universalibus, in quibus particulares subsumptiones continentur, destituantur; respondet, licet universales absolutæ propositiones de gratia Dei non proponantur, haberi tamen propositiones universales accommodatas sive limitatas, quarum virtutis quispiam de salute sua subsumere & concludere queat, quam propositis propositionibus universalibus absolutis, sub quibus etiam impij contineantur. Neque minorem fructum ex hac doctrina percipere convertendos, aut in statu tentationis constitutos. Convertendis enim primo proponi poenitentiam, sub poenitentibus autem ipsos contineri tentatos, adeoque utrosque sub propositione universali accommodata, quod Deus omnes poenitentes & credentes salvos fieri velit, subsumere & judicium de salute sua facere posse.

p. 99. 104.

p. 116.

p. 119.

p. 121.

p. 123.

p. 124.

Quibus explicatis, hortatur & rogat Vir pacis Ecclesiasticæ studiosissimus, ut quisque pro dignitate, doctrina & officio sibi a Deo concessio, ad promovendum opus tam sanctum & salutare connitatur, cum jam majorum vestigia extent, cuius rei exemplum ab Evangelicis Statibus Francofurti A. 1634 editum subjicitur, & Potentissimi Borussiae Regis voluntas plurimorumque studium idem probet. Tanta vero animi moderatione atque candore, in commendando hoc negotio utitur Vir Celeberrimus, ut neque pacem cum veritatis pæctura optet, eandemque si rei Christianæ minus convenientem intellexisset, se impediturum profiteatur.

p. 143.

p. 159.

NOVA LITERARIA.

Berolini die proximo 5 Februarii, ætatis anno septuagesimo primo, ad Superos, per placidam analyfin, transiisse Theologum ac Poly-

lyhiſtorem toto orbe celeberrimum, *Philippum Jacobum Spenerum*, publice jam conſtat. De quo uberrimus dicendi campus nobis pateret, niſi perſuaſiſſimum haberemus, futurum proximè, ut juſto ſtudio compoſita Vitæ ejus recenſio, & librorum ab ipſo editorum catalogus, publicæ luci exponatur. Ex Italia denique, poſt moleſtiſſimas moras, libros expectamus novos, ac inter hos etiam, quos jam menſe Majo anni ſuperioris indicaveramus. De quibus proinde memoranda erunt plura, quamprimum ad nos pervenerint. Interim non diſſimulamus, *Jo. Vignola Diſſertationem de Columna Imperatoris Antonini Pii, Romæ in Campo Martio A. 1703 detecta*, cui tum dixeramus ultimam manum imponi, prælo nondum commiſſam, Auſtore hætenus per morbum præpedito. Contra ſpes eſt, Juſti Fontanini Forojuſienſis *Vindiciæ antiquorum Diplomatum adverſus Bartholomæi Germonii Diſſertationem de veteribus Regum Francorum Diplomatum & Arte ſecernendi antiqua diplomata vera a falſis*, propediem proditura. Quemadmodum nec id tacemus, Petri Marcellini Corradini *Veteris Latii Proſani & Sacri* partem primam, ſeu Latium Gentile, Romæ typis Franciſci Gonzagæ publici nuper juris factam: alteram vero, nempe Latium ſacrum, ſub prælo jam ſudare. Inter libros alios in Italia ſuperiore anno editos commendantur: *Triduanæ Conſideratio de Canone librorum ſacrorum, ac in Seminario Montis Falſci*, auſtore Fr. Guillelmo Bonjour Tolofano, Ordinis Eremitarum S. Auguſtini, & in Seminario Montis Falſci Divinarum Litterarum Profeſſore. Apud Montem Falſcum, 1704. 4. *Diſſertatio Hiſtorica de ducentis Auguſtiniæ Scriptoris, qui obierunt poſt magnam unionem Ordinis Eremitici uſque ad finem Tridentini Concilii, amplioris Bibliotheca Auguſtinenſis prævia*. Authore Fr. Antonio Gandolfo Genuenſi. Romæ 1704. 4. *De Prærogativa Oecumenicæ Nomenclationis & Poſteſtatis Romani Pontificis a Conſtantinopolitani Præſulibus uſurpata, Hiſtorica Diſſertatio*. Auſtore Ant. Vaira Veneto, Patavii 1704. fol. *Vita di S. Emidio Veſcovo d' Aſcoli e Maritre*. Compoſta da Paolo Antonio Appiani della C. di Geſu, Conſultore della S. Congregazione dell' Indice. Ed. zione ſeconda. In Roma, 1704. 8. *De Aure humana Tractatus, in quo integræ ejus fabrica multis novis inventis & iconiſmis illuſtrata deſcribitur*. Auſtore Antonio Maria Valfalva, Bononiæ, 1704. 4. De aliis alias.

A C T A ERUDITORUM,

publicata Lipsiæ

Calendis Aprilis, Anno MDCCV.

*THE HISTORY OF THE REBELLION AND CIVIL
Wars in England, begun in the Year 1641. Written by the
Right Honourable EDWARD CARL OF CLARENDON. Volume the first.*

Oxford, printed at the Theater, 1704. fol.

*HISTOIRE DE LA REBELLION ET DES GUER-
res Civiles d'Angleterre, depuis 1641 jusqu'au rétablissement du Roi
Charles II. Par EDWARD COMTE DE CLARENDON.
Tome I divisé en deux Parties.*

A La Haye, chez Louis & Henry van Dole, 1704. 12.

i. e.

*HISTORIA REBELLIONIS ET BELLORUM ANGLIÆ CL-
vilium ab A. 1641 usque ad restitutionem Caroli II Regis. Au-
thore EDUARDO CLARENDONII CO-
MITE. Tomus I.*

Anglica editio constat Alph. 6. plag. 9. Versio autem Gallica
Alphab. 2.

MOtuum inter imperantes atque subditos civilium exempla, plu-
rium quidem regnorum ac provinciarum annales nobis sugge-
runt, nunquam vero, per omnium seculorum decursum, aliud magis
detestabile aut abominandum reperimus, quam intestinum istud Ma-
gnæ Britanniae bellum, quod ne Augusto quidem Caroli I Regis san-
guine, sacrilega carnificis manu, præter omnem cultioris ævi ac populi
morem, effuso confici vel extingui potuit. Cujus historiam quum
T mul-

multi pro variis partium studiis varie contexuerint, neminem tamen stylo moderatiore & majore cura composuisse novimus, quam EDUARDUM HYDE, CLARENDONII Comitem, Magnum olim Britanniae & Universitatis etiam Oxoniensis Cancellarium, virum de rebus partibus, quas sequutus est semper, & de muneribus ipsi collatis optime meritum, sed eo nomine infelicem, quod, licet perpetuus Caroli II Regis in exilio comes, & post ejus restitutionem, gravissimorum in Anglia negotiorum administer fuerit, Parlamenti nihilo minus jussu solum vertere, & relicta patria senectutis suae annos residuos apud externos transigere, coactus fuit. Cujus quidem rei causa credita multis fuit, quod Jacobus Eboracensium tum temporis Dux, Regis Frater, qui rejectis Reformatae Anglorum Ecclesiae symbolis, ad Pontificiorum scholas transierat, filiam ejus, patre plane inscio, in matrimonium duxerat: tametsi insigni profecto, quod eventus docuit, Britanniarum emolumento, quandoquidem ex ea duas filias suscepit, quarum altera MARIA, Guilielmo Arausionensium Principi deinceps nupta, anno superioris seculi octavo supra octogesimum, libertatem populi atque Ecclesiae Anglicanae, contra ipsum parentem Jacobum, Romanensium infestis machinationibus nimis faventem, servavit; altera vero ANNA, Georgio Danorum Principi nupta, & post Mariae ac Guilielmi decessum, Magnae Britanniae, Franciae ac Hiberniae Regina, augustissimis hodie auspiciis regnat, ac una cum Foederatis, per terrestrium ac navalium copiarum duces celebratissimos, Gallorum, Hispanorum, Bavarorumque, universae Europae haecenus insultantium, potentiam reprimat. Accesserunt interim malevolentiae adversus Clarendonium aliae dein rationes, Pontificiorum scilicet, quorum occultis in aula conatibus mascule obstiterat, & foemellarum in super odium, quarum amoribus Carolus II Rex nimium quantum capiebatur, nihili plane habitis rumoribus, quos de scandalosa earum vita, & exosa cordationibus Anglis indole, sapissime ad Regem detulit Comes noster. Colophonem denique infortunio illius addiderunt multi ex comitatu aulico male erga ipsum animati, qui quod Regi Carolo consultum ab eo fuisse crederent, ut illos, quos nuper hostes habuerat, beneficis majoribus sibi devinciret, veteres autem amicos & clientes fidos negligentius haberet, Curiae sive Parlamenti Anglicani Adseffores indefinenter stimularunt, ut edicto publico venerandus senex in exilium

lium mitteretur, cujus tamen facti Regem postea plus vice simplici poenituit.

Hic ergo Hydius, Clarendonii Comititis titulo postmodum decoratus, rebellionis Anglicanae descriptionem duplici de causa adortus est, tum quod ad id faciendum Carolus I Rex jussu suo calcar addidisset, tum quod omnium, quae gesta sunt, spectator ipse atque auditor extitit. Erat enim inferioris in Britannia Curiae (*la Chambre des Communes*) Senator, atque in Comitibus A. 1640 habitis, regiam auctoritatem tamdiu contra calumniatores & novaturientes pro virili tutatus est, donec cum aliis furori insipientium cedere, atque in Carolinis caltris receptum querere, necesse duxit. Ne autem illi, qui a regio capite tempestatem hanc exitiabilem omni conamine avertere contenderunt, atque id propter a sectariis Cromwellianis in Annalibus eorum male traducuntur, merita laude apud posteros excidant, aut paucorum hominum malitiosa pervicacia, per quam parum abfuit ut universa Britannorum natio ad incitas redigeretur, ex memoria hominum deleatur, huc quidem celeberrimi Auctoris Commentarii faciunt, quorum Tomum primum, quos duo alii excipient, in quinque Libros distinxit. *Primus* exhibet ultimos regiminis a Jacobo I Rege exerciti annos, iter; Caroli Principis cum Buckinghamio Duce, in Hispaniam, pro ineundo cum Infante Hispanica matrimonio susceptum; Jacobi Regis obitum, Buckinghamii eadem, praecipuorum Status Administorum characteres, ac Caroli filii successoris in Scotia coronationem, variorumque tumultuum, ob Liturgiam Anglicanam Laudi Cantuariensis Archiepiscopi suasu Scotis Ecclesiis obtrusam, semina. *Secundus* motuum a Scotis excitorum circumstantias, belli intestini exitum, novi deinceps dissidii inter Scotos & Anglos exorti mala, & Parlamenti Anglici a Rege dissoluti causas recenset. *Tertius* Parlamentum anno 1640 a Rege convocatum nobis sistit, quod fatali turbine Regiae Majestatis jura prorsus pessumdedit, & Straffordio Comiti d. 22 Maji anni 1641 caput amputari jussit. *Quartus* Regem ad Scotos ob pacem cum iis sancientiam profectum, mox ad Londinenses reducem, sed ob Curiae inferioris atrocissimos insultus, ad Eboracenses profugum exhibet. *Quintus* denique liber molimina Regis apud Eboracenses degentis contra Parlamentum suscepta, missos a Rege ad Curiam, a Curia vero rursus ad

Regem libellos varios, tum adparatum utriusque partis bellicum, & signa exeunte mense Augusto anni 1642 invicem collata narrat.

Hæc summa commentariorum superficialia est: de cætero argumenti, quod Illustris Auctor pertractat, amplitudinem, ordinem rerum, eventuum plane singularium circumstantias, virorum maximorum characteres, studia partium, & quem in narrationibus singulis præ se tulit, candorem, quis est, qui illa recensibus nostris hætenus adhibita brevitate, extremis licet ductibus, delineare queat? Hunc enimvero in censum veniunt, quæ Libro primo de Georgii Buckinghamii Ducis apud Jacobum & Carolum Reges gratia, de itinere cum Carolo Principe in Hispaniam facto, ac post irritas matrimonii inter Carolum & Hispaniarum Infantem ineundi pactiones, belli Philippo III indisti causis legimus. Et has quidem minus recte amoribus Buckinghamii cum Olivaresiana conjuge tribui, Auctor monet, quum Olivaresiana provectæ jam ætatis ac neglectæ formæ foemina fuerit. At non dissimulat, Ducem, cum postea in Gallia Legati munere, ad conciliandas inter Virginem Regiam Henricam Mariam & Carolum I Angliæ Regem nuptias fungeretur, indecentiore ac tantum non infano in Foeminam Principem amore exarsisse, & postquam Regiam Sponsam in Angliam deduxisset, prosequendo amori novum splendidissimumque in Galliam iter meditatum fuisse, cumque admonitus esset, a fidis ministris de vitæ insidiis a Gallis, qui rem subodorati fuerant, redire austo structis adeo excanduisse, ut *Foeminam Principem ingratus totius Franciæ se inimicum* exclamaverit, implacabili exin in Gallos odio concepto. Quæ nimia in Viro linguæ licentia tanto minus mira nobis videtur, quando Clarendonius memorat, Ducem aliquando eo audaciæ pervenisse, ut Regiam Caroli uxorem, quod Buckinghamii matrem tardius quam promiserat, invisisset, indecenter admodum increpuerit, & *illam* cordatus paulo respondentem *scire jussisset, non desse apud Britannos exempla Reginarum, quibus capita ense fuerint rescissa.* Istud autem inprimis in Buckinghamio, maximo alias sæculi sui Duce, notavit Auctor postea, neminem ex familiaribus ejus fuisse, qui ipsum fragilitatis suæ atque odii, non apud proceres tantum, sed & apud plebem, obstinatione nimia contracti admoneret: inde siquidem factum esse, ut non tantum Jacobi Regis, paulo ante obitum illius, gratiam, sed vitam denique ipsam, a Joanne Feltono culro in pectus Ducis impacta, per-

perdiderit. Quæ de turbis Scoticis Libro secundo occurrunt, legi omnino merentur, extatque hoc inter alia singulare Argatheliæ Comitis, animum erga Regem optimum valde ingratum gerentis, monumentum. Nimirum Parens ejus hunc suum filium prodigum, atque paternis admonitionibus rarius obtemperantem, exheredare constituerat, sed quo minus id faceret, Carolus Rex intercessit, qui exacerbatum patris animum ita emollivit, ut filio bonorum omnium aditum concederet, sibi tantum, ceu seni, certa annuorum reddituum portione servata. Quæ pactorum tabulæ dum signarentur, patrem ita ad Carolum Regem loquentum fuisse, Hydrius noster scribit: *Domine, jussa tua jam exsequutus sum, quamvis valde invitus. Sed vereor; ne indoles filii mei tibi minus cognita sit, quam par erat. Animo enim prædictus est vafro atque infido, quique neminem constanter colit. Vires ac reditus juvenis ex voluntate tua auxi, qui tamen, si occasio affulserit, primus omnium adversus te ipsum insurget.* Neque istud de filio augurium falsum fuit, quippe Regis partes in disfidis Scoticis inter primos postea deseruit. Cumque is Montis-Rosarum Comitem in plurimis æmulum haberet, factum est, ut ambo illi juvenes, ambitione sua quietem Scotiæ continuo turbantes, ad exemplum Romanorum *Cæsar & Pompejus* adpellarentur, quorum ille, Lucano teste, neminem priorem, hic vero parem neminem ferre potuit. In tertii Libri memorabilibus, tragicus Comitis Straffordii casus locum præcipuum meretur. Cum enim Parlamenti inferioris Curiae membra, sanctioris apud Regem Consilii conatus & decreta exactiori censuræ subjicerent, regimen Episcopale tollendum penitus existimarent, Episcopos a consessu superioris Senatus (qui ex Ducibus & Paribus Angliæ constat) arcerent, variisque artibus & Regis fatali quadam indulgentia, Carolum ad triennialis Parlamenti constitutionem adigerent, (id quod primum destructæ paullatim regiæ auctoritatis indicium fuit) inter præcipua calamitatis publicæ momenta captivitas quoque Comitis Straffordii, Proregis Hibernici, numeranda fuit, cui præter alia accusationis capita, id quoque objecerunt, quod *minimum regiæ auctoritatis digitum plus valere, quam integrum Legum corpus*, dixerat. Itaque in necem viri vaser-

rimus quisque conspiravit, & Comes, regiae quasi cædis præcursor, quum omnia retro ire, civilibusque bellis enses adparari mente præfaga jam videret, ipse ad maturandam mortis suæ sententiam Regem hortatus est, ne fortean, ob consensum summi Principis denegatum furibunda, plebs ab insipientibus ejus adversariis ad tumultum concitaretur, & Regiæ Majestati per refractarios ignominia fieret. Ex illo autem tempore, omnium fere infortuniorum cumulus Anglos simul oppressit. Romanenses enim in Hibernia, temporis opportunitate usi, circiter quadraginta millia Protestantium intra paucos dies mactabant. Scoti rebelles patriæ suæ fines egressi, ipsam Angliæ Septentrionalis oram infestabant. Parlamentum vero non pedetentim, sed torrentis instar in Regem grassari, omnia ejus jura & prærogativas subvertere, fidelissimos quosque Principis comites, quamvis culpæ nullius confectos, vel ideo tamen, quia sectariis candor illorum displicuerat, ad carceres destinare, commeatui bellico & munitionibus regii perditissimos ex suo grege homines præficere, omnia Caroli molimina sinistre interpretari, & famosissimos quotidie libellos Regis edictis opponere, atque adeo administrationis robur & supremæ regni jura suæ tantum libidini mancipare, non dubitavit. Quinam Carolo in tanta rerum inclinatione animus fuerit, quæ ratione præfecturam castri Hullensis, imperium classis, exercitum terrestrem, commeatum omnem, nervum insuper gerendi belli, modo nimia indulgentia, modo rigore nimio amiserit, quibus dolis inferior Curia Senatores ac Purpuratos regni in partes suas pertraxerit, quamnam consiliorum in singulis congressibus diversitas, quis Remonstrationum, uti adpellabant, ab utraque parte publicatarum tenor, quamnam præcipuorum rebellionis capitum artes & ingenia fuerint, id omne accuratissima & cogitata seriptione in reliquis libris Auctor noster adnotavit, ad quem lectores plura scire desiderantes merito ablegamus. Dolemus tantum, posteriores Tomos, in quibus Historiam civilis belli ab anno 1642 ad 1660, quo septima Junii mensis die, Carolo II Regi diadematis aviti honor restituebatur, persequutus est, nondum publici juris apud nos esse factos. Neque enim dubitamus, si leonem ex ungue æstimare liceat, reliquos etiam libros multa
omni-

omnino singularia continere, quorum intimiorem notitiam Cancellarius noster ex schedis publicis hauserat, & quæ in aliis rumultuum Anglicorum commentariis frustra quæremus.

A COLLECTION OF VOYAGES AND TRAVELS.

i. e.

SYLLOGE ITINERARIORUM, QUORUM ALIQUA e linguis exoticis in Anglicam translata, alia nunc primum e schedis Auctorum prodeunt: quibus accessere quædam & olim Anglice impressa, sed rariora & præstantiora.

Volumina IV.

Londini, apud Awnsham Churchill & Johannem Churchill,
1704, in fol.

Constant Alph. 39½, & quamplurimis figuris æneis, tam separatim impressis, quam passim textui insertis.

NON uno anno absolutum est tam vastum opus, si quid e præfixo Wilhelmi Regis privilegio, quod annum 1700 subscriptum habet, conjectare licet, nec tantæ molis futurum speraverant initio Bbliopolæ, qui cum e majoribus operibus compendia facere constituissem, mutata sententia, integra nunc scripta figuris suis omnibus exornata repræsentant, spem insuper facientes, se, quæ plura in ipsorum manus inciderint lectu digna, aliis deinceps supplementorum tomis publicaturos. Præmissa est operi, præter præfationem generalem librorum insertorum conspectum exhibentem, Dissertatio præliminaris, qua universa Historia Navalis, ab origine ad nostra hæc tempora, per complures paginas erudite traditur. Ut enim de ipsis profectionum maritimarum, ab A. 1360 ad nostra tempora, a variis gentibus institutarum Annalibus, qui hic exhibentur, nihil dicamus, elegantia sunt, quæ de origine navium earumque usu, imprimis apud Phœnices seu Cananitas, tum & apud Græcos & Romanos, e probatissimis scriptoribus, speciatim e Bocharto & Morisoto afferuntur; qua occasione obiter etiam de Salomonis profectione in Ophir, seu Indiam, ut Noster putat, Orientalem ductu stellarum facta agitur, & Plinii locus ex L. V, C. 12 producitur, ubi Phœnicibus quinque inventa, literæ, stellarum
cogni-

cognitio, navigandi ars, disciplina militaris, & exstructio urbium tribuitur. Hinc de recentiori acus magnetica invento agens Auditor, negat in Plautino illo versu in Mercat.

Huc secundus ventus nunc est, cape modo versoriam,
per *versoriam*, quod quidam voluere, acum illam indicatam, eoque veteribus non ignotam fuisse. Neque ejus acus usum a Paulo Veneto, circa annum 1260 e China reduce, ad Europæos primum translatum fuisse putat, etsi Lusitani asserant, Chinesibus a multis sæculis familiarem eum fuisse. Quin optimo jure ejus acus inventionem tribui credit Flavio Gioiæ, Amalphitano, qui circa A. 1300 vixit. Cæterum de mirandæ rei hujus causis parum Noster est sollicitus, earumque inquisitionem perdocto in Anglia Viro permittit, cujus meditationes de Magnete propediem expectentur. Subjectus est huic dissertationi catalogus plurium Itinerariorum, quæ passim non uno idiomate prodierunt, quorum simul characteres describuntur. Ex his non erit ab hoc loco alienum, nonnullas Itinerariorum collectiones referre. Commendatur imprimis Theodori & Johannis de Brye *India Orientalis & Occidentalis*, Francof. 1624 VI voluminibus in fol. impressa, qua in collectione præstantissima quæque de utraque India Itineraria, e linguis, quibus exaratae erant, in Latinam translata exhibentur. Meliorem tamen, eamque omnibus pene numeris absolutam Syllogen, jam antea A. 1613 vulgaverat inter Italos Jo. Baptista Ramusio, sub tit. *Delle Navigazioni & Viaggi*, Venetiis III voluminibus in fol. editam, in qua itinera ad omnes mundi plagas suscepta singulari studio collecta comparent. E Gallis notus satis est Melchisedecus Thevenot, qui duobus in fol. voluminibus varia itineraria Gallice vulgavit. Ex Anglis demum primus Richardus Hacluytus Itineraria varia, *Voyages by Sea and Land*, collegit, & tribus partibus, quæ spissum in fol. volumen faciunt, divisa Lond. 1598 publici juris fecit. Quem secutus Samuel Purchassius varia pariter Itineraria, sub titulo *Pilgrims*, Londini 1625 V voluminibus in fol. edidit; uterque nullo delectu usus.

Majori cum cura versati sunt, quicunque volumina hæc collegerunt. Continentur autem in Vol. I p. 1 Hispani cujusdam Dominicanæ, Ferdinandi Navarrete, Relatio Historica, Politica, Mo-
ralis

ralis & Ecclesiastica de Regno Chinæ, quæ Hispanice conscripta in paucissimorum manus pervenit, quod artibus Jesuitarum, qui liberius ab Auctore L. II actiones Missionariorum in China expositas indignabantur, factum, ut ab Inquisitionis magistris, antequam publice prodiret, vendi prohiberetur. Quantum quidem ad Auctorem, is anno 1646 in Philippinas primum Insulas delatus est, unde de his quoque curiosa multa operi inseruit; inde ex longo itinere redux factus, anno 1673 Archiepiscopatum Hispaniolæ obtinuit. Pag. 425 Martini Baumgarten Iter in Ægyptum, Arabiam, Palestinam & Syriam anno 1507 institutum, e Latino exemplari, quod manu Josephi Scaligeri emendatum erat, Anglice, præmissa Auctoris vita, translatum, in quo præterquam, quod multa de veteri harum regionum historia inserta sunt, singularia habentur, quæ de Mamalucis Auctor affert. Pag. 303 Relatio de Regno Cilenfi, auctoribus Henrico Brewero & El a Herckemanno, qui eo A. 1642 & 1643, jussu Societatis Indiæ Occidentalis, quæ in Belgio obtinet, profecti erant. Pag. 526 brevis Insulæ Formosæ Descriptio, auctore Georgio Candidio, verbi Divini quondam apud Belgas in ea insula Ministro; quam quo jure quave injuria sub censuram nuperime Georgius Psalmanaazaar, qui in insula illa natum se contendit, in nova Formosæ Insulæ Descriptione, Anglice & Gallice edita, vocaverit, alii viderint. Pag. 534 Auctoris anonymi de Japonia, Regumque & magnatum Japonensium annuis redditibus, observationes curiosæ. Pag. 541 Johannis Monckii Iter in partes Septentrionales, jussu Christiani IV Daniæ Regis A. 1619 & 1620 susceptum, antea Germanice Francof. A. 1650 editum, quod & ob veritatis studium apprimè commendatur, & de Gronelandia potissimum, tum veteri, tum nova, singularia habet. Pag. 571 descriptio Ucraniæ, in qua Auctor Gallus Beauplan, Matheseos peritissimus, per complures annos, circa medium sæculi superioris versatus est, & non minus circa mores, quam naturalem ejus provinciæ historiam, parum alias nota observavit. Pag. 611 & 651 duo Itinera in Regnum Congum a Missionariis facta, quæ Italice antea prodierant; & denique pag. 767 Thomæ Roe, Jacobi I Angliæ Regis ad Indorum Monarcham Iehan Guire Legati, Iter, quod ut in Purchassii collectione mancum exhibetur, ita a Thevenoto Vol. I recusum est haud magis castigate.

In Volumine II extat primo loco Johannis Nieuhoff Iter in Brasiliam & Indiam Orientalem, quod pluribus figuris ornatum Belgice primum prodit. Inde p. 371 sequitur Iter & fata Johannis Smithi, Angli, in Europa, Asia, Africa & America inde ab A. 1592 ad A. 1629 peregrinati, quo in opere singularia sunt, quæ ad Anglorum in Nova Anglia ab A. 1624 ad A. 1629 stabilitas sedes pertinent. Pag. 413 Diaria duo ab his, qui circa annum 1634, partim in Insula S. Mauritii prope Gronelandium, partim in Montibus Acutis, seu Spitzberga decesserant, relicta; & pag. 429 brevis Relatio de nonnullis, qui haud procul Spitzberga naufragium passi sunt anno 1646: cuncta e Belgico idiomate translata. Pag. 431 Isaaci Peyrerii, qui Gallorum ad Danos legato ab epistolis fuit, & auctor creditur libri de Præadamitis, Descriptio Islandiæ & Gronelandiæ, quam stimulante Mothe-Vajerio dedit Gallice. Pag. 479 Thomæ Jamesii, Angli, Iter ad detegendam novam viam, qua per Septentrionalem atque Occidentalem plagam perveniri possit in mare Australe (*for the Discovery of the North-West Passage into the South-Sea*) susceptum, quod ut apud curiosos vulgo in pretio est, ita imprimis Boyleo singulares de frigore observationes suppeditavit. Pag. 545 & seq. inserta sunt duo Itinera e Belgico traducta, alterum Legati Moscovitici in Chinam, (e quo apparet, quod obiter notamus, Pequinum cum Cambalu urbe, quam per errorem in Tartaria collocant, plane eandem esse;) alterum Zachariæ Wagneri in Brasiliam & Indiam Orientalem: utrumque perbreve. Nec immerito inter itineraria p. 557 refertur Vita Christophori Columbi & Historia Indiæ Occidentalis ab eo detectæ, auctore filio ejus Ferdinando Columbo, Italice consignata; quippe præter observationes varias, ab ipso Christophoro in ea expeditione factas, singula exhibet, quæ ad detectam circa annum 1492 Americam pertinent. Pag. 689 sequitur Johannis Gravii Pyramidographia, de qua ex ejus Vita, a Viro Clarissimo Thoma Smitho conscripta, in Actis nostris A. 1700 p. 516 diximus, ut plura hoc loco addere superfedemus; cui jungitur p. 737 ejusdem Auctoris Syntagma de Pede Romano & Denario, de quo pariter l. c. pag. 517 mentionem fecimus. Denique accessit pag. 787 Christophori Borri Narratio de Cocinchina, Italico olim idiomate con-

conscripta, quæ, quanquam prolixa non sit, elegantissimas observationes complectitur.

Volumen III exhibet pag. 1 disertam eamque accuratissimam Relationem de Regno Cile, quæ auctore Alfonso de Ovalle, Romæ A. 1649 Hispano sermone prodierat, & digna nuper visa est Societati Regiæ Anglicanæ, ut ejus in vernaculum traducendæ provinciam Socio cuidam suo demandaverit: complectitur enim de rebus Peruvianis & Mexicanis parum alias obvia, & ob fidem singularem, præ cæteris omnibus ejus generis scriptis commendatur. Sequuntur pag. 154 Wilhelmi Montsonis Dissertationes ad Rem Navalem spectantes, nunc primum e schedis Autoris vulgatæ, cujus ubique fides atque ingenuitas emicant. In his res sub Elisabetha & Jacobo I in mari gestæ, quibus ipse interfuit, tum navales pugnas ordinandi modus, prælia inter Hispanos Anglosque in ipsis Indiæ Occidentalis littoribus commissa, Caroli I ad Gades conatus, Anglorumque apparatus navalis omnis, ut & quæ ab Hispanis atque Lusitanis in Asia, Africa & America paulatim fuerint detecta, eleganter ab Auctore, & ut virum harum rerum peritum decet, describuntur. Clauditur hic tomus pag. 561 Descriptione littorum Malabaræ, Coromandelæ, & Ceylan insulæ in India Orientali, quæ auctore Philippo Baldæo, Delphenfi, Amstelodami A. 1672 Germanice excusa prostat, e qua patet, quemadmodum Lusitani eas primum ditiones occupaverint, utque ejecti iterum fuerint a Belgis, quæ sit quoque adjacentium ditionum ratio, quæ lingua Malabarica, quæ religio Indorum Orientalium.

In Volumine IV exstat pag. 1 Iter circa mundum recentissimum a Francisco Gemello Carerio, qui anno demum 1698 ex eo itinere redux factus est, viro non modo opibus probe instructo, verum & in re omni versatissimo, & legum Doctore, Italico idiomate VI voluminibus in 8 vulgatum. In quo uti de Turcia imprimis, Persia, India, China, Insulis Philippinis & Novæ Hispania, magna cum cura egit, legesque & mores gentium, & ipsas quoque plantarum figuras diligenter annotavit Auctor, ita & distantias locorum, si quisquam alius, accuratissime designavit. Pag. 607 Anonymi cujusdam Belgæ Relatio de Regno Corea & Insula Quelpartia, quo ejectus per naufragium fuerat; quæ cum

sola sit, quæ de Regno illo exstat, (quandoquidem peregrini, qui eo delati sunt, haudquaquam iterum dimittuntur,) lectu digna futura est, si modo vera narrat Auctor, qui se singulari fato liberum evasisse refert; quod Nostri quidem editores, qui e Galli-
co sermone librum traduxerunt, in dubium non vocant. Pag. 633 Descriptio Itineris a duobus Germanis, Antonio Sepp & Antonio Behme, ex Hispania in Paraguiam regionem Americæ Meridionalis A. 1691 suscepti, in qua de urbe ejus, quæ Bonus aer (*Buenos ayres*) dicitur, non injucunda habentur: prodierat autem antea Belgice. Pag. 665 Fragmentum de Insulis Salomonis in mari Australi sitis, & A. 1695 ab Hispanis detectis, quod & Collectioni Thevenoti insertum est. Pag. 680 Historia Paraguiæ, Tucumaniz, Fluvii Argentei (*Rio de la Plata*) Paranz, Guairæ, Urvaicæ & Ciles, a Nicolao del Techo, Jesuita, qui per annos viginti quinque in eo tractu commoratus est, Latine consignata. Pag. 808 Eduardi Pelhami Narratio de octoviris in Gronelandia A. 1630 miro modo servatis. Pag. 822 Jo. Baptistæ Morini Iter ad fodinas Hungariæ A. 1615 factum, & pag. 829 Wilhelmi Ten-Rhyne Relatio de Capite Bonæ Spei & Hottentotis: uterque libellus e Latina lingua translatus. Denique pag. 846 Richardi Bollandi Delineatio Freti Herculei A. 1615 facta, variisque observationibus illustrata. Accessit singulis Tomis Index realis locupletissimus.

THE SCOTTISH HISTORICAL LIBRARY.

i. e.

BIBLIOTHECA HISTORICA SCOTICA, Exhibens brevem conspectum Auctorum plerorumque, qui scribenda Generali Scotia Historia, ad unionem usque Angliæ atq; Scotiæ, inservire poterunt. Auctore WILHELMO NICOLSON Archi-Diacono Carleolensi.

Londini, apud T. Childe, 1702, 8. Alph. 1. pl. 3.

ETIAM si exhibemus hanc Scotiæ Bibliothecam, tantum tamen abest, ut Bibliothecæ Anglicanæ, quæ eodem auctore tribus tomis, in Actis nostris A. 1697 p. 27, A. 1700 p. 245, & Suppl. T. III p. 257 ex merito commendatis, prodiit, postponi quoad ac-
cu-

curatum Historicorum recensum debeat, ut potius se ipsum in ea superasse Nicolsonius sibi videatur, eoque prætermittenda nobis omnino non sit. Non est tamen, cur in erudita præfatione diu hæreamus, in qua de Comitibus Clericorum (*convocations*) deque antiquitate jurisdictionis Archiepiscoporum, ut & Communium in Parliamentis, & rebus quibusdam aliis, contra Atterburium disputat, a quo se indignius habitum queritur. Strypii vero, qui Vitam Cranmeri scripserat, & a Nostro, ob immodicum pruritus res heterogeneas infarciendi, notatus fuerat in Bibl. Angl. T. II (unde nos quoque censuram transcripsimus Suppl. T. III p. 264) modestiam laudat, eique injuriam a se factam fatetur, atque eo nomine notatum potius cupit Hacketi librum *Loſ of A. B. Williams*, eodem fere tempore vulgatum. Tum quibus præsidii instructus ad hanc Bibliothecam scribendam accesserit, declarat. Quippe non tantum in Anglia in Longavillanam, Lambethanam item, & imprimis Cottonianam, Bibliothecas admissus est, quarum hæc refertissima monumentis Scoticis (quandoquidem ipse Johannes Cottonus e Regia Bruffiorum Scotiæ familia oriundus erat) verum & in ipsa Scotia reſeratos omnes loculos reperit; speciatim vero, quæ ab Alexandro Seton de Legum scriptoribus, & a Roberto Sibbaldo de reliquis omnis generis monumentis communicata habuit, magnopere extollit. Sed ad ipsum librum convertimur, in quo recensendo ita verſabimur, ut potissima eorum librorum habeatur ratio, qui, ex quo Acta hæc condere cœpimus, prodire, & ad nos e Scotia allati non sunt. Capite I, quod de Geographiæ, Historiæ item Naturalis, & formæ Regiminis, quod in Scotia obtinuit, scriptoribus conscriptum est, commendat primo Tacitum in Vita Agricolæ a Guilhelmo Barclajo egregie illustratum, quem obiter notat tanti æſtimatum fuisse Lipsio, ut ei calamus suum testamento legaverit. Optat autem, ut, quæ in manibus habeat laudati Sibbaldi manuscripta, nempe *Britannia Cornelii Taciti & Conſeſſanea in eam tabula Ptolomæica partem, quæ Septentrionalem Insulæ plagam deſcribit*, in lucem prodeant. Tum præter Ptolomæum & Antoninum, Nennium imprimis & Bedam in Geographicis legendos putat, Heſtorem vero Boethium diligentem quidem, sed credulum scripto-

Præf. p. 2. ſq.

p. 36.

p. 37.

p. 38.

p. 2.

p. 7.

p. 102.

- p. 11. ptorem appellat, a quo Brigantes in Gallovidia, Silures in Carricta, & Deiri in Laudonia perperam collocentur. In Leslæi Descriptione Scotiæ, æque ac in ejus Historia, singularem agnoscit prudentiam. At Camdenum ait, ob Scoticas origines non satis intellectas, nonnullorum censuras incurrisse, ut Humii, qui *Camdenæ*, & Drummondi, qui *Nuntium Scoto-Britannum* & librum Anglicum *Perspicilla Camdeno parata* reliquit, quæ adhuc in scriniis latent. Imprimis autem in Geographicis *Theatrum Scotiæ*, quod in Atlante Bleaviano exhibetur, commendat, & in eo singularem operam Roberti Gordoni laudat, cujus tamen eruditas observationes bibliopolam Amstelodamensem passim addit mutilasse, ut, quod Carolo II destinatum opus erat, posset eo aptius Cromwello A. 1655 dedicare, cui ne displicere omnino liber posset, Buchananî dialogum de Jure Regni reliquis opusculis in eo Theatro obviis præmiserit. Novum deinde *Theatrum Scotiæ* Londini A. 1691 vulgatum conscripsit Johannes Slezzer, cui idem fere accidit; nam cum figuris, quæ admixtæ sunt elegantissimæ, Latinas descriptiones subjecisset, eas mendose satis in Anglicam linguam, inconsulto prorsus auctore, translatis bibliopola publicavit. Cæterum nuntiat Noster, Johannem Adair, Hydrographi Regni Scotiæ titulo dignissimum, littorum Scotiæ descriptionem & mapas hydrographicas elegantissimas componere, & sub titulo, *Description of the Sea-Coasts and Islands of Scotland* editurum.
- p. 14.
- p. 17.
- p. 18.
- p. 25.
- p. 26.
- p. 21.
- p. 22.
- p. 27.
- p. 32.
- p. 33.
- p. 34.
- p. 36.
- p. 37.
- In Historia Naturali, præter Andream Balfour, magnopere commendatur Robertus Sibbaldus, cujus *Scotia illustrata* Edinb. 1684 f. prodiit, mox cum supplementis novis recudenda. Quantum ad Rei Herbariæ scriptores, non inficiatur quidem Auctor, Josianam Regem Scotorum a Boethio L. II Hist. Scot. herbarum perquam gnarum perhiberi, utrum autem, quod Baleus tradit, *de herbarum viribus* librum consignaverit, in medio relinquit. Multum vero extollit Jacobi Sutherlandi *Hortum Medicum Edinburgensem* Edinburgi A. 1683 editum, cujus locupletior editio indies a-vide expectatur. In Re Metallica producit Thomæ Atkinsoni manuscriptum de Metallis Scotiæ librum, & Johannis Borthwick brevem *Narrationem de Metallis & Mineralibus in Scotia. De Jure Populi* apud Scotos, primus aliquid commentatus Nostro dicitur

citur David Chambre in dissertatione, quæ libro, *Histoire abrégée de tous les Roys de France, Angleterre & Escoffe*, Parisiis A. 1579 edito annectitur, ubi populum Scoticum, ob bella cum Britannis, supremam suam potestatem in Fergum transfussisse, eumque primum Regem creasse scripserat. Quam sententiam statim biennio post Georgius Buchananus, edito Edinburgi dialogo de *Jure Regni apud Scotos*, pluribus argumentis tutandam suscepit. Verum ut primum postea Parlamentum convocatum est, A. 1584 publica censura illius decreto uterque liber notatus est. Cum itaque aliquo usque sopita controversia esset, resuscitavit eam demum Rutherfordus, & in libro *Lex Rex* Londini A. 1644 vulgato, Maxwelum alterius libri, *Sacrosancta Regum Majestas* inscripti, auctorem falsè perstrinxit, Regibus Scotiæ nec merum imperium competere, & resisti impune posse adserens. Ex adversa parte Buchananus sententiam Winzetus, Wilh. Barclajus, Johannes Weems, Jacobus Turner & Gilbertus Burnetus confutarunt. Imprimis vero erudite litem diremit vir eximius, & nobis haud semel commendatus, Georgius Mackenzie, cujus liber Anglicus *Jus Regium* Londini A. 1684 vulgatus, Universitati Oxoniensi consecratus est, quod in ea publico decreto, anno antecedente, theses quædam contrariæ fuissent damnatæ, & libri eam sententiam professi publice cremati. Porro de tractatibus Scotorum cum aliis gentibus dum agit Noster, commendat imprimis, quæ in Cottoniana Bibliotheca asservantur, volumina undecim haud exigua, pacta omnia Anglorum Scotorumque, ab initio Regni Henrici VIII, usque ad utriusque gentis unionem complexa, e quibus excerptas foederum tabulas complures in *Archivis Regiis referatis*, opere eximio, brevi, ut sperat, publicabit Rymerus, qui & reliquarum gentium cum Anglis foedera eo libro repræsentabit. In Heraldicis, præter Lyndsiæ manuscriptum, magnopere extollit laudati Mackenzie librum *The Science of Heraldry*, Edinburgi A. 1680 f. editum, cui præmisit Auctor observationes de Legibus Præcedentiæ apud Scotos. Orcadam Historiam, præter Robertum Jamesum, etiam Thormodum Torffæum & Jacobum Wallace scripsisse, vel ex Actis nostris Suppl. T. III p. 337 & A. 1701 p. 149 constat; illud tamen hic observamus, eam descriptionem, quam Jacobus Wallace fili-

p. 38.

p. 39.

p. 42.

p. 43.

p. 44.

p. 47.

p. 49.

p. 53.

- filius paulo auctiorem proprio nomine Lond. A. 1700 edidit, a patre ejus Jacobo antea, Sibbaldi suafu, ad complendum Scotiæ Theatrum elucubratam, & Edinburgi A. 1693 vulgatam fuisse. E reliquis, qui provinciarum & urbium descriptiones edidisse memorantur, unum Philopollitejum, auctorem Pseudonymum, vero nomine Skene dictum, nominamus, qui Aberdoniæ A. 1685 duos libellos, alterum *Memorials for the Government of the Royal-Burghs in Scotland*, alterum *A succinct Survey of the famous City of Aberdeen* excudit. In Capite II, Historicis Scotiæ generaliores representante, de Pictorum, Danorum item & Saxonum, quæ in Scotia supersunt, vetustis monumentis quædam præfatus Auctor, Marianum & Davidem Scotos producit, & de Veremundi aliorumque auctoritate, late disputat, nec Chronica S. Crucis Edinburgensia a Whartono in Anglia Sacra P. I vulgata omittit; de Chronicis vero Mailrosensibus obiervat, multum ea, quæ manuscripta passim extant in Scotia, differre ab Oxonii impressis, quippe in quibus ne quidem mentio fiat homagii Henrico Angliæ Regi a Malcolmo Rege Scotiæ præstiti; hinc & in Appendice num. III Johannis Jamestonii refert ad exemplar impressum annotata quædam lectu digna. Inde de Johanne Campobello, & multo fusius de Johanne de Fordun agit, cui debetur, quod vulgo vocant, *Scoto-Chronicon*. Ejus cum varia passim in Scotia exemplaria manuscripta extant, quæ sæpe a loco, in quo asservabantur, denominationem nacta sunt, factum inde esse Noster notat, ut quæ unum opus constituunt, pro pluribus fuerint venditata. Eadem enim contineri probat in *Libro nigro Sconensi*, tum *Libro nigro Paisleensi*, *Libro Caribushianorum de Perth*, & similibus. Hunc auctorem libris tribus prioribus exacte sequitur Wilhelmus Elphinston, teste Stillingfleet. De Gaweno Dowglas, quem Baleus & ex eo Voslius de rebus Scoticis scripsisse, dubium qua fide, referunt, nihil statuit Nicolsonius; ea tamen occasione miris modis commendat ejusdem *Æncida* Virgilio Scotico carmine translata, tanta elegantia, ut cum Latino exemplari certare possint; quod hoc magis mirum, quoniam versionem intra octodecim mensium spatium absolvit, & ita se accommodavit Maroni, ut verbum verbo, linea linea responderet. Johannem Majorem veritatis quam eloquentiæ, Hectorem vero
- p. 58.
p. 59.

p. 61.

p. 79.
p. 80.

p. 82.
p. 92.

p. 93.
p. 96.
p. 98.

p. 99.

p. 101. seqq.
p. 108. seqq.

Boc-

Boethium eloquentiae quam veritatis utique studiosiorem, atque illum quidem A. 1521, hunc A. 1526, utrumque Parisiis primo a Badio Ascensio vulgatum fuisse censet. De Johanne Leslæo, qui septem libris prioribus nihil fere aliud egit, quam ut Boethium redigeret in compendium, juvat Buchanani, quam e notis ejus manuscriptis Noster attulit, censuram transcribere: *Leslæus Boethii Epitomator a nonnullis censetur; cum enim, quod potuit, imitatus est. Uterque laudem suam meretur, sed neuter praestitit, quod facile potuit, si paulo plus judicii adhibuisset in describendis regionibus, ipsarumque nominibus assignandis, & in rebus enarrandis ab anilibus fabulis abstinnisset, & a maledicentia in purioris religionis vindices.* At de ipso Buchanano, cujus Historia primum Edinburgi A. 1582 f. prodit, variorum judicia hic cumulantur, e quibus aridet imprimis, quod e Roberti Gordoni Epistola quadam manuscripta adfertur, dignum utique, quod pariter cum Lectoribus nostris integrum communicemus: *Georg. Buchananius Vir in omni humaniore literatura probe exercitus, Poetarum sui saeculi multorumque praecedentium omnium consensu princeps: ille tamen ea aggressus est, qua fama ejus intererat non attigisse, & intra Poeseos limites se continuisse. Tribus primis Historia suae libris Conviciatorem agit, non Historicum; & praeter jejunam Regni nostri descriptionem (quam tamen desultoria levitate praevehitur) doctus viris nihil prestare videtur, in re antiquaria non satis instructus. Sed non hac impune tulit, a Camdeno (omnium Britanniae Antiquariorum longe primo) male habitus. Procedente Historia (ut innu-mera spalmata taceam) contra Kennethum Regem intonat horrendum &c. Ubi ad sua tempora ventum, Deus bone! jam confusa verum facio, & turbis fluctuante Regno, quam aperte in partes transit? Jam non Historicus, sed Causidicus; detorta veritate rerum, parum apud ipsum sinceri. Et haec omnia, ut unum hominem Maecenatem suum stabiliret; quem tamen, antequam, vita exiret, cruenta morte sublatum vidit. Sed non ideo refrixit inde partium studium; ut testatur egregius ille dialogus aut cento, de Jure Regni, quem extrema aetate producit: ubi illa trahat, quae perfectum Theologum & peritissimum Jurconsultum, postulant, homo ad haec impar, e scholis & ludimagistrorum se-*

p. no.

p. 112.

p. 113.

p. 118.

- rulis, in hac ardua rerum eveltus. Vapulat tamen a duobus popularibus suis, viris eruditissimis & omnis juris peritissimis, Blacwodæo & Barclajo, quorum doctissimi libri de ea re exstant. Jure sane cum eo ita actum esse, fatentur omnes, qui sine affectu illa legunt. Qui enim Centonem de Jure Regni & Historiam ejus exacte consideraveris, inveniet tractatu de Jure Regni thesui propositam; Historiam autem sic detortam, ut thesi firmitatem habeatur. Non hac refero, ut Clarissimi Viri Manibus insultem (quis enim, aut quantulus ego?) hoc enim piaculare; sed veritati obniti, aut eam celare, in rebus tantis impium. Reliquos, Dav. Chambre Buchananæ coævum, Franciscum Thynne, Jacobum Howel, cujus *Bella Scot. Anglica* prodierunt Lond. 1648, Andreæ du Chesne, Eduardum Ayicu, Johannem Monnipenny, Davidem Hume & quosdam Anonymos prætermittimus. In
- P. 123- seqq. Cap. III primum litteram eam exponit, quæ Floido Episcopo Afaphensi, qui Regiæ Scotorum familiæ decerpere nonnihil conatus fuerat, cum Sibbaldo & Mackenzieo intercessit, cui accessere etiam ab altera parte Stillingfleetus, ab altera Thomas Price. Inter Genealogicos porro scriptores memorat Wilhelmum Slatyer, qui inde ab Adamo, & Georgium Owenum Harry, qui a Noacho stirpem Regiam deduxit; sed utrumque superavit Thomas Lyte, qui certiora habet in opere Anglico eleganti, quo *Scoticam Regum familiam* a Carolo M. derivavit, egregie ob studium exquisitum a Jacobo VI ejusque filio Carolo remuneratus. Tum illi in hoc capite recensentur, qui de Regibus Scotiæ eorumque gestis sigillatim aliquid commentati sunt, e quibus recentiores aliquos producere nobis suffecerit. Equidem plerique Historici cum Buchananæ Elisabetham concubinam Roberti II, eoque Johannem nothum fuisse, antehac tradidere; quod si ita se haberet, non essent sine labe Johannis seu Roberti III posterius, & qui cum his sanguine junguntur, complures Principes alii. Eam nostro demum tempore absterfit Vir nobilissimus Tarbat, edito A. 1695 Edinburgi libro: *Vindication of Robert the Third from the Imputation of Bastardy* &c. quo anno Parisiis quoque diploma authenticum, quod ad firmandam Tarbati sententiam facit, e Collegio Scotorum prodit.
- P. 134- Ad Roberti II, qui primus Stuartus vocatus est, historiam pariter

re-

refert Noster librum *Memoirs of the Family of the Stuarts*, Londini A. 1683, vulgatum, cujus recensum biennio post in Actis his pag. 22 dedimus, ejusque auctorem, nobis illo tempore ignoratum, nominat R. Watſon, Edinburgi ante Ministerio motum, eoque affectui paſſim indulgentem. Ubi porro ad Jacobum I ventum eſt, imprimis laudat, quæ de illo & quatuor ejusdem ſucceſſoribus, in libro *Hiſtory of Scotland from 1423 to 1542*, Londini 1655, ſ. iterumque 1681, 8 vulgato commentatus eſt Wilhelmus Drummond. Magnus inde eorum numerus producit, qui vitam & geſta Mariæ deſcripſerunt, quos eo lubentius prætermittimus, quod plerique vel gratiæ, vel odio aliquid dederunt. In hiſtoria denique Jacobi VI, præter alios, Melvillii imprimis Commentarios, nobis etiam A. 1694 p. 449 memoratos, commendat. In Cap. IV poſt eos, qui de Jure Eccleſiæ Scoticæ ſcripſerunt, ſcriptores Hiſtoriæ Eccleſiaſticæ percenſet, e quibus uti Joannem Knoxum non uno nomîne notari a ſcriptoribus oſtendit, ita Joanni Spotswoodo veritatis laudem omnino tribuit, de quo juvat iterum audire Gordonum in epiſtola citata: *Fætu hic eſt acris, vividi & ſublimis ingenii, ubi candor & veritatis ſtudio eluces; narratio ſimplex, nuda, procul omni affectu. Felix iſte Præſul, non ex Scholaſticorum ſubſelliis, ſed in luce rerum & culmine negotiorum, tantis rebus dicendi par. Non tamen ad hæc ſe accinxit, niſi conſulto Rege Jacobo, qui ad hæc eum impulerat, præſatus non ſe poſſe bona fide hanc Hiſtoriam condere, niſi multorum offenſa, qui ipſi aut quorum majores laboraturi ſint. Juſſit Rex audacter pergeret & ubique veritati liaret. Quod ab illo non ſegmîter præſtitum: modeſtia tamen & manſuetudo animi toto opere lucet.* Knoxo & ejus generis aliis favere videtur D. Calderwood, cujus Hiſtoriæ Eccleſiaſticæ, quæ aliquot voluminibus exſtat manuſcripta, compendium prodiit Edinburgi A. 1678, ſ. Præter hos, reformationis imprimis Scoticæ hiſtoriam Alexander Petrie, Spotswoodo parum favens, ſub titulo *A Compendious Hiſtory of the Catholik Church from 600 to 1600* Hagæ A. 1663, £. publicavit, & Wilhelmo III, tum temporis Principi Arauſionenſi, inſcripſit, præfixis ſingulari omine Angliæ inſignibus. Omittimus e Pontificiis Thompſonum, Conæum, Dempſterum, Dav. Camerarium, Watſonum, alios. Sigillatim deinde

p. 155.

p. 159-174.

p. 175.

p. 188.

p. 194.

p. 198.

p. 203.

p. 207.

p. 210.

- Cap. V, quæ Episcopatum, Monasteriorum & Universitatum jura concernunt, pleraque manuscripta, recensentur, quæ ex ipso Auctore discere præstat. Neque minus in manuscriptis maximam partem delitecunt, quæ Cap. VI de Biographis afferuntur; ubi inter alia memoratur, Sibbaldum *Catalogum Alphabeticum Scotorum, qui de variis scientiis & artibus scripserunt post A. 1500, tum Catalogum Historicorum, Geographicorum & Politicorum, qui de rebus Scotia scripserunt*, cui accesserit *Poetarum Scotorum, qui Latine scripserunt, Catalogus*, nec non *Tractatum de Scotis, qui scriptis suis rem Medicam vel promoverint vel illustraverint*, magna industria consignasse, & Nicolsonio liberaliter communicasse, quorum operum postremum in gratiam imprimis cujusdam Galli Cattier, qui Vitas Medicorum edere molitur, collegerit. Cæterum parari nunc splendidissimam omnium Buchananii operum editionem, sub finem hujus capitis Auctor nunciat. In Cap. VII, ubi de monumentis publicis, iisque rebus, quæ ad forum pertinent, agit, non modo Eduardum I, quicquid diplomatum & monumentorum inveniri in Scotia poterat, in Angliam asportasse observat, ut fomitem rebellionis ea ratione subditis eriperet; verum & Monachos, tempore reformationis manipulatim Romam profectos, multa monumenta secum abstulisse, & demum Cromwellum reliquias fere omnes in Angliam detulisse, quæ cum in Scotiam remittendæ essent, naufragio perierint. Inde omnem fori rationem exponit, & quid sint Scotis *Charters, Signatures, Seals, Court of Chancery, Courts Ecclesiastical, Coroners, Court-Baron, Regality, Deeds of Sale, Mac-Alpine* atque ejus generis alia, tradit. Tum antiquissimum Corpus Juris Scotici, quod Londini A. 1613 Latine editum, ab initialibus vocabulis *Regiam Majestatem* vulgo vocant, considerat, ejusque auctoritatem contra Cragium defendit, & cætera quoque, quæ in illa editione adjuncta sunt, ut, *Quoniam Attachamenta: L. L. Burgorum: Statuta Gilda &c.* pro merito expendit. Porro de Aëtis Parlamenti Scotici loquitur, & fusius paulo post de libris ad praxin forensensem spectantibus (*Præctiques*) agit, ubi circa criminalia Mackenziei librum, *Laws and Customs of Scotland in Matters Criminal*, Edinb. 1678, 4, & 1699, f. editum allegat, tum cognoscendis vocabulis Juridicis Joannis Skene opus de *Verborum significatione* multum inservire tradit, & Tho-

mæ

mæ Cragi *Jus Feudale* laudat, quo libro probare autor voluit, leges Scotiæ legibus Angliæ nequaquam repugnare, eoque utriusque Regni unionem esse perfacilem. Ejusdem *de Hominio* librum elegantem, quo Scotos nunquam Anglis hominagium præstitisse asseruit, hæctenus in bibliothecis latentem, Redpathus demum, jussu Rymeri in Anglicam linguam nostro tempore transtulit, & sub titulo *Scotlands Souverainty asserted*, Londini A. 1695, 8 vulgavit. Denique & alii eodem capite recensentur, qui de unione Angliæ atque Scotiæ aliquid tradiderunt. Postremo Capite VIII de moneta Scotiæ agit Auctor, ac ante omnia observat, antiquissimis temporibus & milites propriis impensis militiam in Scotia secutos, & ignotam plane Scotis pecuniam fuisse, quippe ejus loco frumento usis aut bovina carne. Postquam inde, quo tempore primum cudi in Scotia moneta cœperit, disputasset, duo hæc diligenter notari cupit, primo, proportionem inter aurum & argentum fuisse in Scotia ut unum ad duodecim; deinde, Scotos valorem auri & argenti ad diversa trutinæ genera exigere consuevisse. Hinc aureos primum nummos considerat, in quibus pauca memoratu digna occurrunt. Uti enim in plerisque aliis insignia Scotiæ cum epigraphe *Salvum fac populum tuum Domine*, ita in Jacobi V nummis *Honor Regis judicium diligit*, in Mariæ vero *Diligite justitiam*, item *Justus fide vivit*, vel *Crucis arma sequamur*, aut *Ecce ancilla Domini*, & similes inscriptiones deprehenduntur. Singulare tamen videtur Jacobi VI numisma aureum, in quo Rex repræsentatur coronatus, altera manu gladium, altera olivam protendens, additis verbis *In utrumque paratus 1575*, in altera facie scutum Scotiæ coronatum exstat, cum inscriptione *Parcere subjeclis & debellare superbos*. Aliud ejusdem effigiem laureatam repræsentat, adscriptumque nomen, & ex adversa parte cardium sex capitum, quorum superius coronatum; appositæ sunt ex utroque latere literæ I & R, & subscripta inferius figura 6, cum lemmate: *Nemo me impune læset 1590*. Rursus aliud Regem sistit insolito pileo testum, carduoque obseptum, & in averfa leonem coronatum, sceptrum versus nubes attollentem, in quibus Hebraicis literis scriptum nomen *Jehovah*, circumscriptis verbis *Te solum vereor 1591*. Nec argenteis immorabimur, e quibus unicum producere satis erit ejus-

p. 276.

p. 277.

p. 283.

p. 288.

p. 292.

p. 293.

p. 300.

p. 303.

p. 304.

p. 325.

dem Jacobi nummum. Exhibet in altera facie scutum Scotiæ coronatum, idque literis I & R coronatis veluti subnixum, appositò nomine; in altera nudum ensen cuspide coronatum, & additam manum, extenso digito monstrantem numerum XXX, quo valor triginta solidorum designatur; additur quoque annus 1567, & circumposita, Buchanani, ut creditur, instinctu verba: *Pro me. Si mereor, in me.* Accessit ultimo loco appendix, in qua pauca quædam e manuscriptis excerpta, quorum in ipso opere passim facta fuerat mentio, continentur.

RITUALE ECCLESIASTICUM. PARS POSTERIOR.
Auctore CASPARE CALVOERIO.

Jenæ, sumptibus J. C. Kœnigii, Bibl. Gosl. 1705. 4.
 Constat Alph. 4, pl. 2 cum fig.

Quem in *priori* Ritualis hujus Ecclesiastici *partie*, mense *Julio* superioris anni p. 303 seqq. in his *Actis* a nobis recensita, tractandi modum & ordinem servavit Reverendus Calvoerius: eum etiam in *parte* ejusdem *posteriori* est secutus. Ac uti in illa ritus Ecclesiarum Evangelicarum Ecclesiasticos, qui primum in vitæ ingressu, dein in vitæ progressu, & demum in vitæ egressu servari solent, suo ubivis ordine pertractavit: ita in hac Sectione I *Loca sacra*, templa nimirum, & quæ in iis occurrunt, altaria, baptisteria, campanas, suggestum, chorum &c. Sectione II *Tempora sacra*, & in iis diem Dominicum, festa solemniora, dies Apostolorum, hebdomadaria sacra, &c. Sectione III *Personas sacras*, ut sunt Episcopi & Superintendentes, Pastores & Diaconi, Ecclesiæ Providores atque Custodes &c. Sectione IV *Ritus sacros*, qui corpore peraguntur, v. g. adorationem ad Orientem, capitis inclinationem, preces sub pileo, manuum elevationem & complicationem &c. ac demum Sectione V rationem *cantuum Ecclesiasticorum* perlustrat. Ubique vero cujusvis ritus originem, usum & abusum, uno vel altero figura quadam aenea subinde simul illustrato, evolvit.

Quo absoluto *Epilogum scriptum*, quem jam parte prima Ritualis hujus promiserat, subjungit, quo *necessitatem & utilitatem*

167

tem rituum Ecclesiasticorum, adversus eos, qui secus sentiunt, longa & gravi oratione vindicat.

Cui celeberrimi *Guilielmi Cavei*, Ishworthæ, prope Londinum, d. XI. Cal. Jun. A. M. DCCI ad se datam *Epistolam* annectit, in qua, quæ sua sit de *Presbyteri Pœnitentarii* in Ecclesia institutione, ejusque per Nectarium abrogatione sententia, Caveus, ea de re rogatus, ad Calvœrium perferibit; cujus summam hic quoque exhiberi, e re fuerit. Hunc locum, utut illico statim, si quem alium, in Historia Ecclesiastica perplexum valde, ac Pontificiorum artibus & consiliis vexatissimum esse, non diffiteatur: tamen non videre se ait primo loco Caveus, cur suspectam esse jubeat narrationem, quam de muneris Pœnitentarii abrogatione Socrates tradunt atque Sozomenus: quod Scriptores sint gravissimi & ἀξιόπιστοι, reique gestæ ferme ætate pares; & præterea Socrates testetur, se ex ipsius Eudæmonis Presbyteri, qui id consilii Nectario dederat, ore rem totam hausisse. Addi posse, hanc historiam nihil falsi, nihilque absurdi in se continere, quo in suspicionem venire debeat. Atque hinc secundo loco liquere commonet, munus Pœnitentarii diu ante Leonis M. tempora in Ecclesia viguisse. Nectarium enim A. 381 factum esse Episcopum C. P. & nondum finito seculo vitam clausisse. Nec de hoc munere, tanquam recens instituto, Historicos Ecclesiasticos loqui; sed potius, ni male meminerit, morem hunc ἐως πάλαι ab Ecclesia servatum fuisse, Socratem diserte referre. Tercio tamen neutiquam sibi verisimile videri dicit, quod Pœnitentarii munus ubique, & in omnibus Ecclesiis, sed in quibusdam tantum, iisque majoribus sedibus, Græcis præsertim & Orientalibus, obtinuerit. Quod enim de Ecclesiis Occidentalibus, & præcipue Romana habet Sozomenus, ad hanc rem minime pertinere. Et hinc forsân non incommode peti posse rationem, cur in Scriptoribus Conciliisque vetustioribus, nulla hujus muneris mentio fiat: quia videlicet non erat lex Ecclesiæ communis, sed tantum particularium quarundam Ecclesiarum singularis mos, & singulare institutum. Publico Ecclesiæ jure, solis Episcopis pœnitentes absolvere, pacemque dare, fuisse licitum. Nihilominus quibusdam in locis & casibus, non Presbyteris modo, sed & Diaconis licuisse confessiones accipere, & pœnitentibus manum reconciliatricem impo-

ne-

nere, ex Cypriano aliisque luce clarius constare. At quo tempore primum nata sit Presbyteri Pœnitentiarii institutio, non adeo constare, quarto loco non dissimulat. Procul dubio eam gradatim obtinuisse, vimque diversis temporibus nascentem. Fortasse ortam esse sub persecutione Deciana, at languide progressam; donec tempore Diocletiani, Episcopis pene ubique dispersis, & vel in exilium actis, vel carceri mancipatis, vel martyrio coronatis, maxime necessarium fuerit, ut istiusmodi munus Presbyteris quibusdam concederetur. Id quod temporis tractu nonnullis in locis continuatum, tandem in statam & solennem institutionem praxinque evaserit. Posthac abrogato demum iterum per Nectarium Presbyteri Pœnitentiarii munere, non tamen mox etiam sublatam esse censet privatam peccatorum confessionem Sacerdoti factam; sed integrum pœnitentibus relictum, Sacerdotes stimulante conscientia consulere, & ab iis sublevamen impetrare: maxime, cum nulla expressa Christi lege vel institutione ad confessionem privatam fuerint adacti. Atque inde miris, addit, strophis se torquere Scriptores Pontificios, Baronium, Bellarminum, Petavium, Valsium, Thomasinum, aliosque, ut confessionem suam auricularem factam tueantur, & cum hoc Nectarii facto concilient. At laterem eos lavare, & Æthiopem dealbare satagere. Certum enim esse, abrogato Pœnitentiarii munere, Nectarium unicuique permisisse, τῷ ἰδίῳ συνειδήτι τῶν μυστηρίων μετέχειν, ut pro arbitrio, animique sui conscientia, ad sacramentorum communionem accederent. Nec aliter hodie facere necessum esse, nisi necessitas urgeat & peccatorum stimulus gravissimus, ut pœnitentes conscientiam suam exonerent, & a Sacerdote, pro potestate ei facta, absolutionem nanciscantur. Et hunc quidem modum in Ecclesia Anglicana hucusque servari, ubi in formula Eucharistica moneantur accessuri, ut post examen factum, si quis aliter conscientiam suam tranquillare nequeat, prius Pastorem suum, aliumve prudentem doctumque verbi Dei Ministrum conveniat, eique gravamina animique sui ægritudines aperiat: qui impetrata absolutione, adhibitoque spirituali consilio, remoto omni scrupulo dubioque, conscientiam suam sanam & quietam reddere possit.

Addit tandem Calværius *Canonem Chronicum* præcipuorum

in

in hoc opere memoratorum Scriptorum, Conciliorum ac Imperatorum, ad calculos, qui Caveano de primis Christianis operi adjecti sunt, plurimam partem redactum; ut & *Indicem rerum*, quæ in hac parte altera Ritualis Ecclesiastici occurrunt.

BURCARDI GOTTHELFFI STRUVII SELECTA
Bibliotheca Historica, secundum Monarchias, Regna, Secula &
Materias distincta: accessit index auctorum &

REPERITUR

Jenæ apud Ern. Claud. Bailliar, 1704 8. constat 2 $\frac{1}{2}$ Alph.

Recensuimus in Actis superioris anni Auctoris Clarissimi Introductionem in rem literariam atque Bibliothecam Juris, quibus, uti promiserat, nunc addit Bibliothecam Historicam. Unum supra triginta capita continet, in quibustalem ordinem servat, ut ab universali Historia progressum faciat ad particularem: ab hac ad Historiæ adminicula. Caput primum quidem recenset Scriptores Bibliothecæ Historicæ, & de methodo legendi cognoscendique historias. Secundum & tertium fontes Historiarum, scriptores antiquos & recentiores Monarchiæ Assyriorum, Persarum, Græcorum & Regnorum Asiaticorum continet. Quartum Scriptores Historiæ Romanæ in statu libero; quintum Scriptores Historiæ Augustæ ordinat. Sextum de Scriptoribus Historiæ Byzantinæ agit. Septimum Scriptores Historiæ Imperatorum Germanicorum comprehendit. Octavum Scriptores Historiæ universalis. Nonum Scriptores Historiæ Gothorum, Longobardorum, aliarumque gentium barbararum persequitur. Decimum Scriptores Rerum Hebræicarum. Undecimum Scriptores rerum Orientalium. Duodecimum caput Scriptores rerum Africanarum & Americanarum explicat. A generalibus hisce, antiquis & orientalibus, progreditur ad Scriptores Historiæ particularis, quos secundum regna distinxit, ita ut capite decimo tertio agat de Scriptoribus Rerum Portugallicarum atque Hispanicarum, decimo quarto de Scriptoribus Regni Gallicani & Navarreni, decimo quinto de Scriptoribus Rerum Belgicarum, decimo sexto de Scriptoribus Rerum Britannicarum. Prolixius deducuntur Scriptores Historiæ Germanicæ, quibus diutius inhæret Auctor. Caput decimum septimum quidem

Y

dem

dem Historiæ Germanicæ generalis Scriptores examinat, ubi simul de his qui de Historia Archiepiscopatum, Episcopatum, Abbatiarum, Monasteriorum scripserunt, agit. Decimum octavum Scriptores Rerum Austriacarum cum adnexis provinciis: decimum nonum Scriptores Rerum Ungaricarum, Bohemicarum & Silesiicarum comprehendit. Caput vigesimum Scriptores Rerum Borussiae & Brandenburgicarum cum provinciis annexis; vigesimum primum Scriptores Historiæ Bavaricæ & Palatinæ; vigesimum secundum Scriptores Historiæ Saxonicæ; vigesimum tertium Scriptores Historiæ Brunsvicensis & Lüneburgensis; vigesimum quartum Scriptores Historiæ Principum Germaniæ; vigesimum quintum Scriptores Historiæ Comitum, Civitatum Imperialium, Circulorum & Provinciarum Imperii Romano-Germanici proponit. A Germanica Historia per Helvetios, quorum Scriptores capite vigesimo sexto exponit, transit capite vigesimo septimo ad Scriptores Historiæ Italicæ, atque ab his pergit ad eos, qui historiam regnorum Septentrionalium Daniæ, Sueciæ, Norvegiæ, Poloniæ, Moscoviæ atque Lithuanicæ explicarunt, quos tribus capitibus absolvit. Ultimo demum capite exponit Scriptores, qui Introductionem in Historiam Regnorum dederunt, Geographicos, Chronologicos, Heraldicos, illos, qui de Ordinibus equestribus egerunt, vel Calendaria atque Dictionaria Historica publicarunt. In singulis capitibus, maxime vero in Monarchiarum descriptione, antiquiores a recentioribus distinxit, Universalis vero Historiæ Scriptores secundum secula, quibus vixerunt, proposuit. In Particulari Historiæ Scriptoribus ordinem servavit propositæ materiæ convenientem, ut præmitteret semper illos, qui ad chorographiam, statum regni ejusdemque provinciarum naturalem, mores & naturam incolarum faciunt. Hos insequuntur qui originem gentis, historiam regni vel universalem vel particularem, regum successione, bella, particulares etiam eventus descripserunt. Tertia pars politica est, in qua Scriptores de forma & statu regiminis, ministris præcipuis, interesse publico, Statu ecclesiastico, re nummaria, insignibus, aliisque politicam doctrinam concernentibus, agentes exponuntur. De potioribus Scriptoribus, brevi addito indicio censet, quid in quovis commendandum, quid

vitio vertendum, declarans: reliquorum vero mediocris notæ Scriptorum nomina, atque librorum titulos solum adduxisse contentus.

CHRISTER. WÆCHTLERI, D. DE CANCELLARIIS VETERUM Commentatio.

Dresdæ, apud Jo. Mich. Funck 1705. in 4. plag. 5.

Gratulaturus Perillustri atque Excellentissimo Domino Gvolff. Siegfrido a Kötteriz de moderno Vice-Cancellariatu per Saxoniam Electoralem, commune propemodum assertum virorum etiam eruditorum, non fuisse adeo magnæ dignitatis Cancellariorum officium sub præcis Imperatoribus, discutiendum sibi sumfit celeberrimus Autor. Discernendam scilicet dicit primam vocis significationem ab ea, quæ postmodum fuerit imposita, & a priore illa toto genere recedit. Corticem retinuisse illud nomen, reliquis omnibus absorptis. Incaute vero non paucos scriptores ipsum munus Cancellarii hodiernum tribuere vocabulo adhuc rudi, neque jam tum elaborato. Inprimis fecisse hoc Petrum Pithæum, & verbis Flavii Vopisci in Vita Carini non parum abusum, neque quicquam huc pertinere vel locum Sidonii Apollinaris, (cujus etiam lectio tentatur) vel plura alia loca Cassiodori, quæ singula excutiantur. Tum vero Edictum Turcii Aproniani, Præfecti Urbi, neque ad Carini mentem, neque ad Cassiodori spectare, & penitus turbari ordinem temporum. Exhibere istud Gruterum, & Jacobum Gothofredum ad C. Theodosianum, de Suariis &c. cujus partem liceat adjiciamus: *Ratio. docuit. utilitate. suadente. consuetudine. micandi. summo. sub. exagio. potius. pecora. vendere. quam. digitis. conludentibus. tradere. . . ut. quantum. caro. occisi. pecoris. appendat. & emptor. norit. & venditor. commodi. omnibus. & preda. damnata. quam. tribunus. officium. CANCELLARIUS. & Scriba. de. pecuariis. capere. consueverant. quæ. forma. interdicti. & dispositionis. sub. gladii. periculo. perpetuo. custodienda. mandatur.* Quæ non ex verbis Agathizæ modo, sed & libris Basilicæ atque Novellis, ita illustrantur, ut ad tempora recentiora fiat simul descensus, maxime etiam ad periodum Caroli M. cum aliqua tamen censura Gul. Budæi, quasi

Y 2

per

per illum titulus hic tantam, quam habet, acceperit amplitudinem. Qua in re rectius senserit Spelmannus: a quo tamen rursus recedit alicubi Noster. Sensus utique crevisse eam auctoritatem, atque clericis adhæsisse primum, qui quunt Quæstiores sacri Palatii vocari nollent, temperamentum in vocabulo humili quæsierint. Hieronymum autem Cancellarii munere apud Damasum fuisse functum, minus bene dici seculo quarto, facta collatione cum stylo seculi tertii exeuntis, apud Fl. Vopiscum. Damasum enim ad ipsum Hieronymum scribere: *epistolas tuas tota aviditate legi atque descripsi*. In iis autem de Scripturis interrogare Damasum, respondere Hieronymum; forte tunc non amplius juvenem, quod Erasmo placuerit. Venisse enim illum Romam anno CCCLXXXII, regressum tertio statim anno, defuncto scilicet Damaso, in Syriam, & Romam amplius non vidisse. Si igitur ponamus, Hieronymum fuisse natum anno CCCXXIX, utique habuisse virilem ætatem; nisi quod in inveniendi ipsius natali mire variant Scriptores, Prosper, Spondanus, Antonius Pagi, Henricus Hammondus cum Blondello, a quibus omnibus seorsim sentiat Jo. Cinellius. Digniorem autem cura sua iudicavit Autor lapidem repertum in Catalonia:

HIC NATUS DAMASUS PONTIFEX ROMANUS
DISCIPULUS ET MONACHUS S. HIERONYMI
PRESBYTERI, QUI OBIIT ERA CAESARIS CCCCV.

Sensum illius ita explicari ab aliis: auctorem fuisse Hieronymum certi ordinis Monachorum, & illam regulam amplexum, etiam Damasum in supremo apice dignitatis Pontificiæ. Quæ cum excludantur, Nostro potius videtur suggillari familiaritas, quæ Damaso cum Hieronymo per triennium non integrum intercefferit. Omnes quidem Epistolas, quæ utrique tribuuntur, non esse genuinas, nec tamen etiam omnes spurias. Postquam igitur tot seculorum lapsu novum omnino vocabulum videretur procusum, certasse Politicos cum Episcopis in ambiendo titulo Cancellarii. Ubi transitus sit ad tempora Damasi II Pontificis, & Regum Francorum, tandemque inquiruntur incunabula primæ & hereditariæ fundationis trium Archi-Cancellariatuum Imperii, secundum Capitularia & diplomata, quæ abunde producuntur. Neque potuit

tuit censuram hic evitare Lehmanni Chronicon, ac suo modo Onuphrius Panvinius, Limnæus. Sequuntur Diplomata recentiora, & innuitur, rem totam actam fuisse per consensum Ecclesiarum Germanicarum cum Romana. Cui eximiam Bodinus dicam scripserit in laudem gentis suæ: *se XXX regni Gallie Cancellarios ex antiquitatibus commemorare posse, qui in Cardinalium cœtum aut in collegium Pontificum fuerint cooptati sed posterioris ætatis prudentiam prævidisse, quam periculosum illud esset Reipublica, ideoque ad civilem ordinem summam dignitatem regni sui deduxisse*: Fluctuante hic iudicio Mallincroti. Ab isto charactere Cancellariorum civilium deflectit Autor ad Cancellarios Academiæ, ac de Academia Pragensi in medium profert privilegium Innocentij Pontificis integrum ex codice MS: in quo continetur præter alia, etiam copia privilegii Studii Bononiensis, a Theodosio indulti sub anno CCCCXXIII. Eaque occasione regreditur ad alloquium Per-Illustris atque Excellentissimi Domini Vice-Cancellarii Nostri moderni: cujus non tam anni, & non tam honores, quibus in aula Saxo-Numburgensi jamdiu cumulatus, quam ipsa divinitas genii ex uno Consilio sanctiore in aliud, æque aut magis adhuc sanctum, visa hæctenus fuerit festinare. In additionibus autem occurrunt observationes una plures; qualis illa de Marcellino Comite, quæ ex verbis incertis Cassiodori, perperam opinati quidam sint, fuisse Cancellarium Justiniani adhuc patricii, Aubertus puta Miræus, Nicolaus Alemannus, Guil. Caveus. Simili lapsu Mæcenatem vocari Cancellarium Augusti, & vestigia ejus rei Pancirollum quævisse in Horatio. Porro notatur Carolus du Fresne, & Jo. Jac. Hoffmannus, quod neque Cassiodori ætatis, nec alias temporum rationem habuerint. Itidem peccasse hic Renatum Choppinum & Andreæ Schottum, atque iterum Hoffmannum, & Maillonium. Ac post hos denuo Du Fresnium, circa locum Mauricii: cui alium surrogat Noster, & neutrum de capta S. Martini accipiendum existimat. Quumque toties laudatus hic fuerit Cassiodorus, eo etiam nomine commendatur Nostro, quod & sacrorum librorum curam non minus habuerit. Ac de Epistola quidem ad Romanos non esse dubium: Homilias autem Chrysostomi ad Hebræos fecisse in Latinum transferri per Mutianum. Si-

militer Clementem Alexandrinum in Petri I, Johannis I & II & Jacobi, itidem per alios. Præterea non ipsum, sed amicos ejus Homilias Chrysostomi in Actus Apostolorum transtulisse, fatente Cassiodoro Divinarum Institutionum capite nono: nisi quod Triconio Donatistæ in Apocalypsin tantum in bonis dictis *Χρυσόμων*, in malis *Ἀχρεῶν* ipse affixerit, quantum transiens repperit. Breves vero illas explanationes, quarum fiat mentio in præfatione de Orthographia, aut non extare censet, aut non esse Clementis Alexandrini, sed ipsius Cassiodori. Et hæc quidem hæctenus inter præsentis Autoris curas forenses.

EMMENOLOGIA: IN QUA FLUXUS MULIEBRIS
Menstrui Phenomena, Periodi, Vitia, cum Medendi Metodo, ad
Rationes Mechanicas exiguntur. Auctore JOHANNE
FREIND, M. B. Ed. Christi

Alumno.

Oxonix, e Theatro Sheldoniano, A. 1703, in 4to.

Constat Alphab. 1 pl. 4.

Qui Naturæ vestigia fideliter legunt Physici pariter ac Medici, abdita ejus eruunt felicius: neque enim ulla ratione vel modo corporis humani affectiones innotescunt planius, ac si leges eas, quas suis motibus præscripsit Natura, sedulo consulamus. Hanc ipsam in explicandis Naturæ arcanis viam singulari cum industria ac laude sequitur Clarissimus præsentis Emmenologiæ Auctor Jo. Freind. Non nescius enim, quam infelicitè cesserit hæctenus plerisque, qui, de Mensibus ad nauseam usque scripserunt, dum ingenio suo abrepti, suorum potius somniorum, quam naturæ fuerint interpretes: operam suam haud male collocasse ratus est, si Mensium naturam paulo accuratius explicare aggrediretur, deducta ab elementis mechanicis eorum theoria. Capita, quibus absolvitur tractatus elegantissimus, in universum sunt XIV. I. de purgationis Menstruæ natura, II. de variis circa hanc materiam opinionibus, III. de plethoræ causis, & quare fiat in foeminis, IV. de structura uteri & vaginæ, V. de modo, quo Menses movet plethora, VI. de Argumentis contra plethoram, VII. de pe-
 rio-

riodis, VIII. de phenomenis, IX. de iis, quæ aut citius cient, aut diutius retardant menses, X. de symptomaticis, quæ a suppressis mensibus oriuntur, XI. de methodo in suppressis mensibus therapeutica, cui subnectuntur historæ, XII. de symptomaticis, quæ a mensium fluxu immodico oriuntur. XIII. de methodo in fluxu mensium immodico therapeutica, cui itidem adjiciuntur historæ. XIV. de remediorum viribus & operatione. Notatu digniora ex singulis sunt sequentia:

Plethoram cum Galeno statuit mensium causam, eandemque a perspiratione impedita dependere persuasus est Clarissimus Auctor. Minor enim in fœminis materiæ perspirabilis secretio, ob minorem sanguinis velocitatem, quæ ex pulsu, & capillarum vaporum angustia, quæ ex textura in sexu sequiori delicatula probari potest, observatur. Cap. III.

Aortæ truncus descendens multo amplior in fœminis, quam in viris, ut non modo ad musculos excludendo sœtui inservientes, sed ad uterum etiam major sanguinis quantitas deferatur; quæ vasorum capacitas & multitudo facit, ut non alium, nisi per uterum, sibi exitum quærant menses. Cap. IV.

Cum eousque increbuerit sanguinis momentum, ut ei oppugnando vasa minime sufficiant, locum facile cedunt, ut per ipsorum tunicas sanguis erumpat; vasa vero uterina, utpote carne parum suffulta, ad cedendum sunt facillima. Suum etiam in hoc negotio confert symbolum valvularum in venis uterinis defectus; nihil enim, hoc supposito, obstat, quo minus sanguis omnis, qui in ramis amplioribus continetur, retro versus capillarum angustias corruat, & tenella orificia ita premat, ut impulsu quovis dissiliant. Cap. V.

Qui negant plethoram esse mensium causam, nihil probant, dum gracilissimas etiam fœminas per uterum purgari opponunt. Has ipsas enim sanguine præ obesis exuberare, Galenus jam suo tempore novit, & quotidiana confirmat observatio, in lactantibus gracili corpore præditis, menstrua solenniter fere celebrari. Quod si tales a plethora ipsa suppressionem mensium gigni asserant, fallaciam non causæ ut causæ committunt; neque enim plethoræ tunc, sed sanguinis lentori potius eadem adscribenda. Cap. VI.

Ratio periodorum, quæ in mensium fluxu observantur, hæc est: quantitas sanguinis mense quolibet evacuati cum sit circiter unciarum

viginti, totius massæ sanguineæ est pars fere decima; hac igitur sanguini accessione facta, sub fine cujusque currentis periodi momentum sanguinis erit decima parte fortius, singuli porro in corpore canales decima parte prementur magis & distenduntur: ita canales pressionem die uno aut altero ante fluxum nona parte adauctam sustinere possunt, decima vero accedente, locum cedunt, uti lancibus ad æquilibrium perductis, si quid ultra adjicias, præponderat. Menstruis igitur fluentibus, vasa omni eo sanguine, qui plethoram constituit, deplentur, cessantibus vero, ad consuetum corporis pondus redeunt mulieres: unde iterum deficiente perspiratione, necesse est, ut intra idem tempus eadem accumuletur sanguinis redundantia. Quod si detur, vasa sanguinea ab hujusmodi plethora semel dirumpi posse, sequitur omnino, si similis mense quolibet redeat plethora, eundem etiam fluxum reverti debere: deficiente vero in foemina perspiratione, abunde sufficit intervallum menstruum, ut plethora talis increbrescere & accumulari queat.

Cap. VIII.

Quod menses communiter ultra septimum septenarium non persistant, a mutatione fibrarum evenire statuitur: in senectute enim hæ ipsæ non modo rigidæ magis & renitentes fiunt, ut a sanguinis momento perfringi nequeant, sed capillarium oscula etiam, ex quibus fluere consueverunt menses, continua tandem cicatrice, quasi callo ita obducta sunt, (quemadmodum in hæmorrhoidibus sæpius incisis contingit,) ut per ea nullus ultra sanguini pateat exitus. Adeo menses tandem deficientibus, alia in corpore secretoria assuetudine continua ita se tandem comparabunt, ut plethoram, quæ mense quolibet coærvatur, accipere ac deplere possint.

Cap. X.

Causam suppressionis mensium, vel a vasorum vitio, vel a plethora cum lentore conjuncta, deducit Clarissimus Autor. A vasorum vitio suppressionem venisse, signum diagnosticon habetur, si adsit dolor circa uterum tensivus, venarum tumor, faciei color floridus; quod magis adhuc certum, si fortius insimul increbrescat pulsus. A plethora excedente autem sanguinis qualitas vitari ac lentore gravari potest, partim, quia in tanta sanguinis copia particulæ ejus in angustius spatium coguntur, adeoque facile coalescunt, partim, quod ob intumesceniam fibrarum, motus cordis imminuatur, partim, quod in tali statu, absumptis per reliqua

cor-

corporis secretoria tenuioribus & aquosis sanguinis particulis, spissiores remaneant. In curanda mensium suppressione, venæsectio non nisi præmissis purgantibus atque emmenagogis suadetur. In his enim, cum ea sit operandi ratio, ut humores viscidos dissolvent atque attenuent, sanguis jam ante comminutus laxiusque coherens, copia detracta, facilius dimovetur, & fortius momentum concipit. Igitur triduo ante consuetum tempus secatur vena, ut tum præcipue novus sanguini accrescat impetus, cum augmenti summam attigerit plethora. Quoad locum, ubi vena secanda, cum citra lentorem sanguis exuberans vasorum vitio restrictus fuerit, saphæna eligitur, quia a vena cava pariter, ac illa, quæ circa talum est, ducit originem: adeoque cum fluido largius influente major sit vasorum distensio, facilius aperietur sanguini menstruo egressus. Interdum tamen præstat venam in brachio prius, & deinde in malleolis aperire: diminuta quippe per venam in brachio sectam sanguinis copia, augetur velocitas, postea vero, aperta saphæna, sanguis ad interiora se præcipitat, & auget eam, quæ ad vasa uterina continuo incrementum accrescit, plethoram; unde aucta plethora & velocitate, augetur etiam ad ipsorum latera sanguinis momentum. In Historia prima, quæ capiti XI. annexa, de cathartico-rum inconstanti operatione hæc est Clarissimi Auctoris opinio: in iis, quibus patentiora sunt lacteorum oscula, sive id a natura, sive vitio aliquo provenierit, ita, ut medicamentum omne in sanguinem facile transmittant, alvus minus movetur: in iis vero, quibus artius coalescunt, aut obstruuntur lactea, ita, ut pars cathartici maxima in intestinis subsistat, stimulus ad tunicas validior est, & proinde crebrior alvi dejectio. Historia ejusdem capitis V. sœminæ mentionem facit, quæ ex mensium suppressione omnium maxime quesita est de abdomine: in intestinis quippe sensit tormina quasi colica, in ventriculo gravitatem, inflationem & nauseam, &c. Sussit Clarissimus Auctor emplastrum, quod humores resolveret, & doloris vehementiam sopiret:

R̄ Empl. Hyster.

de Galban. à q. f.

Opii, Camphoræ à 3ʒ.

M. F. Emplastr. Hoc emplastro sub noctem adhibito, post aliquot horas vehementer incalcescebat mulier, & humorum quan-

Z

dam

dam quasi inter se luctam sibi visa est sentire: postero vero mane prorsus evanuit in abdomine dolor, & dissipata sunt tubercula, cuius rei rationem reddit sequentem: Camphoræ & opii particula tenuitate sua intra vasorum poros se insinuant, ibique lentis humoribus, quorum vitio oriuntur dolores & tubercula, commistæ, eos ita incidunt & exagitant, ut sanguinis globuli non ultra ad oscula arteriolarum hæreant, sed jam in minima divisi vel in venas trajici queant, vel perspiratione foras extrudi. Ita penetrans reperitur opii & camphoræ vis, ut nullum fere sit (si cantharides excipias) remedium, quod externe adhibitum cutim promptius pertranseat & viam sibi in sanguinem aperiat: adeo parum se ostendit ignava illa & frigida qualitas, quam iis plerique solent asingere. Fluxum mensium nimium facile excipere fluorem album, communis est observatio. Ratio ex mente Auctoris hæc est: si uteri tonus vacillet, glandularum, quæ internæ ipsius tunicæ interseruntur, adeo dehiscunt oscula, ut lympham suam in uterum copiosius effundant, ea vero continuo foras stillante, orietur morbus ille, qui appellatur fluor albus. In relictâ post abortum placentæ portione, a biennio intus retenta, sequentem probatamprehendit mixturam:

R. Tinctur. Croc. *

Laud. liqu. Sydenh. à ʒij.

Camphor. in Sp. Vin. ʒβ. dissol. ʒj.

Cap. XIV.

M. D. ad guttas quadraginta sæpius de die; quo remedio ita spiritus resecti sunt, ut post diem unum & alterum, illa placentæ portio graveolens & plane putrida exclusa, omnisque dolor, & tandem etiam nimius mensium fluxus sopitus fuerit. De emmenagogis eorundemque operandi ratione & modo ita sentit Clarissimus Auctor: cum partium tenuium sint & maxime penetrantium omnia illa, quæ jure emmenagoga appellantur, molem sanguineam ita incidunt & comminuunt, ut minor sit globulorum inter se contactus, & proinde compages rarior: sanguis vero ad hunc modum attenuatus, non modo spatium amplius intra canales occupat, sed spiritus etiam nervis ubiores sufficit; unde iterum corde vehementius contracto, fortiore impetu per arterias circulatur. His
au-

antem attenuandi viribus menses pellentia instructa esse, confirmare satagit:

1. Per effectus sensibiles ex sapore acri & amaro, odore fragranti, salis vol. indice, pulsus incitatione, colore aucto & diaphoresi, patentes.

2. Per commixtionem emmenagogorum cum sanguine adhuc tepente, ex qua si color floridus & fluiditas tenuior emergat, de attenuandi ac dissolvendi viribus dubitari non posse, persuasus est. Neque tamen ideo tincturas eas, quæ spiritu vini extrahuntur, ex numero emmenagogorum excludit, licet sanguini coagulum inducant: ipse enim spiritus vini eas in se continet particulas, quæ in spiritus animales facile migrare possunt; spiritibus vero in cor uberius influentibus, inducitur illa sanguini rarefcentia, quæ ad ciendos menses satis efficax, cum a valis præduris nimiumque renitentibus, ortum duxerit suppressio.

3. Per confusionem emmenagogorum cum syrupo violarum, unde color viridis aut viridi affinis, salis alcalini index; alcalicorum autem eas esse vires fatentur omnes, quæ coagulum sanguinis resolvant.

4. Per injectiones in venas jugulares vivi animalis syringa institutas, quibus non minus vis emmenagogorum attenuatrix ad oculum demonstratur.

Adstringentium operationem quod attinet, ea non modo in fibris vellicandis & contrahendis, sed & in humoribus coagulandis incrassandisque sita est. Sanguinis igitur particulis condensatis, & arctius inter se coherentibus, imminuitur velocitas, non modo, quia parcius fit spirituum secretio, sed quia ea est humorum resistentia, ut difficilius a corde protrudi queant. Velocitate vero languente, ita deficit sanguinis momentum, ut canales minus jam distrahat, eorumque viribus contrariis impar evadat. Ita in sanguinis debilitate tonum suum recolligunt & coalescunt vasa. Quæ de adstringentibus theoria, non minus ac ea de emmenagogis, argumentis atque experimentis solidis a CL. Auctore confirmatur.

Antequam recensionem hanc finiamus, non possumus, quin illam, quam de hydrargyri & chalybis viribus fovet theoriam,

brevibus allegemus. Et hydrargyrum quidem, partium tum gravitate, tum tenuitate, coherentiam sanguinis ita diffingere & segregare statuit, ut humoribus plurimum attenuatis, major fiat spirituum secretio, & vis cordis fortior; quod satis confirmari salivatione persuasus est, in qua pulsus ita frequens & validus observatur, ut ad febrilem pene accedat. Etiam peracta salivatione, sanguinem tenuem admodum & rarum relinqui, testatur experientia. Itaque restrictis mensibus nunquam feliciter succurritur, quam cum alterantibus per vices interposita sunt purgantia Mercurialia. Etiam continuum Æthiopis mineralis usum, non modo tutum, sed & efficacem semper comperit. Chalybem ex iis esse docet Clarissimus Auctor, quæ spiritibus quasi cognata sunt; quod satis ostendere pulsum, chalybeatorum usu vehementer increbrescentem, existimat. Nam non solum gravitatis momento, sed & attenuandi ac rarefaciendi virtute chalybs pollet. Et hinc facile innotescet, quomodo, uti vulgo fertur, & vasa obstructa aperiat, & nimis laxa restringat: quæ quidem in agendo vires plerisque non contrariæ modo, sed & inexplicabiles videntur, cum tamen, vasis obstructione liberatis, eorum latera adstringi sive contrahi necesse sit. Fibrae enim, quæ, dum sanguis stagnaret, relaxatae sunt, nunc remoto omni obstaculo, vim suam naturalem exercent, h. e. elasticitate forti sese tono suo restituunt, & statum contractilem recuperant. Et tonum quidem roborat chalybs non modo, quia vasa obstructione expedit, sed quia spiritus etiam, uti dictum est, uberius sufficit: a quibus pendet omnis librarum contractio.

JOANNIS RAI, SOCIETATIS REGIÆ SOCI, Historia Plantarum Tomus Tertius, qui est Supplementum duorum præcedentium. Accessit P. GEORGII JOSEPHI CAMELLI Historia Stirpium insula Luzonis & reliquarum Philippinarum, item D. JOSEPHI PITTON TOURNEFORT Corollarium Institutionum Rei Herbariæ.

Londini, apud Samuellem Smith & Benjamin Walford, 1704. fol.
Constat Alph. 10. plag. 11.

Flo-

FLorent per Dei gratiam artes hoc tempore omnes ac scientia,
nec defunt uspiam, qui excolendis iis strenuam operam maiore
indies cum fructu impendant: nec mentiemur tamen, si dixerim-
us, Botanicum inprimis studium, admirandæ curiosorum homi-
num cujuscunque gentis ordinisque industria, ad summum hacten-
us provectum esse fastigium. Cum anno 1686 & 1688 Clarissi-
mi Raii Historia generalis Plantarum (cujus Tomum I in Actis his
A. 1687 p. 105, alterum Tomo I Supplementorum p. 111, uti editam
jam ante Methodum Plantarum Novam A. 1683 p. 184, pro instituti
nostri modulo recensuimus) primum prodisset, opus illud crede-
batur numeris omnibus absolutum: & tantillo tamen annorum,
qui ex eo tempore lapsi sunt, spatio, tantus plantarum tum non-
dum cognitarum, in omnibus orbis partibus certatim detectarum,
numerus innotuit, ut novum jam magni sui operis tomum, velut
priorum supplementum, adornandi publicique faciendi juris neces-
sitatem impositam sibi, diligentissimus Raius censuerit. Enimvero
vel in Actis nostris e libris, qui hoc intervallo prodierunt, haud
paucos indicatos meminimus, veluti *Horti Malabarici* volumina
sex posteriora A. 1688 p. 479, & 1697 p. 533: *Pauli Hermanni* Floræ
Lugduno-Batavæ Flores, A. 1691 p. 217, ejusdemque Paradisum Bata-
vum A. 1697 p. 237: *Josephi Pitton Tournesort* Elementa Botanices
A. 1693 p. 509, & Institutiones Rei Herbariæ A. 1701 p. 347, Corollarium
t. em hujus anni mense Martio p. 138: *Caroli Plumier* Descriptionem
Gallicam Plantarum Americæ A. 1694 p. 461, & Nova Plantarum Ameri-
canarum Genera A. 1703 p. 517: *Leonardi Plukenetii* Phytographiam A.
1691 p. 493, & A. 1693 p. 311: *Pauli Bocconii* Museum Plantarum rariorum
Siciliæ, Maltæ, Corsicæ &c. Supplem. T. III p. 98: *Roberti Morisoni* Plan-
tarum Historiæ Universalis Partem III A. 1702 p. 477: *Joannis Com-
melini* Rariorum Plantarum Horti Medici Amstelodamensis De-
scriptionem & Icones, A. 1698 p. 128: *Abrahami Muntingii* Curio-
sam Descriptionem Plantarum Belgica lingua editam, A. 1697 p. 546:
Augusti Quirini Rivini Introductionem generalem in Rem Her-
bariam, A. 1690 p. 265, Ordinemque Plantarum flore irregulari mo-
nopenetalo, A. 1690 p. 267, item Ordinem Plantarum flore irregulari tet-
rapetalo, A. 1692, p. 273, nec non Ordinem Plantarum flore irregula-
ri pentapetalo, A. 1701 p. 95: *Olavi Rudbeckii*, *Patris & Filii*, Cam-

pi Elyfii Librum secundum, magni operis partem infelicibus auspiciis publicatam, A. 1702, p. 374: *Joh. Georgii Volekameri* Floram Noribergensem, seu Catalogum Plantarum Agri Noribergensis, A. 1700 p. 526 &c. * Tacemus tot plantas aliunde recens advectas, quæ Societati non minus Regiæ Anglicanæ, quam Academiæ Regiæ Scientiarum Parisiensi subinde communicantur, & tum in Anglicanis Actis Philosophicis, tum in Joh. Bapt. Du Hamel & Fontenelli Historia dictæ Scientiarum Academiæ, omnium notitiæ exhibentur, additis, in hac præsertim, curiosis præcipuarum plantarum utilissimisque analysibus. Ex tanto igitur apparatu, quin novum decus & ingens augmentum Botanico suo operi Raius celeberrimus adjecerit, quis dubitet? edito tertio hoc volumine, quo præter plantas nonnullas in prioribus per incuriam aut oblivionem omittas, species illas novas omnes proximis annis demum in lucem productas, & ex tot scriptis non sine molestia cæteroquin colligendas, complectitur. Nec existimandum, ex solis libris, publico omnium usui expositis, suppetias Auctori provenisse, sed additas insuper stirpes plurimas nondum descriptas, sed ab Amicis communicatas. Quo nomine (nec enim ignorari debent, qui institutum laude dignissimum promoverunt) in Præfatione triumviros comprimis laudat, *D. Hans Sloane*, qui Historiam manuscriptam stirpium Jamaicensium locupletissimam, nec non plures plantarum centurias a peritissimis Botanicis, *D. Vernon* & *D. Krieg*, in Marilandia collectas, benevole sibi communicaverit: *D. Jacobum Perrier*, Pharmacopœum Londinensem, Virum, si quisquam aliis, ex toto orbe conquirendarum stirpium exoticarum studiosissimum, qui plurimis novis & raris, imo insolitis & admirandis speciebus opus hoc suum ditaverit: & *D. Guilielmum Sherardum*, qui ultimum illi complementum adjecerit, bis mille stirpium nondum editarum auctario sponte & generose collato, schedas etiam suas, antequam typis committerentur, rogatu suo diligenter perlegerit, curaveritque, ut rite omnia cohererent. Neque tacet, suas etiam symbolas triumviros alios, *D. Tancredum Robinson*, *D. Edwardum Lbryd*, & *D. Samuelem Dale*, perficiendo operi contulisse.

Reliquum est, ut de Appendicibus subjunctis pauca dicamus. Primo loco *P. Georgii Josephi Camelli* Herbarum aliarumque stirpium

pium

pium, in insula Luzone Philippinarum primaria nascentium, Syllabus compareret. Auctor, natione Brunensis Moravus, Manilæ, istius insulæ metropoli, hodieque degit, & Societatis Jesu, cujus membrum est, Pharmacopœi munere fungitur, qui propria manu plantas in illa insula obvias descripsit ac delineavit, earumque partem magnam ad Raium nostrum benevole transmisit, præsentî Syllabo comprehensam, quam invidere Noster nec aliis sustinuit. Sequuntur Plantæ novæ a *D. Josepho Piston Tournesort* Aquæ-Sextiensi observatæ in Orientalibus regionibus, & in Corollario Institutionum Rei Herbariæ (de quo nuper admodum mense Martio pag. 138 diximus,) nominetenus traditæ; ita tamen, ut cum apud Tournesortium ipsum eo ordine, quo ad plantarum species in ipsi Institutionibus Rei Herbariæ antehac propositas referri quæque debet, exhibeantur, hic in ordinem alphabeticum redactæ sistantur. Quibus denique Plantæ etiam a *D. Gulielmo Dampier*, in Brasilia, Nova Hollandia, Tumor & Nova Guinea observatæ & collectæ; nec non Plantæ Spitzbergenfes, a *Frederico Martens* in Itinerario suo descriptæ; Plantarum item rariorum, a *Caspere Commelino* in Præludiis Botanicis recensitarum, Descriptiones; & *Jac. Petiveri* Plantæ rariores Chineses, Madraspatanæ & Africanæ, cum ejusdem Catalogo Plantarum in hortis suis siccis conservatarum, & Farragine plantarum quarundam Indicarum & Americanarum ineertæ sedis, subjiuntur.

Γ Ε Ο Π Ο Ν Ι Κ Α.

GEOPONICORUM, SIVE DE RE RUSTICA LIBRI XX. CASSIANO BASSO Scholastico Collectore. Antea Constantino Porphyrogeneto a quibusdam adscripti. Græcæ & Latine.

Græca cum MSS. contulit, Prolegomena, Notulas & Indices adiecit PET. NEEDHAM A. M. Coll.

D. Joannis Cantabrig.

Socius.

Cantabrigiæ, typis Academicis, impensis A. & J. Churchill, Bibliopolarum Londinensium, 1704.8.

Constant Alph. 1½.

E majonibus Græcorum scriptorum de Re Rustica voluminibus, excerpta sunt hæc nostra, quæ exhibentur, Geoponica, non semel

mel equidem a viris doctis publici juris facta. Quoniam vero melior, quam quo ornati erant hactenus, ea decebat habitus, cumque reliquæ hæ solæ, de hoc argumento Græco sermone scriptæ, deperditis ipsis, ex quibus depromptæ sunt, monumentis, ad nos usque perduraverint, & spes nulla amplius affulgeat, fore, ut ex bibliothecis Italiæ & doctorum virorum oculamentis, ipsa Florentini, Heronis & aliorum Geoponica aliquando excutiantur, trium annorum studium novæ horum fragmentorum editioni adornandæ ut consecraret, amicorum hortatu induci se Clarissimus editor Petrus Needhamus passus est, ut æque nitide & emendate, ac Latini de Re Rustica Scriptores toties prodierunt, hæc quoque luci exponerentur publicæ. Nihil vero omisisse eum temere, quod ad scopum hunc suum faceret, fatemur merito. Et quanquam non neglexit excusos jam typis libros, præcipuum tamen auxilium a manuscriptis codicibus esse repetendum, non ignoravit; unde & refertissimis illis omnis generis librorum seu manu exaratorum seu typis descriptorum Angliæ Bibliothecis studiose perlustratis, tredecim manuscriptos, partim integros, partim mutilatos inspexit codices. Ast neque hi diligentia ejus posuere limites, sed & magnorum virorum, quales sunt Casaubonus, Saracenus, Galeus & alii, cura ipsi subvenit, qua marginibus librorum manu sua tritorum correctiones, annotationes, & collationes adperserunt; cujus laboris ipsi copiam fecerunt Bibliothecæ non minus publicæ, quam munificentia Virorum boni literarii studiosissimorum, inter quos, dum viveret, Jo. Cottonus fuit, & nunc est Amplissimus Norvicensis Ecclesiæ Episcopus, Joannes Morus, quem dignis tanto literatorum Fautore encomiis ornavit Noster, & librum hunc illi inscripsit, & tanquam ipsi proprium, velut ex cujus Thesaurο prodierit, vindicavit. Versionem Latinam Jani Cornarii, etsi invenustam, fidelem plerumque tamen, innumeris potius locis repurgare voluit, quam totam abjicere; in qua castiganda non nihil sibi opis Andreæ a Lacuna attulisse non dissimulat, qui octo posteriores libros a se translatos Colonia A. 1543 edidit. Id autem, quod præstitisse jactitet in pagella titulari, eum non fecisse, Needhamus judicat, cum plurima aut prorsus præterierit, aut perperam intellexerit. Notularum numerum & illæ adaugent, quibus Janus Gruterus Cornarii versionem, olim inter suos libros relatam, passim

no-

notavit. Et sicuti nihil facile, ita nec versionem Italicam eam susque deque habuit, quæ a Petro Lauro Modenensi adornata est: Gallicum vero incassum quæsitivum interpretem; quod idem ipsi cum Langbainianis collationibus accidit, quarum ipse Langbainius in Epistola ad Usserium aliquando meminit. Plurima, præcipue in re Botanica, se hausisse candide monet, ex erudita Salmasii in Solinum notarum congerie, in qua nullus quidem ordo compareat, sed copia rerum insignis, & in qua ea, quæ de herbis & aromatibus dicuntur ex sententia veterum, ad Geoponicorum quoque mentem accedant propius.

Auctorem Collectionis hujus de Re Rustica Scriptorum Græcorum, non unum Viri Eruditi omnes statuunt. Augustorum nomine non indignam quidam hanc æstumarunt operam, & Constantino Pogonato, sed Porphyrogenneto Basilii Macedonis nepoti alii tribuunt. Inferiorem his dignitate, Cassium Dionysium Uticensem compilasse hanc farraginem, tertia doctorum est opinio; in qua nec dum acquievit aliorum investigatio, qui cum Harduino eadem esse Geoponica contendunt cum Georgicis, quæ Vindianus Anatolius Berytus collegerit, quæque etiam se legisse, in Myriobiblo testetur Photius. Omnium tandem diversæ doctæque propositæ sententiæ neutiquam se Nostro approbant, quod vel male intellectis Auctorum verbis nitantur, vel ipsi Scriptorum ætati adversæ sint, vel librorum diversum numerum inferant, & ex tribus nominibus unum faciant. Quare solum Cassianum Bassum pro vero operis Collectore agnoscit, & sententiæ suæ plures allegat asseclas, Hadrianum Junium, Cl. Salmasium, & alios, qui tamen doctorum potius hoc esse judicium dixisse contenti, ex suo nihil determinarint. Attamen nec sola stat horum auctoritate Needhamus. Hinc titulum libro secundo in Barocciano codice præfixum, eademque qua codex manu exaratum, vocat in subsidium: *Ἐκ τῶν περὶ Γεωργίας ἐκλογῶν Κασσιανῆς Βάσις ὁλοκληρῆ βιβλίον δὲ τρεῖς περιέχον τὰς*, quem aliquid ponderis apud idoneos rerum æstumatores habiturum sperat. Nam id quoque sibi non contrariari credit, quod sub Cassiani nomine quædam compareant in hac Eclogæ; cum veterum consuetudini id conveniens sit, ut, quoties aliorum confarcinabant opera, suas conferrent quoque, proprio præscripto nomine, symbolas. De ipso Cassiano pauca sunt, quæ innotuerunt hæc-

nus; non postremum interim fama ejus testimonium putatur, quod Hierocles in Hippiatricam Prooemio ἀρίστον Βάσσαν in re dubia in consilium vocare, non dedignatus fuerit. De natali solo suo, sub- obscure quidem ipse Bassus quædam Geop. l. V c. 6 reliquit, ubi Μα- ρατώνυμον χωρίον nominat, sed fatetur Clarissimum Needhamus, ubi terrarum fuerit istud Μαρατώνυμον χωρίον, se adhuc latere. Atque hæc de Geoponicῶν Collectore. Nunc deveniendum no- bis ad Scriptores singulos, quos iste collegit, & juxta Alphabeti, quod vocant, seriem Needhamus noster exhibuit. Ubi pri- mum locum Αψύριος obtinet, docente Suida Prusænsis, vel Nicomediensis, sub Constantino ad Istrum bello Scythico miles: li- brum scripsit Hippiatricum, & de equis Physicum, & alia. Hunc Ju- lius Africanus excipit, professione Christianus, & primus, si Vossii valet auctoritas, qui horum Chronologiæ fontes reclusit, scripsitque Πεντάβιβλον χρονολογικὴν Eusebio exscriptam, & novem κεσῶν li- bros, quibus a rerum varietate nomen est, complexos res Medicas, Physicas, Rusticas & Chymicas, ut Georgius Syncellus & Suidas a- junt. Eusebius quoque epistolæ ad Origenem ejus meminit, in qua historiam Susannæ, quæ in Danielis libro legitur, spuriam su- spicetur. Etiam si vero Valesius & Scaliger diversum Africanum Chro- nographum a κεσῶν Auctore faciant, contrarium tamen ex ipsis Photii verbis Noster it probatum. Suidas facit patria Lybicum. Vixit tempore Alexandri Severi Imperatoris, quia ipse testatur, Par- tesanem se vidisse, qui haud dubie sub hujus imperio clarus fuit. Pauca quædam adhuc ejus κεσῶν capita extant, ad calcem Hero- nis Alexandrini aliorumque Mathematicorum veterum Parisiis edi- torum, sed mutila & luxata. Non minus locum Ανατολίος inter Geoponicos meruit, a Suida dictus μάγιστρος Θεοδοσίου βασιλείως. Ulti duorum illastre Απουλειῶν nomen est, ita dubium est, ejus fragmenta ornent Geoponica. Colvius cum Apuleio Celso Centu- ripino facit, qui sub Augusto & Tiberio floruisse creditur, & a Scri- bonio Largo præceptor suus nominatur, ac a Marcello Empirico Medicis Latinis accensetur. Albertus Faber autem in Decade De- cadum a Madaurensis Philosophi Platonici stat partibus, cujus di- versa a jam extantibus passim veteres allegant scripta. Arbitri- um aliis relinquit Needhamus Noster. Subjunctus huic Αρατίος est

est Astronomicarum & Phaenomenon Auctor, Solensis e Cilicia, cujus sub Antigona Gonata Macedoniae Rege nomen nullibi non est notissimum. Ad Berytium accedens Auctor, male cum Photio Berytum audire submonet. An sit Hermippus Berytius, juxta Suidam ætate Adriani celebris, Philonis Byblii discipulus; an Taurus Berytius Platonicus, sub Antonini Pii imperio; an Lupercus Berytius, qui Claudium non multum antecessit tempore, atque de Pavone, Squilla, & Gallo apud Platonem libros composuit, quorum itidem Suidas memoriam conservavit, non satis expeditum est. Sed magis clarum, quod *Democriti* nomen non antiquissimum celeberrimumque simul Philosophum, Hippocrati æqualem indicet, quem ad agriculturæ peritiā multum contulisse veteres laudant, sed recentiore aliquem, cujus Physica & Chymica in bibliothecis quibusdam visuntur, ex quibus deprompta fuisse ista Physica omnia ridicula & Δημοκριτεία Παράδοξα, quæ hinc & inde prostant in Geoponicis, Needhamus autumat. Plures etiam uno nomine celebrantur a veteribus *Didymi*. Postremum recenset *Didymum Alexandrinum* Suidas, qui de Re Rustica libros XV reliquisse scribitur, ex quibus in Geoponica quædam relata esse, merito credimus. Qui hunc sequitur, *Cassius Dionysius*, a patria Uticensis, non tam ipse quid ex suo nobis dedit, quam viginti & octo Punicos Magonis de Re Rustica libros, Græcis viginti expressit, quod de ipso Varro memorat. Ejusdem fere ingenii sunt, quæ *Diophanis Eubyni* nomen præ se ferunt. Is enim Cassium Dionysium contraxit in sex libros, uti vicissim Diophanem contraxit Asinius Pollio Trabanus. Ortus est Diophanes ex Nicæa urbe, æqualis Julio Cæsari & Ciceroni. Posterior hoc *Florentinus* est, vel Florentius. Macrino enim clavum Imperii tenente, anno post Christum 218 eum scripsisse, Nostro est probabile. Commentarii ejus sunt de Re Rustica, quod discimus ex Photio. Ab hoc ad *Frontonem Emisenum* devenit Auctor, qui regnante Severo Romæ Rhetor, docuit, postea Athenis, ubi diem obiit, relictis orationibus pluribus, Suida testimonium suppeditante. Hinc ad *Hieroclem* progressus, jurisprudentiam eum coluisse edoctus, de binis ejus περὶ τῆς τῶν ἱππῶν διατριβῆς nos facit certiores. Ætatem ejus non cognovit exactius, nisi quod Apsyrto videatur esse junior. Nec forte major ille, cu-

jus quædam hic inserta sunt, *Hippocrates* Veterinarius Scriptor, Coo
 Medicinæ Patris nomine honorato & gloria & ætate inferior. Ast
 qui primo loco poni debebat, si ad natalium hic attendere digni-
 tatem conveniret, *Juba* offertur, *Juba* Mauritanix Regis filius,
 a Julio Cæsare in triumpho ductus, cujus felix eo nomine de-
 prædicatur captivitas, quod inter barbaros & artis imperitos natus,
 Græcorum quoque doctissimos, data sic opportunitate, æquaverit.
 Græce & Latine scripsit libros veteribus laudatos. Quem *Leonti-*
num plerique nominant, *Leontius Scholasticus* esse putatur, cujus
 Epigrammata lib. IV Anthologiæ licet legere, in effigies Callinici
 Cubicularii, & Gabrielis Præfecti, quorum hunc Justiniani ætati con-
 venire, Auctorum fides comprobatur. Nulli antiquitate *Nestor* ce-
 deret, si fidem Antonius Mizaldus mereretur, qui ex bello Trojano
 eum revocat; sed alium esse Auctorem docet hoc longe postero-
 rem Poetam nostrum ex Lycia, sub Alexandro Severo clarum, cujus
 tempore Ἰλιάδα λειπογεάμματος, Ἀλεξανδρίαδα, Metamorphoses
 & alia plura composuit, ex quorum numero Ἀλεξίχηρ & Πανά-
 κεια, quorum passim in Geoponicis mentio. Ad nomen oppido
 notum iterum deferimur. *Oppiani* illud est *Cilicis* Poetæ & Gram-
 matici, teste Suida, Ἀλεξίχης Antonino Caracallæ dicavit, quæ, ut
 & κωννητικὰ edidit Rittershusius. Iterum Grammaticus se
 sistit *Pamphilus Alexandrinus* Aristarchi discipulus, qui seculo
 ante Christi nativitatem secundo vixit. Multa de herbis fabulas
 redolentia compilavit, de quo Galeni & aliorum sunt allata testi-
 monia. Ejus esse putantur, quæ sine nomine libris IX & XI Geo-
 ponικῶν leguntur, superstitione plena. Meminit Athenæus Pam-
 phili Alexandrini cujusdam, qui περὶ ὀνομάτων καὶ γλωσσῶν
 scripsit, quem eundem cum nostro esse, non absimile vero esse
 Auctorem noster judicat. *Paxamus* Culinariæ rei Scriptor, a Sui-
 da diversorum operum Auctorem proditur, quorum pars huc
 pertinet. Minus constat de *Pelagonio* incertæ ætatis aucto-
 re, nisi quod sæpius laudetur in Hippiatricis. Ex diversis, de qui-
 bus legimus, *Philosfratis* in Geoponicis laudari Needhamus autu-
 mat juniorem illum Lemnium, qui Apollonii Tyanensis vitam ex-
 plicavit. Suidas Sophistam primum Athenis, deinde Romæ do-
 cuisse ait, sub Severo Imperatore usque ad Philippum. Photius Ty-
 rium

nium vocat, Atheniensis est Eusebio. Ex Philosophorum ordine se conspiciendum præbet *Prolemaus Claudius* Alexandrinus, qui Marci Imperatoris tempore floruit. Recensum librorum ejus Suidas fecit. Uno nomine non immerito duo comprehenduntur *Quintili*, Gordianus sive Condianus, atque Maximus, fratres. Eo enim amore se sunt amplexi mutuo, ut nihil alter fecerit sine altero. Scripserunt Georgica. Perdidit eos tyrannis Commodi. *Sotione* ratio post hunc ordinis producit. Alexandrinum dicunt aliqui, & ad Tiberii ævum ex Plutarcho eum referunt. Scripta ejus diversi diversa adducunt. Juniorem aliquem præter hunc fuisse, Needhamus colligit ex voce *Ἰνυλά* sequioris Græcitatibus, quæ Geopon. I. IX c. 27 occurrit. Quia patria *Tarentinus* appellatus est, subjungitur. Hoc autem duo nomine celebres sunt, Archytas alter, quem agriculturæ studium coluisse Columella ait, alter Heraclides Medicus Empiricus, quem Antonio Musa Augusti illo Archiatro superiorem Galenus facit. Posteriori deberi fragmenta, quæ in Geoponicis leguntur, Lambecius censuit, ad quem Needhamus accedit. Ex Hippiatricorum iterum numero est *Theomnestus*, quem inter Cæsarianos Equites in armis versatum narrat Pearsonius, dubium quo argumento. Nomen M. *Terentii Varronis* adduxisse sufficit, cum noverit eundem quilibet. Sed nomine tantum notus est *Vindanionius*, quem Vindanium dicit Photius. Unus tandem *Zoroastres* superat, non Astronomorum & Magorum Princeps, 500 annos Trojano bello major, ut Suidas ponit calculum, qui & operum indicem exhibet; sed inferior, quisquis fuerit: certe Persomedum illum non esse, fidei oppignerare Clarissimus Needhamus audet.

Hæc ex Præfatione & Prolegomenis, quæ ad notitiam hujus editionis penitiorem faciunt, decerpimus. Ad Notulas debebamus nunc pedem promovere propius, at habenda nobis brevitatis ratio. Indices ergo operi subnexos ultimo loco commendamus, inter quos primus Auctorum est, quorum excerpta leguntur & laudantur in Geoponicis, quorum & vitas in Prolegomenis Needhamus prosequutus est. Secundus verborum Græcorum usus & significationis rarioris, aut sequioris ætatis, in Geoponicis occurrentium. Tertius rerum, isque locupletissimus.

*SOLUTIO PROBLEMATIS A CLARISS. VIRO
D. JO. BERNOULLI in Diario Gallico Feb. 1703 Propositi,
quam D. G. CHEYNEO communicavit
JO. CRAIG.*

Transcripta ex Actis Philosophicis Anglicanis M. Jan. & Febr. A.
1704, no. 289 pag. 1527 sqq.

Problema. Propositæ Curvæ Geometricæ alias innumeras Longitudine Æquales invenire.

Solutio. Sint w, s , co-ordinatæ Curvæ datæ; & Curvæ quæsitæ sint co-ordinatæ x, y : tum ex conditione Problematis erit $dw^2 + ds^2 = dx^2 + dy^2$. Ponatur $dx = dw - m dz$, unde erit $dy = \sqrt{ds^2 + 2m dw dz - m^2 dz^2}$; in hac pro ds substituatur ejus valor per w, dw & determinatas expressus: & pro dz assumatur talis valor ex w, dw & determinatis compositus, ut valores quantitatum dx, dy sint summabiles: Et sic habentur x ac y Co-ordinatæ Curvæ quæsitæ. Q. E. J.

Exemplum 1. Invenire Curvam æqualem Lineæ Parabolicæ. Sit $2a$ latus rectum Parabolæ; adeoque $2as ds = w^2$ unde $ds^2 = a^2 w^2 dw^2$ adeoque $dy = \sqrt{a^2 w^2 dw^2 + 2m dw dz - m^2 dz^2}$; ut hæc sit summabilis, assumatur $m dz = \frac{w^2 dw}{a^2}$ unde $dx = dw - a^2 w^2 dw$; $dy = dw \sqrt{3a^2 w^2 - a^4 w^4}$ quarum integrales per Methodos dudum cognitæ invenientur

$$x = w - \frac{w^3}{3a^2} \quad y = \frac{w^2 - 3a^2}{3a^2} - \sqrt{3a^2 - w^2}$$

Exemp. 2. Invenire Curvam æqualem Circulari. Sit a radius Circuli; tum $s = \sqrt{a^2 - w^2}$: unde $ds^2 = \frac{w^2 dw^2}{a^2 - w^2}$; & proinde erit $dy = \sqrt{\frac{w^2 dw^2}{a^2 - w^2} + 2m dw dz - m^2 dz^2}$; ut hæc sit summabilis, assumatur $m dz = \frac{4w^2 dw}{a^2}$, adeo-

$$\text{adeoque } dx = dw - \frac{4w^2 dw}{a^2} : dy = \frac{-3a^2 w + 4w^3}{a^2 \sqrt{a^2 - w^2}} dw.$$

Quarum integrales per communes Methodos inveniuntur $x = w - \frac{4w^3}{3a^2}$, $y = a^2 \frac{-4w^2}{3a^2} \sqrt{a^2 - w^2}$;

Exemp. 3. Invenire Curvam æqualem Ellipticæ. Sit $2r$ latus rectum, a latus transversum, tum $s = \frac{r \sqrt{a^2 - w^2}}{a}$,

unde erit $ds = \frac{r^2 w^2 dw}{a^4 a^2 w^2}$, adeoque $dy = \frac{r^2 w^2 dw}{a^4 - a^2 w^2}$

$+ 2m dw dz - m^2 dz^2$; ut hæc sit summabilis, assumatur

$mdz = \frac{2a + 2r}{a^3} w^2 dw$: unde $dx = dw - \frac{2a - 2r}{a^3}$

$w^2 dw$. $dy = dw \sqrt{\frac{r^2 w^2}{a^4 - a^2 w^2} + \frac{4a + 4r}{a^3} w^2 + \frac{2a + 2r}{a^6} w^4}$;

quarum Integrales per Methodos notissimas inveniuntur $x = w - \frac{2a - 2r}{3a^3} w^3$, $y = \frac{2a^3 - ra^2 - 2aw^2 - 2rw^2}{3a^2} \sqrt{a^2 - w^2}$.

Exemp. 4. Invenire Curvam æqualem Parabolæ Cubicali cujus æquatio sit $3a^2 s = w^3$. Unde $ds = \frac{w^2 dw}{a^2}$

& proinde $dy = \sqrt{a^4 w^4 dw^2 + 2mdwdz - m^2 dz^2}$;

Ut hæc sit summabilis, assumatur $mdz = \frac{w^2 dw}{2a^2}$. Unde

$dx = dw - \frac{w^2 dw}{2a^2} \sqrt{3w^2 + 4a^2}$. Quarum integrales

per Methodos vulgo notas sunt $x = w - \frac{w^3}{6a^2}$, $y = \frac{2}{9} x \sqrt{3w^2 + 4a^2}$.

Ex

Ex aliis infinitis valoribus quantitatis *mdz* debite assumptis infinitas invenias Curvas datæ æquales. Tu vero, *Vir Eruditissime*, facile percipias, hoc Problema aliquam habere cum Problemate quodam Diophantæo affinitatem. Problema Diophanti est, dividere summam duorum Quadratorum in duo alia Quadrata, quorum latera sint rationalia; & Problema Bernoullii est, dividere summam duorum Quadratorum in alia duo Quadrata, quorum latera sint summabilia. Sicut Problematis *Diophanti* solutio a vulgari tantum Algebra dependet, sic *Bernoulliani* Problematis solutio communes tantum Fluxionum Methodos inversas requirit: utriusque artificium in debita laterum quæditorum assumptione consistit; sc. *Diophantum* ut sint rationalia, *Bernoullianum* ut sint summabilia.

LIBRINOVI

Henrici Bergeri *Jcti Enarratio Legis X Pand. de Jure Fisci & Legis II Cod. Qui & adversus quos in integrum restitui non possint. Lipsia apud Lanckisfos haredes, 1705 4.*

D. Luderi Menckenii *Selectæ Dissertationes Juridica ex Jure Civili, Feudali, Canonico & Saxonico. Lipsia, apud Christ. Emerich, 1705 4.*

Sacer Decadum Septenarius Memoriam Theologorum nostra ætate clarissimorum renovatam exhibens &c. Curante M. Heinrico Pippingio. Lipsia apud Thomam Friisch, 1705 8.

C. Jul. Caesaris quæ extant, cum A. Hirtii vel C. Oppii Supplementis ipsiusque Caesaris Fragmentis aliis. Christophorus Cellarius recensuit ac Notis perspicuis, Indicibus plenis & novis Tabulis Geographicis illustravit. Lipsia apud Jo. Lud. Gleditschium, 1705 8.

Continuation des Pensées Diverses, écrites à un Docteur de Sorbonne à l'occasion de la Comète, qui parut au mois de Décembre 1680. Ou Réponse à plusieurs Difficultés, que Monsieur a proposé à l'Auteur. A Rotterdam chez Reinier Leers, 1705. 12.

Description de L' Isle Formosa en Asie. Dressée sur les Mémoires du Sieur George Psalmanazar. A Amsterd. chez Estien. Roger, 1705. 12.

* * *

ACTA ERUDITORUM,

publicata Lipsiæ

Calendis Maji, Anno MDCCCV.

THE CASE OF IMPROPRIATIONS, AND OF THE
Augmentation of Vicarages &c.

i. c.

DE APPROPRIATIONIBUS ET AUGMENTO
Curarum, quæ Vicariæ dicuntur, nec non aliarum minus sufficien-
tium Disquisitionis, ex Historia & Legum fundamentis deducta, inde
a prima usurpatione Pontificum ac Monachorum, usque ad libe-
ralitatem augustinam, quam nuperrime præsens Regina voluit ex-
tendere in pauperiores Ecclesiæ Anglicanæ Ministros. Accesserunt
documenta quedam ad susceptam tractationem pertinentia.

Auctore WHITE KENNETT.

Londini, apud Avvnsbam & Joh. Churchill, A. 1704, 8.

Constat Alph. 1. plag. 8.

Quod præsens Angliæ Regina, primo statim die post re-
gimen a se susceptum, significavit, *animum sibi esse*
prorsus Anglicum, h. e. regionum sibi subditarum utili-
tatibus omnino devotum, ejus veritatem documentis
illustribus probatam illa dedit. E quibus præcipuum
forte dici potest, quod miserta est conditionis pauperum, quot-
quot per universam Angliam inveniuntur, ecclesiæ ministrorum,
suaque munificentia effecit, ut iisdem de necessaria ac honesta
sustentatione melius jam sit prospectum. Etenim cum per statu-
tum sub Henrico VIII conditum, & sub Elisabetha denuo con-
firmatum, necessitas imposita fuisset singulis beneficiorum eccle-
sia.

Bb

fia.

clasticorum possessoribus, non solum integros primi anni fructus, sed præterea quovis anno decimam omnium fructuum partem, in fiscum regium inferendi; in plurimis autem ecclesiis hi, qui illarum erant ministri, ob summam, in qua vivebant, egestatem, multorum annorum decimas non solvissent, adeoque fisci debitores existerent: non dubitavit clementissima Regina anno regiminis sui secundo debitum istud, ratione temporis præteriti, omnibus illis remittere, quorum annua stipendia non excederent triginta librarum Sterl. quantitatem. Sed hujus tanti beneficii magnitudinem longe superavit aliud, quod paulo post secutum. Die enim, qui olim natalis ipsi fuerat, & secundum nostram computationem fuit 18 Febr. anni 1704, Parlamento propositum sibi esse indicavit, ut omnes redditus, qui ex annatis & decimis beneficiorum ecclesiasticorum ad ipsam spectarent, in posterum ad meliorem sustentationem pauperum ecclesie ministrorum applicentur, simulque suppeditari sibi voluit consilia, quibus iste finis modo maxime efficaci & constante queat promoveri. Agnovit Parlamentum liberalitatem vere regiam, atque solenni statuto non solum ratam esse voluit, sed & statuit, ut secundum Regiæ Majestatis arbitrium stabiliretur certum aliquod ac perpetuo duraturum collegium, eique jus competat, non istos duntaxat redditus annatarum atque decimarum, verum etiam concessiones, quas eodem fine ab aliis fieri contingeret, recipiendi, administrandi, & exinde ministrorum ecclesie Anglicanæ redditus augendi. Attulit hoc ipsum populo universo, atque illis præcipue, ad quos benignitatis istius emolumentum pertinebat, lætitiâ incredibilem, Reverendo Viro autem, *White Kenner*, Doctori Theologo, Archidiacono Huntingtoniensi, & Londini in templo, cui nomen *St. Borolp Aldgate*, sacrorum Ministro, præbuit occasionem, ut in libro, quem hic recensendum nobis sumimus, quemque Regiæ dicare voluit, accuratius inquireret in originem, causas & progressum calamitatis, in quam pleræque ecclesiarum in Anglia, præsertim per ita dictas *appropriationes*, inciderint, tum quid quovis tempore malum istud vel auxerit vel diminuerit, exponeret, denique quantum sit, quod hac in parte præsens Regina pie atque laudabiliter fecerit, perspicuum redderet, simulque quantum adhuc complementum felicitati huic ad-

di possit, modeste & interdum teste significaret. Operæ pretium fore censemus, si totius operis summam exhibeamus.

Per sex vel septem secula priora post C. N. moris fuisse, ait Noster, in Anglia, ut singuli episcopi cum presbyteris suis atque diaconis communiter viverent prope templum cathedrale, fideles vero quicquid decimarum vel oblationum exhibere vellent, id omne eo conferrent, non nisi piis usibus ex arbitrio episcoporum deinceps applicandum. Et istis quidem temporibus in quavis diocesi, præter templum istud cathedrale, non aliud extitisse docet, in quo solenniter & statis temporibus sacra fuissent administrata, missos tamen subinde ab episcopis quosdam presbyteros, qui in partibus remotis de loco in locum migrarent, & sacrorum, prout occasio sese offerret, curam haberent; quin & capellas atque oratoria nonnullis in locis episcopos consecrassent; interim neutrum horum effecisse, ut mutata fuerit colligendi ac dispensandi bona ecclesiastica ratio. Neque tum statim mutatam esse asserit, cum in parochias dividerentur dioceses, cujus rei originem Romanis episcopis & antiquis Britannis a quibusdam tributam, ipse dicit arcessendam esse a temporibus Anglo-Saxonum, qui sensim opus illud perfecerint. Primam vero vim memorato juri episcoporum factam ostendit ex eo, quod, cum incerti essent atque confusi termini parochiarum, multi crediderint arbitrio suo relictum esse, animæ suæ curam cui vellent committere, & in eundem decimarum quoque & aliarum oblationum præstationes conferre. Cui malo ut obviam iretur, præcipue cum monachi presbyterorum, & horum alter alterius jura lucri causa invaderent, mature quidem allaboratum, obicem tamen illi non ante seculum XIII positum esse narrat. Inde progreditur ad alteram injuriam, quam passi sint clerici parochiales per divisionem obventionum ecclesiasticarum, initio quidem ita susceptam, ut ex quatuor partibus unica saltem potestati episcoporum, postea vero, ut nihil plane iisdem relinqueretur, sed tribus partibus constitutis, una conservationi & ornatui ædium sacrarum, altera pauperibus & hospitibus alendis, tertia propriis presbyteri usibus impenderetur. Ex eo enim factum esse demonstrat, ut laici tertiam harum obventionum partem sufficere crediderint necessitatibus ecclesiarum, ac

p. 1.

p. 2.

p. 3.

p. 5.

p. 4.

p. 5.

p. 11.

p. 12.

p. 14.

p. 15.

p. 16.

- p. 17. reliquas duas partes, quas singuli presbyteri recipere ac dispensare debuissent, proprio arbitrio (licet non facile aliter nisi ad pios usus) distribuerint; cuius tamen rei iniquitatem successu temporis agnovisse eos addit, ac diu ante susceptam reformationem iura ista usurpata fuisse restituta ecclesiæ, quamvis non semper parochiali.
- p. 18. Novum detrimentum in parochiales redundasse probat ex eo, quod, qui jure patronatus gauderent, illud in collegia vel canonicorum vel monastica contulerint. Postquam enim hoc fatum intra spatium ducentorum annorum expertæ essent pleræque ecclesiarum parochialium, invaluisse dicit, ut canonici curatis quibusdam, monachi vero sacerdotibus, quos dicebant seculares, curam animarum, sed reddituum eo intuitu percipiendorum partem solum, interdum valde exiguam, relinquerent, reliqua parte sibi ipsis reservata; quod exemplum cum laici quoque patroni imitandum sibi proposuissent, omnes fere ministros ecclesiarum parochialium in Anglia patronis suis tributarios fuisse factos. Hanc licentiam porro ostendit, quod ad laicos attinet, Eduardo II regnante penitus abolitam, & in aliis quoque variis modis restrictam. Sed cum intra limites præscriptos ægre se contineri paterentur monachi, consilium eos cepisse longe deterius, & clero parochiali maxime noxium, in sequentibus demonstrat. Nimirum id egisse illos, (non quidem, quæ sit opinio Seldeni, Saxoniciis regibus rerum potentibus, sed post Normannorum in Britanniam adventum) ut ecclesiæ, quarum hucusque modo fuerant patroni, cum omnibus emolumentis ad easdem spectantibus, ipsis *appropriarentur*, h. e. ita addicerentur, ut quicquid illarum curam & fructus respiceret, id omne ex ipsorum arbitrio penderet. Variis autem artibus illos effecisse ait, ut malum sub istis appropriationibus latens non statim appareret. Primo enim officia, quorum intuitu fructus integros ad se traxerant, eos ipsos per vices subiisse, commemorat. Deinde cum negligentius in istis laboribus versarentur, ac propterea ab episcopis jussi essent rerum suarum intra monasteria sua satagere, constituisse eos in dictis ecclesiis capellanos quosdam, vicarios sive curatos, & his, quamvis ægre, salaria porrexisse, quæ sufficere posse viderentur. Tertio cum ecclesias in usus suos converti curarent, profiteri eos consuevisse, rationem
- p. 19.
- p. 20.
- p. 21.
- p. 22.
- p. 23.
- p. 25.
- p. 26.
- p. 27. 32.

nem

nem sese habituros pristinae partitionis, & duas quidem obventionum ecclesiasticarum partes ad se recepturos, sed cum onere annexo prospiciendi ædibus sacris & pauperibus, tertiam vero & cum ea plerumque omnes decimas minores & alios redditus minutos sine ullo onere relicturos ecclesiae ministro. Visum hoc fuisse non solum maxime æquum, sed & ad curam animarum promovendam admodum salutare. Hinc sponte sua atque certatim laicos, episcoporum confirmatione accedente, obtulisse monasteriis jura patronatus in ecclesiis sibi competentia. Idem studium ecclesias parochiales quasi proprias sibi faciendi transiisse tandem in clericos seculares, neque in capitula duntaxat, sed & in alia collegia, e.g. ordines militares, fraternitates, hospitalia, imo in singulos, nunquam tamen laicos homines, veluti decanos, thesaurarios, cancellarios &c. Quamvis horum omnium in hac re indultriam longe superaverit caliditas & successus monachorum, partes suas, ubicunque opus, apud episcopos, apud sedem Romanam, apud patronos & rectores ecclesiarum, & apud reges ipsos egregie agentibus, ut post lapsum centum vel ducentorum annorum, instar miraculi videretur, si quæ fortassis ecclesia generalem istam calamitatem evasisset. Sed initio quidem ejusmodi appropriatones magis fuisse tolerabiles contendit, quandoquidem (1) neque animarum cura propterea neglecta sit, neque hi, ad quos illa cum titulo vicariorum vel similibus pervenerat, debitis fraudati fuerint stipendiis, quorum ipsis relictam quantitatem jam ante innuerat Clarissimus Autor, non facile fuisse infra tertiam partem omnium reddituum ecclesiasticorum ad parochiam spectantium, interdum vero probat ad dimidiam vel dimidia longe majorem, adscendisse, & non in pecunia tantum, verum in aliis quoque rebus magis duraturam quovis tempore utilitatem habentibus constituisse; (2) facultatem habuerint episcopi subveniendi necessitatibus vicariorum, atque illorum portionem minus sufficientem augendi, cujus juris exercitium cum sæpius autoritate pontificum impedire conati essent monasteriorum rectores, solitos fuisse episcopos hanc sibi potestatem in instrumento, quod appropriatones confirmabat, expresse reservare, ipso tamen jure & a prima ecclesiae origine eandem ipsis competiisse, & hodiernum post tem-

p. 29.

p. 33.

p. 35.

p. 36.

p. 37.

p. 39.

p. 40.

p. 42.

p. 44.

p. 45.

p. 47.

p. 48.

- p. 52. pora reformationis competere, variis argumentis ostendit; (3) deprehensa vicariorum oppressione, licuerit episcopis (regulariter tamen accedente consensu eorum, qui decimas majores jure proprio possidere cepissent,) appropriationes semel concessas dissolvere, id quod sæpiissime factum esse, sæpe etiam his, qui jure proprio ecclesias tenebant, ultro illud petentibus, exemplis quibusdam commonstrat. Progressu autem temporis manifestius apparuisse dicit, quam male actum sit cum ecclesia per istas appropriationes, itaque a monachis novas quotidie inventas esse vias, conditionem vicariorum, quos occupatis ecclesiis præfecerant, reddendi deteriorem. Primo enim illos providam episcoporum curam elusisse, per exemptiones a pontificibus impetratas; deinde compulisse vicarios, ne stipendii loco exigenter quicquam, præter certam pecuniæ summam, quæ cum immensum crescentibus rerum aliarum pretiis, eadem semper maneret, nullo modo ipsorum sustentationi, nedum iis, quæ rationes decori requirunt, sufficere potuerit; tertio, ut ad solvendas decimas majores monachis acquisitas populus eo promptior esset, remisisse illos maxima ex parte decimas minutas vicariis solvendas. Porro usos illos obtentu specioso, *quod ecclesia non debeat ecclesiam decimare*, atque sic retinuisse ex prædiis illis plurimis, quæ sua fecerant, præstationes omnes vicariis antea exinde debitas; interdum in hoc rejectum fuisse onus omne procuratorum, ipsamque reparationem ædium sacrarum; quin ipsa vicariorum munera atque beneficia appropriationis jure fuisse acquisita, ac tandem tot modos alios adhibitos, ut vicarii sacrorum cura neglecta nihil non ad sui conservationem suscipere fuerint coacti. Inde exortas esse graves, præcipue clericorum sæcularium, querelas; episcopos vero, quo in promovendis appropriationibus olim fuerint faciliores, eo majorem, quanquam haud semper felicem, curam tollendis illis adhibuisse. Ex ipsis pontificibus, magnis alias appropriationum patronis & instrumentis, fuisse quosdam, ex. gr. Alexandrum III & IV, item Innocentium III & IV, qui easdem valde improbarint. Sed laicis majori offensionem illas fuisse probat, his præcipue, qui ipsi olim jura patronatus, in ordines religiosos transtulerant. Inde sæpius illos apud pontifices, vel apud epi-

episcopos fuisse conquestos, nonnullos etiam, data monasteriis pecunia vel re alia effecisse, ut solutis appropriationibus ecclesiæ quædam in statum pristinum reverterentur. Quod vero maxime mirum videri poterat, ipsos ordines religiosos agnovisse publice refert injustitiam appropriationum, ita tamen, ut quem quisque morem damnaret in alio ordine, eundem in suo tolerandum esse censeret, paucis admodum, quorum exempla sistit, in domo propria reformationi studentibus. Hinc & quid in conciliis Constantiensi & Tridentino, nec non a Cardinalibus A. 1536 jussu Pauli III congregatis, ad investigandos, qui in ecclesiam irreperant, abusus actum fuerit, exponit. Licet vero appropriationibus non negata fuerit regum pariter & parliamentorum conniventia (cujus rationem partim ab utilitatum propriarum studio, partim superstitiosa de monachorum pietate opinione, arcessendam arbitratur) nullo tamen tempore defuisse ostendit, qui easdem in numero præcipuorum ecclesiæ gravaminum primo loco ponendas existimarent, ipsis sæpe regibus ac parliamentis, plerumque tamen sine effectu, in eandem sententiam euntibus; id quod specialibus exemplis ex regno Henrici III, Eduardi I, Richardi II, Henrici IV, Henrici V, & Henrici VI petitis eleganter deducit; ubi præcipue quæ de *statuto manus mortuæ*, de proposita sub Henrico V monasteriorum dissolutione, de concordatis inter papam Martinum V & nationem Anglicam conclusis, & de criminationibus Wiclefo objectis disserit, notari merentur. Henrico VIII regnante, primo non solum vicariis interdictionum aut rectoriarum, ceu vocant, suarum conductione, (unde tamen magnam partem vivere eos oportuerit,) sed & per aliud statutum sublata fuisse varia augmenta, quæ ipsorum salariis accesserint; deinde cum autoritatis pontificiæ jugum excuteretur, tempus adfuisse evincit, quo omnium optime, quicquid injuriarum passa erat ecclesia, tam per appropriationes quam per oppressionem vicariorum, resciri potuerit. Sed nihil horum factum, imo autum potius malum fuisse conqueritur. Parliamentum enim, nullo tamen (quod fieri debuisse contendit) cleri legitimo consensu accedente, devolvisse in reges Angliæ, præter jus illud, a pontificibus olim usurpatum, anni integri fructus ex quovis be-

p. 83.

p. 84.

p. 88.

p. 89.

p. 92.

p. 94.

p. 97.

p. 98.

p. 109.

p. 111.

p. 116.

p. 118.

p. 115. 122.

p. 121.

p. 119.

ac.

- p. 110. neficio vacaturo semel capiendi, simul potestatem singulis annis exigendi redditum, qui decimam cujusvis beneficii partem contineret. Deinceps cum tollerentur monasteria, prioratus alique domus religioſæ, minime reſtituta fuiſſe eccleſiæ parochialibus jura, quæ ab ipſis modo illegitimo ad iſtas domos pervenerant, e.g. decimarum & oblationum. Potius poſt translationem dictarum domuum in regem ejuſque ſucceſſores factam, coepiſſe laicos ſibi vindicare, ſuiſque uſibus applicare præſtationes illas ad eccleſiæ patrimonium proprie pertinentes, nequicquam refragante populo, poſtquam ipſa judicia eccleſiaſtica adjuvare laicos in ejuſmodi exactionibus compellerentur. Quicquid autem horum contigerit, ejus culpam non in ipſum reformationis opus, ſed in hos, qui primi illud ſuſceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam eſſe monet, ſimul adductis literis invectivis, quibus tum temporis parliamentum compellare auſus ſit quidam Rodericus Mors, quem inter alia his verbis uſum eſſe reſert: *Diabolum imitatos eſſe temporum illorum reformatores, qui, ut apud Anglos in proverbio, cum melius ſaltem locare debuiffet eum domina ſua, penitus illa fregerit.* Pernicioſam illam reddituum eccleſiaſticorum diminutionem continuatam docet ſub Eduardo VI. pio quidem rege, ſed minore, & cujus ætate imbecilla abuſi ſint miniſtri lucro ninium dediti, meliora conſilia, partim & exemplâ, ſiſtra ſuppeditantibus Cranmero, Latimero, Hoopero, Thoma Levero, imo & exteris Proteſtantibus, atque adeo ipſo Calvino. Ut Maria regnante papatus denuo introduceretur, non aliud validius fuiſſe argumentum judicat, quam quod eccleſiam illi ipſi ſpoliaverint, qui reformatores ejuſdem voluerint haberi. Licet vero, cum clerus reſtitutionem amiſſorum urget, non ante voluerit Parliamentum in gratiam redire cum ſede Romana, quam prælati & clerici inferiores in convocatione, ceu dicunt, congregati validam, quantum ad ipſos, declaraffent poſſeſſionem bonorum eccleſiaſticorum in laicos paulo ante translatam, ſimul tamen additam neceſſitate reſert conditionem, ut melius impoſterum provideretur neceſſitatibus cleri parochialis; ipſam autem Reginam, accedente Parlamenti conſenſu, non ſolum re-
- p. 112.
- p. 124.
- p. 128.
- p. 130.
- p. 131.
- p. 133.
- p. 132.
- p. 139.
- p. 141.
- p. 143.
- p. 144.
- p. 149.
- miſis-

misisse annatas & decimam, de qua antea locuti sumus, creditum ecclesiasticorum partem, sed appropriationes etiam omnes, quæ coronæ dicebantur annexæ, atque omnia illarum emolumenta ecclesiis restituisse, & non diu ante obitum suum illud egisse, ut jura patronatus, quæ post monasteriorum dissolutionem, Henricus VIII & Eduardus VI sibi vindicaverant, archiepiscopi & episcopi, singuli intra suam diocesin, acciperent. In laudibus Elisabethæ ponit, quod puriorem doctrinam iterum stabiliverit, sed temporum illorum iniquitati tribuendum censet, quod passa sit modo laudatam Mariæ liberalitatem revocari. Reliquisse tamen episcopis eandem commemorat decimas & oblationes, quæ appropriationis jure ad ipsam devolutæ erant, atque illarum loco alia prædia ab illis accepisse, tandem post multas altercationes utraque domo parlamenti in istam permutationem consentiente. Longe difficilius autem sustineri potuisse appropriationum onus, post exortam reformationis lucem, asserit, quam antea, & quid exinde malorum in ecclesiam redundaverit, e. g. ut inveniri non potuerint, qui habiles essent, ad animarum curam suscipiendam, ut pauperum numerus indies creverit, ut lapsæ ac perditæ fuerint ædes parochiales, ut plures ecclesias uniri, vel pluribus ecclesiis unum præfici oportuerit &c. fusius exponit, simul addens, quod tum temporis ob causas, quæ hodie cessent, e re totius regni visum fuerit, modis omnibus imminui opes clericorum, etsi non dubitaverint archiepiscopus Grindal & successor ejus Whitgift, iniquitatem ejusmodi consiliorum atque decretorum Reginæ ob oculos ponere. Jacobum I inde à primis regni sui auspiciis, optime dicit in ecclesiam fuisse affectum, eundemque tam in Scotia, quam in Hibernia, eo rem perduxisse, ut & populus natus sit magis idoneos ac sedulos verbi divini ministros, & hi magis decentem acceperint laborum suorum mercedem. Sed in Anglia quo minus idem effici potuerit, obstitisse avaritiam partim & invidiam plurimorum, qui animum Regis de misera clericorum conditione sollicitum a pio proposito abduxerint, frequenter institutis contra clerum querelis, quod & plura beneficia possiderentur ab uno, & quibus cura animarum in aliquo loco commissæ esset, iidem alio in loco degerent, cum tamen, ipso Rege agno-

p. 153.

p. 154.

p. 156.

p. 157.

p. 158.

p. 171.

p. 169. 172.

p. 174.

p. 181.

p. 176.

p. 176.

- p. 178. scente, duplex istud malum originem debuerit alteri malo, quod tolli nolebant, h. e. ereptioni bonorum ecclesiasticorum, quam, præcipue quod ad decimas & oblationes attinet, iis quoque temporibus graviter improbasse docet viros eminentes, Baconem, Cockium, Rastalium, & ipsum clero atque ecclesiæ alias non adeo faventem Seldenum. Inde ad luctuosa Caroli I tempora digressus, pium hunc Regem commendat a studio, quo in tribus prioribus sub ipso habitis parliamentis, pauperum ecclesiæ ministrorum conditionem in melius referre tentaverit. Eodem tempore factum esse ait, ut duodecim viri honesti, quorum pars ex theologorum & iureconsultorum, pars ex civium ordine fuerit, societatem eo fine inierint, ut quas ex spontaneis amicorum & propriis collationibus nacti forent pecunias, easdem redimendis bonis ecclesiasticis, jure appropriationis in aliorum manibus existentibus, impenderent. Sed cum privata duntaxat autoritate consilium istud esset susceptum, nec bona sic redempta redderentur ecclesiæ, verum reditus solum exinde obvenientes arbitrio horum sociorum inter egenos ecclesiarum ministros distribuerentur, justusque adeo metus exsurgeret, fore, ut intra breve temporis spatium clero magis esset ad istos homines, quam ad Regem, episcopos, ullumve alium respiciendum, A. 1632 vi sententiæ in curia Scacciorum (*in the Court of Exchequer*) pronunciata, penitus fuisse societatem istam sublatam. Longe autem consultius futurum fuisse, si potius eandem in melius formassent, pluribus evincit, simul excusans Wilhelmum Laudum, cui, quod isti rei impedimenta posuerit, inter alia nonnulli objecerant. Ea occasione quomodo idem præsul non semper infelici successu Regi suo autor fuerit, interdum etiam ipsi, ut & Usserio, archiepiscopo Armachano, Wilhelmsonio, episcopo Lincolnienfi, aliisque adjutor, ut passim status ecclesiasticus, per appropriationes & inde secutam multorum ecclesiæ servientium egestatem, misere distractus emendaretur, susius explicat. Exemplo illustri cum Regis atque archiepiscopi, tum eruditi equitis, Henrici Spelmanni, qui & de non temerandis ecclesiis, deque ecclesiarum juribus, præcipue vero de decimis scripsit, excitatos esse docet quamplurimos (in quibus primum fere locum tribuit Mortono, Conventriensi
- p. 187.
- p. 184.
- p. 190.
- p. 192.
- p. 193.
- p. 195.
- p. 198.
- p. 201.
- p. 203.
- p. 204.
- p. 206.
- p. 207.
- p. 217.
- p. 215.
- p. 214.
- p. 223.
- p. 230. 243.

primum, deinde Dunelmensi episcopo) ut multa restituerent, quæ per appropriationes usibus ecclesiæ fuerant detracta. Tres quoque nominat viros eminentes ac patrii juris maxime peritos, qui assuerint, hodiernum episcopis in Anglia potestatem competere, salariorum clericorum minus sufficientibus augmentum decens assignandi ex bonis ecclesiæ appropriatis, in quorumcunque manibus eadem nunc existant. Eundem in ecclesias affectum temporibus illis diversis aliis modis demonstratum fuisse ostendit, nec post funestam Caroli I mortem curam istam penitus neglexisse Cromwellum & alios; ubi tamen addit, vix in confuso isto atque iniquo rerum statu, fieri aliquid potuisse intentione vere bona, nihil autem omnino factum eo, quo decebat, ordine. Carolum II primo statim anno, postquam in regna sua restitutus esset, commendasse refert episcopis, decanis & præbendariis per literas, septennio post repetitas, ut quarum ecclesiarum decimæ atque emolumenta jure appropriationis ad ipsos & successores pervenissent, earundem ministris stipendia sua augerent. Deinde deliberationes quasdam atque statuta parliamentorum, quæ eundem finem habuerint, recenset, e. g. de confirmandis & restituendis ministris; de admittendis clericis ad exercitium jurisdictionis temporalis; de confirmandis & perpetuandis augmentis, quæ vicariatibus & curis animarum non sufficientibus accesserant per ecclesiasticos; de unione ecclesiarum in civitatibus & locis, quæ corporaciones dicuntur &c. Hinc cum multos nominasset, qui meliorem reddiderint conditionem cleri egestate laborantis, existimat tamen, longe plura ac majora in ecclesiarum emolumentum iis temporibus effici potuisse, cum magna illa rerum conversio, post obitum Cromwelli contingens, optimam ad id præbuerit occasionem. Sed in aliis quoque rebus regnante Carolo II minus benigne actum esse cum clero conqueritur, præcipue per statutum, cui titulus de *restitutione juris patronatus, rectoriarum appropriatarum, decimarum aliorumque jurium, quæ fidelibus regni subsidia tempore ultimarum tumultuum fuerunt ablata*; per exactiorem subsidii ex bonis ecclesiasticis, non ante impetrato (ut leges regni exegerint) consensu cleri in synodo congregati; item dum imposita fuerit necessitas singulis beneficiorum ecclesiasticorum

p. 245.

p. 243.

p. 553.
p. 271.

p. 262.

p. 274.
p. 265.
p. 279.

p. 249.

p. 301.

p. 263.

p. 301.

- P. 303. rum possessoribus, obtinendi propter annatas fisco regio exinde debitas quinque diversa instrumenta obligatoria, eorundemque intuitu quinquies honorarium certum solvendi, cum regnante Henrico VIII atque Elisabetha, unica duntaxat scriptura, sed quatuor deinceps fuerint impetrandæ. Inde Jacobo II sceptro admoto, non ilico abjectum fuisse dicit studium augendi pauperum ecclesiæ ministrorum stipendia. Inprimis autem laudandam censet liberalitatem & curam, quam iis temporibus Gulielmus Sanctroft, archiepiscopus Cantuariensis, & qui nunc ipsius locum implet, Reverendissimus Thomas Tennison, nec non Simon Patricius, episcopus Eliensis, ea in re ostenderint. Sed cum spei, quam ex oratione Regis prima tam in senatu sanctiore, quam in ipso parlamento habita, populus omnis de salute ecclesiæ Anglicanæ conceperat, mox ingens successisset metus, stabilitam in regno religionem, cumque ea jura omnia cleri subversum iri, factum esse ait, ut nemo fere de levanda clericorum egestate tum temporis cogitandum sibi existimaverit. Gulielmo atque Mariæ, postquam rempublicam regere cœpissent, cum tot tantisque difficultatibus domi forisque conflictandum fuisse dicit, ut mirari non debeamus, si ejusmodi curis non statim animum applicare potuerint. Gulielmum tamen, secus quam multi existiment, optime semper animatum fuisse contendit erga religionem per leges publicas in Anglia stabilitam, idque non solum frequentes & solenniter agnovisse eos, qui nomine cleri ac totius populi in parlamenti & synodis convenissent, sed ex aliis quoque multis argumentis luculenter apparere, veluti ex literis A. 1694 ad archiepiscopos a Rege directis; ex eo, quod idem plus vice simplici declaraverit, se sollicitum esse de mediis augendi pauperum ecclesiæ ministrorum redditus, in Anglia non minus, quam in Hibernia; item ex societate, quam d. 16 Jun. A. 1701 eo fine constituit, ut per eandem in partibus exteris propagetur evangelium, ex quo quidem instituto magnam jam utilitatem percepisse ecclesiam profitetur. Reginam quoque Mariam eodem curas suas atque cogitationes contulisse, ostendit, & cum magis quiete vacare illis potuerit, non dubitat, quin nobile consilium, quod eo intuitu (teste Gilberto, episcopo Salisburiensi) formaverat,

rat,

rat, ad finem optatum fuerit perductura, dummodo eandem vita longiore fuis contigisset. Regio favori accessisse ait benignitatem parliamentorum, quæ & clericos egenos exemerint a necessitate conferendi ad subsidia Regi concessa, & quibusdam ecclesiis ita prospexerint, ut illarum ministris in perpetuum essent redditus ampliores, per statutum quoque A. 1689 conditum, *de non allegando crimine Simonie ab antecessoribus commissio in præjudicium innocentium successorum*, magis securos reddiderint possessoribus beneficiorum ecclesiasticorum. Multa deinde proponit exempla privata eorum, qui Gulielmo regnante in ecclesias earumque ministros liberales extiterint, quos inter speciatim laudat Samuelem Brewster, armigerum, quod ecclesiæ Botolphi, cujus curam reverendo Autori demandatam esse supra commemoravimus, oblationes, seu dicuntur, paschales restituerit. In numero reliquorum, quos collocavit inter *everéras*, eminent episcopi Lincolnienfis & Salisburienfis, decani & præbendarii capitulorum Nordovicensis & Lincolnienfis, dominus Gulielmus Maynardus & D. Richardus Busby. Ita ad præsentia tempora descendens, eam de qua initio locuti sumus, Reginae augustissimæ, quæ hodie imperium tenet, munificentiam in clerum describit, nullam fere prætermittens circumstantiam, ad factum istud vere gloriosum pertinentem. Deinde statutum ipsum, cujus pariter supra fecimus mentionem, & cui titulus *An Act for the making more effectual Her Majesties gracious intentions &c.* secundum singulas illius partes considerandum sibi sumit, & multa adducit, quæ ad illustrationem & commendationem illius apprimè facere videntur. Speciatim ea occasione ostendit, quod ius annatarum & decimarum Angliæ regibus ab Henrico VIII assertum, parum utile extiterit coronæ; deinde quod redditus inde obvenientes, doctrinæ divinæ ministris eorumque sustentationi jam A. 1649 fuerint destinati; tum quæ statuta prodierint sub Henrico VIII, Eduardo VI & Elisabetha, de modo exigendi illas annatas atque decimas, nec non de aliis circumstantiis eo respicientibus; postremo quisnam verus sit sensus statuti, cui nomen a *manu mortui* datur, & cur statu ecclesiæ jam in melius formato credendum sit, non amplius per illud esse restrictam vel prohibitam liberalita-

p. 323.

p. 322.

p. 323.

p. 327.

p. 347.

p. 373.

p. 382.

p. 385.

p. 390.

- tem in clerum, nedum restitutionem eorum, quæ olim titulo
justo ad ecclesiam pertinuerint. His de novo quædam subicit,
ex quibus appareat, non solum præter necessitatem, sed & con-
tra regulas æquitatis, propter dictas annatas & annuum decimæ
partis præstationem, quinque distincta instrumenta obligatoria im-
petrare debuisse beneficiorum ecclesiasticorum possessores; eoque
majores laudes deferendas existimat Regina, quod onus istud re-
miserit. Simul mentionem facit quorundam consiliorum, quæ
Elisabethæ, Jacobo I, Carolo I & Carolo II in oppressionem cle-
ri, sed irritò conatu, fuerint suggesta.
- Antequam tractationi susceptæ finem imponat cl. Autor,
nihil ab instituto suo alienum, aut repugnans officio civis ob-
edientis se facturum existimat, si his, quorum fidem ad promo-
vendum opus laudabiliter a se cœptum electura sit Regina, con-
silia quædam, quæ ad id conducere sibi videantur, modeste pro-
ponat. Horum primum est, ut (quemadmodum jam a cardinali
Polo & alias non semel sit tentatum) numerus exactus ine-
atur ecclesiarum omnium, quotquot in Angliæ regno & Walliæ
principatu inveniantur, quæ ministros habeant exiguis stipen-
diis adjutos. Alterum, ut ratio præcipua habeatur ejusmodi
ministeriorum, qui sint in locis nundinarum privilegio gaudenti-
bus, populi frequentia maxime celebribus, & prope Londinum
sitis. Tertium, ut quamdiu non datur occasio redimendi ea,
quæ singulis ecclesiis per appropriationes decesserunt, ministris
illarum egentibus ex nummis, ad istam redemptionem destinatis,
interea præbeantur annuatim certi redditus, & si quem fundum ec-
clesiæ quondam ablatum eidem restitui contigerit, pars fructuum
tribuatur ecclesiæ oppidi alicujus vicini. Quartum, ut, quibus ec-
clesiarum ministris stipendia augentur, eorum quoque officio
atque laboribus aliquid addatur, in utilitatem populi iis commissi.
Quintum, ut media circumspiciantur, quibus adduci queant bo-
norum ad ecclesias spectantium possessores, ad illa æquis conditio-
nibus ecclesiis vendenda. Sextum, ubi ad ductum consilii, quod
erat in ordine tertium, novi redditus in pecunia consistentes mi-
nistris ecclesiarum assignantur, ut iisdem in locis incolæ sive pa-
rochiani, una cum appropriatoribus seu bonorum quondam ec-
clesia-

clasticorum possessoribus persuadeantur, ad aliquid de suo redditibus istis adiciendum. Ultimum, quia in eorum numero, qui appropriatores dicuntur, episcopi etiam inveniuntur, alique in dignitatibus ecclesiasticis constituti, & integra collegia ecclesiastica, ut consilia ineantur, quibus ab his quoque (prout jam factum esse a quibusdam, & præcipue ab episcopo nec non capitulo Carleolensi commemorat) possit obtineri aliquid in utilitatem ecclesiarum, quæ per istas appropriationes passæ sint detrimentum. Tandem exempla subiecit quorundam, qui sub regno præfenti liberalitate sua in ecclesias incluserint, nimirum comitis Nottinghamiæ, Henrici Forsteri & Hiobi Marstoni. Nonnullos etiam antea a se prætermittos, & qui tempore regum antecedentium eodem nomine laudari meruerint, recenset, cumque de domino Simone Digbæo, Richardo Temple baronetto, speciatim vero de archiepiscopo Armachano, Bramhallio, quædam commemorasset, duo refert memorabiliter dicta, unum Thomæ, Strassfordiæ comitis, Regisque Caroli I locum in Hibernia quondam tenentis, alterum Georgii, ducis Albemariæ, quorum ille filio suo injunxerit, ne unquam, nisi velit iram Numinis in se provocare, permittum sibi credat possidere quicquam, quod ecclesiæ debeatur; hic vero solitus fuerit, admodum frequenter in sermonibus cum episcopo Salisburiensi habitis, partem suæ felicitatis hand exiguam dicere, quod in omnibus suis bonis nihil omnino inveniatur, quod unquam piis usibus fuerit devotum. In fine operis adduntur varia documenta, quibus fides adstruitur his, quæ in ipso libro fuerunt proposita, cumque maximam partem depromta sint ex schedis manuscriptis in locis diversis asservatis, nec antea typis excusa, multum per illa accedit pretio, quod opus integrum pietati, ingenio atque industria Reverendi Autoris debet.

P. 417.

P. 419.

P. 423.

P. 427.

P. 438.

JOANNIS ORTWINI WESTENBERGII JCTI

*& Antecessoris de Causis Obligationum Liber singularis, seu**Dissertationes novem.*

Harderovici, apud viduam & filios Alb. Sas, 1704. in 8. Plag. 22.

NOVEM Dissertationes, a diversis Respondentibus, quorum nomina sub initium quoque libri adjecta sunt, more Academico

mico habitas, conjunctim, uno volumine, hic exhibet Autor noster Clarissimus. In *Dissertatione prima*, post explicatam causæ efficientis & obligationis indolem, hujus causam remotam ait esse Jus, hoc autem cum Divinum aut humanum, & illud iterum innatum vel revelatum sit, hinc singulas istas Juris species persequitur. Primo igitur Jus Divinum Naturale, ac Obligationes inde venientes, quibus homo Deo, sibi ipsi, & proximo obstringitur, expendit; inde ad Jus Divinum revelatum progreditur, quod triplex esse docet, Morale, Ceremoniale & Forense. Denique pergit ad Jus Civile, ac in specie, Romanorum, secundum quod Obligationem in mere naturalem, mere civilem, & mixtam non male dividi existimat, ac singulas dein species definitionibus, subdivisionibus & exemplis, amplius illustrat. *Dissertatio secunda* tractatum, de causis Obligationum propinquis, pandit. Has Noster in Ordinarias & Extraordinarias distinguit, ac illarum quatuor species, Contractum, Quasicontractum, Maleficium & Quasimaleficium; harum plures, varias scilicet Causarum figuras, esse arbitrat. Quibus generaliter propositis, singularum specierum prolixior deinde sequitur explicatio. Quid ergo Contractus sit, primo Noster inquit, eumque in Nominatum & Innominatum dispescit, adjectis utriusque subdivisionibus consuetis. Quasicontractus, ex ejus sententia, est factum aliquod non turpe, ex quo, citra conventionem, nascitur obligatio. De numero Quasicontractuum, res dubia est, sed Clarissimus Autor, præter quinque species, Justiniano laudatas, Negotiorum gestionem, Tutelæ administrationem, Rei communionem, Hereditatis aditionem, & Indebiti solutionem, nullas alias admittit, ac firmandæ doctrinæ suæ, quasdam leges, quæ obijci poterant, explicat. Delictum ipsi est omne factum illicitum, dolo malo commissum, quod poenam meretur: dividitur ab eodem, juxta receptam sententiam, in publicum & privatum, quod iterum est vel ordinarium, vel extraordinarium, cui etiam delictum populare accensendum esse censet. Quasidelictum, ex doctrina Nostri, est factum, quod quidem proprie delictum non est, sed propter culpam, delicto est proximum; cumque quatuor ejus species, post Gajum, Justinianus saltem commemoret, hinc probabile illi videtur,

tur,

tur, solas illas Quasidelictorum nomine venire. Hæc de causis Obligationum ordinariis. Cum vero hæc introducendis obligationibus omnibus, haut sufficere fuerint visæ Jctis, ideo varias causarum figuras, i. e. varia negotia, a contractu & maleficio distincta, ex quibus tamen, propter æquitatis rationem, obligatio nascitur, velut causas obligationum extraordinarias & irregulares, adjecerunt. Has ergo distinctius persecuturus doctissimus Autor, in *Dissertatione tertia*, de Æquitate primo aliqua præmittit, cumque elegantissimus casus in *l. 32. de R. C.* (quam auream, aureisque literis scribendam, nec non speculum aureum, imo legem Divinam appellant Doctores, de veteri, ut videtur, superstitione) ei occurrere videatur, quo propter solam æquitatem, actio conceditur, ideo, præmissa prolixiori laudatæ legis expositione, ostendit, in ea subesse negotium, quod neque ad contractum, neque delictum referri possit. actionemque inde descendentem, merito Conditionem ex lege dicendam esse, addita disquisitione, quo usque illa lex, ad alios casus, bene vel male extendatur. Cum igitur Condicio ex lege, in illa lege 32 occurrat, eademque ex variis causarum figuris alias oriri credatur, ideo Noster, in *Dissertatione quarta*, Conditionem illam primo in genere exponit, postea ejus species, quæ ex pactis legitimis nascuntur, persecutus, disquirat, an pactum compromissorium, suffragii, contractus, & in specie, stipulatio ac literarum obligatio, pactis legitimis recte annumerentur? eo etiam addito, quod quasicontractus ad pacta legitima male referantur. His absolutis, de aliis casibus, quibus Condicio ex lege competat, ac in specie, an in casu *l. 1. C. de jur. emphyt. l. 2. C. de rescind. vendit. l. un. C. de suffrag. l. 5. C. de ingen. man.* illa locum inveniat, Noster satagit. Conditionibus ex lege, similes sunt Actiones in factum, quibus *Dissertatio quinta* destinata est. In ea Clarissimus Autor, nomen & indolem Actionum in factum generaliter explanat, earumque originem & necessitatem, ex hypothesebus fori Romani deducit, & quam varie illæ supponantur, distinctius edisserit. Inde progreditur ad Actiones in factum subsidarias civiles, variis exemplis illustratas, quas excipiunt Actiones in factum subsidiariæ Prætoris, quibus etiam non exi-

Dd

guus

guus exemplorum numerus, lucem affundit. Præter actiones in factum subsidiarias, dantur & aliæ, istis affines, Actio scilicet de tigno juncto, Actio subsidiaria pupillis & minoribus contra magistratus minores competens, & Actio iudicati, quæ licet, habita æquitatis, ex qua sola oriuntur, ratione, Actiones in factum dici queant, attamen, quia singulæ propriis appellantur nominibus, ideo in *Dissertatione sexta*, seorsim de iis agendum sibi esse existimavit Noster. In indagandis igitur actionum illarum appellationibus, natura, varietate & fundamento, prolixè satis occupatur. Nondum fons causarum extraordinariorum exaruit, sed ex eo plures adhuc actiones aliæ scaturire Nostro videntur. Nam in istum censum, *Dissertatione septima*, Actionem ad petendam restitutionem in integrum, de pauperie, ad exhibendum, Conditionem sine causa, Triticariam, Actionem de pecunia constituta: *Dissertatione octava*, Actionem redhibitoriam & quanti minoris, actionem ex vinculo matrimoniali ortam, actionem ad alimenta præstanda, liberis & parentibus competentem: *Dissertatione nona*, Actionem ad collationem faciendam, damni infecti, aquæ pluviz arcendæ, querelam inofficiosæ donationis, remedium indemnitis seu beneficium separationis bonorum, obligationem & actionem ex pollicitatione natam, ac tandem actiones extraordinarias, de quibus ipse Prætor vel Præses, extra ordinem, quandoque cognoscebat, refert, ac circa singulas, præcipuam operam eo intendit, ut eas ex nulla causa ordinaria, contractu puta, quasicontractu, maleficio aut quasimaleficio, descendere, adeoque ex causa extraordinaria, sive sola æquitate, repetendas esse ostendat, quod in genere admonuisse, satis videtur. Speciminis tamen loco, ejus sententiam, quoad actionem redhibitoriam & quanti minoris, quæ in *Dissertatione octava* primo loco comparet, explicatius nonnihil exhibebimus. Edicti Edicti sententia & rationibus adductis, ac utriusque actionis, redhibitoriz & quanti minoris, definitione, appellationibus & concursu explicatis, contendit, actiones illas ex mera æquitate, ne emtores rerum vitiosarum damnum sentiant, esse introductas, eaque ratione, dativas posse dici, utut ipsa actionum, in dativas & nativas, distinctio, minus accurata Nostro videatur; postea

postea refellit eos, qui ad præstationes, quas Ædiles venditoribus injunxerunt, ex ipso emtionis & venditionis contractu, agi posse censent: nam actiones ex contractu descendentes, ad eum implendum, non solvendum, regulariter competunt, & quid opus fuisset actione redhibitoria & quanti minoris, si ex ipso contractu agere potuissent emtores læsi? præterea illa sententia aperte l. 2. C. de Ædilit. Action. repugnat; denique in plerisque actiones Ædilitæ, & actio emti differunt, quas differentias Noster recenset, ac objectionibus nonnullis, ex l. 11. §. 3. 5. de A. E. V. l. 23. §. 4. de Ædil. edit. desumptis respondet.

OBSERVATIO D. JOHANNIS WRIGHTII, Colleg. Med. Lond. Socii, de Ulcere Pulmonum, in Epistola ad GULIELMUM COWPERUM, Soc. Reg. Socium recensita, una cum hujus Responsione.

Excerpta ex Actis Philos. Anglic. A. 1703. N. 285.

PUella 18. annorum Anno 1701. Mense Majo variolis corripiebatur adeo benignis, ut Medici consilio non indigere videretur, donec in squamas illæ abiissent. Tunc enim respirandi difficultas, quæ paulo ante eam vexaverat, tantum coepit incrementum, ut septimo post variolarum eruptionem die, materiam sanguineam expueret viscidam, quæ nec pituita sanguinis striis picta, nec cruori permixta esse videbatur, sed tota omnino erat sanguinea; non tamen sanguinis calidi instar fluebat, multo minus velut cruor frigidus coagulabatur, sed dum effundebatur, instar pituitæ, ex ventriculo per vomitum rejectæ, pelvi adhærebat. Quamvis vero talis hæmoptysis. multum quotidie intenderetur, atque subinde per diem vel sextarius dictæ materiæ ejiceretur; paucis tamen septimanis post sanitati ægra restituta, bonum recuperavit corporis habitum, Lunæque tributum solvere iterum coepit, & a mense Julio ad Decembrem usque satis bene valuit. Quo tempore respirandi difficultas repetens indies crescebat, cum plenitudinis quodam atque ponderis sensu in sinistro latere, ita ut ægra huic quidem commode incumbere possit, quoties autem in dextrum se convertere elaborabat, pondus quasi ex sinistro ad dextrum latus labi perciperet, cum dyspnœæ augmento atque tussi.

D d 2

Qua-

Qualia symptomata cum ad nativitatis Christi usque festum, indies augerentur, crassam tandem foetidamque materiam purulentam excernere cœpit, bono interim appetitu gaudens, & ab omni insultu febrili libera. Authoris cura tradita puella, medicamenta pus per *ἀνασθασιον* evacuantia assumpsit cum euphoria, mensibus interim periodum servantibus, nec hecticæ signis præsentibus, a tantillo autem frigoris admisso pus foetidum ejiciebatur. Per aliquot horas omnis tussendi molestiæ erat experta, quamprimum autem eam hæc, post aliquem plenitudinis sensum, affligere incepit, non prius desit, quam duo circiter puris foetidi cochlearia essent excreta; idque potissimum mane, a meridie, & noctu contingebat. Cum itaque pulmonum lobum sinistrum, abscessu occupari suspicio oriretur, in lecto caput pronum sinistro brachio suffulcire iussa est, ut post levem tussim pus effluere eo felicius posset. Aliquando, post frigoris sensum a meridie, pulsu celeriori reddito, calor febrilis accendebatur, indies increpescens, quem leve comitabatur delirium ad aliquot dies; donec post se reliquit hecticam cum rubore, vesperi genas pingente, sudoribus nocturnis, diarrhœa continua, atrophia & crurum demum cedemate sociatam, etiamsi lecto fuisset affixa. Inter septimam & octavam costam nodi aliquot exiles se offerebant tactui, qui una cum aliis phænomenis, ibidem loci ulcerosos pulmones pleuræ adhærere, suspicionem augebant. Etiamsi igitur causticum dicto loco potissimum applicari debuisset, prævidens tamen Author cum aliis sibi junctis Medicis, mammæ sinistrae glandulas simul arrosum iri, spatio inter sextam & septimam costam sursum numerando illud apposuit; quo remoto, & lanceola in pectoris cavitatem adacta, lymphæ profluebat, sanguinolenta absque pure: immisloque specillo, pulmones ad inferiorem costæ septimæ partem adhæsisse observabantur; antequam autem eschara separaretur, pus prorupit, quotiescunque ulcus deligabatur, quod sensim atque sensim imminuebatur, ad curationis usque finem. Queni tamen antequam attingeret puella, de immenso circa cartilaginem ensiformem conquesta est dolore, & tanto quidem, ut cannulam ipsâ aliquoties extrahere haberet necesse; quod a cannula nervum premente ille crearetur. Sicque mense Augusto perfecte sanata, sequentibus

men-

mensibus pristinum corporis habitum recepit, indicio manifesto, non omne pulmonum ulcus, prout nonnullis videtur, esse incurabile.

Cum autem puellæ huic curandæ etiam Gulielmus Cowperus adfuerit, non potuit non hic, in Responsione sua, D. Wriethii, felicem curæ successum constanter prædicentis, peritiam collaudare, atque in memoriam revocare puris non minus graveolentiam summam, quam putridam acrimoniam, qua specillum immisissum & syringam argenteam in injectionibus usurpatam arroserat. Nec dubium superesse ullum dicit, quin pus, ex vulnere facto profluens, ab eadem cavitate provenerit, ex qua ante cum tussi per os fuerat rejectum; siquidem puella sub injectionibus, quas tinctura myrrhæ ingrediebatur, de amaro sapore in ore fuerit conquesta. Recensitis dein aliis ægrorum, similibus pulmonum ulceribus laborantium, exemplis, merito miratur Clarissimus Cowperus, qui fiat, ut parte una pulmonum obstructa, homo tamen vivere, & reliqua pulmonum pars totam massam sanguineam, ex dextro cordis ventriculo ad sinistrum, æquali temporis momento, & sub æquali quantitate, sub qua per reliquas corporis partes omnes circulatur, deducere queat; cum modum conveniat omnino admirari, quo in statu naturali, ubi pulmonum canales omnes aperti sunt, id contingat. Ad cujus phænomeni explanationem sequentia instituit experimenta. Scilicet aquam in arteriam pulmonalem injectam dum per venam pulmonalem redire conspexit, idem etiam cum cera tentavit feliciter. Postquam enim hanc calidissimam cum oleo terebinthinæ mixtam, & colore, Vermillon dicto, tinctam in arteriam memoratam felium juniorum inject, venam ea cum auricula sinistra adeo repletam vidit, ut pars ejus ad sinistrum usque cordis ventriculū penetraverit; licet aliquid ceræ ad brōchia simul esset depositum. Corda humana præparando, & eorum ventriculos, auriculas & truncos vasorum sanguineorum cera replendo, itidem advertit, quod cera, diversis coloribus tincta, in arteriam & venam pulmonalem, sine extrema vi injecta, ex arteriis ad venas tantum, non vero ad tracheam simul, pervenerit. Nec in aliis corporum humanorum æque ac quadrupedum visceribus ceram per arterias ad venas

nas adigere potuit, præterquam in pulmonibus, liene & pene; in quibus tamen ut succederet experimentum, cera summo cum impetu injicienda fuit. Cum autem nudis oculis vasorum extremitates nec in animalibus vivis, dum sanguis adhuc per vasa circulator, cumprimis in partibus pellucidis omenti, vel mesenterii quadrupedum, aut in pulmonibus ranarum, vel lacertarum viventium; nec in mortuis, dum sanguis in pulmonibus est retentus, usurpari possint, mediante microscopio id tentavit. Facta enim incisione in corporibus dictorum animalium, pulmonum prolapsorum & aëre inspirato distentorum partem, cordi quam proxime adstantem, citissime & firmissime ligavit; quo facto exsiccatos ranarum & lacertarum pulmones eorumque vasa microscopii ope ita contexta deprehendit, prout in fig. 1. 3. 4. 5. 6. offeruntur. Adeoque certissime sibi persuasum habet Author Clarissimus, communicationes vasorum sanguineorum in pulmonibus magis esse patulas, quam in aliis partibus, excepto liene & pene, donec monstretur, ceram liquefactam æque facile in reliquis corporis humani ac quadrupedum partibus ex arteriis ad venas penetrare. Quemadmodum vero rationem inde petit sanguinis per pulmones in statu naturali fluentis; ita e diverso, si in statu p. n. vasa quædam sanguinea pulmonum vel angustentur, vel penitus comprimantur, ut in ulceribus pulmonum, tunc a reliquis adhuc sanis vasis plus solito per eorum cavitatem transmitti reputat, quippe quæ sensim ita dilarentur, ut illorum defectum commode refarcire valeant. Id quod etiam in ramorum arteriorum communicatione fieri observat, quando in aneurismatis cura ramus quidam insignis vel truncus ligatur.

TAB. V.

Explicatio Figurarum Tabulæ V.

Figura I exhibet pulmonem ranæ ligatum & exsiccatum, microscopio inspectum, cujus vasorum extremitates tam amplæ sunt, ut tres sanguinis globulos transmittere possint.

AA. Arteriz.

BB. Venæ.


CC. Earum inosculationes.

D. A.

Fig: 3.



Fig: 5.



D. Area microscopii, prout nudis oculis apparet.
 Figura II sistit pedis posterioris ranæ partem, cujus vasorum extremitates unicum saltem sanguinis globulum transmittunt.

AA. Truncus arteriarum.

BB. Truncus venarum ad latera digitorum transcurrens.

CC. Earum extremitates invicem continuatæ, in membrana transparente digitos distinguente.

aa. duo digiti pedis.

Figura III & IV oculis subjicit extremitates arteriarum & venarum, in pulmonibus ranæ alio microscopio inspectas.

AA. Arteriz.

BB. Venæ.

CC. Earum conjunctiones.

D. Area microscopii.

Figura V monstrat aream quandam hexagonam pulmonis ranæ, qui cum non æque flatu fuerit distensus, ac in figura III & IV areæ etiam seu cellulæ in interstitiis extremitatum angustiores & minores apparent.

AA. Arteriz.

BB. Venæ.

CC. Earum inosculationes.

D. Area.

Figura VI repræsentat lobum pulmonis lacertæ aquaticæ præparatum.

AA. Truncus arteriæ pulmonalis.

BB. Vena pulmonalis.

CC. Earum rami conjuncti.

DD. Membrana subtilis transparentis.

EXPERIMENTUM ANATOMICUM AD VERAM

Dura Matris motus causam detegendam institutum ab H. RID-

LEY M. D. & Reg. Coll. Med.

Lond. Socio.

Excerptum ex Actis Philoſ. Angl. A. 1703. N. 287.

Postquam Clar. Ridley in Tractatu suo de *Anatomia Cerebri*, ante bina lustra publici juris facto, Dura Matris motum arteriis per

per totum cerebrum dispersis in acceptum referendum esse, variis experimentis probaverat; Clarissimus autem *Baglivus* in suo *de Fibra Morrice* libello, pulsus hujus causam in propria Duræ Menyngis substantia & textura, cordis æmula, querendam esse tradiderat: ultra contrariarum harum sententiarum veritati propius accedat, examinaturus ille, sequens instituit experimentum.

Canis scilicet superiori bregmatis parte terebrata, membranam duram non sine aliqua sanguinis jactura denudavit. Hinc cohibita hæmorrhagia, absterfoque sanguine, duræ matris ejusque sinus longitudinalis, qui per marginem foraminis decurrebat, motum systalticum cordis vibrationis, quæ juxta citatior erat, æmulum, hujusque rhythmo ad amissum respondentemprehendit. Post elapsam unum horæ quadrantem, eandem hamulo acuto suspensam perforavit; quam perforationem acute persentiscere videbatur canis, convulsionis tamen cujusvis expertus. Comparuit sic motus cerebri systalticus, tantillum sanguinis, quod in membrana continebatur, foras propellens. Postei cuspidem forficis obtusa caute in aperturam membranae vulneratae immisit, eam transversim in parte ejus a sinus longitudinalis transitu maxime remota dissecuit; hinc protrusum fuit cerebrum pia matre tectum, perseverante adhuc motu ejus ad tactum satis forti, licet membrana ipsa, ob vim restitutivam fibrarum suarum a plaga accepta imminutam, ad oculos obscurius vibrari videretur. Toto hoc tempore vegetus adhuc erat canis, levibus tantum tremoribus, cum quodam horrore, per universum corpus affectus. Postquam igitur per aliquot horas hic vexatus multum sanguinis effuderat, ut omnem vim pulsificam, quæ vel huic membranae inesse, vel aliunde accedere supponi potest, adimeret Author, guttulas aliquot olei vitrioli leniter illinebat; unde nigro colore tingebatur hæc, & nulla, saltem exigua & obscura ejus percepta est vibratio, admoto tamen digito satis distinctus cerebri pulsus sentiebatur. Peractis his, cum cultri mucronem ad unius uncie crassitiem in cerebri substantiam intrusisset, vehementer se agitavit canis, hætenus adhuc vegetus, & in horrendas corporis jactationes & pedum anteriorum & posteriorum convulsiones incidit, & cerebrum fortius quam antea movebatur. Postea
spe-

specillo profundius adacto, sensus dolorifici indicia maxima dedit animal, cultro tandem usque ad latus cranii oppositum trajecto horrendis agitatum fuit spasmis; & interim systolen & diastolen cerebri, cum maximo renitu factam, digito Author æque ac alii adstantes perceperunt. Quibus pensitatis phænomenis, patere existimat Clarissimus Ridley, motum cerebri & menyngis a peculiari duræ matris textura minime dependere.

*D. ROBERTI HUNTINGTONI EPISTOLÆ, ET
veterum Mathematicorum Synopsis, Collectore EDUARDO
BERNARDO. Præmittuntur D. HUNTINGTONI &
D. BERNARDI Vita, Scriptore THOMÆ SMITHO S. Theol. Doct.*

Londini, apud A. & J. Churchil, 1704. 8. Plag. 18.

PER varia doctissima scripta, in Actis nostris passim commemorata, dudum orbi erudito ita innotuit Vir Clarissimus Thomas Smithus, ut vel solum nomen ejus affatim commendare possit Huntingtonianas epistolas, quibus in lucem edendis obstetricias manus præstare dignatus est. Epistolis autem Huntingtonianis Vitam ejus præmittere operæ pretium duxit, illustrationi eorum, quæ passim in epistolis habentur, haud raro inservientem. Lucem vero Huntingtonus adspexit Februario mense anni superioris seculi XXXVI Deorhirstæ, quod est oppidum non incelebre ad Sabrinæ ripam situm. Patrem nactus est illius loci Parochum, qui Robertum nostrum secundo genitum, in schola publica Bristolæ literas Græcas & Latinas bene edoctum, cum decimum sextum vitæ annum attigisset, Oxonium ablegavit, ubi primo inter Portionistas, quos vocant, receptus, mox post susceptum primum in artibus gradum, unanimi illorum, penes quos jus eligendi erat, consensu in numerum Sociorum cooptabatur. Anno deinceps 1663 lauream Magistri consecutus, insequentibus comitis Magistrorum nuncupatus est Senior, quam spartam cum per aliquod tempus egregie ornasset, tum D. Pocockii consilio, tum propria mentis inclinatione ductus, D. Framptono, qui huc usque Halebi mercatoribus Anglis in Oriente a sacris fuerat, jam in Angliam redituro, in sacro isto munere, amplissima mercatorum Londonen-

E c

sium,

P. 1.

P. 2.

P. 3.

- p. 5. sium, qui mercaturam in Oriente exercent, societate suffragante successit. Cum ergo Halebum celeberrimum illud Orientis emporium pervenisset, post administrationem sancti muneris, quod ipsi incumbebat, nihil prius antiquiusve habuit, quam ut patriam rerum hactenus pene incompertarum vel saltem vix satis bene cognitarum notitiis, investisque librorum gazis redux ditaret.
- p. 7. Cum vero de libris Syriacis comparandis maxime sollicitus esset, & in iis cumprimis S. Ignatii, Episcopi Antiocheni, epistolas Syriacas investigaret, quarum non tantum Ebed Jesu in Catalogo librorum Chaldæorum obiter indicium fecerat, sed & ipsas epistolas magis diserte Ignatius Antiochenus XVI seculi scriptor, in Catalogo librorum ex Oriente advektorum, Chaldæo-Syri lingua ibi extare, testatum dederat: minime tamen hac ex parte voti compos fieri potuit, cum nec in Syria, nec in Ægypto, nec in Mesopotamia, nec in monte Sina, exemplar Ignatianum sive Græcum sive Syriacum reperit. In iis autem libris, quos Patriarchæ Antiocheni D. Stephani Petri opera adjutus nactus est, Ephremi Syri Commentarius in Pentateuchum, & quædam Homiliæ maxime insignes fuerunt. Cum aliquot annos Halebi versatus fuisset Huntingtonus, ipsum lubido incescit Hierosolyma adeundi, in quo itinere ad reliquias Samaritanorum divertit, ex quibus triginta circiter familiæ Sicima sive Neapolim (utpote ex istius ruinis ab Herode conditam, hodie *Naples* nuncupatam, juxta montem Garizim tribus horis ab urbe Samaria, olim Σεβαστή, nunc *Isloffe*, dissitam) incolunt. Ea occasione obiter Clarissimus Smithus de codicibus Samaritanorum sacris nonnulla observat, atque id imprimis, quod si ex codicibus in Anglia obviis judicium ferre liceat, Cottoniano nempe, Bodlejano & Huntingtoniano, nullus eorum CCCC quingentorumve annorum ætatem supergrediatur. In Ægyptum quoque iter fecit Huntingtonus, ibique eandem in investigandis codicibus manuscriptis industriam perpetuo adhibuit. In hisce autem libris Copto-Arabice singillatim recensendis Auctor non diu versatur: cum ii ex egregio & utilissimo catalogorum opere, Oxonii A. 1697 edito, peti possint. Maxime & in primis memoranda esse judicat tria Evangeliorum exemplaria, quorum unum Kahiræ, alterum in deserto Nitriæ, tertium Hierosolymis

mis reperit, D. Marshallo, qui editionem Copticam N. T. tum temporis moliebatur, transmissa. Præterea dum Kahiræ commoratus est, cum quodam Copto sacerdote de conciliorum duobus voluminibus, una cum appendice concilii Chalcedonenfis, & denique tribus reliquis Pentateuchi Mosaici libris exscribendis fuit pactus. Quoad Huntingtonus in Asia vitam degit, cum multis Viris religiosis, religionis Christianæ propagandæ causâ per Orientem quaqua versum sparsis, frequens literarum commercium exercuit. Inter hos ex P. Archangelo de Sancta Theresâ, ordinis Carmelitarum discalceatorum, de Sabæis sive Mendæis quondam quæsiuit, num qui libri istius sectæ opiniones complectentes adhuc superessent. Ille Carmelita ut Huntingtoni curiositati satisfaceret, postea in Angliam tres libros transmisit, quorum duos Mendæi olim Adamo Protoplastæ a Deo traditos, tertium vero ab Angelis trecentis triginta annorum millibus ante Adamum conditum cœlitus delatos fabulantur. Isti autem libri tanta obscuritate laborant, ut absque interprete nullo modo intelligi possint. Postquam Huntingtonus in Asia undecim annos expleverat, de re-ditu in patriam cogitans, per Italiam & Galliam in Britanniam rediit, cui restitutus anno 1683 dignitatem Doctoris in facultate Theologica consecutus est. Paulo post Collegii S. Trinitatis, juxta Dublinium in Hibernia, præfectura ipsi licet invito atque reluctanti fuit delata. Bello autem in Hibernia ingruente, fuga sibi consulendum esse duxit. In Angliam ergo redeunti sacerdotium in parochia Hollingburæ, in agro Hartfordiensi sita, ipsi fuit demandatum. Ibi reliquum vitæ tempus transigere in animum induxerat, sed aliter visum Deo. Etenim A. 1701, vacante sede Rapotensi in provincia Ultoniæ, hic episcopatus, opera potissimum Illustriissimi Henrici Comitis Clarendoniæ, ipsi delatus est. Hac de causâ denuo in Hiberniam navigare coactus, Dublinium incolumis appulit, ibique vicesimo die mensis Julii in Ecclesia Christi cum debita solennitate fuit consecratus. Sed prius quam ad sedem suam cathedralem pervenit, morbo implicitus, secundo die Septembris, sexagesimo sexto ætatis anno, placide decessit. Jam ut ex epistolis quoque decerpamus nonnulla, p. 13 meminit cujusdam exemplaris Concilii Florentini, quod ab alio auctore profectum

p. 18.

p. 21.

p. 23.

p. 24.

p. 29.

p. 32.

esse credit, quam ista exemplaria, quæ typis impressa leguntur: duo enim ait in publicum prodiisse, quorum alterum Georgio Scholario vulgo tribuatur, alterum vero Sylvestro Syropulo. Præter hos libros, de historia jam dicti Concilii se vidisse fatetur partiunculas & rhapsodias bene multas a Græcis, Bessarione puta, Demetrio Cydone, Josepho Methonenſi, Gregorio Hieromonaſcho, Vecco Constantinopolitano &c. confectas. P. 32 & 33 refertur de Armeno quodam, urbis Damasci incola, qui ad defectionem a fide sua sollicitatus, Mahometanorum illecebras omnes & minas ac promissa generoso contemptu respuerit, & hoc pacto martyrii coronam glorioſe reportarit; quo martyrio durante, fulgidum jubar cœlestis luminis æmulum sancto corpori aliquandiu illuxerit, aliaque comparuerint miracula. P. 39 gratias agit D. Angelo a Sancto Joseph Carmelitæ, quod Sabiorum cultum, ceremonias & superstitionem per Orientem olim diffusam, paulo accuratius ipsum edocuerit; qua occasione hanc sectam dicit vetustissimam, utpote quæ, si Arabibus sit fides habenda, a Sabio quodam altero Sethi filio originem traxerit; quam in rem ostendent libros ab ipso Setho conscriptos, ipsorum veluti SS. Biblia & authenticas institutiones. Hæc & alia scripta de eadem hæresitractantia, in quibus sunt codices MSS. Thabeti Ebn Corah, ut ipsi transmittat, etiam atque etiam petit. P. 46 multa de Samaritis narrat D. Jobo Ludolfo, eamque gentem ait esse tam parvam, ut non aliam temere invenias, cui comparare possis; hoc tamen non obstante, illos paucitate sua contentos se solos veros Ebræos & Israelitas nuncupare, & Judæos Palæstinenſes aliosque alto supercilio contemnere, quin etiam odio plus quam Vatiniانو prosequi. Cum Huntingtonus apud eos versaretur, atque prolatos libros Samaritanos caractere descriptos nullo negotio legeret, forte fortuna inter alios sermones ab ipso quæſiverunt, num in Britannia quoque Ebræi reperirentur, quam quæſtionem ille, de Judæis respondens, cum ipsi de Samaritanis interrogassent, affirmavit, quo facto præcipiti credulitate inducti sponte sua arripiebant, illos esse suos fratres & contribules, neque postea cum Huntingtonus intelligeret, sese aliter respondisse ac isti rogassent, hunc errorem ullo modo sibi eximi patiebantur. Proinde lite-

ras in Angliam mittere decrevere, an ibi Ebrai per omnia ipsi consenserint exploraturi. Mox quoque literas ejusmodi lingua Ebraea, characteribus autem Samaritanis exaratas, ad Huntingtonum miserunt, quas ille Oxonium deferendas curavit. Ad eas postea respondit eadem lingua & characterē D. Mareshallus, quod literarum commercium per aliquot annos duravit, morte autem Mareshalli intermissum penitus cessavit. In singulis ferme istis literis superbe gloriati fuerant, apud ipsos servari vetustissimum legis exemplar, quod scriptum fuerit ab Abisha sacerdote pronepote Aaronis, & illius manu signatum; verum nugas esse & mera mendacia, quæ hac de re proferunt, Huntingtonus exoculari inspectione deprehendit, & ipsos hujus vanæ gloriationis abunde convicit. P. 51 indicat, Samaritas nomen tetragrammaton יהוה nunquam pronuntiare, sed loco ipsius efferre *Semaa* cum ו potius quam ו & ultin a protracta & quasi trisyllaba, ubi laudat conjecturam Ludolfi existimantis, quod sit a מו ad morem Judæorum. De Messia loquentes parum sibi constare ait, nunc hoc, nunc illud asserentes; interim tamen observat, ipsos de Servatore nostro ejusque cultoribus admodum honorifice loqui. P. 52 se nescire fatetur, quare nomen Messie scribant משיח si tamen liceat conjectari, hoc ænigma ita explicari posse putat, ut sint initiales plurium vocabulorum literæ, veluti השילה הבא. Ibidem rationem annorum seu computum temporis apud Samaritas duplicem esse docet, civilem seu Mohammedicum unum, ab Hegira Pseudopropheta; alterum ecclesiasticum seu Græcum, ex Huntingtoni sententia ab orbe condito. P. 62 & sqq. in gratiam D. Picques Ægypti chartam geophraphicam concinnaturi, multa curiosa de rebus Ægypti, urbibus scilicet, fluviis, pyramidibus, Mummiis, inscriptionibus, monasteriis, item de tribus Ægyptiacæ linguæ dialectis affert. P. 75 sequuntur epistolæ, quas insignes Viri ad Huntingtonum perscribere; cum vero in his multa jam in Huntingtoni literis a nobis observata legantur, his prætermittis reliqua breviter perstringemus. P. 77 scribit Michael Nau, Sacerdos e Societate Jesu, ad Huntingtonum, sese suavissima voce Servatoris nostri, qui pacificos vel hoc nomine beatos prædicat, quod filii Dei vocabuntur, provocatum omnem lapidem movisse,

ut concordia inter suam & Anglicanam Ecclesiam in Asia stabili-
 lretur, certiorum quoque facit Huntingtonum, se quidem suos,
 quanquam non sine magno labore, in suam adduxisse sententiam,
 sed valde conqueritur, quod Huntingtonus promissis non steterit,
 neque loco ac tempore præstituto cum suis comparuerit. P. 84 F.
 Agathangelus Sabæorum libros, quorum jam supra in vita Hun-
 tingtoni mentionem fecimus, nominatenus recenset, eorumque
 primum dicit nominari *Sabaf Adam*, quem Protopatrem nostrum
 Adamum a Deo immediate accepisse fabulantur: secundum, *Sa-
 baf Hieabie*, ben Zachariæ (quem nonnulli dixerunt esse præcur-
 sorem Domini, S. Joannem Baptistam) & istum pariter dicunt
 Hieabie a Deo recepisse: & tertium *Divan*, qui alios magnitu-
 dine excedit, sed pari æstimatione habetur. Hos libros Sabæi ma-
 gna religione custodiunt, ne forte in aliorum manus perveniant,
 & cum alioquin hanc nationem auti sacra fames multum cruciet,
 difficillime tamen hac ex parte corrumpi possunt. P. 99 lqq. D.
 Stephanus Petrus, Patriarcha Maronitarum Antiochenus, mittit ca-
 talogum tum librorum sacrorum, tum operum Patrum, tum
 aliorum scriptorum, quæ apud ipsos post tot bella, incendia, rapi-
 nas & spoliaciones, quibus Syria per 10 secula fuerit obnoxia, adhuc
 supersint. Ex eodem Patriarcha Huntingtonus quaesiverat de Di-
 onysio Syro, cujus Commentarium in IV Evangelia celeberrimus
 Lofthusius syro-latine imprimendum curavit, quisnam scilicet fuerit
 ille Dionysius, quo tempore ubi loci floruerit, quid denique
 scripserit? Ad singulas has quaestiones Patriarcha p. III lqq. accurate
 & prolixè respondet, atque refert, Dionysium illum floruisse seculo
 XII. patriam ipsi civitatem Militinensem obtigisse, professione fuisse
 Jacobitam propter eximia studia creatum esse episcopum Gramni-
 tiensem, animum Deo A. 1169 reddidisse, & sepultum esse Mele-
 tiz, ubi natus fuerat. Præter Commentarios in V. & N. T. de
 variis argumentis Theologicis ac Philosophicis scripsisse, scilicet
De Deo, de *Trinitate*, de *Incarnatione*, de *Angelis*, de *Animabus*,
 de *Sacerdotio*, de *Hereticis* & de *Arithmetica*. Porro eundem
 quoque contra hæreticos calamum strinxisse narrat, nimirum
 contra Arabes, Agarenos, Hebræos, Nestorianos, Græcos, item
 contra eos, qui Concilio Chalcedonensi adherent. Tandem duas
 quo-

quoque Liturgias cum composuisse ait, cum Commentario de Rit-
tu S. Sacrificii Altaris.

Superest, ut Edwardi Bernardi Vitam, collectioni ve-
terum Mathematicorum & huic epistolarum volumini subjun-
ctæ præmissam, paucis percerneamus. Ille natus est Paulesperriæ
secundo die Maji A. 1638, patre Josepho Bernardo loci illius Paro-
cho, & matre Elisabetha Lancea, utrisque non ignobili genere ori-
undis. Adolescens Londini in schola publica Mercatorum Scifforum
ita dicta, literarum tyrocinia posuit, septennio ibi exacto in collegi-
um S. Joannis Baptiste apud Oxonienses cooptatus, Thomæ Wiati tu-
telæ traditus fuit. Magister artium factus, Procuratoris Academiæ
munus gessit A. 1667. Inde prima laurea Theologica ornatus, Lugdu-
num ad Batavos abiit, tum ut MSS. codices orientales, quos Jo-
sephus Scaliger & Levinus Warnerus reliquerunt, perlustraret,
tum etiam, & præcipue quidem, ut V, VI, VII libros Conicarum
Sectionum Apollonii Pergæi, quorum textus Græcus desideratur,
in codice Arabico apud hæredes Golii extantes examinaret. Con-
stituerat enim hos libros cum versione sua & commentationibus ne-
cessariis in lucem edere: sed hoc ejus consilium D. Christianus Ravius
prævertit, utpote qui tres istos libros, a se Latine versos & Carolo XI
Suecorum Regi inscriptos, Kiloni A. 1669 publicavit. Oxonium re-
versus, a D. Christophoro Wrenno electus est, ut ipsius tum tem-
poris in regia aula versantis in munere Mathematico obœundo
vices suppleret. Interim tamen non obliviscebatur, se solenni
professione Theologiæ studiis sacrisque Presbyteri functionibus
consecratum fuisse. Hinc Beneficium Ecclesiasticum, in provin-
cia Surreiensi a Collegio Joannensi ipsi delatum, lubenti animo
accepit, & paulo post a D. Petro Mew, Episcopo Bathoniensi &
Wellensi inter Sacellanos domesticos cooptatus est. Hæc verò
omnia innox erant relinquenda. Cum enim D. Wrennus profes-
sione Mathematicæ plane se abdicaret, aut spes muneris istius Ma-
thematici erat abjicienda, aut vi statutorum fundatoris, nulli alii
officio sive ecclesiastico sive civili præesse licitum erat. Hinc diu
animi dubius ac nesciens quo se verteret, tandem repudiatis di-
gnitatibus ecclesiasticis, professionem Mathematicam elegit. Cir-
ca hoc tempus de edendis veteribus Mathematicis omnibus, nun-
quam

p. 1.

p. 2.

p. 3.
p. 8.

p. 11.

p. 14.

p. 15.

p. 16.

p. 13.

p. 25.

p. 31.

p. 32.

quam satis laudandum consilium apud Oxonienses fuit agitatum, cujus vastissimi operis sciagraphiam Bernardus accuratissime delineavit, quam Clarissimus Smithus subnectere operæ pretium duxit. Eodem ferme tempore Euclidem suscepit illustrandum, egregio specimine in folio, ut dicitur, edito, in quo Græcus textus & ex adverso Latina versio, cum Procli Commentario, Græce & Latine, una cum doctissimis scholiis figurarumque delineationibus accurate exhibentur. Præterea ut scientiam quoque Astronomicam ex doctrina veterum illustraret, parvam Syntaxin Alexandrinam, communiter *Μικρὸν Ἀστρονόμου* dictam, in qua præter Euclidem, Theodosii, Autolyçi, Menelai, Aristarchi & Hippsiclis opuscula continentur, edendam suscepit, sed opus illud non perfecit. Nec solum in scientiis Mathematicis, verum etiam in Chronologiæ & Antiquitatum studio, ingenii vires exercere satagebat. Hinc novam Josephi editionem adornare animum induxerat, & dici non potest, quam vasto apparatu arduum hoc opus aggressus fuerit. Cum vero multi methodum ejus, quam sequebatur, importune & pene ingestis convitiis carperent, inde primo inter Curatores & Bernardum ortæ similitudines, dein apertæ lites, utrisque pro diversa, quam secuti sunt, sententia argumentis ultro citroque agitatæ tenacissime in hærentibus. Cessare inde operæ typographicæ, nec quisquam de edendo integro Josepho sumptibus Academiæ amplius cogitavit. Postquam igitur in hoc opere ad metam pervenire non potuit, multos alios libros edidit, qui a D. Smitho insequenti ordine recensentur.

I Commentatio de mensuris concavis, ponderibus antiquis, & mensuris distantiarum, quæ primo A. 1685 D. Pocockii commentariis in Prophetiam Hoseæ adjuncta fuit, triennio autem post locupletior facta seorsim prodit sub hoc titulo: De mensuris & ponderibus antiquis libri tres, quibus accefferunt duæ epistolæ, altera N. Fatii de mari æneo Salomonis, altera Thomæ Hyde de mensuris & ponderibus Sinenſium ad D. Bernardum.

II Private Devotions, Oxon. A. 1689 in 12. h. e. ut D. Smithus paulo latius titulum explicat: Exercitia spiritualia, & vitam pie & Christiane instituendi methodus, cum formulis precum, tam in quotidianis, quam in solennibus religionis officiis, cum

quis-

quisquam Deo & sibi vacaverit, clam & in privato secessu utendis. Ad finem accessit brevis Decalogi Paraphrasis.

III. Orbis eruditi Literatura a caractere Samaritico deducta, quam tabula amplioris formæ æri incidendam curavit. Hinc uno intuitu contemplari licet varias, pro varia temporum & seculorum ratione, literarum figuras.

IV. Canon præcipuarum e Stellis fixis (numero 23) secundum observata majorum, quem Huntingtono inscriptum Actis Philosophicis mense Aprili A. 1684 inferendum permisit. Iisdem Actis, Septembri ejusdem anni, epistolam ad Joannem Flamstedium Mathematicum Regium edidit: in qua continentur

V. Observata ex Græcis, Arabicis, Persicis, Judaicis, Latinisque Scriptoris de Obliquitate Zodiaci.

VI. Etymologicon Britannicum, quod ad calcem Grammaticæ Anglo-Saxonicæ & Mæso-Gothicæ D. Georgii Hickesii, Oxoniæ A. 1689 editæ, pag. 167 seqq. comparere voluit.

VII. Chronologiæ Samaritanæ Synopsis, quam Auctorem misit ad D. Ludolum, qui illam Actis his nostris mense Aprili A. 1691 inferi voluit.

VIII. Notæ in fragmentum Sequierianum Stephani Byzantini, cujus partem, quæ ad Dodonem spectat, Jac. Gronovius ad calcem Exercitationum de Dodone A. 1681 edidit.

IX. Adnotationes in epistolam S. Barnabæ, in editione Feliana. Oxon. 1685.

X. Annotationes breviculæ in Scriptores Apostolicos editionis Cotelærianæ, & in nupera editione Amstelodamensi publicata.

XI. Scholia & annotationes in Græcas Inscriptiones Palmyrenorum. Trajecti A. 1698.

XII. Samaritanorum literæ Latine conversæ, & a D. Jobo Ludolpho in Epistolis Samaritanis editæ.

Multas præterea lucubrationes Bernardus reliquit, quas D. Smithus prolixè recenset. Nos, ut prolixitatem evitemus, titulos indicare satis habebimus.

I. Chronicon omnis ævi, sive Canon Chronicus.

II. Calendarium Ecclesiasticum & Civile plerarumque Gentium.

III. Index librorum manuscriptorum Angliæ & Hiberniæ, atque externarum aliquot Bibliothecarum.

IV. Devotiones Privatæ Anglice scriptæ, cum brevi explanatione X Præceptorum, Orationis Dominicæ & Fidei Apostolicæ, in VII libris.

V. Observationes varii generis.

VI. Notæ ad Scriptores veteres, tam sacros quam non sacros.

VII. Etymologicon Græcum & Latinum.

VIII. Lexicon Ægyptiacum.

IX. Lexicon Russicum.

X. Euclides, Græce & Latine.

XI. Syntagma de Mathesi, sive principia & elementa Matheseos.

XII. Dissertatio de Literatura.

XIII. Linguarum insularum Britannicæ & Hibernicæ Origines Persicæ & Armenicæ.

Hos omnes libros & nonnullos alios a Bernardo compositos, item codices MSS. collatos notisque eruditorum Virorum illustratos, Clarissimi Bibliothecæ Bodlejanæ Curatores in illius Archivis reponendos, pecuniis publicis redemerunt. Equidem optandum fuisset, longiorem vitam D. Bernardo contigisse, ut multa egregia opera, quæ imperfecta reliquit, ad finem perducere valuisset. Sed præclarissimos ejus labores continui per aliquot annos languores abruperunt, iisdemque tandem mors acerba, quam immoderatis studiis vigiliisque acceleravit, duodecimo Januarii die, A. C. 1696, quinquagesimo nono ætatis suæ nondum exacto, finem imposuit.

Vitam Bernardi excipit, uti jam diximus, Synopsis Veterum Mathematicorum Græcorum, Latinorum & Arabum, quæ Scia-graphia est vastissimi operis, eorum scripta, quotquot reperiri poterunt, XIV voluminibus comprehensuri. Horum autem Mathematicorum magna pars ex membranarum Anglicanis fuit desumpta.

JOHANNIS FORBESII A CORSE OPERA OMNIA.

Amstelædami, apud Wetstenios, A. 1703, in fol. Alphab. 19.

Scotia luce Evangelii collustrata sicuti Johannem Knoxum, Robertum Rollocum, Hectorem Boethium, Georgium Buchanannum,

nanum, Guilielmum Amesium, Johannem Cameronem, Samuel Rhetorfortem, virosque doctissimos alios genuit, ita quoque Johannem Forbesium a Corfe, Theologum Doctorem & in Academia Aberdoniensi Professore, doctrina & vitæ sanctitate perillustrem dedit, cujus opera duobus voluminibus comprehensa, prima partim, partim repetita vice nunc publicantur. Et editioni quidem huic elegantissimam præfationem Nicolaus Gürtlerus, in Academica Schola Daventriensi Theologiæ Doctor & Professor præmisit, & Henricus Wetsteinus cum fratribus chartæ nitorem typorumque elegantiam præstitit, Reverendus vero Vir, Georgius Garden (qui post plures annos Aberdoniæ in cura Pastoralis exactos, Presbyterianæ factionis invidia se ab officio pulsum proficitur) de eadem modis non unis bene imprimis fuit meritis.

Antea vero, quam operum hic exhibitorem ulteriorem mentionem injiciamus, Autoris primum vita a nobis recensenda est, cujus descriptio Gardeno itidem debetur, qui eadem fidelia plures dealbaturus parietes, & Patricii Forbesii, patris, Episcopi Aberdoniensis, & Guilielmi Forbesii, propinqui, primi Edinburgensis Episcopi a Carolo I electi, (quo de plura diximus in Actis nostris anno superiori 1704, pag. 421 seq.) & Roberti Baronii, & Guilielmi Lesæi, & aliorum celebrium Scotiæ Pastorum, cum quibus Johannes noster multa lata & tristia habuit communia, vitas pariter recensuit, a nobis tamen prolixè haud repetendas, cum circa solum Johannem Forbesium occupatos nos esse, æquum sit. Natus ille est sexto Nonas Maji anno 1593, nobile ac generosum stemma nactus, & postquam humaniores literas didicerat, missus est ad Universitatem Aberdoniensem anno 1607, ubi Philosophiæ operam dedit, ac postea in exterarum regionum profectus, in Universitate Heydelbergenensi, sub cura D. Paræi, Theologi celeberrimi, Sedanti etiam, ac in aliis inclitis Superioris & Inferioris Germaniæ Academicis, Theologiæ studuit, scripta Patrum diligenter evoluit, ac linguæ Hebraicæ operam dedit, ubi pro ingenii felicitate & indefessa diligentia, magnos fecit progressus. In cæteris regionibus ad annum usque 1619 commoratus, hoc ipso in patriam reversus, & sequenti a Synodo dioceseos Aberdoniensis ad publicam Theologiæ professionem vocatus est, quam in studiose juventutis com-

modum, modis ornare omnibus allaboravit. Sed cum in cœpto isthoc studio feliciter procederet, controversiis se parum faustis immixtum vidit, quæ multas ipsi ærumnas & triste tandem exilium provocarunt. Nimirum eo ipso tempore, quo Fœderatum Belgium quinque articulis mirum in modum divexabatur, Jacobus I Magnæ Britannix Rex, restituto jam in Scotia anno 1610 Episcopali, quod vocarunt, regimine, pariter quinque placita per Synodum Perthensem anno 1618 sanciri iussit, puta 1. Sacram Cœnam submissis genibus accipiendam: 2. Baptismum, & 3. Sacrum Epulum privatum quoque, necessitate id postulante, administrandum: 4. pueris post Christianam institutionem bene ab Episcopo dicendum, cum impositione manuum: 5. singularia Dei opera, ut ortum Jesu Christi Servatoris e beata Virgine, passionem &c. statis diebus quotannis celebranda esse. Quinque hæc capita Forbesius cum suo probaret confirmaretque calculo, & fœderi nationali, illorum atque Liturgiæ occasione inito, nomen dare constanter renueret, a Synodo Aberdoniensi anno 1640 censura notatus, atque a Classe Edinburgensi, cui patres Aberdonienses sententiæ executionem commiserant, anno proxime secuto Theologica professione exutus est. Quam exauctorationem æquo ille ac miti animo tulit, & cum Presbyterianis amice concorditerque vixit. Verum, ubi anno 1642 novi fœderis inter Scotos Anglosque pacti subscriptio vehementer urgeretur, cum aliis Scotis e patria exire, & in Belgium secedere maluit; unde tamen post paucillos annos reversus, reliquam vitam in prædio suo a Corfe tranquille taciteque exegit, animamque tandem die 29 April. anno 1648 reddidit, in suæ Parochiæ cœmiterio, sine ulla exequiarum pompa vel monumento sepultus.

Hanc *Vitam Autoris externam* Gardenus nuncupat, cui mox *interioris brevem ideam* ex plenioribus, quæ hæc statim annexuntur, *commentarius, de Johannis Forbesii Exercitiis Spirituallibus*, quæ manu Autoris lingua patria scripta idem habuit, atque in Latinum sermonem transtulit, efformatam subjungit. Habebis hic passim obvias Forbesii preces, laudationes Divinas, peccatorum confessiones, animi compunctiones, luctationes, & cum Deo frequentissimas colloquutiones, unde optimi Viri sanctitas,

Ætas, modestia, candor, tolerantia, fortitudo & constantia, pluresque alia virtutes Christianæ perspicue dispalescunt. Hinc *Sermo* sequitur in *Psalm. CX.*, post obitum Patris ab Autore habitus, in quo de ingenti inuictoque solatio, quod ex Christi ad dextram Patris sessione uberim & constanter Patricius Forbesius a Corisæ perceperit, disseritur; itemque Dissertatio de *Visione beatifica*, & denique summa concionis de *Pace* ex Joh. XIV, 27, coram Rege Carolo I bellicos inter tumultus a Guiljelmo Forbesio habitæ.

Qui deinde apparent *Theologia Moralis* libri decem, nondum hæcenus lucem adspexere publicam, quanquam opus illud manu Autoris omnino elaboratum perfectumque fuerit. Exponuntur in eodem præcepta Decalogi, variaque circa Dei legem, & specialia ejusdem præcepta controversiæ dissolvuntur, casusque conscientia explicantur. Nobilissimum appellat istud opus, in laudata a nobis jam ante præfatione, Clarissimus Gütlerus, ejusque idea exhibita, nihil se ad commendationem illius adjicere vellet innuit, nisi quod Autor idem minime exscripserit ex monumentis doctorum recentiorum, sed magno labore ex tabulis Scripturæ Sacræ, e dictaminibus rectæ rationis, & libris veterum optimorumque Ecclesiæ Patrum, id construxerit perfecitque.

Videas deinceps *Irenici*, occasione litium, quibus Ecclesiæ Scotica discidebatur, Rege Jacobo I quinque Synodi Perthensis placita observari jubente, anno jam tum 1629 vulgati, secundam editionem, in qua voculæ aliquot, paulo immitiores justoque acerbiores reputatæ, corriguntur atque omittuntur.

Claudit tomum priorem liber de *Cura & Residentia Pastoralis*, quem Forbesius conscripsit, autoritate motus atque jussu Patris, Episcopi tunc Aberdoniensis, numis crebram aut justo diuturniorem quorundam Pastorum ab assignatis stationibus absentiam amare deplorantis.

Tomus integer posterior novam exhibet editionem *Institutionum Historico-Theologicarum*, emendatam ad ipsius Autoris castigationes, plurimisque ejusdem additionibus insigniter adauctam, quam eo majori procul dubio cum aviditate perflustrabunt ii, qui discendarum antiquitatum Ecclesiasticarum cupidi,

Institutionum harum editiones, jam ante aliquoties iteratas, non sine voluptate haecenus evolverunt.

*SACER DECADUM SEPTENARIUS, MEMORIA
am Theologorum nostra aetate Clarissimorum renovatam
exhibens. Curante M. HENRICO
PIPPINGIO.*

Lipsiæ, apud Thomam Fritsch, 1705, 8. Alph. 3. pl. 4.

Pergit se publico ostendere Reverendus Collega noster *Henricus Pippingius*, *M. Henningi Wittenii* doctissimo Opere, quo is præstantissimorum superioris seculi Theologorum memoriam vindicare annis est, magno studio, nec minori dextertate continuato. Ac *Wittenius* quidem, postquam diversis temporibus *sex Decades*, & anno 1685 integram *Memoria Theologorum Clarissimorum Renovata Centuriam* conjunctim edidisset, novam moliri Centuriam sperabatur; imo paratam se prælo jam habere, in præfatione istius Centuriæ professus ipse erat, indicatis etiam Theologorum in eandem conscripendorum nominibus. Sed nusquam illa comparuit, seu quod Auctor ipse mutavit consilium, quod visum fuit verosimile, cum A. 1688 *Diarium* potius *Biographicum*, iterumque A. 1696 ejusdem *tomum secundum* edidisset, Scriptores ejusdem seculi præcipuos, absque nationis, religionis aut professionis discrimine, concise descriptos complexum; seu quod impedimenta quæcunque alia, ac mors denique, quæ Auctori paulo post dictum illum secundum *tomum* publicatum obtigit, intercessere. A tanto igitur tempore cum repertus nemo esset, qui *Wittenianum* illud prius institutum, quod magno olim cum applausu exceptum fuerat, persequeretur, vacuum velut provinciam *Pippingius* noster occupavit, jamque Theologorum septuaginta, qui post annum 1682 & vivis excelsissent, restauravit memoriam, laborem hoc modo aggressus, quo & de totidem Viris jam in cælo triumphantibus, & de viventibus cunctis, quos clarorum virorum, qui Ecclesiæ olim ornamento ac emolumento fuere, fata nosse juvat, præclare mereretur. Methodum eandem plane servavit, quæ antecessori *Wittenio* visa fuerat commoda, collectis undique magno labore programmatis funebribus,
ora-

orationibus parentalibus, epitaphiis, monumentisque similibus, quæ honori doctorum virorum consecrari solent, & librorum a quoque compositorum accurato catalogo subjuncto; ubi in eo tamen Wittenii industriam haud parum superavit Pippingius, quod sollicitè simul annotare sustinuit, quorum librorum uberior recensio, seu in nostris his Eruditorum Actis, seu in aliis Doctorum Ephemeridibus, quacunque lingua aut titulo magno hætenus numero divulgatis, reperiatur. Præmissa elegans est præfatio, quæ inter plura alia, ad Historiam Rei Literariæ pertinentia notatuque digna, uti quorundam, qui ad Opus perficiendum rogati fuerant suppetias, morositas non dissimulatur, ita duumvirorum inprimis, quos honoris causa nos quoque nominamus, *D. Georgii Henrici Götzii*, Lubecensium hoc tempore Superintendententis, & *Joannis Albertii Fabricii*, Professoris Hamburgensium, in suppediandis subsidiis, quo sunt uterque in promovendis bonis literis animo, merito deprædicatur promptitudo. Nobis ex ea plura decerpere nunc non licet, cum contexendus potius adhuc supersit Theologorum ipsorum, quorum Vita enarratur, qualiscunque index, ut qui nosse de iis plura cupiunt, non ignorent, unde ea sibi sint haurienda. Decade ergo prima sistuntur, *Christianus Noldius*, *Sebastianus Niemannus*, *Joannes Olearius*, *Daniel Griebnerus*, *Godofredus Olearius*, *Jacobus Tentzelius*, *Michael Siricius*, *Jo. Andreas Lucius*, *Michael Cobabus*, & *Abraham Calovius*: in secunda *Antonius Reiserus*, *Janus Birckero-dius*, *Balthasar Bebelius*, *Josua Arndius*, *Adamus Tribbecho-vius*, *David Klugius*, *Johannes Saubertus*, *Jo. Andreas Quen-stedius*, *Lucas Fridericus Reinbartus*, *Matthias Wasmuthius*: in tertia *Augustinus Balthasar*, *Johann Christfried Sagittarius*, *Andreas Christophorus Schubartus*, *Matthias Zimmermannus*, *Johannes Dürrius*, *Godofredus Meisnerus*, *Theophilus Spitzelius*, *Georgius Greenius*, *Joachimus Hildebrandus*, & *Tilemannus Andreas Rivinus*: in quarta *Michael Waltherus*, *Johannes Lasse-nius*, *Martinus Beerius*, *Henricus Rixnerus*, *Christianus Scriverius*, *Justus Christophorus Schomerus*, *Jo. Andreas Kunads*, *Christianus Wagnerus*, *Nathanael Falckius*, *Gerhardus Theodor-us Meierus*: in quinta *Paulus Bosius*, *Christianus Korschol-*

tus, Abrahamus Hincelmannus, Johannes Fauſius, Jo. Guilielmus Bæierus, Sebaſtianus Schmidius, Heinricus Wideburgius, Enoch Zobelius, Valentinus Alberti, Adamus Oſiander: in ſexta Georgius Mabius, Auguſtus Pfeifferus, Georgius Lehmannus, Joannes Benedicthus Carpozius, Georgius Gozius, Valentinus Veltthemius, Michaël Chriſtianus Ludovici, Jacobus Hieronymus Lochnerus, Sebaſtianus Kirchmaierus, Conradus Tiburtius Rango: in ſeptima denique Fridericus Uiricus Calixtus, Matthias Fridericus Beckius, Johannes Breverus, Albrecht Chriſtianus Rottbuius, David Caſpari, Michaël Müllerus, Iſaacus Fauſius, Fridemannus Bechmannus, Bernbardus von Sanden, & Chriſtophorus Franckius.

Hi ſunt Theologi, quorum memoria ſacro hoc noſtro Decadum Septenario recolitur. Adjecit vero illi Clariffimus Auctor, mantiffæ velut loco, inſuper Septenarium celeberrimorum virorum, qui utut profeſſione Theologi haud fuerint, ſcripta tamen ediderunt, aut tranſtulerunt, aut inchoata reliquerunt Theologica. Sunt illi *Johannes Brunnemannus*, Jctus, Conſil. Elect. Brandenb. Antecellor & Facult. Jurid. Francof. Ordinarius, *Casp. Zieglerus*, Jctus, Conſil. Appell. Elect. Sax. & Ordinarius Facult. Jurid. Witteb. *Vitus Ludovicus a Seckendorf*, Eques Imperii, Conſiliar. Elect. Sax. & Brandenb. Intimus, & Univerſitatis Fridericianæ Cancellarius, *Erasmus Franciſci*, Polyhiſtor Noribergenſis, *Adrianus Stegerus*, Conſul Lipſienſis, *Abasverus Friſchbius*, Conſiliarius Intimus & Cancellarius Rudolphopolitanus, & *Georgius Francus de Franckenau*, S. R. I. Eques, Conſiliarius juſtitix & Archiater Danicus.

*A DISCOURSE OF THE UNITY OF THE CHURCH; OF
the Separation of the Diſſenters from the Church of En-
gland, &c.*

i. e.

*DISCURSUS DE UNITATE ECCLESIAE; DE EORUM, QUI
Diſſentientes audiunt, Separatione ab Eccleſia Anglicana; de Li-
centia, quam ſibi ſumunt iidem Eccleſias erigendi contra Eccleſias reli-*

*religionem legibus stabilitam proficientes, nec non de Ordinatione
Ministrorum sue Doctorum, quos illi eligunt. Autore RO-
BERTO BURSCOUGH, Magistro Artium, Vicario
Totnessiæ, & Archidiacono Baarnsta-
pulenfi.*

Exoniæ apud Samuelem Farley, 1704. 8. Prostat Londini apud
Th. Bennet. Constat plag. 14.

Dicavit Reverendus Autor præfens opusculum Viro Reveren-
dissimo Jonathan Trelawny, Præsuli Exoniensi, utque hoc
officium in eundem conferret, causam fuisse ostendit ejus in se
voluntatem beneficam & vere generosam, tum etiam singularia in
Ecclesiam Anglicanam merita, ab externis quoque, & præcipue a
Clarissimo Petro Jurieu, passim laudata. Tractationem totam eo
animo suscepit, ut responderetur Autori anonymo, qui in libro,
cui titulus *Dissenters no Schismatics*, haud ita pridem divul-
gato, vindicare voluit a Schismaticorum appellatione eos, qui ab
Ecclesia Anglicana dissentiunt. Non autem hæc nova est, & inter
hos viros nunc demum agitari cœpta controversia, sed jam
ante scriptis aliquot publicis hac de re inter se pugnarunt. Ho-
rum si copia nobis facta fuisset, melius nunc possemus summam
libri præsentis, qui ad scripta prius edita passim se refert, hoc loco
exhibere. Fungemur tamen officio nostro, quoad ejus fieri potest,
& tractatus hujus argumentum summam recensebimus.

In præfatione Adversario suo exprobrat Autor, quod in scri-
pto ultimo, haud secus atque in priori, calumniis ipsum onera-
verit & convitiis, quæ sint a viro, qui vel minimum habeat huma-
nitatis sensum, nedum ingenuo vel Christiano, maxime aliena.
Collectionem *Φερίων* quarundam ab eodem adhibitarum sub-
jungit, ut, quam acerbum ille se exhibuerit, manifestius appa-
reat. In eo autem præcipue injuria se lacesitum fuisse signi-
ficat, quod ipsum Antagonista odii implacabilis in Dissidentes,
animique non nisi flammam & ferrum in illos spirantis reum po-
stulare non dubitaverit, cum tamen nihil omnino adsit, propter
quod in suspicionem voluntatis adeo infestæ trahi queat, multo-
que potiori jure tota ista criminatio recidat in accusatorem, quem
ad exitum ecclesiæ per leges publicas in Angliam stabilitæ propen-
sissimum

- p. 8. *issimum esse demonstrat. In ipsa tractatione id potissimum Auctori est propositum, tum, ut vindicet ea, quæ in scripto quodam antecedenti asseruerat de unitate Ecclesiæ, tum, ut inquirat, an non schismatis rei sint habendi, qui ab ecclesia Anglicana discesserunt, tum vero etiam, ut evincatur, auctam esse horum culpam, dum ecclesiās atque ministros peculiares sibi constituerint, & pastores vocatione legitima destitutos elegerint.*
- p. 10. *Illorum, quæ in Sectione prima disputantur, vis omnis eo præcipue reedit, ut evincatur, 1. esse necessarium & permissum, ut quædam in sacris literis non expressa determinentur circa cultum divinum; 2. determinationem istam fieri debere ab his, qui legitima pollent autoritate; 3. tali determinatione facta, officium esse eorum, qui reguntur, ut pareant. Quod ad prius attinet, Deum quidem generalia dedisse præcepta ostendit eorum, quæ pertinent ad cultum ipsius externum, non vero semper specialia, scilicet ratione loci, temporis, modi &c. neque tamen fieri posse, ut, si cuiusvis arbitrio hæc relinquantur, ordine ac decenter omnia fiant, vel ulla omnino sit Christianis inter se communio. Sic ex. gr. cantum Psalmorum partem esse ait liturgiæ atque a Deo præceptum, sed cum modus canendi non sit pariter ab eodem præscriptus, sine regula humana futurum, ut alii indiscriminatim omnes, alii solum artis canendi peritos, alii certum ac selectum horum numerum, alii unum duntaxat eundemque præ cæteris in Musica excellentem, ad canendum admitti velint; ut quidam omnes non interrupta serie, quidam vicibus alternis canere malint; ut alius hunc, alius alium hymnum postulet; ut alius hoc, alius alio modo cantum moderetur; ut huic prosa, illi versus & rhythmus placeant &c. Deinde probat, quod ipsi Apostoli, & qui eorum tempora proxime attigerunt, Viri maxime pii & ad mortem usque Christo fideles, nonnulla introduxerint, vel jam olim introducta continuari permiserint, quæ in se erant indifferentia, nec a Deo speciatim mandata. Eo pertinere dicit decretum Hierosolymitanum de o-mittendo esu sanguinis & suffocati, ejusque quod simulacris fuerat immolatum, Act. XV, 28. 29. Diei Dominicæ surrogationem in locum Sabbathi. Unctionem infirmorum, injectam in epistola Jacobi cap. V, 14. Baptismi celebrationem ejusmodi ritibus factam,*
ut
- p. 40.
- p. 43.
- p. 44.

ut Salvatoris nostri exequias quasi referret, quo respicere ait Paulus Eph. IV, 22. Coloss. III, 9. Galat. III, 7. Oblationes, a primis Christianis, cum publice convenirent, fieri solitas, item *αγάπας*, quarum extet mentio 1. Cor. XI, 21. 22. 23. Elevationem atque lavationem manuum tunc adhiberi consuetam, cum quis preces fundere volebat; conf. 1. Tim. II, 8. Lavationem pedum, de qua Christi quoque præceptum adsit Joh. XIII, 14. Quemadmodum & de excussione pulveris, tanquam indignationis Divinæ signo contra eos adhibendo, qui Doctores Divinos non receperint, Marc. VI, 11. Act. XIII, 51. Institutionem Diaconissarum, de qua Rom. XVI, 1. Salutationem cum osculo charitatis, de qua Rom. XVI, 16. Manuum impositionem 1. Tim. V, 22. Hebr. VI, 2. Act. VIII, 15. 17. Capilli refectionem viris injectam 1. Cor. XI, 14, item ut hi capite nudato, feminæ contra operto precari jubeantur, 1. Cor. XVI, 5. 7. Ex quibus omnibus multa eodem jure, quo recepta fuerunt, iterum abrogata fuisse ostendit. Ritustamen Apostolicos & in omnibus ecclesiis universaliter usitari cæptos, quoties rationes eædem, quæ olim ut introducerentur effecerunt, nunc quoque continuationem illorum suadent, neutiquam esse abolendos monet, idque ad ea, quæ primis Christianis de die Dominica, de impositione manuum in ministrorum ecclesiæ ordinationibus adhibenda, item de confirmatione post susceptum baptismum placuerunt, specialiter applicat. Tertio, quam sit necessarium ad cultum Divinum recte peragendum, ut præter ea, quæ præcepta sunt a Deo, unum alterumve, quod ad ritus pertinet, determinetur, ipsos adversarios haud semel agnovisse ostendit, idque præcipue tempore illorum tumultuum, quos funesta Caroli I. cædes tam celebres reddidit.

P. 44.

P. 47.

P. 50.

P. 51.

P. 52.

P. 55.

P. 56.

P. 55.

P. 43.

P. 55.

P. 33.

P. 31. 35. 64.

P. 25. 54.

P. 68.

In tractatione alterius thesæos ita versatur, ut primo evidens esse dicat, quod non nisi superiores normam præscribere possint, ad quam inferiores regantur; deinde vero, quinam hic pro superioribus legitimis haberi debeant, exponat. Nimirum singulis Apostolis a Christo concessam assensit potestatem, ut de rebus arbitrariis ad religionis exercitium pertinentibus statuant; eandem potestatem, haud secus ac docendi munus & sacramentorum administrationem, transmisisse illos in successores & eos, qui in horum locum ordinatione legitima accedente successerunt, horumque au-

tori-

- p. 23. toritatem multum augeri, si quoque Principis & Magistratus politici consensus atque auxilium concurrat. Ita autem judicat de potestate ista superioribus competente, ut nec restringi eam velit ad introductionem ceremoniarum naturalium, prout Adversarius eas appellat, h. e. talium, quas ipsa quasi natura introduci postulat, nec tamen etiam extendi ad impositionem quarumvis rerum sua natura indifferentium; quandoquidem ad hoc, ut aliquis ritus injungatur, insuper necessarium esse dicit, tum ut ille sit consentaneus regulis generalibus Sacrae Scripturae, rerumque sacrarum dignitati congruens, tum ut significatum aliquem habeat, & sit quasi symbolum ejus rei, cujus intuitu introducitur: quemadmodum ex. gr. nudare caput olim fuerit signum autoritatis in viris, contra velo caput operire signum verecundiae in sexu sequiore. Unde porro concludit, quod, cum significatio ceremoniarum saepe variet, pro diversitate temporum atque locorum, æquum sit, interdum & necessarium, ut, quod olim fuit receptum, hodie mutetur, & quod hoc in loco conveniens est, id alibi rejiciatur, quodque adeo non possit regula dari ritus præscribens, qui semper & ubique sint observandi.

- Tertiam thesin, ex variis Scripturae locis, ex. gr. Hebr. XIII, 7. 17. 1 Thess. V, 12. 13. probatam, ita explicat, ut res, quæ sua natura erant indifferentes, post præceptum superioris fieri necessarias comonstret, atque illarum observationem doceat se habere instar conditionis, sine qua nequeat esse communio cum ecclesia, in qua quis degit. Ne vero, dum fideles ad obsequium tale obstringit, eripere illis videatur libertatem, in qua secundum Apostoli præceptum Gal. V, 1. stare debent, concedit ipsis facultatem inquirendi, an talis sit lex superioris, ut salvo erga Deum officio eidem satisfieri queat. Sequentes tamen regulas, ut cautionis loco hic observent, inferioribus commendat; 1. ut nil condemnent, quod non ex S. Scriptura probare possint, vel directo vel per necessariam sequelam, pugnare cum præcepto aliquo Divino; 2. ut perpendant, posse a superioribus peccari, dum certas ceremonias præscribunt, ex. gr. si minus utiles magis utilibus præponant, nec tamen propterea minorem adesse necessitatem parandi, postquam res ejusmodi fuerunt junctæ; in cujus asserti

fidem

fidem locum Baxteri, qui & ipse Presbyterianus, allegat; 3. ut non existiment, ignorantiam suam vel errorem excusare posse neglectum debiti obsequii; in qua sententia se Baxterum eundem habere consentientem indicat; 4. ut maxima sollicitudine id agant, ne prius obedire recusent, quam de re, de qua dubitant, plenissime fuerint instructi; 5. ut consultant eos ministros, qui sunt autoritate publica stabiliti, atque ab his præcipue scrupulos, quos habent, evelli sibi patiantur.

In Secunda Sectione quædam præmittit Autor ab Adversario sibi concessa, 1. Schisma esse discessionem illegitimam ab ecclesiastica communione; 2. eam discessionem pro illegitima habendam, quæ sine peccato potuisset evitari; 3. inter Ecclesiam Anglicam, & eos, qui Dissidentes dicuntur, talem discessionem contigisse. Mox quæstionem, quæ solâ veniat in controversiam, nimirum, utrum in his, an vero in illa, discessionis culpa resideat, subjungit. Deinde, quod non Ecclesia Anglicana, sed Dissidentes Schismatis rei sint, variis argumentis, quorum partem jam *ἐν παρῳδῳ* in Sectione prima attigerat, confirmat. Illud vero speciatim urget, quod nec iniqua sint, quæ Anglicana Ecclesia introduxit, nec adeo gravia, ut ulli justam conquerendi causam parere potuerint, atque ibi præcipue ritum in genua procumbendi, cum ad sacram Cœnam acceditur, contra Adversarium suum vindicat, qui eundem rejiciendum existimaverat, tanquam non congruentem gestui, quo usus sit Salvator in prima hujus sacramenti institutione, ac nimis prope accedentem ad cultum idololatricum Pontificiorum. Adhuc magis copiosus est in eo ostendendo, quod non constet sibi Adversarius, dum Ecclesiam Anglicanam Babyloni comparet, unde quemvis, cui sit cordi salus animæ suæ, egredi oporteat, atque ritus ejus tanquam execrabiles & abominandos in oculis Dei depingat, nec tamen defendere dubitet, posse Dissidentes, imo oportere illos communicare cum dicta Ecclesia, si per id habiles se reddere queant ad officium aliquod publicum. Aut enim falsa esse debere contendit, quæ contra memoratam Ecclesiam protulerat, aut omnino abstinendum esse ipsi atque aëclesia a communione cum eadem; simul deducens, quod his, qui duntaxat

p. 81.

p. 82.

p. 83.

p. 84.

p. 31.

p. 116. seq.

p. 98. 105.

p. 95.

p. 100. seqv.

p. 128.

p. 129.

p. 133.

p. 134.

p. 139.

p. 85.

p. 93.

p. 142.

p. 143.

p. 145.

p. 150.

lucris spe oblata & ad exiguum tempus se conformes reddunt Ecclesiæ, quam alio tempore condemnant, neque profit exemplum Davidis & sociorum, de quo 1 Sam. XXI, 6, item Matth. XII, 3. 4, neque incolarum Samariæ 2. Reg. VI, 15, neque Pauli Apostoli Act. XVI, 3. Act. XVIII, 18. Act. XXI, 24, neque etiam id, quod de natura rerum indifferantium, quasi eligendæ simpliciter sint, si boni alicujus præponderantis eventus inde pendeat, idem Antagonista disseruerat. Passim quoque monet, agnoscere Presbyterianos reliquos Dissidentes pro Schismaticis, nihil tamen his obijci posse, quod non idem contra illos adhiberi queat, & causam in eo adhuc esse deteriorem, quod reliquis viam quasi sese ab Ecclesia separandi monstraverint. Tandem regulas quasdam examinat, quibus justitiam ejusmodi separationis probari posse, Dissidentes sibi persuadeant, quarum prima est: nihil esse faciendum dubia conscientia; altera, cum rerum, quæ licitæ sunt, aliæ sint aliis meliores, semper esse præferendas, quæ maxime expediunt; tertia, in usu rerum indifferentium illud maximopere curandum, ne simus aliis offensionem. Quarum primam statuit vim suam perdere, si adsit non solum res in se licita, sed & superioris de ea præceptum; quandoquidem in tali casu, si dubitationes ab obsequii vinculo liberare aliquem possent, nihil foret, quod efficaciter obstringeret Pyrrhonianum aliquem ac de omnibus dubitare valentem. Ad alteram respondet, quod, quæ cuivis maxime expedire videntur, non statim re ipsa expediant; deinde, quod eligere tantum sit eorum, qui suo relinquuntur arbitrio, non etiam eorum, qui ab aliis reguntur. Ad tertiam, illud monet, quod si scrupulis omnium esset gratificandum, necessum foret, ut orbis universus leges accipiat ab hominibus maxime stultis, ignorantibus, protervis, suisque affectibus obtemperantibus, ut ruat omne debitum erga superiores, atque in erroribus magis confirmetur, quos corrigi ac in meliorem viam reduci charitas exigit. Denique testem pro se iterum producit Baxterum, & quam absolum sibi videatur, eo obtentu, ne aliis præbeatur offensio, Schisma excitare, quod sit offensionum omnium longe pessima ac perniciosissima, exponit.

Argumenti, cujus tractationem tertiz Sectioni reservavit, duas

duas partes facit. Prima quidem multum excessisse asserit ad culpam eorum, qui ab Ecclesia per leges Regni in Anglia stabilitas desciverint, quod in eorum aliquem peculiarem coierint, templa resque suas sacras separatim sibi habere cœperint, sacrorum quoque ministros a suo tantum arbitrio pendentes constituerint, verboque idem illud fecerint, quod veteres dixerint creationem altaris contra altare; in quo nec eandem fuisse causam Ecclesiæ Anglicanæ statuit, cum illa se abstraheret ab Ecclesia Romana, neque verum esse, quod prætexant adversarii de quadam necessitate, qua ad susceptam a se discessionem fuerint compulsi. Deinde id probandum sibi sumit, quod ministri, quos sacris suis adversarii præficiant, vocatione atque autoritate legitima destituantur, tam illi, qui præstito iurejurando, quod postea violent, ordinationem accipiant ab Episcopis, quam hi, qui ordinentur a Presbyteris simpliciter ita dictis. Hos enim ordinandi potestatem nec a Christo accepisse contendit, nec per decem secula priora post orbem redemptum eandem sibi vindicasse. Patres quoque ecclesiæ, qui plurimum Presbyteris faveant, & plurima illis largiantur (in quibus nominatim Hieronymum allegat atque Chrysostomum) semper ordinationem diserte retulisse ait inter res ad eosdem non pertinentes. Ceterum dum amoliri studuit Adversarius suspensionem, quod consilia Presbyterianorum tendant ad exitum Ecclesiæ, quam publicæ leges in Anglia confirmarunt, Noster quod non adeo fallantur opinione, qui secus hac in re de Presbyterianis existiment, hac eadem sectione demonstrare operam dedit. In fine libri denuo exprobrat Antagonistæ convitia, quæ in ipsum innocentem coniecerit, & quam falso, quam inconsiderate, quam denique contra propria & alleclarum commoda ille scripserit, paucis ostendere allaborat. Consilium addit, atque id præsertim debere Adversarium curare monet, ne, cum apertius tenuerit viam, quam cautius incesserit Autor libelli, *Short Work with the Dissenters*, eadem fata sentiat, quæ ille (propterea numellis publice expositus) sit expertus.

NOVA LITERARIA.

In Hollandia impressio Operum Erasmi strenue procedit, cui novæ editioni in gens ornamentum accedet, cum Bibliopola solertissimus, Petrus van der Aa, ultra quadringentas Erasmi epistolas ex illu-

p. 151.

p. 152.

p. 157.

p. 160.

p. 173.

p. 182.

p. 183.

p. 161.

p. 185.

p. 194.

ftri-

stribus bibliothecis nactus fuerit, nunquam typis excusas: ut tomus etiam tertius, qui epistolis erat destinatus, in duo volumina fuerit dividendus.

In Moscovia tñi supremus ipse Monarcha *Petrus Alexiovitius* Architecturæ Militari, Navalique & Mechanicis Artibus aliis, inusitato studio incumbit: ita bonarum quoque literarum & liberalium artium quarumcunque cultus magis magisque vigere incipit. In ipsa urbe principe Vir Reverendus, *Ernestus Glück*, Præpositus Livoniensis, qui post Narvam a Russis expugnatam captivus Moscuam abductus est, sed gratia nunc apud Potentissimū Czarem floret, Scholam Illustrem (ut ex ejusdem epistola ad Amicum nostrum & Fautorem æstumatisimū, *Henricum ab Huyssen*, S. Czareæ Majestatis Consiliarium in re militari, Serenissimi vero Principis Hæredis *Alexii Petrovicii* studiorum Rectorem, non ita pridem accepimus) instituit, instruxitq; typographiam edendis omnis generis libris, qui studiose juventuti commendari cum fructu solent. Dolet vero vehementer Vir optimus, quod Rutheni nondum fruuntur accurata satis SS. Bibliorum versione Slavonica, cum ea, qua hætenus utuntur, vitio seculi, quo a *Meibodio Illyrico* confecta est, magna obscuritate laboret, ut vix periodum integram laicus Ruthenus ad amissim possit intelligere. Cui malo quidem nonnullum adhibitum est remedium, cum Moscuæ nuper admodum hoc ipso anno 1705, a *Theodoro Polycarpo*, S. Czareæ Majestatis Architypographo, *Distionarium Trilingue*, h. e. *Distionum Slavonicarum, Græcarum & Latinarum Thesaurus, juxta Slavonicum Alphabetum in ordinem dispositus*, in 4. fuerit editus, ut vobis obscurioribus in versione illa Slavonica obviis lux jam aliqua sit accensa. Sed illud remedium nondum sufficere Glückius noster existimat, cum haud pauca in versionem irrepperint menda alia, & cum ipsa analogia fidei pugnantia; ut jam a longo tempore publico S. Czareæ Majestatis mandato interdictum sit, ne a quoquam imprimeretur denuo, ac in lucem emitteretur. Itaque novam plane versionem adornari, oprandam fuerit, neq; ad rem eam quicquam ipso Glückio magis futurus est idoneus, qui talem jam olim ex fontibus perfecerat, sed in direptione hostili Bibliothecæ ipsius universæ, cū Narva prædæ militum furibundorū pareret, amissam, & jam nunc versionem Novi Testamenti Græci iterum se aggressum, in epistola supra memorata profitetur. Quod si licet ergo calcar & nos diligentissimo Viro addimus, ut cæptum opus perficiat, ac de gentis Russicæ salute præclare mereatur, in Divini Numinis gloriam, Christianæque religionis insigni augmentum,

* * *

ACTA ERUDITORUM,

*publicata Lipsiæ
Calendis Junii, Anno MDCCCV.*

D. ÆGIDII HUNNII THESAURUS APOSTOLICUS, completens Commentarios in omnes N. T. Epistolas & Apocalypsin Johannis. Nunc primum hac forma editus, & novis, quæ antea deficiebant, Commentationibus auctis & locupletatus a JO. HENRICO FEUSTKINGIO, Doctore Theologo, Ecclesiæ Collegiata Kembergensis Prapósito & totius Diæceseos Superintendente.

Wittebergæ apud Joh. Wilh. Meyerum & Godofr. Zimmermannum, 1705 in fol. Constat 14 Alphas. & 13 plagulis.

Cum insignis ac de Ecclesiâ Christi immortaliter meriti Theologi, B. Ægidii Hunnii, edecumata in Epistolas N. T. Commentationes a multis avide, sed ob exemplarium inopiam, frustra hæcenus quæsitæ fuerint, de orbe Christiano præclare admodum meritis est Vir Celeberrimus D. J. H. Feustkingius, dum easdem non modo in publicum rursus prodire jussit, sed egregio quoque augmento locupletare voluit. Quandoquidem enim laudatus Hunnius in Epistolas Pauli ad Romanos, Corinthios, Galatas, Ephesios, Philippenses, Colossenses, Thessalonicenses, primam ad Timotheum, Titum, Hebræos ac primam Johannis, solum accuratas lucubrationes reliquit, reliquas autem N. T. Epistolas, ob mortem repentinam, pari studio ac labore enucleare haut potuit, Maxime Reverendus Autor, ut defectum illum suppleret, in Jacobi & utramque Petri Epistolam, nec non Johannis Apocalypsin, breves quidem, sed solidas & perspicuas

Hh

spi-

spicuas Johannis Winckelmanni, discipuli Hunniani, ejusdemque in Academia Marpurgenſi ſacceſſoris, Commentationes ſupplementi loco adjecit: ſecundam ad Timotheum, ſecundam & tertiam Johannis & Judæ Thaddæi Epistoſas ſua interpretatione implemet illustravit, ac præmiſſis prolegomenis, cujuſlibet capitis argumentum & diſpoſitionem, analyſin ſeu ſenſum, atque locos communes, laudatorum Duum-Virorum methodum ſecutus, curate nobis tradidit. Neque ſilentio prætermittendum, Venerabilem Apoſtolici hujus Theſauri Editorem B. Hunnii Commentarios ad Helvici Garthii, qui illius gener fuit, exemplar, quod Divino quodam fato ex bibliotheca Pauli Röber iſi obigit, in multis locis emendaſſe, correxiſſe, per verſus & minores quosdam paragraphos diſtipxiſſe, atque in elegantiore formam hunc cumulatiffimum Theſaurum redegiſſe, ac ſub finem operis luculentum rerum & verborum indicem addidiſſe. Tandem benevolum Lectorem celare nolumus, Doctiſſimum Virum intra ſemestre ſpatium Theſaurum Evangelicum, in quo Hunnii in Matthæum & Johannem, Winckelmanni in Marcum & Lucam, atque Arcularii in Actus Apoſtolorum Commentarii exhibebuntur, cum orbe erudito communicaturum eſſe, illudque opus jam ſub prelo ſudare.

PROCESSUS OFFICII FISCALIS CURIÆ ECCLES.

*Mechlinienſis contra Domnum GABRIELEM GERBERON,
Ordinis S. Bened. Congregat. S. Mauri Preſbyterum.*

Bruxellis, typis viduæ Petri van de Velde, 1705. 4.
Conſtat plag. 15.

GAbrielis Gerberonii nomen, alioqui inter literatos ob edita Marii Mercatoris Acta non incelebre, poſtquam diu delituiſſet, multo cum apparatu in lucem jam prodit. Ille A. 1682, ob ſuſpicionem Janſeniſmi, ex patriâ, Gallia, auſugerat, latibula tum apud Belgas Fœderatos, tum maxime apud Brabantos, ſub Antonii Kergré appellatione quærens. Cum vero Janſenianæ, quæ dicitur, factioni & libellis conſcribendis & conſilio diu inſerviſſet, tandem Illuſtriſſimi Archiepiſcopi Mechlinienſis, Humberti Gui-

Guilielmi a Precipiano, jussu die Mercurii post ferias Pentecostales anni 1703, Bruxellis captus & in Galliam transvectus est. Cum vero Archiepiscopus passim non servatæ in hac causa juris viæ argueretur, ejusdem imperio Fiscalis Advocatus Curia Ecclesiasticæ Mechliniensis, J. A. Vaes, præcipua Processus Juridici contra Clar. Gerberonium instituti monumenta edidit, præmissa ipsius Archi-Episcopi præfatione.

Enarrata igitur facti historia, libellus, quem vocant, conventionalis exhibetur, quo Gerberonius de editis, suppressis vel ficto nomine, variis Jansenianam doctrinam foventibus & promoventibus, inque Ecclesiasticum Magistratum, cum primis Archiepiscopum Mechliniensem & Gandavensem Episcopum, injuriis scriptis, de defensis quinque notissimis Jansenii propositionibus, explosis & joculariter tractatis Romanorum Pontificum decretis, de curata nova operum Mich. Baji editione, de commercio cum Jansenianis Hollandicis habito, & turbata universim Mechliniensi diocesi accusatur. Accedit intentatorum horum criminum probatio ex schedulis Gerberonii manuscriptis, literisque variis ad illum missis, quæ in supellectili ejus libraria, cum captivus abduceretur, inventæ dicuntur. Sequitur libellus, quem vocant, additionalis, peculiarem deductionem istarum accusationum, maxime primæ, complectens, similibusque probationibus munitus. Hunc excipit alter libellus additionalis ejusdem argumenti, secretum Gerberonii cum Paschasio Quæsnellio commercium in primis prodens, & probationibus geminis firmatus. Singulis libellis e regione accusationum appositæ sunt Gerberonii responsiones, quibus se maximam partem reum confitetur. Claudit opusculum Archiepiscopi Judicatum, Gerberonium, velut Jansenianum, ut ad Abbatiam suam in Gallias, ibidem corrigendus, deducatur, condemnans.

Amantibus literariæ rei cum primis volupe erit, videre hic detectum auctorem plurimorum a triginta circiter annis, suppressis vel ficto nomine, editorum librorum, e quorum ingenti numero quosdam hic enotabimus. Tribuuntur enim Gerberonio e propria ipsius confessione

Lettre à Mr. Abelli, h. e. Epistola ad Abellium, Rhodiensem Episcopum, contra ejus librum de Excellentia B. Virginis, A. 1674 edita.

La Fable du tems, jocosus in Archiepiscopum Rothomagiensem & Episcopum Sagiensem libellus.

Memorial Historique &c. i. e. Historica Recensio eorum, quæ ab A. 1647 usque 1653 circa quinque propositiones acta sunt, edita A. 1676.

Miroir de la Piété, i. e. Speculum Pietatis, doctrinam de Prædestinatione cum consecrariis ejus considerans, editum A. 1677 sub nomine Flori de S. Fide; qui liber ab Archiepiscopo Rhemenfi & Aquisdamaus, a Gerberonio vero litteris quibusdam defensio est.

Catechisme du Jubilé & des Indulgences, i. e. Catechetica Institutio de Jubilæo anno & Indulgentiis.

La Verité Catholique victorieuse, i. e. Veritatis Catholicæ Victoria contra Triumphum Corn. Hazart, Jesuitæ, edita A. 1684.

Deux lettres &c. i. e. duæ Epistolæ adversus Hazarti Defensionem, sub nomine Ignatii du Chesne scriptæ.

L'Eglise de France affligée, i. e. Ecclesiæ Gallicæ Afflictio, quam oppressis Jansenianis tulit, edita A. 1688 sub nomine Poirevin.

Abregé de la Doctrine &c. i. e. Compendium doctrinæ de Prædestinatione & Gratia.

Korte ende nodige Onderwyfinge &c. i. e. brevis Catholicorum Belgarum Institutio de lectione Scripturæ, qua libellus Episcopi Castoricensis eandem laicis concedens defenditur, edita A. 1690. Quæ cum ab Archiepiscopo Mechliniensi & Episcopo Gandavenfi damnaretur publicis decretis, jussuque Consilii Regii Geldrensis Ruremondæ combureretur, Gerberonius schedis quibusdam defendit id scriptum, & Præsules graviter accusavit.

Entretien d'un Abbé & d'un Jesuite &c. Colloquium inter Abbatem & Jesuitam Flandricum de subscriptione formulæ Antijansenianæ, editum A. 1692, quod posthæc duo alia colloquia ejus argumenti exceperunt.

Quæstio Juris, an lectio Scriptura S. Caroli V editis populo prohibita sit? edita A. 1692.

Critique des Prejuges de Mr. Jurieu, i. e. Examen Præjudiciorum Jurii, sub nomine Abbatis Richardi; quem librum in his Actis A. 1690 p. 565, 608 recensitum invenies.

Qua-

Quaestio Juris Pontificii circa Decretum ab Inquisitione Romana adversus XXXI Propositiones latum, edita A. 1693.

Adumbrata Ecclesia Romana Catholicaque veritatis de Gratia, adversus Melch. Leydeckeri Historiam Jansenismi, Defensio, A. 1696 sub Ignatii Eyckenboom nomine evulgata, & Romæ damnata.

Disquisitiones duæ de gratuita Prædestinatione, & Gratia se ipsa efficaci, A. 1697 sub nomine Mart. du Cherne publicatæ, & Romæ condemnatæ.

Traitez Historiques sur la Grace, nihil sunt aliud, quam præcedens libellus novo titulo instructus, & sub Abbatis de S. Juliano nomine editus.

Norifius aut Jansenianus, aut non Augustinianus. Rothomagi, 1699. Liber, quem Gerberonius a se compositum fatetur, editum a se negat.

La Veritable Lettre de M. l'Abbé le Rossu sur le livre du Cardinal Sfondrati, intitulé: Nodus Prædestinationis. Parisiis, 1698. Quem librum se composuisse non solum fatetur Gerberonius, sed & addit, in dicto Nodo contineri quædam dogmata plusquam Pelagiana.

Histoire Generale du Jansenisme, i. e. Jansenismi Historia generalis, A. 1700 Gallice edita, & in his Actis A. 1701, pag. 289 recensita.

Discordia Janseniana Enarrator.

Esprenes, &c. i. e. Strenæ ad Inquisitores, quibus Romana Inquisitio perstringitur, editæ A. 1700.

Le Chrétien desabusé sur le sujet de la Grace, i. e. Doctrina de Gratia Christianis rectius explicata, edita A. 1701.

La Confiance Chrétienne, i. e. Fiducia Christiana quatuor immobilibus innitens fundamentis, edita A. 1701, atque a Theologis Lovaniensibus & Duacenis damnata.

Mart. Steyarti Morbus & Remedia.

La nouvelle Logique du Sr. Bois-verd, ed. A. 1701.

Anselmus per se docens.

Deprehenduntur hic etiam passim libri a Gerberonio conscripti, sed in MStis adhuc latentes, quales sunt *Dialogus inter S. Anselmum & Bosonem ejus discipulum, Occasus Jansenismi, &c.*

Præterea ex ipsius Gerberonii confessione probatur, eundem Specimina Theologiæ Moralis, tutissimæ, quæ Ægidius Gabrielis Latine edidit, quæque Romæ damnata sunt, Gallice scripsisse, vel, ut suspicamur, transfulisse, p. 10; novam Michaëlis Baji Operum editionem, quæ A. 1696 prodiit, ab ipso præcipue esse curatam, p. 26. 51. Idem confessus dicitur pag. 65, quod Jansenii aliorumque ad Abbatem San - Cyranum literas, adscito Franc. du Vivier nomine, ediderit.

FRANCISCI DE VARGAS, PETRI DE MALVENDA, Veterumque quorundam Hispania Episcoporum, de Concilio Tridentino Epistola & Observationes Latinitate donata.

Brunsvigæ, impensis Christ. Frid. Fikkeli, A. 1704. 4.
Alph. 2. pl. 18.

Historiæ Concilii Tridentini illustrandæ, & maxime iis fere omnibus, quæ Petrus Suavis, vel potius Paulus Sarpus, de hoc Concilio jam pridem literis prodidit, confirmandis has Hispaniæ quorundam Episcoporum Epistolas inservire, tum jam a nobis indicatum fuit pluribus, cum Gallicam eorundem versionem, a Michaele Vassorio adornatam, A. 1699 *Mens. Jun. p. 261* in Actis his recenseremus. Nam quæ Hispanica lingua (præter aliquot solum Gallorum quorundam responsorias) ab Episcopis Hispanis manuscriptæ, in *Trumbullii*, Equitis Angliæ Illustrissimi, Bibliothecam privatam pervenerant, Epistolæ, illæ primum a *Michaële Geddeso* in linguam Anglicanam traductæ, cura Celebrissimi *Stillingfleeti* Londini A. 1697 in 8 juris publici factæ sunt. Postea *Michaël le Vassor*, Vir non minus celebris, easdem in Gallicam linguam translatis, nec non adnotationibus præterea doctissimis passim illustratis, Amstelodami A. 1699 in 8 luci publicæ exposuit. Et jam etiam, una cum Vassorii notis, a *Jona Conrado Schrammio*, Virò Clarissimo, Latinitate donatæ, in Germania nostra prodierunt, non exiguo orbis literarii emolumento. Equidem *Patres Trevoltenses*, e Societate Jesu, Vassorio, cum Gallica jam lingua ab eo ederentur, valde indignati, inter acerbas satis suas ad
has

has literas animadversiones, quas recensionis suæ loco Actis vel Commentariis suis Historiæ Scientiarum adornandæ infervituris, mense Februario anni 1703 inseruerunt, fidem ipsis ob duas præcipue causas dubiam reddere sunt annisi. Primo, observatum non fuisse, quomodo in hæc monumenta inciderit, vel qui servavit illa, vel qui reperit. Deinde etiam nondum satis esse demonstratum, num genuina illa sint, & ab iis revera provenerint, quibus tribuuntur? num vero, quod facile credendum sit, quidam Protestantium ea conceperit, posteris ita illusurus? At quæ ad hæc prævisa facile Pontificiorum tela, e Vassorio jam in recensione editionis Gallicæ a nobis fuerunt præmonita, ea nunc fortius sub finem præfationis suæ, Latinæ versionis præmissæ, Schrammii noster adversus Trevoltienfes urget, & uberiori aliquantum confutatione tuetur. Ceterum in ipsa præfatione non ineruditam de turbis, tum Ecclesiasticis, tum Civilibus, propter Concilium Tridentinum, inter ipsos hinc inde Pontificios exortis, commentationem instituit, & quomodo cordatiores Pontificii, tum in Italia, tum in Hispania, tum in Gallia, tum in Polonia, tum apud Venetos, tum etiam in Imperio Germanico, cum summis quandoque Principibus, vel publicum, vel privatum suum a Concilii Tridentini decretis dissensum, a prima statim ejus convocatione ad nostra usque tempora, subinde declaraverint, solertissime commemorat, alia denique adhuc monumenta, Historiam Concilii egregie illustrantia, & nondum antehac visa, orbi literario pollicitus.

HERMANNI von der Hardt AD CL. V. PAULUM
MARTINIUM NOLTENIUM, in Historiam Moſis Genes.

II, 18. 19. 20. de vocatis ab Adamo animalibus, Epistola.

Helmſtadii, A. 1705 in 8. plag. 2 ed. sec.

Quod dudum optant Viri præstantes, ut hujus Epistolæ Illustris Autor, alias ab Actis Constantiensis Concilii, aliisque monumentis nobis merito laudatus, suas *Annotationes in univ-
ersum V. T.* quas domi servat, cum erudito orbe communicet, id illi nondum possunt impetrare. Nec tamen usque ad hoc
det

det Reipublicæ literatorum, ut non interdum e scriniis suis promat, quo Lectores philologos & cupidos doctarum lucubrationum recreet. Expectant illi avide, & jam fere pollicentur sibi *Historiam Abrahami, Isaaci, Jacobi, Commentarium item in Hoseam*, ab eodem Autore, intereaque dum illorum & plurium potiantur, & hanc Epistolam cupide arripiunt ac legunt. In qua primum proponit quæstionem, Epistolæ nempe totius argumentum: *Num Adamus, omnibus brutis, volatilibus & terrestribus, nomina imposuerit, nature cujuslibet congrua; & num vestigia illius facti apud Mosen deprehendantur genuina?* Nec vero dissimulat, *Judaorum vulgus* id quidem velle, Adamoque ut istam laudem concilient, historiam Gen. II, 19, 20 descriptam proferre. Verum his ita respondet, ut ignorantiam scriptorum Mosis ipsis objiciat, qui Mosen frustra crepent & ostendent, quem in suæ gentis laudem vel invitum semper pertrahant. Idque agere, etiam h. l. *plerosque Rabbinorum*, ut ex Adami hac nominatione dein asserant *linguæ Judaicæ cum antiquitatem ac dignitatem*, tum pondus ac vim significandi inexplicabilem. Hanc opinionem, cum aliis multis, fuisse ad Christianos ita propagatam, ut viri eruditissimi, *Buxtorfius & Bochartus*, ne vix quidem evitare fucum Judæorum potuerint. Quibus id opponit, quomodo brutis imposita ab Adamo nomina significantiora parent ipsius nomine *Adami*, quod Deus indiderit, & hominem, humo natum, tantum indicet, naturam hominis non attingat. Quod si quis, contra ac Mose, a pulchritudine dictum Adamum velit, neque hac quidem ratione naturam hominis esse expressam; quod invenustum foret, in colore & venustate essentiam hominis, nisi forte venustissimi & mollissimi sexus, collocare.

Deinde ad locum Mosis, ad quem provocari solet, progressus, docet primo, Geneseos capite II, 4, *Adami historiam* reconditam pertexturum divinum Scriptorem, genuinam Adami sedem notasse, qui ex illa regione, in qua conditus fuerat, transire jussus sit in vicinum Orientalem tractum, fecundissimam *terram*, quam *coleret & conservaret*, omni, præter unum aliquod genus, victu indulto. Atque hoc primum hujus historię momentum. Ad alterum v. 18 digredi Mosen, emendandis Israëlita-

lita-

litarum moribus intentum, *Adami* scilicet *conjugium*: eique *oraculum Divinum* præmittere, ut in *omni vitæ genere ad Divinam* invitaret *providentiam*, & *societatis conjugalis sanctum principium* suos doceret. *Adamo*, inquit *Moses* v. 18, in regione fertilissima sic collocato, eaque colenda ac conservanda occupato, Divina providentia edixit, & pro rei necessitate ipsiusque desiderio definivit: *non esse bonum aut congruum, Adamum*, pro tanta rerum conficiendarum ac conservandarum cura, *existere solum*; sine auxilio & adjumento, tantis laboribus fore imparem. Atque hoc quidem principium conjugii, *laboris nempe consortium*, ideo sollicitè exposuisse *Mosen*, ut *Israëlitas* meliora edoceret, qui ab *Ægyptiis* male didicerant, voluptatis tantum causa uxores querere, habere, dimittere.

Succedere apud *Mosen* luculentum in priora verba commentarium: *faciam illi auxilium, quod illi sit præsto*. Divinum nempe de auxilio parando decretum. *Auxilium* vocari a Deo, *dulcissimam curarum & familiaris rei sociam*, cum delicata determinatione, tale auxilium, quod blando vinculo retineatur, ne abeat, sed *semper viro sit præsto*, in rei conservandæ cura.

Præterea *Mosen*, qui alias *Cananæorum* affinitates dissuadeat, modo illo, quo *Adamum* scribat sociam quæsitam non invenisse, id agere, ut *Israëlitas* a *Cananæorum* detestanda cum brutis consuetudine abstrahat. Quo etiam supplicia *Exod.* XXII, 18, *Levit.* XX, 15, 16 criminibus istis dicta spectent. Ideoque post decretum Divinum de socia necessaria, v. 13 sollicitudinem *Adami* in quærenda, & *judicium* de non inventa, v. 16 & 20 describi. Cum de *Adami* socia apparanda ageretur, *jam creverat*, inquit *Moses*, *Deus ex terra omnia bruta, omnisque generis volucres. Ea ergo in Adami oculos incurrere jussit*, effectusque, ut omnia, quæcunque & ubicunque essent obvia, animalia aspiceret attente. Meminisseque *Mosen* primo terrestrium, dein & volatilium, ne ullum genus quis exclusum putaret, maxime cum gentes utroque abuterentur.

Contemplaturum ergo Adamum omne brutorum genus, ut dispiceret, num quod illorum advocaret pro auxilio desiderato, aut ad se pro socia adscisceret. Neque his verbis: *quodnam*

illorum vocaret, designari judicat Autor illud Adami negotium, quo bruta nominasse jactetur ad naturam accommodate. Id enim historiae scopum non ferre: quandoquidem *de sociis Adamo quarendis* sermo sit, non de nominandis brutis. Atque esse ipsum absonum negotium cogendi ex universo orbe & nominandi bruta; quod multis incommodis prematur, quæ p. 19, 20, 21, 22 commemorantur. Nihil horum dicit Autor esse apud Moſen, Locutionem ejus pro scopo & contextu explicandam.

Jam ubi *solicitus de sociis* inducatur Adamus a Moſe, alterum quoque errorem vulgi Egyptiorum, Arabum, Sabæorum, finitimorumque, ab eodem tolli, nempe de occulto *animarum defunctorum utriusque generis*, & familiarium dæmonum cum homine commercio. Unde horum cultus & sacrificia quondam, Judæorumque Lilit & Styx Gentilium, ſagarum denique opinio venerea hodieque audiantur; & leges his oppositæ a Moſe Lev. XVII, 7, Deut. XXXII, 17, Exod. XXII, 17, Lev. XIX, 31, XX, 6, 27 legantur. Eam ob cauſam Adamus deſcribi non nonniſi inter animalia viva circumſpicere juſſum, *neque ex ullo alio genere auxilium pro ſocietate ſibi evocaturum, præterquam ex illis, quæ animantium viventiumque nomen ſecum ferrent*, excluſis animabus & dæmonibus. Nec quenquam, ſcopi memorẽ, autumaturum cenſet Interpres, Moſis illis verbis ſignificari, ab Adamo unum illud *animalis vivi* nomen omnibus datum fuiſſe brutis, terreſtribus & volatilibus; quod nullo id ſine referret Moſes, & contra plane dicat Gen. I, 20, 21, 24, 25, Gen. II, 7, quodcunque vocaret Adamus pro auxilio, id nomen jam habuiſſe *vivi animalis*.

Post conſilium Dei, v. 19 a Moſe enarratum, ſubjungit idem, Autore noſtro judice, v. 20 *Adami factum & obſequium: nominatum, ſeu ſigillatim, obvia omnis generis animantia percenſuiſſe, ſive domeſtica eſſent jumenta & cicuria, ſive volucres, ſive beſtie agri aut fere quæcunque*. Omnia viva animantia, quocunque veniant nomine, attendiſſe ſerio, judicaturum, eſſetne aliquod illorum ad auxilium ſibi idoneum. Pingique Adamum, ſeriem quaſi omnium animantium obviæ iterum iterumque pertextentem, *exemploque* dari Iſraëlitis, ne hi temere in bruta ruant.

Tan.

Tandem eodem fine ipsummet Adami judicium afferri monet Interpres noster, *atque ita*, a Mose concludi, postquam in omni genere animantium circumspexerat Adam, *pro Adamo non invenit auxilium*, & tale quidem, *quod presto illi semper esset*, seu jugale. Quæ diserta conclusio *Mosis*, de non inventa Adamo ex brutis jugali & laborum humanorum socia, exacte respondeat superiori *Mosis propositioni* & Divino oraculo, de necessaria Adamo conjugali, eaque quærenda. Quæ causâ sit, cur Moses his tandem subjungat veræ & dignæ Adamo conjugis originem, Adamique gaudium: nunc tandem in hac Eva deprehendo os ex osibus meis & carnem ex carne mea, sive jugalem humanam, homini congruam, quam diu frustra quæsit. Quo pacto *historia hac Mosaica penetrantissimum ad virtutem, honestatem, decentesque mores calcar sit.*

GEORGII WOLFFGANGI WEDELII CENTURIE
*secunda Exercitationum Medico-Philologicarum, sacrarum
 & profanarum, Decas I.*

Jenæ, apud Jo. Bielckium; 1704. 4. pl. 15.

NOvam hac Decade Exercitationum suarum Medico-Philologicarum Illustris *Wedelius* orsus est Centuriam, ad quam nunc more nostro perlustrandam, par prorsus materiarum tum selectarum, tum erudite pertractatarum, ubertas & præstantia nos excitat, quæ ad *primæ Centuriæ* Decades (et quidem *Dec. I & II. A. 1686. p. 361. Dec. III. IV. & V. Suppl. Tom. II. p. 249. Dec. VI & VII. A. 1694. p. 349. Dec. VIII. p. 501. Dec. IX. Suppl. Tom. III. p. 422. & Dec. X. A. 1701. p. 519.*) recensendas nos excitavit.

Atque in *Exercitatione* quidem *I* primæ hujus in Centuria secunda Decadis, de *Censu Augusti*, ex marmore maxime Ancyranò, ab Augerio Busbequio Ancyrae, oppido Galatiæ, invento, contra Eminentiissimum Cardinalem Norisium, & nuperum quendam Scriptorem anonymum demonstrat, non unum, sed tres ab Augusto Imperatore in Judæa census fuisse peractos, quorum primus ipso nativitatis Christi anno, seu anno Augusti XLII;

alter anno Christi VII, qui cum anno a pugna Aëtiaca XXXVII, a Josepho censui Quirini assignato, conveniat; & tertius anno Christi XIV, Sexto Pompejo & Sexto Apulejo Coss. contigerit.

In *Exercitatione II* per *Morbum Phanicum Hippocratis*, L. II. Prædict. c. 49 memoratum, Elephantiasin seu lepram veram Arabum intelligi, non paucis argumentis comprobatur, textu Græco Hippocratis accurate simul & diligenter castigato, & ex-anthemata, quorum Hippocrates loco suo meminit, alia alba, alia rubra esse, ex ipso Hippocrate demonstrato.

In *Exercitatione III* de *Hercule Medico*, Poëtæ Euripidis relationem de Alceste mortua, & per Herculem Alcmenæ filium resuscitata, non fabulam, sed Herculem istum tum verum, tum summum Medicum fuisse, contendit. Scilicet Alceste, Admeti Thessalorum Regis conjux, morbo consumpta & tabescens, resolutis jam manuum viribus, pro conclamata habebatur, & tantum non mortua: indictus etiam erat luctus funebris per annum integrum, rasura capitis & pullæ vestes, ut jam tunc in usu erat. At dum jam ipsa pompa funebris est ducenda, bona fortuna Hercules, Alcmenæ filius, hospes adest, qui re comperta admittitur Alcestem, in omnium oculis exanimem & jam rogo imponendam, vivam conjugi, salvam & incolumem reddit; licet multis laboribus. Atque hoc factum, Tragedia ab Euripide scriptum, neque pro fabula Poëtæ & ingenii lusu, neque pro miraculo habendum, Wedelius eo minus censet, tum quod Poeta ipse opinionem, quod Alceste revera mortua & ab inferis ducta sit, declinat, *Τεθνασιν*, inquiens, *οἱ θανόντες*, & iterum, *Ὅυκ ἐστὶ τῆς θανόντας ἐς Φάος μολαῖν*; tum quod ipse Admetus Herculi querenti, utrum mortua an viva esset Alceste? responderit: *ἔστιν τε, καὶ ἔκ' ἐστὶ*, est & non est. Quo evicto, jam id cumprimis evictum dare annittitur Wedelius, *Herculem fuisse Medicum*. Primo enim, testimonium Cornelii Celsi Herculem facere Medicum antiquissimum & celebratissimum. Deinde dictum Alcidem *ἀπὸ τῆς ἀλκῆς*, a remedio; & *ἀλεξικακὸν*, quod nullum majus vel gravius malum esset morbis: prout & ab eo apud Hippocratem morbi quidam nominentur morbi Herculei; non quod ipse Hercules

cules istis vexatus fuerit, sed quod tanti fuerint, ut Herculeis opus habuerint remediis. Porro pingi Herculem cum poculo: non quod ebrius vinum fuderit ex urceo, sed ad denotanda pocula sanitatis, pro abigendis morbis & reparanda valetudine. Fuisse domitorem monstrorum, ac idcirco clava & leonis exuviis insignem, ad febres, hydropem, cancerum, epilepsiam, aliosque morbos saevissimos, ab eo curatos, significandos. Expurgasse Augiæ stabulum, quod cacochymiam, morborum gravissimorum matrem & nutriculam, expurgaverit. Theſeum & Pirithoum, enecto Cerbero, ex orco reduxisse, quod itidem a desperatis morbis vitæ restituerit; & quæ sunt reliqua.

In *Exercitatione IV de Ecstasi putata Christi*, locum D. Marci c. III, v: Καὶ ἀκούσαντες οἱ παρ' αὐτοῦ, ἐξηλάθεν κρατήσαν αὐτόν ἄλεγον γὰρ, ὅτι ἐξέστη, evoluit, atque ubi ἐκείσιν aliam supernaturalem, aliam non naturalem, aliam vero præternaturalem esse dixit, ex phrasi, ὅτι ἐξέστη, neque delirium, multo minus furorem, sed solum prætensam putatamque animi passionem argui posse, ostendit.

In *Exercitatione V de ἀγῶνι Christi* disserit, eamque non angorem corporis ex intemperie quadam spirituum morbosa ortam, sed tristitiam intellectualem, ex odio & ira erga mortem, infernum & horum fratrem diabolum natam fuisse, ex ipsa historia sacra declarat.

In *Exercitatione VI Tabulam Hermetis Smaragdinam*, ampla quadam in ipsum textum, eam complexum, commentatione explicat, ac in ea veram Chimix sublimioris & Lapidis Philosophici theoriam tradi, adversus Athanasium Kircherum, cum Borrichio & Krigsmanno commonstrat.

In *Exercitatione VII de Nummis Novi Testamenti*, generatiorēs primum voces Græcæ, ad exprimendam pecuniam vel monetam quamcunque in N. T. adhibitæ, ut χαλκὸν, νόμισμα, χεῖμα enodantur; quam enodationem specialis nummorum sacrorum expositio ordine alphabethico excipit. Nimirum ἀργύριον, argenteus, ex mente Wedelii nostri, modo pecuniam indefinite quamvis ex argento confectam; modo in specie certos nummos argenteos notat, qui cum drachmas quatuor pendeant,

dimidio Imperiali nostrati, monetæ gravioris seu *schweren Gels* *Deß* æquipolleant. Ἀσάριον, *assarium*, diminutivum ab asse est, as dimidius, & perinde ac λεπτόν species monetæ omnium minutissimæ; κούδρανς vero seu quadrans quarta pars assis, non denarii. Δηνάριον, *denarius*, species nummorum Romanorum, hodie adhuc frequentissima, denos valet nummos æreos, ut quinarius quinos; ex quo simul & illud efficitur, asses fuisse nummos æreos, & unumquemque assē partem decimam denarii. Δραχμή, *drachma*, eadem est, cum denario; & διδραχμον duo denarii; τετραδραχμον autem stater seu quatuor denarii. Qui valor si cum nostro comparatur, denarius non per duos grossos cum dimidio, neque per tres cum dimidio, Germanis Schreckenberger/ ut quidam volunt; sed per integros tres grossos monetæ gravioris reddendus erit. Ut adeo Matth. XX. 2, ubi conventio facta dicitur cum operariis ἐκ δηνάρϊα τὴν ἡμέραν, in diem denario, zum Tage-Lohn/ & hinc acceperint ἅνα δηνάριον, singuli denarium, ita intelligendum sit, pretium operarios singulos tres vel tres cum dimidio grossos accepisse. Μνᾶ, *mina*, per quam in N. T. non mina Alexandrina, sed Romana intelligitur, est nummus centum drachmarum; τάλαντον, *talentum* vero, quod pro certa nummorum quantitate, eaque non levi, sed pondere eminenti, in N. T. acceptum legitur, apud Josephum habet minas centum. Regulat denique hæc omnia certus numerus unicuique nummorum recensionī additus; atque hinc Matth. XVIII. 24 μύρια τάλαντα, quæ decem millibus cum 60 minis seu 6000 drachmis divisīs, faciunt sexaginta millena millia, 6000000 imperiales, seu sexaginta auri tonnas; & Act. XIX, 19, per ἀργυρία μυριάδας πέντε, denariorum quinquaginta millia, seu sex mille ducenti & quinquaginta imperiales constituuntur.

In Exercitatione IIX de *Claudis Novi Testamenti*, geminam speciem duorum ex utero materno claudorum historiam, unam Act. III, 2, alteram Act. XIV, 8, memoratam examinat, atque Philologicis quibusdam circa voces Græcas χαλῆς, βάσις, σφοδρά observationibus inspersis, veros istos claudos miraculoso modo ab Apostolis sanatos affirmat, curationem a primo ortu claudorum impossibilem per naturam statuens; utut se ipsum

pri-

primis annis præxeos A. M DC LXVII adolescentem universali paralyfi, miserrimo spectaculo laborantem, & dehinc non paucos alios perfecte paralyticos, per Dei gratiam, curasse memnerit.

In *Exercitatione IX Basslii Valentini*, famosi istius scriptoris Germani & arcanorum chimicorum principis, *vitam* succincta quadam commentatione exhibet, & insigni elogio, *ubi desit Basilius, ibi inceptis Paracelsus, uterque non satis in sua arte laudandus*, ornat, deque scriptis illius eorumque fatis notatu digna memorat.

In *Exercitatione X* originem & sensum *Paramia*, *Jovem Lapidem jurare*, tum literalem, tum mysticum maxime, ad forum chimicum & *lapidem speciatim Philosophicum* translatum, notis eruditius indagat, eaque occasione iconem inserit quatuor lapidum securiformium, seu, quod alii putant, cuneorum, partim Querfurti inter rariora cimelia Davidis Sigismundi Buttneri, Diaconi ibidem, partim apud suos a se visorum.

Joh. Joachim Müllers Historie von der Evangelischen Stände Protestation und Augsburgischen Confession.

Hoc est:

JO. JOACHIMI MÜLLERI HISTORIA PROTESTATIONIS STATUUM EVANGELICORUM & AUGUSTANA CONFESSIONIS.

Jenæ, apud Jo. Bielckium, 1705, in 4. Alphab. 6. plag. 10.

Quemadmodum Doctissimi Mülleri nostri Nobilissimus Patrens, Jo. Sebastianus, ante annos aliquot, trium novissimorum seculorum memorabilia, quæ quidem ad Historiam Saxoniam spectant, e monumentis quam aptissimis, Annalium in morem dilucide admodum dextreque recensuit, ut in Actis A. 1700 p. 409 monuimus: ita vestigiis paternis insistere laudabiliter allaborans Filius solertissimus, specimen hac vice edit suæ in perlustrandis chartophylaciis secretionibus Saxo-Vinariensibus, quibus una cum Viris integerrimis aliis hoc tempore præfectus est, exantlatæ hæcenus industriæ, atque ea propter nunc in apicum produ-

ducit, quæ ad partem Historiæ Ecclesiasticæ seculi decimi sexti haud minimam illustrandam non parum conferunt. Etenim solennem illam *Protestationem*, qua a decreto Comitiorum Spirensium A. 1529 habitorum, ad Sacram Cæsaream Majestatem Conciliumque universale Christianum atque liberum, Judicemve quemvis idoneum alium provocarunt Status, qui exinde Protestantium nomen adepti sunt, non parum describit accuratius, eique comitem adjungit Historiam *Legationis* ad Imperatorem Carolum V, Protestationis istius insinuandæ gratia, susceptæ, tandemque & prolixissimam *Augustanæ Confessionis Historiam* subnectit. Viderat, Illustrem Seckendorffium in Historia Lutheranismi, istud appellationis instrumentum, in Archivo Vinariensi asservatum, utpote quod actorum historiam & Reformationis præcipua fundamenta exhiberet, dignum judicasse, quod ad notitiam omnium hæc nosse cupientium publicaretur. Viderat etiam, ab eodem Historiam Comitiorum Augustanorum manuscriptam, ibidem reconditam, volumen appellari a Viro rerum peritissimo, & fortassis ab ipso Pontano elaboratum, quod editionem maxime mereatur, multisque aliis, quæ de his Comitibus scripta extent, præferendum sit. Plurimum itaque in sententia sua, de his monumentis publicæ luci exponendis, se confirmatum sensit, & ideo tribus in libris narrationis filum longius protraxit, quorum primus Protestationem & Appellationem, secundus Legationem, ob eandem institutam, & tertius denique Religionis in Comitibus Augustanis tractatum negotium attinentem Historiam omnem describit. Utrique suam narrationem allatis in medium monumentis, quæ huc spectant, integris, prout verbis ea primitus conceptis habent, confirmat, immortalis Seckendorffiano operi hac ratione quoddam velut Supplementum additurus, quandoquidem in isto talium excerpta modo plerumque reperiuntur. Utut autem heic, seriè narrationis ita postulante, alibi jam passim obvia nonnulla repetenda venerint, plura tamen primitus nunc e manuscriptis protrahuntur, & priora ista pariter ex his nonnullis in locis pleniora & correctiora sistuntur. Et ut de iis, quæ nunc primum integra publicantur, cuivis constet dilucidius, dum in Indice librorum capitumque simul inserta allegat monumenta,

hæc

hæc ab antea jam tum vulgatis adjecto solícite asterismo distinguit. Historiam Comitiorum Augustanorum A. 1550 habitorum manuscriptam locis inserit convenientibus, eamque ad Autorem Apologiæ MStæ provocando insinuat, variaque ex eadem profert, quæ in Cœlestino & Chytræo, utut hi non levem huc attulerint diligentiam, frustra omnino quæsieris. Singula vero Noster ea pertractat cum dexteritate, ut nihil fere ad istius historiæ perfectionem amplius requirendum videatur. Interdum etiam excursu aliquo nec inutili nec inconvenienti Lectorem divertit, velut ubi p. 688 seq. de oblata, cum post mortem Maximiliani I thronus vacaret Imperatorius, *Johanni Friderico*, Johannis Filio, & postmodum Saxonix Electori, (non, ut perperam in Tab. II Archi-Ducum Austriæ Rittershusiana legitur, Friderico III Electori) in sponsam *Caroli* Austriaci sorore, *Catharina*, Infante Castiliæ, ex actis abs se attentius inspectis disserit, & quomodo post factam Francofurti electionem Imperatoriam sponsalia rite contracta & rata insuper utrinque habita, veruntamen post tempus quoddam interjectum rescissa rursus fuerint, sponsa quippe eadem Regi Portugallix in thori sociam concessa, luculenter memorat.

MARTINI HANKII DE SILESIIORUM NOMINIBUS Antiquitates.

Lipsiæ apud Christ. Bauchiun, 1702, 4. Constant 12 plag.

EJUSDEM DE SILESIIORUM MAJORIBUS ANTIQUitates ab Orbe condito ad annum Christi 550.

Ibidem, apud eundem, 1702, 4. Const. 18 plag.

EJUSDEM DE SILESIIORUM REBUS AB ANNO Christi 550 ad 1170 Exercitationes.

Ibidem, apud eundem, 1705, 4. Constant 2 Alph. 10 plag.

MARTINUM HANKIUM, Gymnasii patrii apud Vratislavienses in Silesia Rectorem, Scholarumque reliquarum Aug. Confess. addictarum Inspectorum, præter Orationes & Poemata in lucem emissâ, duo præsertim tractatus de Romanarum & Byzantinarum rerum Scriptoris celebrem, & D. LEOPOLDO Imperatori, nuperrime pro dolor! fati defuncto, litteratorum

Kk rum

rum omnium æstimatori augustissimo, notum atque charum reddidere. Qui licet per annos plus quadraginta laboribus gymnasticis mancipatus, parum a negotiis gravioribus respirare potuit, horas tamen suas ita dispartitus est, ut post scholastici muneris curas, ad patriarum antiquitatum notitiam digrederetur, quarum evolutio tanto difficilior habetur, quo minus ille Germaniæ veteris adversus Sarmatiam terminus, ab auctoribus mediorum seculorum describitur. Tria potissimum momenta sunt, quorum pertractatio a Silesiis magna difficultate laborare creditur, ipsum scilicet *Silesiæ nomen*, *veteres* deinde regionis *incole*, ac *novi* denique, illorum *successores Slavi*. Prioris puncti indagationem Clarissimus Autor in libello *de Silesiorum Nominibus* accurate persequutus est, cujus capite I. Nominum, quibus *Silesii* denotantur, recensio; II. Origo prima *Silesiorum* nominis, a *Silesiæ situ*, Latina, Polonica, Germanica; III. Origo secunda, a *solo Silesiæ*, Polonica; IV. Origo tertia, a *Silesiæ fluvio Sleso*, Slavica; V. Origo quarta, a *Silesiæ monte Saborbo*, Latina & Germanica; VI. Origo quinta, a *Silesiæ Convenis*, Polonica; VII. Origo sexta, a *Silesiæ Convenis*, Bohemica; VIII. Origo septima, a *Silesiæ populo Quadis*, Slavica; IX. Origo octava, a *Silesiæ populo Lygiis*, Germanica; X. Origo nona, a *Silesiæ populo Elysiu*, Germanica; XI. Sententia, quod seculo post Christum natum sexto ortum sit *Silesiorum* nomen, legitur. Alterius momenti rationes in tractatu *de Silesiorum Majoribus* disquirunt, cujus XXI capita sunt, in quorum XIV prioribus, originem *Silesiorum* ex majoribus inter Noachicos Japheticis, inter Japheticos Celtis, inter Celtas partim Gallis iisque Gothinis, partim Pannoniis iisque Ofis, partim Germanis iisque Suevis, inter Suevos autem *Lygiis* & *Quadis* deducit; capite postea XV. *Lygiorum* & *Quadorum* res gestas ante Christum natum, capitibus XVI. XVII. XVIII. XIX. XX. *Lygiorum* & *Quadorum* acta seculis quinque post Christum natum illustrat, ac ultimo tandem capite, quod est numero XXI, quaestionem perdifficilem examinat: an scilicet *Silesiorum* majores *Lygii* & *Quadi*, post destructum in Occidente Romanum Imperium, seu sponte sua digressi, seu per vim adacti, seculo VI. circiter annum 550. patriam *Silesiam* vacuum *Slavis* advenis occupandam reliquerint,

rint, prorsus ipsi postea deleti? Atque ea ipsa nervus est puncti, quod modo inculcavimus, tertii. Quum enim multi ex Polonis pariter ac Silesiis asserant, Quados & Lygios per Slavos Polonos aut in fugam coniectos, aut vi oppressos fuisse, indignatus est celeberrimus Hankius illatam hanc patriæ injuriam, & velut alter Germanicæ originis vindex, operosissimo scripto, quod *Exercitationes de Silesorum Antiquitatibus ab anno Christi 550. ad 1170.* inscripsit, demonstravit: Quados & Lygios, postea *Silesios* dictos, adeo non a Slavis Polonis aut depulso, aut extincto, ut Silesii potius diu quidem cum Polonis pari tum jure, tum libertate, societatem coluerint, aliquoties tamen ab iis separati iisque contrarii, vel nulli, vel alteri populo associati fuerint; etiam post instauratum in Occidente Romanum Imperium, licet suis Ducibus præditi, Romanis Imperatoribus, tanquam summis Principibus suis, a Carolo Magno ad Fridericum I. Barbarossam, tributarii subiectique fuerint. Universum opus in capita XII. dispescuit, quorum singulis sectionibus non modo computum chronologicum, sed Romanorum quoque Imperatorum, Polonicorumque Ducum nomina præfixit, addita semper notula, num Silesii eo tempore Romano-Germanorum Imperio tributarii, num a Polonis separati, num vicissim cum Polonis aut etiam Bohemis conjuncti vixerint. Tributi mentionem ideo adjectam deprehendimus, quod ex Polonis Scriptoribus fere omnes, atque præ cæteris Joannes Schultzius, Clarissimus nuper Francofordiensium Juris Professor, ante menses aliquot ibi vivis ereptus, singulari opere, quod *de Polonia nunquam tributaria* composuit, tributum a Polonis unquam solutum fuisse Romanis Imperatoribus, contra Conringium cordatissimosque rerum Germanicarum auctores, pernegant. Eruditam hanc litern, magno fervore inter utrosque Scriptores agitatam, duobus fundamentis acquiescere notavit Hankius noster, quorum *primus* est: quam terram Scriptores ancipiti *Polonia* vocabulo designent? Veteres enim & recentiores, generali notione *Poloniam* sæpius vocant, non tantum quam hodie cognomento vel *majorem* vel *minorem* nuncupamus, verum ab utraque distinctam etiam quamcunque provinciam cum Polonia sub eodem communi capite conjunctam, Lithuaniam, Russiam, Masoviam, Samogitiam, Prussiam, Pome-

rianam; quo pacto, quicquid jurisdictioni Polonicæ subditum aut fuit, aut est, Polonicum dici consuevit. Hinc parem ad legem, nostra *Germania* pars *Silesia* sæpius antiquis vocabulo alieno, quam suo, denotari solita, ob annosam cum Polonia conjunctionem, dicta reperitur *Polonia*. Eum ad modum igitur Polonia, quoties aut Germanis aut exteris aliis vel tributaria vel subiecta fuisse dicitur, num tota, num ejus quædam & quænam pars innuatur, occasionem dubitandi præbet: sicque unius vocis ambiguus intellectus miris umbris lucem historicam obscurat. *Posterius* fundamentum hoc est: utrum de Polonia, seu tributaria, seu subiecta, dissentientibus Scriptoribus *Germanicis*, an *Polonicis*, subscribendum in ea re sit, unde priscus & Polonorum & Germanorum status, in alterius nationis gloriam seu adaugendam, seu imminuendam, solide cognoscendus dependet. Hanc controversiam quoties tractare cogitur Auctor noster, primo quidem Poloniam, quatenus Silesiam vocabulo suo non comprehendit, Germanicis Augustis nullo modo unquam subditam fuisse, sed sub Poloniæ tributariæ nomine, vel Pomeraniam, vel Silesiam, veteri Poloniæ conjunctas provincias, intelligi statuit. Addit vero, Germanicis Scriptoribus in hisce Polonorum rebus plus, aut certe non minus, auctoritatis esse tribuendum, quam Polonis, cum quod Germani multo vetustiores sint omnium seculorum auctoribus Polonis, atque in rebus suorum temporum, quibus multa ex parte præsentis interfuerunt, fidem omnino præ recentibus mereantur, tum etiam quod in Germanis major animi candor ubique deprehendatur, Polonos vero in iis, quæ patriæ gloriam obfuscare possunt, multa neglexisse, suamque adeo fidem sublestat reddidisse constet. Quod ad ipsam operis tractationem attinet, laudanda est Viri Clarissimi exactitudo, qui quotiescunque thesini aliquam proponit, præter annorum indiculum, quem semper addit, testimonia integris cujuscunque auctoris verbis exprimit, vetustiores recentibus præponens, quorum rationes punctatim examinat, & cuinam ipse adsentiat, innuit. Præmisit insuper Exercitationibus hisce prolixam præfationem, in qua 1) quo dictionis genere, 2) quibus e monumentis, 3) intra quos materiæ limites, 4) qua tum veritatis, tum etiam perspicuitatis cura, 5) quo præcipuo intentionis scopo, lectoribus

ca.

capiendam exhibeat rerum patriarum notitiam, ingenue profiteatur. Hac igitur ratione difficilior annalium Silesiacorum pars, stupendis tot annorum vigiliis a diligentissimo Polyhistori in ordinem redacta, atque ex monumentis, quantum licuit, antiquissimis diducta, non Silesiæ tantum, cujus præcipue gratiam lucubrationibus suis meritis est Auctor, sed eruditis omnibus, illis autem inprimis, qui gentium migrationes, & medii ævi acta scrutari solent, exhibetur. Hac ratione tot illustria Germanorum facinora, tot præclara Silesiacæ fortitudinis decora, quorum famam alias cum ipsa fere memoria priorum temporum infelicitas ob Scriptorum penuriam aboleverat, nova luce donantur, & Piaſtus, Silesiorum cum Polonis conjunctorum Dux, cujus stirpem, post nongentorum annorum principatum, anno superioris seculi quinto ac septuagesimo, in Georgio Guilielmo, ultimo Lignicensium, Bregensium & Wolaviensium Duce, invida Parca, exstinxit, Germanicæ origini ab Hankio nostro postliminio quasi vindicatus, in Boleslao Procero, Mieslao, & Conrado Lasconogo posteris suis, constitutis Silesiorum Ducibus propriis, a Polonorum Ducibus & distinctis & separabilibus, revixit. Hac denique ratione Silesiæ populus ab anno 550, quo etsi non amplius Suevicus, tamen adhuc Germanicus, partim Quadicus, partim Lygius, cum peregrina dissimillimaque Sarmatarum Slavorum Polonorum gente societatem inibat, diu alienum, prius Slavorum, deinde Polonorum nomen, aut obscuratis, aut imminutis laudabiliter gestis sustinere solitus, post DCXIII annos, per quos cum Polonis plerumque sub eodem capite fuerat connexus, aliam rei-publicæ formam recepisse conspicitur: pro temporariis Præfectis, perpetuos Duces anno 1163, eosque totius Silesiæ possessores anno 1169 consequutus.

VOYAGE DE GUINÉE, SIVE ITINERIS A GUIELMO BOSMANNO ad littoris Guineensis in Africa provincias suscepti Historia, XXII Epistolis Gallicè scriptis comprehensum

Ultrajecti apud Ant. Schouten, 1705. in 12. cum fig.
Const. 1 Alph.

Kk 3

MA-

Magna quidem Scriptorum seges est, qui itinera in utramque Indiam facta litteris consignarunt, sed pauciores sunt illorum libelli, ex quibus Africæ statum, qualis nunc est, atque ejus præsertim plagæ, quam *Littoris aurei Guineensis* nomine Cosmographi indignant, perdiscas. Huc enim vero inservit præsens Guilielmi Bosmanni opusculum, qui Belgarum Fœderatorum auctoritate Pro-Prætor dicti littoris, Collegii pro stabiliendis illic commercii instituti Adfessor, atque castelli D. Georgii apud Elminenses Præfectus fuit, & haud ita pridem, post felicem ad Batavos reditum, negotiationis exercitiæ rationes scripto luculenter exposuit; cui vel ideo major habenda est fides atque æstimatio, quod oculatus omnium, quæ narrat, testis fuit, & ea civibus suis de præfenti commerciorum ac incolarum illius tractus statu recenset, quæ intra proximum ævi nostri decennium contingere. Dispersuerat laborem suum in libros quinque, sed mutavit brevi post mentem, & per epistolâs telam, quam exorsus erat, pertexturus, viginti illarum Gallice exaravit, quibus duas ejusdem argumenti alias, a Davide Nyendaalio & Joanne Snoekio ipsi missas, ad calcem socias junxit. *Prima* earum monita quadam generalia de Guineensi littore, ac magis dein specialia de Aximensi provincia suggerit, cujus dominium Batavi atque Brandenburgici inter se partiti sunt, ex quibus hi Fridericiburgum, illi autem D. Antonii arcem a Lusitanis olim conditam possident, ea tamen differentia, quod Brandenburgici Præfectorum, quos Directores generales Auctor adpellat, culpa omnia fere perdiderint; Batavi vero, tanquam rei nauticæ ac incolarum magis gnari, magnam ex auro, ebore atque mancipiis mercaturam adhuc faciant. *Secunda* regiones Jabinensem & Adomensẽ; *tertia* regnum Commanensem, cujus emporium celeberrimum Elmina urbs est; *quarta* Fœuensem, Sabonensem, Fantinensem provincias; *quinta* Acronensem. & Agonnensem territorium, nec minus regnum Aquamboensem, in quo Angli, Batavi & Dani castella fundarunt, delineat. *Sexta* tractus, ubi aurum colligitur, ejusque formam ac valorem; *septima* vero auri inde ad Europæos asportati calculum ponit, atque virorum, quibus colligendi computandique auri munia committuntur, indiculum ostendit. *Octava* acrem intra montes minus sanum, morbos in-

de

de obortos, vulnereque per decocta olera sanationes, & fulmina plane terribilia sæpenumero illic locorum obvia describit. *Nonna* mores incolarum versutos & vafros, vestitum, educationem, linguam, agriculturam, commercia, & quæ ejus generis sunt; *decima* cultum sacrorum, infinitum idolorum numerum, sacrificiorumque fraudes; *undecima* regiminis formam, leges, judicia, tribunalia, regii cultus a plebejo vitæ genere discrepantiam exiguum, Batavorum autem in Aximensium maximam partem imperium, armorumque diversas species; *duodecima* matrimonia; *decima tertia*, morborum remedia & funerum ritus; *decima quarta* animalia quadrupedia; *decima quinta* volatilia, pisces, cancos, serpentes; *decima sexta* arbores, frutices, plantas, fruges & legumina; *decima septima* vero singulares de vāgrandibus bestiis historiolas nobis depingit. Decimam octavam tandem, XIX, & XX Epistolas descriptioni Quahoviæ, Ladincuriæ, Lampii Provinciarum, fluminum variorum, ac regni inprimis Fidæ impendit. Hæc summa operis lineamenta sunt, quod ob argumenti copiam vetus Plinii proverbium, quo *ex Africa semper novi aliquid* adferri scribit, in memoriam nobis revocat. Ne igitur sicco quasi pede cuncta transeamus, quædam tantum, ac ne ex singulis quidem litteris singula, quæ palato nostro maxime arriserunt, excerpere placuit. Magnum esse littoris hujus Guineensis tractum, ex eo colligimus, quod diversa regna, provincias bene multas, oppida & vicos pene innumerabiles, & spacium aliquot centum miliarium completitur. Incolarum vero deterrima conditio est, quos levi de causa pro mancipiis vendi, quibusdam in plagis ex raptis solum vivere, alibi victimas idolis mactari, & ultima quæque tyrannidis atrocissimæ pati constat, adeo certe, ut *Anqua* quidam illorum Dux sanguinem humanum (Epist. 2. p. 27.) plus vice simplici biberit. Quid ergo magis optandum esset miseris, quam Christianos nancisci rectores? Sed obstitit mutua inter Lusitanos, Anglos, Belgas, Danos & Brandeburgicos altercatio, quorum alii aliorum conatus turbaverunt, atque ex fociis hostes facti bene cœpta pessumdederunt; obstitit, uti Auctor refert, Anglorum militum luxus, Lusitanorum pauperies, Danicarum virium defectio, reliquorum autem inordinatum regimen, quibus id tandem effectum est, ut

dum

dum singuli omnia affectant, omnes deinde vix singula devictorum Æthiopum imperia retinuerint: cujus rei, præter Bosmannum, testes sunt Focquenbrogius Batavus, & Guilielmus Joannes Mullerus Harburgensis Saxo, qui posterior, quod obiter notamus, Augustissimi Regis Friderici III jussu, Danorum ad illa littora navigantium Concionator nauticus extitit, & Fetuanæ regionis, cujus maxima pars tunc temporis ad Danos spectabat, descriptionem Noribergæ 1675, in 8, idiomate Germanico publicavit. Ue vero ad Bosmannum nostrum revertamur, digna lectu sunt, quæ Epist. III. de regno Commanienfi a Batavis circa annum 1687 per Sweetium subjugato, Epist. IX. de *Mulatis*, (genus id hominum est ex Æthiopiâ & Europæo progenitum) Epist. XII. de Guineensium polygamia, de adulteriis severe punitis, de neglecta inter conjugatos bonorum communione, de liberis ab hæreditate adeunda exclusis, de circumcisione infantum, de uxoribus post decimum partum per annum integrum solitarie viventibus, ac deinde ad maritos reversis, de puellis in libidinem publica venalium corporum prostitutione damnatis, quarum tres aut quatuor a singulis civitatibus aluntur, tantæ apud Æthiopes existimationis habitæ, ut Batavi nihil non a Barbaris extorquere possint, si meretrices dictas in castella sua captivas abduxerint. Nec minus illud memorari meretur, quando Epist. XIII. mactata in funerum solennitatibus, etiam per infantes, mancipia tradit; quando Ep. XIV. elephantes plumbeis haud æque ac ferreis globis feriri, & eodem in tractu animal *ἀνθρώπου φάγον*, Barbaris *Koekeboe* & *Arompo* dictum, inveniri scribit, cujus generis quoddam in nundinis vernalibus hujus anni, ex Africa in Germaniam delatum, heic Lipsiæ conspeximus; quando Epist. XVII. elephantem in horto arcis Elminensis deprehensum, vix ducentis scloporum ictibus occisum narrat. Cæterum quod ad regnum *Fida* attinet, in Guineensium confiniis situm, magnam Auctor operam ultimis tribus epistolis, in recensendis ejus sacris, legibus, pœnis, redditibus, incolis, frugibus, bestiis ac finibus adhibet. Colloquutus est aliquoties perquam familiariter cum ipso Fidenfium Regulo Bosmannus, quum mancipiorum emendorum gratia illuc diverteret, atque hoc modo ex oculari inspectione dominationis *areana*, genium incolarum,

rum, & sacrorum formulas perdidicit. Miserissima gentis sub Tyranno vita est. Quævis elegantioris formæ puellulæ in gynæceum regium vel invitæ abripiuntur, atque ex illis, quarum Regem satietas & fastidium cepit, integræ quotannis cohortes exteris advenientibus divenduntur. Quisque incolarum tot sibi idola fingit, quot consulum ac necesse duxerit; ex omnibus autem serpentes agmen ducunt, quos in ea veneratione habent, ut delubrum regni celebratissimum *Domum Serpentis* nuncupent, ad quam peregrinationes frequenter instituunt, hostias quotidie deferunt, atque fortunatum inde in negotiis successum præstolantur. Illorum cultui certi sunt constituti Flamines, homines nauci ac fraudulentissimi, qui artibus suis superstitosam plebeculam argento emungunt, & Vatiniani inter conjuges odii femina spargunt. Serpentes autem, quorum ingens multitudo per ædes singulas discurrit, uti neminem lædunt, ita vicissim a nemine læduntur, sed eodem frequenter cum hominibus cibo victitant, & ab incolis tanta religione immunes ab adgressionibus servantur, ut quum Anglorum negotiatores anguem in hospitio obvium occidissent, ac cadaver foras projecissent, universa mox civitas, in qua patrata fuerat cædes, in rabiem quasi conversa, convolverit ad arma, neque prius quieti sese dedit, quam Anglis interfectione oecidis, mercibusque illorum igne penitus absumentis. Accidit etiam anno circiter 1697, ut porcus anguem ob morsum sibi inflictum devoraret, idque tanta festinatione, ut Æthiopum, qui adstabant, nemo serpenti suppetias ferre posset. Conversi ergo ad sacrificulos suos Barbari, infortunium ordine exponunt, quod facinus execrabile mirum in modum detestati, questus ad Regem deferunt, edictumque ab ipso extorquent, quo porci per universam regionem idcirco deleri jubebantur; cui quoque mandato tam properanter satisfactum legimus, ut maxima suilli gregis multitudo letho succumberet, donec ex Purpuratis aliquis Regem ad edicti antiquationem precibus ardentissimis permoveret. Contigit alius Auctori nostro casus, ut ex laqueari nimirum conclavis ejus quotidie serpens in mensam prandii tempore descenderet. Bosmannus, quum ad Regis colloquium circa id tempus admitteretur, per jocum conquestus est, quod diebus singulis de-

ster quidam gentis serpens apud ipsum haud invitatus pranderet, quem a mensa arcere & hospitio depellere cogatur, nisi Rex sumtus ad victum novi hospitis impenso libenter reddat. Quid ergo factum? Regulus narratiuncula Bosmanni mire delectatus, ut serpentem quiete illuc divertere permitteret, hortatur, atque impensarum loco pinguem Auctori bovem dono, mittit. Præter Flamines, ex sequiore sexusagas & sacrificulas habent, scēminas magnæ inter Barbaros auctoritatis, quæ *Deorum se filias* vocant, & maritis, quibus junctæ sunt, morem in paucissimis gerunt. Ex illis una ante quatuor, aut quod excedit, annos ex inferno se rediisse contendebat, cujus ignem ac tormenta ita graphice depingere noverat, ut cum Francisco Quevedo Hispano, qui simili ratione apud Plutonem aliquando per somnium divertisse fabulabatur, de palma ingenii certare potuisset. At enim vero ex hac profunda gentis superstitione satis colligere est, quam difficulter ex iis unus vel alter ad Christianæ veritatis lucem ex Paganismi tenebris converti queat. Expertus est obstinationem illam R. P. Thomas Augustinianus, qui cum Purpurato cuidam prædiceret, gentem universam infernalibus olim flammis, ni resipisceret, vexatum iri, id solum responsi accepit: *Parentes, Avi Atavique nostri eandem vitæ rationem, eundem idolorum cultum sequuti fuerunt, ac nos: si ergo illi aeterno igni destinantur, pariter existimo, nos velut illorum posteros eadem sorte gaudere, qua prædecessores nostri gavisi sunt.* Jactitarunt equidem Galli, se in Africano littore universam regionem Allinensem, cujus incolas maximam partem subjugarunt, ad Christum adduxisse, Principem gentis Parisios venisse, ab Episcopo Meldensi, post approbata Romanensium dogmata, sub Ludovici Hannibalis nomine baptismum accepisse, die postmodum 27. Februarii anni 1701. ex Cardinalis Noallii manibus sanctissimæ cœnæ Dominicæ symbolum accepisse, Divæ autem Virgini Mariæ ditiones suas votiva tabula dedicasse, & d. 24. Martii, tribus Gallorum navigiis bellicis sub equitis Damonii ductu instructum, in patriam remeasse. Sed fabulam sapere nuncium isthoc Gallicum, commentitiumque Principem ex mancipiorum, quæ Galli ex Africa in Americam deportant, numero unum fuisse, & post reditum in Africam pri-

pristinæ servituti se reddidisse, asserit Bosmannus: qui Mercurii Europæi auctorem, ex quo verba (Epist. XX. p. 448.) protulit, alterius adhuc mendii insinuat, dum Gallus Pseudo-Principem illum Regem Syriæ adpellavit, quum Affinensem scribere debuisset. Unum adhuc addimus, natos scilicet videri ad servitutem hos Æthiopum populos, quos inter usu receptum est, ut a parentibus liberi, a maritis uxores, quarum singuli plures ducunt, ad lubitum levi pretio vendantur, quæ mancipia mercimoniorum in illo tractu præcipua portio sunt, ac in ipsa servitute nihil magis exhorrescunt, quam ut ab emtoribus velut quædam mensarum lautitiæ, aut pullorum instar saginentur.

FULGOR FULGINII IN SPLENDORIBUS SAN-
ctorum, sive R. P. D. JULII AMBROSII LUCENTII, Cister-
ciensis Abbatis, *Elogia Sacra.*

Romæ, typis Bernabò, 1703, 4.
Constant plag. 30.

Fuliginium, celebre Veteris Umbriæ oppidum, mercatura dives est, maxime vero, si Francisco Scotto in Ital. Itin. fidem habemus, rerum saccharo coopertarum nundinis valde frequentatur, ut Italiam adeo in vulgi facietis *Foligno delle strade inzuccherate*, seu Fulginensium viæ ac plateæ saccharo tinctæ quasi aut imbutæ vocitentur. Cujus urbis cives quosdam præcipuos, vitæ ac morum sanctimonia, miraculorumque post obitum patratorum, quæ putant, celebritate illustres, quadraginta & septem, elogiis posteritati commendare voluit R. P. D. Julius Ambrosius Lucentius, Abbas Ordinis Cisterciensis, Sacræ Congregationis Indicis Consultor, & pluries in S. S. Liberiana Basilica extra ordinem Pœnitentiarius Apostolicus, Apostolici Catechismi in Urbe Minister &c. Nuncupavit is lucubrationes suas Clementi XI. Pontifici hodie Maximo, atque in eo præcipue operam collocavit, ut illorum, quos Ughellus in *Fulginatensium Episcoporum Catalogo*, & Ludovicus Jacobillus in edito *de Sanctis atque Beatis Umbria*, quos ad *Celsum gloriam evexit Fulginium* opere, seu leviter tantum memorarunt, seu quorum obliti plane sunt, graviore stylo laudaret atque describeret; fœminis quoque in illorum, quos adduxit, censu haudquaquam neglectis. Dignus Cla-

Elog. XLI.
p. 191.

Ll 2 rissi-

rissimi Abbatis labor est, quem illi, qui Fulginatium gloriæ favent, & meritorum a prædecessoribus in ædes sacras collatorum recensione delectantur, optime sibi commendatum habeant: neque enim in solis sanctissimorum virorum elogiis scribendis acquievit, sed paraphraseos quasi loco, singulis notas suas adjecit, in quibus præter personarum natales atque res gestas, locorum insuper fata & familiarum vicissitudines, annaliumque, ex quorum voluminibus omnia hauferat, titulos atque auctores subjungit. Quam quidem styli rationem quum sibi præfixisset, elogio statim secundo (p. 19. sq.) quod D. Paulo, Gentium ac inprimis Umbro- rum A. postolo dicavit, disputatiunculam addit: an ex eo, quod asseratur Paulus æqualis in potestate cum cæteris Apostolis, possit confundi Primatus Petri cum Apostolica potestate Pauli? Elog. III. Umbriæ, & in illa Fulginii urbis statum breviter exponit. Elog. IV. Saxoviven- sis Archiccenobii (auctoris formula utimur) claritudinem extollit: magnum quippe & fulgentissimum inter Italiæ septa Deo sacra Saxovivum est, ipsi fere Casuto æquandum, auctum scilicet ad numerum nonaginta duorum monasteriorum, quæ se ipsi adjunxerunt per universam Umbriam, Picenum, Etruriam & Latium; quibus in locis & aliæ monachales Cellulæ, animarum cura- tæ Ecclesiæ, & plura Hospitalia eidem se subdidere, quibus Sa- xoviven- sis Archimandrita, tanquam caput & Abbas Generalis, sub Saxoviven- sis Congregationis nomine jura dicit; quam dignita- tem D. Maynardus Benedictinus, illustri stirpe Teutonice natus, & e Stiria Germanorum in Italiam profectus, primus sustinuit, Elogio XV. ab Auctore nostro laudatus. Num. XXIV. Eliseæ fa- milix apud Italos celeberrimæ præconium; n. XXV. S. Petri Con- fessoris, qui Fulginati um Divus tutelaris est, & *Lachrymosus* at- que *Almificus* vulgo vocatur, elogium; n. XLII. Augustini Mi- noritæ, *illuminati* cognomento dicti, vitam; n. XLIV. Oratorium Boni Jesu Congregationis S. Philippi Neri, per Ven. P. D. Jo. Baptistam Vitellium nobilem Fulginatem institutum, cum dul- cissimi ex saccharo apud Fulginien- ses pinxi solitis comparatum; n. XLV. Jo. Baptistæ Jacobilli, Ludovici Jacobilli, quem de Sanctis Umbriz scriptorem supra laudavimus, gentilis, virtutes stylo con- signatas Lector inveniet. Cæterum ex illis, quorum scripta in-

sub-

subsidium adscivit, Nicolaum quoque Tignosium in Originibus Fulginensibus, Sigismundum de Comitibus Fulginatum in Commentariis de Historia sui temporis, Durantem Dorium in Historia Trincia, Felicem Ciattum in Historia Perusina, Pompejum Compagnonum in Regia Picena, Aloysium Catharinum de Nobilitate Neapolitana, Franciscum Zazzaram de Nobilitate Italica, aliosque plures citavit, quorum opera hisce in oris rarius obvia, & paucissimis inter nostrates cognita esse credimus. Quare optandum non modo est frequentius Italarum cum Germanis librorum ac litterarum commercium, sed admonendus etiam doctissimus Abbas, ut post viros, qui Fulginium vitæ sanctimonia illustrarunt, eorum quoque, qui litteris apud Fulginates maxime inclaruerunt, catalogum pari diligentia contexere, & in lucem emittere sustineat.

DE DRIE SEND-BRIEVEN VAN DEN H. JOHANNES, en die van den H. JACOBUS, ontlede en scrifftmatig verklaart.

i. c.

Trium S. JOHANNIS & unice S. JACOBI Epistolarum Analysis & analogæ Scripturis Explicatio. Autore JOHANNE CHREYGHTON V. D. M. Franckerane.

Franckeræ, apud Jacobum Horreum, 1704. in 4.

Constat alph. 4. pl. 17.

EA cum Reverendo & Clarissimo Autori mens esset, ut S. Codicis libros eruditissimis commentationibus illustraret, Divi Johannis inter alios & Jacobi, in quibus operam poneret, epistolas selegit, eo quod priores omnem pietatis vim ac rationem complectantur, posterior Ecclesiæ doceat fata, tum superiorum temporum, tum olim eventura. Primam quippe inter Johanneas eo maxime consilio conscriptam ab Apostolo fuisse, ut pietatem inculcaret, ejusque ex N. T. genio ac indole, ipsaque Evangelii doctrina originem arcesseret, quo confirmaret credentes, tepidis stimulos adderet, ac infideles excitaret. Tribus autem universa partibus absolvitur, præfatione c. I, v. 1-4. tractatione c. I, 5-V, 12. & epilogo c. V, 13-20. In tractatione ita versatur Apostolus, ut

præf. **

p. 3.

p. 4.

p. 23.

Ll 3

&

- p. 24. & piorum gaudium, si in communionem veniant Ecclesiæ, Deoque fruantur, consummari posse doceat; & quo illud impleatur, definiat modum. Utrumque hoc ordine exequitur, ut tum generatim notas ostendat fidelium, quibus de salute sua, gaudii quoque complemento certiores redduntur; quarum tres constituens, primam c. I, 5-11, 2. secundam c. II, 3. 4. 5. tertiam c. II, 6-14. exponit, cui mantissam velut ac appendicem subijcit v. 15-29: tum speciatim media suppeditet, quibus hanc fidei *πληροφορίαν*, in gaudii sui complementum, juvare pii debeant & confirmare c. III-V, 12. Epilogus denique fidelium enumerat prerogativas, ex certitudine isthac ceu fructus oriundas, partim in precum *παρρησία* v. 13-17. partim in perseverantia credentium ac immutabilitate sitas v. 18-20.

- p. 396. Secundæ in dubium Grotius vocat autorem, alium substituens
p. 427. Johannem, Ephesinæ Ecclesiæ presbyterum; confutatus eo nomine ab Hammond. Sane nobis quidem patrum, Irenæi, Clementis Alex. Tertulliani, &c. longe, quam Grotii, prior autoritas est. Ceterum rem omnem, cui volupe est, apud Gomarum videat. Epistolæ vero argumentum adhortationem complectitur, qua sartam tectam jubet doctrinæ servare integritatem, & a Pseudo-Doctorum sibi cavere corruptelis, Anti-Christi scilicet anteambulonum. Eo itaque omnis tendit, ut contra seductorum, qui Anti-Christo viam straverunt, insidias instruat Ecclesiam & muniat. Præfatione constat v. 1. 2. 3; tractatione, quæ (1) ad vitæ rationem Christiano nomine dignam hortatur v. 5-7. (2) a seductione cavere jubet v. 8. 9. (3) de consuetudine & conversatione cum falsis doctoribus instruit v. 10. 11; & Epilogo v. 12. 13.

- p. 469. Tertia præter inscriptionem v. 1. exordium complectitur
p. 477. v. 2-4; tractationem (qua Gajum Apostolus a charitate ac liberalitate commendat v. 5-8, de Diotrophæ vita ac moribus refert v. 9. 10, ad munificentiam hortatur v. 11, ac Demetrio testimonium perhibet v. 12.) & epilogum, quo literarum breviter exulat v. 13. 14. 15.

- p. 501. Jam vero, ut ex ungue, quod ajunt, agnoscas leonem, quam ipsa textus explicatione fidem ac industriam probaverit Autor, exemplo docendum. Locus vix alius æque interpretum in securas ac studia convertit, quam v. 16. cap. V. Ep. I. Joh. quem de pecc-

peccato in Spiritum S. loqui, sunt qui affirmant, alii negant. Auctori quæ circa eundem sententia sit, paucis lustrabimus. Primo itaque phrasin, *ἀμαρτίας ἀμαρτάνειν*, quam sæpe alias pondere carere, & simpliciter peccandi actum designare largitur, singulari h. l. emphasi gaudere, totamque enormitatem, quæ in oculis incurrit, & imperitis offendicula, piis mororem pariunt, peccatorum seriem ac nexum notare observat. Quod vero ad mortem peccatum dicitur, de morte æterna ac supremo impiorum supplicio ut plurimum accipiunt doctores; minus sane commode, quod ad hunc sensum peccata omnia ad mortem forent, cum omnia gehennam mereantur. Nec est, quod regeras, peccatum ut ad mortem non sit, Divinæ id misericordiæ, ac merito Christi fide apprehenso acceptum esse ferendum: cum ne sic quidem electorum ante conversionem patrata delicta, imo & *ἀνεργαίῃς* fidelium, ex illorum numero ac censu excludenda sint. Hac itaque cum non procedat, alia aggrediemur via. In genere mortis vocabulum statum denotat *ἀνάληψιν*, sensu motuque carentem; qualis metu incusso v. g. in Nabale conspicitur, cuius cor mortuum fuisse, h. e. torpuisse ac obstupuisse, 1. Sam. XXV, 17. dicitur. Haud equidem negandum, Deut. XXII, 26. peccatum mortis, morte dignum notare delictum; ast alia hic loquendi formula obtinet, ubi peccatum AD mortem vocatur, æque ut Joh. XI. a Christo morbus AD mortem dicitur, qui mortem comitem habet. Tale ergo hic notabitur peccatum, quod mortem spiritualem, *ἀναληψίας*, cordisque duritiem in peccante secum affert. Quo sensu Eucherius quoque in de quæstion. difficil. N. T. in h. l. phrasin exponit. Nec cum Cocceji hæc pugnant explicatione, qui de plenaria a veritate defectione, inexpugnabili conjuncta cum induratione, existimat agi. Monet itaque Apostolus, ut, si quis fratrem suum non ad mortem videat peccantem, misericordia ejus capiatur, precibusque conversionem illius juvet. Nec irritas has fore preces statuatur, cum vitam ei, in cuius gratiam sunt fusæ, impetrent. Ubi quidem vita oppositam, quam supra diximus, morti significationem habet, ut velut illa indurationem, sic hæc conversionem notet ad vitam. At enim vero sollicite hic circumspiciendum, an frater peccans admonitionibus locum det, & ire

Divi-

p. 402.

p. 403.

p. 404.

p. 405.

- Divinæ comminatione convinci animum ac moveri patiatur: unde felicem precum exitum & peccatoris augurari liceat conversionem. Contra vero ea pro peccatoribus ad mortem, qui indurati in peccatis pergunt, omnesque hortationes, incitamenta, minas susque deque habent, orare Apostolus vetat. Quamquam enim fidelium non sit, iudicem agere & damnatoriam in alterum sententiam fore: cum *παρρησία* tamen ac fiducia, pro ejusmodi homine intercedere non licebit; voto solum locus erit, *Jvelit Deus*, si ita ipsi visum fuerit, misereri. Non enim amplius de exauditione certos reddere, vel ad preces hortari Apostolus audet, quam quoad ex verosimillimis pateat indicis, ejusmodi Deum in peccatore excitare motus, ex quibus spes oriatur, fore ut divina ac irresistibili potentia convertatur, & propter Christi merita salvetur.
- p. 406.
- p. 508. Ad D. Jacobi epistolam Autor progressus, postquam eorum, qui *θεοπνευσίας* ejus in dubium vocarunt, notasset errorem, accuratam ordinis, qui prima quidem fronte alicui forte deesse videbitur, rationem habendam monet. Quippe in tanta argumenti varietate (ubi cap. I. statim de oppressione fratrum & tolerantia, tum de sapientiæ origine, mox de laudabili divitum gloria, porro de peccandi illecebris, de refrenanda hominis iræ, de fructuosa verbi Divini auscultatione, denique de iis, quæ ad sanctum Numinis cultum pertinent, agitur) non ad verborum nexum esse attendendum, sed rerum, quibus universa, & pro temporum ratione varia Ecclesiæ N. T. facies continetur. Eamque Cocceji autoritate sententiam confirmat. Ac ne mirum id cuiquam videatur, alias quoque in Apostolicis, utramque scilicet Petri, & Judæ epistolas propheticas esse, & Paulum haud dubie 2. Thessal. 2. de ortu, indole ac interitu Anti-Christi vaticinari affirmat. Quinimo id ipsum ad Christi facere gloriam Ecclesiæque splendorem, si & Apostolorum aliquos prophetico instructos spiritu ac lumine dicamus: ut in Johanne, Petro, Juda, Paulo, liquido conspiciatur. Cur ergo, quæ cæterorum fuit, eam Jacobo dignitatem denegemus? Cæterum epistolæ, non in tractatus forma, Divinum id opusculum prodiisse, tum inscriptio probat, tum epistolis præmitti solitum votum. Nec obstat, quod epistolari ca-
- p. 509.
- p. 511.
- p. 512.
- reat

reat clausula, quæ brevitatis forte studio omiſſa eſt; æque ac I. Johannis *ἀντὶ τοῦ πρῶτου* orditur, ſoloque *ᾠή* Amen obſignatur. Argumentum, in quo verſatur, inſtitutio eſt, de officiis, quibus tum univerſa in genere Eccleſia, tum quodlibet ejus membrum, in ancipiti fortuna operam dare debeat, quo dignum ſe Evangelio ſanctæque gerat vocatione, & Dei exinde gloriæ regniſque ejus oriatur ſplendor. Eo itaque omnis tendit, ut ſanctum Dei conſilium aperiat, qua via quibuſve modis Eccleſiam ſuam regere, & ad iſtud perfectionis ac gloriæ perferre culmen decreverit, quod ultimis temporibus tenere debeat. Hinc eſt, quod a patientiæ in adverſis orditur, & in gentium deſinit converſionem. Ordine conſtructa eſt tali, ut inſcriptionem c. I, i. excipiat tractatio, quæ duabus partibus conſtat, & tum generalem exhibet officiorum expoſitionem, quæ pro fortunæ diverſitate variis temporibus Eccleſiæ incumbunt, tum exactiorem ſatorum enumerationem, quæ doctrinæ juxta ac regiminis eccleſiaſtici reſpectu, varie poſtremis ſeculis eam ſint aſſectura, c. II-V. ad fin. Quod reſtat, de auctore adhuc monendum, duos fuiſſe in Apoſtolorum ordine hoc nomine claros, Jacobum Zebedæo ſatum, & Jacobum Alphaei filium Matth. X, 2. 3. Quorum alter, qui frater Johannis, cum mature nimis, & ante, quam datæ epiſtolæ tempus patitur, Herodis ſevitia occubuerit Act. XII, 2. ſatis apparet, poſtერიorem illum epiſtolæ extitiſſe autorem. Sunt, qui tertium addunt e LXXII diſcipulorum numero, cognomine Juſtum: Eraſmus quatuor numerat; æque tamen firmis, ac pro Alphaei filio, argumentis deſtituuntur. Et hæc fere ſunt, quæ circa præcognita monenda cenſuit Autor. Jam quod ad ipſam epiſtolæ explicationem attinet, ea maxime crucem fixerunt eruditis, quæ cap. II, 14. ſqq. de fide operibus inſtructa diſputat Jacobus. At vero his controverſiam prædici exiſtimat Noſter, quæ de veritate & ſinceritate fidei Eccleſiæ cum Romano-Catholicis ſit futura; quam omnem ita partitur, ut proſitionem v. 14. ejusdem *ἐκ θεοῦ* ac explicationem v. 15. 16. 17. uberiorem porro deductionem v. 18, 19, & concluſionem v. 26. exhiberi ſtatuat. Jam itaque, quod v. 14. fidem habere dicit Apoſtoli, non de fiducia, ſed confeſſione ac prædicatione doctrinæ fidei ſeu Evangelii capiendum: æque ac de

p. 513.

p. 514.

p. 650.

p. 651.

M m

ope-

- p. 653. operibus fidei maxime illis loquitur, quæ doctrinam Evangelii ornant, & ad institutionem fratrum faciunt. Sic quaestio- nis car- do in eo vertitur, an nuda salutaris doctrinæ professio, operibus destituta, spem facere salutis queat? quod Apostolus negat, men- temque suam egeni exemplo v. 15. 16. illustrat, cui ni misericor- diam impertiat fides, ac ipso juvet opere, vanam esse ac irri- tam pronunciat. Ubi quidem spiritualiter pauperes Autor in- telligit, quibus Ecclesiæ (Pontificiæ) antistites verba dent, fumos- que vendant, nec divinarum rerum cognitione aut salubri eos imbuant doctrina; unde nudi vestibus salutis, & spiritualis cibi inopia laborantes, ad fores stent sacerdotum, inani tamen cum benedictione, & solenni isthac formula, *abi in pace*, dimittantur.
- p. 658. Inde ad thesin Apostolus redit v. 17. fidem absque operibus, i. e. Evangelii doctrinam operibus, quæ ad rudiorum pertinent insti- tutionem, destitutam, esse mortuam, quod pro tali habeatur, quæ ad Ecclesiæ nil profit instructionem. Id enim mortuum alias in Scriptura dicitur, quod operatione, quam edere debebat, caret; quo sensu peccatum a Paulo mortuum asseritur Rom. VII. 6. 8. Jam vero uberiores huic effato deductionem v. 18. sq. Apostolus sub- jicit, litem exponens, quam Pontificiis hoc de fidei dogmate mo- turi sint Orthodoxi, Satanæ profunditatem penitus habentes per- spectam. Cum enim ex operibus cognosci fides debeat, ex Pon- tificiorum sane tyrannide, persecutionibus, oppressione piorum, *ἡθελοῦθησκειας* item, monasteriorum fundatione, peregrina- tionibus religiosiis, &c. minime eam elucere: quare hoc fidei de- fugiant examen, antiquam prætendentes fidem ac tot seculorum ferentem ætatem, nec ulterioris adeo inquisitionis indigam. Ad quæ v. 19. regerit Apostolus, recte quidem ipsos facere, quod cre- dant, unum esse Deum; nec tamen id sufficere, siquidem nec Dia- boli istud in dubium vocent: qua appellatione Bekkerus sacer- dotes gentilium, Antonides Pontificios cum suo Flamine antistites, Autor vero malignos designari putat spiritus, qui idem creden- tes nihil ea propter feliciores evadunt, verum contremiscunt.
- p. 666. Idem porro Apostolus deducit, allato gemino e V. T. typo; A- brahamum ex operibus justificatum, i. e. pro justo declaratum & cognitum affirmans, quod jam ante fidem haberet, quam fili-

um mactare vellet, ad justitiam sibi imputatam. Ubi prolixè cum Paulo Jacobum Autor confert, notamque *idavtio Daviæ* e medio tollit. Hinc porro sequi docet, neminem ex fide qua tali solum justificari, seu pro justo declarari & agnosci, nisi opera indivulso nexu fides sibi habeat conjuncta. Quæ porro de Rahab meretrice Apostolus affert, ea faciem exhibere Ecclesiæ Autor existimat, circa prima reformationis tempora, quibus pii multi & qui bonam mentem amabant, ad verum transeuntes Christianissimum, legatos Christi & heroes seu orthodoxos doctores receperint, foverint, ipsorumque in propagando Christi regno conatus juvarint. Inde reformatam Ecclesiam ex operibus justificari Autor concludit, in qua operosa fides & viva veram sponfam demonstrat, cum in Pontificia mortua maneat fides. Tandem colophonem controversiæ Apostolus imponit v. 26. fidem declarans Ecclesiæ Pontificiæ operibus destitutam, inertem esse ac fidei potius simulachrum, æque ut ipsorum conventus sacri, vita ac spiritu carentes, exanguis ad instar cadaveris sint habendi.

p. 679.

p. 681.

p. 683.

p. 685.

*SAMUELIS MORLANDI OBSERVATIONES
quadam nova circa partes & usum florum
in plantis.*

Excerptæ & translatae ex Actis Philosoph. Angl.
No. 287. Anno 1703.

Nitida & curiosa florum textura, una cum toto suo apparatu oculis se sistens, Viros haud paucos, singulari eruditione & sagacitate celebres, in penitiorem sui investigationem invitavit. Cum autem isti, qui in Historia naturali perficienda, & naturæ operationibus evolvendis, suam collocant operam, non eadem felicitate, qua reliquas res naturales prosecuti sunt, hanc materiam tractaverint; non irritus forsitan erit conatus, accuratius in fabricam & usum dictarum partium inquirendi, quo vegetabilium propagatio & harmonica naturæ methodus melius cognosci & intelligi valeat.

Dudum jam observatum fuit, singulis seminibus inesse plantam seminalem, inter binos lobos positam, prima stamina continen-

M m 2 tinea-

tinentem, & primum nutrimentum teneriori plantæ subministrantem. Verum D. Grew, cujus industria & sagacitas hoc doctrinæ genus maxime excoluit, solus, quod sciam, observavit, farinam illam, seu pulverem subtilem, qui certo tempore ex thecis seu apicibus seminiformibus, in staminum summitate excrecentibus, protruditur, munia certo modo præstare spermatis masculini. In eo tamen deficere mihi videtur, quod eam in externam tantummodo superficiem uteri vel vasculi seminalis spargi, & semina inclusa per emanationes quasdam spirituolas vel impressionem energeticam imprægnare statuat.

Jam inquirendum restat, annon convenientius supponere liceat, semina, intra propria involucria provenientia, in principio ovis animalium nondum imprægnatis esse similia? item farinam esse congeriem plantarum seminalium, quarum singulæ in singula ova sint deducendæ, antequam hæc fecunda evadant; porro stylum, quem Rajus vocat, vel partem superiorem pistilli ex Tournefortii sententia, esse tubum, pro plantis hisce seminalibus ad ovarium & in ova deducendis formatum; denique maximum eorum adesse proventum, inter se differentium, ut una ex tam multis angustum adeo ductum, sibi adæquatum, invenire & transire possit.

Quæ ut evidentius appareant, observationes communicabo, circa situm horum staminum & stylum, in quibusdam plantis factas. In *Corona Imperiali* uterus seu vasculum seminale plantæ centro floris insidet, & ab hujus summitate stylus exurgit, & vasculum seminale cum stylo repræsentat pistillum. Hoc ambiunt sex stamina, quorum extremitatibus singulis apices tanto artificio affiguntur, ut vel a lenissimo vento hinc inde moveri possint; eadem enim gaudent cum stylo altitudine, qui in hac planta, quemadmodum per totum suum corpus, ita in summitate maxime, concavus & apertus est. Quibus addendum, quod styli extremitati adhæreat crista quædam, ex villis pinguibus constans, & ad farinam ex thecis suis dilabentem recipiendam & retinendam, ut videtur, formata. Hæc itaque farina, vel mediante pluvia, vel a vento, detruditur ad tubum, donec ad vasculum seminale pertingat. In *Caprifolio* stylus oritur a rudimentis bacæ cujusdam, in quæ inferi-

feritur versus summitatem floris monopetali; ex cujus floris medio propullulant stamina quædam, farinam suam styli, in hac planta itidem cristati, orificio immittentia. *Allium* utrum habet tricoccum, cujus centro inferitur brevis stylus, ad apicem altitudinem non exsurgens; hinc isti magis eminentes, globulos suos eo commodius illius orificio committere possunt. Inde etiam est, quod nullam cristam in hoc stylo, prout in modo commemoratis, observare potuerim.

Atque ex his concludo, quod, quoniam pulvis hic subtilis curiose præparatus certo tempore prorumpit, tubus etiam adest, qui eundem commodè recipere possit, & quidem, si apicibus pulverem suppeditantibus non directe supponatur, singulari apparatu pro eodem retinendo donatus, necessario sequatur, tubum hunc pro pulvere recipiendo esse formatum. Quod si enim hæc stamina ductus excretorii tantum forent, particulas excrementitias fecernentes, relictis reliquis in seminis nutrimentum abituris, quid opus esset, excrementa hæc in tam curiosa deponere repositoria? Certe in alium quemvis potuissent collocari locum, quam ad vasa seminalia, quibus profecto noxas potius inferrent. Quibus accedit, tubum hunc exficari, quamprimum thecæ hæc contentis suis vacuæ existunt.

Sed ut ne amplius urgeam, plantam seminalem constanter in ea seminis parte locatam esse, quæ styli insertioni proxime adjacet; in *fabis*, *pisis* & *phaseolis*, immediate sub illo loco, quem oculum vocamus, mediantibus microscopiis majoribus, manifestam deprehendi perforationem, directe ad plantam seminalem locatam, in quam hanc intrare existimo. Et certe credo, fabas & pisas, quæ non progerminant, eadem destitui.

Nec in aliis plantis apparatus ille, quo sæpe commemoratus pulvis intra tubum aliquem ad ovula deducitur, desideratur. In *leguminosis* enim *plantis*, si petala florum caute avellamus, videbimus siliquam arcte membrana quadam cingi, circa extremitatem in varia stamina, farina onusta, abeunte, quæ firmiter fibrarum fasciculo in tubi extremitate sito uniuntur, sicque farina ad siliquam derivatur. In *Rosis* erecta visitur columna, ex variis conflatatubis, invicem junctis, sed facile separandis, quorum singuli ad

proprias ducunt cellulas, staminibus in magna copia eam cingentibus. In *Tithymalo* oritur vasculum tricoccum, quod quamdiu parvum & exile existit, fundo incumbit, imprægnatum autem exsurgit & longo innititur petiolo, ita ut quis crederet, nullam esse inter hoc & apices in ima parte sitos communicationem. Pili *Fragorum* & *Baccarum Rubi Idæi* superficiem investientes, totidem sunt tubuli, quorum singuli ad propria abeunt semina, hincque flore primum se aperiente, circulum adesse staminum intra petala, & integram aream internam sylvam horum pilorum repræsentare videmus, qui postquam suos globulos receperunt, & ad semina deduxerunt, hæc in pulpam elevantur carneam.

Explicatio Figurarum.

TAB. VI. Fig. I. II. III. IV.

TAB. VI. *Figura* I. repræsentat alphodelum.

- A. Suprema pistilli seu tubi extremitas, in quam plantæ seminales intrare, & per quam eadem ad semina nondum imprægnata deduci supponuntur.
- bbb. Apices semini-formes, qui maturi aperiuntur, & pulverem suppeditant in tubum A injiciendum.
- C. Locus vasorum seminalium circa terminum tubi sitorum & flore tectorum.

Figura II. sistit plantam leguminosam.

D. Siliqua in flore latens.

E. Tubus a siliqua ortus, plantas feminales ad eam derivans.

F. Tunica membranosa siliquam investiens aperta.

gggg. Apices, qui, antequam integumentum aperiatur, videntur ab angulis ejus oriri, & per petala florum orificio tubi admoventur, ut suam farinam huic inferere possint.

Figura III. exhibet fabam Gallicam a latere.

i. perforatio, per quam planta seminalis primum ingredi supponitur.

Figura IV. Eandem oculis sistit divisam.

h. Planta seminalis.

Adri-

TAB. VI. ad A 1705. M. Jun. pag. 278. 99.

Fig. VII.



F. VI.



Fig. VIII.



Fig. I.




Fig. IX



Fig. V



Fig. IV.



Fig. III.



Fig. II.



ADRIANI RELANDI DISSERTATIO ALTERA
de Inscriptione Nummorum quorundam Samaritanorum, ad
Spectatissimum Virum JACOBUM de WILDE: in qua
de Amphora Manna nummis illis inscripta, & asini cultu,
Judæis per calumniam objecto, agi-
tur.

Accedit

JOH. BAPT. OTTII, LINGUÆ SANCTÆ IN
Atheno Tigurino Professoris Publici, Epistola de Nummis qui-
busdam Samaritanis, ad Excellentissimum Virum ADRIA-
NUM RELANDUM, cum Hujus
Responsio.

Trajecti ad Rhenum, 1704, in 8. Constant plagulis octo, &
tribus tabulis æneis.

Tres partes hic libellus habet, I. Clarissimi Viri Adriani Re-
landi Dissertationem alteram de nummis quibusdam Sama-
ritanis, ad Amplissimum Virum Jacobum Wildium; II. Doctissimi
Viri Joh. Baptistæ Ottii Epistolam de eisdem nummis & simili-
bus ad laudatum jam Relandum: III. Hujus ad Clarissimum Ot-
tium Responsonem. De prima parte hæc breviter more nostro
subnotamus.

Tertius annus est, cum Vir Clarissimus, Adrianus Relandus,
Dissertatiunculam de Nummis quibusdam, præsertim Samarita-
nis, quos in Nobilissimi Viri, Jacobi de Wilde, Gazophylacio pri-
mum viderat, ad eundem Antiquitatis peritissimum Virum da-
ret, quam nos anno 1703 mense Aprili recensuimus. Hanc ope-
ram cum non displicuisse Viro Doctissimo cognovisset, scripsit al-
teram ad eundem Dissertationem, quæ in hoc libello prima est:
& sicut in priore, abhinc triennio excusa, in literis nummo-
rum examinandis occupatus fuerat, ita in hac, quæ in illis ex-
pressa vasa erant & signa alia, sibi constituit curatius explicanda,
etiam explicavit eruditissime. Primum erat in nummis illis ca-
lix apertus, quem negat Clarissimus Auctor urnam Mannæ esse,
ut visum est nonnullis, etiam Villalpando, cujus nummum in pri-

priore Tabula num. V. æri incisum exhibuerat; quia apertio aliquid vacuum significet, & in ipsius vasis medietatem vel oculis, si intendamus, liceat inspicere; deinde figura ipsa delineata sit calicis potius, quam urnæ, aut huic vasis similis. Urnam autem Mannæ in alio nummo ejusdem tabulæ contextam dicit conspici, ne quid heterogeneum incidat, ac purissimæ Mannæ misceatur. Id probari ait *σαῦν* nomine ad Hebræos Epistola cap. IX, 4, quod ex Pollucis Onomastico illustrat, qui *σαῦν* & *σαῦνία* inter vasa vinaria numeret, unde Comicis sit *κατασαῦνίζεν τὸν οἶνον*, *vinum in stannos diffundere*: & Aristophanis Scholiastis in Batrach. act. 1. scen. 1. *σαῦνία δὲ ἔστι σαῦνός τῆς ἀμφωφῆς τοῦ οἴνου φασί*: quod etiam Phavorinus in Onomastico dixit, & Auctor Etymologici Magni. Sic stannus amphora est his interpretibus: Amphora autem Iliodoro in Originibus est ita vocata, *quod hinc & inde levetur, & ejus anse geminata videantur aures imitari*. Est enim idem quod ἀμφωφῆς, qua voce Homerus usus est, eamque Hesychius exposuit, quod vas sit *ἐκατέρωθεν ὠτα ἔχον*, *qui ex utraque parte aures sit*, sive manubrium. Jam vero colligit, in dicto nummo vas utrumque auritum conspici, quod urnæ, qua Manna adservabatur, quam maxime conveniat. Nec enim amphoras tantum vini esse receptacula, aut alius liquoris, olei, muræ, apud Catonem & Martialem; sed aridorum etiam, ut cinerum & ossium de busto collectorum, apud Homerum, Iliad. 4. de Patroclo: & auri, argenti, plumbi apud Corn. Nepotem in Hannibalis Vita cap. 9. Pergit de Amphoribus disserere, quæ vel rudes erant, quibus pice obductis vel gypso, in cellis & horreis per multos annos vinum servabatur: & hæc plerumque fictiles erant, unde per *κεράμια* Eustathius, Hesychius & Suidas interpretantur: etiam vitreæ, quemadmodum in Satyrico Petronius de Opimiano centum annorum vino, (quod ex Vellejo, Plinio, Martiale Noster describit) *statim allata sunt ampboræ vitreæ diligenter gypsatae*. Addit de figuris amphorarum, easque depictas exhibet: etiam quid *jugulare Falernum* sit apud Martialem lib. 1. epigr. 19. exponit. Altera amphorarum species elegantioris formæ, non in cellis deponi solebat, sed cum phialis, scyphis, crateribus ostentari. Tales Lentuli Spintheri

am-

amphoras ex onyche factas Plinius XXXVI, 7 memoravit: quibus & Urnam Mannæ, in nummis nitidius exsculptam, adnumerari doctissimus Auctor æquum censet. Postea in ipsam vocem מצנח, ut urna illa Hebraice vocatur, inquit, quam misit Judæorum ineptis, a צן vel צנח, Hebræis deperdita, Arabibus superstitè radice, quæ recondere & servare sonat, deducit. Et quod in Targum hæc urna צלוחית translata est, de hac quoque voce ibidem disputat. Judæos autem, de urnæ materia varie sentientes, Θεοπνεύστα Apostoli auctoritate configit, a quo ἄμυνος χρυσῆ, vas aureum appellatur. Hinc excurrit in auricularum amphoræ descriptionem, quales in urna nummi Wildiani etiam conspiciuntur. Græci ὠτα illas ansas vocant, & Homerus τέτοδ' ὠτάεντα Iliad. ψ. quo diora Horatii etiam referenda est. Ex Polluce ac Phavorino plura hujus generis adduntur. Ab auribus vas tale festive Aristophanes ὄνον, asinum dixit: ad quem modum etiam Athenæi IV, 23 ὄνης γέμεντας αἶμα doctissimus Auctor interpretandos censet, quod γέμεν, etiam Casaubono observante, de interno onere, ut navium est; non de externo jumentis imposito, a Græcis usurpetur. Atque idem ex Petronii *Asello Corinthio in promulsidari* posito demonstrat. Philosophatur hinc de Sileni fabula, qui Bacchi famulus asello vehi fingebatur: & de voce κάνθαρος, cantharus, quam a κάνθων, asinus, putat derivatam esse: sed scitissimum & maxime ad fidem proum est, quod de asino, seu capite asini profertur, in Hierosolymitani templi penetralibus, quæ ethnicorum calumnia erat, dedicato. Ortum enim ipsi maledictum ab ὄνα, asello, videtur, id est aurito vase seu urna mannæ ibidem olim adseruato: quod doctissimi Bocharti conjecturæ præfert, ex Coptica lingua calumniam explicantis, qua ΠΙΕΝ asinus prope easdem literas habeat, quas Scripturæ sacræ formula ΠΙ ΙΑΩ, פִּי יְיָ, os Domini: quia non magis os Dei, quam manum, oculos, eodem modo sæpissime descriptos, Judæi adorasse dici possint: nec appareat, Ægyptios hujus calumniæ architectos primos existisse.

Sequitur Clarissimi Viri *Johannis Baptiste Ottii* ad celeberrimum Relandum Epistola, ex qua hæc excerpta recensemus.

Nn

In

TAB. VI.
Fig. V. VI.

In nummo suo primo (duos autem nobilissimus Fromont, exul Gallus, æneos communicaverat, exesos quodammodo: quibus alii duo accesserunt) in primo, iniquimus, nummorum delineatorum (quem nos Figura V, &, ut ex conjecturis restitutus est, Figura VI exhibemus) doctissimus Auctor conjectura restituit duos fascēs, quorum in medio germinans virga superavit ceteras. Hos antea putavit fascem baculorum XII tribuum significare, e quibus unus tribus Levi seu Aaronis germinavit tulitque fructus. Quod vero duplex in nummo vel vas vel fasciculus apparet, mutata sententia existimat, in hoc & similibus nummis לולא *Lulaf* Judæorum signari, sive fasciculos, quibus in festo Tabernaculorum utebantur. Interjectis aliis de *Hosanna*, quo nomine & festum & fasciculum nuncupaverint; & de arborum genere, unde *Lulaf* Judæi petierint; putat vulgarem in multis Europæ populis hinc morem ortum esse, quo Calendis Majis arbores vel virides ramos ante domorum fores ponant, qui a tempore seu mense illo *Mayen* appellentur. Vas autem in tribus Relandinis & uno Hottingeri de ללץ *lecytho* seu *ampulla* explicat, qua eodem festo e Si-loam haustam aquam in ara exteriori libaverint: quod non modo ex Judæorum scriptis, verum etiam ex ipso sacro Codice tam Veteris quam Novi Testamenti constare putat, & eodem verba Esa. XII, 3, nec non quæ ipse Salvator noster Johann. VII, 37 in illo Tabernaculorum festo prolocutus est, referri posse, tanquam ab ritu illo petita, existimat.

Fig. VII. VIII.

In nummis, quos exhibet numero 3, (nobis Fig. VII & VIII) vitis folium expressum esse contendit, & eo adfert Flori verba III, 5, Criticorum quidem dissensu vexata, ex Lipsii autem lectione (quam non tantum vulgatæ, sed Græviæ etiam, propter eosdem nummos antepositæ) ita restituta, *sub aureo vitem calo*. Et quod Tacitus *vacuam sedem & inania arcana* dixerit, de simulacro Numinis, quo abstinebant Judæi, interpretatur, non quod nihil quidquam ibi visum fuerit; & τὸ πᾶν Grævio, id ex Josephi de Bello lib. VI, 14 probanti, eundem auctorem opponit ex lib. I. cap. 5. nisi hic sanctum templi cum sancto sanctorum confunditur. Quapropter aliud opinioni suæ præsidium quaerit, & in vite aurea invenisse credit, quam, eodem Josepho

te.

teste lib. XIV. 4, Pompejo Aristobulus dono miserat, eamque, si non surrepta ex sancto sanctorum fuerit, ad imitationem tamen ejus, quæ in sanctissimo loco custodiebatur, effigiatam fuisse autumat. Hæc ille de figuris nummorum; post quas de literis adscriptis ita judicat:

In primo Relandino legit שנת ארבע *anno quarto*: & aliorum collatione שנת שנים *anno secundo*: in postica ציון לנאלת ציון *a redemptione seu recuperatione Zionis*, & in minore חרת ציון *libertas Zionis*. Deinde agit de Judæorum מנן שטרות *an contractuum*, ad quam etiam I Maccab XIII, 41 respiciatur: de qua quod ex prima clarissimi Relandi dissertatione ante biennium dictum est, liceat jam nobis brevioribus esse. Ex annis, quos sic satis definitos doctissimus Auctor putat, colligit tandem, omnes Samaritanos nummos (exceptis siclis argenteis, si modo veri dentur) Simonis Maccabæi tempore percusos esse. Etiam in Ludolfiano nummo, priore Relandi Dissertatione expresso (quem vere Jobi Ludolfi, summi Viri, fuisse agnoscimus) legit שמעון *Simeon*, seu *Simon*; & in altera facie לחרות ירושלם *liberationis Jerusalem*; ac itidem sibi de altero minore, cum Ludolfiano ibidem delineato, etiam in Hottingeri Tabula III, nomen *Simeonis* in ferto legendum esse, persuasum habet. In suo primo nummo solitarium ח, Samaritice effigiatum, vel חרות, *libertas*, vel חצי *semis* legendum censet: licet semisiclum, ab Alstedio descriptum, pro ficto habeat, a nemine usquam vel visum vel possessum. Deinde siclos quosdam examinat, & suspectos novitatis ex signis haud dubitandis reddit.

Succedit clarissimi Relandi Dissertatio tertia, qua doctissimi Ottii Epistolæ amice ac placide respondet, & in quibus ille dissentit, erudita modestia examinat, suamque in prima Dissertatione propositam sententiam tuctur. Quatuor autem sunt, in quibus secus sensit Ottius, quorum tribus tantum jam Relandus respondit: quantum præterit, aut meliori otio reservavit.

Primo, ubi ipse legerat in nummo שנתא רכר *anno 224*, clarissimus Ottius legit שנת ארבע *anno quarto*, videlicet ab initio principatus Simeonis. Sed neque in hoc, neque in altero, quem ille *secundum annum* putat præscriptum.

habere, nomen Principis Simonis invenitur, sicut I. Maccab. XIII, 42. & XIV, 27: nec concedit doctissimus Auctor, sub solo Simone nummos hujusmodi profectos fuisse. Nec ex nummis illos annos probari certo posse demonstrat, quia in Relandino sit שנת ש, quod explicari possit anno 300: Ottavianus nihil habeat nisi שתי; & quodam diversi typi sint, defectum unius ex altero negat suppleri posse. De isto autem nummo, quo Ottavius anno quarto legebat, ad Dissertationem suam primam Auctor noster remittit, qua clare per singulas litteras, & illorum temporum scribendi consuetudinem, docuerat, anno 224 significari, nec opus esse ut repetat. Hinc ad alteram faciem progreditur, qua ipse legerat מן צדקת liberationis a Græcis; ille, liberationis Zionis, quæ etiam Joannis Harduini in Chronologia V. T. sit sententia, ut annus notetur, quo Simon arcem Zionis occupaverit. Dissensus ergo de posterioris vocis littera prima est, quam ille צ, hic ד putat valere, quod ductus litterarum in libris & nummis non ubique sibi respondeat. Sicut verò, exempli gratia, in מ manifesta est diversitas; ita posse etiam in ד esse Auctor censet: & dum ille ד vocis Jerusalem in nummis perinde, ut in libris, formatum objicit; respondet hic, ectypos illos nummos esse, qui plerumque ad mentem & opinionem ejus, qui depingat, expræstantur: in ipsis autem Villalpandi & Kircheri nummis ד vocis Jerusalem plane aliud esse, propiusque cum initiali littera vocis convenire, de qua jam sit hæc disputatio. Præterea distinguit inter Zionem montem, & inter arcem, quam Simon recuperavit, extra Zionem positam, I. Maccab. III, 30, ut lectio Zioni ne historię quidem conveniat.

Denique de palmis in tribus suis nummis addit, non fasciculos Tabernaculorum esse, qui ea densitate ac forma pingi non possint, nec inde fructus palmæ pendere tam longe pendulo caule. In publicis lætitiis Judæos ramis palmæ usos esse, Nehem VIII, 15, I. Maccab. XIII, 51. II. Maccab. X, 7; non summo totius palmæ cacumine, quod in nummis appareat, quia abscissio ejus toti arbori extialis sit: quod Salmasii etiam auctoritate confirmat.

Quod vero Relandinos nummos lectissima virgo Maria Wilda ex paterno thesauro elegantissime depinxerat, sicut Ottavios

nos Anna Waser, Caspari Waseri, Viri post fata etiam laudatissimi, abnepus; ideoque gemina elegia, in laudem præstantissimæ artificis Wildæ composita. opusculum hoc Relandus noster finivit, quæ plura moneri de Otta epistola possint, alii tempori otioque reservatis.

AUREUS CONSTANTINI AUGUSTI NUMMUS
de Urbe, devicto ab Exercitu Gallicano Maxentio, liberata
explicatus.

Romæ, typis Lucæ Antonii Chracas, 1703, 8.
 plag. 2.

Qui antiquarios inter transalpinos doctrinæ & sagacitatis fama diu jam floruit, Clarissimus *Michael Angelus de la Chausse*, nummo musei sui ex auro percussio, cujus antica pars caput Constantini lauro cinctum, verbaque circumscripta *Constantinus P. F. Aug.* postica vero Imperatorem equo insidentem, dextraque protensa conspicuum, cum epigrapha *Gloria Exercitus Gall.* subtus denique literas *P. Tr.* exhibet, dissertatiuncula hac justam atatem figere conatur. In opinionem namque Illustris Comitissæ, Francisci Mediarbarbi, qui ejus quidem mentionem fecit, sed anno CCCVII Æræ Christianæ, quo cum Maximini Herculei filia Fausta nuptias Treviris celebravit Constantinus, signatum esse sensit, ea de causa concedere abnuvit, quod illa tempestate, Gallicani militis ope, Imperator nihil susceperit memoratu dignum. Licet enim superiori anno Ascaricum & Regaisum, Francorum Reges, sub potestatem suam redegerit; istam tamen expeditionem neutiquam hic commendari posse, eo quod Cæsareo solum axiomatico tum temporis eminuerit Constantinus. Augusti vero titulum a Galerio demum A. CCCVIII ipsi impositum fuisse, quem deinde Senatus Romanus A. CCCXII, post celebrem illam victoriam de Maxentio partam, virtutis ergo detulerit. Immorari paululum videas hic Nostri descriptioni arcus triumphalis, in honorem Constantini inter Palatinum & Cælium montes erecti, quem ex destructis præstantioribus Urbis monumentis, Augusti, Trajani & M. Aurelii puta, Baronii aliorumque fide asserit exornatum, absolutum vero ipsis Decennalibus Imperii Constantini votis solutis, ac

TAB. VI.
 Fig. IX.

Vicennalibus denuo susceptis. Tempus autem, quo nummum suum cūsum existimat, in annum CCCXIII rejicit, cum nimirum Constantinus pacata Urbe, & sorore sua Constantia Licinio in uxorem data, in Gallias rediisset, ac Treviris aliquamdiu commoratus, in Francos atque Alemannos Rhenum transituros exercitum duxisset. Felicissimum enim expeditionis hujus successum designare & alia duo numismata aurea, in quorum altero mulier plorans sub trophæo, addito lemmate *Gaudium Romanorum*, atque in inferiore parte *Francia*; in altero eadem figura cum voce *Alamannia* compareat. Præterea quoque supra laudatum Comitem Mediobarbum nummum aureum Constantini, Marte gradivo, hinc & inde duobus captivis ad pedes stipato, & epigrapha *Virtus Exercitus Gall.* illustrem, ad bellum istud referre. Cum itaque gloria virtutis comes habeatur, quin & utriusque nummi antica facies eandem inscriptionem *Constantinus P. F. Aug.* ostendat, hinc utrumque etiam uni eidemque anno vindicandum fore, Noster perquam verosimile credit, nequicquam contrariari, quod elogium *Maximi*, Constantino post domitum Maxentium Romæ tributum, in prædictis nummis non occurrat, utpote cujus nullum quoque vestigium exstet in numismatibus averſa parte *Gaudium Romanorum*; *Gloria Exercitus*; *Restitutori Libertatis*, aliaque verba præ se ferentibus, de quibus tamen certum sit, illa post reportatum de Tyranno triumphum cælata fuisse.

IDO WOLFFII OBSERVATIONUM CHIRURGICO-Medicarum Libri duo, cum scholiis & variis interspersis Historiis Medicis editi a JOHANNE CHRISTIANO WOLFFIO Medicina Doctore.

Quedlimburgi sumptibus Theodori Philippi Calvisii, 1704, in 4.
Constant 1 $\frac{1}{2}$. Alphab.

Repletus est præſens liber Medico-Chirurgicus maximam partem cruentis historiis, quas pro dexteritate & virili Ido Wolffius, Illustrissimi Principis Anhaltini Chirurgus *vv in a'yiois*, conscripserat,

rat. Hic enim Chirurgi filius Chirurgiæ totum a teneris annis se consecraverat, ejus prima cum posuisset fundamenta, parte Inferioris Saxoniz perlustrata, Daniam, Prussiam, Poloniam & Moscoviam adiit, præstantissimosque Chirurgos, scientia & manu peritos, acquisivit, ex iisque salubria præcepta avidissime hausit. Reversus ad suos, alterum meditatus est iter, inde in Belgium, deinde Angliam, hinc Galliam profectus, ibique Chirurgi castrensis munere per aliquot annos functus est. Quæ igitur diversis hisce in terræ plagis & regionibus vidit, audivit, vel dum Servediz praxin exercebat, observavit, solerti manu consignare integrum duxit. Atque hæ sunt Observationes, quas Cl. Filius ipsius Latinitate donatas non solum publici juris fecit, verum etiam Commentario fere perpetuo ornavit, variisque historiis Chirurgicis, Medicis, atque Anatomicis firmavit, tum & causarum scrutinium addendo, rationibus Philosophico-Medicis illustravit. Ex omnibus quasdam nunc nominasse sufficiat observationes, quæ non ubi-vis obvix existunt.

Sic *Libri I. Observatio 15.* jacturam oculi & tandem mortem ex pulvere pyrio tabaco admixto; *Obs. 16.* ex hemicrania coecitatem & rupturam corneæ; *Obs. 20.* menses per mammæ erumpentes; *Obs. 21.* vulnus in cordis cono sanatum; *Obs. 27.* vulnus ventriculo per transversum inflictum curatum; *Obs. 32.* intestinorum abscissionem sine ægri detrimento; *Obs. 39.* uteri verum prolapsum, & *Obs. 41.* partum post matris mortem recenset. *Lib. II. Observatio 4.* cephalalgiam a vermibus sub cute in vertice nidulantibus; *Obs. 15.* tumorem femoris per fascinationem inductum, & exentis septem ossibus albis curatum allegat.

LIBRI NOVI.

Histoire du Vieux & du Nouveau Testament, enrichie de plusieurs Figures en Taille-Douce. Pr Mr. Basnage. A Amsterdam dans l'Imprimerie de J. Groenevoud, 1705. 4.

De Synodi Carentonensis, a Reformatis in Gallia Ecclesiis A. 1631. celebrata, Indulgentia erga Lutheranos, Dissertatio Theologico-Historica, Autore D. Thoma Istigio. Lipsia apud Heredes Joh. Grossii, 1705. 4.

Quin-

Quinti Septimii Florentii Rivini, 7Cii, Enunciata Juris ad Ordinationem Processus Judicarii Saxonici Electoralem collecta. Ex schedis edita Parentis a Filio D. Jo. Florente Rivino. Lipsia apud Jo. Frid. Gleditsch, 1705. 4.

Calparii Henrici Hornii, 7Cii, Jurisprudencia Feudalis Longobardico-Tenonica. Witeberga apud J.W. Meyerum & G. Zimmermannum, 1705.

D. Jo. Alberti Fabricii Bibliotheca Græca. Hamburgi apud Christianum Liebezeit, 1705. 4.

Wilb. Ern. Tentzelii Saxonia Numismatica Linea Albertina. Pars I. Prostat Francofurti ad Mænum apud Frid. Knoebium & Lipsia apud Ph. W. Stockium, 1705. 4.

D. Job. Bartholdi Niemeieri de Conjugiis prohibitis Dissertationes junctim edita. Helmstadii apud Sal. Schnorrium, 1705. 4.

Anacrisis Apocalypsis Joannis Apostoli, auctore Campegio Vuringa. Franequera apud Franciscum Halmam, 1705. 4.

Antonii Teisserii Catalogi Auctorum, qui librorum catalogos, indices, bibliothecas &c. scriptis consignarunt, Auctarium, seu Pars altera. Geneva, apud Chouetum & Socios, 1705. 4.

Antonii Van Dale Dissertatio super Aristeæ de LXX Interpretibus. Additur Historia Baptismorum & Dissertatio super Sancho-niathone. Amstelod. apud Jo. Wolters, 1705. 4.

Andreae Christiani Eschenbach Dissertationes Academica. Noriberga apud W. Michaelis, & Jo. Adolphi, 1705. 4.

Theodosii Schöpfer Gerontologia, seu Tractatus de Jure Senum. Quedlinburgi, apud Th. Ph. Calvisium, 1705. 4.

D. Christoph. Franckii Demonstratio Deitatis Christi, ex immortis S. Literarum fundamentis deducta. Kilonii, apud J. S. Richelium, 1705. 4.

D. Val. Ern. Löschneri Ion, sive Originum Græciæ restauratarum Libri II. Lipsia apud Heredes Grossianos, 1705. 12.

Conformité de la Foi avec la Raison, ou Défense de la Religion. Par Mr. Jaquelot, 1705. 8.

Voyage du Sieur Paul Lucas au Levant. A la Haye, chez Meinders Uytwerf, 1705. 12.

* * * * *

A C T A ERUDITORUM,

*publicata Lipsiæ
Calendis Julii, Anno MDCCCV.*

SAXONIA NUMISMATICA, oder Medaillen-Cabinet &c.

Hoc est:

SAXONIA NUMISMATICA, SIVE NUMMOPHYLACIUM Numismatum Mnemonicorum & Iconicorum, a Serenissimis Electoribus Ducibusque Saxonia Linca Albertina cudi jussorum, collectum a **WILHELMO ERNESTO TENTZELIO**, Consiliario & Historiographo Regio Polonico & Electorali Saxonico. Pars I.

Sumtibus Christiani Wermuthii, Numismatum Sculptoris. Prostat Francofurti ad Moenum apud Knochium, & Lipsiæ apud Stockium, 1705. in 4. Constat Alphab. 1. plag. 7. & tab. æneis 16.

Opus præstantissimum, & cui simile in Germania nunquam hæcenus fuit editum, aggressus est Amplissimus Tentzelius, dum Nummophylacium numismatum, mnemonicorum & iconicorum, a Serenissimis Electoribus Ducibusque Saxoniz cudi jussorum, pandere & ex historiarum monumentis illustrare instituit. Octo istud absolvetur partibus, quarum quatuor Linæ Albertinæ, quatuor Ernestinæ consecrabuntur. Prima Albertinæ destinata est Duci Alberto, ejus conditori, successoribusque hujus ad Augustum, usque Electorem claris. Secunda incipiet a Christiano I Electore, desinetque in Johanne Georgio I, Tertia a Johanne Georgio II fausta capiens auspicia, in hodierno Electoratus Principe Here-
de

Oo

de

de subsistet. Quarta Duces Weisenfelsenses, Merseburgenses ac Cizenses complectetur. Prima pars Lineæ Ernestinæ ab Ernesto Electore, illius conditore, usque ad Johannem Fridericum pertinet. Secunda dabit Lineam Coburgicam & Altenburgicam, pridem extinctas. Tertia adhuc florentes Lineas Vinariensem & Isenacensem. Quarta denique Gothanam.

Et solidam certe hoc in genere eruditionem a Celeberrimo Autore quisque sibi pollicebitur, qui eidem fortunam numisinata talia noscendi & in ectypis colligendi tantam, quantam Historicorum Saxoniorum nulli antea, obtigisse cogitaverit. Quam ut ipse in præfatione Tomi primi, nunc prodeuntis, latius deprædicat, sic haustæ hinc notitiæ specimen non una hæcenus jam in lucem publicam prodire iussit. Equidem quintuplex opus numismaticum edendi consilium cepisse se aliquando inquit, quo Historiam Inviictissimi Imperatoris LEOPOLDI nuperrime defuncti, tum *Saxonicam* & *Brandenburgicam*, *Ecclesiasticam* denique & *Literariam* nummis illustraret. Cujus rei publice spem fecit in directa ad Serenissimum Electorem Brandenburgicum, hodie Borussia quoque Regem, dedicatione humillima Colloquiorum suorum Menstruorum, anni 1694. mensi Julio, splendidissimam Academiam Fridericianam Halensis inaugurationem depingenti, præfixa. Quin proximo anno ipse Berolinum, accessit, optatoque ad nummophylacium Electorale gavissus a ditu, Consiliario Begero, quem 20 Febr. hujus anni defunctum merito lugemus, rariora quævis commonstrante, in usus suos plurima descripsit. Unde natus est Brandenburgicorum numismatum Index mense Colloquiorum Julio 1695. Sed cum tota Serenissima Linea Saxonum Ernestina, defuncto D. Caspare Sagittario, Prof. Jenensi, A. 1694. Historiographi Saxonici characterem ipsi clementissime contulisset, sui omnino duxit officii, numismata Saxonica præ cæteris colligere atque describere. Cæpit ergo A. 1696. certis ea classibus disponere, optimamque nuptiis Gothæ - Ducalibus occasionem præbentibus, quæ in Domo Saxonica hæcenus ejus generis prodierant, enumerare. Proximo statim anno tribus schediasmatibus illustravit, quæ in *Encantia*, in *Electrices Durissusque*, ac in *Dies natales* cûsa ipsi obtigerant, quibus A. 1699. numismata in *consecrationes baptismales*, *bonagias*, *bellum*

pa-

pacemque, ordines & ludos equestres, exequias denique facta subjunxit. Quinque priores harum novem diatribarum audiores dedit, cum Bielckius Jenensis A. 1700. uno omnes fasciculo comprehenderet.

Omnem vero industriam hætenus probatam multum superat labor, quem huic destinavit operi, quod Germanica pariter ac Latina lingua concipere instituit, ut summa Saxonica gentis gloria, non in Germaniatantum nostra, sed quaqua patet Latina doctorum lingua, magis, magisque resonet. Præterea figuras numismatum æneas ubique in tabulis peculiaribus representavit, easdemque ex Historiarum & Genealogiarum monumentis docte illustravit.

Hæc vice Tomus operis primus prodit, nummos a Serenissimis Electoribus Ducibusque Saxonie Lineæ Albertinæ cudi jussus complexus, e quo in specimen nonnulla huc afferemus. Initium facit Amplissimus Tentzelius ab ALBERTO, Duce Saxonie, qui ob res fortissime gestas *Animosi* cognomen merito tulit, hodiernæque lineæ Electoralis ab ipso denominatæ Parens felicissimus exitit. Hujus nullum se vidisse faterur numisma mnemonicum, quod extra omnem dubitationis aleam positum fuerit. Utut enim aliqui superbiant thalero, quem Dux Albertus A. 1486. in electione Romanorum Regis Maximiliani I. Francofurti ad Moenum cudi jussit, sive in ludorum equestrium tunc celebratorum memoriam, sive, quod Albertus Præfecti Aulici Marscallique Regii instar tunc fuerit, ut statim in coronatione Aquensi ad dispergendum parati essent nummi; thalerum tamen illum supposititium. & ad monetam Frisicæ minorem, in libro monetarum Belgicarum Antwerpæ A. 1627. edito delineatam, extensum effictumque videri affirmat. Nihilominus tamen duo in memoriam Alberti cusa affert numismata, vetustius unum, & alterum recentius, quorum istud Augusti Electoris mandato, hoc vero novissime a Wermuthio Gothæ sculptum fuisse, & quæ in isto brevius de vita obituque Ducis Alberti habeantur, prolixius exponere observat.

Pergit dehinc ad Ducem GEORGIUM, inter cujus numismata ea imprimis celebrat, quæ in memoriam suæ in Ordinem

Aurei Velleris factæ cooptationis fieri fecit: quorum unum Dinverso signatum, confert eum simili Friderici Palatini, infelicis Bohemæ Regis, Imperiali admodum ominoso. Sed & istius merainit, in quo Georgius, tanquam *veteris fidei Affertor confiantissimus & Ecclesiæ filius obediensissimus*, laudatur & deprædicatur. Curiosam sapit eruditionem, quod in gratiam eorum observat, qui, cur Dux Georgius modo cum, modo sine barba, uno eodemque nonnunquam anno, in thaleris effictus sit? anquirunt. Nempe A. 1534. Dominica *Esto mihi*, quæ in XV. Cal. Martii tunc incidit, obiisse memorat Georgii uxorem Barbaram, Calimiri Poloniæ Regis filiam, præcedente eam filia Margaretha, prima conjuge Joachimi II. Marchionis, post Electoris Brandenburgici; unde tantum concepisse Georgium mortem refert, ut, cum nullam iste barbam antea nutritisset, nec numismatibus monetisve expressisset, emergente tunc luctus tempore longissimam alere cœperit, eamque ad vitæ usque finem retinuerit. Factum inde autumat, ut, quos pro Novi Anni mercatu A. 1534. Georgius cudi fecerit, unciales barba adhuc caruerint, quia mense demum Februario conjuge is privatus fuerit; sed qui nundinis Paschalibus & Michaelicis illati sint, eos longam ejus barbaram ostendere addit, unde postea Barbati nomen Georgius acceperit. Quem anno ætatis suæ 66 adornari fecit nummum rarissimum elegantissimumque idem Georgius, in gratiam Concilii generalis excogitatum conjicit, quod Papa A. 1537. primum mense Maio ac deinde Novembri Mantuæ celebrandum indixit. Tunc sane Georgium, qui inter veteris fidei Defensores auctoritate opibusque præcipuus fuerit, minime negligentem se præbuisse, quin Legatis potius ad Concilium mittendis nitidissimum numisma destinasse credit. Licet autem Concilium Mantuanum impeditum fuerit, proximo tamen confectum anno triplicem occasionem istud numisma dispertiendi oblatam reputat, partim membris fœderis sub summi fide silentii adversus Protestantes a Catholicis Principibus sanciti; partim Regi Ferdinando, qui novæ arcis visendæ gratia, Dresdam mense Majo venerit; partim denique Statibus provincialibus, & illis cumprimis octodecim Nobilibus, quatuor Ecclesiasticis, & totidem e civitatum Magistratibus, qui debilio-

ris

ris ingenii filio, Duci Friderico, ad gubernandam Rempublicam additi fuerint. Ultimum hoc fuisse cenfet numismatum ipsius Ducis Georgii jussu factorum; unicum namque hujus filium, tunc adhuc supersitem, mense Februario A. 1539. morte inopinata peremptum, infelicem Senem XV. Cal. Maji eodem anno, ætatis suæ 68. insecutum fuisse memorat. An quisquam subita tunc rerum omnium inversione, de nummis cogitaverit exequialibus, valde dubitat, ac nihil de illis unquam se vel legisse vel cognovisse innuit. Nummos tamen, quibus Georgius, aliquot post obitum annis, representatus fuerit, indicare haud omittit.

Post numismata memoriam duorum ex Georgii filiis, secundi puta JOHANNIS, & quinti, natura simplicis & ad rerum gubernationem inepti, FRIDERICI, asservantia, ad ea properat, quæ HEINRICI Ducis referant effigiem, & singularem in successione fraterna fortunam, istisque mnemonicum addit in SEVERINUM Principem, Heinrici istius filium secundogenitum, qui a Parente Oenipontem missus, ut cum Regis Ferdinandi liberis educaretur, diem ibi supremum obiit, anno ætatis ineunte XII. in cœnobio Stambiano sepultus; & gamicum in Heinrici ejusdem filiam primogenitam, Fribergæ A. 1515. natam, & anno ætatis decimo nono Georgio, Marchioni Brandenburgico, quinquagenario, matrimonio copulatam, cui aliud associat, cujus pars adversa, præter insignia Brandenburgica & Saxonica, refert dictum: DEUS. DAT. UTI. SPERO. & annum clō lō XXXIV. Id quod rem magni momenti innuere reputat. Cum enim verba hæc ordinarium Marchionis symbolum haud exprimant, tacite eadem respicere arbitratur prolongatam, difficilemque dotis numerationem, quam a Duce Georgio negatam, Friberga demum interveniens præstiterit.

Pauca sunt, quæ de MAURITII numismatibus affert. Licet enim Principem hunc multa fortitudinis prudentiæque specimina, pace ac bello, ante turbas Smalcaldicas edidisse largiatur, nullum tamen hætenus in illorum gloriam numisma se deprehendisse profitetur. Potissima sub ipso cusa obsidionem respicere monet Lipsiensem, a Joanne Friderico Electore A. 1547. susceptam. Neque tamen illius dememinit, quod Luckius exponat, quod.

quodque Mauritium habitu Electoris indutum sistat; & in duobus nummis, in duodecimam ultimamque expeditionem, quæ Elector tot victoriis coronatus vitam ipse amisit, cuspis desinit.

Omnium vero prolixissimus est in delineandis nummis sub AUGUSTO cuspis. Maximus enim hic Elector, uti tot facinoribus heroicis inelytus, artiumque tam liberalium quam mechanicarum promotor singularis extitit, sic plurima quoque fabricari fecit numismata mnemonica. Non referemus ea, quæ exercitiis sagittariorum destinata fuerunt, sed iis potius aliquantum adhuc immorabimur, quæ altioris paulo videntur esse indaginis. Referas huc illa, quæ in averſu parte sistunt navem, mari agitatam turbido, scopulisque proximam, in cujus velis expansis Christus cruci affixus delineatur, maloque adſtat Elector, gladium Electoralem humeris imponens, quem hostes undique equis adnantes relis gladiisque petunt, ille autem Christo confidit, eum quasi allocutus: TE GUBERNATORE. Horum numismatum intentionem alibi quidem ad bellum Gothanum Noster retulerat, sed postmodum in eas delapsus est cogitationes, finito potius Principum conventu, Numburgi mense Januario & Febuario A. 1561. habito, eadem consecrata, & exempla Electoribus & Principibus ibi congregatis postmodum transmissa fuisse. Quamvis prorsus inficiari nolit, typaria hæc ante vel post obsidionem Gothanam denuo impressa, præcipuosque militum ductores iisdem donatos fuisse. Hinc de numismatibus, quæ procul dubio in memoriam obsidionis Gothanæ facta sunt, ulterius differit, & elegantissimum postea nummum, in memoriam Formulæ Concordiæ compositum, quo Elector Saxo Brandenburgicum amice complectitur, repræsentat. Utut enim ille annum referat 1574, annisque fere duobus interjectis, prima demum istius libri lineamenta ducta, eaque hinc exterorum Electorum Principumque Theologis ad recensendum transmissa, & denique A. 1577. aucta consummataque a tot centenis subscripta fuerint, suum tamen de hoc numismate assertum ita salvat, ut istud non ad initium modo, sed ad progressum quoque Formulæ Concordiæ spectare innuat. Neque indigna sunt consideratione numismata, quæ Annam Electricem *Natam Daniæ Reginam* appellant. Oviforme istud, quod

ex altera parte effigiem Augusti, ex altera vero Abrahamum ante altare, cui præter ligna filius Isaac ligatus impositus, stantem gladiumque stringentem, cum epigraphe Germanica, *Abraham vertrauete Gott*, repræsentat, sententia peculiari sic interpretatur, ut innui eodem statuatur negotium cum Augusti filio ex novenis unico superstite, *Christiano*, gestum, quo Elector eundem die 24. Januarii A. 1581. Consilii intimi Præsidentem constituerit, bonoque adeo publico quasi devoverit & immolarit, Deo cum Abrahamo confidens, fore, ut is suo tempore Ecclesiæ Reique publicæ multam afferat utilitatem. Forte & curiosis non displicebunt bina numismata, Adamum ab Eva seductum præferentia, licet Pasquini scholam redolere videantur. Tacemus alia, quæ haud citra insignem animi voluptatem lustrari poterunt.

Cæterum cum numismatum nonnullorum prior saltem pars sive adversa, ad manus Nobilissimi Auctoris pervenerit, posteriori seu aversa deficiente, circulum ideo illis vacuum adjici curavit, ut curiosis ad prototypa pleniora exquirenda, sibi que transmittenda, stimulum adderet.

APPIANOT NIKOMHΔEΩΣ ANABAΣEΩΣ AΛEΞAN-
ΔROT BIBAIA EPTA KAI INΔIKH.

ARRIANI NICOMEDIENSIS EXPEDITIONIS
Alexandri Libri VII & Historia Indica. Opera
JACOBI GRONOVII.

Lugdunī Batav. excudit Petrus van der Aa, 1704. fol.
Constant Alph. 4. pl. 5.

Nitidissimam hic Arriani Nicomediensis editionem exhibemus, quam summo studio multorumque labore annorum a se confectam, Cosmo III. M. Etruriæ Duci Serenissimo dedicat Celeberrimus Gronovius, quia in ejus Bibliotheca latuerant præstantissimi codices, quibus nitorem hunc suum de novo quasi regenitus Arrianus debet. Et materiam quidem longe nobilissimam, expeditionem scilicet maximi, post omnium memoriam hominum, Regis ab hoc autore luculentissime descriptam, se, ut hunc laborem susciperet, potissimum movisse ait Editor solertissimus. Inde jam ju-

juvenem se justam incesisse cupidinem, autorem hunc tot fordibus inquinatum purgandi: imprimis cum omnes adhuc editiones lectorum expectationem de intelligendo Arriano turpiter fefellerissent, ipsique adeo editores, magni licet inter Eruditos nominis, Arrianum non intellexissent; præ aliis autem istius, quæ anno 1668. in Zelandia & Westfrisia prodierit, editionis autor nihil fere toto opere nisi plagiarium egisset. Se igitur, cum nullum Arriano parari præsidium, nullum intelligendo ipsi accendi lumen, nisi e codicibus MSC. optimis posse intelligeret, itinere in Italiam suscepto, clementia M. Hetrurix Ducis, operaque humanissima Illustris Magliabechii, quatuor optimos codices nactum in Bibliotheca Medicea S. Laurentii, in alium etiam deinde Origenis Philosophumenis adjectum longe emendatissimum incidisse: unde meliora & saniora reliquis alterre, ipsumque Arrianum, opere per triginta annos exposito, restituere potuerit. Quo non parum contulisse dicit, quod illum etiam codicem acceperit, quo Bonaventura Vulcanius usus fuit: qui vel liberius paulo versa, vel a Latini sermonis commoditate aliena emendaverat, & alia quædam in ora libri apposuerat, quæ supponi mallet; quod bona se fide exsecutum ait Gronovius: præterque se varias lectiones, quas ille ex exemplari hujus Historix Augustano excerpserat, in communes usus adhibuisse, adeo ut jam perfectus & integer videri Arrianus queat, nihilque ipsi desit, quam unica lacuna de Hephæstione, quam vel ab aliis invento aliquo Arriani corpore suppleri, vel jam suppletam rectius tractari, cum Gronovio optamus. In notis suis ad Arrianum, id unum fere agit Gronovius, ut e codicibus MSC. sibi visis varias lectiones conferat, textum ab innumeris mendis purget, ea ratione interpretationis accuratioris fundamēta struat, atque adeo autorem tam afflicte corruptum, & tam invenustis interpretationibus deformatum, omni ex parte adjuvet. Lectionis quidem emendationem sapissime optimo, quem appellat, codici acceptam refert. Ejus opæ v. g. pro nomine Africano seu Ægyptio *Αἰγύπτιος*, Macedonicum nomen *Μακεδονικός* restituit, eaque occasione etiam alia de nominibus Indicis & Macedonicis affert, p. 110. §. 12. Ex eodem codice, quem instar omnium esse dicit, de inventa elegantissima lectione, ubi *ἡγεῖται* pro *ἡγεῖται*.

mcd

med. *χρῆται* ponitur, exultat p. 164. §. 70. Hoc denique prælucente, obscuram & ab ipsis interpretibus magis etiam obscuratam librorum Arriani sexti & septimi distinctionem detegit: & librum peculiarem de rebus Indiarum, ab aliis pro septimo, ab aliis pro octavo Arriani libro venditatum, non cum Vossio Indica sive Indicorum nomine appellandum, sed nomine *Ἰνδική*, subintellecta voce *συγγραφή* seu *χρῆται*, signandum ostendit. Est tamen & ubi ab optimo codice isto, & reliquis omnibus discodat, & vel ulceris aliquid adhuc subesse indicet, vel aliunde opem afferre studeat Gronovius. Sic p. 179. §. 40. contra fidem & consensum omnium, etiam optimi, codicum, ex ipsa historiarum veritate & Suidæ citatione Arrianum emendat: p. 110. n. 22. vero in textu omnium codicum consensu adprobato, lacunam quandam alicunde forte supplendam subesse suspicatur. Post textum accurate emaculatum, de versione ac interpretatione, vel emendanda vel confirmanda, sollicitus est Vir Celeberrimus. Ut ex innumeris vel unicum proferamus, p. 166. n. 76. voces *τὰρ ἐχ' ἡκιστα τῷ τῆς προσκυπέσεως νόμῳ*, quas tam mirifice interpretati Gronovio videntur alii boni viri, ut vix ab iis vel illas ipsas, vel omnis istius periodi connexionem recte fuisse perceptam opinetur, ita vertit: *tum etiam, quod in his non est minimum, ritu adorandi*. Alibi versionem datam pluribus aliorum Autorum locis adductis illustrat, remque p. 167. §. 83. & *Φεάσω* pag. 166 §. 78. confirmat, & elegantiores Græcismos p. 89. §. 96. variis exemplis, etiam N. T. adductis annotat. Alibi selectiores ex antiquitate Græca observationes, quæ Autori celeberrimo deesse non poterant, adfert: quales sunt, quas p. 219. §. 11. 12. de nomine *βυκεφάλου* & *βυκεφάλου*, de variis equorum Macedonicorum appellationibus, de ipso Bucephalo ejusque forma, signo, & capitis amplitudine, & plurimis aliis locis ex optimis Autoribus contextit. Frequentissimæ autem, ut in aliis operibus Gronovianis, ita & in his Commentariis Virorum doctorum censuræ occurrunt. Freinsheimium sane p. 57. §. 94. dum velites *τοξέταις* includit, præ Latinitatis studio insanire dicit: eundem p. 65. §. 15. vagæ cujusdam & indecentis varietatis arguit: Scaligeri & Maussaci errorem p. 88. §. 94. notat: Henricum Valeium in not. ad Excerpta Peiresciana p. 110. oscitantæ con-

vincit p. 89. §. 95, quia Arrianum de eo, quod Hercules Tartessus Tyriusque unus idemque sit, dubitare asserit. Imprimis autem autores editionis Friscæ de A. 1668. nihil dicere vel ignotum, vel suum, p. 115. §. 42: Facium nasutissimum p. 110. §. 22. & 312. 1. ineptum & ridiculum p. 166. §. 76. esse: Vulcanium audacter & perperam autoris contextum mutare p. 89. §. 96. alios aliter errare perhibet: adeoque omnem operam, quæ aliis forte etiam moleste sedula videri possit, in Arriano suo ornando & vindicando usurpat. Eodem spectat & exercitatio appendicis loco addita, de fossa ex Euphrate. Cum enim magna cura Arrianus exsequatur alveum, qui Pallacopas appellatur, ut lectores cognoscant, quis sit qualisque, & cui bono ac usui illic fuerit ductus, indeque in Eruditorum libris nominetur; sui esse muneris duxit Gronovius, ut extremam manum operi admoturus, cum lectoribus communicaret, & quæ de hoc Pallacopa scripta repererit, & quid in illis ab Arriano verissimo & fidelissimo descriptore ejus digrediat, ideoque prorsus rejciendum sit. Primo igitur Salmasii de hoc opinionem in Exercit. Solinianis p. 703 expressam ad verbum refert, eamque in Joh. Jac. Hoffmanni obscœne molis Lexico nonnullis mutatis repetitam esse, nec tamen ubique verum dicere ait. Inde Isaaci Vossii descriptionem examinat: & quamvis in ea quædam a vera rei consideratione alienissima esse delectet, istam tamen P. D. Huetium, tanquam egregium aliquid, suis Gallis in libello de Situ Paradisi p. 85. ostentasse; Marshamum vero paulo quidem prudentiorem, non tamen ab omni errore in hac materia liberum fuisse, allato prolixo Strabonis testimonio, variisque Facii, Vulcanii, Isaaci Vossii & Marshami versionibus, in Arriani locum lib. VII. in capitis 21 sine collatis & examinatis, docet. Potissimum tamen Is. Vossii versionem sub censura incudem revocat, eaque incredibilem errorum aggerationem contineri, per plures plagulas declarare sustinet. Nos alienissimum esse in disputando a viris doctis quibuscunque characterem illum, quo e Seneca allato opus hoc Gronovius claudit, cum ipsomet optamus: *Hinc sibi indulget, ex libidine judicat, & audire non vult, & ea que invisit tenet, & eripi sibi judicium suum, etiamsi prævum est, non sinit.*

OMINOSUM NOMEN, CUIUS DUCTU URBS
angusta URATISLAVIA centum anagrammatibus incre-
menta & fata sua turbato ordine adumbrat, auctore,

CHRISTIANO ROHR-
 MANNO.

Lipsiæ apud Christ. Bauchium, 1705. 4.
 Constat plag. 6.

Solent ab iis, qui Poësin exactius callent, inter lusus metricos
 Anagrammata quoque numerari, quæ ab epigrammate vix
 aliter differunt, quam quod in illis inscriptio sit brevior, in hoc
 descriptio plenior; in illis nominis notatio, vel alterius omnis ex
 nomine deductio, in hoc autem simplex cuiuspiam rei, vel per-
 sonæ, vel facti indicatio fiat; in illis semper, in hoc rarius sylla-
 bz ac litteræ mutantur. Nacta sunt statim ex viris doctis patro-
 nos haud minori numero, quam obtrectatores, quorum illi cum
 poësi nata natum quoque esse anagramma, & divinam quandam
 emphasin ex litterarum transpositione derivari, adeoque novum
 fortium poëticarum genus dici debere arbitrantur: isti autem nu-
 gas tantum difficiles, stultumque ineptiarum laborem adpellant,
 quando laureati quidam versifices unum idemque nomen ita mi-
 sere lancinant, lacerant, transfodiunt, admutilant, discerpunt, ut
 vix nescio quis Podalirius sit illi sanando. Atque hanc ipsam
 controversiam magno fervore, coram Petro Wefenbecio, ante
 centum & quod excedit annos, discussissent bina Gothanæ Scho-
 læ lumina, ex quibus Joannes Weitzius Anagrammatomastigem,
 Andreas Wilkius vero illorum defensorem strenuum egit, quo-
 rum duæ de Anagrammatismis scriptæ ad Wefenbecium epistolæ,
 circa annum M DC III, Erphordiz typis impressæ prodierunt.
 Equidem negari non potest, quod pleraque anagrammatum aut
 sensu plane casta sint, aut obscura adeo, ut ad intelligendum
 Delio natatore opus esse cuivis videatur; quæ sane nominum
 truncationes nullius haberi debent momenti, & in causa fuerunt,
 cur isthæc litterarum carnificina, cui superiori seculo vates fere
 omnes certatim subscribebant, nostra ætate apud cordatiores vi-
 lesceat atque antiquari cœperit. Cæterum ea, quæ sententiam

integre absolvunt, neque vim sensui inferunt, laudem omnino suam merentur, nec absque insigni delectatione legi possunt. Quem quidem in censum illa veniunt, in quibus e. gr. Sigismundus - *Musis dignus*; Eucharistia - *vis theriaca*; Pialetus - *sat pius*; Logica - *caligo*; Galenus - *Angelus*; Civitas Norimbergensis - *nescius? urbium regina est*, scribitur. Novimus apud Erythraeum in Pinacotheca de Aurato quodam Litteratore memorari, quod vaticinatus saepe fuerit anagrammatibus: quæ res ne fidem omnem videatur excedere, eo facere possunt anagrammata, quorum ductu ex nominibus, laudator - *adulator*; Gustavus - *Augustus*; Cartesius - *Settarius*; Calvinus - *Lucianus*; Faustus Socinus - *infestus Socius*; Alstedius - *sedulitas*; Cornelius Jansenius - *Calvini sensus in ore*; ebrietas - *re bestia*; herba Nicottiana - *in bona charitate*; effingitur: quibus exemplis Morhofii τὸ πρῶτον testimonium subjungimus, qui in suis de Lingua & Poësi Germanica Commentariis Part. II. Cap. XVI. ex nomine cujusdam per litterarum metathesin exsculptum fuisse narrat, quod is ipse homicidium aliquando patraverit.

Non infelix iisdem lusibus videtur esse Silesiorum natio, ad poësin præ multis aliis facta quasi & nata. Reusneros, Treutleros, Heermannos, Henelios, Cunrados, aliosque vetustiores silentio præterimus, quando nuperrime Christianus Rohrmannus *Uratilavia*, quæ Silesiorum metropolis est, clarissimum nomen centum anagrammatibus celebravit, quorum, quod ob rotunditatem numeri omnia sensum integrum non absolvant, illustrationi inserviunt additæ explicationes, stylo lapidari concinnatæ, in quibus incrementa urbis, fata varia, celebres Duces, illosque subsequutos Reges ac Imperatores, Status deinde Provinciales, situm loci peramœnum, structuram ædium magnificam, ampla commercia, cultus civium mores, arguta dictione adumbravit. Sunt enimvero inter illa quædam plane egregia, quibus Polonorum adversus Silesios odia, repurgata apud Uratislavienses sanctissimæ religionis dogmata, fidem incolarum erga Augustissimos Imperatores illibatam, intactam ab hostibus intricennali bello urbein, mirum Senatus Breslei erga scholas & literatos favorem, bonum regiminis publici ordinem, felicia juven-

ventutis ingenia, solum frumento fertile, ærem regionis salubrem, aliaque urbis memorabilia eleganter expressit. Dignam judicarunt hanc operam ex Mæcenatibus nonnulli, quam non modo typis Auctor exscriberet, sed Senatui quoque illustri nuncuparet: qua ratione bina nobis ex urbis vocabulo anagrammata in memoriam redeunt, alterum quidem Italicum: *Viva l' Austria*; Latinum vero alterum, quo Uratislavia *lanta a Viris* dicitur, ab illis nimirum, qui ob præclara erga Celsissimam Domum Austriacam obsequia, & perennem ad juvandas stabiliendasque elegantiores litteras adfectum, tantam nominibus suis famam circumdederunt, ut in ipsos obvia in quibusdam Romanorum inscriptionibus verba quadrare omnino dixeris: POSTERI VIR-
TUTEM IMITANTOR.

M. JO. CHRISTOPHORI WOLFII HISTORIA

Lexicorum Hebraicorum.

Witenbergæ, apud Christ. Theoph. Ludovicum, 1705. 8.

Plag. 16.

Auctor Clarissimus Celeberrimorum in orbe literato Duumvirorum, J. H. Böcleri & D. J. A. Fabricii, exemplo excitatus scriptionem hanc suscepit, qui cum Græcorum Lexicorum historiam tradiderint, noster operæ pretium facturum se esse putavit, si eandem operam Hebraicæ Linguæ præstaret. In quo negotio ita versatus fuit, ut integrum schediasma in quatuor capita distingueret, quorum primum Judæorum Lexicographos completitur, serie Chronologica recensitos; secundum Christianos Lexicorum scriptores enumerat; tertium in eorum notitiam ducit, qui Lexica Hebraica vel promiserunt, vel perfecta in MSS. inedita reliquerunt; quartum denique illorum facit mentionem, qui consilia de optima Lexicon Hebraicum scribendi ratione dederunt. In eam vero præcipue curam incubuit, ut origines Lexicorum Hebraicorum assequeretur, priusquam ad Lexicographorum recensionem industriam applicaret; quo consilio ad Grammaticarum Hebraicarum origines attendit, cumque persuasus fuerit, Grammaticæ vocumque studium conjunctum semper fuisse, eandem utriusque origines existimare non dubitavit. Proinde

Pp 3

tri-

tribus potissimum argumentis utitur, e quibus probet, Judæos seculo post C. N. X, quo literarum principatus ad Arabes fere transierat, Arabum potissimum exemplo excitatos fuisse, ut Linguae Hebraicae rationes certis regulis comprehenderent. Argumenta illa partim a tempore, quo Grammaticae Hebraicae concinnari coeperunt, literarumque in eo statu, partim ab ipsis Hebræorum Grammaticis, partim denique a methodo, quam Grammaticos præcipue secutos esse constat, petenda putavit. Hanc suam sententiam tum Judæorum quorundam, tum Christianorum, Jo. Buxtorffii, Jo. Morini, J. H. Hottingeri, Bartoloccii aliorumque testimoniis confirmat, & tandem comparato utroque vocum Grammaticæque studio, ostendit, ad eandem temporis epocham Lexicorum Hebræorum originem referendam esse. His explicatis, Judæorum Lexicographorum recensioem aggreditur, quam ita instituit, ut, quoad ejus per Historiæ Judæorum Literariæ tenebras fieri potuit, constituto, quo singuli vixerint, tempore, de ratione, quæ singulis, in negotio hoc expediendo placuerit, esset sollicitus. Familiam Judæorum ducit R. *Menahem ben Sarugh*, qui seculo post C. N. X exeunte vixit: agmen claudit R. *Juda Jonas*, qui nostra memoria Lexici Hebraici conscribendi consilium cepit, sed non æque executus est, de quo exponit Bartoloccius P. III Biblioth. p. 52. Hinc Christianorum Lexicographorum recensioem eadem ratione exorsus, examinata quorundam opinione, qui ante Jo. Capnionem seu Reuchlinum, ex Christianis nonnullos Hebraicae Linguae copias in Lexico Hebraico disposuisse putant, evincit, Reuchlino laudem hanc relinquendam esse: qua occasione de odio, quod Vir optimus ex studio Linguae Hebraicae, isto seculo insolenti, apud plerosque incurrit, fusius exponit, & alia monet, quæ ad pleniorum laudati Viri cognitionem pertinent. Hunc alii Christianorum Lexicographi ordine excipiunt, de quorum plerisque modestum Auctor formare solet judicium, idque sæpius ἐπισημαίνει aliorum testimoniis confirmat. Quod ut exemplo constet, B. Joh. Foersteri, de quo Class. II. §. 9. disseruit, mentionem faciemus, cujus quidem Lexicon multis nominibus commendat, & ex eo potissimum, quod ille inter primos omnium felicissime copiosissimeque, in indaganda formali vocum Hebraicarum signi-

fca-

ficatione, cujus magnam in Lingua Hebraica rationem habendam esse censet, versatus fuerit, auctorque & dux exstiterit celeberrimis sæculi nostri Lexicographis, *Neumanno* scilicet, *Wegnro*, & *Guffetio*, ut eandem viam insisterent. Nihilominus tamen nimium ejus in Judæos odium reprehendendum putat, quod effecerit, ut de eorum laboribus & notitia Lingua Hebraica sinistre judicaret, eamque nullo loco habendam esse statueret, imo homines illos pessimi criminis insimularet, & corrupti sacri codicis ageret reos. Eandem rationem in æstimandis reliquorum Lexicographorum laboribus secutus est, inprimis vero in Cl. *Cisf. Neumanni* & *Jac. Guffetii* methodo exponenda multus est §. 52. & 55. De qua quid sentiat, multis dicere per instituti rationem non licet: illud tamen omittendum non est, quod singulare utriusque studium, in certitudine Lingua Hebraica vindicanda, & eliminandis ex ea antiphrasticis loquendi rationibus, laudet maxime & commendet. Desinit tandem in recensione *Portæ Lingua Sanctæ*, quam Venerandus Vir M. *Paul. Mart. Alberti* novissime omnium Hebraica Lingua studiosis aperuit. Dum in Classe III Lexicorum ineditorum meminit Autor, §. 4 inprimis dolet, *Fr. Junii* Lexicon Hebræum, cujus specimen *Colomæsius* p. 140 Opusculorum in Jf. *Vossii* bibliotheca exstare testatur, Imbonatus vero p. 44 Bibliotheca editum esse falso putavit, ad finem non fuisse perductum, de quo Viro plura scitu digna affert, quemadmodum ibidem §. 11 de Jo. *Drusio* pluribus disserit. In Classe IV Aug. *Pfeifferi*, *Andr. Mulleri*, *Sam. Bohlii*, *Abrah. Gabelii*, *Th. Bangii*, & *D. Gohofri*. *Wegneri* de concinnando Lexico Hebraico absolute consilia perpendit, & §. 8 optat, ut desideratissimum & nuper iterum in dissertatione epistolica de noviter tentatis in litteratura Hebræa promissum opus Venerandi Dn. D. Val. Ern. *Lœscheri*, *Deliciensium Antistitis*, de *causis Lingua Hebraica*, publicæ luci exponatur, quia nihil ab eo expectari possit, quod non ingenio inventum & elaboratum industria sit. His appendicis loco Auctor accedere jussit catalogum scriptorum, qui peculiaribus Lexicis significationes Nominum Propriorum, quæ Hebræa, Chaldaica, Græca aliisve linguis expressi in V. vel N. T. occurrant, qui data opera & singularibus scriptis hoc egerunt; quos sequuntur,

tur, qui in alius argumenti scriptis obiter quasi, vel certe non adeo accurate idem tetigerunt argumentum, quo refert Dictionariorum Universalium Scriptores, qui eruditorum sermonibus celebrantur, quales sunt *Car. Stephanus*, *Nic. Lloydius*, *Jo. Jac. Hofmannus*, *Lud. Morerius*, & novissime accuratissimeque omnium *Pet. Baylius*, quorum labores pro merito laudantur. Hæc brevis est totius schediasmatis sciagraphia, quod passim variis annotationibus est instructum, quæ tum ad pleniorum Lexicographorum, de quibus disserit, notitiam faciunt, tum varia Hebraicæ Linguae & Antiquitatum Judaicarum momenta elegantiorisque literaturæ capita illustrent. Sic p. 10 sqq. in notis refutat eos, qui cum Jo. Clerico ac Campegio Vitringa, historiam de commixtione Linguarum Babylonica aliter interpretati sunt, eamque non nisi de animorum dissensione accipiendam censuerunt. Ibidem p. 12 recenset eos, qui historiam Linguae Hebraicæ perscripserunt, & p. 13 laudat præcipuos, quorum industria in constituendo typographiæ inventore elaboravit. Hinc p. 24 sq. Steph. Morinum & Richardum Simonium confutat, qui punctorum vocalium originem ab Arabibus repetere non dubitarunt. Jarchii appellationem minus accuratam esse, & cum Isaaci nomine commutari debere evincit p. 31. Summam fuisse Judæorum in describendo sacro codice diligentiam, probatur p. 44 sq. variis hanc in rem allegatis auctoribus, ubi simul p. 46 mos loca S. Scripturæ ex memoria allegandi, Patribus solennis, immutationi eorum sæpe occasionem dedisse observatur. Danielem a Judæis minus recte ex Prophetarum numero removeri, docet. v. 51 sq. & p. 53 variæ libros inscribendi rationes, Orientalibus receptæ & pleræque obscuræ illustrantur. Varii Imbonati errores, quos in allegandis auctoribus commisit, notantur p. 75. *Αυτοδιδακται* exempla, & qui de his commentati sunt, scriptores habentur p. 97. De crassa Judæorum ignorantia, variorum testimonia afferuntur p. 100 sq. qui p. 106 sq. a corrupti sacri codicis scelere immunes pronunciantur, variis, qui huc spectant, allatis auctoribus. Illorum notitia, qui alias linguas cum Hebraica contenderunt, peti potest ex pag. III. Plures qui longum temporis spatium elaborandis scriptis impenderunt, recensentur p. 121-123. De poetæ Hebræorum Lectorem instruit p. 137 sqq. &

p. 144 sq. non contemnendum scriptorum numerum, qui Hebraica Judæorum scripta ad Buxtorfii exemplum congefserunt, exhibet. Ex his exemplis judicium facile formari potest de reliquis annotationibus, quas Auctor subinde non exiguo numero contextui sermonis adpersit. Cæterum in schediasmate hoc conficiendo Bartolocci & Imbonati laboribus usus est, sed ita, ut subinde utriusque errores animadverterit & emendarit.

SOLUTIO PROBLEMATIS PASCHALIS.

Romæ, typis Rev. Cam. Apost. 1703. in 4. maj. Constat plag. 13, cum 5 Tab. æneis.

IN hoc Opusculo Illustris Autor (quem *Franciscum Blaubinium* esse, Summi Pontificis Magistrum Cubiculi hoc tempore Honorarium, ex eo ipso accepimus, cujus beneficio libellus ad nos pervenit, Reverendo Abbate *Dominico Passioneo*) sibi hoc problema solvendum proponit: *An disponi possit Cyclus Paschalis, constans annis Gregorianis, qui Pascha semper indicat tempore congruo, b. e. mense primo, die Dominica intra hebdomadam tertiam Lunæ?* Quamvis vero multi *Mathematici* negativam amplexi fuerint, *Noster* tamen affirmativæ veritatem se evicturum confidit. Demonstrationis loco affert ipsum Cyclum a se constructum, quem Octogrammum ideo vocat, quia Epactis saltem utitur ad investigandam Novilunii diem, octo autem literis in Calendario Romano antiquo olim ordine sæpe recurrente per totum annum continuatis (quas Nûndinales communiter vocant omnes, *Noster* vero ad Cyclum Lunæ pertinere credit) ad indicandam Lunam decimam quartam, ante quam per Canones *Concilii Nicani* Pascha legitime celebrari nequit. Ast ne hac ratione oriatur confusio cum literis Dominicalibus, loco literarum *Julii Caesaris* A B C D E F G H, assumit sequentes L M N O P Q R S. Ut igitur novi hujus Cycli Octogrammi veritas pateat, postulata quædam, rationem numerandi Lunam decimam quartam ac diem æquinoctii definiendi concernentia, præmittit: quoniam, ut notum est, in computando Paschate omnis labor huc redit, ut indicetur dies Dominica, Lunam decimam quartam, post æquinoctium vernale primam proxime sequens. In postu-

Qq lato

- lato primo, initium novilunii medii ab eo temporis puncto, quo incidit, tanquam ab Epochâ computari petir, ita ut circulus ille horarius, in quo tunc Sol veretur, sit limes & initium horarum 24, quæ singulos dies Lunæ juxta motus n edios co stituunt. Quamobrem diem primam Lunæ hac ratione numeratam vocat *diem primam Lunæ juxta motus medios*, seu *primam diem mediam Lunationis*: intervallum septem istiusmodi dierum a momento novilunii medii numeratorum, *Hebdomadam primam Lunæ juxta motus medios*: unde simul intelligitur, quid ipsi sit.
- def. 2. *Hebdomada secunda*, item *tertia Lunæ juxta motus medios*. Secundo postulat, hebdomadis ferias & anni dies civiles, juxta receptum Ecclesiæ morem, a media nocte in mediam noctem sequentem, per Solis regressum, post horas viginti quatuor, ad inferiorem ejusdem circuli meridiani partem numerari. In tertio postulato sibi concedi jubet, diem anni *Gregoriani*, quæ in Cyclo dicenda erit 21 Martii, jure haberi posse æquinoctialem. Ubi tamen probe notandum: quod, quen admodum Noster, more Ecclesiæ primitivæ, in definiendo Paschate motus Lunæ medios constanter respicit; ita e contra in definiendo die æquinoctiali, Solis motus nunc medii, nunc veri rationem haberi velit: quia alibi demonstratum supponit, posse ita per cyclum disponi annos *Gregorianos*, ut dies, quæ quotannis in eo diceretur 21 Martii, intra suas viginti quatuor horas punctum contineat veri aut medii æquinoctii. In postulato denique quarto, præter decimam quartam Lunæ mediam, numerari petit aliam, quæ dicatur *Civilis*, & aliam, quæ *Cyclaria*. Scilicet ea feria & dies civilis, in cuius partem finis primæ diei Lunaris juxta motus medios incidit, Lunæ prima dies Civilis dicatur. Ex quo simul patet, quannam diem vocet *Decimam quartam Civilem Lunæ*, nec non *vigesimam secundam Lunæ Civilem & Ecclesiasticam*, nempe in quarum unam partem incidit finis decimæ quartæ vel vigesimæ secundæ medix. Quartam decimam Lunæ diem Civilem, quæ in diem æquinoctialem 21 Martii, vel proxime post ipsum incidit, *quartam decimam Paschalem* appellat. Denique diem anni Civilis, in quam Cyclus finem diei Lunaris medix cadere præsumit, siue revera cadat, siue non, *Diem Lunæ Cyclarem* dicit.

Lu-

Lunationem, cujus decima quarta Civilis Paschalis est, pro *Mense primo* sive *Novorum* haberi vult: dies vero septem Civiles Lunæ, qui quartæ decimæ civili usque ad vigesimam primam civilem inclusive succedunt, pro *Hebdomada Paschali* Canonice haberi pronunciat. Definitionibus hisce præmissis, Axiomatum loco sequentia ponit: 1. Pascha celebrandum esse die Dominica, quæ sit in tertia hebdomada non cyclari, sed civili, per Bullam *Correctionis Gregorinæ*. 2. Tertiam Lunæ hebdomadam Civilem per def. 5. & 6. definiendam esse, quia vi Canonum *Nicænorum* ac Bullæ *Gregorianæ*, Pascha nunquam Luna decima quarta, nec ante eam celebrandum. Principiis hisce expositis, ad solutionem problematis per sequentes propositiones procedit: quod scilicet 1. annis 100 *Gregorianis* labentis seculi ita disponi possint novilunia & quartæ decimæ Cyclares per enneadecaeteridas, ut Dominica Paschalis proxime sequens eam quartam decimam cyclarem sit intra hebdomadam tertiam Civilem Lunæ primi mensis; 2. annis centenis seculi præcedentis XVII. Æræ communis, & annis 984 proxime numerandis post præsens seculum Æræ Christi XVIII, idem præstari possit, quod in præsentis: 3. post absolutam periodum Paschalem annorum 1184 (quam in honorem *Clementis VIII* Pontificis Maximi *Periodum Clementinam* vocat) eadem periodus instaurari possit, castigate exhibens singulis annis Pascha legitimum die Dominica intra tertiam hebdomadam mensis primi: 4. denique eadem periodus annorum 1184 etiam instaurari queat, quando dies bis sextilis non fuerit omissa anno postremo periodi præcedentis, ut nullum Pascha legitimum per hanc repetitionem e sede sua deturbetur. Demonstrationis vicem maximam partem subeunt Tabulæ sub finem adjectæ, quarum prima ab anno Christi 1600 usque ad 2700 valet; secunda complectitur 11 secula tertiaræ revolutionis periodi Paschalis ab anno Christi 1668 ad 5151; tertia Periodi Paschalis *Clementinæ* seculum primum (nempe XVII. Æræ Christi) in annos singulos expansum; quarta ejusdem periodi seculum secundum (Christi XVIII) & quinta duodecimum respondens anno Christi 2700 & sqq.) in annos singulos similiter expansa. Annexa est Tabula Paschalis, auctoritate *Concilii Nicæni* statuta; a *Theophilo Patriarcha*

def. 9.

def. 10.

Ax. 1.

Ax. 2.

Prop. 1.

Prop. 2.

Prop. 3.

Prop. 4.

cha Alexandrino producta; usu & doctrina SS. *Athanasii, Ambrosii, Cyrilli, Proterii, Paschasini & Leonis Papæ* comprobata. Cæterum pleniorẽ Cycli sui octogrammi expositionem in peculiari opusculo pollicetur *Autor*, in quo singulorum assumptorum rationem redditurus est. Interea hunc suum Cyclum *Mathematicorum* censuræ proponit, rogans, ut si ullius anni Pascha minus recte ordinari cognoverint per numeros ejusdem Cycli, id velint libere arguere ac distincte notare: quorum judicia cum enixe flagitet, atque eadem se revereri plurimum profiteatur, Tabulam præcipuam hic subjicere visum est. Ipse vero *Autor* Expositioni Cycli sui Octogrammi geminam subjungit appendicem. In prima dubia solvit, quæ occasione Cycli sui Octogrammi proponi possunt. Quærit scilicet 1. Num major habenda sit ratio decimæ quartæ dici Lunæ ac Plenilunii, quam Novilunii, in disponendis Epactis Cycli? ubi affirmativam amplectitur, tanquam Canonibus Bullæ *Gregorianæ* additis conformem. 2. Quale sit criterium rectæ connexionis dierum cycli cum plenilunio & quarta decima? ubi respondet, quartam decimam Cyclarem, comparatam cum plenilunio medio, recte positam, si immediate præcedat diem civilem, in quam incidit Oppositio media, vel si cum eadem die civili Oppositionis mediæ aliquando concurrat, dummodo dies 14 Cycli totam non excludat quartam decimam mediam. 3. Num recte posita decima quarta cyclari, ætas Lunæ vere proposita videatur ex Epacta illi quartædecimæ respondente, adeo ut legi ita possit in *Martyrologio*, juxta antiquum Ecclesiæ morem; & num omnia, quæ *Gregorius* sancivit, exacte custodiantur? ubi iterum affirmativam probat per Cycli sui Octogrammi cum præceptis *Gregorii* convenientiam. 4. Num dies Novilunii ex Epacta Cycli Octogrammi constanter inveniantur, ut vera dici possit ex veteri more, vel a jugatione media, vel a prima phasi? ubi respondet, quamdiu in Epactis Cycli nec præcessio motuum mediorum ad Meridianum Romanum relata major occurrat, quam horarum 12, nec postpositio major, quam horarum 24; tamdiu ætatem Lunæ juxta morem antiquum Ecclesiæ & Bullam *Gregorianam* vere proponi. 5. Num Cyclus Octogrammus legem Cycli tantum servet in literis eorumve numeris,

M. Jul. pa.

Gregorianam aequatam a III assignans cuilibet anno literam
 unq ex Cyclis Decemianis ex Cyclo solis XXVIII stylo
 Periodi Clementinae

Dies Mensis Stylo Greg.	V	VI	VII	Expansi ue saeculi	I	II	III	IV
	2000	2100	2200		1600 ^B	1700	1800	1900
					V	VI	VII	VIII
					2000 ^B	2100	2200	2300
					IX	X	XI	XII
					2400 ^B	2500	2600	2700
	S 6	R 3	P 3	8	56	84	b a	d c
							f e	a g

an etiam in Epactis? ubi respondet, se præcipuam legem servare in numeris literarum, unde & Octogrammum appellarit; in Epactis vero servari Cyclum decennovennalem successionis instauratz per enneadecaeteridas quocunque seculo.

Appendix altera duas habet partes. Prima ostendit rationem decimæ quartæ Paschalis, & cujuscunque diei Lunæ numerandæ; in qua juxta Patrum monita, & leges Pontificum atque Conciliorum, summopere cavendus sit concursus Lunæ decimæ quartæ cum die Paschali; & hujus excursus ultra tertiam hebdomadam Lunæ, quod utrumque per suum Cyclum constanter præstitum iri profitetur. Pars altera anni Solaris quantitatem ex observationibus definit, & cum *Gregoriana* comparat. Ex observationibus suis, collatis *Waltherianis*, Autor quantitatem anni Tropici colligit 365 d. 5 h. 49. 2. 38; ex iisdem atque observationibus *Hipparchi*, eandem deducit 365 d. 5 h. 49. 0. 24; ut adeo differentia sit 2. 14. Cumque *Cassinus* ex observationibus *Hipparchi* atque suis, eandem derivaverit 365 d. 5 h. 49. 1. 31, tuto quantitatem anni assumi, qualem *Mathematici Gregoriani* assumsere, nempe 365 d. 5 h. 49. 12. Illam enim 12 sec. differentiam ex *Hipparchi* observationibus, consentiente *Cassio*, dirimi non posse: cum organa, quibus ille in observandis æquinoctiis usus, ipso *Ptolæmo* haud diffidente, quartam dici partem non satis exacte definiant.

Colophonem opusculo addit Adhortatio ad eos, qui de Cyclo judicaturi sunt. Indicat in ea ipse Autor Paschata, quæ præfenti seculo in controversiam vocari poterant, nempe annis 1700, 3, 7, 10, 20, 24, 27, 34, 44, 47, 54, 74, 78, 81, 98, quibus in Paschate indicendo communes Tabulæ a Paschate Cycli Octogrammi spatio unius hebdomadæ; & annis 4, 23, 42, 61, 80, 99, in quibus eadem ab eodem spatio unius Lunationis dissentiant: atque monet, in examine Tabularum communium nullam rationem habendam esse illorum annorum, in quibus numeratio Epactæ communis loco quidem movet quartam decimam

Paschalem, in aliam diem transferens ab ea, quæ illi juxta hypothefes congregationis *Gregoriana* deberetur; sed legitimum tamen Paschatis diem idcirco non turbat. Examinat quoque ipse Pascha anni 1707, atque contendit, illud juxta Canones Concilii *Nicani*, decreta *Gregorii & Auctorum* præstantiorum sententiam, qui Calendarii emendationem promoverunt, d. 17 Aprilis indici debere.

XENOPHONTIS OPERA OMNIA, QUINQUE

Voluminibus comprehensa, Græcæ & Latine, curante

EDUARDO WELLS.

Oxonii, e Theatro, 1691, 1693, 1696, 1700, 1703, in 8. Constant
Alphab. 6 plag. 17, præter figuras aliquot zneas,
& chartas geographicas.

PRæclare utique sibi consultum statuent *Φιλέλληνες*, quod cum a plurimis retro annis Xenophontem in libratorum tabernis anxie desideraverint, neque intra seculi spatium, & quod excurrit, Leuclavianam illam elegantissimam ulla alia, nisi forte Parisina de A. 1654 nova habenda, editio exceperit, Oxoniensium tandem beneficio conjunctim teneant tersissimi Scriptoris opuscula auro quovis cariora. Licet enim studiosæ pubis emolumentum prodesse maxime voluerit Clarissimus Editor, quæ ut in Angliæ Grajiis deliciis maturius ac felicius, quam vix alibi, innutriti solet, ita illarum promos condos in nativo splendore, sine peregrino notarum apparatu, familiares sibi reddere docetur, non poterit tamen non ad ulterioribus quoque institutum hoc valde commendari, siquidem variantes lectiones & criticas observationes parcius atextas, judicioſa operum dispositio & diversa alia ornamenta largiter pensant. In quinque autem volumina dum Xenophonteam supellectilem universam distribuit Noster, primum continere jussit libros VIII de Cyri majoris institutione; alterum de Cyri minoris expeditione libros VII; tertium Hellenicæ Historiæ libros VII, una cum Chronologia Xenophontea, quæ Celeberrimum, atque in temporum calculo signando acutissimum Dodvvelum autorem habet. Proximum ab hoc in duos tomos abit, ita ut alter præter Mo-

mo-

memorabilia Socratica, Socratis etiam Apologiam, alter librum Oeconomicum, quin & Oeconomicorum Ciceronis in quibus hic Paraphrasten Xenophontis egit, fragmenta Latina exhibeat. Ultimum denique reliquos minores tractatus omnes complectitur, iterum duabus constans sectionibus, quarum prior Orationem de Agesilao Rege, de Rebus publicis Lacedæmoniorum atque Atheniensium libellos, Convivium, Hieronem sive Sermonem de Rege, Rationes item Redituum seu de Proventibus commentatiunculam includit: secunda vero libros de Re Equestri, de Magisterio equitum, quem ad Gryllum filium scriptum putant, de Venatione, tum & fragmenta Epistolarum, ac Veterum, Græcorum imprimis, testimonia de Xenophonte comprehendit; quibus subnectitur series Chronologica Imperatorum Persarum, ad examen paulo ante laudati Dn. Dodwelli revocata, nec non rerum memorabilium Index copiosissimus. Tantum de structura exteriori, quam Doctissimus Editor hic perquam apposite observavit. Interiorem elaborationem quod attinet, ipsemet in Præfatione ostendit, Græcum textum ad Heinrici Stephani & Leunclavii impressa exemplaria a se proponi, neutri autem semper fidem additam, sed discrepantibus a se invicem lectionibus, illam civitate donatam, quam vel Autoris sensus, vel verborum connexio efflagitare visa sunt. Interpretationi vero Latinæ Leunclavii pressio se gradu inhaerisse ait, nec ab illa facile discessisse, nisi ab Autoris mente aperte divortium fecerit. Denique tam textum, quam versionem, in capita & sectiones congruas disperiendo, legentium commodo se velificatum proficitur; quemadmodum & e quatuor tabulis geographicis huic editioni insertis, tres primum a se delineatas offerri, quartam, quæ Cyri expeditioni inservit, P. du Val debere meminit. Tandem inter præcipua editionis suæ ornamenta merito numerat Chronologiam Xenophonteam, supra indigitatam, quæ Thucydideæ proxime succedit, resque in Græcia per XLVIII annos gestas, atque a Xenophonte literis consignatas, accuratissimo mensum, imo quoque nonnullibi dierum quibus singulæ acciderunt, interv. illo mentur. Quod ipsum quanti laboris Summo Viro fuerit, quilibet haud difficile divinaverit, qui Petavii & Peuti in hac palæstra agones limis saltem oculis adipeverit.

LIBER

LIBER SATYRARUM SEXDECIM FREDERICI
 NOMII, Anglariensis, Presbyteri, Arguti inter Concordes
 Academici Insensati.

Lugd. Bat. apud Jord. Luchtmans, 1703. 8.

Constat plag. 12.

SERius ad nos, quam par fuerat, pervenit hoc Satyrarum opus, quod Juvenalem, quem antea Italice haud infeliciter transtulerat, imitatus Auctor Clarissimus composuit, Illustri Viro Antonio Magliabechio dedicatum. Constat id sedecim omnino Satyris, quarum prima Prospero Mandosio, *cur Satyras scribat?* exponit, & dum aliorum Poetarum vitia recenset, Catellam etiam, haud ignobilem alioquin Poetiam, quæ & hujus seculi, & antiquos Poetas, ipsumque Maronem superasse existimetur, perstringens, sibi propositum esse ait, ut ostendat more sacrorum Concionatorum, quæ putet vitanda, utque in vitia, non in personas invehatur. In secunda Satyra, quam ad Magliabechium ipsum dedit, *hodiernum & antiquum tempus de vitiis colloquia* inducuntur; ubi inter alia impudentiam nonnullorum scriptorum sugillans, multis verbis execratur Auctorem libelli famosi, adversus eundem Magliabechium, Virum integerrimum, instigatione & invidia cujusdam, quem Curculionem ficto nomine vocat, conscripti. Tertia Satyra, quæ Bernardino Ramazzino inscripta est, *ineptias hominum in testamentis* evolvit, domestico, ut apparet, exemplo irritatus. Quarta ad Petrum Cannerum Abbatem Camaldulensem dirigitur, & *de indignis acquirendi modis* conscripta est, tictioneque haud ineleganti constat. Quinta *de malis Principum ministris, & de ingrato Principum animo erga bonos fidosque ministros* agens, Carolo Antonio Sinibaldo inscribitur, in qua sua quoque fata depingit, & imprimis Meczates sibi decesse queritur. Ita enim de suis carminibus p. 67:

Semiseputa jacent perituris condita chartis

Omnia, nec spes ulla manet; contraria Phœbo

Nam Procerum mens est. Pereant. Ego cætera sperno.

Europæ at decore optarem mihi Buda superstes

Viveret, & longos Thufcis legeretur in annos.

Lo-

Loquitur autem de Poemate Heroico, quod Etrusco sermone scriptum prelo paratum habet. Sexta, quæ Francisco Redi consecratur, quantum in Medicina tum Veterum tum Recentiorum ver-
 satus sit, docuit, quippe dum *ab observationibus illustrari Medicinam* probat, inutilia nonnulla Medicorum inventa sugillat, utilia laudat. Septimam Poeta ad Poetam Joannem Franciscum Bonomi dedit, in qua multa sunt jucunda *de Pedissequarum pravitate*, at, quæ de sua pedissequa refert, jucundissima. Octava, qua in *Adulatores* invehitur, summo pariter Poetæ Jo. Francisco Rotæ dicata est, a quo elegans Epigramma recepit Noster. Quod idem præstitit Godefridus Gulielmus Leibnitius, ad quem Satyram no-
 nam dramaticam, qua *Verispelles* colloquio inter *Poetam & Musam* instituto considerat, transmisit. In decima Auctor diversus a Juvenali, qui castrensem vitam urbanæ anteponit, *damna belli*, ad Poetam maximum Vincentium de la Vitella a Filicaria, luculenter describit. Sed imprimis elegans est sequens, qua Jacobum Gronovium compellat, Satyra, quocum ei, ut ex utriusque præ-
 millis epistolis patet, frequens olim Pisis sermo fuerat. In ea *de injustitia sub optimo Principe* agit, & se quoque ab aulico quodam afflictum queritur. Duodecima, quæ *non esse descendus diuturnis lacrymis uxorum mortes* docet, ad Jo. Georgium Grævium, qui nuper extinctus nunquam satis lugeri poterit, dirigitur. Hic & vitia quædam mulierum describit, & quæ commoda mors affe-
 rat, ostendit, obscuritatemque in fine excusat, quod ea a satyra vix removeri possit. Caterum illud nobis observasse sufficit, quod ad verba, *Cucurbita cum sale*, quod vetus dictum est de sapiente, notat, ideo Academiam Inthronatorum Senensium pro corpore erigere cucurbitam, in qua sal servetur, cum lemmate: *intus meliora latent*. Inde Satyra decima tertia prolixius de se ipso agit Auctor. *pauca se minimisque rebus contentum agere extra patriam*, probans; nec ingratum Lectori vel Auctori nostro erit, Benedicti Bachinii, cui dicata est, judicium ex epistola ejus responsoria, ad finem Satyræ sub-
 juncta, hic describi. Est autem hoc: *Quid Satyra tua desit, non vi-
 deo. Sermo non modo Latinus, sed Satyræ decens; vivida,
 & alacris ingenii vis, qua iſtu eodem, diversa, quotquot offen-
 dis, vitia perstringis & jugulas; festiva gravitas, quam senten-*

tiarum frequentiam sale condit; rerum copia, per quam Satyræ vere saturam scribis & efficit; imitatio diligens, qua quisque corruptissimo in sæculo vitiosus se sibi objectum sentiat; omnia tandem ad optimam prudentis & philosophi normam rigide castigata. De sequenti Satyra Francisco Berrettario dedicata, de *Justitiæ impij Satellitibus* inscripta, nihil dicemus, ne prolixiores simus. Neque reliquis duabus immorabimur, quarum altera de *exoticis eduliis*, titulus, *aliique rebus nostra ætate quaesitis cum excessu*, Salvatoris Perotti; altera de *nimis cupidis rei familiaris*, Petri Andreæ Farzonii de Accoltis præfixa nomina habet.

DN. NICOL. CHRISTOPHORI S. R. I. L. BAR.
*& Equis. de LYNKER &c. Consilia seu Responsa cum
 argumentis, summariis & in-
 dicibus.*

Jenæ, apud Ern. Claud. Baillar, 1704. fol.
 Constant 15 Plag. 11 Plag.

Qui nuper aliquot Decisionum Centurias in lucem edidit, Illustrissimus Lynckerus, nunc satis amplum quoque Consiliorum, quæ aut Facultatis Scabinatusve Jenensis, aut suo etiam nomine conscripsit, volumen Orbi Erudito fittit. Continet duas Centurias, quarum cum ipse satis accuratam prolixamque exhibeat diatyposin, integrum nobis erit eo Lectorem remittere, & summa solum brevitate, paucis exemplis propositis ostendere, quantam de reliquis spem possit debeatque concipere. Nullam vero Jurisprudentiæ partem Illustrissimus Autor reliquit intactam, sed selectas Juris Publici & Privati, Canonici &c Feudalis, Matrimonialis etiam & Criminalis, Processusque civilis materias eleganter exposuit ac enodavit. In Jure Publico attingit Quæstiones illustres: utrum Regalia Electoribus per Auream Bullam Caroli IV. concessa ad terras non Electorales pertineant? *Resp. 9.* Utrum præscriptione immemoriali immunitas a contributione provinciali possit acquiri? *Resp. 25.* De præcedentia Comitum Palatinorum, *Resp. 41.* De Superioritate Territoriali in feudum oblata, *Resp. 193.* aliasque quam plurimas. In Jure Canonico illustravit ma-
 te-

teriam de Bonis Mensæ, *Resp.* 2. De Potestate Clavium, *Resp.* 10. De Resignatione Canonatus, *Resp.* 34. De Jure Reformandi Religionem in Imperio, *Resp.* 58. De Jure Sacrorum Principis Reformati in Subditos Lutheranos, *Resp.* 81. De repetitione pecuniæ ob Parochiam datæ, *Resp.* 178. &c. Ex Jurisprudencia Feudali *Resp.* 20. docet, sufficere consensum Domini a creditore petittum esse, licet Dominus eum præstare nolit. De Revocatione Feudi a Patre alienati agit *Resp.* 116. De simultanee investito citra possessoris consensum, *Resp.* 156. Ad Processum Criminalem imprimis faciunt, quæ de Processu Banni *Resp.* 7: de crimine læsæ Superioritatis Territorialis, *Resp.* 94: de usu Scti Sillaniani, *Resp.* 103: de poena conatus capitali, *Resp.* 117. traduntur Ad Processum civilem spectant, quæ *Resp.* 128. de Reconventione: *Resp.* 168. de Appellatione ob Nullitatem deserta: de Purgata Contumacia per probationem legitimorum impedimentorum, *Resp.* 200. Autor disserit. Juris vero Matrimonialis privatique, quibus materiæ Legales inter vivos mortuosve excutiuntur, Consilia ubique occurrunt quam plurima, sed nobis sufficet ex hisce ostendisse, quantum de integro hoc præstantissimo opere sibi polliceri queat Lector, qui facile ex diligenti ejus lectione cognoscet, Responsa hæc secundum rationem solidæ doctrinæ Lynckerianæ esse elaborata.

JOH. BARTHOLDI NIEMEIERI, SS. THEOL. D.
ejusdemque in Illustri Academia Julia Professoris Publ. & Ordin.
de Conjugiis Prohibitis Dissertationes junctim editæ. Accesserunt Supplementa cum Indice Rerum.

Helmstadii excudit Salomo Schnorrius, 1705. in 4.
Constat 3. Alphab. 14. plagulis.

Quo magis arduæ, & quo frequentiores in judiciis moveri solitæ sunt quæstiones circa causas matrimoniales, eo plures quoque circa easdem enodandas occupati esse voluerunt. Horum aliquos, eos præcipue, quos in sua Bibliotheca reconditos habet, in Præfatione Operis Celeberrimus Autor noster recenset, quibus

tamen plures addi possunt. Quorum vestigia lecturus Tractatum, de *Conjugiis prohibitis* agentem, inque decem Dissertationes dispersitum, hac vice sistit. In *prima Dissertatione* de Conjugio, ejusque institutione ac fine agitur, moneturque, conjugia non solum esse divinæ providentiæ objectum, sed & eadem legibus dirigi posse; sicuti & Jura circa personas, ex quibus conjugalissocietas constare debet, præsertim quæ vel sanguinis, vel affinitatis vinculum respiciunt, non pauca constituerint. Qua occasione de Linea & Gradibus agitur, & quæ dicuntur, exemplo Genealogiæ Christi & Abrahami declarantur. *Alterâ Dissertatione* divinas prohibitiones ad consanguineos pertinentes exhibet, ac post generalem prohibitionem *Levit. XII. 6*, in specie producit prohibitionem conjunctionis (1) *patriæ cum filia*, & vice versa filiæ cum patre; (2) *filii cum matre*, & vice versa matris cum filio, *Levit. XII. 7*; (3) *api cum nepte ex filio aut filia*, *Levit. XII. 10*: atque eorum, qui huic naturæ instituto vim intulerunt, facit mentionem, specialiter de Chami, secundi Noæ filii, nec non de filiarum Lothi turpitudinis facto, deque Anare, quem vivo patre Sibbone, cum matre incestum commisisse, nonnulli existimant, sermonem injiciens; (4) *fratrum ac sororum*, *Levit. XII. 9. XX, 17*. Qua occasione de filiorum & filiarum Adami, de Abrahami & Isaaci, de Amnonis & Thamaris conjugis agitur. Mentio quoque fit conjugii comprivignorum, nec non eorum, qui contra naturæ institutum sororibus suis se miscuerunt. Agitur (5) de prohibitione *amitæ*, ex *Levit. XII. 12. XX. 19*. quæ occasionem præbet de conjugio Amrami cum Jochebeda ex *Exod. VI. 20*. differendi; (6) de prohibitione *matertera* ex *Levit. XII. 15. XX. 15*. ubi etiam disquiritur: an vitrici soror *amita*, & novæ soror *matertera* nomine veniant, ac per consequens, an & illæ jure divino sint prohibitæ? Pariter an *avunculus* & *patruius* divinis hisce legibus sint comprehensi? Id quod ibi negatur. *Tertiâ Dissertatione* affinitatis rationem habet, conjugia hoc nomine divinitus prohibita expendere incipiens. Talia sunt (1) conjugium *privigni cum noverca*, juxta *Levit. XII. 8. XX. 11. Denter. XXII. 30*. Ansam hæc lex præbet de facto Rubenis, illudque subsequente pœna, *Genes. XXX. 3. 4*; de facto Absolo-

nis,

nis, patris sui concubinas comprimentis; Adoniæ Abisagam ambientis; patris cujusdam & filii unam puellam communem habentium, Amos II, 7; nec non Corinthii incestuosi, hujusque excommunicatione, . Cor. V, 1 sqq. dissolvendi. Disquiritur etiam, an lex ista divina ad *vitrici* quoque *viduam*, aut ad *privigni viduam* sit extendenda? (2) Conjugium *vitrici cum privigni* sive filiastra. (3) Conjugium *vitrici cum privigni*, vel *privignæ filia*, Levit. XII. 17. *Quarta Dissertatio* itidem affinitatem respicit, prohibitionem *foecus* ex Levit. XII. 14 expendens, ut & *nurus*, Levit. XII. 15. Ratione illius disquiritur: an lex de non contingenda *foecus* defunctæ uxoris novercam quoque complectatur? item, an sponsæ, sive defunctæ, sive adhuc viventis, a sponsalibus autem resiliens, matrem ducere liceat? ratione hujus vero, de conjunctione Jehudæ Patriarchæ, cum Thamare agitur. Quæstio etiam movetur: an quis per hanc legem divinam *privigni viduam* ducere possit? item, an patri filii sui defuncti sponsam ducere sit integrum? *Quinta Dissertatio* legem de non ducenda *patrui uxore* sive vidua, Levit. XII. 14. & pœnam legi huic Levit. XX. 20. additam expendit; id simul considerans: an hæc lex sit naturalis sive moralis, an divina positiva, eaque forensis? item, an per hanc legem patrui quoque magni vidua, nec non avunculi vidua sit prohibita. Quo in negotio dispensationum nunc negatarum, nunc factarum exempla afferuntur. Attingitur quoque quæstio de avunculi magni vidua, de patruo & avunculo; quam in rem diversa tum vetustiora, tum recentiora, factarumque in hoc negotio dispensationum exempla adducuntur. Agitur quoque de conjugio cum patruo magno & avunculo magno, nec minus de conjugio cum fratris vel sororis *privigna*. *Sexta Dissertatio* ex Levit. XII. 16. prohibitionem conjugii *cum fratria*, exceptionemque ab illa lege, quæ Deuter. XXV. 5. habetur, investigat, deque leviri citatione, ejusque jure ac ritibus agit. Peculiariter de facto Herodis Antipæ, Philippi, fratris sui, uxorem sibi sociantis, nonnulla affert, partemque Genealogiæ Herodis in tabula sistit. De eo quoque disquiritur: an in lege de non ducenda *fratria* dispensatio locum inveniat? ejusque generis conjugiorum aliquot exempla in medium proferuntur. Quæstion m

denique de eo movet: an quis fratris sponfam, aut etiam viduam, quam uxoris frater sibi sociatam habuit, ducere possit? *Septima Dissertatio* legem de non ducenda uxoris sorore ex *Levit. XIX, 18.* considerationi subjicit, inter alia docens, certam quandam polygamiz simultaneæ speciem eadem esse prohibitam: an vero eadem lege uxoris defunctæ soror pari ratione interdicatur, in quaestionem vocat, diversas sententiæ, ac varia exempla sive præjudicia in medium afferens. Immisceat quaestiones: an prohibitio illa ad sponzæ defunctæ sororem sit extendenda? item, an uxoris defunctæ fratris vel sororis neptis, aut uxoris defunctæ fratris vidua, vel ejus consobrina duci possint? *Octava dissertatio* de conjugii jure Ecclesiastico prohibitis agit, commonstrans, leges divinas connubiales ab Ecclesia & Rebuspublicis, in legum naturæ & divinarum *περὶ φύλιν*, longius esse extensas, quæ tamen extensiones in nascente Ecclesia fuerint paræ, nec tertium lineæ collateralis æqualis gradum egressæ; cum tempore vero accessisse, prohibitionem gradus quarti, mox quinti, sexti ac denique septimi; jure tandem Canonico prohibitiones ad quartum gradum fuisse revocatas. Jus Civile insuper cognationis legalis, ac spiritualis rationem habuisse, docet. Commemoratur triplex affinitatis genus, affinitatem in perfectam & imperfectam distinguit, ac tandem de religionis disparitate, an & quousque hæc nuptiis impedimento sit, nonnulla attingit. *Nona dissertatio* est de Dispensatione circa Conjugia prohibita. In qua, ut ratio Dispensationis cognosci possit, differentia inter æquitatem, sive interpretationem legum κατ' ὁμοίαν, & dispensationem indicatur. Postea disquiritur: cujus generis sint leges divinz connubiales? ac leges quidem ad lineam rectam pertinentes naturæ leges esse Clar. Autor agnoscit, inter leges vero lineam collateralem respicientes, sententiis hinc inde expensis, aliquas esse forenses existimat. Quæ in re fundamentum potestatis latet. Supponit hæc Autor noster in *Dissertatione decima*, quæ itidem est de Dispensatione in Conjugiis prohibitis; in qua porro quaestio: an prohibitiones matrimoniorum divinz personas tantum expressas, an vero gradus quoque æquidistantes respiciant? expenditur; ac quamvis Maxime Reverendus Autor in priorem istius quaestionis partem in-

inclinat, non tamen diffitetur, per Canonum etiam decreta & legum civilium sanctiones gradus quoque æquidistantes esse prohibitos. Quod ipsum sicuti in Republica ad potestatem legislativam pertinet, ita etiam in his edictis prohibitoriis dispensandi potestas Majestati civili, vel quæ ejus æmula est, Superioritati territoriali est relinquenda. Subjunguntur tredecim observationes prudentiam, quæ in dispensando requiruntur, adjuvantes, quas inter decima, discrimen inter illa conjugia, quibus Deus capitalem poenam determinavit, atque ea, quibus poenam capitali supplicio minorem proposuit, inculcans, non postremo loco est habenda. Accedunt tandem *Supplementa*, quibus nonnulla, quæ in ipsis Dissertationibus tradita sunt, declarantur atque illustrantur. Horum non postremam partem faciunt, quæ circa conjugium Judæi cujusdam Hildesie anno 1595. sunt acta, cujus rei D. Henricus Heshusius & D. Johannes Olearius in Præfationibus libello, de Baptismo a Judæo circa illud tempus suscepto, vernacula lingua exarato & sequenti anno typis exscripto præmissis, nec non B. Gerhardus in Locis de Conjugio mentionem fecerunt. Sub finem subjunctus est *Rerum Index*. De cetero, quæ in hoc Opere attinguntur, quæstiones ab utraque parte secundum suas rationes expenduntur, ex jure non solum Divino, sed & Civili, nec non Canonico & Ecclesiastico deducuntur, non pauca ad Genealogias spectantia commemorantur, ac, quod operam hanc præcipue commendat selectis Facultatum Responsis confirmantur. Ut adeo Maxime Reverendus Autor Collegæ sui, *B. D. Friederici Ulrici Calixti* judicio, in Epistola primæ Dissertationi subjuncta de se lato, quo ipsum *Judaicarum, Ecclesiasticarumque simul ac Civilium rerum peritissimum* esse perhibuit, abunde satisfecerit; nec dubium sit, quin opus hoc plurimis, etiam iis, qui in judiciis circa causas matrimoniales versantur, plurimum sit profuturum.

DOMINICI QUARTAIRONII RESPONSIONES

ad nonnullas Assertiones pro Reformatione Calendarii

Gregoriani de Paschate anni 1700.

Romæ, ex Typographia Rev. Cam. Apost. 1703, 4. Constant plag. 5.

Au-

- A**utor Assertionum, ad quas respondet Clarissimus Quarta-
 rius, non nominatur, reverentia causa: unde neque nos no-
 minare eum sustinemus; est enim ex Astronomorum nostrae ata-
 tis principibus. Ipsae tamen assertiones integre in hoc opusculo
 exhibentur, numero 16. Contenditur in iisdem, Pascha anni 1700
 per Epactas Gregorianas non legitime fuisse definitum: nam Epa-
 ctam IX Plenilunium medium retulisse ad d. 4 April. h. 11, Lu-
 nam decimam quartam ad d. 4 Aprilis, Pascha ad d. 11 Aprilis; cum
 tamen ex Tabulis Astronomicis Epactarum cum Tabulis præstan-
 tissimorum Astronomorum ad meridianum Romæ supputatis, in-
 tra horæ quadrantem consentientibus & *Libro Expositionis Ka-*
lendarii insertis, idem Plenilunium medium d. 3 April. h. 11 post
 meridiem, quo die etiam Ephemerides id exhibent, supputetur;
 adeoque evidens sit, pro Luna decima quarta diem 3 Aprilis, cumque
 hæc in Sabbathum incidit, pro die Paschali diem 4 April. assu-
 mendam fuisse. Asserit ulterius, decretis *Gregorii XIII* conve-
 nire Pascha anni 1700 ad diem 4 April. relatum, quia per Tabel-
 lam Epactarum, Compendio a *Gregorio* ad Principes Christianos
 & Academias misso insertam, Epacta anni 1700 revera educatur
 X, quæ Lunam decimam quartam ad d. 3 Apr. consequenter Pascha
 ad d. 4 April. refert. Errorem vero in disponendis Epactis com-
 missum esse ab iis, qui *Alessio Lilio* auctori *Kalendarii* denato suf-
 fecti sunt, ob erroneum Plenilunii medii computum. Probat
 deinde, Sanctos Patres, qui Canones Paschales in usum Ecclesiæ
 condiderunt, in decimam quartam Paschalem assumsisse diem,
 cujus meridies Plenilunium medium pluribus horis, & quandoque
 die uno & amplius præcederet. Quem in finem exempla pro-
 ducit ex Canone omnium, qui supersunt, antiquissimo *Hippolyti*
Portuensis Episcopi, statuae ejus marmoreæ, in Bibliotheca Vatica-
 na nunc expositæ, Græce inscripto; ex methodo, qua Episcopi
 Alexandrini, quibus Concilium Nicænum Paschatis curam com-
 miserat, Lunam decimam quartam determinarunt; ex epistola
 82 *Ambrosii* ad Episcopos per Æmiliam constitutos; ex Canone
 Paschali *Theophili*; ex Cyclo *Cyrilli*, qui ex Theophilano desum-
 tus, a *Leone* Papa approbato; & Tabella *Compendii Gregoriani*
 superius citati.

Sin-

Singulis assertionibus singulas subjungit responsiones *Quar-
taionius* : quarum summa in compendio huc redit. Pascha
anni 1700 per Epactas Gregorianas legitime fuisse definitum, cum
Plenilunium medium supputatum sit a Clavio secundum hypo-
thesin Ecclesiasticam, a qua recedendum non sit, propter decreta
Gregorii XIII & Clementis VIII. Plenilunia media a Censore,
contra mentem horum Pontificum, ex Tabulis Astronomicis vul-
garibus computari, in annis centesimis non bissextilibus, qualis est
annus 1700. Quæ ut clariora evadant, Clavii supputationem Eccle-
siasticam Novilunii Januarii pro anno 1700 producit, ac inde Ple-
nilunium medium Paschale determinat ad d. 4 April. h. ii. to. 25.
Lilio mortuo suspectos, nullos commississe errores, quod a *Clavio*,
Petavio, aliisque Kalendarii Gregoriani defensoribus, contra
Scaligerum, *Vietam*, *Mästlinum*, *Calvisium* aliosque, jam dudum
fuisse sit ostensum. Errare Censorem, dum arbitretur, causam om-
nium Epactarum mutationis dependere ex calculo motus Ple-
nilunii medii centesimorum non bissextilium, & præcipue ex an-
no 1700, cum causa mutationis omnium Epactarum fuerit æqua-
tionis Lunæ Epocha, a Reformatoribus seculo Dionysii posita, uti
a *Gregorio XIII* in Bulla indicatum. Ex omnium Reformato-
rum doctrina, & Epactarum Cycli constructione Liliiana, eviden-
ter colligi, decimas quartas centesimorum non bissextilium non
debere esse necessario ante Plenilunia media, & consequenter, etiam si
Plenilunia media Ecclesiastica centesimorum non bissextilium essent
vulgari calculo supputata, adhuc decimas quartas Lunæ & dies Pa-
schales in Tabula temporaria festorum mobilium nullo modo muta-
ri debere. *Hippolyti*, *Eusebii*, *Theophili*, *Cyrilli*, *Victorii* & aliorum cy-
clorum Paschalium, ante *Dionysii Exigui* seculum, epocham pro ex-
emplo nobis inservire non debere, cum fuerint constructi, antequam
Ecclesia Græca & Latina in Paschatis celebratione convenirent.
Dies Paschales post Concilium Nicænum, quod Pascha eodem die,
quo Romæ, ab omnibus Christianis celebrari voluit, ab Alexan-
drinis determinatos, non tamen ab Ecclesia Occidentali observa-
tos, non esse secundum mentem dicti Concilii. Ambrosium
cum reliquis Patribus existimare, in computo Ecclesiastico aureos
numeros in perpetuum esse debere regulam infallibilem ad inve-
ni-

niendam decimam quartam Paschalem : decimas igitur quartas Paschales Theophili, cum illæ non sint ex aliquo cyclo deductæ, non posse quoque inservire pro regula Cycli Epactarum. Nec Reformatores Gregorianos in constructione cycli Epactarum, cyclum doctrinamque *Cyrilli* imitari potuisse. cum deterior sit illo Theophili, uti a *Petavio* demonstratum, nec Patres Latini, imo nec omnes ex Græcis eodem usi sint, teste *Paulo de Middelburgo*. *Leonem* assignare hanc causam, cur Theophilanum securus fuerit, quod studio unitatis & pacis maluerit Orientalium definitioni acquiescere, quam in tantæ festivitatis observantia diffidere. Astronomos Gregorianos ideo non usos esse Tabellis in Compendio Gregoriano positas, quod juxta illas Pascha sæpius ante Plenilunium medium in decima quarta Luna, cum Hebræis & hæreticis Quartadecimanis, contra expressam *Gregorii XIII* mentem, celebratum fuisset.

Subjungit Autor sub finem opusculi sui 3 Tabulas, quarum prima ostenditur, 28 decimas quartas Paschales biduo præcedere diem Plenilunii medii, in spatio unius seculi a Concilio Nicæno, quo tempore posita fuerit radix æquationis Epactarum a *Lilio*; secunda docetur, *Dionysii Exigui* seculo decimas quartas Paschales Plenilunia media biduo nunquam præcedere, nec posticipare, nisi una hora in anno 512, & sex horis in anno 588; tertia monstratur, 475 decimas quintas Paschales ex Epactis Calendarii (cujus radix æquationis Cycli decemnovennalis ponitur tempore Concilii Nicæni) deductas. præcedere Plenilunia media uno die, & multoties biduo intra 17 secula. Addit tandem Bullam *Clementis VIII*, pro confirmanda Claviana Calendarii defensione d. 17 Mart. 1703 editam, & Opusculum a Mathematicis *Gregorii XIII* eidem Pontifici oblatum, & hætenus MSC. in Bibliotheca Vaticana asservatum, (sub titulo: *Ratio corrigendi Fastos confirmata, & nomine omnium, qui ad Calendarii correctionem delecti sunt, oblata Sanctiss. D. N. Gregorio XIII*) in quo continentur Canones, quos sibi in reformatione Calendarii servandos proposuerant: quia ad utrumque in suis responsionibus sæpius provocat.

JO. ALBERTI FABRICII SS. THEOLOGIAE D.
 & Prof. Publ. Bibliotheca Graeca. Accessit Empedoclis Sphæra,
 & Marcelli Sideta Carmen de Medicamentis Piscium
 Graece & Latine, cum brevibus
 notis.

Hamburgi, sumtu Christiani Liebezeit, 1705, in 4.
 Constat Alphab. 5.

Quod multi voluerunt, pauci confectum dederunt, id nunc accuratius expedire celeberrimus Fabricius allaboravit. Cum enim Leonis Allatii, Jo. Conradi Dieterici, Philippi Labbei, Emerici Bigotii, Erasmi Vindingii, Henrici Christiani Henninii destinata vel perierint, vel premantur; Meursii vero, Vossii, Jonsii, Bœcleri, Gaddii, Gesneri, Gyraldi scripta ita comparata sint, ut partim accessionibus, partim emendatione indigeant: tum vel maxime id sibi datum intellexit, ut exquisitiorem instituti rationem iniret, ac plenius de hoc argumento dissereret. Equidem, quae est modestia Viri clarissimus, non diffidetur, quam latissime hoc opus patere, & ita fere constitutum esse, ut unusquisque harum rerum intelligens non possit non ultro intelligere, illud & difficultatis ac laboris plenissimum esse. Hinc tantum abest, ut magnifice de se sentiat, aut aliorum censuras aspernetur, ut potius æquorum idoneorumque hujus rei existimatorum examini suae sponte se submittat. Id quod eo valet, ut copiosiori laude ipsum adficiendum putemus, utpote qui ad exquisitissimam eruditionem summam modestiam adjunxit. Uti vero legentibus & diligentius exquirentibus plenissime constabit, ingenti solertia, & accurate maxima institutum hoc confectum esse, ita nos officii nostri memores summa capita persequemur. Complectitur præsens volumen duos priores suscepti operis libros, quibus tum scriptores, qui Homerum ætate præcessisse dicuntur, tum qui ab eo usque ad Platonem claruerunt, enarrat. In universum id dedit operam maxime, ut, quæ de auctoribus explorata sunt, vel referret ipse, vel a quibus prolixius pertractata fuerint, indicaret. Hinc non edita solum eorum scripta, sed ea quoque, quæ in Bibliothecis delitescunt, diligenter adnotavit, & in deper-

ditis recensendis non minori cura versatus est, quo pertinet notitia Tragicorum deperditorum Lib. II, c. IX, & Comicorum Lib. II, cap. XXII, ut reliqua taceamus. Omnium vero plurimum laboris in editionibus rite enarrandis posuit, eoque connisus est, ut accuratissima earum historia, eaque non ex catalogis oscitanter corrasa, sed ipsis, quoad fieri potuit, inspectis libris concinnata exhiberetur. Sæpe quippe evenire solet, ut non evolutis libris, sed aliorum fide ac verbis suffulti, *turpiter erremus*; cuius erroris materiam facile suppeditare potest editio Amstelodamensis notarum Ulrici Obrechtii in Didymum, ubi pag. 24, cum Noster pag. 34 monet, male excusum, primam *ἰκδοσιν* Mediolanensem A. C. 1627 prodiisse. Nam Obrechtus, uti ex Argentera: ensi ejus notarum editione patet, scripserat A. C. M CD LXXVII, hoc est 1477, pro quo typographus legit 1627. Subinde etiam cognomines scriptores studuit distinguere, quemadmodum fecit p. 91, postquam de Hori Apolline duorum de Ægyptiorum Hieroglyphicis libellorum auctore egit, per quem pag. 88 Isis filium, aut vero Apollonidem cognomento Horapium intelligit, ex cujus libro *Semenuthi* quædam proferat Theophilus Antiochenus lib. II ad Autolycum f. 85. Quem non diversum putat ab Apollonio Ægyptio, qui memoretur Lib. III fol. 127. Reinesio autem, cui liber Semenuthi, Chemicus argumenti Lib. III Var. Lect. pag. 380 visus est, non assentitur, cum historica sint, quæ utroque loco proferat Theophilus. Quæ dum commentatur, notat §. VI. Hieroglyphica Hori Græce A. 1505 ab Aldo vulgata, primum A. 1515 Augustæ Vindelicorum a Bernardino Trebatio Vicentino Latine conversa esse, adeoque falli Garassium Doctrin. Curios. p. 1024, qui affirmet, Hori Hieroglyphicorum primum interpretem Jo. Mercerum Parisiis A. 1548 fuisse. Non minori solertia pag. 784 varios Socrates distinguit, quorum cum septendecim commemorasset, se nescire proficitur, quem Socratem respiciat Scholiastes Apollonii ad lib. I, ubi laudat *Σωκράτην ἐν τῷ πρὸς Ἐιδόθεον*. At vero, quando apud eundem laudetur Socrates in libris *Κρητικῶν*, legendum esse Sosicrates, quemadmodum & in Laertii codicibus Socratis nomen pro eodem Sosicrate irrepperit, etsi uterque locus imposuerit Vossio p. 414 de Historicis Græcis. Idem præstat pag. 574 de

de Æschylo Tragico agens, a quo distinguit Æschylum Mathematicum. Tribuit huic Meursius in Biblioth. *ποικίλα χρώματα* a Suida in *καλαῖς* laudata, sed quæ potius Æschylo Alexandrino, iudicæ Fabricio, vindicanda videntur. Tacemus quamplurima loca alia, in quibus caute & cum cura ejusdem nominis scriptores distinxit ac separavit. Quod quam præclare a Fabricio factum fuit, illi facile intelligunt, qui norunt, quanti ex cognatione nominum orti sint errores. Idem evenit Suidæ, qui Pherecydi Syrio Theogoniam tribuit, cum alteri, non multo juniori, Atheniensi asserere debuisset, uti animadvertit Noster pag. 780. Neque vero non laudandum, Indices etiam auctorum in variis scriptoribus, antiquis præcipue Scholiastis allegatorum, suis locis insertos esse, quorum sequentes in hoc opere comparant: I Scriptorum in scholiis minoribus ad Homerum allegatorum, pag. 302: II Scriptorum laudatorum in scholiis ad Iliados IX a Conrado Hornejo in lucem editis, p. 305: III Scriptorum ab Eustathio in commentariis ad Homerum allegatorum, accommodatus ad paginas editionis Romanæ, p. 306, ad quem conficiendum usus est industria egregiorum Juvenum, Petri Zornii Hamburgensis, & Joannis Christophori Wolfii Wernigerodensis: IV Scriptorum ab interpretibus Græcis Hesiodi laudatorum, pag. 386: V Scriptorum in scholiis Græcis ad Pindarum, allegatorum p. 539 ex editione Oxoniensi: VI Scriptorum in scholiis Græcis ad Æschylum allegatorum, p. 590 ex editione Londinensi: VII Scriptorum in scholiis Græcis ad Sophoclem allegatorum, pag. 606, ad quem concinnandum opera eruditi Juvenis, Stephani Bergleri, Transylvani, usus est: VIII Scriptorum in scholiis Græcis ad Euripidem laudatorum, pag. 627, cujus ipse Fabricius auctor est: IX Scriptorum in scholiis Græcis antiquis ad Aristophanem allegatorum, opera laudati Bergleri concinnatus, pag. 688. Hæc generatim a nobis dicta sunt; nunc accuratiorem præstantissimi operis imaginem exprimamus. Libro I, qui capitibus sex & triginta absolvitur, de Scriptoribus, qui Homerum ætate antecessisse dicuntur, agit, collatisque idoneis scriptorum testimoniis, reliquisque argumentis diligenter comparatis conficit. plerosque Homero juniores esse. Exhibentur id genus Scriptorum septuaginta, in

in quibus recensendis potius literarum ordinem sequutus est, quam temporis, qui nullus est in tam incertis & commentitiis. De Chirone agens, inserit Marcelli Sidetæ de medicina ex piscibus carmen, quod in codice Mediceo, cujus apographum vidit in bibliotheca Illustris Vini, Marquardi Gudii, inscribitur: *Μαρκέλλου Σιδέτα ἑόλκα Χείρωνος περὶ ἰχθύων*. Separatim hoc poemata, seu potius fragmentum, Parisiis a Morello Græce, sub titulo *Marcelli Sidetæ ἱατρικῶν περὶ ἰχθύων* editum est, cumque vix separatim Græce editum reperiat, operæ pretium duxit clarissimus Fabricius, integrum, & versione sua ac notis locupletatum, hoc loco repræsentare. Quam copiosissime autem de libris, qui sub Hermetis Trismegisti nomine, vel jam feruntur, vel olim jactati sunt, ejusque inventis refert cap. VII, IIX, IX, X, XI, XII, ac pag. 46 memorat, nonnullos cum Henoch cum confundere. Tollit hoc loco Hottingero aliisque dubitationem, qui mirantur, qui eveniret, cur Henochus recentioribus Arabibus *Edris* dicatur. Suspiscatur quippe, hoc, ut alia multa, a Græcis petiturum esse, quibus *ἰδρις doctum* ac *peritum* significat. Non minus copiose cap. XIIIX, XIX, XX, de Orphæo, cap. XXIX, XXX, XXXI, XXXII, XXXIII, de Sibyllis, atque Sibyllinis oraculis tradit, ac pag. 176 ita pronunciat: *Si de Sibyllinis, & quæ passim apud scriptores memorantur, oraculis sententiam dicere jubeat, sæpenumero sane fraudes & casum, sed ista quoque tria interdum* (nempe Deum, quo non indignum sit casus magnos, & mutationes rerum publicarum variis modis mortalibus prædicere, malorum Dæmonum ludibria, ac denique furorem naturalem fortioioremque imaginationem) *in aliis quidem aliud, principii loco fatebor me agnoscere*. Quod vero ad quartam Virgilii eclogam attinet, non Sibyllæ oraculum, sed Hesiodi fabulam de quatuor mundi ætatibus respici, late pag. 182 seq. ostendit. Speciatim cap. XXXIII de Sibyllinis, quæ hodie extant, judicium suum exponit, quod eo redit: non hac collectione libros Sibyllinos Tarquinio oblatos, nec carmina Sibyllina altera, neque aliam ethnicam integram Sibyllinorum *συναγωγὴν* contineri, operamque ac oleum perdere, qui certæ Sibyllæ, Erythrææ alia, alia Samiæ, alia nescio cui alii, quæ habemus oracula adscribunt. Imo nullum

ver-

versum in hac collectione pro Sibyllino & antiquo oraculo, ante nativitatem Christi exaudito, haberi oportere, nisi peculiariter de eo ex aliis antiquioribus & indubitatis monumentis constet. Et, quamvis partem magnam (confusam licet, & librorum culpa passim depravatam) Sibyllinorum, quibus Patres usi sint, hæc complectatur collectio, non tamen omnia & integra Sibyllina, quibus veteres Ecclesiæ Doctores usi fuerint, ea contineri: imo vero & illa, quæ a Justino, & reliquis secundi & sequentium seculorum, adducantur Sibyllina, minime omnia auctores habuisse Sibyllas, sive mulieres fatidicas Ethnicas. Quando, & a quo, quove in loco conficta fuerint, non plane ipsi exploratum est; id vero adfirmat, nec ab Ethnicis aut Judæis, sed a Christianis conficta, & ad confundendos Ethnicos Sibyllæ nomini falso subjecta fuisse. Tandem & hoc addit, neque ullo edicto Romæ poenam capitis propositam fuisse illis, qui ea, quæ nos habemus, vel illa, quæ Patres allegarunt, Sibyllina legerent, neque ab Augustino singularem quandam Sibyllinorum *συναγωγὴν* concinnatam esse. Inde libro II. cap. I. sequ. de Homero quam accuratissime agit, & tum scripta ejus, diversasque eorum editiones, tum interpretes, scholiastas, metaphrastas, versiones, laudatores, obrectatores & censores, & reliqua persequitur. Id memoratu dignum est, quod pag. 296 tradit, Homeri, Poetarum principis, Iliadem & Odysseam una cum Batrachomyomachia & Hymnis (cum nullus ante liber Græce typis exscriptus esset) annitente Demetrio Chalcondyla Atheniensi, alteroque Demetrio Cretensi. Florentiæ A. 1488 in fol. Græce primum evulgatam fuisse, qua editione, non ubivis certe obvia, Reverendi & celeberrimi senis, Esdræ Edzardi, beneficio se usum testatur. Neque hoc prætereundum, fuisse, qui Homerum Persice Indice, Anglice, Hispanice, Belgice, Gallice, Germanice converterint, de quibus pag. 300 agit. Idem evenit Æsopi fabulis, quæ in Hebraicam, Italicam, Gallicam, Anglicam, Hispanicam, Hungaricam, Danicam Germanicamque linguam, imo & dialectum Græco-barbaram translatae sunt, uti infra p. 401 seq. docet. Capite VIII de Hesiodo tractat, iisque accedit, qui cum Homero supparem, annis tamen aliquanto juniorem statuunt. Inde Cap. IX de Æsopo aliisque fabularum scriptoribus, & cap. X de epistolis, quæ ad Pha-

Phalaridem referuntur, ac de reliquis epistolarum Græcarum Scriptoribus, variisque earum collectionibus commentatur. Hinc cap. XI ad Theognidem, Phocylidem, aliosque Sententiarum Græcarum Auctores & Collectores progreditur, & cap. XII de Pythagora & Empedocle, scriptisque ad hos relatis verba facit, tandemque p. 469 Empedoclis Sphæram, notulis ac versione Q. Septimii Florentis Christiani illustratam subjungit. Imo vero ne Pythagoricorum apud veteres memoratorum notitia deesset, & eorum & mulierum Pythagoricarum indicem, secundum literarum ordinem concinnatum, pag. 508 sistit. Caput XIV Legumlatorum persequitur, ea potissimum ratione, ut primo de Zaleuco, Charonda, Zamolxi, Lycurgo, Dracone & Solone paulo fusius disseratur, deinde celebriorum Legislatorum veterum index ad litterarum seriem digestus exhibeatur. Eodem instituto utitur capite XV, ubi de Pindaro aliisque Lyricis refert. Cujus ad scholia quod attinet, collecta ea a Thoma Magistro, & Demetrio Triclinio, ex commentariis deperditis variorum, Ammonii, Aristarchi, & ejus discipuli Aristodemi Alexandrini dicit. Equidem Gorgonem Pindari Scholiasten laudari a Michaele Neandro in præfatione ad Catechismum Lutheri Græce a se redditum, pag. 67, sed id ex male intellecto initio scholiorum ad 7 Olympionic. ortum esse. Neque approbatur ipsi judicium auctoris Bibliographiæ Curiosæ, Jo. Henr. Bœclero a plerisque tribui solitæ, cui Scholiastes Pindari est vilissimus omnium, & in quo pauca majoris momenti reperiantur. His confectis, cap. XVI de Thespide & Æschylo, cap. XVII de Sophocle, & cap. XVIII de Euripide commemorat, in quorum recensendis scriptis singularem diligentiam adhibuit. His cap. XIX subjungitur Tragicorum, quorum perierunt fabulæ, notitia ordine alphabeti digesta. Caput XX Herodotus, Historiarum Scriptor, & XXI Aristophanes Comicus occupant, quos cap. XXII Comicoꝝ deperditorum notitia, eodem quo Tragicorum modo disposita excipit. Capite XXIII de Philosophis plerisque ante Socratem, tum de Socrate, Cebete, (cujus Tabula ab Ambrosio de Morales, Petro Simone Abril, & Gundisalvo Correa Hispanice, ab Augustino Mascardo Italice, a Jo. Davies Anglice, a Bellegardeo Gallice, a Jacobo Georgio Schulzio Ger-

Ger-

Germanice, a M. Antonio Gillis Belgice conversa est) & alius quibusdam Socraticis agit. Inter scriptores ante Socratem numerat quoque Heraclitum Ephesium, cognomento *σκαῖνον*, miraturque in Morerii Lexico, etiam nonæ editionis, Heraclitum Hesiodi, Pythagoræ, Xenophanis, & Hecatai, quibus omnibus fuerit junior, præceptorem venditari. Scripsisse ipsum unicum opus, sed cujus varios titulos, sive potius elogia, ex Laertii IX, 12, in *Δηλὶς καλυμένη* referat Suidas, idque non numeris adstricta, sed soluta oratione. Falli proinde monet Nicolaum Le Nourry in Apparatu ad Bibliothecam maximam Patrum, utpote qui existimaverit, versus Heracliti Jambicos a Clemente lib. IV Strom. p. 494 adduci. Ibi enim non Heracliti versus commemorari, sed dictis Heracliti soluto sermone conceptis, a Clemente subijci versus Tragici alterius: neque locum Plutarchi lib. de Oraculorum defectu pag. 415, *ὥς περ τὰ Ἡρακλείδου καὶ τὰ Ὀρφικοῦ Πινευμένου ἐπη*, eruditum alias interpretem accurate reddidisse: *quæ ut Heracliti & Orphei versus invasi*; vertendum enim fuisse: *Quæ ut Heracliti scripta & Orphei versus invasi*. Toto etiam cælo aberrare elegantissimum Menagium, in notis ad Laetium p. 395 editionis Westenianæ, nostro Heraclito tribuentem libros, quos commemorat Plutarchus in commentario contra Colotem, pag. 1115, *τὸν Ζωγράτην, τὸ περὶ τῶν ἐν ἁδῶν, τὸ περὶ τῶν Φυσικῶς διαπορευῶν*: manifestum quippe esse, eo loco Plutarchum de Heraclito quodam juniore Peripatetico agere. Sed & in eo Menagium rationem fugere addit, quod subjungat, Heraclitum Ephesium etiam scripsisse libros *περὶ πολιτείας*, & Diodotum Grammaticum negasse, quod volumen *περὶ Φύσεως* esset Heracliti. Nam in illo ipso opere Physico Heraclitum ait *περὶ πολιτείας* egisse, atque ita quidem, ut Diodotus sibi persuaserit, quæcunque de Natura præmiserat, consideranda esse tanquam partem minus principalem. Cap. XXIV de Hippocrate ejusque discipulo Polybo dicit. Exhibet hoc loco epistolam Theophrasti Renaudoti ad Andreæm Dacerium *de exiguo opere pretio, quod ex versionibus Syriacis & Arabicis ferri potest, ad emendandum & illustrandum Hippocratem aliosque scriptores Græcos, præsertim Medicos*, ex Gallico in Latinum sermonem a se translata. Caput XXV Thueydidi &

Tt

Cte-

Ctesiz; caput XXVI decem celebrioribus Oratoribus Atticis, Antiphonti, Antocidi, Lysiz, Isocrati, Isæo, Lycurgo, Demostheni, Æschini, Hyperidi ac Dinarcho, nonnullisque aliis, qui obiter commemorantur, consecratum est. Tandem *emendanda & addenda quædam* subjiciuntur. Nos vero libenti prolixoque adfectu exoptamus, ut celeberrimus Auctor secundis rebus tantaque valetudinis prosperitate utatur, quanta ad reliquas exquisitissimi instituti partes perficiendas, ac cætera ingenii monimenta perpolienda requiratur.

DE ECCLESIASTICÆ HIERARCHIÆ ORIGINI-
bus Dissertatio, Auctore D. BENEDICTO BACCHINIO Monacho Benedictino-Casinenfi.

Mutinæ, typis Antonii Capponi, 1703. 4.

Constat 2 Alph. 4 Plag.

UT argumentum nobilissimum, a tot hætenus viris doctis pertractatum, nec exhaustum tamen, aut undequaque vere explicatum, in se quoque perscrutandum susciperet Doctissimus scripiusque nobis ex merito laudatus *Benedictus Bacchini*, singulari se occasione inductum ipsemet in Præfatione prosteretur. Nimirum cum in Bibliotheca Serenissimi Ducis Mutinensis, in *Agnelli*, qui circa dimidium seculi noni de Ravennatis Ecclesiæ Pontificibus scripsit, codicem manuscriptum incidisset, dignum reputavit opus, quod suis observationibus ac dissertationibus illustratum, publici juris faceret. Jamque ad Vitam Joannis Episcopi cognomento Angeloptis pervenerat, legeratque, quæ de præfatio per Valentinianum Augustum Joanni isti privilegio narrantur, cum in eam se necessitatem conjectum intelligeret, ut celebrem de antiquitate Juris Metropolitici Ravennatis controversiam ipse quoque discuteret, cumque Ravennatis Metropolis origo definiri certo vix posset, nisi totius Hierarchiæ Ecclesiasticæ initia essent explorata, factum ita est, ut paulatim a singularibus ad universalia progrediretur, atque sic rem omnem summo studio perquirenti nasceretur tandem eruditissimus hic tractatus, in tres divisus partes, quarum I universæ Hierarchiæ Ecclesiasticæ, II Metropoleum
 Ita-

Italix, III speciatim Juris Metropolitani Ecclesiæ Ravennatis originem exponit.

Quod nimirum ad primam ipsius Hierarchiæ originem attinet, agi de ea solet a quamplurimis, sed varie, & si verum dicendum cum Bacchinio nostro est, valde ambigue, ut ubi confitias, difficulter invenias. Equidem communis fere ea sententia est, Hierarchiam primum ad normam Romani Imperii constitutam, imo Apostolos ipsos ad civilium provinciarum formam Ecclesias fundasse: ast ubi ad specialia devenitur, rem involvi satis & impeditè tractari, etiam ab eruditissimis videas, & in diversa abiri. Alii non tam ad ipsum Romanæ politiæ statum, in constituendis Metropolitibus Ecclesiasticis, respexisse Apostolos fatentur, quam ad urbium celebritatem & frequentiam. Alii ubivis Ecclesiasticas Metropoles ab initio fuisse autumant, ubi provinciarum veterum Metropoles apud profanos auctores laudentur. Alii nec ubique tamen, nec semper id factum, sed ab ea regula subinde, ob quas-cunque causas, Apostolos exorbitasse agnoscunt. Mirum vero, etiam ex iis, qui Apostolos ipsos Ecclesiarum fundatarum statum ad Romanum civile Imperium attemperasse censent, esse qui, ubi Imperii statum designare volunt, talem proferant, qualis nonnisi circa quarti seculi initia obtinuit; cum tamen ab Apostolorum, & Tiberii ævo, usque ad Constantini M. ætatem, plures Romanum Imperium vices passum fuerit. Itaque rem omnem, quam penitus inquireret, dignam Bacchinii judicavit, ea tamen cautione adhibita, ut cum sibi cum viris magni nominis rem fore nosset, invidiæ dechnandæ causa, & ex modestia, dissentientium nomina plane suppressenda censuerit, allegasse tantum eorundem scripta contentus. Aggressus ita rem ipsam, dum Parte I, quæ maximam totius operis constituit, Hierarchiæ ipsius originem evoluit, id agit magna industria. ut opinionem vulgatam, quæ provinciarum Romanarum statum præ oculis habuisse, in fundandis Ecclesiis Metropolitanis, Apostolos credunt, ex animis hominum evellat, eumque in finem Capite I Imperii Romani formam, qualis Apostolorum ævo viguit, accurate describit, ineptamque planè ostendit, ad quam Petrus Apostolice alii accommodare se, in constituendo Ecclesiarum jure atque ordine, potuissent. Ubi, ut

Pars L

C. I

C. II.

C. III.

ex multis unicum attingamus, speciatim docet, Metropoles Romanis dictas, non quod provinciae Praepositor aut Proconsul apud eas resideret, sed vel quod olim Regum sedes fuissent, vel ex Augustorum solum liberalitate. Ex quo factum etiam, ut ea praerogativa, jam in una provincia pluribus urbibus, jam uni civitati in pluribus provinciis fuerit concessa. Capite II eadem fini Judaicae Gentis statum ac civilem politiam, ejusque varias vices, justo commentario exhibet, alte exorsus, nec solum, qualis Apostolorum aëvo, sed etiam ab ipsis initiis, Reipublicae conditio fuerit, quantaque populi illius frequentia per Orientem universum paulatim diffusa, utque extra Palaestinam etiam Judaei, ubi incolebant frequentius, suis legibus fuerint usi, suisque Synedriis gavisi, ita tamen, ut Hierosolimam pro metropoli habuerint, ejusque Synedrii magni majestatem, etiam tributis oblatis, agnoverint, late edisserens. Ubi curiosae quamplurimae observationes & notatu dignissimae se offerunt, sed a nobis silentio praetereundae, quia habenda brevitatibus ratio. His ergo praesuppositis, Capite III suam tandem sententiam proponit, vulgarique explosa, tres ante omnia periodos propagatae religionis Christianae constituendas censet, primam, cum solis Judaeis Evangelium annunciaretur; alteram, cum Gentiles etiam iis in locis, ubi frequentes habitabant Judaei, admissi fuere; tertiam, cum Gentilibus promiscue, etiam ubi rari aut nulli Judaei inveniuntur, Evangelii doctrina patefieret. In prima ergo periodo, quin Ecclesia Hierosolymitana eminuerit, quam etiam aliae in Judaea, ubi Synedria erant, velut metropolitanam agnoverint, Judaeorum politiae accommodata, dubitandi locus non est. Quae occasione, inter alia, Reverendus Auctor antiquissimi Scriptoris Apollonii, teste Eusebio Hist. l. 5 c. 18, traditionem, quod Servator Apostolis suis praeceperit, ne intra duodecim annos Hierosolymis excederent, a qua recentes rerum Ecclesiasticarum Scriptores magno consensu recesserunt, recte explicatam tuetur. In altera, ubi Gentiles Judaeis mixti Evangelii luce collustrati sunt, cum Judaeorum tamen habita ratio praecipua fuerit, moribus Judaeorum plurimum quoque dandum fuisse, Auctori vero est persimile. Ita in Oriente primum quidem Antiochia: deinde Alexandria: in quibus urbibus & frequentiores Judaei habitabant, & illustrius suis

legibus utebantur, primæ sedes fundatæ sunt, quibus Ecclesiæ Christianæ alæ, tanquam metropolitanis, essent obnoxia: in Occidente vero Romæ, & quidem tanquam in centro unitatis, princeps omnium sedes constituta, ubi & Judæorum magna frequentia, & Gentilium omnis superstitione convenerat; ad quam fundandam ac ordinandam, Apostolorum primi summique, Petrus ac Paulus, Coepiscoporum instar, ita tamen ut utriusque verticis jura, solum a Petro in Successores, Romanos Pontifices, fuerint transmittenda, symbolam suam contulerunt. In tertia periodo, cum ad Gentiles, etiam ubi Judæi aut nulli, aut perpauci commorabantur, Evangelii gratia emanasset, fundatæ certe & ab ipsismet Apostolis, & ab eorum Successoribus Ecclesiæ fuerunt, nec paucæ, sed quæ Romanam unicam pro Metropolitana venerarentur: quemadmodum nec alii ad veritatis lumen Gentiles convertebant, quam qui a Petro & Successoribus Episcopali charactere insigniti, eumque in finem missi fuissent. Ut adeo diversa satis in fundandis per Orientem & Occidentem Ecclesiis methodus notari mereatur, cum per Orientem Episcopi non constituerentur, nisi postquam ex pluribus, partim Judæis, partim Gentilibus, Ecclesia jam coaluisset, per Occidentem a Romana Sede Episcopi crearentur, qui in Italiæ, Hispaniarum, Britannia, Africa, Gallia, Germaniæ regiones missi, Gentiles converterent, & Ecclesias regendas sibi fundarent demum: unde perpetua illa novarum Ecclesiarum erga Sedem Romanam, cujus auspiciis velut coloniæ fuerant conditæ, tanquam matrem ac metropolin reverentia. Atque hæc, pro instituti nostri ratione, brevis summa est Bacchinianæ de Originibus Hierarchiæ Ecclesiasticæ sententia. Nam quin successu temporis insecutæ sint mutationes, & paulatim, imprimis postquam Imperatores ipsi religioni Christianæ nomen dedissent, multum ex forma civili trahere sacrarum dignitarum momenta cœperint, vel istæ Archiepiscoporum Constantinopolitanorum molitiones, ex sede Imperii Orientalis Primatum vindicantium, atque tot de honoris prærogativa & parocciarum finibus contentiones ac jurgia abunde comprobant. Sub finem meminit quoque recentiorum quorundam Auctor, qui confuso quodam Gentilium sacrorum systemate, ad ejus exemplar primas

Ecclesiarum sedes Petrum composuisse arbitrantur : sed eam sententiam indicasse, censet idem quod confutasse.

Pars II.

Ad Partem ergo Secundam progressus, cum nullæ ab initio Ecclesiæ Metropolitano jure in Orbe Occidentali, præter Romanam, fuerint gavissæ, amplificata autem sensum re Christiana, plures emerferint, etiam in ipsa Italia, de harum speciatim originibus certiora prodere annitur. Itaque Italiæ primum civilis facta, variasque divisiones, quas per tria priora a nato Christo secula passa est, prosequitur, ut doceat, recentiora omnino esse Metropolum Italicarum jura, quam censent illi, qui eas ex provinciarum civilium numero atque forma, qualis tamen quarto demum seculo fuit, metiuntur. Cumque Mediolanensis inprimis Ecclesiæ, a D. Barnaba quippe, ut putant, fundatæ, Metropoliticæ auctoritatis antiquitas celebrari valde soleat, quam incertis omnia fundamentis nitantur, ostendit, ut Mediolanensium etiam Episcoporum Catalogum inconstantis ac hiatus arguat. Res omnis denique eo redit, ut evincatur, in universa Italia, præter Romanum, Metropolitam nullum ante Synodum Nicenam fuisse, nec Mediolanensem ante D. Ambrosium. Subjicit Clarissimus Auctor, quod ad præsens argumentum spectet, vexatissimi sexti Canonis Nicæni, ex typo Hierarchiæ Ecclesiasticæ, qualis Nicæni Concilii tempore fuit, expositionem suæ hypothesei convenientem, indignatus haud obscure Ruffino interpretibusque aliis, qui dum ad suorum temporum rationem & opinionum præjudicia respuerunt, Canoni per se non obscuro, pro luce caliginem offuderunt.

Pars III.

Tertia Pars paucis absolvitur, etsi ejus causa totus apparatus fuerat instructus. Nempe ex dictis jam colligere est, juris etiam Ravennatis Metropolitani initia serius esse constituenda, quam ab Hieronymo Rubeo Historiarum Ravennatum scriptore non solum, sed Salmasio quoque, Marca aliisque factum. Non dissimulat Reverendus Auctor, præeuntem in sua sententia se habuisse aliquo modo Cardinalem Norisium, qui in Dissertatione de Synodo V Oecumenica cap. 10, ex D. Petri Chrisologi Sermone 175 in Marcellini Vicohabentini Episcopi ordinatione habito, tunc primum

num docet Ravennatem Ecclesiam jure Metropolitano fuisse ornata. Attamen rem omnem ab Agnello suo demum clarissime expediri tradit, qui in memorato supra de Ravennatis Ecclesie Pontificibus opere, ubi Johannis illius, cognomento Angeloptis, qui immediate Petrum Chrisologum præcessit, & Bacchinio conjectante, anno 432 sedere cœpit, anno 439 defunctus, Vitam persequitur, expresse narret, illo ipso Johanne Episcopo sedente, Ecclesie Ravennatensi a Valentiniano Augusto XIV civitates cum Episcopis subditas, primoque illi Pallium in signum Metropolitanæ juris concessum. Ut adeo primus Ravennas Metropolitæ Joannes Angeloptes fuerit, ejusque successor Petrus Chrisologus primus, quem axiomate ipso facto usum, ex Marcellini Vicohabentini ordinatione novimus.

CATALOGI AUCTORUM, QUI LIBRORUM Catalogos, Indices, Bibliothecas, Virorum Literatorum Elogia, Vitæ aut Orationes funebres, scriptis consignarunt, Auctarium, ab ANTONIO TEISSERIO, Uno e viginti sex Academia Nemausensis, adornatum, sive ejusdem Catalogi Pars altera, continens ferme bis mille quingentos Auctores.

Genevæ, sumptibus Chouet, G. de Tournes &c. 1705. 4.
Alph. 2.

Cum primum Nobilissimi Teisserii Catalogum in Actis nostris, Suppl. T. II Sect. 1, ex merito commendaremus, utile futurum credidimus, si librariæ rei studiosi, quæ in eo notata non inveniant, aut quæ nova prodire cernant, ad istam pertinentia, diligenter isti allinant. At eo labore levavit quodammodo curiosos industrius Auctor ipse, edito nuper admodum locupletissimo ejus operis supplemento, totidem ferme iterum, quot ipsum continere tum diximus, auctores, nempe circiter bis mille quingentos, complexo. In hoc, quod & alteram operis partem vocari cupit, eundem, quem in prima parte, ordinem servat, & indices itidem undecim accuratissimos adjicit. Quos vero titulos asteriscis

no-

notavit, eos sibi a Vincentio Placcio, τῷ κτῆν ἐν ἀγίοις, fuisse communicatos, gratus proficitur p. 265. Cæterum non eos tantum libros hic recenset, qui sub prelo jam sudarunt, sed & hos, qui in manuscriptoribus adhuc latent, aut propediem expectantur. Sic *Casenovii*, Galli, librum de lingua Provinciali ejusque Poetis, p. 37; *Charlæti*, Canonici Divionensis, Historiam Dioceseos Lingonensis, cui adjungetur Catalogus virorum doctorum, plus quam sexcentorum, ut & aliorum virorum, qui tam in toga, quam sago clari fuerunt, p. 40; *Christophori Hendrichs* Pandectas Brandenburgicas, p. 45; *Cornelii a Beughem* tum alia, tum & Bibliothecam Bibliothecarum, qualem hic exhibemus, p. 53; *Georgii Calixti*, Professoris quondam Helmstadiensis, librum de Historiarum scriptoribus, propediem edendum, p. 89; *Joannis Baptiste Capponi*, Medici Bononiensis, Bibliothecam Medicam, cum Notitia Manuscriptorum totius orbis, aliaque, p. 130; *Joannis Groningii*, J. U. D. Wismariensis, Antiquam & Novam Wismariam, in qua sistuntur nomina Literatorum, qui jam ab aliquot sæculis in illa urbe floruerunt, eorum effigies, vita, bibliothecæ & scripta, p. 148; *Martelli*, Secretarii Academiæ Tolosanae, Vitas illustrium virorum, qui Tolosæ floruerunt, p. 196; *Richardi*, Presbyteri, Regis Galliarum Historiographi, Historiam Academiarum Gallicarum & Academicorum, qui in illis floruerunt, p. 235; *Valerii Zani*, Bononiensis Academici Gelati, Bibliothecam Bononiensem auctiorem, p. 260; & *Otonis Sperlingii*, junioris, Catalogum Scriptorum Historiæ Danicæ & Suevicæ, qui brevi expectetur, p. 270, aliquando editum iri testatur. Qui typographici quandoque errores, ob absentiam Auctoris celeberrimi, Berolini nunc commorantis, irrepserunt, facile emendari poterunt. Ita enim e. g. pro Rechenbero & Rechembero p. 3 Rechenbergium; pro Burcardo Golth. Struvio p. 32 Burcard Gotthelff Struvium; pro Georgio Schluberto p. 86 Georgium Schubartum; pro Meimbonio p. 109 Meibomium; pro Mart. Zeidlerero p. 200 Zeillerum; pro Th.

Creeck p. 254 Creech substituendum esse, unusquisque videt.

* * * * *

ACTA ERUDITORUM,

publicata Lipsiæ

Calendis Augusti, Anno MDCCV.

ARCHIVORUM VETERIS TESTAMENTI LIBRI

Tres. Autore P. SCIPIONE SGAMBATO,

Neapolitano, Societatis Jesu.

Neapoli, apud Michaellem Aloysium Mutium, 1703. fol.

Alphab. 6.

Diligentiam, quam in Veteris Testamenti Apocrypha impendere Maxime Reverendum Jo. Albertum Fabricium, in Actis A. 1703 p. 382 memoravimus, quodammodo antevertisse, licet alia paulo methodo alioque instituto, videtur Eruditissimus præsentis libri Auctor, qui omni studio id egit, ut, quæ passim allegantur, scripta ad Vetus Testamentum ab aliquibus relata, sed Pontificiis ipsismet haud diffidentibus, Divina auctoritate haud gaudentia, Ecclesiæque testimonio destituta recenseret. Qui ipsius labor variam quidem expertus fortunam est, antequam ad Eruditorum manus perveniret. Editionem namque cum moliretur ipse Auctor, miro fato mente deturbatus, plurimos per annos obscurum pulvereque oblitum opus jacere permisit. Sed Thomas Strozza, Socius Jesu, Societatis suæ gloriæ & publicæ Eruditorum utilitati consulturus, e tenebris id protrahere, post istius mortem, aggressus est, quanquam successu itidem parum secundo, cum post factum impressionis initium & ipse expiraverit. Hinc tandem obstetricantes illi manus præbuit felicioribus auspiciis Dominicus de Georgio, Utriusque Juris Doctor Neapolitanus, cujus liberalitati ac industriæ editionem deberi, in directa ad ipsum dedicatione palam proficitur Jo. Hieronymus de Onuphrio.

Uu

Pri-

Primarium vero negotium cum Veteris Testamenti Viros sapientia illustres eorumque monumenta ac libros respiciat, haud inconsultum duxit Noster, de lingua his familiari prolixam satis tractationem præmittere. Hanc itaque Hebraeam fuisse uti constat, sic de eadem capitibus in non unis docte disseruit. Vindicata nimirum ejus antiquitate linguarum quarumcunque aliarum originem multum superante, plura in medium affert de germana ac propria illius scriptura, quam Assyriacam vocat, ipsamque illam fuisse statuit, qua nunc in Hebraicis scribendis communiter utamur, cui Transfluvianam opponit, seu Samaritanam, quæ vilior sit ac vulgaris. Veterem interea scripturam dici Assyriacam ea propter innuit, quod eandem in Assyria a parentibus Abrahamus hausere, ac inde secum in alias oras attulerit, ut ut ipse forsân, posteaquam Euphratem transierit, recentiore excogitasse credendus sit.

His prælibatis, ad ipsos Veteris Testamenti Sapientes sese confert, & post pauca, quæ de singulorum libris genuinis monet, apocrypha potissimum eorum scripta enarrat. Liber *primus*, antequam ad homines descendat, Deum & Angelos scriptores introducit. Ac Deo certe præter libros allegoricos, & in his præcipue Librum Vitæ, apocryphos etiam attribui observat, quales illi tres, quos pro tribunali sedens quolibet anni initio aperire vulgo Judæis perhibeatur. Angelorum apocrypha facit Scientias Divinas atque utiles, Scientias exotericas & malas, Phylacteria, Dispositiones Angelorum, Librum Jaldabaoth, Razel, & plures alios. Hinc ab Adami exorsus apocryphis, qualia Liber Generationum Adam, Liber Adami Primi, Psalmus Cantici in diem Sabbathi, Apocalypsis, Scientiæ, Cognitio, Testamentum Lucis; ad Sethum pergit, & ejus post alia Libros XIV, quos ipsi tribuunt Sethiani, & Libros L, quos ei liberaliter concedunt Mahometani, allegat. Succedunt cum suis apocryphis Egregori, Oannes, Thoyt ante catadysmum sapientiæ laudem consecutus, Enos, Cainan, Henoch, Mathusale, Lamech, Noë ejusdemque uxor Bath-Enos, Cham, Japhet uxorque illius Sambetha, quæ in Sibyllinis cum marito se in arca fuisse gloriatur, Sem qui & Melchisedech, Phœnices, Heber, quorum postremus tanquam Indorum & Sinarum pater introducit, horumque adeo disciplina simul tangitur.

Liber

Liber *secundus* Viros Prophetiæ nomine claros fuit, & quæ cuius horum adscribantur apocrypha, testatum facit. Agmen inter hos ducunt Abraham, Isaac, Jacob, Joseph, duodecim Patriarchæ cum suo Testamento, Job, Moses atque Aaron. Moïsis occasione Jannem quoque & Mambrem, quem vocat, illius antagonistas, nominat, nec septem Prophetarum Gentium dememinit, quorum corryphæus uti Jobus constituatur, sic ei associari refert Eliphazum, Themanitem, Baldadum Suhitem, Sopharum Naamathiten, Elihu Filium Barachielis Buzitem, Balaamum, & hujus patrem, qui Beor nuncupetur. De Sibyllis, quæ Gentium credantur Prophetides, paucula interspergit. Hinc porro comparent longo ordine Jethro, Josue, filius Nun, & septem Prophetides Israelis, Mirjam, Debora, Hanna, Abigail, Holda, Esther; Eleazar inde Magnus Sacerdos, Phinees, Samuel, David Rex, Nathan, Gad, Achias Silonites, Idodo, Semajas, Salomo, Agur, Lamuel, Elias, Jonas, Ofeas, Amos, Jechu filius Hanani, Jesaias, Sobna scriba, Ezechias, Michæas, Joel, Nahum, Habacuc, Obedias, Sophonias, Manasses Rex, Chozai Scriptor historiæ Manassis, Helkias Summus Sacerdos, Urias sub rege Joachim clarus, Jeremias, & alii usque ad Baruchum, post quem adduntur Mardocheus, Esther Regina, Assuerus Rex, Esdras, Nehemias, Tobias denique & Judith.

Posteaquam defecit apud Hebræos Prophetarum nomen, vigere coepisse ait honorificum Sapientum titulum, qui disciplinas publicis in conventibus tradiderint. Unde natæ sint Hebræorum Academiæ, quas in duas veluti sectas dividit, alteram, Orientis, Babylonios & Indos, Occidentis alteram Syros, Alexandrinos, Hispanos, Italosque comprehendentem. Circa has Liber occupatur *tertius*, qui ab Academicis Babylonicis sive Orientis orditur, & Neardeana Ezechielis, Mata-Machasia, Sura, Pombodita quæ dictæ fuerint, declarat. Occidentales constituit Hierosolymitanam, Tiberiensem, Japhneam, Biterensem, Nisibenam, Alexandrinam, & Tolitolanam. De singulis ubi nonnihil disseruit, quinam in Bibliotheca Hierosolymitana reperti libri fuerint? disquirunt. Porro Viros magnæ Synagogæ eorumque monumenta literaria recenset. Quid Philosophi Græco-um ex fontibus Hebræicis hauserint? indagat; & scorsim Hecatazum Abderitam in-

hunc censum vocat. Post renovatam Berosi memoriam Siracidem in scenam producit, & Eleazaro, qui Ptolomæo septuaginta duos Senes ad legem Græce reddendam submisit, laudato, de ipfismet LXX Interpretibus controversias præcipuas, quæ, vulgo moveri solent, pertractat. Aristæ, utut Græcus genere fuerit, locum tamen inter scriptores Hebraicos ideo assignat, quod ejus de LXX Interpretum evocatione liber Hebraice a R. Azaria Edomæo versus proster. Cleodemum Malchum, Agathobulum, Aristobulum, Ezechielem Alexandrinum, Phocylidem, Lysimachum, Jasonem Cyrenæum, Judamque Essenum breviter descriptos reliquis etiam associatos dat. Mathabæorum liber, qui Hebræis Antiochi libellus appellatur, in Latinam linguam translatus inseritur. Denique R. Jochanan filius Mathathiæ, R. Elias cognomento Propheta, Demetrius, Eupolemus, Jonathan Filius Uzielis, Auctor Libri Sapientiæ, R. Nechonias ben Hakkana, Samuel Parvus, Ananias filius Ezechia, ac ultimus omnium Cæcilius Rhetor Augusti ætate celebratus, suo quisque ordine in conspectum prodeunt. Quamvis autem larga satis nominum clarissimorum seges hunc in librum constipata sit, minor tamen longe, ac in duobus antecedentibus, scriptorum apocryphorum numerus comparet, cum personas modo plerorumque nominare ac breviter delineare Autori allibuerit.

CASPARIS HENRICI HORNII, JCi, JURISPRUDENTIA Feudalis Longobardo-Tenonica, aucta variis accessionibus, mandatis, privilegiis, consiliis, responsis feudalibus, aliisque argumentum illustrantibus.

Wittebergæ, apud J. W. Meyerum & G. Zimmermann, 1705, 4.

Constat 5. alph. 4. plag.

OPus hoc, jam ante decennium, publici juris factum est, dum illud Consultissimus Autor, Dissertationibus Academicis, in cathedram produxit. Cum vero Exercitationum illarum exempla deficerent, subinde ab illis, qui ejus Scholas frequentare soliti sunt, interdum & ab aliis admonitus, de repetenda illarum editione cogitare cœpit, quod propositum, tardius quidem, sed ita tamen executus est, ut quamplurima posthæc lecta & observata di-

diderit, multa etiam emendaverit immutaveritque, adeo ut plane alia facie & habitu liber jam in lucem prodeat. Secutus est, in hoc opere Examen Juris Feudalis Strykianum, ut illud etiam commentari in hoc vicem subire queat. Primo itaque de origine & auctoritate Juris Feudalis ac Jurisprudentia Feudali differit, postea naturam, definitionem & divisionem Feudi, ac in specie, Feuda propria & impropria explicat, tum ad personas Feudum concedentes, & acquirentes, nec non nuptias & tutelam Feudalem progreditur. Quibus expositis, res in Feudum dandas, Regalia, ac in specie Regale metalli fodinarum jus expendit, explicatis etiam servitutibus, Feudo impositis. Inde ad modos constituendi & acquirendi Feudum, ac speciatim, ad prescriptionem feudalem, & investituram, juramentumque fidelitatis, investituræ annexum, descendit. Quo labore peracto, dispositionem testamentariam circa feuda, successionem descendentium, ascendentium, collateralium, legalem & pactitiam explanat, eique tractationi renovationem investituræ, Laudemium, obligationem & contractus, qui inter Dominum & Vassallum occurrere solent, revocationem feudi alienati, & obligationem feudalem, ex quasi contractu, denique modos, quibus obligatio feudalis solvatur, ac delicta feudalia conjungit, totique operi, actionum feudalium judicii & processus feudalis explicatione, finem imponit. Ubique autem istum scopum habuit Consultissimus Autor, ut cupidæ legum juventuti rationem monstraret, qua, inter tam varia jura, partim in patrio solo nata, partim peregre, ex Italia, allata, quibus Germania etiam, circa beneficia, utitur, iter ingrediendum, ut ad habitum illum, quem Jurisprudentiam Feudalem dicimus, perducere illa possit. Quamobrem non tantum quid Longobardis placuerit, verum etiam, quæ Saxonum, aliorumque Germaniæ populorum, instituta antiqua fuerint, ac sub nomine Alemannici vel Suevici juris feudalis, innotuerint, explicare, simul vero etiam, quid Imperatorum & Regum Romano-Germanicorum constitutiones, atque Imperii nostri leges, tum antiquæ, tum recentiores, tum denique provincialia jura, Electoralium præsertim Saxonicarum terrarum, & vicinarum his regionum, in recessu habeant, quidve tam circa feuda Imperii, quam alia, usus fori & praxis servet, tradere annisus est, prout ipse in præ-

fatione, Lectores hæc edocet. Nonnulla saltem exempla, ex quibus alia dijudicare liceat, adjiciemus. In Capite octavo §. 51 de jure Palatinorum differit, ac inter alia de Palatinatu Saxonico refert, quod idem, ab Imperatore Sigismundo, in Fridericum Bellicosum, Misnia Marchionem, cum Ducatu & Electoratu, nec non Arce & Oppido Altstede, ubi frequentissime olim Palatini jus dixerint, fuerit translatus, adeo ut, vi Aureæ Bullæ & investituræ Sigismundi, cum dignitate Electorali ita coaluerit, ut ab ea nunquam separari queat, unique soli Potentissimo Electori Saxonie proprius sit factus. Atque ob hanc causam factum esse, porro arbitratu Noster, ut a Friderici Bellicosi tempore, Serenissimi Electores Saxonie, Palatinorum Comitum titulo uti, supervacuum crediderint. Electorali dignitate, a linea Ernestina, in Albertinam translata, Palatinatum Saxonicum, eadem quoque fata oportuisse experiri, amplius censet Consultissimus Autor, cui etiam non obsit, quod oppidum Altstedum, lineæ Ernestinæ fuerit restitutum, cum ab oppido illo, Palatinatus nunquam dependerit. In Capite nono, regale metallifodinarum jus prolixius nonnihil persecuturus, præsupponit, totum terrarum orbem a Deo Adamo & Evæ fuisse concessum, adeo ut, sine Dei & Protoplastorum consensu, nemo quicquam sibi asserere potuerit; dominium porro universale ad posteros esse devolutum, ut talis communio inter eos extiterit, qualis inter plures cohæredes esse solet, exceptis saltem iis, quæ, vivo Adamo, alicui jam propria facta essent. Quia vero ista communio, aucto genere humano, diu durare non potuit, ea familiæ heriscundæ ratio inita est, ut quilibet illa, quibus ad sustentandam familiam, opus haberet, retineret, reliqua vero in medio relinquerentur, atque haberentur pro derelictis, & cujuslibet paterent occupationi: hinc, ex sententia Nostri, pacto minimum tacito, ex rebus communibus, fuere factæ nullius. Ejusdem ergo, cujus ceteræ res, conditionis fuerunt quoque metalla: hinc qui fundum vacuum occupat, etiam metallorum, sub illo latitantium, dominus existimandus est, & quidem non tantum extra civitatem, sed & regulariter in civitate. His præsuppositis, Excellentissimus Autor docet, quod jure Romano quædam metallifodinæ publicæ, aliæ vero privatæ fuerint; sed in Germania Regalibus indistincte sint

an-

annumeratæ: id quod cum aliis, tum metallifodinarum Saxoniarum, & in specie Freibergensium, exemplis amplius declarat. Postea inquit in veritatem sententiæ illius, qua multi Doctores Saxonici, in terris Electorum & Ducum Saxoniarum, usu receptum, esse existimant, ut is, qui de feudo, cum jurisdictione superiore & inferiore investitus est, metalla viliora, ut cuprum, stannum, plumbum aut ferrum, in feudo suo quærere, ac reperta sibi servare queat. Absoluta hac disquisitione, partes juris metallifodinarum adducit, ac, ostensa Statuum Imperii, fodinas auri argentique in suis territoriis possidentium, præ cæteris, qui illis carent, quoad rem monetariam, prærogativa, ostendit, qua lege, in fundis alienis, metalla hodie scrutari liceat, adjiciens, in terris Potentissimi Electoris Saxoniarum, Magistros montium, auri quoque fodinas probabiliter concedere posse, id est, potestatem ipsis esse datam, *auff alle metalle berckwerck zu verleihen*. Cum igitur ab Imperante & Republica, metalli fodinæ, certis conditionibus, in privatos deveniant, ideo varia negotia eo nomine intercedere solent, quorum indolem deinceps Noster explicat. Inter illum igitur, qui metallifodinas concedit, & fodinarum cultores, *denen gewercken*, contractum velut emphyteuticum celebrari, & metallifodinas minime pro feudis haberi posse, censet. Inter ipsos autem fodinarum exercitores, societatis contractum, cui tamen singularia, quædam insint, esse arbitratur. Quoad dominum denique fundi, qui agrum ad fodiendum, sub conditione accipiendæ portionis hæreditariæ, *eines Erbkukus*, concedere debet, & fodinarum exercitores, negotium extraordinarium subesse, ex eoque actionem in factum oriri, existimat, ac de libro metallico publico, *dem Gegenbuch*, ut & de salinis ac thesauris, coronidis loco, nonnulla adjicit. Circa accessiones, quibus Consultissimus Autor, tractatum hunc feudalem augere & exornare voluit, nihil aliud nobis agendum videtur, quam ut syllabum earum exhibeamus. Præter dissertationem itaque, de Feudo Franco, quæ tractatui ipsi inserta est, in Appendice prima habetur (1) Mandatum feudale Joh. Georgii IV, cum mandato Joh. Georgii I, quorum illud de renovatione investituræ, hoc de alienatione feudorum agit. (2) Mandatum feudale Serenissimi ac Potentissimi Regis Poloniæ & Electoris Sa-

xoniæ Friderici Augusti de dato Thorun. 4 Jan. 1703. (3) Forma investiturarum, in Curia Electorali feudali Saxonica. (4) Formula dilationis pupillaris in Aula Electorali Saxonica. (5) Formulæ novæ decisionis de signis feudi hæreditarii & fœminini. (6) Marchionatus Lusatiæ Inferioris Privilegia, a Ferdinando I & Maximiliano II eidem concessa. (7) Rescriptum Serenissimi Principis Christiani, Saxonix Ducis, de clausula liberæ dispositionis, literis novis investiturarum inferenda. (8) Tabulæ investituræ Casarez, super quibusdam bonis, officio hæreditarii Janitoris Imperii annexis, quas illustri stirps Wertherorum accepit A. 1698. (9) Formula pactionis feudalis, *lehn reverses*, qua simultanee investiti concedunt illi, qui eos administ, liberam de feudo dispositionem. (10) Programma Academicum, quo quæstio excutitur: utrum Comes Palatinus veniam ætatis, in territorii Ordinum Imperii, impetiri queat. (11) Aliud, quo discutitur quæstio: utrum jus primogenituræ in testamento prohiberi possit, & si a majoribus prohibitum, num novus jussus parentis, de eo introducendo, liberos obliget? In Appendice secunda exhibentur (1) Consultatio de Principatu Olinæ in Silesia: utrum feudum proprium sit, an improprium, & quidem tale, quod fœminas admittat? conscripta a Georgio Franzkio A. 1647. (2) Consultatio pro Serenissimo Principe Dn. Adolpho Friderico, Duce Megapolitano, qua quæstio, utrum jus primogenituræ & linealis successio, an vero ordo succedendi, secundum propinquitatem, in hac Familia Serenissima, locum inveniat? excutitur, ac posterius affirmatur. (3) Viginti alia Responsa Juridica, nomine Facultatis Juridicæ Wittembergensis, maximam partem emissa.

D. LUDERI MENCKENII P. P. DISSERTATIONES JURIDICÆ. ACCEDUNT V DECADES CONTROVERSIARUM & XII PROGRAMMATA CUM INDICIBUS NECESSARIIS.

Lipsiæ, apud Emmerichium, 1705, in 4to.
Constant 5 Alph. 8 plag.

Quas per quatuor, & quod excurrit, lustra in Academia Lipsiensi publicæ ventilationi subjecit Dissertationes Juridicas, eas nunc, in unum collectas volumen, in publicam lucem edidit Consul-

suleiffimus Autor. Præmifit iis præfationem, qua Auditores suos alloquitur, qui aut olim ipsius lectiones frequentarunt, aut nunc iis interfunt, aut accedent in posterum, ac his imprimis linguæ Latinæ culturam, ordinisque in studio Juris servandi sedulam commendat curam. Singularum Dissertationum materias, & titulus operis, & index exhibet, ex quibus satis patet, esse eas ex omni Jure, Civili, Feudali, Canonico & Saxonico selectas, nec inanes quæstunculas, sed themata, quorum constans in foro & quotidianus usus est, continere. Sic, ut ex iis, quæ ad Jus Saxonicum pertinent, saltem aliquas exempli causa adducamus, *Dissertatio XX* ostendit, ascendentes ad successionem feudalem adspirare non posse, nisi simultaneam obtinuerint investituram, Feudi autem, ex pacto cum simultanee investitis alienabilis, naturam prolixè exponit *Dissertatio XXVI*. Plura hæud addimus, instituti nostri habituri rationem. Sed ad Decades Controversiarum progredimur. Sunt & ex olim in Academia Lipsiensi peculiaribus Dissertationibus propositæ, ac continent quinquaginta controversias Juris varii, ita ut supplementi instar esse possint iis, qui Gymnasio Polemico Consultissimi Autoris hætenus fuerunt usi. Singulis Thesibus non modo consentientes dissentientesque Doctores, sed & Legum ac rationum obstantium resolutiones subjiciuntur. Tandem Decadas Programmatum coronidis loco accedit, quibus ad Exercitia Disputatoria publica, quæ repetitis vicibus Autor noster instituit, Juventutem legum studio deditam invitavit. In quibus cum singulis fere quæstiones Forenses discutiantur, non minus, quam ipsas Dissertationes, Lectoris Benevoli desiderio ac expectationi confidimus ea satisfacere posse.

ECLAIRCISSEMENT SUR LE LIVRE DE LA GÉ-
neration des Vers dans le Corps de l'Homme.

i. c.

DILUCIDATIO LIBRI DE GENERATIONE

Vermium in Corpore humano.

Amstelodami, apud Thomam Lombrail, 1705, in 12.

Constat 3. plag.

Xx

La

Lulstrum jam præterfluxit, postquam *Nicolaus Andry*, Doctor Medicinæ Facultatis Parisiensis, Tractatum suum de *Generazione Vermium in Corpore humano*, a nobis Anno 1700. *Menſe Novembri pag. 519.* recensitum, publici juris fecit. Quamquam vero remedia anthelmintica inibi commendata a quibusdam Medicis, in talistnodi casibus, non sine successu in usum fuerint vocata, prout testatur Epistola præſenti libello addita; non destitit tamen *Ladovicus Lemeris*, cujus de *Alimentis* Tractatum in *Actu nostris Anno 1703. Menſe Septembri pag. 396.* excerptum dedimus, in Epistola ad Dn. Boudin data, nostrique itidem libelli calci adjecta, eundem falsè perstringere. Exstitit vero alius, qui suum nomen quidem non professus, attamen Nicolai Andry in præſenti Dilucidatione causam agere, atque ad objectiones a Lemerio factas respondere sustinuit. Cum autem ad tria potissimum capita omnia ea, quæ fuerunt opposita, a Defensore redigantur, ita ut quædam in tractatu dicto quidem reperiantur, redargutione tamen neutiquam digna, quædam Authoris menti affingantur, quædam denique ceu sphalmata inter Errata jam dum fuerint notata; nos missis omnibus, ne contra morem nobis hæcenus propositum agere videamur, ea solummodo, quæ pag. 15. & seqq. de *nutritione ossium & sensu medulle* Noster disserit, brevibus commemorabimus. Putat enim, quamquam ossa mediantibus vasis sanguineis suum nutrimentum haugant, absurdum tamen non esse, statuere, medullam pariter nutrire ossa. Quod si enim ossa sint solida, nec insigni cavitare prædita, qualia sunt ossicula aurium, cornua cervorum, & damarum, infundi materiam nutritiam in ipsum ossis corpus; sin vero sint concava, non solum ad corpus ossis, sed & ad cavitatem eandem deponi. Foraminula enim adesse exilia in interiori ossis superficie, per quæ ex medulla ad ossis substantiam vasa ablegentur. Et quemadmodum in animalium aulorum substantia, vasa sanguinea non conspiciuntur, etiamsi revera adsint; ita existimat Noster, singula ossa medulla omnino gaudere, etiamsi hæc, propter cavitatem vel exiguam vel nullam, in conspectum minus veniat. Cum enim, qua nutritur os, sit materia oleosa, & eaque maxime subtilis & depurata sanguinis, sequi exinde, hanc sive ad cavitatem sive ad substantiam ossis deponatur, dici debere medullam.

lam. Imo idem officium præstare cavitatem ossium, ad quod pennarum avium cavitas formata est, credit; siquidem hæc non solum agilitatem, vim & levitatem volucris conciliat, sed & penæ vicem gerit, ex quo toti pennæ corpori nutrimentum sit petendum. *Sensum medullæ* quod attinet, quanquam, quibus cruris vel brachium abscissum est, sub ossis mutilati ligatura novi doloris sensum edant, quamprimum medullæ lineæ admoventur; vel animalia ejulatus renouent, si mediante stylo ossis detruncati medulla attingatur; sensum tamen ullum medullæ competere, negat Noster. Cum enim hæc sit materia oleosa, fluida & liquida, intra vesiculas membranaceas subtilissimas inclusa, æque absurdum esse, huic sensum tribuere, ac sanguinem sentire, statuere, putat. Quando autem quidam Anatomicorum medullam per fasciculum plurimarum vesicularum membranacearum, oleosa quadam fluida & liquida materia refertarum definiunt, eundem applausum mereri eosdem putat, quem illi, qui succum citri fasciculum vesicularum membranacearum, acido & transparente liquore refertarum, esse dicunt; imprimis cum iidem asserant, medullana transpirare, per ossis texturam vehi, hocque in mortuo animali livore contaminare; quæ certe proprietates non membranaceæ texturæ, sed fluido corpori competant. Ita ut sensus non medullæ, sed ejus involucris membranaceis verius tribuatur.

JOH. BERNOULLI MOTUS REPTORIUS EJUS-
que insignis usus pro Lineis Curvis in unam omnibus aequalem colligendus, vel a se mutuo subtrahendus; atque hinc deducta Proble-
matu de Transformatione Curvarum in Diario Galli-
co Paris. 12 Febr. 1703 propositi ge-
nuina Solutio.

Quartus agitur annus, ex quo solutum habui problema de *transformanda Curva Algebraica in alias innumeras Algebraicas longitudine aequales*, non diu ante mihi propositum ab egregio quodam Belgii Mathematico. Idem postea, quod videre posse præstare insignem usum pro dimensione & comparisonem curvarum, publice propositi in Diario Gallico an. Febr. 1703,

concesso totius modo tum incipientis anni decursu, spe fretus fore ut per ejus solutionem unam vel alteram, Geometria recondita incrementum esset captura non spernendum. Sed ultra præstitutum limitem (intra quem nihil solutionis comparuit) jam fere sesquiannus est elapsus, necdum tamen dedi meam solutionem; quod fateor oscitantæ an oblivioni meæ imputandum, forsan diutius duraturæ, nisi excussisset eam visa mihi nupera Clarissimi Joh. Craigii Solutio, publicata primum in Transact. Philos. Londin. anno 1704 num. 289, & postea transcripta in Acta Erudit. novissimi Aprilis.

Quid de hac solutione sentiam, mearum est partium paucis prius aperire, quam meam proposuero, neque id facere verebor, cum mihi constet, Clarissimi Auctoris popularem Celeberrimum Newtonum sententiæ meæ ab Amico quodam (cui eam privatim perscripseram) intellectæ per totum suffragari. Quare non ægrelaturum spero acutissimum Craigium, si, quod in ipsius solutione desidero, amice & candide proponam. Illam, utpote brevem, huc transcribo totam: Sint, inquit, w, s , coordinatæ Curvæ datæ; & Curvæ quæsitæ sint coordinatæ x, y : tum ex conditione problematis erit $d w^2 + d s^2 = d x^2 + d y^2$. Ponatur $d x = d w - m d z$, unde erit $d y = \sqrt{d s^2 + 2 m d w d z - m^2 d z^2}$; in hac pro $d s$ substituatur ejus valor per $w, d w$ & determinatas expressus: & pro $d z$ assumatur talis valor ex $w, d w$ & determinatis compositus, ut valores quantitatum $d x, d y$ sint summabiles: Et sic habentur x, y coordinatæ curvæ quæsitæ. Q. E. I.

Nihil unquam expediri potuisset brevius, non nego; sed & ipsa nimia brevitatis est suspecta; re vera enim quis quæso, vel leviter attendens, non viderit statim postulari gratis, & pro $d z$ assumatur talis valor ex $w, d w$ & determinatis compositus, ut valores quantitatum $d x, d y$ sint summabiles? Postulatum hoc non minus difficile videtur quam ipsum problema, imo si illud dixero difficilius, non adeo a veritate alienum dixero; superaddit enim tacite problemati conditionem aliquam præter necessitatem, quæ hæc est, quod non tantum curvam curvæ, scilicet totam potest, sed etiam partes partibus æquales fieri jubeantur, quæ tamen posterior con-

conditio non exigitur in problemate; sufficit namque exhibere curvam datæ æqualem, licet partes æquales in illis determinari non possint. Exempla interim, quæ Vir Clarissimus adducit, & quæ an recte soluta, examinare nondum vacavit, non magis probant generalem problematis solutionem, quam si quis per nonnulla exempla æquationum quadratarum & cubicarum a se resolutarum contendere vellet, se monstrasse viam generalem resolvendi æquationem cujuscunque sit dimensionis.

Videtur Doctissimus Craigius ipse quodammodo agnoscere imperfectionem suæ solutionis. Sub finem enim, ubi innuit Problema Diophantæum, quo petitur *Dividere summam duorum quadratorum in duo alia quadrata, quorum latera sint rationalia*, affinitatem habere cum nostro, quod putavit necessario idem esse quam *Dividere summam duorum quadratorum in alia duo quadrata, quorum latera sint summabilia*, rectissime subdit, solutionem mei problematis communes tantum fluxionum methodos inversas requirere, & artificium in debita laterum quæstorum assumptione consistere, scilicet ut sint summabilia; quo satis nobis indicare vult, quod, quemadmodum illa fluxionum methodus inversa nondum ad perfectionem est perducta, sed immane quantum adhuc circa illam a Geometris desideratur, ita etiam solutio sua, quæ illam methodum requirit, perfecta dici non possit: artificium autem (quod ipse ita vocat) assumendi latera debito modo, ut sint summabilia, haud dubie arcanum est difficillimum. Non ergo illud in solutione generali fuisset supponendum, sed demonstrandum, quod dum fiet, meam nunc solutionem cum alio, quod me eo deduxit, novo invento communicare nequaquam gravabor.

Verum hoc loco non est dissimulandum, quod acceptum ferimus Illustri nostro Leibnitio, felicioribus auspiciis rem aggresso. Is quippe mihi sub initium anni superioris perscripsit aliquod tentamen solutionis neutiquam paralogistica, imo cui nihil deerat, nisi ut laborem calculi (qui ad perplexitatem haud facile superabilem deducere videbatur) tollendi modum ostenderet. Via autem, quam ineundam censuit Vir perspicacissimus, consistit in coevolutione duarum curvarum ope styli commune circumplicatum filum

tendentis & describentis tertiam aliquam curvam, quæ si algebraica sit ut & una ex evolutis, altera etiam necessario erit algebraica, non minus quam ipsa etiam coevolutarum differentia semper per rectas lineas algebraice determinabilis existit. Ex quo prævidit Illustri Leibnitius, coevolutas posse fieri longitudine æquales, evanescente scilicet illa differentia; adeoque ut curvæ datæ algebraicæ inveniatur alia algebraica æqualis, nihil aliud faciendum esse, quam ut assumatur pro arbitrio aliqua curva algebraica (specifice tamen determinata & debite collocata) quæ præstet speculi vicem, id est, quæ tangentes curvæ datæ tanquam radios incidentes sub angulo æquali reflectat, & per eorum intersectiones causticarum more formet novam curvam algebraicam: hæc enim cum datæ curva faciet duas coevolutas pro assumpta illa arbitraria per filum describenda. Et quia de casu tantum speciali in calculo agitur, ut nimirum coevolutarum differentia sit nulla, debito modo assumere jubet sive speciem, sive parametrum, sive situm, sive aliud quid curvæ arbitrarie, quo in proposito casu illa differentia evanescat, atque adeo datæ evolutæ inveniatur altera æqualis.

Amplio rem ejus rei explicationem non dabo: a nemine enim pro dignitate sua melius tractabitur, quam ab ipso Inclyto Viro, proinde humaniter rogando, ut communium studiorum bono & incremento methodum suam, hæcenus non nisi levi penicillo adumbratam, perficere, & inprimis, quomodo arbitraria illa speculi vices subitura sine operoso & molesto calculo specifice determinanda vel collocanda sit, ut coevolutarum differentia evadat datæ æqualis vel nulla, compendiosam aliquam viam aperire nobis dignetur.

Mea nunc inventa daturus, præmitto Geometrarum more nonnullas definitiones & postulata.



Defin. I. Per *normales extremas* intelligo lineas rectas ad utramque curvæ alicujus extremitatem perpendiculariter ductas.

TAB. VIII. Sic BN & AN (Fig. I.) sunt normales extremæ curvæ ACB.

Fig. I.

Defin. II. *Amplitudo* curvæ ad eandem partem concavæ est angulus, quem constituunt normales extremæ. Sic angulus BNA est amplitudo curvæ ACB.

Defin. III. *Secare* curvam in partes æque amplas vel ampli-



pluritudinis aequalis, est eam ita dividere, ut partium singularum normales extremæ constituent angulos æquales.

Defin. IV. Curva curvam *obrepere* dicitur, si mobilis super immobili moveatur motu parallelo, & interim altera alteram continuo tangat, partibus convexis sibi mutuo obversis. Mobilis autem curva vocetur *Perreptans*, & immobilis *Perreptanda*.

Defin. V. Curva Curvam *subrepere* vocatur, si similis fiat motus hoc tantum discrimine, quod nunc curva perreptans convexitate sua inter *rependum* tangat continuo partem concavam curvæ perreptandæ.

Ut clarius hi duo motus intelligantur, possunt quodammodo comparari cum deviatione navis, qua scilicet fit, ut dum ex. gr. a Borea in Austrum vi venti fertur, interim simul ab occulto quodam aquarum motu in aliam rapiatur plagam; quo pacto duas licet concipere curvas, quarum unam uno, alteram altero latere navis perpetuo tangit, quarum proinde una a navi *obrepitur*, altera *subrepitur*.

Figamus igitur (Fig. I & II.) curvam ACB immobilem seu perreptandam, aliamque mobilem seu perreptantem ECF, quæ posito primo vertice E in verticem A, axique EG in axem AD vel cum eo in directum, moveatur postea ECF motu parallelo per ACB, hoc est ut axis EG & sibi & AD maneat semper parallelus; habebitur fig. I. motus *obreptionis*, & fig. II. motus *subreptionis*. TAB. VIII.
Fig. I. II.

Defin. VI. Curvam *Reptoriam* voco, quæ describitur hoc motu per punctum quodvis in plano perreptantis curvæ ECF situm, ut ex. gr. AEH per verticem E, vel LGM per punctum G in axe.

Defin. VII. Curvarum perreptandæ & perreptantis ACB & ECF, partes illas duas AC & EC, quæ jam suum officium fecerunt, illa rependo, hæc reptionem patiendo, vocabo *partes eadem reptione desunctas*.

Postul. I. Curvæ datæ algebraicæ postulantur dari quoque algebraice tangentes & normales.

Postul. II. Postulatur Curvam datam algebraicam secari posse algebraice in partes quotcumque æque amplas.

Item

Lemma I. Curvis perreptanda & perreptante existentibus algebraicis, erit quoque, quæ hinc generatur, reptoria algebraica. Liquet ex postul. I & II. nam constat partes eadem reptione defunctas AC & EC esse æqualis amplitudinis, adeoque assumpto arcu AC ad lubitum posse algebraice determinari arcum æque altum EC, hinc & punctum E in curva reptoria AE.

Lemma II. Omnes curva reptoria vel quacunque earum partes eadem reptione descripta inter se sunt æquales & similes. Patet hoc ex parallelismo motus; sumantur enim in plano perreptantis ECF duo quæcunque puncta describentia E & G, quibus connexis per rectam EG, manifestum est hanc rectam per motura reptionis singulis momentis translata per intervallum minimum in situm priori parallelum, descripsisse utraque sua extremitate lineolas parallelas & æquales, quæ cum sint elementa curvarum AEH, LGM, constat propositum.

Coroll. I. Tangentes ductæ ad extremitates omnium reptoriarum vel quarumcunque earum partium eadem reptione descriptarum, parallelae sunt omnes tam inter se quam communi tangenti ductæ per punctum contactus curvarum vel partium eadem reptione desectarum.

Coroll. II. Reptoria cum partibus perreptanda & perreptantibus eadem reptione defunctis semper est ejusdem amplitudinis. Hinc jam fuit utilissimum, quamvis facile

Theorema I.

Omnis Reptoria vel quacunque ejus pars est longitudine æqualis vel summa vel differentia partium perreptanda & perreptantis eadem reptione defunctarum; nempe summa, si motus fiat per obreptionem; & differentia, si per subreptionem.

Demonstr. Concipiatur (Fig. I & II.) Perreptans ECF progredi in situm proximum, ita ut vertice ejus E perveniente in *e*, punctum simul perreptantis *m* cadat in punctum perreptandæ *n*; clarum nunc est, lineolam Ee, quæ per Coroll. I. parallela est lineolis Cn & Cm, fore illam in fig. I. æqualem summæ Cn + Cm, & fig. II. differentię earundem, Cn — Cm; nam per parallelismum motus sit, ut progressus puncti E nempe Ee sit æqualis distantię pun-

punctorum n & m , quæ vero distantia, cum particulæ Cn & Cm in directum jacere censeantur, non differt ab earundem summa, in fig. I, & a differentia in fig. II. Sunt vero Ee , Cn & Cm elementa suarum respective curvarum AE , AC & EC ; ergo etiam collectim, sumtis elementis, erit Curva Reptoria AE æqualis in fig. I summæ perreptandæ & perreptantis $AC + EC$, & in fig. II differentia earundem $AC - EC$. q. e. d.

Scholium 3.

In memoriâ hic sibi revocabit B. Lector, quod Illustræ Virorum par, summus Leibnizius, & acutissimus, dum viveret, Hugenus præstiterunt, introductis scilicet ab hoc *Evolutionis*, ab illo *Tractionis* motibus, non sine insigni pro notitia curvarum emolumento; sed nunc judicet pro æquitate sua, annon roster motus *Reptionis* illis duobus saltem adjungi mereatur. Sive enim ejus facilitatem & simplicitatem, sive utilitatem spectare velit, deprehendet eum in omni parte mirifice excellere. Quis enim motus faciliior & simplicior, quis vero etiam ad praxin accommodatior, quam qui sibi semper parallelus est? Quantæ autem sit utilitatis, præter ardui problematis solutionem mox dandam, vel hoc arguit, quod nobis introitum referet ad abstrusiora & tantum non hæcenus desperata circa curvas cognoscenda & efficienda. Quorum unum alterumve tantum notabo: Et primo quidem, cuius statim obvi-um est, quomodo datis duabus aut pluribus curvis algebraicis, facile alia nova algebraica inveniatur, cujus area æqualis sit summæ vel differentiæ arearum datarum, erecta scilicet tantum ad communem abscissam nova applicata summæ vel differentiæ datarum, applicatarum æquali. At vero si non areæ, sed longitudines ipsæ datarum algebraicarum, in aliam novam algebraicam consari, id est, inveniri si debeat curva algebraica, cujus longitudo æquetur, aliarum datarum vel summæ vel differentiæ; hoc jam quod hæcenus a nemine effectum reperiis, nostræ videtur reservatum metho- do, rem mirabili brevitate absolvendi. Etenim si primo duas ex datis curvis sumas, earumque unam obrepere facias, alteram habebis reptoriam duabus datis æqualem, ad quam si eodem modo addas tertiam datam curvam ope obreptionis denuo instituendæ,

Yy

pro-

prohibet alia nova rectoria tribus istis datis curvis longitudine æqualis, cui simili modo quartam, postea quintam, & plures porro addendo, habebis tandem unam omnibus simul curvis datis æqualem, & quidem per Lemma I algebraicam, si tales quoque fuerint datæ; sicubi vero differentia vel subtractio curvarum facienda occurrit, loco tunc obreptionis subreptionem instituendam esse, non necesse duco ut moneam.

Quæ cum ita se habeant, nulla posthac erit res ardua, curvas non tantum dissimiles, sed & diversorum omnino generum in unam (subintellige *algebraicam*, si illæ tales fuerint) colligere, vel a se mutuo subtrahere, vel partim subtrahere & partim addere; atque vel differentiarum, vel partim differentiarum, partim aggregato unam æqualem construere curvam. Sic ex. gr. non solum ellipses quotcunque dissimiles (quod tamen antea sat magnæ difficultatis fuisset) sed ellipses cum hyperbolis & parabolis per nostram methodum facile coalescent in unam, hoc est, sine magno labore exhibebo jam curvam algebraicam, quæ sola trium sectionum conicarum datarum longitudinem exæquet. Ex hisce vero deducitur sequens in abstracto propositum

Theorema II.

TAB. VIII.

Fig. III.

Sint (Fig. III.) *curvæ quorū & qualescunque ADL, ACM, ABN, sique alia curva APR cuius abscissa AO æqualis abscissarum summa AE + AF + AG respondentium paribus AB, AC, AD æque amplis; & applicata OP æqualis applicatarum summa EB + FC + GD: Dico curvam AP æquare longitudinem omnibus curvis AB + AC + AD. Quod si vero AO esset summa abscissarum tantum aliquarum multiplicata reliquis abscissis, & similiter OP summa respondentium applicatarum multiplicata reliquis applicatis: Dico fore etiam curvam AP æqualem summa curvarum unarum multiplicata reliquis curvis. Ex. gr. Si $AO = AG + AF - AE$, & $OP = GD + FC - EB$, erit curva $AP = AD + AC - AB$. Dico tandem etiam, in utroque casu fore curvam AP æqualis amplitudinis, cuius sunt AB, AC vel AD.*

Demonstratio hujus ex precedenti theoremate haud difficulter

ter colligitur: immo & immediate ex calculo differentialium directo peti potest, quare illa relicta revertor ad motum nostrum reptorium; qui hoc alterum notatu dignum nobis suppeditat, quod est inventum de dimensione linearum curvarum per circulares a me jam olim publico exhibitum in Actis hisce anni 1695 m. Aug. & Nobilissimis Duumviris Leibnitio & Tschirnhausio tantopere laudatum eod. an. m. Novemb. Quo ostendi, duas curvas eadem evolutione condescriptas per duo qualibet fili evolventis puncta habere summam vel differentiam æqualem arcui circulari. Labet ergo nunc ostendere, quomodo hoc theorema, quod tunc singulari demonstratione muniveram, non sit nisi specialissimus duntaxat casus præsentis hujus de Reptoriis.

Sit enim (Fig. IV.) curva perreptanda quæcunque ACB, sed TAB. VIII. perreptans ECG sit jam circulus; sumaturque punctum describens reptoriam LOM, in ipso centro O; patet statim reptoriam LOM, esse hoc casu eam, quæ describeretur per evolutionem eandem, per quam describeretur ipsa ACB; puncta enim O & C in intervallo semper æquali & perpendiculari ad curvas LOM & ACB existentia, hasque proinde æquidistantes facientia, facile concipiuntur necessario esse in filo communi evolvente. Habemus igitur curvam LO per obreptionem, æqualem summæ; & per subreptionem, æqualem differentiæ curvæ AC & arcus circularis EC, adeoque & hunc arcum utroque modo æqualem differentiæ curvarum LO & AC. Quando vero circulus subrepens ECG minoris est convexitatis, quam curva perreptanda ACB, id est, quando curvatura circuli ECG includit curvaturam ACB, illius nempe radio majore existente quam radius circuli osculantis in C; erit tunc differentia inter AC & EC penes arcum EC tanquam majorem, unde summa curvarum AC & LO partes concavas sibi jam obvertentium habebitur æqualis arcui circulari EC. Verum enimvero cum parum sit naturalis & incommode, peragatur motus subreptionis, ubi subrepens includit subrependam, possunt hæ vices suas permutare ita, ut nunc circulus subrepens, illa vero subrepentis functionem obeat; sciendum quippe in genere, per conversionem perreptantis in perreptandam & vicissim, nihil in reptoria, quæ describitur, immutari præter solum.

Y y 2

At-

Fig. VI.

Atque ita veritatem theorematis ex actis citatis tanquam corollarium ex novo hoc motus reptonii invento deduximus, ubi præterea notare convenit fundamentum, cur curvæ ex evolutione condescriptæ nihil aliud sint quam species reptoriarum, id quod in hoc consistit, quoniam circulus ECG ob partes suas similes sive motu rotationis, sive motu reptionis feratur super AC, centro suo A eandem utroque modo describit curvam LOM: atqui rotando, uti notum est, fit condescripta ex evolutione: Ergo constat, quod indicare volui.

Ne vero diutius Lectorem detineam, propero tandem ad solutionem genuinam problematis in Diario Gallico propositi de Transformatione Curvarum, quod, si unum excipias Amplissimum Leibnitium, qui non infeliciter adeo rem est adoratus, in hunc usque tamen diem, quantum constat, nondum perfectam a quoquam accepit enodationem, & ne ab illis quidem, quod miremur, qui nihil non pervium sibi & multa sibi solis perspecta putantes, alios provocando nec modum, nec mensuram tenuerunt: qualis vero causa sit veterni corripientis eorum sagacitatem hac in parte, hujus loci non est inquirere.

Problema.

Datam curvam algebraicam transformare in alias innúmeras etiam algebraicas ejusdem cum ipsa longitudinis, sed quæ sint dissimiles datæ, tam quoad totum quam quoad partes.

Solutio I. per Motum obreptionis. Estto curva data algebraica ACB, (Fig. V.) quæ per postul. II. secetur in partes aliquot æqualis amplitudinis, ex. gr. in duas AP & PB. Convertatur una ex his ut AP circa rectam tangentem in P tanquam circa axem, ut convexitas in contrariam mutetur sumatque situm aP; in hoc situ obrepât pars aP partem PCB ita scilicet, ut inter rependum semper servet situm $\alpha C \pi$ parallelum primo aP. Curva reptoria, quæ hinc describitur $P \pi Q$ per punctum aliquod ad libitum assumptum in plano curvæ $\alpha C \pi$ ut π , erit una ex quæsitis. Est enim per Theoremata I. $P \pi Q = \alpha C \pi + PCB =$ (quia $\alpha C \pi = aP = AP$) $AP + PB = APB$. Est autem $P \pi Q$ curva algebraica per Lemma I. Adeoque datæ curvæ algebraicæ inventa est alia alge-

TAB. VIII.

Fig. V.

algebraica æqualis : cui postea eadem methodo inveniri potest æqualis secunda, & deinde secundæ tertiæ, tertiæ quarta & ita in infinitum. Sunt vero etiam omnes dissimiles, quoniam semper pars rectoriæ extrema $P\pi$ æqualis est partibus $PC \pm \pi C$. hoc est parti alicui intermediæ inter extremitates curvæ datæ APB ; quod necessario dissimilitudinem curvarum, partiumque ejus arguit, excepto unico casu, quo nempe curva data æqualis convexitatis, omnesque adeo partes similes, id est, si curva data esset circulus, quem igitur hic exceptum volo, daturus infra pro eo solutionem peculiarem. Ergo transformata est omnis curva data excepto circulo in alias innumeras sibi æquales, & quidem omnes algebraicas si proposita sit algebraica. q. e. f.

Coroll. I. Curva inventa prima $P\pi Q$ dimidiæ est amplitudinis, cujus est data APB ; secunda amplitudinis est partis quartæ, tertiæ octavæ, quarta decimæ sextæ, & sic porro, decrefcentibus scilicet amplitudinibus curvarum in progressionem geometrica subdupla; unde ultro hic se nobis offert nova ratio rectificandi curvas per approximationem. Cum enim recta linea nihil sit aliud quam curva amplitudinis infinite parvæ, curvæ utique nostræ ipsi APB æquales per successivas operationes inventæ quanto minoris sunt amplitudinis, tanto magis ad rectas lineas accedunt.

Coroll. II. Si curva proposita secetur in tres partes amplitudinis æqualis, eæque per methodum supra traditam conflentur in unam curvam, habebimus iterum novam propositæ æqualem, quæ postea similiter in aliam & hæc iterum in aliam (& ita quoties libuerit) transformabitur. Pari ratione, si ab initio secetur curva data in quatuor partes æqualis amplitudinis, prodibit nova progressio infinita curvarum inventarum datæ æqualium; per quinquisectionem curvæ datæ rursus nova obtinetur curvarum series; nec non nova & nova semper habetur per sectionem in sex, in septem, in octo &c. partes æque amplas. Et ita satisfactum est problemati non uno modo tantum, sed modis infinitis, quorum singuli innumeras exhibent curvas datæ æquales. Hi modi si combinentur, prodibit numerus modorum infinitorum infinitus, quibus ulterius combinatis sine fine, exoriuntur novi semper infinitatis gradus, quibus præcedentes quasi absorbentur.

TAB. VIII.
Fig. V.

Coroll. III. Alia præterea ratione obreptio initialis peragi potest, mutato nimirum (fig. V.) situ partis AP vel aP , ut extremitates partium non contiguae ab initio se tangant, hoc est, ut extremitas a partis aP tangat extremitatem P partis PB , hacque dispositione instituat obreptio. Fiet enim reptoria $P\pi Q$ omnesque reliquæ postea ut prius describendæ a prioribus diversæ, & tamen ipsi propositæ APB æquales. Hic autem modus inprimis locum obtinet, quando curvæ partes PA & PB sunt æquales & similes, uti fit, cum APB esset ex. gr. aliqua ex sectionibus conicis, in qua punctum P foret vertex summus; quo casu curva reptoria $P\pi Q$ per priorem modum descripta esset nova tantum sectio conica sed parti PA vel PB omnino similis, id quod non satisfaceret præbentati, quippe quod requirit curvam propositæ dissimilem. Atque hic in universum est notandum, quotiescunque curvæ perreptans & perreptanda sunt eadem vel tantum similes, seque tangunt ab initio reptionis in punctis similibus, curvam reptoniam hinc generatam illis semper etiam fore similem; cujus ratio attendenti haud difficulter patet. Quando igitur dixi in solutione curvam $P\pi Q$ dissimilem esse ipsi APB vel parti AP , excepto solo casu, quo data curva APB esset arcus circuli, ista verba sub hac restrictione dicta velim, ut nimirum si proposita constet duabus partibus PA & PB æqualibus & similibus, situs tunc partis aP prius permutetur, admoto scilicet a partis aP ad punctum P partis PB : alioquin certe reptoria descripta $P\pi Q$ foret parti AB vel PB omnino similis.

Solutio II. per Motum subreptionis. Esto Curva data algebraica ACB (Fig. V.) ad quam construatur prius alia similis $LMNR$, illiusque dupla, quod quomodo fiat dudum est cognitum, ducendo tantum ex assumpto quodam puncto O per singula curvæ datæ puncta rectas OL , OM , ON , OR duplas suarum partium OA , OP , OC , OB : Deinde sumta $LMNR$ pro perreptanda & $APCB$ pro subrepente, atque admoto $BadL$, vel A ad R , fiat subreptio; dico reptoniam hinc genitam fore æqualem propositæ APB ; est enim æqualis differentia inter $LMNR$ & APB per theorema nostrum I. differentia vero æquatur ex constructione ipsi APB . Ergo &c. q. e. f.

No-

Nota, quod pro subreptione inchoanda dixerim admoventum esse A ad R, vel B ad L, secus enim si A ad L, vel B ad R admoventur, reptonia prodirent eadem cum APB. Fateor equidem, hoc incommodum certis casibus, etiamsi adhibita illa cautela, posse occurrere, tunc nempe, quando curva data APB duas habet partes PA & PB inter se æquales & similes. Hoc vero inconveniens multis modis tolli potest; construendo ex. gr. dimidiâ tantum AP, curvam similem in ratione tripla, id est, ut ubique OL ad OA, OM ad OP, se habeant ut 3 ad 1. Sic enim admoto A ad M vel P ad L, si AP subrepsit ML, habebit reptoriam dissimilem & duplicam ipsius AP, adeoque toti APB æqualem. Cæterum prerogativa aliqua gaudet hæc construendi methodus super præcedentem, dum non indiget postulato II. Sectio enim curvarum in partes æque amplas molestiam quandoque in praxi creare posset, quæ autem hic commode evitatur. Sciendum interim hoc artificium, quod nititur prævia constructione curvæ similis ad habendam curvam dissimilem & æqualem propositæ, posse etiam in motu obreptionis locum habere. Etenim si construatur curva LMNR datæ APB similis sed semissis tantum longitudinis, quod fit, bisecando rectas ex polo O ductas OA, OP, OC, OB; obrepat postea LMNR se ipsam inverso ordine, hoc est curva LMNR bis describatur, atque una obrepat alteram, factæ scilicet reptionis initio ab unius extremitate L applicata ad extremitatem R alterius; manifestum est, reptoriam hinc exurgentem (quippe æqualem per theorema I. duplici LMN) æqualem esse propositæ APB, ut & eidem dissimilem, nisi forte partes PA & PB essent æquales & similes, quo casu adhibenda foret medela modo supra allata. Cæteroquin tamen hoc notandum in favorem prioris solutionis, quod per hanc posteriorem non quemadmodum per priorem amplitudines reptoriarum decrescant, ipsæque adeo ad rectitudinem magis magisque accedant, sed ex adverso omnes prodeant amplitudinibus, cujus est curva proposita.

Solutio singularis pro circulo. Pervenio tandem ad casum unicum (si curva data circularis est) qui solus solutiones nostras generales non agnoscit, iisque non comprehenditur, quem propterea jam supra excepi. Nam quomodocunque circulus circulum per-

perreptet, sive obrepando, sive subrepando; reptoria quoque orietur semper circularis, cujus causa est (ut supra jam monui) æquabilis convexitas circuli, seu partium ejus non interrupta similitas. Ne igitur hoc uno in casu, inter infinitos, immo omnes alios a nobis solutos, aqua nobis hæreret, excogitanda fuit pro Circulo peculiaris solvendi ratio petita ex methodo, jam olim mihi pro aliis curvis non infelicitè adhibita, ut videre est in Actis hiscæ A. 1694 pag. 396 & 397, ut & A. 1695 pag. 64, ubi ea usus fui ad construendam curvam paracentricam per longitudinem curvæ algebraicæ, atque jam tum monui eam consistere in divisione quadrati differentialis propositæ in duo alia quadrata, quorum latera sint integrabilia, adeo ut videre possit Clarissimus Craigius, suæ solutionis fundamentum jam pridem mihi innotuisse; quanquam tamen pro universali venditare nollem. Interim ecce solutionem pro circulo:

TAB. VIII. *Fig. VI.* Est Circulus, cujus peripheria transformanda sit in curvam aliam algebraicam, describatur primo circulus alius ABE (Fig. VI.) cujus radius CA = 8 radius circuli propositi, ut scilicet quadrans AB totam circumferentiam datam contineat bis: Sit radius CA

vel CB = a , abscissa CD = x , adeoque applicata DP = $\sqrt{aa - xx}$; construat nunc alia curva HGR hac conditione ut sit abscissa

$$CF = \frac{3aa x - x^3}{3aa} \text{ \& applicata } FG = \frac{aa - xx}{3aa} \sqrt{aa - xx}; \text{ quo fa-}$$

cto erit semper, uti calculanti facile patebit, portio curvæ HG ducta in radium æqualis segmento circulari APDC, adeo ut summa CD = ipsi radio (quo casu segmentum APDC degenerat in quadrantem circuli (AB)) hinc fiat CF = CR = $\frac{2}{3}a$, & FG = 0; ipsa autem curva HGR ducta in radium = quadrantem circuli CAB = quadrantem circumferentiæ APB ducto in semiradium: unde curva HGR = $\frac{1}{2}$ APB = (per constr.) toti circumferentiæ datæ; quam igitur mutavimus in æqualem aliam curvam algebraicam, hæc vero porro per præcedentes solutiones in alias infinitas transformabitur, quare nunc dedimus problema ex omni parte solutum.

Erratum. A. 1704. pag. 380. l. 9. pro *differentiatio* lege *tertia differentiatio*. V.A.L.

five
 ORIGINUM GRÆCIÆ RESTAURATARUM
 Libri II.

Lipsiæ, apud Heredes Grossianos, 1705, 8.
 plag. 7.

A Nimus Auctori Maxime Reverendo, nostroque in colligen-
 dis Eruditorum Actis jam a pluribus annis Socio solertissimo,
 S. Theol. Doctori & Delitiano in vicinia hoc tempore Præfui fuit,
 hac lucubratione ostendere, falso hætenus creditum, quod Græci
 Asiatici, Iones, Dores, aliique ex Europa in Asiam migraverint,
 cum omnes potius Græci ex Asia in Europam pervenerint. Quo
 consilio inductus rem istam tentaverit, in calce opusculi p. 102 e-
 narravit, meditari se nimirum Origines Religiosas, opus errorum,
 fontes & Historiæ sacræ adyta referans, quodque multos in re sacra
 scrupulos eximere possit: in quo dum versatur, animadvertit, vul-
 garem de Græcorum natalibus hypothesein bonæ causæ & Mosai-
 cæ Historiæ multum adversari, imo cum se ipsa pugnare. In hac
 illum sententia confirmarunt Strabonis quædam testimonia, qui
 Græcorum unus hac de re sincere, etsi recte, loqui videtur.

Methodi causa duos operis hujus libros fecit, quorum pri-
 mus Analyticus dicitur, & Græcorum de suis originibus tradita re-
 solvit, ut veritas inde appareat. Nam cap. I Auctor conquestus
 de fabuloso antiquissimæ Græcorum Historiæ statu, Marshamum
 & Clericum ait eandem corrigere cœpisse, Græcos fabularum a-
 mantissimos fuisse, omnium vero turpissime se dare, quando se
 autochthones profiteantur; ubi collatis veterum testimoniis, Pe-
 lasgum, Arantem, Orum aliosque, quos Græci e terra enatos
 fabulantur, explodit. Capite II de interitu antiquissimorum Græ-
 cæ Historiæ monumentorum disserit, eumque haud ægre ferentib-
 us Europæis Græcis accidisse existimat, quia eorundem affectatæ
 antiquitati non favebant. Herodotum vero patrem Historiæ dictum,
 quia, cum Asianus esset, Europæis tamen natalium primatum ad-
 scripsit. Affertur præterea hujus rei peculiaris ratio: Asiaticos nempe
 Græcos libertate amissa, patriæ pertæsos, ac popularium suorum in

Zz

Eu-

Europa gloria captos, nationis causa omne studium in Græciam Europæam ornandâ contulisse, hacque occasione, quæ jactantiæ causa initio ferebantur, inter historicas veritates paulatim recepta esse. Hinc Græcos propriis argumentis confutaturus ex Herodoto, Strabone, Pausania aliisque ostendit, migrationem Ionicam, Phorbantis aliasque, quibus Græci in Asiam venisse feruntur, tanti non esse, ut tanta res ex ipsis deduci possit, & priusquam eæ contingerent, Græcos in Asia vixisse; Titanes quoque, unde familiæ Græcorum summæ deriventur, Asiaticos fuisse, nec non Cabiros. Ex adverso Auctor probat, Deucalionem, Lelegem, Cadmum, Pelopem aliosque cum integris gentibus ex Asia in Helladem ante istas migrationes advenisse; Herculeum Asiaticum Idæum esse omnium ejus nominis vetustissimum, ad quem multæ Græcorum Archæologiæ ultimo redeant; insulares denique Græcos antiquiores esse iis, qui in Europæa continenti degebant. Quo loco notanda est Auctoris observatio, consueville Græcos, quoties diffiteri nequeunt, se magnum quid ab exteris accepisse, (ne Orienti id acceptum terre cogantur) ex Ægypto talia derivare, eamque ob causam Deucalionem, Danaum &c. Ægyptios appellare. Ad specialia se confert cap. III, utque res omnis eo dilucidius pateat, antiquissimos Græciæ populos omnes excutit; principio Pelasgos & Leleges, ad quos omnes fere Helladis populi suos natales referunt, posthæc Pæones, Dryopes, Caucones, Aones, Mygdones, Hyantes ex Asia advenisse probans. Hinc sigillatim de Argivis agit, quorum nomen, consentiente Scholiasta Dionysii, ab Ἄργει derivat, ut Argos idem sit, ac terra litoralis; Argivos vero & Sicyonios Reges præscos rejicit: Arcades, Thessalos, Cretenses, Atticos, Spartanos, Bœotios ab antiquitatis possessione deturbat; Iones, Diores & Æoles antiquissimi generis Pelasgici & Lelegici fuisse; denique Cares aliosque Asiæ minoris populos olim ad Græcos late dictos pertinuisse, demonstrat. Tandem cap. IV reliqua, quibus sententiam suam confirmari credit, argumenta convasat: Deos scilicet Græcorum, Philosophiam, Poësin, leges, ludos Olympicos, Græcorum ipsorummet confessione, ex Asia in Helladem transisse, Asianos quoque Græcos antiquissimas habuisse colonias, mercatura & navigatione, quæ gentes propagant, præ cæteris excelluisse. Quo loco Auctor duas ob-

ob-

observat esse Poetarum perantiquas familias, alteram agrestem, Dorica dialecto gaudentem, historiæ male curiosam, Orpheo patre atque adeo ex Thracia oriundam; alteram comptam magis, Ionica suavitate se commendantem, historia & hymnis excellentem, quæ ex Græcis Asiæ littoribus descenderit.

Liber II, quem Syntheticum Celeberrimus Auctor nominat, ejus hypothesin de Græciæ originibus rectius constituendis exponit, quam ex veterum Historicorum reconditis quibusdam testimoniis, advocatis in subsidium sacris Bibliis, quæ priori libro certis de causis non tetigerat, animo concepit. Græcos omnes ait a Japeti filio Javane ortos, diuque ab illo *Ἰαυῶας* & *Ἰάονας* appellatos, simulque quis Ion fuerit, cujus multa penes scriptores recordatio est, atque a quo opusculo huic nomen est, expendit. Ionum nomen principio Græcis omnibus commune, postea a multis repudiatum, Herodoto auctore, narrat. Primos in Asia Græcos, Iones semper dictos, Jovem & succedente temporum corruptione, Jovionem sive Junonem (fœminam quæ ex vetustissima traditione salutem orbi universo allatura esset,) coluisse, leges & linguam Ebræis propiorem habuisse tradit. Eosdem sub Pelasgorum nomine ad Hælespontum in Europam transiisse, Argivis Arcadibusque conditis; horum esse Pæones, Dryopes, Aones aliosque oblitos Helladis populos, nec non Phoroneum, Ogygem κ. τ. λ. Hos principio non fuisse barbaros, aut cælum stellasque coluisse, (quam vulgatam originibusque religiosis maxime inimicam hypothesin vocat) sed paulatim, interruptis cum Oriente commerciis, in barbariem pervenisse contendit. Porro quosdam in Asia remanentes Græcos ait Lelegum nomen accepisse, qui insulas Ægæi maris, & insulari posthæc itinere Peloponnesum incolis repleverint; Scythas vero paulo post dominatum Græcæ etiam Asiæ nactus, sua quoque numina, Apollinem & Dianam, ac Scythicas quasdam voces in Græcissimum intulisse. Successu temporis credit Iones quosdam, eosque Elisa prognatos, qui Elysii dicebantur, per Hælespontum in Europam descendisse, ac Pelasgis fuisse intermixtos, quorum memoriam Hellas, Elienses, Elotæ, Elisius, Eleus, & Eleusin servaverint. His Cæropem & Deucalionem annumerat, atque interea Leleges in Asia Dærum, Carum, Ly-

eiorum &c. nomina accepisse, Elysios vero, qui in patria remanserant, Æoles appellatos fuisse opinatur. Græcos Europæos censet temporis lapsu in barbariem magis magisque delapsos, Jovem cum Cretensi quodam principe, Apollinem cum artifice Delio, & Dianam cum Delia quadam virgine confudisse, adventu vero Beli, Cadmi & aliorum, qui literas Phœniciosque Deos, Adonidem præsertim & Venerem attulerint, sensim e barbarie sublevatos fuisse, præsertim Pelopis opera, qui ex Asia cum suis venerat. Interea Phrygum gentem in Asia dominatum adeptam, Deam suam salutarem, Cybelem & Phrygica quædam vocabula Græcis dedisse existimat; Thraces vero, qui in Europa tum inclarescebant, Helladem putat sub jugum misisse, illatis in eandem numinibus quoque suis, Baccho, Marte & Cerere, tum Orgiis, Poesi Orphica & Philosophia; atque tum Lelegum, Dryopum & ejus generis vetustarum gentium nomina periisse. Hæc vero omnia gesta esse credit ante Trojanum bellum, in quo Asiaticorum Græcorum gloria conciderit; nihilominus tamen posthæc Heraclidas, h. e. Herculis Idæi, non Thebani, posteros venisse, in Helladem, & principatum plerisque in urbibus occupasse. Tandem fugitivos quosdam Græcos Europæos, ut par pari referrent, Ionica, quæ dicitur, migratione in Asiam abiisse, ejusque principatum passim obtinuisse; Lydorum vero potestate invalescente, omne priscorum in Asia Græcorum decus periisse contendit. Atque hoc pacto origines Græcas eousque se perduxisse credit, quo Historicis tuto fides haberi possit. Ea vero omnia p. 98 in Canone quodam Chronico exhibet, quem deficiente juxta Chronologia, p. 20, 21, juxta ætates Clarissimorum in Græcia antiquiori Virorum, ab Olympiadum origine retro ad Ægialeum cundo, descripsit.

DE SYNODI CARENTONENSIS A REFORMATIONE in Gallia Ecclesia A. 1631 celebrata Indulgentia erga Lutheranos, Dissertatio Theologico-Historica, Autore D. THOMA ITTIGIO. Accedunt ejusdem quatuor programmata festalia publico nomine conscripta.

Lipsiæ, apud hæreses Joh. Grossii, 1705. in 4. plag. II.

Dum

Dum aliqui Theologi ex iis, qui nominari amant Reformati, inter suam nostramque Ecclesiam unionem, sapius frustra tentatam, perficere hoc tempore multo labore conantur, Summe Reverendus D. Ittigius noster, pro ratione munerum, quæ in Academia & Ecclesia nostra ornat, quid de ea conciliatione sentiendum sit, quidve sperandum, in Dissertatione dicta accurate expendit. In præfationis initio, D. Johannis Braunii, Theologi Grœningensis, in dedicatione Commentarii in Epistolam ad Hebræos hoc anno editi, quem proximo mense recensebimus, spem de successu exoptato pacis ecclesiasticæ vanam esse indicat, conceptam tum ex sapientiorum primariorumque per totam Saxoniam Ecclesiarum Antistitum magna humanitate Reformatis demonstrata, tum maxime ex ordinatione Celsissimi Electoris gloriosissimæ memoriæ, qui non ante multos annos jussit, ex Cocceji operibus aliquot centena coemi exemplaria, ut quælibet Ecclesia suum haberet. Nam fratres, quos vocat, Lutheranos, a quibus se audivisse Braunius refert, falsa narrasse ei de Cocceji operibus, inter ipsos Reformatos male audientis, & Saxonis Theologis ob hypothèses ejus novas displicentis. Quod si vero etiam Ecclesiæ Saxonicæ singulæ exemplum eorum operum possiderent, non magis hoc ad unionem religionis Reformatæ facere, quam si Lutheri & Theologi alicujus Lutherani opera inventario alicujus Ecclesiæ Reformatæ addantur. Unionem autem Ecclesiæ Lutheranae cum Reformatâ Theologus noster optandam potius quam sperandam arbitratur, immo talem, qualem Braunius optet, ne optandam quidem, cum discors ejusmodi concordia Deum offensura, & præsentissimum Lutheranis periculum allatura sit. Si enim, ex Braunii consilio, Lutherani cum Reformatis contra Papiſtas arma conjungere velint, metuendum esse Lutheranis, si communicatam carnî Christi majestatem Divinam contra Pontificios tueri velint, ne Reformati relictis suis fratribus, arma cum Pontificiis conjungant, aut pugnantibus Lutheranis contra Papiſtas Janſenianos, ad castra horum abeant, & tela contra Lutheranos vertant. Etenim, quæ Reformati nonnulli de universali gratia Dei & Christi merito dicunt, iudificationes esse, Johannem Clericum etiam novissime observasse, quippe qui Holzſufi tractatum de prædestinatione, electione & reprobatione hominum re-

consensens, tales Universalistas a Supralapsariis & Sublapsariis reipsa nihil differre, & Holzhusium, dum Synodum Dordracenam gratiæ universalis non adversari obtendit, non modo Arminianis, sed ipsis etiam Reformatis in Belgio & Helvetia ludibrium debere, Tom. VI Biblioth. Selectæ p. 419 scripserit. Notato insuper Braunii more Lutheranos, quos fratres iteratis vicibus salutaverat, quotquot pacem dolosam respuunt, fratribus ignorantia & rixarum annuerantibus, ejusdemque falsa persuasione, momenta controversiarum inter Lutheranos & Calvinianos nullius ponderis æstimantis, ad alteram partem præfationis progreditur, in qua occasionem & argumentum tractationis suæ memorat sibi suppeditasse Patres Synodi Carentonensis, A. C. 1631 congregatos, qui Lutheranis, ut sacra Coena cum Reformatis uti, conjugia cum Reformatis contrahere, & infantes ad baptismum Reformatorum offerre ipsis liceret, permiserunt. De hac Synodi sententia quid judicari debeat, in Dissertatione ista discutitur, cujus summam dare operæ pretium est.

Carenton Gallia vicus ad fluvium Matronam, duabus minoris spatii leucis Lutetia Parisiorum distans, celebris est templo, Henrici IV permissu a Reformatis structo, ad quod ex Lutetia aliquot millia hominum ad cultum suum publice exercendum confluere solebant, donec viginti ab hoc annis, & hoc & reliqua templa Reformatorum in Gallia, vel destruerentur, vel ad alios usus converterentur. Ejusdem celebritatem auxerunt Synodi Nationales tres, a Reformatis Gallia Ecclesiis ibi habitæ; prima A. C. 1623, altera A. 1631, tertia in fine A. 1644 & initio 1645. Primam illam decretis Synodi Dordracenæ non admodum favisse, vane gloriari Remonstrantes, ex Actis ostenditur. Tertia Synodus Mosen Amyraldum & alios nonnullos Reformatos in Gallia, universalem gratiam asserentes, exemplo Alenfonensis Synodi non approbavit, sed tantum toleravit, prohibens sub pœna depositionis omnibus Pastoribus & Professoribus suis scribere, concionari aut disputare, contra se invicem, super articulis declaratis in Synodo Alenfonensi, ullosque libros super illis publicare. Eadem Romanæ Ecclesiæ amafios, Jacobum Codurcum, Pastorem & Professore Nemausen'em, statione muneris sui ecclesiastici & academici dimovit, & Theophilum Brachetum Milleterium pro membro Ecclesiæ Re-

formatæ non agnoscendum declaravit. Præterea decrevit, a muneribus suis removendos Pastores & Professores, qui in controversiam traherent peccati Adamici imputationem, neminemque deinceps ad sacrum ministerium admittendum, qui erroris illius foret particeps. Quæ in ista Synodo gesta dum narrantur, aliâ notatu digna insperguntur. Nos accedimus ad Synodum Carentonensem medio tempore habitam, cujus illa fuit erga Lutheranos indulgentia.

Verba decreti sic habent: *Quando Augustana Confessionis Ecclesia cum cæteris Reformatis in omnibus vera religionis principis & articulis fundamentalibus conveniunt, cultumque exercent purum ab omni idololatriæ & superstitionis labe, si qui sint istius professionis homines, qui cum caritatis & lenitatis spiritu sacros ecclesiarum nostrarum cætus frequentent, earumque communionem expetant, iis sine omni abjuratone prævia liberum esto, ad sanctam Christi mensam nobiscum accedere, matrimonia cum nostræ confessionis hominibus contrahere, & infantes baptismo tingendos de more offerre & suscipere, dum nostris Ecclesiis in hoc ultimo casu sancte spondeant, se infantes, quos de sacro lavacro susceperint, neque directe unquam, neque indirecte, adversus eam, quam nostræ ecclesia credunt ac profitentur, doctrinam sollicituros, sed ea duntaxat fidei capita edocturos, de quibus inter nostras ipsorumque ecclesias convenit.* Hoc decretum, quod Reformati Doctores Irenici Spiritus Sancti ductu, summa sapientia, summaque caritate conditum, ad pacem inter Reformatos & Lutheranos ineundam laudabant, hodieque commendant, Pontificiorum indignationem excitavit: quippe qui tentatam per Cardinalem Richelium concordiam inter Pontificios & Reformatos repudiari, & contra Lutheranis offerri, ægre ferebant, ideoque eorundem ea de re judicia sinistra prodierunt, quæ Autor noster Summe Reverendus addidit. Occasionem decreto dedit mercator quidam Germanus, Augustanæ Confessioni addictus, Lugduni in Gallia vivens. Is civis alienus Lugdunensis Reformati filiam ambiens, non solum Reformatorum cœtibus frequens aderat, sed etiam profitebatur, se cætera doctrinæ & disciplinæ Reformatorum capita ita probare, ut etiam cum ipsis com-

municare, & cum quodam e Reformatis affinitate conjungi paratus esset, modo ne, quam in Lutherana Ecclesia hauserat, de Dominica in Eucharistiæ Sacramento præsentia, sententiam mutare cogeretur. Ministri Reformati dubii, quid sibi faciendum esset, ad Synodum Nationalem propediem habendam referre constituerunt. Hæc igitur consultata, eam quam diximus indulgentiam fecit. Fundamentum ejus ponit, tum in fundamentali utriusque Religionis consensu, tum in cultu Lutheranorum puro ab omni idololatriæ & superstitionis labe. Sed fundamentalem illum consensum dici quidem, sed nequaquam esse, qui dudum demonstrarunt, nominantur Nicolaus Hunnius, Theologi Wittebergenfes & Darmstadienses, Hutterus, Hulsemannus : confessio autem ingenua Synodi laudatur, opponenda calumniæ Reformatorum aliorum, qui nostris Ecclesiis ob doctrinam de adoratione Christi hominis, de usu imaginum in templis, de virtute baptismi, de præsentia corporis Christi in Eucharistia, & aliis quibusdam articulis, idololatriæ & superstitionis labem aspergunt.

Ipsa indulgentia tribus capitibus continetur. *Primum* est, licere Augustanæ professionis hominibus, cum caritate & lenitatis spiritu sacros Reformatorum coetus frequentantibus, eorumque communionem expetentibus, sine abjuratione prævia, ad sanctam Christi mensam cum Reformatis accedere. Enim vero ingenuum Lutheranum salva conscientia hanc communionem desiderare, aut ad sacram cum Reformatis cœnam accedere non posse, probatur. (1) quod dubium sit, an apud Reformatos, symbola terrena sine re cœlesti exhibentes, integrum Eucharistiæ Sacramentum administretur. Negasse Lutherum, Balduinum, Waltherum, Jacobum Martini, alios; & si cum Theologis quibusdam nostris concedamus, verum Cœnæ Sacramentum a Calvinianis accipi, tamen (2) Lutheranos avocari admonitione Divina sæpissime repetita, de commercio cum heterodoxis, quoad cultum & fidem, fugiendo; insuper (3) cum Sacramenta sint notæ discretionis, & species confessionis illius fidei & doctrinæ, quam Ecclesia, in qua Sacramentis utimur, agnoscit, docentibus ipsis Reformatis, non posse Lutheranum sacra Cœna in Ecclesia Reformata uti, nisi publice proficendo, se ejusdem doctrinam amplecti, & contrariam rejicere; ad-

adhæc (4) Lutheranum scandalo aliis, hypocritamque futurum, ac hoc suo facto heterodoxos in pravis suis opinionibus confirmatum, contra interdictum Divinum, & praxin primitivæ Ecclesiæ: Ideo (5) nostros quosdam Theologos, Lutherum, Olearium Helmstadiensem; Menzerum, Balduinum, Funckium, a Calvinianorum Cœna adeo abhorruisse, ut Lutheranis eam ne in necessitatis casu quidem permiserint. Accedit (6) quia alii Reformati, non sine multis cautelis & conditionibus, suæ communionis hominibus concedant ejusdem cum Lutheranis Cœnæ communionem, quæ ex Berghio, Zacharia Ursino, Henrico Altingio adducuntur, aliam a Lutheranorum doctrina mentem aperte declarantes. In quibus cautelis tamen frustra sollicitos esse Calvinianos Noster monet, cum Lutherani Theologi in sua doctrina pertinaces ad sacra sua non admittant. Immo (7) Synodi Carentonensis indulgentiam non tam ad pacem cum Lutheranis, quam ad seductionem eorum spectare; quas insidias Dallæus dissimulans, atque rationem concessionis afferens tolerantiam in adiaphoris, & infirmitatem errantium, refutatur. Neque tandem (8) omnium Reformationum eandem esse, quæ Synodi Carentonensis, sententiam; & si eadem esset, non tamen probari etiam ab iis nostratium, qui a pace cum Reformatis ineunda non alieni fuerunt, inter quos F. U. Calixtus. Hæc de capite primo eoque præcipuo indulgentiæ Carentonensis.

Alterum caput consistit in concessione libertatis matrimoniorum cum Reformatis contrahendorum. In quo magna facilitas Synodi deprehenditur, conjugia a Synodo Middelburgensi A. 1581 & Nicolao Vedelio valde improbata concedentis, sine ulla lege & restrictione. Scilicet præsumsisse Synodum Noster judicat, facilius fore, ut uxores Reformatæ blanditiis suis maritos Lutheranos ad Reformatam religionem perducerent, quam ut mariti Lutherani uxores Reformatas a sua religione averterent. A Nostratibus conjugia cum heterodoxis non simpliciter improbari, sed sub certis conditionibus permitti ostendit. Temere autem concedenda non esse, ex Scripturis S. Ordinationibus ecclesiasticis, Patrum Ecclesiæ sententiis, & Canonibus Conciliorum evincit. Tertium decreti Carentonensis caput indulget Lutheranis infantes Reformationum e baptismo suscipere,

ita tamen, ut apud Presbyterium sancte spondeant, se infantes de sacro lavacro susceptos, neque directe, neque indirecte ad aliquod sollicitaturos, quod cum Reformata doctrina non congruat. Miratur Theologus noster, Synodum, Lutheranos cum Reformatis in principiis religionis & capitibus fundamentalibus consentire, & in cultu nulla idololatria & superstitione laborare asserentem, sollicite cavere, ne infantibus Reformatis aliquid Lutheranae doctrinae affricetur, eandemque inter medias blanditias tam iniquam conditionem a Lutheranis exigere. Candidius alios Reformatos censet egisse, qui Lutheranos ab hoc officio prorsus excluserunt, docetque ex Theologis nostris, quibus cautelis adhibitis Lutheranus apud Reformatos patrini officio defungi queat: contra autem Reformatum, a parentibus Lutheranis ad id invitatum, recte arceri, nec nisi sanabilem & docilem admitti: instruit quoque Ministrum, uti se gerere debeat, si Reformatum aliquem aut alium heterodoxum admitti, Magistratus sub remotionis poena jubeat.

His de Syncretistico Carentonensis Synodi decreto notatis, concludit Theologus, id non posse magis a nobis probari, quam fucam illam concordiam, eodem anno 1631, ab aliis quibusdam Reformatis in Colloquio Lipsiensi propositam. Adjecta Programmata Festalia publico nomine conscripta & proposita sunt, primum contra novos Ecclesiae Reformatores in Festo Reformationis Lutheri, d. 31 Octobr. A. 1702; secundum de Christo omnibus nato, contra Reformatos in Festo Natalis Christi, anno eodem; tertium, Danhaucum a Chiliafmi suspicione vindicans in Festo Paschali, A. 1703; quartum de novellis Prophetis in Festo Pentecostali eodem anno.

CONSIDERATIONI SOPRA UN FAMOSO LIBRO
Franzese intitolato la Maniere de bien penser &c.

i. e.

OBSERVATIONES IN LIBRUM GALLICUM CELEBREM de Sententiis Ingeniosius, divisa in VII Dialogos, in quibus Quaestiones nonnullae Rhetoricae atque Poeticae agitantur, & plurima Scriptorum Italicorum, qui tam ligato tum pedestri sermone claruerunt, loca defenduntur.

Bo-

Bononiæ, apud Constantinum Pisarri, 1703, in 8.

Constant Alphab. 2 plag. 6.

Cum elegantissimus inter Gallicos Scriptores Dominicus Bouhours, Societatis Ignatianæ Religiosus, in notissimo de Sententiis ingeniosis libro, ut alios aliarum gentium, ita Italorum celebriores passim Oratores & Poetas perstrinxisset, illustris Marchio Joannes Josephus Ursius Bononiensis id negotii suscepit, ut tum cives suos a Bouhoursii criminationibus vindicaret, tum integrum, quem prædiximus, librum censoria quadam virgula, absque omni tamen verborum acerbitate, summaque cum modestia notaret. Id quod tanto cum successu perfecit, ut præclare de sua simul & Italiæ fama meritis, summo non Italorum modo, sed Gallorum etiam plausu exceptus fuerit. Cujus rei vel solum hoc fidem facit, quod bonæ causæ fiducia Apologiam suam eruditissimæ apud Gallos foeminæ Annæ Dacieriæ dedicarit. Equidem si omnia, quæ notatu digna in hoc opere videntur, hic repræsentare conaremur, vastum mare ingrederemur, eosque, quos nobis aliqui præfiximus, limites longe excederemus. Breviter itaque tantum indicabimus, quid singulis Dialogis contineatur, & deinde quid pro Italiis suis afferat Ursius, curatius paulo dispiciemus. Enimvero Dialogus primus introductione in librum integrum constat, ubi Crameri Vindiciarum nominis Germanici contra obtrectatores Gallos, & inprimis hunc ipsum Bouhoursium, Noster mentionem injicit. Dialogo secundo librum Adversarii summam considerat, & de sententia ingeniosa, tum generaliter, tum sigillatim agit. Tribus sequentibus de sententiarum talium veritate, novitate, sublimitate disputat, singulaque diligenter expendit. Duos vero ultimos defensionem civium suorum impendit. Quos ipsos nunc diligentius perlustrare, & ex iis selecta aliqua, quæque eximiam Auctoris nostri eruditionem testentur, excerptare in animo est. Si tamen antea monuerimus, quicquid de sententia a Criticis tam Græcis, quam Latinis atque Italis, iisque antiquis & recentioribus dictum fuit, summo cum judicio hic in compendio, & ita quidem exhiberi, ut de suo multa addiderit doctissimus Marchio. Cæterum ut propositum nobis munus exequamur, Dialogo VI Tassum defensus, in laudes ejus primo excurrit, & Fontanini Amintam

p. 32.

p. 469.

- P. 474. defensum pro merito prædicat. Censet autem, Gallorum nonnullos ea de causa Tasso infensos esse, quod neminem adhuc inter suos habent, qui Epico carmine exquisito, & tantæ, quantum id postulat, majestati respondente cultu enituerit: cum Itali contra Cornelio & Racino, Tragicæ inter Gallos cothurni principibus, libentissime & sine omni livore herbam porrigant. Rapinum interim & Bajuletum, ceu Tasso non satis æquos, præ cæteris refellit, eisque Boilavium, emunctæ alias naris & morosi satis ingenii censores opponit, cui Tassi Episodia atque Digressiones, quæ prædictis displicent, non parum probentur. Notat etiam Bouhoursium, quod Berniam cum Ariosto confuderit. Hinc rem ipsam aggressus, primo Tassi ex Hierosolyma liberata de Argante versum, quem Gallus culpaverat, tuctur: *Minacciava morendo, e non languia*. Idque auctoritate Flori, Salustii, Panegyristæ Constantini, Sidonii Apollinaris, Claudiani & Lucani, apud quos frontis minæ & oculi minaces in ipsa morte occurrunt, factum, Bouhoursiumque negligentius in Tasso legendo se gessisse observat. Annotat quoque Verbum *languere* apud Italos, non de corpore tantum, sed animo etiam adhiberi; id quod ex Petrarcha & Dante offendit. Defenditur, deinde Tassus, quod Cælo videndi potestatem tribuat, dum alcubi canit:

E'l Lume usato accrebbe, e senza velo
Vol o se mirar l' opere grandi il Cielo.

- P. 529 seqq. Ubi doctissime de illis translationibus sive metaphoris agit, quæ rebus sensu carentibus actum quendam & animam dant; neque, tamen Pallavicini censuram rejicit, qui ejusmodi formulas ex Philosophorum foro proscribit. Cum porro Gallus Tassum ceu veterum exscriptorem momorderit, Noster ei hoc potius laudi vertendum ducit, & Scipionis Gentilis, Julii Guastavini, Joannis Petri de Alexandro, Benique & Biragi studium commendat, qui loca veterum a Tasso expressa sedulo annotarunt. Aggreditur inde singulos a Bouhoursio eo nomine perstrictos versus, & primo quidem hunc:

- P. 555. Guerreggio in Asia, e non vi cambio, o merco
quem Curtio, si Gallo fidem habemus, sublegisse debuit, apud Ennium, imo Homerum & Virgilium inveniri docet. Mox alterum
E

E Sdegna negl' inermi esser feroce
quem iterum Curtio subduxisse arguitur, cum Virgiliano notis-
fimo:

p. 559.

Parcere subjectis, & debellare superbos
congruere ostendit. Male quoque Tassum ideo carpi demon-
strat, quod Servii Sulpicii ad Ciceronem de *cadaveribus urbium*,
verba sua fecerit, cum tamen ante eum idem egerint Aufonius, &
Sannazarius de Partu Virginis. Fatetur denique, Tassum in illo
versu

p. 560.

Di sine arme e di se stesso armato
Salustium respexisse, qui de Mithridate: Corpore ingenti perinde
armatus, sed ita tamen, ut Salustium superarit, cum Heroem su-
um non magnitudine corporis sed animi metiatur. Ad alia mox
progressus, cum Bouhoursius hæc in Episodio Sofroniæ & Olindi
carmina vellicarit:

p. 570.

Amor, ch'or cieco, or Argo, ora ne veli

p. 572 seqq.

Di benda gli occhi, ora ce gli apri e giri

copiose de oppositionibus agit, & circa ejusmodi contraria atque
pugnantia amorem versari demonstrat; quæ dum explicat, venus-
tissimum simul amonis characterem format. Cum vero Bou-
hoursius querimoniam Armidæ tanquam nimis artificiosam taxet,
respondet, pleraque a Virgilii Didone mutuata, & eodem modo
Chimænen in Roderico sive Cido Cornelii, imo subtiliter magis &
artificiose dolere. Ostendit deinde, sententiæ illius, qua anima a-
mantis in ipso quidem extingui, in amica vero vivere dicatur, pri-
mum auctorem esse Platonem, & apud Horatium amicos *dimi-
dium & partem anima* vocari. Quid quod Augustinus in Con-
fessionibus diserte se, post Amici obitum, *dimidium vivere noluisse*
dicat. Hinc cum Gallus in hæc verba incurrit:

p. 578.
p. 582-598.

Sarò, qual più vorrai, Scudiero o Scudo

p. 599-608.

lulumque verborum ceu puerilem reprehendit, monet Noster, fi-
guras ejusmodi apud plerosque Poetas & Oratores, imo Histori-
cos & Philosophos frequentissime deprehendi, simulque Bellegar-
dium Abbatem, Italos hoc nomine taxantem, eadem culpa teneri
demonstrat. Cum deinde Bouhoursium male habeat, quod Tassus
de imaginibus in Regia Armidæ insculptis dixerit:

p. 610-617.

Aaa 3

Man-

Manca il parlar: di vivo altro non chiedi:

Ne manca questo ancor, s'a gli occhi credi

- Noster postquam Epigramma parallelum ex Josepho Baptista celebri Italorum Lyrico, qui anno 1669 obiit, attulisset, & sanum de eo iudicium interposuisset, Tassum huic longe præfert, & eodem schemate plerosque Græcorum, ex Latinis vero Virgilium, atque ex recentioribus Gallorum celebriores Poetas usos fuisse, observat.
- p. 618-621. Querela deinceps Tancredi solenter expenditur, cumque Gallus iterum glorioso nuntii artis crimine eam postulet, Noster erudite docet: esse utique Poetæ officium, ut naturam curate inutetur exprimatque, sed ita tamen, ut non omnem idcirco ornatum negligat. Cum præsertim amantes præ cæteris ingeniose doleant, & Cornelius apud Gallos, tales nobis in plerisque Tragædiis suis querimonias suppeditet; nec Moynius & alii Gallorum Poetæ ab hac culpa immunes sint. Apostrophe postea Tancredi ad dexteram suam exemplo veterum, Virgilii præsertim, defenditur. Et dum in certamine singulari Tancredi & Clorindæ animæ per vulnera exuisse dicitur, geminæ Tibulli, Ovidii, Sili & Virgilii locutiones asseruntur: quodque ira id quod supererat vitæ, ne effugiat, reinere & morari asseritur, ea de re verba Medici Galli celeberrimi Chambræi proferuntur, & ex Petronio additur: *Dolorem vires restituere*. Incogitantia porro arguit Gallum, quod ex Suenone Danorum Regis filio, Heroe Christiano, nescio quem nobis Saracenum effingat, formulamque, qua totum corpus unum vulnus esse dicitur, veterum auctoritate niti docet. Verba exinde Rinaldi ad Armidam Cant. XVI. Stroph. 22: *Non puo specchio ritrar si dolce immago*, quæ Censor notaverat, defendit, & jampridem Platonem in Alcibiade primo, ut & Petrarcham ita locutos fuisse tradit. Denique dum Armida negat, se mortem, donum alioqui optatum, a Tancredo, in quem crudele odium habeat, accipere velle, ita quoque Sophoclem, Ciceronem, Plutarchum, & ex Hispanis Cervantem Saavedram & Calderonem, inelytos Scriptores, locutos fuisse demonstrat. Quibus, si de nostro aliquid adjicere fas est, tritissimum illud Virgilii: *Timeo Danaos & dona ferentes*, addi poterat: ut & alterum illud Ciceronis ad Atticum Epul. 2. Libri IX: *Cæsar solet, cum se purgat, in me conferre*

re omnem illorum temporum culpam : Ita me sibi fuisse inimicum, ut ne honorem quidem a se accipere vellem. Hac Tassi defensione integer Dialogus sextus absolvitur, quam postquam Marchio noster adornasset, Dialogo sequenti septimo ad Baptistam Guarinum, Guidobaldum Bonarellum, & alios progreditur, & ex solutæ orationis auctoribus Palavicinum inprimis Sfortiam contra Censorem Gallum tuetur. Miratur autem ante omnia Bouhoursium, cum ex præstantissimis Italarum scriptoribus flores se collecturum professus sit, Petrarcham tamen, Bembum, Casam, Carum, Molzam, Transilum & alios magni nominis scriptores omisisse. Quod vero ad Guarinum attinet, Bajuletum carpit, cui ex tot Guarini adversariis atque patronis, solus tantum Jason de Noris cognitus fuerit. Cumque is lasciviæ Guarinum postularit, strenue Noster ejus causam agit, Gallumque interpretem culpât, quod versus Itali Poetæ liberrones interpretatione licentiosa deteriores reddiderit. Commendat vero illustrem Poetriciam Susæ Comitem, quæ dum Guarini Pastorem Gallicæ consuetudini traderet, intra modestiæ ac pudoris limites se continuerit. Bonarelli duplicem, quem in Phyllide Scyria exhibuit amorem, ab ipsis alioqui Italis non semel reprehensum, itidem contra Bajuletum tuetur, dumque id agit, modestiam Gallorum in tractandis amoribus laudat. Schediasmata vero quædam ab Anonymis profecta, Historiam nempe Palatii Regii, Amores Fœminarum illustrium, & alia ejusmodi librorum venena repudiat. Inprimis autem displicet nostro Præfatio, quam interpret Gallicus Petronio in vernaculum sermonem converso præfixit. Cæterum ad Guarinum revertens, Epigramma seu Madrigale, in quo cum Ludovico Gradenico Musas omnes extinctas & sepultas esse vult, exemplo non Sannazarii modo, & Petrarchæ, sed veterum quoque niti docet, imo ex ipsis Gallis Menagio & Saraceno subsidia comparat. Hinc ejusdem in Prologo Pastoris fidi versum, ubi de Encelado, sub Ætna jacente canit:

Non sò se fulminato, o fulminante
Vibra il fiero Gigante
Contro il nemico Ciel fiamme di sdegno

ita

p. 680.

p. 683.

p. 689.

p. 690.

p. 694.

p. 695.

p. 696-705.

p. 707. seqq.

ita defendit, ut falsam quidem esse concedat sententiam, verissimilem tamen affirmet, quod apud Poetas non tantum permittatur, sed laudem quoque mereatur. Nec deesse, quibus se Guarinus muniat, auctoritates Lucretii & Nasonis, qui Ætnam tonare, & fulmina jactare fingant. Quod si denique verborum tumorem, incuses, Alpheo fluvio, Dei apud Pagmos personam sustinenti, tale quid permitti posse arbitrat. Cum porro Bonarellus eo nomine a Censore taxetur, quod de Celia fugitiva dixerit:

Conoscerollo a i Fiori

Ove saran piu folti

- p. 716-721. inconstantiæ & levitatis non immerito ille ipse arguitur, qui Racano Mariam Medicæam laudanti eandem figuram indulsit: ostenditurque auctoritate Calpurnii, imo ipsius Maronis, non de Reginis tantum atque Heroinis, quod Bouhoursius vult, sed de puelis quoque amatores ita loqui solere. Inde Gallo non probanti, quod Bonarellus ex oculis amicæ lucem fundi dixerat, cujus splendore illa e vestigio proderetur, respondet, cum apud Terentium in Eunuchis simile quid occurrat, isque eo nomine a Gallo commendetur, non intelligere se, quare cum Bonarello tam severe agat. Eademque opera Testa, cui inter Italorum Lyncos, Chiabrera forte excepto, principatum dat, & Gratianus in Granata debellata, eadem noxæ affines excusantur. Marinum postea, ceu Hetruscæ Poeseos corruptorem, vehementer accusat, Bajuletumque, qui hunc ipsum verbis selectis usum fuisse scripserat, explodit, tandemque, Quintiliani verbis usus, dulcibus Marinum vitiis placuisse proficitur, & Poetis, qui ex ejus disciplina prodire, non admodum favet. Caroli deinde Mariæ Maggii Hymni in Ludovicum XIV conditoris partes contra Bouhoursium tutatur, ejusque Apologiam, quam Clarissimus Ludovicus Antonius Muratorius in Vita Viri adornavit, magnifice laudibus celebrat; Lemeniumque & illustrem Arcadum Academiam, ut & Furfuraceam Florentinorum, ceu instauratores Hetrusci carminis prædicat. Ægre vero fert, Gallum multos Poetarum ex Italici proletarii versus, ceu specimen insignis cujusdam artis, in medium attulisse. Cæterum a Poetis ad pedestris sermonis scriptores progressus, trium præ cæteris, Sfortiæ nempe Pallavicini, Stradæ, & Thesauri patrocinium suscipit. Pallavi-
- p. 722-726. cinus
- p. 732-738.
- p. 739-740.
- p. 740-741.
- p. 747.
- p. 747.
- p. 758 seqq.

einus nimirum, in venusto doctoque de Stylo & Dialogo libello, Joannis Baptistæ Rinuccini, Antistitis Firmani, de Episcopi officio librum hortis, qui in locis incultis atque squalidis, arte Magica momento excitantur, comparaverat. Quod Bouhoursius improbavit, indecorum Episcopo ratus cum Mago conferri. Cui Noster ex Servio reponit, comparisonem non inter personas, sed inter studia institui, idque Virgilii exemplo, qui Trojanos cum formicis comparaverit. Observaverat porro Bouhoursius, librum Rinuccini non satis bene portentis Magorum assimilari, quæ solidi nihil præ se ferant; ad quæ Noster: non representari hac Allegoria durationem, sed potius admirabilitatem. Sic Homerum Græcorum & Dardanorum, faxis invicem se petentium, conflictum cum nivibus a Jove emissis conferre: neque enim hic æqualitatem, sed simplicem similitudinis rationem requirit. Quod testimoniis Rhetorum tam veterum, quam recentiorum copiose docetur. Dum vero hoc agit, quasi in transcurso, comparisonem a Ludovico Borbonio, Principe Condæ, inter Ignatium Lojolam & Cæsarem, interque Xaverium & Alexandrum M. argute institutam, ita commendat, ut tamen, si ad Bouhoursii obrusam exploretur, vix tolerabilem fore contendat. Ostendit deinceps, quænam inter Metaphoram, Imaginem & Comparisonem differentia intercedat, idque ex ipsius Pallavicini libro prædicto. Quem quoque, quod Lucretii dictionem paulo obscuriorem larvæ faciem tegenti, non ornanti, comparaverat, contra censoriam Galli notam tuctur, illum ipsum simul incusans, Metaphoram cum larva conferentem, quod rectius ænigmati conveniebat. Promovet inde gradum ad Stradam, qui Libro III, Decad. II de Bello Belgico scripserat: *Adeo non ex vano observatum, curæ esse Deo Principum vitam. Quasi non magis cordi in homine, quam Imperatori in exercitu novissimum mori datum sit.* Quæ verba Noster a Bouhoursii vellicationibus vindicans, qui Turenii & Gustavi Adolphi exemplo adductus, contrarium nonnunquam accidisse statuerat, non ad id, quod raro, sed quod plerumque fit, respiciendum esse contendit, Galloque simul exprobrat, quod perperam & contra mentem Stradæ verba prædicta verterit, & similes ejus in Auctorum interpretatione errores recenset, ridiculum ex Novi Fœderis a Bouhoursio

p. 762.

p. 766.

p. 776. seqq.

p. 789-793.

- P-794-797. Gallice facta explanatione, hujus rei specimen proferens. Quod porro Strada L. III, Decad. II de *militibus dimidiato corpore pugnantibus, sibi que supersticiis ac perempta Partis ulioribus dixerat*, id Noster exemplo Lucani factum asserit. Cui merito addas insignem Lucretii locum Libro III v. 612 seqq. de membris curribus falciferis abscissis, ita inter alia canentis:

Falciferos memorant currus abscindere membra,
Sæpe ita de subito permixta cæde calentes,
Ult tremere in terra videatur ab artibus id, quod
Decidit abscissum: cum mens tamen, atque hominis vis
Mobilitate mali non quit sentire dolorem:
Et simul in pugnae studio quod dedita mens est,
Corpore cum reliquo pugnam, cædesque petissit.

- P-799 seqq. Ad Thesaurum demum Noster desceat, qui in Idea arguta dictionis, non ita pridem Latio in Germania nostra a Viro clarissimo donata, de flammis missilibus, & inprimis de pyrobolis dixerat, quod cælum incendere, fulmina ipsa fulminare, & sidera terrere, velle videantur, Bouhoursio eam ob causam notatus. Cui Noster respondet: sibimetipsi quasdam in hoc Scriptore formulas improbari, quod nempe eosdem ignes, parvos Avernii serpentes, Typhonesque minutos vocarit, sed quod ad verba prædicta attineat, licentiam quandam Poeticam in ejusmodi descriptionibus locum habere, & apud Virgilium, umbonem aureos ignes vomere, ac clamore cælum incendi. Emolliri insuper *augustinus* per verbum *videantur*, quo appposito omnis, si qua adsit, durities mitigetur.
- P-804. Addit ipsum Censorem ita peccare, qui odores exquisitissimos ad cælum ferri alicubi dicat, quod odoribus vix satis competat.
- P-798. Quamvis Plauti in Pseudolo exemplo sese tueri forsitan possit, apud quem odor in cælum volet. Nec omittendum est, quod Noster monet, secundam Ideæ Thesauri partem, in qua de vitiis dictionis arguta agendum fuerat, desiderari. Tandem libro elegantissimo finem imponens Illustris Marchio, Gallos elegantiae studia curate tractantes, inprimis autem Artem Poeticam Dacerii & Rhetoricam P. Lamy miris laudibus extollit, suosque cives haud obscure reprehendit, quod elegantioribus hujusmodi literis tantum non neglectis, inanum modo miratores existant. Nos, ut & ipse & alii

iti.

itidem ab Italia Viri docti atque ingeniosi, non suis magis, quam nostris quoque Philologis, calcar ad has studiorum amœnitates excolendas admoveant, merito optamus, doctissimique, quem supra celebravimus, Ludovici Antonii Muratorii, cujus beneficio hæc ipsa Urbi commentatio, licet serius aliquantulum, ad nos pervenit, quos in litteris ad Actorum Collectores datis promittit, *duos de Consummata Italorum Poëstomos* anxie expectamus.

QUINTI SEPTIMII FLORENTIS RIVINI, REG. Polon. in Sen. Appell. Consil. & Scabini Lipsiensis, Enunciata Juris ad Ordinationem Processus Saxon. Electoralem, edita ex schedis paternis a D. T. FL. RIVINO.

Lipsiæ, apud Johann. Frider. Gleditsch, 1705, 4.
Constant Alph. 9. plag. 14.

QUæ dudum expectata fuere causarum Patronis, iisque qui suo pro suam operam addicere cupiunt, sæpius antea iterum iterumque calamo descripta, in publicam nunc lucem prodeunt Excellētissimi Autoris Axiomata ad Ordinationem Processus Saxonici Electoralem, opus iis, qui aut causas perorant, aut judiciis & dicasteriis assident, aut rerum forensium notitia instruere cupiunt, animum, utilissimum longe ac fere necessarium. Longam enim rerum judicatarum continet seriem, Decisionumque, quæ in Scabinatu Lipsiensi, aut summo Provocationum Consilio, causas amputarunt, uberem exhibet copiam, ut facile, quo libellum dirigere actor, qua ratione sententiam concipere iudex, quidque de dubio litis eventu pars sperare debeat, ex opere hoc præstantissimo queat intelligi. Nobis ex tanta rerum copia, veluti in fertilem delapsis campum, licebit aliquot saltem quasi decerpere flores, ac ex quibusdam axiomatibus ostendere, quantum commodi, ex diligenti libri huius lectione quilibet sibi queat promittere. Ita judicatum fuisse refert, ad demonstrandam paupertatem sufficere attestatum Domini Jurisdictionis, *Tit. I. Enunc. 14.* Contra poenam Advocatis dictatam Leutationi aut Appellationi non esse locum, *Tit. 3. Enunc. 34.* Pro confesso & convicto haberi non posse reum, qui nuncium citationem, quam nondum legit, reportare coegit, E-

Enunc. 65. Tit. 4. In Reconventionem non attendi privilegium fori de non evocando, *Tit. 6. Enunc. 14.* Morte Curatoris extingui Actorium ab eo datum, *Tit. 8. Enunc. 28.* Septiduum Saxonicum consensu partium non posse prorogari, *Tit. 10. Enunc. 53.* Cautiorem pro reconventionem & expensis, non esse præstendam in causa Matrimoniali, *Tit. 13. Enunc. 3.* Reos, si super actione juramentum delatum sit, ob litem contestationem negativam, exceptiones quoad membra libelli negata annexas perdere, *Tit. 16. Enunc. 14.* In Leutatione juramenti delationi esse locum, si Guaranda nondum sit præstita, & lis tantum eventualiter contestata, *Tit. 18. Enunc. 32.* Reum ad probationem exceptionum haud admitti, si Actor juramentum super actione tota relatum præstiterit, *Eod. Tit. Enunc. 62.* In Processu Summario & Possessorio summarissimo interrogatoriis esse locum, *Tit. 20. Enunc. 47.* Uxorem contra mariti sororem ad testimonium dicendum non compelli, *Tit. 22. Enunc. 18.* Ad juratam diffensionem mulierem sine Curatore scilicet posse offerre, *Tit. 25. Enunc. 37.* In examine testium, ad perpetuam rei memoriam, Judicem competentem adendum, offerendos articulos, partemque adversam ad danda interrogatoria esse citandam, *Tit. 29. Enunc. 1.* Libro Mercatorios, licet sint juramento confirmati, non habere vim documenti Guarantigiati, ut executive ex iis agi queat, sed probationem adversus eos & juramenti delationem admitti, *Tit. 20. Enunc. 10.* Sententiam Universitatis Syndicum non habenti latam, non transire in rem judicatam, adeoque post decennium adhuc, Leutationem vel Appellationem, posse interponi, *Tit. 34. Enunc. 13.* Arbitraris puniri eum, qui processum nullitatis arguit, ac nullitatem probare nequit, *Tit. 38. Enunc. 13.* Jus primæ litationis maritum sine curatore, & patrem per filium mandato haud instructum, consequi posse, *Tit. 39. Enunc. 36. & 38.* Pecuniam creditricis, quæ nupsit debitori, pro dote haberi, *Tit. 41. Enunc. 2.* In Oppignoratione bonorum Emphyteuticorum, & Domini directi, & Domini jurisdictionis consensum esse necessarium, *Enunc. 5. Tit. 46.* Arrestum a Curatore mulieris sine ipsius interventu valide impetrari, *Tit. 51. Enunc. 10. &c. &c.* Sed hæc Speciminis loco sufficiant: quæ ideo adducenda esse duximus, ut intelligere possit L. B. plenum esse practicarum.

quæ-

quæstionum casuumque elegantissimorum hoc opus. Quod non sine commodo singulari nobiscum fatebantur, qui integrum evolvere, aut seriem saltem Enunciatorum, quæ singulis Titulis præmittitur, diligentius perlegere, ex re sua judicabunt.

THE RELIGION OF A PRINCE.

Seu

TRACTATUS DE RELIGIONE PRINCIPIS, IN
quo Scriptura Sacra præcepta, optima in regnandi arte axiomam
esse probantur; profanis Machiavelli, Hobbesii aliorumque
principiis oppositus a GUILIELMO NI-
CHOLLS, S. T. D.

Londini, apud Th. Bennet, 1704. in 8. pl. 14 $\frac{1}{2}$.

Munificentia singularis, quam Serenissima Magnæ Britannæ Regina, mox post suscepta regni gubernacula, quæ hodie Orbis cum adplausu tractat, decimarum ac primitiarum largitione, erga pauperioris fortis Clerum gratiosissime exhibuit, (de qua initio mensis Maji nuper diximus,) Rev. Autori, in Actis hiscæ sapius non sine laude memorato, occasione præbuit, præsentem libellum conscribendi, quem etiam Serenissimo laudatissimæ Reginæ nomini devote consecravit. Cum enim Ipsa hoc modo, regni sui pariter ac orbis universi incolis, summæ pietatis bonitatisque egregiæ documentum præclarissimum dederit, non male se acturum Autor existimavit, si ad exemplar istud exquisitissimum, vere Christiani Principis imaginem delinearet, quidque illum deceat, quid minus, breviter exponeret.

Persecutus ergo illud rite est in hocce Commentario, cui quædam præmissa est *Introductio*, in qua Atheorum, Democratiorum, & Epicuræorum nefandæ, quas de Principibus regnandique ratione foveat, sententiæ summatim recensentur; Machiavelli pessimus de Principe liber gravissimè perstringitur, tandemque occasio, quæ Autorem ad scribendum impulit, ulterius exponitur. *Tractatio* ipsa in tres maxime partes dispescitur, officiaque continet, quæ tum erga Deum, tum erga finitimos Principes ac Status, tum erga eos, quibus parendi gloria relicta est, Principi præstanda sunt.

Bbb 3

Es,

Ea, quæ Deo debentur, aut ad cultus Divini sinceritatem, aut ad vitæ integritatem, aut ad religionis curam defensionemque referuntur. Quæ Statibus finitimis Principibusque exhibenda sunt, partim religiosam pactionum ac fœderum cum aliis sancitorum observationem, partim belli non nisi justis de causis suscipiendi rationem, partim erga victos armisque subactos clementiam respiciunt. Quod denique ea attinet, quæ Principes iis, quibus præsumunt, debent, in eo ipsorum officium consistere dicitur, ut amore magis quam timore imperium firment, ut iustitiam, indulgentiam, munificentiam pacemque inter suos confirmandi studium nunquam non sectentur, ut præterea bonis consiliis aures benevolas præbeant, eademque sequantur. Hæc duodecim capitibus ita explicantur, ut nec argumenta desideres, quibus falsa Atheorum & Machiavelli sectatorum principia acute refelluntur, nec rationes & exempla desint, sive ex sacris sive ex profanis desumpta litteris, quibus vera sententia confirmatur atque declaratur. Tandem *conclusio* operis sese offert, in qua Auctor non modo probat, quod ille demum Princeps veram virtutis gloriam mereatur, qui officiorum supra traditorum bene memor sit, sed etiam ostendit, quod singula, quæ hætenus dixerit, in Serenisima Magnæ Britanniæ Regina, tanquam in speculo limpidissimo, compareant.

NOVA LITTERARIA.

DE rebus Moscoviticis Excellentissimus Huyssenius, quem Augustissimo Moscorum Monarchæ a consiliis status & belli esse, & Serenissimi Principis Alexii Petrovitii educatoris juventutis munere fungi, supra mense Majo indicavimus, plura nobis retulit, digna utique, quæ cum curioso Lectore communicemus. Præ cæteris in instaurandis apud Moscos literis occupatus fuit, aliquandiu Ernestus Glückius, Mariæburgi antehac Præpositus & Pastor Primarius, quo in loco (falso enim Narvam pro Mariæburgo scripsimus loco citato, quod mendum cupimus corrigi) triennio abhinc a Moscis captus, & literaria suppellectile spoliatus est. Is, dum in vivis esset, (nuper enim mense Majo, haud parvo rei lit-

te-

terariæ in illis locis detrimento eum obiisse, relatum est,) a Czarea Majestate quotannis accepit 3000 Rublones, si ita loqui cum Moësis fas est, seu 6000 circiter unciales Germanicos, ad sumtus Gymnasii sive Scholæ Illustris, quæ sub ejus moderamine Moscuz in palatio Nariskiorum aperta est. Ad eam frequentandam & Nobiles & Plebeji publico edicto invitantur, eoque vacatio a militia his, qui eam postulant, datur, & promotio certissima promittitur. Docentur autem hic gratis a variis Magistris Græca, Latina, Gallica, Italica atque Turcica. Neque minus & PP. Jesuitæ, Missionarii, in suburbio Germanorum, præter Latinam linguam, Mathesin atque disciplinas militares adolescententes docent. Pariter & Patres Græci spectatæ eruditionis, e disitis regionibus evocati, publice sumtibus Supremi Moscorum Monarchæ, & linguas, Græcam & Latinam, & Philosophiam atque Theologiam (qualem antea Kioviæ, & Romæ quoque aut Patavii didicerunt) profitentur, & publicas nonnunquam Disputationes de thesibus typis impressis instituunt. Ut quoque S. Literæ in lingua Ruthena emendatius legerentur, idem Princeps Potentissimus curam novæ atque accuratæ versionis Theologis aliquot insignioribus demandavit. Medicinam diligenter præ reliquis Bidlojus, Asmes, Kellermannus, Blumentrostii, Carbonarius, S. Czar. Maj. Archiatri, excolunt. Imprimis vero Bidlojus Batavus, in theatro Anatomico, splendido, quod inhabitat, ædificio, sæpius præsentè tota Aula, anatomen corporum humanorum, quæ vel morbo vel ex vulnere contabuerunt, instituit. In Observatorio Angli quidam Arithmeticam, Geometriam & Artem Navigandi publice docent, auscultantibus Ruthenis plus quam ducentis, quibus & pro ratione profectuum stipendia solvuntur, tum qui prævio examine digni reperti sunt, rude donantur, & congiarium adepti in militiam mittuntur. Et ne quid ad incrementum literarum desit, libri omnis generis, speciatim belli Ducum Vitæ, in linguam Ruthenicam transponuntur, & publicæ quoque Relationes, de rebus in Europa nuper gestis, singulis septimanis idiomate patrio imprimuntur, & pro exiguo pretio venduntur, ut vulgus quoque & sequior sexus rerum, quæ

quæ apud exteros geruntur, noscendarum studio accendatur. Sed ut porro de libris in Moscovia nuper impressis aliquid recensamus, prodiit Moscuæ anno proxime elapso *Idea Antichristi*, auctore Stephano Jaworowsky, Phil. ac Theologiæ Doctore, qui enobili Polonorum familia oriundus, in Kioviensi olim Academia Professor fuit, nunc Archi-Praeful sive Metropoli- ta Rezanensis & Muromiensis audit, Vir spectata eruditione & facundia in cathedra Scholastica & Ecclesiastica, ut Augustissimus Moscorum Imperator eum ad functiones Patriarchæ in Imperio Moscovitico obeundas vocaverit. At de eo libro, cum multa contineat curiosa, proxime dicemus. Imprimis autem Auctor Lexici Slavonico - Græco - Latini, de quo alibi diximus, Polycarpow, Zcareæ & Patriarchali Bibliothecæ Praefectus & Director Typographiæ Moscovitiæ, in qua per accessionem Narvensis, nunc omnium linguarum typi reperiuntur, quem modestia morum, & linguarum Græcæ, Latinae, Slavonicae notitia commendant, librorum edendorum curam habet diligentem. Quippe ejusjam studio prodierunt *Systema Arithmeticum* in fol. *Alphabetarium trilingue* in 4. *Idea Antichristi* in 8. ut & *Florilegia* SS. Patrum Græcorum, e. g. Joh. Chrysostomi, Gregorii Nazianzeni, Cyrilli Alexandrini, Theophylacti &c. His nonnulla addemus Vilnæ in Lithuania impressa. Prodiit ibi A. 1701 in 4. *Tetrachordium Tragicum Passionis Mortisque Salvatoris ac Domini nostri Jesu Christi, Feri Dei & Hominis, pro salute humana inhumaniter ab hominibus passi, Historiam resonans, ad concordem quatuor Evangelistarum harmoniam intentum, &c.* ejus auctor est Eustachius Kotowicz Episcopus Smolencensis, qui omnem laudis vanæ speciem fugiendo, nomen titulosque suos taceri voluit. Nunc vero ibi imprimuntur: *Enodatio Casuum difficultium circa Sacramentum Matrimonii occurrentium, ad usum fori tam interni, quam externi*, in 8. nec non *Corona Australis Polonica in Polo septentis effulgens sideribus, sive Encomia totidem Reginarum Polonia ex Familia Austriaca, cum Documentis Ethicis, Prosa & Metro*, in 4.

* * * * *

A C T A ERUDITORUM,

publicata Lipsiæ

Calendis Septembris, Anno M D C C V.

Alle de Wercken van den Heer P. C. HOOFT.

i. e.

PETRI CORNELII HOOFT OPERA OMNIA IN
quatuor partes distributa.

Amsterdami apud H. Wetstein & P. Sceperum, Ultrajeſti apud
Gu. van de Water, & Lugduni apud Dan. van den
Dalen, 1704, fol.

Constant in univverſum 30 Alph. & 9 plagulis: Figurarum vero
ænearum 1 Alph. plag. 7, præter eas, quæ Parte III una
cum Emblematis ſunt impreſſæ.

MERITO id Excellentiffimi olim inter Batavos Viri, Petri
(Cornelii filii) Hooft, Satrapæ Mudenſis, Polyhiſtoris
ac Poetæ ſine exemplo, datum memoriæ fuit, ut ope-
ra ejus omnia, dudum quidem maximam partem edi-
ta, junctim nunc typis deſcripta, luci publicæ denuo exponerentur.
Diviſa ſunt in quatuor partes, quarum *prima* & *ſecunda* celebra-
tiſſimam ejus complectuntur Hiſtoriam Belgicam, ab eo tempore,
quo Carolus V Imperator Belgicarum provinciarum cum regnis
Hiſpanicis annexiſque ditionibus aliis regimen Philippo II filio tra-
didit, uſque ad exitum fere Advocatiæ Comitſ Leiceſtriæ, quar-
tum nunc recuſam: de qua & tanto omnium cum applauſu
olim excepta, & hodieque publice æſtimata, plura dicere
non attinet. *Tertia* opera ejus exhibet miſcellanea, quo ſpe-
ctant Hiſtoria Henrici IV Galliarum Regis, Narratiuncula de fa-
Ccc tali-

talibus exurgentis Domus Medicæ infortunius, Auctoris ad viros celeberrimos Epistolæ 218, Opuscula aliorum in linguam Belgicam ab Hooftio veria, Comœdiæ ejusdem, Emblemata & Poemata cujuscunque generis. Quæ quidem jam A. 1671 a filio Arnoldo, Equite S. Michaelis ac Scabino Amstelodamensi, fuerunt edita, nisi quod *David van Hochstraten*, qui novæ hujus editionis curam habuit, & epistolas quasdam antea non vulgatas, a Nobilissimo Viro *Gerhardo van Poebroeck* suppeditatas, & Poematibus illud imprimis, quod A. 1700 Florentiæ compositum, ad Academiam in Hollandia sub nomine *Kamer in Liefde bloejende* eo tempore florentem olim miserat, neglectum quidem hæcenus, velut immaturum, sed dignum tamen, quod legatur, visum adjecit. *Quarta* Taciti opera, in linguam Batavorum ab Auctore olim incredibili studio, nec minori felicitate conversa, primumque Amstelodami A. 1683 publicata, comprehendit.

Atque hæc de splendido licet opere dicta, pro instituti nostri ratione suffecerint, cum non nisi recens primum vulgatos libros recensere consueverimus. Neque tamen ingratum Lectori Benevolo futurum arbitramur, si cum Illustri Hooftii Vitam, Historiæ ejus Belgiæ in his operibus præmissam, & quondam a Gerardo Brand, celeberrimo illo Historiæ Remonstrantium auctore compositam deprehendamus, ex ea quædam excerpta demus, nec cuiquam, quantus Vir Hooftius fuerit, ignoretur. Natus nimirum ille est Amstelodami d. 16 Mart. A. 1581, patre *Cornelio Petri Hoofti*, Consule Amstelodamensi, matre *Anna Blavia*. Studiis mature innutritus, ingenium ostendit linguæ & poeseos Bataviæ imprimis cupidissimum, quo tempore *Collegium* illud in *Amore florens*, cujus supra meminimus, Amstelodami eo decore splendesceret, ut aliquando inter ejus membra quinque Consules & octo Scabini Amstelodamenses numerarentur. Itaque, cum illud in excolenda lingua poësiq; patria unice versaretur, illi se addixit totum, *Henricum Laurentii Spigelium* (cujus opus palmarium *Speculum cordis*, *Herz-Spiegel* una cum opusculis aliis A. 1694 in Hollandia recusum est) in primis magna tum auctoritate pollentem æmulatus. Postea Academiam Lugdunensem ea tempestate longe florentissimam, cum *Josephus Scaliger*, *Franciscus Junius*,

PAU.

Paulus Merula, Carolus Clusius, Bonaventura Vulcanius, alique præclari Viri doctorum munere fungerentur, incoluit, & sub tantis præceptoribus absoluto studiorum Academicorum cursu, integrum iade fere triennium itineri per Galliam, Italiam, Germaniam facto, summo cum fructu impendit. Unde jam A. 1609 a Principe *Mauritio Auriaco*, prævia Ordinum Hollandiæ Præpotentium nominatione, Satrapæ Mudensis, Prætoris Gœlandiæ, & Officialis supremi Vesopensis munere, magnæ utique dignitatis, ornatus est: et si id quoque Parentis in Rempublicam & Domum Auriacam meritis fuit datum, qui tum superstes, octogenarius demum A. 1626 decessit. Interea Noster, postquam Comœdias ac Tragœdias quasdam edidisset, Vitam & Res gestas Henrici IV Galliæ Regis Belgico sermone, ut alia omnia, adornavit, octo fere annorum annis eam in rem impensis, eo applausu, ut *Hugo Grotius* in Epistola ad Hooftium, quæ est inter epistolas ejus Amstelodami A. 1687 editas ducentesima decima sexta, non dubitarit gratulari tanti Regis Manibus, quod tantum Scriptorem invenerit, & Rex Galliæ Ludovicus XIII postea præstitam gloriæ Patris operam remuneratus fuerit, collatis Nostro A. 1639 Nobilitatis insignibus & Equestri S. Michaelis ordine. Ast præcipuæ tamen ipsi curæ Historia Belgica fuit, cui componendæ jam tum A. 1628 manum cepit admovere, & toto deinde vitæ decursu insudavit, donec A. 1647 Hagæ Comitum, quorsum ad spectanda Friderici Henrici Principis Auriaci, qui non ita pridem decesserat, solennia funebria profectus fuerat, morbo oppressus expiravit, nondum absoluto sexagesimo sexto ætatis anno. Corpus defuncti Amstelodami in Templo, quod vocant, Novo tumulo paterno illatum est; postridie vero in Theatro urbis publico, honori ejus non oratio solum parentalis a *Brandio* nostro conscripta, ast ab *Adamo van Gernes*, actore in scena solertissimo, recitata, sed & cum illa finita esset, una e præcipuis ab Hooftio elaboratis Tragœdia, cui *Geerard van Velzen*, nomen est, populo fuit exhibita: quod exemplum repetitumne postea fuerit, nobis quidem non constat. Fuit de cætero Vir linguæ patriæ & poeseos longe studiosissimus, ut cum Poetria etiam quasdam Telselschaede, seu ut ipse per anagramma vocabat, *Sachtefe-deles*, per semiseculum fere, amicitia ipsi literarum commercio ex-

culta intercesserit. Inter Poetas veteres Virgilium, inter Historicos Tacitum, cujus opera bis & quinquagies perlegerat, & styli concisam ingeniosamque rationem imitatus fuerat, summo loco habuit. Utique hinc factum, ut in Historia Belgica aliisque scriptis lectorem requirat attentissimum, & acumine ingenii minime destitutum: quo respexit forte & Poeta Belgicus celeberrimus, *Joost van den Vondel*, quando ad Amicos dicere solitus fuit, in universo Belgio neminem se nosse, qui par sit vel unico folio componendo ea sublimitate, qualem universa Hoofstii Historia Belgica spiret. Inter Belgicæ Historiæ Scriptores Italos, Cardinalem Bentivolum: inter Historiographos quoscunque alios, Thuanum æstumatissimos habuit. Ex Amicis *Constantinum Hugenum de Zulichem*, *Casparem Barleum*, *Vondelium*, *Grotium*, *Vossium* præcipue coluit. In administrando Satrapæ munere, æquum se omnibus præbuit, sortitiem maxime exofus, ut ex bonis etiam condemnatorum fisco addictis, partem sibi debitam viduæ aut hæredibus aliis donaverit, autochirorum inprimis, quos nonnisi ex insania peccasse, persuasum habebat. Religionem Reformatam profitebatur, sed inimicus zelotis, ut edicta etiam adversus Romano-Catholicos lata executioni mandare non sustineret. Symbolo usus, *omnibus idem*, id consecutus est, ut nec ipse quemquam offenderit, & vicissim raro exemplo, aliorum odium atque invidiam feliciter effugerit. Conjugium, ut de hoc postremo loco dicamus, duplex ipsi obtigit, primum A. 1610 cum *Christina van Erp*, ex quo suscepti liberi mature extincti sunt; alterum A. 1627 cum *Leonora Hellemans*, e quo genitus *Arnoldus* Filius, Eques S. Michaelis & Scabinus Amstelodamensis, cujus jam supra a nobis facta est mentio.

EXPOSITIO LITERALIS ET MORALIS SANCTI Evangelii Jesu Christi secundum quatuor Evangelistas. Autore R. P. F. NATALI ALEXANDRO, Ordinis F. F. Prædicatorum, in Sacra Facultate Parisiensi Doctore, & Emerito Theologia Professore.

Parisius, apud Joannem Anisson, 1703, in fol.

Alphab. 8.

Por

Post multa variaque opera in lucem hætenus abs se emissæ, in-
Scripturæ tandem Sacræ lectione acquiescere, inque ejus medi-
tatione consensescere decrevit doctissimus, nobisque sæpe memo-
ratus R. P. F. Natalis Alexander. Sanctum igitur Evangelium in
manus sumisit, ejusque expositionem continuam, juxta quatuor Ev-
angelistarum ductum adornavit, literalem sensum primo, ac post-
modum moralem quoque dilucidans. In literali sensu pandendo,
parallela potissimum Scripturæ loca, & sanctorum Patrum Com-
mentarios se excussisse, profitetur; venerandamque, quam appel-
lat, Traditionem ubique se præ oculis habuisse addit. Vulgatam
versionem Latinam pressius secutus est, quamvis & Græci textus
& Orientalium versionum vim, sicubi opus duxit, attingere haud
neglexerit. Quam Eruditos plerosque viros data dudum opera
illustrasse censet, Evangelistarum concordiam & harmoniam, breviter
tantum se delibasse, nullus dissimulat. Moralem vero sensum
non minori, ac literalem illum, industria prosequendum sibi venire
ratus est, quandoquidem Divini verbi prædicatoribus animarumque
pastoribus, quibus Evangelium populo explicare ex officio incum-
bat, consulere hoc pacto decreverit. Veterem namque concio-
nandi rationem, quam sancti Patres & antiqui Episcopi sectati
sint, in Ecclesiam revocari optat, ut nimirum totius Evangelicæ
lectionis, quam quisque auditoribus proponit, series explicaretur,
sensuque literali, quantum necesse est, exposito moralis erueretur,
cui præcipue Ecclesiastes insisteret. Novam namque (& suæ fidei
sociis, ut constat, admodum familiarem) concionandi rationem,
parum probat, quæ, unica Evangelii sententia pro themate assum-
pta, extra quam divagetur ut plurimum Concionator, ejusque se ve-
lut immemorem in progressu sermonis ostendat, humanis concep-
tibus, ingeniosis licet, sterilibus tamen & exsuccis, ac elegantibus
quidem, sed sæpius instructuosis morum humanorum picturis, au-
ditorum pascit, seu potius jejunos dimittat animos, ac molli elo-
quentia comæque orationis ornatu ac leporibus demulceat, non
instruat, non moveat, non flectat. Quod cacoethes tollere se
studuisse innuit hoc Commentario, quem forte coronidem impo-
situm conjicit operibus suis reliquis, cum ultra sexagenariam æ-
tatem proventus, lassescere jam incipiat. Cæterum a famosis illis

propositionibus quinque, ab Innocentio X & Alexandro VII in-
sensu Jansenii damnatis hæreticisque, nusquam non se abhorre-
re testatur; quamquam a sanctorum Doctorum, Augustini & Tho-
mæ, dogmatibus de Gratia per se efficaci, & omnino gratuita
sanctorum Prædestinatione, aut a sanioris disciplinæ moralis de-
fensione, ne latum quidem unguem se deflexisse, simul affirmet.

*JOH. BRAUNII, SS. THEOLOGIÆ DOCTORIS,
ejusdemque & Hebrææ Lingua in Academia Groningæ & Omlandicæ
Professoris, Commentarius in Epistolam ad Hebræos, cum
indicibus locupletissimis & quibusdam
tabulis æneis.*

Amstelodami, apud Henricum & Viduam Theod. Boom, 1705, in 4.
Constat 5 Alph. & 19 plag.

Dedicavit celeberrimus Autor Commentarium suum pererudi-
tum Omlandicæ Ordinibus, eorumque Deputatis Novemviris:
in qua dedicatione, Ecclesiæ Christianæ deploranda hoc nostro æ-
vo facie expensa, luget, dari nonnullos, qui tentatam inter Lu-
theranos & Reformatos unionem impedire satagant. Largitur,
controvertentes olim Theologos ab utraque parte peccasse: aut
cum iniqua malorum commemoratione nemo ad concordiam ad-
ducatur, in comitiis pacis primum caput poni debere sanctam ma-
lorum oblivionem. Cordationibus Theologis, tam Lutheranis,
quam Reformatis, rixosorum hominum privatam hostilitatem,
asperitatem ac contentiones, & olim improbatas, & hodiernum
improbari. Inprimis per totam Saxoniam, sapientiores primos-
que Ecclesiarum Antistites magnam Reformatis demonstrare hu-
manitatem: id quod maxime factum sit a Celsissimo Electore
gloriosæ memoriæ, qui ante non multos annos aliquot cente-
na ex Cocceji operibus coemi jussit exempla, ut quilibet Ec-
clesia suum haberet. Concedit equidem, nec Lutheranos facie
eo adduci posse, ut cum Reformatis in omnibus consentiant,
nec Reformatos omnes Lutheranorum sententias amplecti posse;
non tamen omnem opinionum dissensum diversam religionem il-
lico dicendam esse, cum nec olim unquam extiterit, nec hodie ul-
la existat religio, quin fratres in variis capitibus a se recesserint,
ho-

hodieque recedant. Cum igitur Reformati & Lutherani in fundamentalibus religionis Christianæ capitibus conveniant, & errores fundamentum fidei ac vitæ sanctimoniam evertentes unanimiter detestentur, adeoque ambo certissime membra Ecclesiæ Christi existant; cur externum fraternitatis vinculum accedere non debeat, rationem esse nullam. Ostendit inde, ambos eadem de Deo, ipsius decretis & decretorum executione credere. Si vero quis objiciat, non tamen eodem modo hæc credi a Reformatis, quo a Lutheranis, illi Noster responderet, modum non facere ab stabilenda salutis fundamenta, sed versari ut plurimum circa subtilitates nullius momenti, atque circa controversias, quæ hæcenus nondum decisæ creduntur, nec facile ad mentem cujuslibet decidi possunt; nec eum qui ignorat, posse dici damnatum, cum pauci reperiuntur, in primis inter illiteratos, qui de modo edocti sint, immo multi Martyres, ob fidem in Christum mortem obeuntes, eundem ignoraverint. Non statim, quæ nobis dura videntur, pro duris habenda esse; fieri enim posse, ut auctoris mentem non recte capiamus, aut ex ejus thesi consequentias deducamus, quas ipse non admittit. Non tamen improbat consilia de convocandis ex utraque parte Theologis doctis, prudentibus, pacificis, ut serio controversis capitibus examinatis, in timore Dei tentent, quo usque alter alteri obviam ire possit. Adhortatur tandem suos ac seipsum, ut si Lutheranis pacem inire nondum visum fuerit, ipsi tamen a sua parte omnia odia, similitudines, dissidia & discordias, quæ pacem turbent, depellant, certi promissionum Divinarum de optationibus temporibus, quibus major erit in Ecclesia cognitio, & membra Jesu Christi profundam pacem colent.

Quod jam Commentarium ipsum spectat, probe quidem noverat Noster, paucos esse Scripturæ libros, in quos stylum magis exercuerint interpretes, quam in Epistolam ad Hebræos. Cum tamen expendere, eam continere totam Veteris & Novi Testamenti Theologiam, ita ut ipsa intellecta, reliqui verbi Divini libri, ac profundiora mysteria arcanaque in iis contenta, ipsæ etiam antiquitates, ritus, mores, observationes atque ceremoniæ sacræ & profanæ, Prophetarum secretiora dicta & revelationes enigmati-
cæ, sanctiores denique pietatis normæ ac regulæ intelligerentur,
ad

ad quæ tamen omnia una non respiciunt interpretes reliqui quin laborem ab aliis sæpius jam iteratum in se susciperet, non dubitavit, operam potissimum dans, ut, quæ ad verborum & rerum intelligentiam, ad nexum & ad scopum Spiritus S. scitu necessaria, breviter, clare & solide exponeret. Quoniam vero Epistola ad Hebræos multum facit ad evertendos Socinianorum errores, hunc usum quoque constanter ostendit, & ne videatur, quod sæpe accidit, ipsis assingere, quæ minus concedunt, contra Schlichtingium inprimis aciem stringit. Expositioni Epistolæ præmittit Prolegomena, in quibus prolixè docet, eam jure haberi pro Canonica; autorem agnoscere Paulum, a quo scripta sit, cum Romæ sub imperio Neronis captivus detineretur, ad Judæos in dispersione; & tandem in scopum Scriptoris inquirat, quem esse contendit avocationem Hebræorum ab observantia legis Mosaicæ, & adductionem eorundem ad Christum Servatorem. Unde tres contineat partes, 1. Exhortationem, ut, cultu Mosaico relicto, in Christum credant, a cap. 1 ad vers. 19 cap. 10. 2. Admonitionem ad veram pietatem, in fide & sanctitate perseverantiam, a v. 19 cap. 10 ad v. 20 cap. 13, & 3. Preces pro sanctis a v. 20 cap. 13. usque ad finem. Hinc nervose ostendit scopi partialis cujuscunque capituli cum scopo totius Epistolæ nexum.

Quoniam vero Noster probe novit, nexum inter veritates revelatas cum cura observatum multum facere, tum ad agnoscendam sapientiam, potentiam, bonitatem aliasque perfectiones Divinas, tum ad confirmandam Scripturæ sacræ auctoritatem Divinam, non singulis solum capitibus & versiculis contenta præfigit, atque nexum eorundem tam inter se, quam cum antecedentibus monstrat, sed in singulis quoque propositionibus, nexum inter subjectum & prædicatum, ex eorundem natura & analogia fidei, sicubi fieri potest, ostendit. Verborum significatum ex principiis philologicis, & collatione locorum parallelorum Scripturæ, ubi necessitas hunc laborem efflagitat, vindicare non negligit. Si quæ phrasæ ritum quendam sive sacrum sive profanum sapiunt, ita ut sine istius cognitione earum emphasis intelligi nequeat, ex antiquitatibus sacris atque profanis eundem enucleare, quemque phrasæ ad eum habeat respectum, docere studet. Singulorum quæ asser-

mus

mus, unicum saltem proferemus exemplum, ut Lectori de nostro iudicio suum interponendi anam demus. Ita e. gr. ad comma primum capitis primi notat, vocem *πολυμερῶς* Græce sonare *pluribus partibus*, convenire autem cum Hebræo *לפרקים*, quod & partes & tempora notet. Verbum enim *פרק* significare *rupit*, unde descendat Germanorum *Brechen*/Belgarum *brecken*/forte & Latino-rum fregit, ubi פ sit raphatum F, & p mutetur in G, quia ejusdem organi. Inde *פרק* idem esse ac *μέρος*, partem, ac *πολυμερῶς* idem, quod per plures partes, vel etiam per plura capita seu articulos, cum *per ek* quoque significet caput vel articulum. Observat vero ulterius, *פרק* quoque notare definitum tempus, ut *πολυμερῶς* idem sit ac *לפרקים* multis temporibus. Omnes significatus hic invenire locum demonstrat, quia omnes gignunt sensum Scripturæ sacræ apprime conformem, ita ut nulla sublit ratio, cur unum potius intenderit Spiritus Sanctus quam alterum. Connectionem igitur prædicati atque subiecti hujus propositionis, *Deus multo temporibus per varias partes & capita locutus est*, ex diversis Foederis gratiæ œconomiis, ad quas Coccejus ipsiusque discipuli in demonstrationibus Theologicis recurrunt, deducit. Ita ad com. 35. cap. 11. notat, vocem *τυμπανίζειν* descendere ἀπὸ τῆς *τυμπάνης*, quod a verbo *τύπω* derivat & cum Hebræo *היה* convenire ostendit, & ex Suida & Scholiaste Aristophanis baculum significare probat, quo verberant, & juxta Stephanum denotare palum, ad quem alligati fontes fustibus contundebantur, observat. Unde cum non solum ex 2 Maccab. 6. v. 28, sed & Suida & Hesychio probari possit, tale olim supplicii genus obtinuisse, quo rei palo alligati & distenti baculis percuterentur, donec toto dorso pel-lis quasi extraheretur; per vocem *τυμπανίζειν* ab Apostolo illud designari, tandem concludit. Similiter ad comma subsequens *ejusd. cap. v. 10* *ἐπετίθησαν* de tali supplicii genere interpretatur, quo fontes ferra dissecabantur, cum tale supplicium olim obtinuisse, ex 2 Sam. 12, 31. 2 Chron. 20, 6, ex Rabbinis atque ex Patribus, ut Origene, Tertulliano, Hieronymo, Epiphanio, Justino Martyre &c. constet.

Cæterum cum Doctissimus Autor nexum veritatum in hac Epistola revelatarum constanter explicit, ex autem officium Christi

Ddd

me-

mediatorium, & omnem salutis sub Veteri & Novo Testamento dispensationem accurate declarent: quantum ad diversas foederis gratiae oeconomias distincte concipiendas in suo Commentario contulerit, quivis facile judicabit. Et quoniam idem argumenta Socinianorum ex ratione petita ex solidis demonstrationibus Metaphysicis accurate destruit, & contorsiones locorum Scripturae ab istis factas ipsis rationis evidentibus principiis contrarias esse demonstrat (cujus rei exemplum videas p. 547, ubi Socinianorum errorem refellit, Christum in principio potestatis esse dependentem a Deo, atque independentem in executione & operatione, & demonstratione Metaphysica evincit, nullam creaturam fieri posse a Deo independentem, ita ut nulla creatura independens a Deo concipi possit, quemadmodum nullus potest concipi Deus dependens) ad profligandos veritatis revelatae hostes multum omnino contulisse censendus est Autor in Theologia Coccejana, & Philosophia Cartesiana versatissimus: quos suos in utraque progressus prorsus insignes luculenter demonstravit, non solum in scriptis pluribus antehac editis, sed & per *intuistegv* de aeterna Filii generatione ad calcem libri subjectum, contra eos directum, qui generationem aeternam Filii oeconomicam tantum esse affirmant: cum qua thesi non solum Tritheismum, sed & Polytheismum ipsum, eumque innumerabilium Deorum, necessario connecti, ex intimis Theologiae ac Philosophiae principiis evincit.

GYMNASII TICINENSIS HISTORIA ET VINDICIA, a Saeculo V ad finem XV. Auctore ANTONIO

GATTO, in eodem Gymnasio

Antecessore.

Mediolani, typis Josephi Pandulfi Malatestae, 1704. 8.

Plag. 15.

QUae in Karoli Antonii de Luca Melphidani libro, *Laurea Legalis* inscripto, & recensionem omnium fere publicarum Academicarum complexo, ignotum quo fato, quave incuria, praetermissa plane est celeberrimi *Gymnasii Ticinensis* seu *Academiae Papiensis* Historia, eam nunc ab oblivione vindictam Viri omni eru-

ditione præditus, *Antonius Gattus*, Mediolani, una cum Vindicis quibusdam typis evulgavit, non exiguo rei literariæ emolumento. Professos esse in eo omnibus sæculis viros cujuslibet scientiæ clariore, Karolum illum Antonium de Luca, velut Jureconsultum, eo minus latere potuisse Gattus commonet, si modo ipsi noti Baldus, Præpositus, Jason, Decius, Curtii, Gallaratus, Tornielli, Tortus, Costa, Menochius, Merenda, Ramos, Pechius & alii plurimi, qui Jus Civile in Ticinensi Schola publice docuerunt. Equidem operis difficultas ipsum quoque Gattum facile primum absterruerat, partim quod antiqua Universitatis & urbis monumenta undique perquirenti, post depopulationem urbis initio XVI sæculi, omnia interisse referebant; partim quod ex veteribus Italarum & Gallorum Scriptoribus soli Saccus, Breventanus, Spelta ac alii posterioris ævi Historici offerebantur. Ast quum fors inopina Romanam Gattum perduxisset, tum *Justus Fontaninus*, celebris Cardinalis Josephi Renati Imperialis Bibliothecæ, cujus Præfectus est, copia ipsi facta, tum Abbas *Dominicus Passioneus*, Græcæ & Latinæ eruditionis studiosissimus, eum incitarunt, ut desiderium vindicandæ Ticinensis Academiæ, quod fere depærierat, rursus in ipso revivisceret, isque peregrinus in Urbe *Synopsis* ejus typis editam evulgaret. Quæ ad *CLEMENTEM XI*, hodiernum Pontificem Maximum, literarum amantissimum, delata effecit, ut ille Gattum ad osculum pedis admissum summa benignitate exciperet, & singularem dein quoque eidem per literas cujusdam honorem polliceretur. In patriam Roma reversus Gattus, nihil amplius, medias inter belli turbas, de edendo opere cogitasset, nisi ipsum suis literis ad illud edendum impulsissent Viri toto terrarum orbe celeberrimi, *Antonius Magliabecchius* & *Ludovicus Antonius Muratorius*, ille Regiæ Celsitudinis Magni Ducis Etruriæ, hic vero Serenissimi Ducis Mutinæ Bibliothecarius.

Itaque ubi in *primo, secundo & tertio* operis hujus, multam variamque eruditionem complexi, *capite* de urbis Ticinensis, ab Italis hodie *Pavia* dictæ, antiquitate & nobilitate quædam hucusque ignota præfatus esset, & inter reliqua, eam primum quidem municipium & coloniam Romanorum fuisse, deinde vero perpetuam Regum Longobardorum sedem factam, & in ea a Theode-

rico magnificum palatium, *Regia Ticina* & *Civitacula* seu sermone Italico *Citadella* dictum, fuisse exstructum, notato P. Eustachii a S. Ubaldo errore, qui perperam hoc ad urbis dedecus trahere conatus erat, comprobasset; nunc ad ipsius Gymnasii Ticinensis Historiam conversus, in *capite quarto* Scholas Ticinenses jam sub Boethio, qui A. 526 a Theoderico morte fuit damnatus, & Ennodio Episcopo, qui teste Guillelmo Cave A. 521 est præmortuus, floruisse demonstrat, opinione Sacci, Bellovacensis & Vossii de Ennodii ætate una rejecta. Dehinc *capite V* floruisse Ticini bonarum artium studia, regnante Karolo M. ex eo palam est, quod hic, antequam in Italiam veniret, ex ea urbe Parisios Petrum Pisanum, qui cum Julio Judæo disputationem illic habuerat, acciverit, edocerique ab eo Grammaticam in palatio suo voluerit, posteaque vicissim Joannem Albinum, Monachum peregrinum, qui cum mercatoribus ex Scotia Parisios venerat, *sapientiam venalem* se habere professus, Papiam miserit, ut sublimiores illic scientias traderet. Id quod in *capite sexto* ulterius confirmat, contendens, quod licet Monachum istum, a Karolo Papiam missum, Sangallensis alijque Albinum, aliqui vero Joannem vocent, utroque tamen nomine Joannem Albinum vocatum, non dubium sit; perinde ac Alcuinum, Karoli M. præceptorem, Flaccum Albinum nuncupatum scribat Joannes Mabillonius: quam sententiam etiam Jacobus Usserius in præfatione ad Epistolas Hibernicas adprobet. Ipsum autem Joannis Albini, Scoti, Papiam adventum circa A. 780 contigisse, id est quod in *capite septimo* ex Mabillonio conjicit. Posthæc in *capite octavo* ad Petrum Pisanum reversus, tum hunc e Scholis Papiensibus ideo a Karolo M. in Galliam vocatum, ut primus esset Parisiensis Academix institutor, cum Bulæo, Parisiensis Universitatis Historiographo; tum Scholas Papienses illis sæculis non Episcopales seu Cœnobiales, sed publicas & universales fuisse, comprobat. Quo facto in *capite nono* Monasterium S. Augustini Joanni Albino, seu locum illustrem, in quo scientias profiteretur, a Karolo M. assignatum; & in dicto Monasterio jam ante Karolum M. Benedictinos adfuisse; Canonicis item Regularibus in eodem ante annum MCCXXII locum datum, contra Joannem Mabillonium evincit. Ab his temporibus,

in

in *capite* sub eoque *decimo*, Scholas Papienses in publicam de-
 mum Academiam cum privilegio Karoli M. & Ludovici Pii ere-
 ctas conjecturatur; & Synodi VI Ecclesiæ Gallicæ de Scholis tri-
 bus publicis loco diligenter expenso, Innocentii Cironii & Ludovi-
 ci Thomassini opiniones circa ejusdem loci intellectum refellit;
 ac præ cæteris quoque Monachi Sangallensis sive Notkeri Balbuli
 Historiam ab erroribus, ipsi a Joanne Launojo publice objectis, vin-
 dicat. Progreßus abhinc in *capite undecimo* ad Karolum Cal-
 vum, ejusdem studium & amorem erga scientias magnis Nicolai
 & Joannis VIII Pontificum elogis extollit, ex eo satis etiam eluce-
 scentem, quod Ticini Regio Longobardiæ diademate ab Ansberto Ar-
 chiepiscopo coronatus, omnia Papiensibus, & sic probabiliter etiam
 Universitati ab Avo conditæ & a Patre protectæ, privilegia confirma-
 verit. Ubi & Papiam ab Hunnis postea incensam, sed non plane ever-
 sam, contra Frodoardum & Hugonem Flaviniacensem affirmat; &
 celebrem inter Oricum & Gerbertum coram Othone II disputationem
 addit. Circa A. MXXX Lanfrancum Papiensem, Magi-
 strum omnium suæ ætatis doctissimum, Parisienses Scholas, a Pe-
 tro Pisano institutas, restaurasse, eundemque Papiæ Anselmum de
 Badagio Mediolanensem, qui postea sub nomine Alexandri II ad
 Pontificatum evectus fuit, discipulum adeo sibi gratum habuisse in
capite duodecimo meminit, ut quum Lanfrancus jam consecratus
 Archiepiscopus Cantuariensis Romam profectus esset, propter li-
 tem cum Thoma Eboracensi Archiepiscopo, ei Pontifex e throno
 assurrexerit, & ipsum, ut legitur in Vitis XXIII Abbatum S. Al-
 bani, his verbis exceperit: *Assurgo tibi tanquam Magistro, &
 deo sculo tanquam Pedagogo, & non tanquam Archipræsulem.*
 Cæterum hoc sæculo & superioribus, Jus Civile in Italorum Aca-
 demiis, Italia a barbaris gentibus devastata ubique & oppres-
 sa, velut prorsus deperditum delituisse monet, donec regnantibus
 Innocentio II Pontifice Maximo & Lothario II Cæsare, in bello con-
 tra Rogerium Normannum, Amalphi seu Melphi, urbe Apuliæ,
 inventæ fuerint Juris Pandectæ, supra omnem memoriam diu ibi
 servatæ; & institutos inde promotionum ad lauream legalem ritus,
 quos aliqui jam sub Augusto initium habuisse, falso credant. Postea
 quum Academia Parisiensis a Lanfranco Papiensi ad vetustum

decus restituta, ita floreret, ut seculo XII ingens Germanorum & Italarum multitudo ad eam conflueret, factum inde, ut Fridericus Ænobarbus, ne ex Italia & Germania Parisios peterent humanarum artium studiosi, eos insignibus privilegiis ad Germaniæ ac Italiæ Gymnasia A. 1158 Authentica *Habita* invitarit, quam Gattus idcirco integram in *capite decimo tertio* refert, ut ejus auctorem, occasionem & sensum a Lupoldi Bebenbergii, Petri Rebuffi, Bulæi & aliorum falsis opinionibus, tum hoc, tum sequente *capite decimo quarto* vindicet. Nec successus etiam Ænobarbi conatum destruit. Nam privilegiis relatæ Authenticiæ *Habita* literarum cultores invitantibus, ita in Italia publicæ scientiarum Academiæ floruerunt, ut Gattus in *capite decimo quinto* non solum Alexandrum Nechamum vere scripsisse credat, Parisiensem tum Academiam Philosophiæ & Sacra Scriptura Italicis, Jurisprudentia autem Italicæ Parisiensis præcellere; sed & Petrum Daniele Huetium erroris notet, quod in libro Gallico de origine Fabularum Amatoriarum, vulgo Romanzi, perperam asserat, sæculo XII & XIII Italianam scientiarum & virorum doctorum fuisse prorsus ignaram; quum tamen istis temporibus Papias, Vir ille Græce atque Latine, eruditissimus, Ordo Monachorum Cisterciensium scientiarum cultu insignis, Guarinus de S. Victore, Guillelmus Papiensis, Joannes Roslianus, Sinibaldus de Flisco & alii quamplurimi floruerint. Postmodum Scholas Papienses a Karolo IV non institutas, sed restauratas, ex ipso Cæsareo diplomate, *capite decimo sexto* allato, demonstrat, & ex eo Bernardini Corii, Paulli Merulæ, Laurentii Schraderi & aliorum complurium errorem, Ticinensem Universitatem demum hac ætate institutam, refellit. Atque denique in *capite decimo septimo*, quod restauratum a Karolo IV Papiensæ Gymnasium fuerat, a Bonifacio IX P. M. confirmatum, & a Ludovico Maria Sfortia, Duce Mediolanensi, novis privilegiis illustratum fuisse, ex utriusque diplomatibus confirmat.

Habemus ita in hoc libro, stylo undique terso conscripto, celeberrimæ Academiæ Ticinensis per XI secula memoriam, unacum ejus Vindicis aliisque rebus multo pluribus, Historiam Regum Longobardorum egregie illustrantibus. Et jam a Gatto, quæ in hoc opere promissa legimus, tum secundam Historiæ partem de

Vi.

Viris Illustribus Universitatis Ticinensis, ad exemplum Antonii Riccoboni de Gymnasio Patavino dispositam, tum de *Antiquitate Urbis Ticinensis* librum singularem, tum alia usque adhuc desiderata, avide expectamus.

DISSERTATION SUR MAGNIA URBICA.

h. c.

DISSERTATIO DE MAGNIA URBICA, IN QUA demonstratur, hanc Augustam minime esse Conjugem Maxentii Imperatoris, uti quidem hactenus creditum fuit.

Parisii, apud Petrum Cot, 1704, 8vo. Constat plag. 5½.

una cum folio ære expresso.

REI nummariae studium, cui pretium nostra posuere ætate eruditorum quamplurimi, adeo feliciter succenturiatur superiorum temporum historia, ut juxta ordinem chronologicum concinna numismatum series ex omni fere metallo jam inveniantur, unoque quasi oculi ictu heroes, prout antiqua sibi succedentia secula factis suis illustrarunt, conspici queant. Fateri tamen omnino habet Dn. Genebrier, Medicinæ Doctor, & Dissertationis hujus ad Illustr. Dn. Foucault, Marchionem de Magny, exaratae Autor Nobilissimus, hæsitasse sæpe vel expertissima ingenia, circa rariores Augustorum Augustarumque nummos, quoties historia illorum nomina vel plane silentio involvit, vel corrupta exhibuit, ipsisque haud satis constituisse, quosnam nummophylaciorum angulos ornare debeant Marinus, Pacatianus, & Nigrinianus brevissimi ævi Principes, aut Barbia Orbiana, Cornelia Supera, & Severina, quarum mariti antiquariorum solertiam diu effugerunt. Noster vero Marino post Philippos sedem suam assignat, siquidem Zosimus ac Zonaras hunc Tyrannum sub Imperatoribus istis turbas in orbe Romano dedisse tradant. Pacatianum, post Chamillardi, Gallandi & Baudelotii investigationes, eodem referendum censet, cum celeberrimi illi viri ostenderint, Pacatianum eundem esse cum Jotapiano & Papiano Historicorum, quemadmodum contigit, ut illis Balatus aut Balbatus appellatus fuerit, qui in nummis Vabalathus,

thūs, Diadumenus qui Diadumenianus, Aurelianus qui Aureolus exprimitur. Nigriniani ætatem in peculiari scripto curatius se definiturum promittit, quam huc usque factum, dum filius vulgo audit Alexandri Tyranni Africæ, Maxentii tempore ad seditionem prolapsi. Quantum ad Barbiam Orbianam, quam alii Trajano Decio asseruerunt, uxorem illam Alexandri Severi statuit, quia in aversa parte nummi hujus Imperatoris visitur; Hetruscillam e contra in matrimonio Decii vixisse; Severinæ autem Aurelianium maritum fuisse; Corneliam Superam Valeriano Juniori conjugem dari e conjecturis Tristani, quas tamen Clarissimus Vaillantius, perspecta earum bonitate, calculo suo muniverit. Utcunque vero Imperatricibus hisce de conjugibus prospectum, Magniam tamen Urbicam, de qua differendi campum ingreditur Noster, inter incertas hæctenus errasse Augustas, & congruum sibi maritum osculari haud potuisse. Licet enim Occo post Maxentium eam locaverit, illiusque vestigia presserit Longelonus, Tristianum tamen idem faciendo ingenue protestatum esse, non ideo se hunc sequi ordinem, quod Magniam Urbicam uxorem Maxentii crederet, sed quod certo persuaderetur, eam Magnentium minime conjugem habuisse, ceu nonnulli putarint. Eadem oberrare quoque chorda Patinum atque Begerum, priorem quidem hoc cum additamento, Maxentio illam potius esse sociandam, quam Magnentio, quia non constat, hunc sobolem procreasse. Harduinum vero, quem a sagacitate commendat, propius ferire scopum, dum Carini aut Numeriani contoralem Urbicam dixit, at cum rationem haud stringentem satis effato suo adjecerit, Oconis aliorumque sequacium opinionem nunquam non prævaluisse. Notum videlicet erat, Maxentium patrem fuisse Romuli, alteriusque filii incerti nominis: cum itaque Magnia Urbica, illaudata alias in monumentis historiarum, in numismatibus elogio, *Venus Genetrix*, insignita extaret, protinus eam Maxentio junxerunt paranymphi nimis creduli, oscitantæ suæ haud ficulneam excusationem in lemmate isto se reperisse arbitrati. Verum quam fallax, quamque lubricum sit ejusmodi argumentum, nemo non deprehendit, utut lynceis oculis minime instructus. Noster sane, tacentibus Scriptoribus, quoties ad nummos tanquam triarios res rediit, examinare jubet

tum

tum Inscriptionem ipsam, tum literarum totiusque sculpturae formam. Deinde & hoc praesupponit, cujuslibet Augusti Augustaeque fuisse, quin & liberorum suorum numismata, non modo in allegatis passibus, verum etiam in certis notulis, quae infimam monetæ partem occupant, quam proxime ad se invicem accedere debere. Quod postularum dum pluribus urget, characterum, qui a Gallieni inde ævo ad ætatem usque Numeriani, in nummorum vel media, vel inferiore parte (dans le Champ ou dans l' Exergue) copiose occurrunt, prælongum syrma colligit, quales exempli gratia adduxisse sufficiat: K A A, K A B, K A Γ, K A Δ, X X I A, P X X I, S X X I, S M S X X I. Mox hoc confectarium exinde elicit, quod si Urbica maritum agnovisset Maxentium, illius certe imagine signatum æs non dispares notas præ se ferret, quam hujus; quæ dissimilitudo cum habito examine manifesto se prodatur, tutissime etiam pronunciandum judicat, amborum nummos diversissimo tempore operas monetariorum exercuisse. Quin & sententiam suam adeo veram æstimat, ut, etiamsi historia Magniam quandam Urbicam conjugem perhiberet Maxentii, huic tamen, quæ in nummis obvia, aliud tempus aliunde maritum, cui major convenientia & monetæ & notarum inibi exsculptarum fidem conciliaret, sit quæsiturus. Cum enim Romulus æquales parenti suo Maxentio characteres gerat, occur Urbicæ, quæ pro matre venditur, abstrusos adposuissent monetales? Ex eodem differentiae fundamentò refellit opinionem eorum, qui Magnentio aut Decentio Urbicam nostram nuptiis alligant, parum curantes veritatem Historicam, quæ illi unicam solum uxorem, Justinam scilicet, rarissimæ prudentiæ ac pulchritudinis foeminam, post mortem ejus Valentinianò junctam, attribuit.

Remotis igitur sententiis omnium minime probabilibus, ad Celeberrimum Harduinum, cui Magniam Urbicam Carino aut Numeriano, ut supra dictum, copulare visum fuit, jam descendit, ejusdemque conjecturam non destitui quidem ante laudata inscriptionis ac cælaturæ consonantia, lubenter fatetur, at cum Aurelianus, Tacitus, Florianus, Probus aliique Principes adhuc supersint, quorum nummi pari gaudeant similitudine, matrimonia singulorum diligentius exploranda putat, priusquam alicubi subsistere de-

Ecc

tur.

TAB. IX.

Fig. I.

Fig. II.

Fig. III.

tur. Aurelianum quod attinet, illum statim choro hoc excedere autumat, quoniam Severina uxor ipsius noscitur. Tacitum vero, testante Vopisco, uxorem suam gemmis uti passum non fuisse; alienam itaque ab eo prædicandam Urbicam, quæ in nummo N. 1. adpictæ margaritis ac pretiosis lapidibus onusta comparet. Florianum porro, duorum quippe mensium & præter Senatus auctoritatem Imperatorem, multo minus Urbicæ congruere. Deinde nec Probo eam vindicari oportere, cui longe alia ac diversissimi vultus femina in metallione gazophylacii Regii, N. 2. hic expresso, ad larus statuitur, ceu ipsemet Autor instituta oculari inspectione deprehendit. Restare igitur Carum, ejusque filios Carinum & Numerianum, Augustos omnes, e quibus Magniæ Urbicæ mantum deligere fas sit. Se quidem a primo momento, quo nummos sequioris ævi congerere coepit, conjugem ipsi adjudicasse Carum, tum quia nullibi memorent historici, uxorem Cari vita decessisse, antequam is Augusti fastigium ascenderit, tum quia nemo inficias eat, geminam illum sobolem e thalami consorte sustulisse. Ex adversa parte Carinum novem uxores duxisse ac rejecisse, pulsas plerisque prægnantibus; unde haud sublestum resulset indicium, nec satis temporis illum habuisse, ut unam eam Augustam declararet, neque etiam duos ex una liberos procreasse, animo ejus ad divortia adeo proclivi, quæ omnia ad Magniam Urbicam plane non quadrent. In Numeriano cessare equidem tot impedimenta, cessare tamen & argumenta probantia, matrimonii vinculum inter ipsum modoque dictam Augustam coaluisse. Quod si autem in ejus fratrisque locum substituatur Carus, utriusque genitor, tum plana omnia atque expedita reddi. Epigraphen namque in nummo Magniæ Urbicæ, *Venus Genetrix*; nec minus aliam, *Pudicitia Augusta*, in numismate maximi moduli, cuius hic N. 3. ætypum damus, prostantem, sese mutuo quasi respicere, egregieque asserto suo favere, siquidem duo parvuli, qui ad pedes Dææ Pudicitæ togati adsunt, pro Carino & Numeriano reputentur. Reliqua, quæ Nobilissimus Autor tam circa prænomen Magnia, quam circa nomen Urbica sollicitè conquisivit, B. L. majore cum voluptate ipsemet lustrare poterit, ut ita hic acquiescere nobis integrum credamus.

DIS-

TAB. IX. ad A. 1705.

Fig. I.



Fig. II.



Fig. IV.



Fig. V.



Fig. VI.



Fig. VII.



i. c.

DISSERTATIO DE NIGRINIANO, CUJUS Æ-
vum summa hætenus incertitudine laboravit, deque aliis
Principibus, quorum nummi Antiquarios
sollicitos tenent.

Parisijs, apud Petrum Cot, 1704, 8vo.

Constat 4 plag. tabulaque ænea.

Promissi sui in commentatiuncula de Magnia Urbica facti non immemor Doctissimus Dn. Genebrier, M. D. Nigrinianum in epistola hac, ad celeberrimi nominis Philologum Dn. Baudelotium de Darval conscripta, certiori quoque ætati asserere contendit. Occonis etenim vestigia sub Constantio eum collocantis, ac Sergii Consulis illo ipso tempore, quo Constans Magnentii insidiis perierit, collegam statuents, mento vitanda judicat, tum quia cælatura numismatum Nigriniani, sub N. IV ad oculum patens, & characteres KAA inibi expressi, tum quia Inscriptio DIVO NIGRINIANO, ac Consecratio in averfa facie adjecta, seculo Constantiniano conciliari haud possent. Tristani vero conjecturam existimantis, Nigrinianum Alexandro, qui in Africa tyrannus exitit, filium dari posse, inniti saltem testimonio Zosimi, qui Maxentium ab Alexandro filium ejus, jam adultum atque oris venustate inprimis commendabilem, fidei obsidem sibi depoposcisse narrat. Cum igitur historia nomen ejus taceat, descriptioni cæterum allatæ Nigrinianus in nummis satis congruat, occasionem inde suspicandi Tristano abortam, hunc ipsum forte Alexandrum parentem habuisse. Quantumvis autem speciosa videatur ista conclusio, nihil tamen in se ponderis continere Noster arbitratur, siquidem regula alibi a se tradita, quod eorum Principum numismata, quorum ætas in unum incidit tempus, tam quoad sculpturam atque epigrapham, tam quoad notulas circumstantes sibi simillima esse debeant, firmo talo consistat. Jam vero differentiam inter Alexandri & putativi filii ejus Nigriniani nummos adeo notabilem sese exferere, ut nulli ambiguum esse queat, quin longe dispare ævo ambo vixerint, Nigriniani que etiam moneta propter characteres KAA, ad decen-

Ecc 2

num

TAB. IX.
Fig. IV.

nium illud, quod Aurelianus, Tacitus, Florianus, Probus, Carus ejusque liberi fascibus suis nobilitarunt, utpote quo dictarum literarum usus invaluit, ableganda veniat. Indagaturus itaque Nobilissimus Autor, sub quo Principum illorum Nigrinianus ad regiminis partem adspirare potuerit, seculi istius gesta prolixè recenset, luceque meridiana fere clarius ostendit, inter Tyrannos seu qui tumultu concitato Augustale nomen involarunt, locum ipsi haud competere. Deinde anquiri, num filius aut consanguineis memoratorum Imperatorum annumerari possit, atque in Aureliani vita, varia scopo suo accommodata se reperisse autumat. Vopiscum filium sororis suæ ab eo interfectum perhibere: quidniis Nigrinianus fuerit, quem vel invidiæ emolliendæ causa, vel ob detestam ejus innocentiam, consecrari curavit Aurelianus? Nec quicquam porro obitare, quin filius ab ipso susceptus haberi queat, etiamsi Vopiscus de filio nihil plane dicat, imo filiam solam eum reliquisse testetur. Hujus namque silentium rem minime conficere, & si quam maxime concedatur, supersitem tantum fuisse Aureliano gnatam, annon & vivo parente filius decedere potuit? Provocat ideo non solum ad Suidam, qui sanguine uxoris filii sui manus polluisse Aurelianum affirmat, sed ad Acta etiam Martyrii S. Columbæ, quæ nuptiis filii hujus Imperatoris piissimam foeminam tentatam memorant, ut Soli aliisque Deastris sacrificaret. Quodsi ergo Aureliano, suffragantibus Scriptoribus, filium tribuere liceat, non improbable quoque reddi, eundem Nigriniani nomen ab uxore, Nigrinia forte dicta, mutuasse, ceu Domitianus a Domitia nomen accepit, quandoquidem Nigrinæ & Nigriniani nomina apud Romanos a longo jam tempore celebrata fuerint. Neque tamen opinioni huic mordicus inhaeret Nobilissimus Autor, sed pro ingenii sui felicitate, aliam suppeditat conjecturam ab exquisita similitudine, quæ inter Nigriniani nummos & Cari atque Numeriani consecrationem exhibentes intercedit, petitam. Nigrinianum scilicet Numerianum forte patrem agnovisse, cumque eo ab Apro interentum, a Carino vero, qui omnibus superstes visit, Diis adscriptum fuisse hariolans. Utri jam sententiæ adstipuleris, deprehendes sane, Nigrinianum nullo modo Constantini Africæ Tyranni familiæ aggregandum, sed ad Augustorum ætatem, quo-

rum

rum supra mentio facta, referendum fore. Jam ulterius pergit Noster, nimiaque credulitatis arguit, qui e Galerio Maximiano & Maximiano Juniore diversos sibi fingunt Augustos, multisque demonstrat, unum eundemque Principem sub dispare latere nomine, ipsissimum nempe, qui a Flavio Valerio Maximiano, cui Senioris interdum appellatio tam in nummis, quam in marmoribus tribuitur, in confortium Imperatoriae dignitatis adsumi meruit, nec inficiandum certe asserto ejus figuras N. V. VI. VII & VIII egregie favere. Quantum ad numismata verbis DN. CONSTANTII JUN. NOB. C. signata, quorum specimen N. IX prostat, non Constantio Constantini filio illa, sed Gallo fratri Juliani Apostatae vendicanda, cum Celeberrimo Harduino sentit, pluribusque argumentis hoc inventum deducit. Tantum de ipsa epistola. In praefamine autem objectionibus Dn. Henrionis, qui in confesso Academiae Inscriptionibus intentae, d. 14 Nov. 1704 problema ejus de Magnia Urbica Cari uxore operose refutaverat, abunde respondet, novas easque pereruditas suggerens rationes, quibus vinculi istius conjugalis probabilitas evinci possit.

TAB. IX.
Fig. V. VI.
VII. VIII.

Fig. IX.

DISSERTATION SUR LE JANUS &c.

h. c.

DISSERTATIO DE JANO ANTIQUORUM,
deque nummis eo pertinentibus.

Parisius, apud Petrum Cot, 1705, 8vo.

Plag. 3½.

SCopus hujus opusculi, Illustri Foucaultio, Marchioni de Magny, Regis Galliarum Consiliario Status atque in Inferiore Neustria Praefidi, a Dn. Gros de Boze nuncupati, eo tendit, ut, quicquid vel mythologia, vel historia, vel res denique nummaria de Jano notatu maxime dignum offert, id curiosis omne in nuce, quod ajunt, proponatur. Inter alia vero non injucunde disquiritur, num Jani templum Imperatorum gentilium more obferari jusserit Constantius Constantini filius, quoniam Ammianus Marcellinus tale, quid Histor. libr. XVI de ipso affirmet: *Concluso Jani templo, fratrique hostibus cunctis, Romam gestiebat visere.* Sed Auctori

Ecc 3

no-

nostro persuasum est, priora verba non in propria, sed tropica significatione accipi oportere, ut bellum penitus confectum, pacemque initam designent: siquidem & in honorem Ludovici XIV Franciæ Regis nummus missilis cum Jani templo fuerit cusus, addita inscriptione: *J'en ay la clef*; unde tamen paganisimum adhuc in Gallia vigere, nemo temere suspicabitur. Occasione autem Calendarum Januarii, quibus præcos olim Consules munia sua quotannis in æde Jani auspica:os fuisse constat, haud sibi satis exploratum monet, nunquid ejusmodi solennium Augusti etiam subsequentes, sub auspiciis regiminis sui peregerint? Licet enim Clarissimus Vaillantius hoc statuere videatur, propter nummum Pertinacis, in cujus aversa parte Janus bifrons cum lemmate, *Jano Conservatori*, apparet, attamen cum reliquorum Principum ne ullus simile sacrificium in nummis celebrari fecerit, proinde peculiarera ibi subesse rationem Noster existimat, eandemque e Julio Capitolino depromendam, utpote qui Pertinacem ipsis Calendis Januariis ad Reipublicæ clavum ascendisse refert. Quo admisso, sponte etiam sua inde fluere, Imperatorem ipsa Jano sacra die ad istud fastigium erectum, haud alii Numini convenientius, quam Jano, sui suarumque rerum conservationem publice commendare potuisse.

GEORGII WOLFFGANGI WEDELII INTRO-
ductio in Alchimiam.

Jenæ, sumptibus Johannis Bielkii, 1705, 4.

Constat 8 plag.

E Tiamsi exosa maxime Medicis sit, explosa vulgo, & male audiens communiter Alchimia, valet tamen & de ea illud Philosophi: Introite, etiam hic Dii sunt. Non negligenda enim est Ars Alchymistica, cum sit necessaria, licita, honesta, jucunda, utilis, & cautos nos reddat atque pios. Quæ cum perspexerit Illustri Wedelius, in Chimica arte nulli secundus, animum induxit, præsentem de Alchimia adornare Introductionem, selectioraque infimul ingenia ad hoc studium invitare, eademque excitare, ut communi vel divisa opera solvantur ænigmata, separentur inutilia, ex-

explorentur arcana, parcatur una inutilibus sumptibus; omniaque, Spiritus Sancti auspiciis, ad Divini nominis gloriam & humani generis commodum impendantur.

impossibilem equidem esse, arguunt quidam, specierum diversarum immutationem, seu naturam spectes, quæ eandem abhorret, seu artem, quæ non ultra naturam sapit; obscura esse, omnia, quæ scribant Alchimistæ, & hoc ipso recondi & oculi fraudes; dissona minimum tradi, absurdis & incognitis terminis ludi; processus si desideres, reperiri integra plaustra, in fine abire in fumum & cineres omnia; hinc contemptui & scommatibus vulgi sese exponere, & carceribus, tormentis aliisque gaudia concepta luerre, qui arti huic invigilent, existimant. Quanquam autem negari non possit, fraudes quandoque subesse, vel conceptas, vel illatas ab aliis; habet tamen fundamentum suum ars. Cum enim volatile possit figi ab igne, a miscela, a fixantibus aliis, immaturum maturari, digeri & exaltari, aurum vero hinc & argentum sulphure & mercurio puro, eoque fixissimo gaudeant; credibile est, nec pro absurdo habendum, idem reclusum, pansum, digestum & exaltatum posse corrigere & fixare metalla reliqua fermento seminali, ut centraliter inde digesta & exaltata, fixato alteratoque sulphure, & mercurio, immutari & converti in aurum possint, pollentia singula unctuositate intime obvolvante partes terreas lutosas & mercuriales. Cujus rei experimenta allegat Author Clarissimus, artemque olim ab Ægyptiis, Arabibus, Græcis & Romanis exercitam esse pronunciat. Artificibus interim commendat pietatem, lectionem & meditationem, singulorumque sedulam repetitionem, ac continuationem. Nolle enim eos oportet genium Scriptorum, obscurum, parabolicum, ænigmaticum; distinguere Authores, quos solos fere adire & audire datur; cognoscere naturam, ignem, ejusque regimen & administrandi modum, avaritiam odisse & tacitos esse. Peculiaris est & ab omnibus aliis diversus modus tradendi & scribendi Alchimistarum, quod partim antiquitatem sapit sapientiæ Veterum mythologicæ, partim secretam artem, quam velut studio magis involvere & obvelare quam detegere ac docere voluerunt. Hinc modo per signa, modo per characteres, modo per numeros, modo per figuras, modo per colores,

res, modo per nomina nova rem explicuerunt. Quoad materiam universalem, in partes abiere Alchimistæ, & quot capita, tot sensus, quot nomina, tot res in experimenta vocatæ fuere, ut nihil fere tam absurdum sub Sole videatur, quod non in censum venerit. Sic alii in elementis eandem indagarunt, ut in terra, tam pura, Virginea, Adamica, quam in uliginosis nigro-rubentibus pratorum & fossarum cespitibus; item in aqua, rore, pruina, quinimo & in aere. Verum hæc materia non nisi remotissima est, hinc alii ad tria naturæ regna animum applicuerunt, ex vegetabili tartarum e.g. seligendo, ex animali urinam, sterces, semen humanum, & salivam præparando, ex minerali vitriolum, sal commune, nitrum, sal ammoniacum, arsenicum, cinnabarium, Saturni mineram tractando. Plerisque tamen argentum vivum & antimonium arrisit. Est enim mercurius metallum quasi indifferens fluidum, volatile quidem adhuc, sed fixandum facile, cum auro symbolizat pondere & substantia, & pollet sulphure occulto. Sic antimonium duo continet metallorum elementa, sulphur & mercurium, finit aurum privative & positive, solvit idem blandissime, ac intime, dealbat & calcinat. Non autem absolvitur tinctura uno solo ingrediente, sed minimum duobus, quod maris & foemine symbolo innuere voluerunt, nec abnuerunt tamen tertium, sed velut spirituales amorem vocando magis quam corporalem. Utut vero plurimi unum fere ac solum aurum eligant & intendant, tanquam nobilius ac instar omnium; non pauci tamen ob fixitatem & communes cum auro dotes, etiam argentum in hunc censum vocant, ut hinc tinctura duplex detur ad rubrum & ad album. Usus quod concernit Lapidis Philosophorum, adhiberi hic dicitur (1.) ad metalla ignobiliora tingenda in perfectiora, (2.) ad roboranda viscera, spiritum vitalem, & tollendos morbos, chronicos præsertim, alioquin per naturam curabiles, (3.) ad gemmas artificiales, (4.) ad vitrum malleabile reddendum, (5.) ad dignoscendam DEI Opt. Max. admirandam sapientiam, vel sola cognitione contento animo, (6.) ad vitam producendam. Tacemus pietatem, eleemosynas & alia. Sed nec desunt, qui Alchimia abutuntur; siquidem dantur, qui ex professo negant, Lapidem Philosophorum auri materialis conficiendi esse medium & medicinam,

arbitrantes, totum illud opus non esse nisi avaritiæ vel persuasio-
nis vanæ prætextum, indeque nata figmenta; moraliter potius in-
telligendos esse Philosophos, sive primam & ultimam causam scruta-
tos, alios materiam, alios generationem & corruptionem, mor-
tem ipsam, alios non nisi Deum Optimam Maximum; singulos
hoc vel illud velut lapidem seu terminum, atque principium, in
quo omnis cogitatio acquiescat, ac figatur, posuisse. Scorsum ul-
terius Christiani progressi, ad divina & sacra applicavere hoc ipsum,
ita ut alii artem penitus negaverint, alii affirmarint quidem, sed
eandem ad universa quasi religionis arcana traxerint. Imo alii
tria principia chimica materialia ad S. S. Trinitatis mysterium perquam
absurde & tantum non impie applicarunt. Alii ipsam Scripturam S.
huc detorquent, & maxime Canticum Salomonis, Apocalypsin &c.
unde materiam & colorem & nihil non arcessunt, ne dicam uni-
versam Salvatoris nostri passionem, mortem, resurrectionem, ad-
scensum ad coelos, & reliqua huc trahi. Tangendus denique &
ille est abusus, ne fallatur, vel spem vanam sibi quis concipiat,
fraudentia quacunq; inductus, multo minus malitia & pravita-
te adulterandi aurum & argentum.

ANTIQUITATES WALCKENREDENSIS,

oder

**Historische Beschreibung der Kaiserlichen Freyen
Reichs-Abten Walckenried/ıc.**

Seu

DESCRIPTIO HISTORICA LIBERÆ IMPERIALIS

*Abbatia Walckenredensis, Ordinis Cisterciensis, qua celebratissima
quondam fuit. Auctore JOHANNE GEORGIO*

LEUCKFELD, Pastore Primario

Groningensi.

Lipfiz & Nordhufz, apud Carolum Christianum Neuenhahn,

1705, in 4to.

Constat Alphab. 4. plag. 9.

Percelebris olim fuit Abbatia Walckenredensis, dignaque adeo
in qua describenda non unus Autorum desudaverit. Primus

Fff

Jo-

Johannes Letznerus, editis plurimum cœnobiorum historiis satis notus, sed nimium credulus auctor, antiquitates Walckenredenses collegerat, cui labori cum esset immortalis, incidit in ejus schedas Johannes Eckstœrmius, & ex illis *Chronicon Walckenredense*, immutato paulum, quem Letznerus secutus fuerat, ordine chronologico, Latine composuit ediditque Helmstadii, A. 1617, in 4. Enimvero Johannes Henricus Hoffmannus, diligentissimus apud Cellenses Archivarius, perlustrato opere Eckstœrmiano, & collatis nonnullis manuscriptis rarioribus, & plurima latuisse Eckstœrmium, nec pauca ab eo incerta fide relata reperit, quod iustis ad eam historiam subsidii omnino fuisset defuturus. Quamobrem ipse *Rerum sive Antiquitatum Walckenredensium libros X* consignare instituit, quorum tamen non nisi tres priores absolutos in schedis reliquit. Quantum demum Clarissimus Leuckfeldius hic præstiterit, qui & Hoffmannianis illis reliquiis diligenter usus est, & varii generis monumentis aliis ac scientia rerum monasticarum Germaniæ instructissimus, ad consignandas has *Antiquitates Walckenredenses* accessit, facile judicare poterunt, qui eas vel leviter inspexerint. Nos, cum prolixum nimis foret, singulorum capitum iusto ordine dispositorum lemmata huc transcribere, præmissis tantum nonnullis de institutione Abbatiae, speciminis loco de jure Advocatiæ in eandem, c. P. II, C. 2 quædam memorabimus, collatis etiam iis, quæ huc c. P. I, C. 18 & 22 pertinere videbuntur.

Nimirum Abbatia Walckenredensis in pago Saxoniae Inferioris Zurrigau, qui Thuringiae proximus est, sita, nomen quidem villæ cuidam Gertrudæ Nordheimensis Comitissæ, quæ eodem in loco fuisse quondam memoratur, institutionem autem Adelheidi Comitissæ de Clettenburg debet, quæ Cisterciensibus, paulo post Ordinis institutionem, A. 1127 sedem illic concessit, & sumtus liberaliter suppeditavit, horrendis quidem imprecationibus in eos, qui male illis usi fuerint, effusus. Hinc tamen non neget Auctor, in ea Abbatia non minus atque in reliquis Cisterciensium monasteriis, supremum Advocatiæ jus solis Imperatoribus & Imperio fuisse proprium, quorum privilegia Walckenredensibus concessa, recitat P. I, C. 18, illos tamen probat Advocatiæ inferiorem Comitibus primum Clettenbergensibus, & eorum stirpe A. 1269 def-

cen-

ciente, Hohnsteinii, ad quos & eorum ditio pervenit, demandasse. Et licet, mortuo A. 1323 Abbate Johanne, ab Hohnsteiniorum, quippe excommunicatorum, Advocatia sese quodammodo subtraxerint Walckenredenses, impetrato eodem anno ab Imperatore Ludovico privilegio de eligendo novo Advocato, eledisque postea Comitibus de Werningerode, jus tamen ipsum tantum abest ut penitus amiserint Hohnsteinii, ut potius integrum retinuerint. Id quod vel ex eo liquet, quod, cum tempore reformationis Carolus V A. 1551 supremam tutelam monasterii in se suscepisset, Hohnsteinio deinde Comiti Ernesto imperatum fuerit edicto Ferdinandi Regis, ut pro eo, quod ipsi incumbat, inferioris Advocatiæ munere, curaret diligenter, ne quid in ea Abbatia detrimenti paterentur sacra Pontificia: ut taceamus, Ernesti hujus filius, Solerini postea formula, A. 1557 jus illud ab eodem Ferdinando fuisse confirmatum. Interim inficiandum non est, Fridericum III Imperatorem, publico decreto A. 1457 lato, Ducibus Saxoniae & Landgravibus Thuringiae universis injunxisse, ut tutelam Walckenredensis Abbatiae sui & Imperii nomine in se susciperent. Proinde cum, ob res novas ab Abbate Joanne Holtegelio (is enim primus A. 1543 Protestantium sacra in monasterium introduxit, quæ deinde A. 1546 cura Johannis Spangenbergii firmata & stabilita sunt,) susceptas, inter ipsum & Ernestum Hohnsteinium haud satis conveniret, Mauritius Dux Saxoniae, postea Elector, ut ea occasione in stabilimentum juris sui uteretur, unum atque alterum A. 1546 ad Abbatem delegabat, qui denunciarent, Ducem cornobium, in quod vetus ipsi jus esset, occupare, & Pontificios abusus abrogare constituisse; quod cum prolixis sed modestis litteris deprecatus esset Holtegelius, mox Dresdam, & cum eo venire variis de causis recusasset, Lipsiam vocatus est, quo in loco de monasterii rebus cum Mauritio egit. Hinc etsi Abbas ipse Mauritio clam faveret, eidemque quotannis pullos equinos duos in recognitionem, juris tutelaræ mitteret, Ernestus tamen suæ domui, tum jure territoriali, tum hæreditario, Abbatiam Walckenredensem, si monachos in ea deficere contingat, competere scriptis assererat, quæ monachi ipsi suo calculo approbabant. Magis de tuendo hoc jure, mortuo postea A. 1551 Ernesto, qui Pontificiis perquam deditus

erat, filii ejus quatuor laborabant, & ne Abbas equos illos ad Mauritium deinceps transmitteret, serio prohibebant. Unde cum aliquoties Mauritius, frustra tamen, illos postulasset, demum A. 1553 in expeditione adversus Albertum Marchionem Brandenburgicum occupatus, pernoctansque in eo cœnobio, ita compellasse Abbatem dicitur: *Qui sit, Domine, quod equos nobis non mittis?* (Herr! wie kömmts/ daß ihr uns die Fohlen nicht schicket?) cumque is respondisset, *Domine Clementissime, quod factum hactenus non est, fiet deinceps,* (Gnädigster Herr/ was nicht geschehen ist/ soll noch geschehen/) subjecisse, *bene facis, ita enim erimus amici,* (da recht/ so bleiben wir Freunde.) Postquam in eadem expeditione occubuisse Mauritius, juris sui armis prosequendi occasionem nactus deinde est successor ejus Augustus, eo quod novus Abbas Jacobus Marsilius cum Hohnsteinii Comitibus in præjudicium monachorum fuisset pactus A. 1564. Quamvis enim pactum illud confirmasset Maximilianus II Imperator, attamen Monachi ad Augustum se contulerunt, qui mox anno sequenti, militum manum, ductu Henrici de Saltze, in monasterium immisit, & jam dilapso Marsilio, alium Abbatem Wolfgangum Langium, eligi a monachis curavit. Delata inde ad Cæsarem querela, ita demum Dresdæ A. 1568 conventum est, ut Abbacia Walckenredensis, præter Comites Hohnsteinios, superiores etiam tutelares Electores Saxoniz haberet, iisdemque, loco equorum antea transmissorum, trecentos florenos annuos exhiberet, & præterea quartum quemque, puerum scholæ Walckenredensi, quæ tum florere cœperat, ab illis commendatum suis sumptibus aleret. Verum, ut verbis in pariete quodam ejus monasterii conspicuis utamur, *A. 1574 juxta tutelare permutatione a Domo Saxonica devolutum, est ad Reverendissimum & Illustrissimum Principem Henricum, Julium postulatam Episcopum Halberstadensem, D. Brunsvic. & Lunenburg. Qui etiam A. 1592, Comite Hohnsteinio ultimo vita, functo, Comitatum sui juris fecit, & Administrator hujus monasterii a Cœnobitis est electus & declaratus.* Henrico Julio mortuo, Fridericus Ulricus, ac deinde Christianus Ludovicus, Duces Brunsvicenses, atque post hujus obitum Georgius Wilhelmus, constituto A. 1665 inter ipsum & Johannem Fridericum fratrem

paſto, Abbatiam tenere. At cum, Brunſuico A. 1672 capto, nova inter Duces Brunſuicenſes paſtione, Dannenbergendiſ Comitat-
tus Cellenſi ſtirpi tranſcriberetur, viciffim Walckenredendiſ cœno-
bium ad Celſiſſimos Duces Brunſuico-Guelferbutanos, Rudol-
phum Auguſtum & Antonium Ulricum pervenit. Et hæc qui-
dem hætenus. Cæterum Auctoꝝ ſingularem ubique rerum Ger-
manicarum ſcientiam prodens, & ſingulis fere capitibus univerſa-
lioꝝ quasdam obſervationes præmiſit, & ubi ocaſio, de pluribus
aliis Germaniæ monaſteriis erudite diſſeruit. Sic e. g. P. I, C. 3
de Cisterciendiſ institutione, C. 5 de monaſteriorum origine, C. 6
de monaſteriis Portæ Mariæ & Sichenenſi, quæ a Walckenre-
denſi derivantur, C. 7 de dedicationibus templorum, C. 13 tum ge-
neratim de monaſteriorum, tum ſpeciatiꝝ de Walckenredendiſ
Fraternitatibus, C. 14 de reliquiarum veneratione, & obiter de re-
liquiis, Aquis aſſervatis, C. 16 de anniverſariis a monachis paſſim
celebrari ſolitis, C. 22 de uſu & neceſſitate reformationis; P. II, C. 1
de origine advocatiæ monaſteriorum, C. 3 de officio ac dignitate Ab-
batis, C. 7 de officio Prioris accurate egit. Denum Latina quæ-
dam ſupplementa e manuſcriptis & impreſſis libris rarioribus adje-
cit. Illud tamen & monendum, Auctoꝝ poſt recensitos ſcho-
læ Walckenredendiſ Rectoꝝ atque Conrectoꝝ, de pluribus viris
eruditis, qui ex ea prodiere, agere conſtituiſſe, quod tamen conſi-
lium, ne in nimiam molem liber excreſceret, mutavit. Optan-
dum autem, ut & quæ de his collegit, & quæ alia de monaſteriis
Germaniæ prelo parata habet, ex inſtructiſſima penû propediem
promat.

ANNALES ORDINIS S. BENEDICTI AUCTORE

*Domno JOHANNE MABILLON, Preſbytero & Mo-
nacho ejusdem Ordinis & Congregatione S. Mauri.*

Tomus primus & ſecundus.

Lutetiæ Pariſiorum, apud Carolum Robuſtel, 1703 & 1704, in fol.

Constant Alph. 18.

Post editam in lucem Hiſtoriam Actorum Ordinis Benedictini
Sanctorum, quorum Seculum ſextum, quod eſt a nato Chriſto

Fff 3

un-

undecimum, in his Eruditorum Actis A. 1703 pag. 463 recensuimus, Benedictinos nunc Annales multo studio, & dexteritate non minori, Clarissimus Mabillonius composuit, inque iis res monasticas; inde ab ortu S. P. Benedicti ad nostram usque ætatem, per secula amplius undecim in Occidente gestas, latius excussit, amplumque adeo illorum temporum Ecclesiasticæ Historiæ spatium feliciter, emensus est. Labore autem improbo heic opus cum primis fuisse, haud inficiabitur, qui differenti in præfatione Mabillonio attenderit, quippe in qua de antiquissimorum monumentorum defectu admodum conqueritur, cum Majores sui Ordinis facere optima, quam scribere, magis soliti, de Historia adornanda digerendisque Annalibus parum cogitaverint, quippe quibus prima cura fuerit de moribus formandis, & ad regulæ ipsis familiaris normam componendis, post quam illustrium quorundam sanctitate Virorum præclara facta in literas referre, inque exemplum aliis proponere ipsis visum fuerit. Non defuisse tamen plane notat, primis etiam illis seculis, historiarum Scriptores, (quanquam hi illustrandæ potius patriæ suæ aut domesticæ historiæ, quam monasticæ, in scripta redigendæ operam impenderint, sive, quod difficile esset per illa tempora literarum commercium, sive quod disjuncta essent a se invicem monasteria, nulla fere societate confœderata;) in qua classe extiterint apud Italos *Paulus Warnefridi & Erkempertus*; apud Gallos *Aimoinus, Glaber-Rodulfus, Hugo Flaviniacensis, Ordericus Vitalis*, multique alii, ex Anglis *Venerabilis Beda, Ingulfus, Guilielmus Malmesburiensis, Matthæus* uterque, *Westmonasteriensis & Parisius*, alique magno numero historici. nec pauciores apud Germanos, in quibus *Lambertus Schafnaburgensis* sit præcipuus, qui omnes patriis suis historiis, si quæ in monasteriis Benedictinis commemoratu digna ipsis occurrerent, inferere non omiserint. His adjungit *Reginonem Prumiensem, Hermannum Contraëum, Marianum Scotum, Sigebertum*; qui generalis Historiæ indices potius scribentes, quam Annales, de rebus quoque monasticis quasdam retulerint particulas. Primum e Benedictinis, quod quidem sciat, librum de Viris illustribus sui Ordinis scribere aggressum esse sub finem seculi quarti-decimi observat *Raymundum de Rialaco*, monachum Conchensem apud Ruthenos, qui librum suum in-

qua-

quatuor partes distribuerit, in quarum prima agat de summis Pontificibus Ordinis monastici, in secunda de sanctis Martyribus, in tertia de Episcopis, in quarta denique de Abbatibus & Monachis, uti legatur in codice Lirinenſi, in quo hic liber habeatur. Ante eum tamen *Petrus Casinensem* libros duos, unum de viris illustribus, alterum de sanctis ac justis Casinensibus conscripsisse refert, & neutrum vidisse ait *Johannem Trithemium*, qui primus hoc de argumento scripsisse haecenus creditus sit. His accessisse monet Martyrologiorum monasticorum Scriptores, quos inter primas teneat *Guillelmus*, Abbas S. Pauli in Urbe, patria Cadurcensis, qui A. 1372 Calendarium omnium sanctorum monachorum, nec dum editum, composuerit; pra quo longe notiozem vocat *Arnoldum Wion* Belgam, qui sequaces postmodum habuerit *Hugonem Menardum* e Gallis, e Germanis *Gabrielem Bucelinum*, & *Egidium Cranbeck*, qui Calendarium itidem Benedictinum quatuor tomis cum aeneis figuris non ita pridem vulgaverit. Paulo minus prolixum appellat Martyrologium *Thomae Maibeau* Angli, qui Trophaea Benedictino-Anglicana tribus in voluminibus suspenderit, iisque quartum de Scriptoribus adjecerit. Multum quoque ad historiam Benedictinam contulisse fatetur ejusdem nationis *Clementem Reinerum*, qui insignem librum, Apostolatam Benedictinorum in Anglia nuncupatum, ediderit. Tandem vero sub initia praecedentis seculi, *Anthonium Tepeſium* Hispanum, Vallisoletanum Abbatem, quod nemo ante eum tentaverit, generale totius Benedictinae historiae Chronicon scribendum suscepisse innuit, virum sane doctrina & eruditione ad id perficiendum non mediocriter instructum, qui istud ad sex, ut vocet ipse, centurias perduxerit, inque seculo duodecimo substituerit. Verum quia non satis amplas ad prolixum opus istud suppetias in promptu habuerit, ac praeter Baronii Annales, vitasque sanctorum quorundam, & Hispaniae monasteriorum tabularia, caetera fere ipsi defuerint, historiam suam omni ex parte absolutam ipsum reddere non potuisse, addit, ac veretur, ut quid elimatius ac solidius elucubrare potuerit *Constantius Cajetanus*, qui in Commentario ad vitam Gelasii II profiteatur, se habere pra manibus Annales Benedictinos, quos propediem sit editurus. Defectum ergo illum passim adhuc obvium

vium cumprehenderent primarii Congregationis S. Mauri Præpositi, delectos e suis studiosos fratres ad colligenda Benedictinæ historiæ monimenta designasse memorat, qui perlustratis tum Galliarum, tum aliarum regionum bibliothecis & archivis, copiosam inde suppellectilem retulerint, e qua ante omnia Sanctorum Benedictinorum Acta primigenia, tanquam præcipuum historiæ hujus fundamentum, in unum corpus redacta, & in lucem emissa sint, cum *Aeberii* Spicilegio tomis tredecim. His magna ex parte vulgatis, *Ludovicum Butellum*, postquam monasticæ historiæ Orientalis specimen edidisset, Occidentalem itidem, id est, Benedictinam, Gallico idiomate ab origine pertractare aggressum esse meminit, at primis duobus voluminibus, quæ quatuor seculorum facta contineant, in lucem emissis, dum sequentium temporum historiæ prosequeretur, subita morte correptum, opus imperfectum cum reliquisse dolet.

His interim aliisque quibusdam subsidiis instructum se arduum hoc negotium auspiciatum esse affirmat, & Annales hos in libros secundum annorum, quoad licuit, seriem distinxit, quandoquidem hanc factorum in suas classes distributionem magis historice methodo convenire autumavit, quam continuam cujuslibet vel Monasterii vel Sancti historiæ. Cæterum ad omnes haud descendit minutias, nec proinde integras cujusque monasterii, exceptis quibusdam illustrioribus, historias perscripsit, nec singulorum abbatum, virorumque illustrium, vel prioratum, nec omnium denique sacrarum cujusque loci reliquiarum indices contexere sibi proposuit. Videas e contra amplissimam ipsi materiam suppeditatam, non a florenti modo Ordinis statu, verum etiam a prolapsionibus ipsius, uti & mirificis subinde renovationibus, quas longo ordine recenset, & alia subinde admiscet, quæ Lectoribus vel ob jucundam varietatem non poterunt non gratissima accidere. Nos in gustum aliqua hinc decerpemus, & quæ vel ad monasteriorum diversorum historias, vel ad sanctorum, virorumque ac formarum alias illustrium, vitam & res gestas, vel ad antiquos ritus atque consuetudines, vel ad classes ejusmodi alias referri merebuntur, specimina digito indice commonstrabimus.

In Tomo itaque primo, qui libros complectitur octodecim, & ab ortu S. Benedicti, ad annum usque Christi septingentesimum

per-

pergit, monasteriorum tot historiam texit, quot referre instituti certe nostri haud est. Provocamus modo ad ea, quæ de *Lirinenſi*, ſeculo quinto incunte condito, p. 13, de *Aganenſi* p. 29, de monaſterio *S. Germani Autiſodoreniſi* p. 46, de *Casinenſi* p. 55, & paſſim alias; de *Terracinenſi* p. 64, de *S. Maximini Trevireniſi* p. 153, de *S. Marcelli monaſterio Cabilonenſi* p. 173, de *S. Radegundis parthenone Pictavenſi S. Crucis* p. 192, deque ejuſdem monaſterio *Virorum* p. 200, de monaſterio *Luxoviendiſi* p. 211, *Westmonaſterienſi* p. 285, de *Baſilica S. Dionyſii* p. 340, de *S. Juliani monaſterio Autiſodoreniſi* p. 366, de *Floriacenſi* p. 380, de *Corbejenſi* p. 444 (plura ut taceamus) ex hiſtoria antiqua diſſerit. E numero perſonarum ſanctitatis aut doctrinæ cauſa illuſtrium, aut quovis alio ex capite celebratorum, primas fere tenet triga Virorum undiquaque decantatiſſimorum, ſanctus puta *Benedictus*, cujus vitæ delineatio per libros quinque priores ſe diſſundit, ſanctus deinde *Maurus*, &, qui ex temporum ordine poſtremus eſt, *Gregorius Magnus*, cujus ſcripta quoque prolixius recenſentur, ejuſque miſſio Auguſtini in Angliam argumentis non unis p. 241 aſſeritur. Præter hos ex innumeris fere nominamus *Clarum* atque *Maximum*, *S. Martini* diſcipulos; *S. Lupum*, qui poſtea Trecenſis fuit Epiſcopus, ejuſque fratrem germanum, *Vincentium*; *Casarium*, Epiſcopum Arelatenſem; *Augendum*, Condatiſcenſium Abbatem; *Fulgentium*, Epiſcopum Ruſpenſem; *Dionyſium Exiguum*, cujus cyclus examinatur; *S. Remigium*; *Turibium* monachum, quem ab Epiſcopo diſtinguendum ſtatuit; *S. Emilianum*; *Sylverium* Papam, monaſtica veſte indutum; *S. Albinum*, Epiſcopum Andegavenſem; *S. Placidum* martyrem; *S. Germanum Capuanum*; *S. Germanum*, Epiſcopum Pariſienſem; *Chlotarium*, cujus obitus imprimis & ſepultura in *S. Medardi baſilica* reſertur, p. 146; *Nicetium*, Epiſcopum Trevirenſem; *S. Radegundem*, ex Regina monacham Pictavenſem parthenonis *S. Crucis*; *Guntchramnum* Regem, qui utrum factus fuerit monachus, in dubio relinquitur, p. 227; *S. Columbanum*, Abbatem Luxoviendiſem; *Hildeſonſum Toletanum*, quem velut inſignem virginittatis Mariæ patronum Autor introducit, p. 458; *Fruſtuſum*, Abbatem Complutenſem, *S. Audoenum*, &c. Ad conſuetudines antiquas &

Ggg ri-

ritus olim receptos referimus, quæ narrat de monachis in Clericos & Laicos jam olim distingui solitis p. 18; de negato sæminis in basilicas monasticas aditu p. 86; de genere pœnitentiæ ab Episcopis & Presbyteris non raro ob crimina graviora, & maxime ob homicidium impositæ, dum in partibus Franciæ interioris mos inoleverit, ut quisquis propinquum suum gladio peremisset, & postea pœnitentia ductus ad Pontificem crimen admissi facinoris detulisset, hanc modo pœnam luere necessum habuerit, ut isto decernente, ex ejus gladio ferrei nexus componerentur, & collum, homicidæ, venter atque brachia constingerentur ex istis ferreis vinculis, sicque is ex patria pulsus peregrinaretur Romam, ac per diversa Sanctorum loca, usque dum divino nutu vincula illa resolverentur, p. 87; de Eucharistia monacho insepulto a S. Benedicto missa, p. 89; de S. Benedicto, num moribundus sub utraque specie communicaverit, p. 114; de precum exauditione e pannorum ad sepulchra sanctorum deferri solitorum pondere colligi solita, scilicet immisso sepulchris palliolo seu panno prius ad stateram appenso, orantes jejuni vigiliis ibidem aliquot agebant, & post voti sui compotes se futuros credebant, si pannum inde pondere graviores efferrent, p. 145. De Abbatum & Abbatissarum ordinatione solenni, tempore Gregorii M. jam tum recepta, agit p. 254; de tonsura, insigni monasticæ professionis, & nonnisi jacto tirocinio collata, p. 259; de monasteriis virginum in provincia Bætica, monachorum administratione & præsidio gubernatis, p. 314; de Advocatis monasteriorum institui coeptis circa A. 644, p. 390; de juramentis ad reliquias Sanctorum factis, p. 453, & quæ istius generis plura sunt. Jactata quibus volupe est cognoscere miracula, largam eorum segetem in Benedicti imprimis vita reperient, suscitatosque ibidem defunctos, demonem alapa inflicta fugatum, & quæ sunt alia, deprehendent. Quod Chlodoveus, ob raptum S. Dionysii brachium, mente privatus fuerit, in dubio relinquere videtur, p. 423 seq. ast antea p. 418 eundem impinem, anno regni sui quartodecimo, cum Gallia gravissima fame laboraret, absidem super ejusdem Dionysii sepulcrum a Dagoberto erectam, & puro testam argento spoliari, istudque spoliū per Aigulsum monasterii abbatem, egentibus ac peregrinis distribui jussisse, observat. Mirum est, quod p. 555 perhibet.

de Fratre quodam monacho ministrante, cui nomen Cædmonis, qui, tametsi poeticam nunquam didicisset, carmina tamen religioni ac pietati apta, ex tempore Anglica lingua pangere, ac perite canere noverit, nihil unquam frivoli aut profani componere solitus, sed ea tantum, quæ ad religionem pertinerent. Curiosus forte haud displicebunt, quæ p. 549 in medium affert de picturis quibusdam veteribus, Petrum tres claves manibus gestantem referentibus, circa quas conjecturas suas eo tendere affirmat, quod illæ forsân originem traxerint e cœlesti civitate Jerusalem, in visione Ezechieli & Johanni ostensa, quæ in quadro posita ex parte qualibet tres portas habuerit, Ezech. XLVIII, 31 seq. Apoc. XXI, 13. Quamquam & compendiosius dici possê admittat, tribus illis clavibus significari cœlum, purgatorium & ecclesiam militantem, aut certe tres orbis partes tunc notas, in quas Petri se extendat autoritas.

Hæc ex Tomo primo allegare visum fuit. Secundus res gestas ab A. C. 701 ad annum usque 849 complectitur, & methodo prorsus eadem, quam in antecedenti observare placuerat, res ejusmodi notatu dignas, quales hætenus commemoravimus, ab oblivione vindicat. Quinque tamen præ cæteris majori observatione digna Autor ipse judicat: conversionem nimirum Germanorum & Septentrionalium populorum ad Christianam fidem per Benedictinos promotam, itemque vitæ monasticæ in illis plagis propagationem; scholarum deinde publicarum, cum iisdem in locis, tum in aliis, institutionem, ex qua literarum & sacræ doctrinæ traditio, quoad illa quidem tempora tulerint, ad posteros promanavit; tum instaurationem sacri monasterii Casinensis, curatam per Petronacem Abbatem & Casinates monachos, qui post ejus eversionem a Longobardis factam, Romæ in patriarchio Lateranensi confederint; primam porro monasteriorum Ordinis S. Benedicti ad primigenias leges reformationem; ac catholicorum denique, ceu vocat, dogmatum defensionem, a Benedictinis susceptam & peractam. Magnam insuper per illa tempora de cultu imaginum apud Orientales disceptatio cum fuerit, latius de eadem hinc inde differit, ac Johannem Damascenum, Platonem, Theodorum Studitam, aliosque, exilia, carceres, variaque tormentorum genera pro eo pertulisse refert. Et cum hæc controversia in Gallicanas

quoque partes prophanarum, autore imprimis Claudio, Taurinensi Episcopo, qui cultum istum impugnare & profligare annis sit, Pipini, Caroli M. & Ludovici Pii, Regum, cura atque studio effectum dicit, ut ne latius hoc malum serperet; unde calamo tantum & stylo in secus sentientes actum fuerit, viam reliquis aperiente Theodemiro Abbate, tum Dungalo Recluso, quibus Jonas Aurelianensis Episcopus, & Walefridus Strabo Augiensis Abbas accesserint. De his vero viris illustribus, itemque de Paschasio Radberto, Lupo Ferrariensi Servati aliquando cognomine insignito, Rabano Mauro, Wandalberto, Ulfuardo, Adone, Notkero, Haimone Halberstadiensi episcopo, Ratramno, aliisque singularia & jucunda plurima commentatur.

Uterque Tomus appendices peculiare nactus est, & primus quidem duplicem, quarum prior *Apologiam* exhibet antiquae traditionis, quae ab ipsis Ordinis Benedictini incunabulis, ad hæc usque tempora, inviolate deducta perhibetur, quod nimirum S. Maurus a Benedicto in Gallias missus fuerit. Hanc apologiam studiose composuit Theodoricus Ruinartus, de qua A. 1703, p. 438 diximus, eidemque subjuncta est Dissertatio de Gregorii M. Monastico instituto. Altera appendix varia exhibet monumenta, nondum hæcenus edita, probationi tamen enarratorum in ipso Tomo multum servientia, quæ maximam partem accepta referri debere dicit Claudio Stephanotio, Romæ nuper mortuo, dum Procuratoris officio pro Congregatione S. Mauri illic fungeretur, quippe qui multa Collectaneorum volumina, tum ex Gallicanis Bibliothecis & Archivis, tum ex Italicis congerisset. Secundi Tomi appendix monumenta ejusdem generis, diplomata & alia his similia exhibet, inter quæ sub num. 56 excerpta apparent ex epistola Joannis Schilteri, Jurisconsulti Argentoratensis, de situ loci Campi mendacii.

Nec illud prætereundum autumamus, nonnullas etiam picturas, quæ quid momenti continent, æri incisas in hoc opere exhiberi, quas inter duæ imprimis eminent, Monasterii Casinensis prospectum conspectumque representantes, & post pag. 56 Tom. II insertæ. Quemadmodum de cætero peculiare de *Scriptoribus Benedictinis* opus pollicetur Autor solertissimus, in quo singulorum recensere opera, & a genuinis dubia ac spuria secernere

in-

instituit; sic duobus hisce Tomis duos alios, qui jam typis parati sunt, quamprimum successuros spondet, in quibus ad seculum usque duodecimum perductam haberi Historiam Benedictinam innuit.

CAUSA QUESNELLIANA.

Sive

MOTIVUM JURIS PRO PROCURATORE CURIAE Ecclesiasticae Mechliniensis contra P. PASCHASIUM QUESNEL &c.

Bruxellis, 1704. 4. Constat 2 Alph. & 13 plag.

Multis ab annis celebre est *Paschasis Quesnelli*, Presbyteri Oratorii Berulliani, nomen, quod cumprimis operibus Leonis M. editis, & convictu ac familiaritate cum Antonio Arnaldo summa illustravit. Hunc eadem, quæ Gabrielem Gerberonium, de quo proximo Junii mense p. 242 sqq. diximus, mansere fata. Cum enim alterum ejus cohortis, quam Jansenianam vocant, caput haberetur, multisque ab annis in Belgio, præsertim Bruxellis latitasset, jussu Archiepiscopi Mechliniensis captus, publiceque a Procuratore Curiae Ecclesiasticae accusatus, cumque effraeto carcere abiisset, die decimo Novembris A. 1704 lata ab Archiepiscopo censura damnatus est, velut Jansenismi convictus, & excommunicationem commeritus. Ut hujus sententiæ causas nemo ignoraret, jussit eas Archiepiscopus hoc libro in lucem proferri, addito ingenti probationum numero.

Procurator in Præfatione de turbis hætenus in Belgio per varios libellos contra Episcopos excitatis conqueritur: ubi inter alia narrat, Petrum van Hamme, Presbyterum Congregationis Oratorii, ob disseminata talia scripta, ab Archiepiscopo Mechliniensi die 29 Octob. A. 1701 condemnatum; Gerberonium, Quesnellum, & Arnoldum Josephum Brigodæum, quem Quesnelli Secretarium vocant, die 30 Maji A. 1703 Bruxellis captos; & hunc quidem, postquam crimen falsus esset ac deprecatus, dimissum fuisse, præterea Nicol. Blanckart, Presbyterum Ordinis Begardorum, ejusdem fabulæ socium, Jansenismi causa damnatum esse, atque palin-

Ggg 3

odi-

odiam die 3 Julii A. 1704 cecinisse, Quesnellum vero, nocte inter 12 & 13 Septembris A. 1703, effracto carcere aufugisse.

Sequitur Archiepiscopi Edictum citatorium, quo jubetur Quesnellus ad XXIX articulos respondere, die 13 Februar. A. 1704 publicatum. Atque in articulorum illorum probatione, per universum volumen Auctor se diffundit. *Primum* accusationis caput Quesnello exprobrat, quod, postquam jussu Superiorum Oratorii Berulliani, formulam Jansenianæ condemnationis subscriptione sui nominis approbare renuisset, e Gallia in Belgium aufugerit, ibique sub laica veste delituerit; quam in rem Acta Comitiarum Oratorii, Epistola Quesnelli ad P. Henr. Norisium, postea Cardinalem, aliaque hujus generis adducuntur. *Alium* caput eo redit, quod in Belgio varias excitavit turbas. Nimirum quod Ægidium de Witte, Decanum Mechliniensem S. Mariæ trans Diliam, qui de Pontifice Romano irreverentius fenserit, cujusque quatuor Propositiones a Facultate Theologica Lovaniensi damnatæ p. 23 recensentur, editis libellis quibusdam defenderit (quo loco asseritur, ea, quæ post annum 1687 sub Arnaldi nomine prodierint, vel eidem attribuantur, scripta, illo jam languescente, a Quesnello elaborata esse;) quod Patres Oratorii Montensis contra capita Ordinis in negotio Janseniano suscitavit; quod Duacenam Academiam, edita A. 1688 sub nomine Gery Apologia Historica duarum Censurarum Lovaniensis & Duacenæ, turbaverit; Jacobum Gilbertum, Theologum ejus Academiæ, A. 1687 a Parisiensibus Theologis Jansenismi causa damnatum (cujus censuræ formula p. 42 seq. exstat) nec non Fr. de Laleu, Rivettium, Lignium, aliosque Professores Duacenos, ob VII Propositiones Jansenismo affines, jussu Gallorum Regis ex Academia ejectos, & juverit, & defenderit, quorum ad Quesnellum & Quesnelli ad eos Epistolæ multæ, aut earum excerpta adducuntur; quod imperat ab Episcopis Belgis subscriptioni Formulæ Anti-Jansenianæ cunctis modis obstitit, cum primis vero contra Archi-Episcopum Mechliniensem libellum, *Tres-humble Remonstracion*, ediderit; quod Ecclesias Fœderati Belgii, Romano Pontifici addictas, ad novandum constanterque in novationibus persistendum, & Pontificis decretis obfistendum animavit, Hugoni Heussenio, Ægidio Wittio,

AA.

Andrez Schurio, Carolo Bontio, Guilielmo Prauwelio, Johanni Christiano Erkelio, aliisque clericis Hollandicis (quos in Pontificem contumaces & injurios, allatis eorum literis Auctor citat) amicus, consultor adjutorque fuerit; quod Archiepiscopi Sebasteni causa omnis ab initio ejus arbitrato gesta sit, in quo perstringendo Auctor p. 105 seq. multus hic est, plurimasque ejus & amicorum ac secretarii Donkeri Epistolas in ejus præjudicium publicat, ac novos Catechismos, usumque sacrorum, præsertim Missæ, in vernacula ab eo in Ecclesias Belgicas inductum conqueritur: quo loco utrumque Pontificis Decretum contra Sebastenum p. 127, 157, Breve Pontificis ad Clerum Hollandiæ p. 146, Cardinalis Paulucci Epistola lectu dignissima ad Sebastenum p. 158, nec non Quesnelli Consilium, quo Clero Hollandico suadet, ut Decretis Pontificiis non obtemperet, p. 139 seq. inseritur, libellique pro Archiepiscopo Sebasteno hactenus editi p. 160 seq. sub censuram vocantur. *Tertia* accusatio Quesnello imputat, quod Mich. Baji doctrinam renovaverit, novæque operum ejus editioni faverit: *quarta*, quod Jansenii hæresin propugnauerit; quo loco celeberrimus Du Pin, ex Epistola quadam ad Quesnellum scripta p. 170, Jansenismi suspectus redditur, eaque accusatio p. 245 allato Pontificis contra illum decreto confirmatur; decretum Episcopi Aptensis contra notas Quesnelli in Novum Testamentum p. 178 seq. inseritur, idemque liber multorum omnino errorum, adductis ex eo locis variis, accusatur. Articulo V Quesnellus accusatur, quod Pontificis decretis in causa Jansenii latis detraxerit, tanquam fraude obtentis vel alteratis: Art. VI, quod jusjurandum *facti* Janseniani, ab Alexandro VII imperatum, exigere sacrilegum & toti Ecclesiæ injuriosum esse dixerit: Art. VII, quod post Breve & Decreta Innocentii XII contenderit, sensum formulæ Anti-Jansenianæ obvium non damnare sensum a Jansenio intentum: Artic. VIII, quod contra Alexandri VII declarationem propugnauerit, factum Jansenii, quod vocant, sub Innocentio X non fuisse examinatum: IX, quod publice dixerit, nondum advenisse tempus reddendi Jansenio justitiam, & illatam ipsi injuriam reparandi, minatusque sit, se Jansenii defensionem contra Clerum Gallicanum suscepturum esse.

Prolixissima est accusatio X, in quam fere omnia, quæ reliquis

liquis capitibus continentur, denuo relata sunt. Agit ea de factione Janseniana, ea præsertim, quæ Arnaldo auctore orta, ad nostra usque tempora per Galliam & Belgium serpat. Enarratis enim Arnaldi, Pascalii, Nicolii aliorumque veterum factis, Arnaldo in ea factione Abbatis, Quesnello Prioris, Ernesto Ruth d' Ans Canonico Bruxellensi Sub-Prioris nomen datum a sociis refertur, Quesnellum vero post Arnaldi obitum, præcipuum ordinis universi rectorem fuisse, singulis fere annis a focus conventicula habita, & de communi causa actum esse (cujus rei exemplum aliquod, allato Conventus A. 1701 Mechlinii habiti Decreto, p. 264 datur) collectas pecuniarias identidem fuisse collatas, quibus præsertim Ludovicus Vaucelius, qui res Janseniorum communes Romæ curaverit, & Jo. Libertus Hennebel, qui Janseniorum Lovaniensium causam ibidem egerit, alerentur; data quoque sociis nova nomina, ut Arnaldus diceretur *Davi*, sive *Dauides*, Quesnellus *Mr. de Fresne*, Vaucelius *Walloni*, quinimo Papæ etiam, Regi Galliar, Cardinalibus & Ecclesiæ Præsulibus nova ab illis agnomenta in privatis literis data esse, quorum clavem p. 320 seqq. Lector inveniet, unde Procurator *undecimam* accusationem petiit. Cum primis vero legi meretur Epistola Janseniorum præcipuorum, ad Legatum Regis Galliar Comitum d' Avaux A. 1684 scripta, quæ p. 256 exstat, in qua illi Regi Gallorum per Legatum pacis quasi conditiones obtulerint eo tempore, quo armistitium inter eundem, & ejus hostes sanciebatur. Accusatio XII Quesnello imputat novam editionem libri, qui *Phantasma Jansenismi* dicitur, a Clero Gallicano publice condemnati: XIII, quod de damnatione Dissertationum suarum ad Leonis M. Opera, a Congregatione Cardinalium Indicis librorum prohibitorum publicata, contumeliosissime scripserit: XIV, quod literas in Pontificem Romanum, Cardinales, Episcopos, Regem Galliar, & eum, qui nunc Hispaniar Regnum usurpat, nimium quantum injurias ad alios dederit, & ab aliis acceperit; qua in re Procurator admodum prolixè versatur: XV, quod Senatum Regium Montensem, ob prohibitos publico Decreto, (quod p. 392 integrum datur) libros Jansenianos, indignis modis tractarit: XVI, quod proscriptos a Pontificibus Gerberonii libros dilaudaverit, auctoremque multis modis adjuverit: XVII, quod sedi-

tiosa Ernesti Ruth d' Ans, amici sui, scripta limaverit : XVIII, quod acriter invecus sit in eos, qui quadraginta Doctores Sorbonicos, propter notissimam ad Casum Conscientiæ Jansenianum respon- sionem, (quæ una cum Brevibus ea de causa a Pontifice scriptis, & plerorumque ex his palinodia, p. 404 seq. inferitur) damnarunt, ius- que qui a pristina sententia discessere, perfidiam exprobravit : XIX, quod Archiepiscopum Parisiensem, Cardinalem Noallium, versus quem summam publice professus fuerit venerationem, privatim ca- villis variis perstrinxerit : XX, quod varia scripta prohibita hæc- nus ediderit, vel recudi curaverit. Adscribuntur autem Quesnel- lo auctori, & hic & aliis locis, sequentes potissimum anonymi aut pseudonymi libri : *Novum Testamentum cum Notis Moralibus, Testamentum spirituale Arnaldi, Fides & Innocentia Cleri Hol- landici, Causa Arnaldina, Defensio duorum Brevium, Status Aca- demie Lovanienfis, Traditio Ecclesie Romanæ de Gratia, Apolo- giæ Historica Censura Lovanienfis & Duacens, Disciplina Eccle- siæ, Bubursius convictus, Justificatio Arnaldi.* Accusatio XXI in- geminat, multa Quesnelli scripta Romæ proscripta esse, v. gr. Ob- servationes in Leonem, Apologiam Censurarum, Causam Arnal- dinam, quædam etiam tortoris infami manu combusta esse : XXII urget, Historiam Congregationis de Auxiliis, cujus embryonem, ut ait, Serrius, Dominicanus conceperat, a Quesnello expolitam, invitoque Senatu Regio publicatam esse : XXIII, eundem, dum in carcerem redigeretur, edendis aliquot libris prohibitis operam navasse : XXIV, Quesnellum edendi voluminis magni CLVI scriptorum Jansenianorum, consilium cepisse : XXV, eundem Arnaldo morienti Sacramenta secreto administrasse : XXVI, eum privata auctoritate in ædibus suis sacra fecisse : XXVII, eum & contempsisse excommunicationem, aliosque, ut eandem temne- rent, docuisse : XXVIII, eum Decreta Pontificis contra libros novaturientes multoties sugillasse : denique XXIX, eum varia scriptis suis inseruisse, quæ Pontificum Bullis e diametro opposita sint.

Atque hæc singula potissimam partem ex schedis epistolis- que in Quesnelli museo, cum caperetur, inventis, & mira copia hic adductis, nec non ex amplissimis librorum ejus excerptis proban-

h h h

tur. Subneſtitur Archiepiſcopi lata A. 1704, die 10 Novembr. contra Quesnellum ſententia; in qua, repudiata ejus proteſtatione, reus criminum haſtenus recenſitorum, & in excommunicationem delapſus pronuntiatur, jubeturque, ut in monaſterium aliquod Gallicum, agendæ poenitentia; cauſa, ſe conſerat, atque ab omni in Dioceſin Mechlinienſem reditu excluditur.

IDEÆ GENERALE, &c.

i. c.

*IDEA UNIVERSALIS LIBELLI, QUI SUB TITULO MOT-
vi Juris Procuratoris Curia Eccleſie Mechlinienſis con-
tra P. Quesnellum editus eſt, auctore PA-
SCHASIO QUESNELLO.*

. . . . 1705, plag. 7, in 12 maj.

Audito Quesnelli accusatore, fas eſt eundem cauſam ſuam non deferentem, ſed pro virili ſe defendentem, non proſuſ negligere. Pollicetur ille prolixam ad Cauſam Quesnellianam Reſponſionem, cujus prodromum eſſe *Ideam* hanc vult, queſtus ante omnia in Præfatione, ſe nequaquam jure ut fugitivum tractari, cum injuſte captus ſit, forum Archiepiſcopi legitimis rationibus reſuſaverit, Divinoque auxilio, cujus multa indicia recenſet, ſit liberatus. Inde in opella ipſa, teſtatus animum forte ſua contentum, adverſariique plane non inimicum, XIX enumerat Artiſicia, quibus accuſationem iſtam niti, detectisque iſtis omnino everti opinatur. Nam I reticere proſuſ ait proteſtationem ſuam (cujus ſummam repetit) legitime contra forum Archiepiſcopi, quippe ſibi inimiciſſimi, factam, quæ cum ab arbitris repudiata ſublataque non ſit, ipſo jure nullum eſſe ait, quicquid contra ſe Archiepiſcopi nomine agatur. II diſſimulari a Procuratore ait, quod ſine antegreſſa facti informatione in carcerem reſectus ſit. III Romani Pontificis mandatum falſo prætendi, neque per iſtud excuſari Archiepiſcopum poſſe docet, qui reſuſatus licet, & inimicitia; erga ſe convictus, ſententiam tamen ferre non deſtiterit. IV Adverſarii ſui probationes pleraſque ex epiſtolis aliſque ſchedis vi ſibi ereptis, truncatisque, & Jeſuitarum manibus (profeſſisque adeo inimicis ſuis) traditis pe-
ti-

titas esse monet, easdemque V maximam partem rejectaneas esse, & per plures adeo annos neglectas in scriniis delituisse, privatas denique & animi interdum causa aut sub fide amicissimi silentii scriptas; posse hoc pacto vel innocentissimum quemvis, si privata secretissimaque ejus scriinia expilare liceret, criminibus obrui; talia vero, cum cogitationum jure utantur, puniri non posse, nec ad humanam jurisdictionem pertinere. VI admonet, adversarium suum schedas istas sæpenumero male intellexisse, v. gr. quando voces jocosas in Gratiam a Nicolio recens inventam dictas, in Gratiam universalem, quam Jesuitæ defendunt, vibratas esse contendit; ubi VII addit, exemplisque probat, eundem ficta in schedis istis nomina interdum male interpretatum esse, atque inter alia Stephanum & Michaellem le Vassor confudisse. VIII & IX urget, quam plurima prorsus aliena, augendi voluminis seque vel mole ista opprimendi studio, Causæ Quesnellianæ inserta esse, ac præterea se suosque velut professos Ecclesiæ hostes, erga quam sint inviolabili reverentia, depingi, excitandi solum odii gratia. X eodem consilio seditiosas sibi voces imputari scribit, cum summa ubivis cum veneratione, Gallix præsertim Regi, causas rerum exposuerit, inque præpotentium adversariorum præventiones, & ministrorum artes, culpam omnem rejecerit; falli sane vel optimos Principes, neque tamen ægre ferre, si ex errore revocentur. Addit XI ea, quæ inter Regem Gallicum & Vicarios Apamienses, jussu arbitratoque Pontificis, gesta sint, malitia cum insigni sibi & Jansenianis imputari; nec non XII Auctorem Causæ Quesnellianæ ipsum Regem Ecclesiamque Gallicanam, ejusque de auctoritate Pontificis doctrinam, audacter cavillari, damnatam seditiosamque nominare; quo loco Quesnellus infallibilitatem, quam vocant, Pontificis dudum ab Ecclesia, interque alios a Jac. Masenio Jesuita, repudiatam esse probat. XIII falso sibi imputatum affirmat, quod Paulum per omnia, & sine ulla subordinatione, Petro æqualem esse statuerit, atque hujus farinae alia. XIV ad Cleri Hollandici causam se confert, maleque turbas istas sibi imputari contendit. Consilium, quod rogatus secreto dederit, se non nisi maxima cum circumspectione, planeque non ea intentione, ut sibi obsecundarent Clerici, qui Sebasteno Archiepiscopo adherent, dedisse;

consilium vero, quod citra fraudulentum animum detur, consulti damnosum esse non posse, quippe cum vel sanctissimorum consilia, (v. gr. Augustini, cum Bonifacio Comiti ingressum in monasterium dissuaderet) interdum male cadant. XV factionem sibi aliisque Arnaldi amicis injuste tribui affirmat; non alio se contilio, quam defendendi Augustiniani de gratia dogmatis causa unitos esse, parique jure Augustino, Prospero eorumque amicis factionis crimen inuri posse. XVI Brigodæum, quem male Secretarium suum vocari ait, excusat; XVII autem summa sibi injustitia adscribi dicit libellos quosdam, ad quos manu sua nonnulla corrigens aut ludens adscripserit, maxime vero postrema Ant. Arnaldi scripta, qui tertio vel quarto ante obitum die adhuc scribendis libris operam dederit. XVIII Vaucellii acta sibi inepte etiam imputari ait, eique ipsi multa injuste vitio dari, exemplis docet. Denique XIX adversarium loca quædam suarum in Novum Testamentum Notarum in sensum minus orthodoxum rapuisse conqueritur.

*TRACTATUS DE JURE PRIMARIARUM PRECUM,
Autore JOHANNE EHRENFRIED MAYERO U. J. D.*

*Sacr. Reg. Majestatis Dan. Norweg. nec non Reverendiss. Sereniss. Abbatissæ Quedlinburgensis
Consiliario.*

Quedlinburgi, apud Th. Ph. Calvisium, 1704 in 4. Constat 14 pl.

Consultissimus Autor, a prima origine Jus primarum precum repetiturus, initio rei Christianæ penes clerum & populum constitutionem ministrorum Ecclesiæ, neglectis summarum Potestatum suffragiis, fuisse, eumque constituendi modum adeo postmodum placuisse censet, ut Divinæ & Apostolicæ traditioni, i. e. eodem interprete, legi universali & immutabili, Cyprianus eum adscribere non dubitaverit. Ex quo autem Principes Christo nomen dederunt, cum universa rei Ecclesiasticæ cura, istam etiam juris sacrorum partem, jure quodam regulari eos sibi vindicasse; id quod exemplis nonnullis, ex Historia Romana, Francica, Germanicaque desumptis, Noster illustrat. Sed infelicibus Henricorum

tem-

temporibus, jura Imperatorum, per Pontifices Romanos, fuisse imminuta, ut tamen illi reliquias aliquas, ex priori jure Regio circa sacra, quasi e communi naufragio, servarint, ad quas etiam pertineat Jus Primariarum Precum. Hujus igitur tum nomen, tum indolem, allata definitione, explicat Consultissimus Autor, illudque ex jure patronatus Regio, seu jure sacrorum repetit, adductis etiam aliis titulis minus principalibus, quales esse censetur jus patronatus, vulgare, antiqua consuetudo, & advocatia seu protectio Ecclesiarum universalis. Postea rejicit titulos falsos, inter quos primo loco comparet privilegium Papale, ex quo Curia Romanæ asseclæ jus primariarum precum repetunt, quodque quatuor potissimum argumentis, a suprema Pontificis circa sacra potestate, Concordatis nationis Germanicæ, propria Imperatorum confessione, ac bulla quadam Pontificia, a Speculatore; ut ferunt, visa desumptis suffulciunt; quæ singula Noster diluit. Alii existimarunt, Imperatoribus primarias preces ex eo competere, quod olim fuerint Cathedralium Ecclesiarum Canonici; sed nec hæc sententia calculum Nostri meretur: quemadmodum ipsi nec illi probantur, qui superioritatis territorialis titulo jus hoc Imperatoribus vindicant; virtute tamen Regalium his illud attribui posse, amplius idem existimat, modo terminus ille recte accipiat. Expedita Juris primariarum precum origine, Doctissimus Autor ad universam Germaniam, i. e. regiones, quæ adhuc Imperio Romano-Germanico subsunt, illud vim suam extendere docet, eamque doctrinam variis quæstionibus, in specie ea, an in Episcopatu Metensi. Tullensi & Verdunensi, idem adhuc effectum sortiat? illustrat; cumque jus illud in quolibet collegio Clericorum, ubi antecessores hæcenus id exercuerunt, Cæsari competat, ideo illud præscribi posse censet: non obstante vero hoc, vel simili impedimento, in Capitulis etiam Protestantibus Cæsarem illud obtinere, ostendit. Quibus ad liquidum deductis, cætera capita enarrat, adeoque de idoneitate Precistarum, de beneficiis Ecclesiasticis, Canonicatibus, Præbendis earumque varietate, de mensibus ordinariis & extraordinariis, de primariarum precum effectu, Cæsaris præsentatione, de communicatione hujus juris Cæsarei, adeoque de primariis precibus Imperatricis, Regis Romani, Electorum

horumque Conjugum, nec non Vicariorum, fufe satis, infperis etiam, pro re nata, documentis publicis, diflerit.

*MANUALE PROCESSUS IMPERIALIS, SIVE
Compendiofa Introductio ad Praxin Auguftiffimi Judiciï Cæsa-
reo-Imperialis Aulici, in gratiam Studioſorum Juris, animum
ad praxin Imperialem applicantium, revifa, variis addita-
mentis, præfatione atque indice auſta, nunc pri-
mum prelo commiffa a J. F. C. J. U. L.*

Norimbergæ, apud W. Michaelẽ & J. Adolphum, 1704. 8.

Conſtat 17 $\frac{1}{2}$ plag.

Conſtat hæc Introductio duabus ſectionibus, quarum prior
cauſas Juſtitiz, poſterior Gratiæ exhibet. In illa ergo, præ-
miſſis generalibus quibusdam, de Proceſſu tam Ordinario quam
Summario, de Proceſſu Appellationis, Materia Attentatorum &
Mandatis eorum Revocatoris, Relatione Actorum & Proceſſu
Expenſarum, Protracta vel Denegata Juſtitia, & Remediis eam
promoventibus, de Querela Nullitatis, Proceſſu Mandatorum tam
cum quam ſine clauſula, nec non de cauſis Pignorationum, Ar-
reſtorum & Fractæ Pacis publicæ, de Reſcriptis, Proceſſu Citatio-
nis, ſive Simpliſcis Querelæ, & Citatione ex L. diffamari, Proceſſu
Summario, Commiſſionis ſcilicet tam Aulicæ, quam Auſtregalis,
nec non Proceſſu Informativo, de Remediis contra Sententias a
Conſilio Imperiali Aulico latas, Reſtitutione in integrum, & Re-
viſione ſive Supplicatione, ac tandem de Sententiarum Executione
diſſeritur. In hac vero Requiſitio Feudorum Imperii majorum &
minorum, ut & Confirmatio Tutorum & Curatorum exponitur.
Rei iſti paululum illuſtrandæ, nonnulla adjiciemus. *Seſſ. I, c. 3*
de attentatis agitur, quæ ex doctrina Noſtri ſunt, quando Judex
aut pars appellata, poſt interpoſitam rite appellationem, ulterius
in cognoscendo, decernendo, exequendo aut turbando progre-
ditur. Quodſi igitur attentata ab appellante legitime probentur,
tum Judex appellationis, per mandatum attentatorum revocato-
rium, eadem nulla declarat, ſimulque attentanti eorum, in certo
termino, revocationem ac redintegrationem pœnaliter injungit.
Hoc factò, ſi intra terminum excipiendo comparuerit attentans,
&

& mandatum sub & obreptitiae obtentum esse monstraverit, tunc hic punctus (sit venia termino forensi) attentatorum per replicas & duplicas, ut alius processus, ventilatur, & desuper eodem tempore, quo in puncto principali, sententia fertur. Si vero attentans nec attentata revocaverit, nec jus suum probabiliter deduxerit, tum Judex appellationis ulterius, & tandem etiam arctius mandatum attentatorum revocatorium sub poena dupli, cum citatione ad videndum, se incidisse in poenam prioribus mandatis insertam, decernere solet, & si nec huic paruerit, tum declaratio poenae, & paritoria, cum comminatione banni, subsequitur, & fiscus suum officium interponit. Aliquando ipse appellans attentatum committit, quo casu appellationem deseruisse, eique in totum renunciasse censetur. Quae omnia quo eo magis intelligantur, Noster duplicem formulam, qua tam mandatum attentatorum revocatorium, quam mandatum arctius, cum reproductione mandati prioris, peti solet, subjicit. *Sect. I, cap. 5* exponitur appellatio ob protractam vel denegatam justitiam interposita. Quod si adeo justitia denegetur, solet decerni citatio contra partem ream, ut ad assumendam litem, in Judicio Imperiali Aulico, intra spatium bimestre, compareat, & si id negligat, sententia in contumaciam, uti in aliis processibus, pronunciatur. Ob protractam vero justitiam decernuntur promotoriales, quibus judici moroso tempus, ordinarie unius mensis, quandoque tamen, ob circumstantias relevantes, longius, ad justitiam administrandam praescribitur; quae formulis necessariis Noster iterum illustrat.

THE HISTORY OF MAN.

i. c.

HISTORIA HUMANI GENERIS, SEU MIRACULA NATURA HUMANA, RESPECTU VIRTUTUM & VITIORUM atque DEFECTUUM, VARIIS EXEMPLIS tum ANTIQVIS tum MODERNIS explicata.

Londini, apud R. Basslet & W. Turner, 1704. 8. Alph. 1, pl. 14.

NON est ut de hoc libello multis agamus. Saltem significamus, locos communes, seu, ut Naudæus loqui amat, tapantia illo contineri, exempla scilicet memorabilia, ad varia capita relata, & fide dignis veterum & recentiorum auctorum testimoniis roborata. Ne
ta-

tamen nullum plane specimen e libro exhibeamus, pauca admodum inde delibare nobis vñum est. Elegans & lectu jucundum est, quod de Walkero Rawleigh, cujus celebre apud Anglos nomen est, refertur, quod eo primum gratiam Reginz Elisabethz fuerit promeritus, quod cum spatiantem forte, & ob cœnum in via objectum, gradum jam in aliam partem dirigentem observasset, confestim vestem splendidissimam humeris detractam in cœnum projecit, ut recto tramite incedere commode Regina posset. Inde cum illi ad aulam accessus parvisset, fertur in loco quodam, ubi sæpius commorari Elisabetha consueverat, fenestraz hunc versiculum inscripsisse:

*Fain would I climb, but that I fear to fall,
hoc est, quam cupiam ad majora adniti, sed timeo, ne labar;*
quibus lectis Regina illico rhithmum adjecit:

*If thy Heart fail thee, don't climb at all,
id est, si nihil audes, nusquam conuicere.* Quæ verba animum illi addidisse putantur, ut inde facile ad altiora pervenerit.

Inter humilitatis & modestiæ exempla præter alios recensetur Josephus Hall, Episcopus Norvicensis, de quo refert, eum nunquam cuiquam ægredi, fecisse, & dicere solitum, *stultum esse cum superioribus, dubium cum aequalibus, & abjectum ac sordidum cum inferioribus contendere.* Ad historiam Leopoldi Imperatoris, nuper defuncti, pertinet, quod A. 1672 missus ex Anglia Viennam fuerit legatus Bernardus Gascoign, qui Jacobo Duci tum Eboracensi uxorem peteret Claudiam Felicitatem, Archi-Ducem Austriæ: ac cum rebus omnibus jam perfectis, & Legato reditum meditante, ipsa Augustissima Imperatrix Margareta Theresia decederet, immutatam fuisse Cæsaris voluntatem, Legatoque indicatum traditur, aliam querendam Duci sponsam esse, quod ipse eam ducere uxorem constituisset. Eidem Jacobo id dedit consilii frater Carolus II Rex, ne Pontificiam religionem in Angliam invchere aliquando tentaret; rem enim eam periculo plenam & plane impossibilem futuram. Quanti intersit circumspecte in omnibus rebus agere, vel ex eo intelligitur, quod celebris Angliæ poeta VVilmot, Comes Rothenensis, cum a Rege Carolo II admonitus, ut sibi satyram adversus virgines aulicas compositam communicaret, per nimiam festinationem, satyram aliam, qua Regem ipsum petebat, ei obrulisset, prorsus gratia Regis exciderit. Singulari humanitate conspicuus fuit Thomas Cranmerus, Archi-Ep. Cantuariensis, quippe in proverbium abiit: *si huic injuriam inferas, certus esse poteris, te ex eo statim tempore per omnem vitam habiturum sœventissimum.* Cæterum quæ hic de genio nationum suis locis habentur, digna forent, quæ a nobis transferiberentur, si locos communes colligere & ipsi cupereinus: etsi nec ipsa chartæ angustia, ut plura addamus, permittit.

* * * * *

A C T A ERUDITORUM,

publicata Lipsiæ

Calendis Octobris, Anno M D C C V.

JOHANNIS HENRICI BERGERI, JURISCONSULTI, Regis Polon. & Elector. Sax. in Summo Provocationum Senatu Consilarii & Anecessarii Vitembergensis, Enarratio L. 10. ff. de Jur. fisci & L. 2. C. qui & adv. quos in integr. rest. Accesserunt ejusdem opera Academica novissima.

Lipsiæ, sumptibus Hæredum Lanckisii, 1705, in 4to.

Constant 1 Alph. 17 plag.

Duplici nomine se commendat eruditissima hæc Excellentissimi Autoris Commentatio, & argumenti dignitate, & tractationis præstantia. Leges enim, quas nobis exhibet, adeo gravium causarum momenta continent, ut vix in digniore opera Celebrissimi Viri occupari potuisset industria, & ipse in iis enarrandis tam erudite versatus est, ut feliciorum leges, quas commemoravimus, interpretem nancisci nequeant, cum & ingenii sublime acumen, & accuratam omnis Jurisprudentiæ scientiam, & assiduum rerum forensium usum, singuli fere ostendant paragraphi. Primum locum occupat Dissertatio de Jure Fisci in dubiis quæstionibus *ad L. X Pand. de Jur. fisci*, quam Autor A. 1694 publice defendit. In hac cum nihil occurrat, quod non notatu sit dignissimum, tum imprimis juvabit ipsum de discrimine Steuræ & Cameræ §. 3 & 4, de dubio, ambiguo & obscuro, nec non de interpretatione quæstionum dubiarum §. 9 *seqq.* elegantissime differentem audire. Sequuntur Casus varii, de quibus eas proposuit Excellentissimus Autor regulas: contra fiscum esse pronunciandum, si pri-

vatus de damno vitando & fiscus de lucro captando sit sollicitus §. 14, pro fisco contra privatum, quoties is damnum averfatur, privatus lucro inhiat §. 17, si uterque lucrum intendat aut damnum fugiat, aequali fisco cum privatis jure uti oportere §. 20 & 21; quas singulas & exemplis confirmat & legibus corroborat, hasque solcite, quoties thesibus obfistere videri poterant, explicare, & in speciem pugnantes subtiliter conciliare studet. Ostendit deinde, qua ratione Modestinus in *J. l. X* debeat intelligi, variasque Doctorum, imprimis Fr. Duareni, Ant. Merendz & Antonii Augustini rejicit expositiones §. 26 *seqq.* Postea regulas antea propositas confirmat, & quartam imprimis contra Baldum ejusque asseclas, fisco nimium faventes, strenue tuetur, ac *L. L. obstantibus 38 & 35 ff. d. Re Jud. l. un. C. de sent. adv. fisc.* solide respondet. Unde nec a jure dotium, nec ab Ecclesia aut a minoribus, quæ ad fiscum deducantur, argumenta valida esse monet *ib. 31 - 41*. Exempla quoque elegantissima suppeditat, quibus contra fiscum, tam in quæstionibus juris, quam facti dubii, pronunciandum monet. Ad causas juris controversi refert quæstiones: utrum filio hæreditate materna, quam adiit, per restitutionem in integrum iterum abstinente, ad proximos successores hæreditas, an ad fiscum, pertineat? item de superfluo ex cessione actionis contra *L. Anastasianam* facta, quod alii fisco, alii debitori vindicant, cum Excellentissimus Autor utroque casu contra fiscum pronunciandum esse censeat. Quæstiones vero facti dubii quam plures attulit, ex materia delictorum & contractuum, probationum, testamentorum & aliis, quas singulas juvabit expendisse. Tandem an hætenus dicta ad vectigalium ac domaniorum causas quoque pertineant, dispicit, ac utrumque addita distinctione feliciter expedit. Jam ad alteram Dissertationem pervenimus, quæ *ad L. 2 C. qui & adv. quos* conscripta est; verum cum eam jam in Actis Anno 1696 *M. Nov. p. 518 L. B.* exhibuerimus, paucis saltem monendum erit, non *Thesi 38* tantum egregium supplementum, quo *Nov. 155 c. 1* explicatur, accessisse, sed integram quoque Dissertationem de restitutione in integrum ob reverentiam denegata, quam sub Autoris præsidio Leistenius Anno *XCV* defendit, esse additam. Restant Autoris nostri *Novissima Academica i. e. Sermo solennis ad De-*

Decanum orationis Philosophici in congressu Candidatorum adornatus, & Oratio de Jureconsultis Academiae Wirtembergensis, qui proximo superiore seculo vixerunt, recitata Anno 1703, cum tertium Consulatui Academico abiret. Continet ea memorias omnium Jureconsultorum, qui ex eo tempore, quo primi secularis Academicis instructa sunt solennia, per integrum seculum floruerunt. Exhibet uno intuitu elogia, vitas & scripta celeberrimorum Virorum, Zangeri, Lud. Personæ, Bartholomæi Reusneri, Luc. Beckmanni, Hirschbachii, Franzii, Ben. Carpzovii, Erasmi Unruh, Val. Guillemi Fœrsteri, Conr. Carpzovii, Jer. Reusneri, Gothfr. Reuteri, Grossii, Jo. Strauchii, Christiani Taubmanni, Crullii, Prætorii, Augustini Strauchii, Vackii, Godofr. Suevi, Coselii, Ritleri, Ziegleri, Klengelii, Lyseri, Nergeri, Martini, Ledereri, & qui nuper in vivis esse desit, Ge. Mich. Heberi &c. Sed & ex Facultatis Juridicæ Assessoribus aliquos commemorat, quos inter Ritterum, Schulzium, ac Excellentissimum Lenzium Ser. Princip. Sax. Weissenfelsensis Vice - Cancellarium imprimis meritis extollit encomius. Interjectæ sunt passim observationes eruditissimæ, ex quibus unam ac alteram saltem adjecisse juvabit. Ita p. 183 docet, *Henning. Witium* falli, qui *Jo. Daurhium* inter Jurisconsultos Witenbergenses retulerit, cum is Lipsiæ quidem, non autem Wittenbergæ, publica autoritate Jura professus fuerit. Hirschbachii sub præsidio, Conradum & Benedictum Carpzovios Dissertationes de Regalibus, copiose ac erudite conscriptas defendisse, p. 186 annotat, dumque in laudibus Augustini Strauchii occupatus est, felicitatem Jurisconsultorum Brandenburgicorum extollit, qui Academicis exercitationibus subacti in Aulas evocentur, & difficillima negotia feliciter procurent, quod Fuchsiarum, Rhetiorum, Spanheimiorum ac Coccejorum illustria satis ostendant exempla, eademque fortuna, quem diximus, Strauchium usum fuisse commemorat, cum Serenissimus Sax. Elector non modo gravissimis quibusque negotiis eum adhibuerit, sed & Ordinarii Præsidis munere in Academia Witenbergensi defunctum, sanctioris Senatus Assessorem esse voluerit. Sed quis singula in tanta rerum ubertate persequetur? Nos avidis reliqua Lectoribus relinquimus & ad aliud Excellentissimi Autoris opus, quod selectarum Observationum Forensium amplissimam exhibet copiam, accedimus.

JOH. HENR. BERGERI JURISCONSULTI ETC.
*Electa Processus Executivi, Possessorii, Provocatorii &
 Matrimonialis.*

Lipſiæ, ſumtibus Hæredum Fried. Lankiſch, 1705. in 4.

Conſtat 2 Alph. 11 pl.

Junctim nunc prodeunt in lucem Diſſertationes quatuor elegantiffimæ, quas proximis annis Illuſtris Autor propoſuit, ſed inſignibus auctæ incrementis. Prior continet *Electa Processus Executivi*, in qua Autor primo diverſitatem proceſſus ordinarii & extraordinarii ſeu ſummarii evolvit, ac utiliſſimam §. 4 cauſarum patronis cautelam ſuppeditat, qua ratione in cauſis, ut vocant, ſummaris adverſe parti interrogatoria exhibendi occaſionem præcidere valeant. Dein proceſſus ſummarii duas conſtituit ſpecies, regularem & irregularem, monetque actionem hypothecariam, imo injuriarum æſtimatoriam & recantatoriam etiam executivo, ſi res ita ferat, proceſſu poſſe inſtitui; cautelam tamen ſuppeditat actoribus, ne ſalutarem ſibi ſemper credant ſummariam hanc experiundi rationem, cum in executivo proceſſu nec probationi per teſtes, nec jurisjurandi delationi locus relinquitur. Poſtea requiſita inſtrumenti guarentigati tradit, negatque pro tali haberi poſſe obligationem imperſonalem, in qua creditoris nomen haud ſit expreſſum, aut quæ cauſam debendi, licet inter mercatores agatur, haut contineat, cuive addita ſit clauſula, *ſolvam quam primum poſero*, cum ea id operetur, ut quis ad celerem ſolutionem adſtringi nequeat. Ex inſtrumento tamen a tutore ſubſcripto pupillum, debitoremque principalem a fidejuſſore, actione mandati executive conveniri poſſe docet. De obligatione mulieris ſine curatore contracta, aut cui curator ex intervallo demum acceſſit, §. 12 ſeqq. diſſerit; mulieremque & ſine curatoris auxilio ex mutuo obligari, & apocham conficere, ac ex omni contractu, cui curator ex poſt facto conſenſum præſtitit, teneri exiſtimat *dd. §§.* Inſtrumentum autem guarentigiarum quandoque poſſe ſubſiſtere, licet nec ab ipſo debitore ſubſcriptum ſubſignatumve ſit, nec clauſula *manu propria* ei adjiciatur, §. 20 & 21 addit. Hinc ad rationem tractandi cauſas executive pergit, ac advocatum actoris jubet

bet esse cautum, ne responsionem aut litis contestationem ab adversa parte petat; reis vero suppeditat exceptiones, quæ adversus instrumenta guarentigiata locum habeant, ubi inprimis quæ de exceptione chartæ blancæ & implementi non secuti, compensationis item ac non numeratæ pecuniæ tradit, evolvi merentur. Denique de *processu cambiali* notabilia quam plurima affert, sententiamque *Mandati Electoralis de exceptione solutionis compensationisve adversus cessionarium cambii non competentis* explicat. Subjicitur *programmata*, quo Excellentissimus Autor ostendit, ad evitanda perjuria quandoque in processu executivo recognitionem per testes, contra Juris regulas admitti; quam sententiam summi Provocationum Judici præjudicio corroborat. Altera Dissertatio exhibet *Electa Processus Possessorii*, ac observationum practicarum plenissima est. Pragmaticorum initio notat errorem, qui in possessorio, quod vocant, ordinario, summario processui locum esse negant, cum ipse, ratione processus, omne judicium possessorium censeat esse summarium, etiam in materia servitutum, licet Celeberrimus Schilterus eam exceperit, cujus rationibus Autor respondet §. 1. Summarium ergo possessorium tantum ratione causæ dici, in eoque tantum de possessione præsentis & momentanea retinenda, non de adipiscenda vel recuperanda agi, contra Carpzovium defendit §. 4. Dein, modum procedendi in possessorio summarissimo explicat, ac in casu necessitatis summique periculi, citationem posse omitti monet §. 5. Cumque in eo vel per modum actionis in factum, vel per inhibitionem procedatur, varia circa hanc monita suppeditat, ac imprimis inhibitione pœnali ex pluribus capitibus decreta, si ea ex parte cassetur, ex parte contrahetur, integram tamen multatam dictari, nec transactionem cum adversario inhibitionem a pœna liberare monet, & utrumque summi Provocationum Senatus præjudiciis confirmat §. 6. Hinc qua ratione possessio præsentanea in rebus corporalibus & incorporalibus acquiritur, inquirat, ac possessionem libertatis naturalis quoque probatione indigere contendit; quam sententiam dudum placuisse Excell. Autori, ex Resolutionibus ejus Lauterbachianis potest constare. Sequitur elegantissima de Jure Cerevisario digressio, ubi de jure coquendi, ven-

dendi, cogendi & prohibendi civitatum, de dimensione miliaris, de jure hospitalionis, de pœna eorum, qui cerevisiam illicite vendunt, quam plurimas congestit observationes. *vid. §. 12-19.* Postea observat, possessionem contra singulos acquisitam, non nocere universitati §. 20; in summario possessorio naturalem possessionem sufficere, etiamsi non sit annua, licet ipse non disteatur annuam possessionem & a Lipsiensibus Jurisconsultis requiri, & eorum sententiam in summo Appellationum Judicio fuisse aliquando comprobata, §. 21 *sqq.* Actus possessorii requisita tradit §. 24. Contra Principem non valere possessorium summarium, nec eorum satis certam esse sententiam, qui decennalem possessionem subditos tutos reddere credant, indicat §. 26. Ubi ad modos probandi progreditur, ostendit in summarissimo possessorio rotulos Notariorum, non tamen depositionem generalem sufficere §. 30. Jurjurandi autem delationi æque, ac super exceptione spoli, locum esse tuetur §. 31. Cæterum ex sententia Autoris remedium possessorii momentanei non competit ei, qui a possessione dejectus est, nec hæredibus, cum ad eos possessio ipso jure haud transeat *ib. 33-34*, quibus possessorium ordinarium ac Paulianam actionem dari concedit *ib. 35.* Tandem ad sententias definitivas processus summarii accedit, ac quo modo eæ rite concipi debeant, docet §. 38; cumque monuisset, qua ratione victoria in possessorio a restitutione fructuum in petitorio liberet, contra sententiam de possessione in summarissimo judicio latam, nec lenterationi, nec appellationi aut supplicationi relinquit locum, additis tamen quibusdam limitationibus, quæ §. 45 continentur. Accesit, ne quicquam deesset operi, huic Dissertationi Exercitatio paraphrastica, quæ XII Leges priores *Tituli Pand. de Acquirenda vel amittenda possessione*, erudite interpretatur, ac singularum sensum, satis quandoque obscurum, feliciter eruit. Facile ex hæcenus dictis L. B. poterit intelligere, qua ratione reliquæ Dissertationes, quæ *Processus Provocatorii & Matrimonialis Electæ* continent, conscriptæ sint. Quare sufficiet nobis saltem aliquas observationes selectas ex iis excerpere, quarum uberrima se ubique offert copia. In *Dissertatione* igitur *Illia* docet, provocationem ex *L. diffamari*, ob injurias verbales simplices frustra ab imperitis, Advocatis suscipi, multo minus

nus eam cum actione injuriarum cumulari posse *th. 12. 13.* Remedium dictæ Legis coram quolibet iudice posse institui, diffamantis vero arbitrio relinqui, quo in foro actionem principalem velit movere, *th. 20 & 21. In Th. 31* Carpzovii, Ziegleri aliorumque rejicit sententiam, qui diffamante per contumaciam emanante in primo termino, saltem responsionem simpliciter *bey Strasse Ungehorfams* injungendam censent, monetque eam statim sub pœna perpetui silentii posse imponi. Quæ de termino duplicato, intra quem actio principalis institui debeat, Doctores vulgo tradunt, ea sine Lege dici, adeoque a Iudice negligi posse asserit *th. 35.* De provocatione ex *L. si contendat*, rite instituenda legi merentur, quæ *§. 48* Autor dissentit, qui itidem monuit, contra eum, qui instrumentum guarentigatum habet, dictam provocationem non admitti. Ex *Electis Processus Matrimonialis* observare licet, eum qui consobrinam stupravit, non teneri ad eam alendam, cum ipsa stupratoris uxor fieri nequeat, *th. 9.* Consistoria Ecclesiastica partes litigantes, quæ sub civitatum aut nobilium jurisdictione sunt, mediate, suppressa tamen clausula in subsidium, in præfecturis autem immediate in jus vocare, *th. 13 & 14.* Minorem & mulierem, in causis matrimonialibus, personam standi habere in iudicio, hanc quoque, si ob stuprum actionem ad matrimonium ineundum aut dotem constituendam moveat, non vero si alimenta infantis nomine petat *th. 17 seq.* Oblationem ad jurandum non esse necessariam, si ve juramentum contra matrimonium, si ve pro matrimonio sit præstandum, *th. 37* ostendit. De iurjurandi delatione in actione matrimoniali, prolixè agit *th. 23 seqq.* Processum vero desertorium accurate describit *th. 50 seqq.* Sed nos pluribus hæc non immorabimur, cum selectarum Quæstionum ac Observationum Prædictarum tantam ubique deprehendamus copiam, ut, si potissimas tantum persequi ac commemorare velimus, verendum foret, ne nimium excreseceret ac instituti nostri metam excederet oratio. Quare ad ipsum opus præstantissimum B. L. ablegamus, ac paucis tantum monemus, adjunctam esse Electis his Processus Executivi, Possessorii, Provocatorii & Matrimonialis, *Disquisitionem. Quousque Actori Reove in foro Sax. Elect. liceat deferre iurjurandum?* In hac Autor actori etiam super replica ac articulis elisivis, & post

item a reo non recte aut eventualiter tantum contestatam, potestatem facit reo deferendi iurandum, huic vero, si negative littem contestatus sit, omni tempore licentiam utendi delatione iuramenti largitur, etiam postquam articulos reprobatorios obrulit in ipso termino productionis aut recognitionis, sin affirmative littem fuerit contestatus, usque dum ei injuncta fuerit exceptionum probatio, aut ad eas probandas ipse se obtulerit, potestatem hanc ipsi esse salvam existimat. Quæ omnia plenius est persecutus, variisque ampliationibus & limitationibus, observationibus, cautelis ac consiliis exornavit illustravitque. Quod reliquum est, cum præsentibus commentationes satis ostendant, quam dextre, accurate ac feliciter Excellentissimus Autor, in discutiendis dijudicandisque causis forensibus versetur, *Electa Processus Ordinarii*, quorum in præfatione spem fecit, cum iis, qui eruditissimos ipsius labores suo præio æstimare norunt, avide expectamus.

CONFORMITE' DE LA FOY AVEC LA RAISON.

h. e.

FIDEI ET RATIONIS CONSENSUS, VEL Religio defensa contra præcipuas objectiones in Lexico Historico-Critico Petri Balii sparsim obvias. Autore J. JA-

QUELOTO.

Amstelæd. apud H. Desbordes & D. Pain, 1705. 8.

Constant Alphab. 1 plag. 5.

- I**N duas partes abit hoc opus Autoris de Religione Christiana. Optime meriti, cujus alia quoque ejus generis scripta in Actis nostris recensita inveniuntur. In primæ partis limine, statim breviter repetitio instituitur argumentorum, alibi ab ipso Viro clarissimo, ad demonstrandam existentiam Dei, fuse magis deductorum. Inde de natura Religionis in genere agit, quam fœdus Dei cum homine definit, quo bonis præmia, poenas improbis, ex infirmitate lapsis per poenitentiam remissionem criminum polliceatur. Utque ejus in idoles clarius patefcat, primo Deum ab hominibus exigere obsequium, illudque ipsas promissiones Dei supponere, probat; inde Deum peccata infirmitatis tantum condonare, majora punire, resipiscenibus dare veniam. Porro quid Scriptura de
- c. II. III.
- c. IV.
- c. V.

Deo

Deo nos doceat, ostendit, & quæ revelatio ad religionem pertinentia alia suppeditet; de fide nempe, de merito & efficacia mortis Christi, de Divinitate ejus, & denique de S. S. Trinitate. Quibus fundamentis religionis Christianæ breviter repetitis & variis observationibus illustratis, ad id jam accedit, ob quod cum maxime ille scriptionis labor ei fuerat susceptus. Atque primo quidem difficultates examinat, quas in historia creationis deprehendisse sibi videntur ei, quos impugnandos sibi sumit. Monet hic ante omnia, stabilita semel revelationis veritate, scrupulos hujusmodi neminem jure ad Pyrrhonismum sollicitare debere. Deum item non Philosophorum vel oblectandis vel instruendis ingeniis, sed salutis avidorum, qui simplices magnam partem sint & indocti, animis informandis historiam illam consignari voluisse. Indeque I. neminem offendere debere colligit divisionem Moſis rerum conditarum in cœlum & terram, quæ similis viſa antagoniſtis divisioni maris in guttam aquæ & oceani, cum vulgares nonniſi conceptus, ſenſus maxime ſerrientes, hic ſequi voluerit. II. Nec mirum eſſe, terræ creationem in primis deſcribi, quæ ſenſibus uſuique noſtro maxime ſit obnoxia; magnorum corporum cœleſtium obiter, & in tantum, in quantum terræ huic miniſtrant, mentionem fieri. III. Nec illud abſonum, quod mane & vespere, dierumque adeo mentio fiat, antequam luminaria cœli condita eſſent: vel enim ſpatium tantum temporis intellegi, ei, quod inter Solis ortum & occaſum intercedere ſolet, æquale; vel uti Moſen tantum iſta *Φαſει*, ut realem diſtinctionem & *διὰ τὴν* inter creationem diverſorum operum indicaret; vel denique Moſen ita tantum opus creationis per ſex dies diſtribuiſſe, ut ad legalem dierum Heptadem aliquam relationem haberet. Difficultates porro ſuccedunt contra œconomiam veteris Teſtamenti & leges rituum, ſcœdusque unicæ familiæ conſeſſum. Quod inconſuetum non videtur Autori propterea, quod Deus creaturam rationalem & liberam male viribus ſuis naturalibus uſam, libertati ſuæ inde permittere potuerit. Nec inde ullam vel injuriam in ceteros homines redundare, vel aliquid a ratione alienum committi, quod nobilitatis finis cauſa cum Abrahamo & poſteris fœdus Deus iniverit. Ceremonialem vero cultum Deo non indignum eſſe, cum ille totum mundum occupaverit, memoriam beneficio-

K k k

rum

c. VI.

c. VII. VIII.

P. II. c. I.

c. II.

- rum Dei conservaverit, & cum *Spiritu*, h. e. arcano mysteriorum
 c. III. IV. V. Novi Fœderis sensu fuerit conjunctus. De libertate hominis in
 V. sequentibus diligenter agit, putatque pugnam rationis & affectuum
 luculenter probare arbitrii libertatem; sine ea enim affectum,
 semel occupato animo, libere dominio suo fruiturum. Sed nescio
 an attenderit, motui etiam mechanico motum contrarium dari
 posse, vincereque denique alterum, sed non sine alterius nisu in
 contrarium. Sic arbor a vento concussa naturali tamen inclina-
 tione contrarias petit partes, motui motu contrario, sine omni
 c. VII. tamen libertate. Dubii circa origines mali moralis solutio eo redit,
 quod abusus perfectionis maximæ, qualis est libertas, Deum,
 jure impedire non potuerit, quo minus creaturam perfectione,
 tanta gaudentem conderet. Difficultatibus circa malum physicum,
 afflictionesque hominibus innocentibus, infantibus, ipsis quoque
 brutis animantibus ægre haud raro facientes, itemque circa æter-
 nitatem poenarum, quæ post vitam subeundæ sint, ex communibus
 c. VIII. IX. fere fontibus solutiones petuntur. Inde vero imprimis quæ in
 c. X. favorem Manichæorum a Cl. Bælio prolata fuere, item quæ ad
 c. XI. demonstrandam fidei & rationis pugnam attulit, & de necessitatis
 cum libertate convenientia, nec non de prædestinatione, sub exa-
 men revocantur. Ex illis deligamus controversiam de rationis &
 fidei pugna, ut eo specimine indoles hujus scripti rectius innotescat.
 Hic itaque primo summum Autor exaggerat periculum doctrinæ
 rationem fidei contrariam statuentis, atque adeo naturæ humanæ
 fidem amplexuros renunciare cupientis; quod absurdum, pariter
 atque impossibile esse ostendit. Inde de omnibus dubitari
 nec posse nec debere ostendit: esse enim res, in quibus ratio
 clare & sine metu erroris pronunciet: esse alias, quæ assensum ejus
 suspendant: alias denique, quas certo sese ignorare noverit. Ut
 absonum itaque est præcipiti judicio ferri, ubi vel dubites vel ignores,
 ita non minus esse inconveniens Pyrrhonismum sequi in omnibus.
 Mirum porro esset, & indignum plane, velle Pyrrhonismum
 religionis superstruere principiis, atque istis illum stabilire:
 quasi quæ rationi evidentia sint, religio tollat, atque omni in rebus
 certitudini destruendæ inserviat: cum tamen summa harmonia
 sibi invicem religio & ratio respondeant, seque mutuo sustineant.

neant. Primo nempe rationem inservire cognitioni argumentorum, quibus veritas religionis demonstratur, ut disponatur mens humana ad obsequium auctoritati Divinae præstandum, quod gratia sine ratione nunquam persuadeat. Neque secundo rationem, stabilita Scripturae auctoritate, penitus cessare: quæ verosimilitudinem difficultatemque rerum revelatarum apprehendat, & cui istud exercitium circa veritatem verosimilitudinemve rerum revelatarum, nec adimat auctoritas Divina, nec ejus natura adimi patiatur. Tercio aliis etiam in rebus, quæ a ratione unice dependent, id quod semel verum est & evidenter probatum, veritatem suam retinere, licet consequentiarum series ad res incomprehensibiles nos deducat. Sic enim materiae divisibilitatem in infinitum, rem summæ evidentia & certissimæ veritatis esse, quamvis concipi non possit, partes arenulæ numero æquare partes totius universi. Quarto perceptionibus nostris attendendum esse, ut gradum certitudinis in iis recte cognoscamus. Unicam vero regulam, ex qua certi de nostris perceptionibus reddamur, esse claritatem earum. Cum vero sæpe pro claris habeamus, quæ clara non sunt, videndum esse, an superficiem tantum rei, an interiora quoque cognoscamus, & an aliquid in iis ignotum tanquam notum supponamus: porro item an illud, quod incertum est in re & ignotum, id, quod certo de ea nobis innotescere videtur, destruat, an minus. Quod si non faciat, relinqui alteri illi suam certitudinem, neque ad Pyrrhonis castra esse fugiendum. Porro dari res ita differentes, ut nihil invicem habeant commune, quas *diversas* dixeris simpliciter, quarumque differentia causa nulla alia sit, quam quod una non sit altera: sicuti soni v. g. & coloris diversitas aliter explicari non possit. Alias *contrarias* esse & sibi *oppositas* invicem, quarum contrarietatis ratio ex indole earum reddi possit: qua ratione lineæ rectæ curva opposita sit, quod hæc non, sicut illa, a puncto ad punctum per brevissimum, quod interjicitur, spatium procurrat. Denique claritatem idearum nostrarum ex eo cognosci posse, si aliis usu rationis pollentibus explicata, eodem ab illis modo, quo nobis, apprehendantur. Hisce regulis jam putat Autor nos dirigari posse, quousque in dubitando procedere, quando in propositione tantum probabiliter acquiescere, quando denique certi plane

& convicti esse debeamus. Quantum vero ad autoritatem infallibilem, sufficere, si clare sensus ejus percipiatur, ut penitus illi obsequamur, cum in eam nec error cadere possit, nec impossutura.

Jam istam methodum potioribus capitibus religionis applicandam censet. Certis nempe nobis de sensu verborum Divinitus revelatorum, autoritatem Dei præcipuum persuasionis nostræ esse fundamentum, quæ nullum dubium possit admittere infallibili Spiritus Sancti testimonio nixa. Hoc tamen non impedire, quo minus ratio examinet, cognoscat, explicet veritatem decisionum fidei, non ut si comprehendere non possit, rejiciat, sed ut uniat se cum fide eique se jungat, verum esse experta, quod fides ipsi proponit. At credere clarissimum Bælium, atque in iis quæ de Pyrrhone disseruit, & ad defendenda ea postea attulit, tueri, rationem ejusque evidentissima principia in tali examine revelationi semper adversa esse. Quod aliter se habere, inductione facta Autor monstrare conatur.

Primo Deum esse unum solum, colendum, atque fiducia prosequendum, docere Scripturas: ei vero rei rationem contradicere, ne ipsum quidem clarissimum Bælium affirmaturum. Revelationem mundum ex nihilo a Deo conditum nobis sistere: rationem ad assensum præbendum inclinari, tum quod verosimile hoc sit ipsi, tum quod a variis dubiis eam liberet; quorum utrumque fusius demonstratur. Animæ immortalitatem a revelatione adstrui: nec eam rationem destruere, quæ spiritualem naturam ex partibus compositam non esse, nec adeo in eas resolvi, Dei vero sapientiæ, ut eam annihilaret, parum conveniens esse, agnoscat. Nec quidquam hic opponi posse, nisi dicamus, spiritualem naturam rationem non admittere: id quod dici non posse, paulo fusius Autor probat, ostendendo ipsam rationem sibi non facile persuadere, ut vitam, motum, cogitationem materiæ tribuat, & pro iisdem habeat rem cogitantem & materiam, quæ diversorum generum esse deprehendat, inque iis omne, quod in talibus rebus exigi potest, diversitatis fundamentum, juxta superius dicta animadvertat. Parti morali religionis rationem non contradicere, quin potius hanc clarissime æquitatem præceptorum Divinitus allatorum confirmare.

Ab

Ab articulo de Trinitate non destrui rationem, maleque ex eo contra rationem inferri, quod *tria unum sint*: ut enim ista *contradictio in adjecto* ex articulo de S. Trinitate consequatur, necesse esse, ut vox *persona* in hoc mysterio naturam unam & singularem notet, separatam & distinctam ab omnibus aliis, prout significat quando de creaturis usurpatur. Cum vero id sibi non velit in abstrusissima hac doctrina, dici etiam non posse, quod ex ea sequatur, *tria esse unum*. Mysterium porro incarnationis non destruere essentialem proprietatem corporis animique humani, quæ est componere unam personam, licet humana Christi natura propria, ut loquuntur Theologi, *ὑποσάσει* destituta, subsistat in *ὑποσάσει τοῦ Λόγου*. Nempe clarissimo Bælio, contradictionem cum evidente rationis principio hic admittenti, solam vocem *persona* offendiculo fuisse. Quod ut removeatur, observat Autor, quod si corpus fingamus exanime, mechanice tamen motum, omnesque functiones suas obiens; illud quidem *personam* non fore, intellectu quippe destitutum, bene tamen *suppositum*, ut quod ipsum sit, *principium*, prout in scholis loquuntur, *αἰτίον*. Simili modo si fingamus animam corporis exsortem, cogitantem; eam, ut quæ intelligat, *suppositum* fore *personale* sive *personam*, quippe quæ sit principium rationale. En igitur, pergit Autor, *duo supposita*, quæ Deus ita unit, ut *unum suppositum* vel *unam personam* constituent. Quid magis jam rationi adversum in unionem hypostatica? Divina natura unitur humanæ, omniumque actionum humanarum & rationalium directionem suscipit, quæ pertinent ad exercitium mediatorii officii; quemadmodum anima humana *diversi suppositi*, corporis nempe, directionem suscipit ita, ut actiones illius voluntati hujus sint obnoxie. Atque adeo eodem jure, quo anima & corpus conjuncta, *unum suppositum* sunt, *una persona* etiam dicentur divina & humana natura, vinculo unionis invicem conjunctæ.

Verum jam satis speciminis. Hoc optandum, ut clarissimus Autor ipsos clarissimi Bælii discursus *κατὰ πίδα* lectoribus suis repræsentare, & accurata analysi instituta, quid imbecillitatis ratio in eis ostendat, quid speciei ingenium & eloquentia ipsis conciliaverit, ostendisset. Verendum enim, ne lectores sic satis bene instructi a lectione hujus libri sibi visi discedere, ubi in ipsum opus

Bælium inciderint, lumine ingenii ejus, & quæ pene singularis ipsi est, vi dicendi quasi attoniti, denuo constrictos se sentiant atque impeditos.

Appendicis loco huic opusculo breve *de anima & libertate* subjicitur systema, melius dilucidandis iis, quæ contra adversarium suum in ipso opere disseruerat clarissimus Autor, inserviens. In eo primo adstruitur, quod anima se spiritualem esse sentiat, quodque cum iis, quibus aliter videtur, controversia de vocibus tantum sit, ut qui id, quod nos spiritum vocamus, corpus novæ plane atque ignotæ speciei adpellitent. Inde ostenditur, animam cognoscere seipsam atque existentiam suam, atque adeo aliquid a seipsa sine objectorum externorum percipere subsidio. Discrimen porro intellectus & voluntatis & relatio ad corpus explicatur, in quo organorum rectam dispositionem ad exercitium facultatum animæ requiri ostenditur. Animæ per rectam dispositionem corporis obfirmatæ quasdam propositiones occurrere insito suo quasi gaudente lumine; ut oculo occurrunt objecta quædam suum lumen habentia eoque ipsum illustrantia, quæ statim cognoscantur. Aliter se rem habere cum aliis, quæ obscuriores sint, & quibus lumen proinde ab animo quasi sit accendendum. Ad primum genus spectare v. g. omnes consequentias, quæ deducuntur ex conceptu existentia, quales sint, quod non ens agere non possit, quod impossibile sit idem simul esse & non esse, quod numerus binarius bis sumtus quaternarium conficiat, &c. Propositionum posterioris generis lapidem lydium esse regulam: *quicquid omnibus rite expensis clare & distincte percipitur, illud verum est*. Perceptiones dari posse sine omni corporum intercurfu, falsumque esse, quod nihil sit in intellectu, quod non prius in sensu fuerit. Animam non posse non desiderare, quæ pertinere ad felicitatem suam cognoverit, & averfari contraria, hancque esse voluntatem. Bona ad felicitatem spectantia vel corpus respicere, vel animum, eaque sibi invicem subordinata esse ea proportionem, quæ intercedit inter dignitatem corporis & animi. Virtutis esse, hanc subordinationem tueri & observare. In volitionibus concurrere cogitationem, quæ repræsentet aliquam propositionem, & imperium ad agendum determinans, in quo sit velle & non velle. In hoc jam esse libertatem;

tem ; quæ ut rectius cognoscatur, observandum esse primo, quod cognitio, quam habemus de nobis ipsis, efficiat, ut amor proprius & emolumenta privata ordinarie voluntatem determinent, nihil inde detrimenti accipiente libertate ; certe enim in talibus consensum animi absque controversia inveniri. In aliis cognitionem non esse æque claram, in iis cura opus esse & prudentia, quo recte utamur libertate. Controversiam, an libertas consistat in eo, ut faciamus, quod faciendum esse judicamus, an vero consistat in eo, ut faciamus quod volumus facere, de vocibus esse, non de re ipsa, Non autem consistere in indifferentia libertatem ; hanc enim, cum rationalis sit homo, nonnisi ex profunda posse procedere ignorantia : penitus vero ignorantem, vel plane non agere posse, vel non nisi stolidè, actionemque ex mera ignorantia profectam esse nec humanam, nec liberam. Nectamen etiam libertatem absolvere unice iudicium animæ, quo æquam esse justamque censeat actionis alicujus perpetrationem omissionemve. Si ita enim res se haberet, hominem in perpetuæ vacillationis statu fore, nunc hancce inchoantem actionem, nunc aliam, prout diversam ab objectis acceperit impressionem. Non necessario itaque hominem determinari a rationis iudiciis, sed libere secundum iudicia rationis, secundum quæ se ad actionem determinavit, procedere. Optime denique libertatem ejusque indolem monstrari, ex consideratione actionum quarundam hominis, imperitque animi in corpus. Evidens itaque esse, in rebus, ubi affectus & commodum privatum voluntatem non abripiunt, nos facultatem habere libere in mentem revocandi ideas, ad veritatem aliquam inquirendam pertinentes. Sentire nos eandem libertatem in approbando præjudicio quocunque contra rationis dictamen ; libertate enim nisi frueremur, semper rationis dictamen prævalere necesse esse. Eandem nos experiri, ubi inter virtutem vitiumque mediū consistimus, atque vel illam vel hoc sequimur ; & magis etiam in actionibus corporis indifferentibus, animi nutum sequentibus, v. g. brachii extensione, oculi oclusione &c. Quod ipsum ut quomodo fiat explicetur, Auctori nec illustri Leibnitii placet hypothesis, nec *causarum occasionalium* systema, sed optime hæc receptam magis in scholis do-

Ari-

ctrinam explicare putat, quæ statuit Deum, qui essentiam existentiamque rebus largitus est, facultates quoque eis concessisse, per quas naturis suis convenienter valeant operari: animamque adeo etiam, ad animandum dirigendumque hoc corpus conditam, potentias quibus id præstare possit, naturam fuisse. Firmatur id aliquot rationibus, nec ob stare dicitur, quod modum non assequamur, quo spiritus in corpus operetur: sufficere enim, quod de re constet. Cetera hanc hypothesein pluribus difficultatibus solvendis aptissimam esse, quibus nec illustris Leibnitijs, nec causarum occasionalium patroni se facile possint extricare.

AUGUSTI BUCHNERI ORATIONUM ACADEMICARUM Volumina tria. *Quorum primum Panegyricas, secundum Festas, tertium nunc primum editum Literarias continet. Subjuncta est huic Editoris M. JOH. JAC. STUBELII, Illustris Scholæ Misnensis jam Rectoris, Oratio de Exsensionibus nocturnis Alumnorum Electoralium, & Buchneri Autoris Vita per eundem descripta.*

Frankofurti & Lipsiæ, apud Godofredum Leschium, 1705, in 8.
Constant Alphab. 2, & plag. 19.

Quomodo commendatus pridem a nobis fuerit meritissimus de politiore literatura vir, *Augustus Buchnerus*, insipientibus annum Actorum Eruditorum 1683 p. 147 & seqq. patet; ubi cum recensendum fuerit Volumen II. Orationum, *Festas* continens, a *M. Joh. Jacobo Stübello*, Rectore tum designato Scholæ Annæberg. nunc Rectore constituto Illustris Afranci, ex arrosis fere chartis in lucem productum, hoc tempore occasio suppeditatur, cæteras etiam orationes Autoris illius incomparabilis enarrandi, dum idem Editor Clarissimus partes Orationum ejus tres in unum compegit volumen, in forma librorum octava, juventutis commodo emissum. Earum Pars III nunc prima cura ipsius publico data, & dedicatione diserta Ephoris Generosissimis Illustris Afranci Lycei, Domino *Centurio a Miltiz*, & Domino *Joachimo Dieterico Bosen*, inscripta est, Quia vero parte prima comprehensas Panegyricas &

& funebres nondum indicavimus in Actis nostris, non alienum erit, eas nominare, antequam tertia ista inclusas ordine percurramus. Dicta Panegyrica I. est a Gustavo, *Gustavi Adolphi* Suecorum Regis filio; huic ipsi Suecorum Regi, ob partam A. MDC XXXI Lipsienſem victoriam. II. Ob eandem victoriam a Buchnero ipſo recitata VII Idus Sept. A. M DC XXXIII. III. Electori Saxonico D. *Job. Georgio* I dicta, ob ejus adventum A. MDC XLVI. IV. Eidem A. M DC XLIX, cum climactericum magnum feliciter superasset. V. Eidem, ipſis exequiarum ſolemnibus A. M DC LVII. VI. Ejusdem Viduæ, Domine *Magdalene Sibyllæ*, ipſo exequiarum die, A. M DC LIX. VII. Ad D. *Job. Georgium* III, cum Parentem Sereniſſimum lugeret, ac novum Principatum auſpicaretur. VIII. Ad eundem Electorem, cum a Comitibus Ratiſbonenſibus rediiſſet. IX. In exceſſum *Henrici* Sen. L. Bar. a *Frifſen*, Elect. Sax. in ſanctiore Senatu Conſiliarii, cancellorumque ac in Appellat. Curia Præſidis A. M DC LX. X. *Friderico Meſſſſio*, S. Rom. Imp. Theſaurario, & Saxonie Electori a Conſiliis ſanctoribus, nec non in Appellationum Curia Præſidi, A. M DC LVI. XI. Memoriz *Pauli Roberi*, SS. Th. D. nec non Eccleſiæ Wittebergenſis & cæterarum Circuli Elector. Saxonici Superintendentis A. M DC LI. XII. Memoriz *Dan. Sennerti*, Medici A. MDCXXXIX. XIII. eſt Allocutio alterius nomine ſcripta A. MDC XLIX ad Imperatorem *Ferdinandum* III. Sequuntur has funebres orationes numero XXIX breviores, e quibus potiores tantum referemus, quales ſunt I. dicta in funere D. Balthaſaris *Meiſneri*, II. in fun. D. *Friderici Baldini*, III. in fun. D. *Wolffgangi Franzii*, IV. in fun. D. *Benedicti Carptovii*, V. in fun. D. *Johannis Strauchii* J. U. P. VI. in fun. D. *Godofredi Reuteri*, VII. in fun. D. *Tob. Mayii*, VIII. in fun. *Joh. Blumii* J. U. D. IX. in fun. *Mauritii Blumii* Med. D. X. in fun. D. *Danielis Sennerti*, XI. in fun. *Ambroſii Rhodii*, Math. P. P. Cæteræ pleræque in funebribus ſtudioſorum aut ſcennarum adoleſcentiumque ac puerorum ſunt habitæ. Merentur tamen adhuc memorari XXIV, quæ eſt gratiarum actio dicta poſt funerationem Leonh. *Hutteri*, Theologi, & XXIX, qui ſermo eſt ad exequiatores poſt funerationem *Erasmi Unrubii* Jurisconſulci habitus. Feſte reperiuntur loco a nobis ſupra citato. Tertiæ Partis

Orationes *Literarias* vocari placuit, quod pleræque rem literariam spectant. Prima quidem de *Eloquentia* egit, cum Buchnerus Johanni *Avenario* successisset. II. De *Papismo* cum *Eshnichmo comparato*, cum Rectoratus fasces D. *Franzio* traderet. III. De *Exercitatione Styli*, pronunciata a M. Keimanno. IV. *Ad præcedentem* ipsius Buchneri *responsoria*. V. *Knispelii* Magistri novi de *Catonis Discipulis*. VI. De *iisdem* Buchneri. VII. De *Literarum Periodis*. VIII. De *Simplicitatis & Gravitatis vocabulo e Plinii Panegyrico*. IX. Lectioni *Annalium Taciti*, X. Prælectioni *Cornelii Nepotis* præmissa. XI. Est declamationi gemina, qua exponitur, *quid Carolus I Britannia Rex loqui potuerit, lata in sen- sententia ferali*. XII. Complectitur ea, quæ nobilissimus autor dixit, cum Decani Collegii Philosophici partes sustineret. His subjunxit *Stübelius* editor orationem quandam a se ipso compositam & recitatam, cum adhuc Conrectoris munere in *Misnensi* schola illustri fungeretur, qua *Exscensiones alumnorum nocturnas* reprehendit.

Totum opus ornatum addita *Augusti Buchneri Vita, per eundem uberius descripta*. Cujus recensam & arctatam, ut Priolus historiam suam vocat, epitomen hic dabimus. Nactus est ille *Dresdani* patriam, ubi natus *Prid. Kalend. Novembris A. MDXCI* e familia nobili & antiqua, reique militaris ac pyrotechnias peritia valde indyta. Patre gavifus est *Paulo Buchnero*, Principibus maximis, *Sabaudia Ducis*, *Daniarum Regi*, ac Imperatori *Rudolpho II* æstumatissimo, & ab Electoribus Saxonis *Augusto, Christiano I & II* tormentaria rei ac fabricis præesse jussu, ab Imperatore *Rudolpho* vero torque ac diplomate scutoque condecorato, sibi posterisque servando: matre *Maria Cræzia* Consulis *Dresdensis* filia. In schola *Dresdensi*, ubi pueritia ejus formata, *Kunadus* dicit in- Programmata funebri, eum inter medios *Teutonas Græcum*, inter *Dresdenses Romanum* apparuisse; ac *Schubartus* auctor est, jam tum eum in literarum osiores & stultitiam eorum carmine- luisse. In *Portensis* vero ad *Salam* seminarii convictu, cui *Idibus Novembris A. MDCIV* adscriptus est, fulgor emicuit clarior, æ- qualibus cunctis in *Latina Græcaque* lingua præcipientis palmam. Triennio hic acto, Patre orbatus est: sed alterum permansit, demum *A. M DC X* in *Wittebergensi* Academiam missus; in. cujus al-
bum

bum relatus est XIII Cal. Decembris, Pro-Rectore tum D. Leonh. *Hutzero*, ac Rectore Duce Saxonico *Augusto*, Electoris Joh. Georgii I fratre. Cumque hanc ipsi aream nobiliorem ac palæstram assignaverit providentia Divina, in qua se probaret orbi, factum est, ut illico Jo. *Rhodenburgio* Antwerpiano successor in arte ac professione poetica suffectus fuerit, A. MDCXVI, virtute ac doctrina ipsius jam satis spectata: quo tempore quoque primus inter 46 competitores lauream philosophicam accepit. Initio se Jurisprudentiæ studiis mancipare decreverat: sed haud multo post, dulcedine semel gustata Musarum mansuetiorum, & famæ nominis inde capiendæ, mutavit consilium suum, & illis pro virili se applicuit firmius. Per totos autem XL annos spartam Professoris Poeseos ornavit, diciturque in Epitaphio suo humaniorum literarum summus vindex ac stator. Et a *Kunado* verissime affirmatur, ab Augusto isto augustissima literas bonas accepisse ornamenta. A Stübello, Malagonellio illi Oratori Romano celebri longe præfertur, genere dicendi casto & æquabili, & instar limpidissimi amnis profluente, quo parem nesciverit. Nec tamen hic dissimulat, scribendo meliorem habitum quam dicendo, ubi timidior fuerit, nec expeditus omnino, unde proverbium etiam tunc frequentatum, esse Oratorem *Saxoni* loquendi non gnarum. Quod tamen laudi ejus nil deroget. Quod oris volubilitati decessit, studiosa pensavit & sollicita compositione, qua periodos omnes dimensus est artifice calamo. Vidisse se ille dicit unius ejusdemque orationis aliquot exempla, ejusdem ipsius manu exarata, varique hinc inde interpolata, & aliis aliisque coloribus expolita. Neque omittit id ei proprium ac singulare, quod, cum concinnanda fuit vel oratio quædam, vel epistola, vel alia scriptio, non rosit unguis, ut vulgus meditantium solet, sed icones argute pinxit in chartæ margine. Industriæ illius & eruditionis præmia recenset, famam celebrem, etiam apud externos, laudes amplissimas ac dignitates spectabiles. Præter Professionem Poeticam Oratoria ei etiam collata fuit A. MDCXXXI, Joh. *Avenario* vivis exæmpto. A. MDCXVII, demandata jam ei erat Ephoria Electoralium alumnorum, quam per annos XXXIII obiit. Senior Collegio Philosophico uno præfuit anno diutius. Academiæ totius Senior A. M DC XLIX etiam

per XII annos hoc tenuit decus. Fasces Academiæ ter, Decani munus oðies sine exemplo gessit. Optime vero de Academia, illi adhuc obligata, meritus est, non modo doctrinis, sed etiam consiliis publico salutaribus, & gravioribus in comitiis, & apud ipsum Patriæ Patrem, negotiis curatis, cum ejus etiam opera multi facti fuerint idonei aulicis ministeriis cum gloria & ex utilitate communi obeundis. Nunquam in cassum abiire spes, tibi manum ille admovit, ac vix unquam nisi lætus nuntius reversus est, cum ablegatus ad orandam Academiæ causam ivisset, quam periculossimo tempore conservavit, suada illa & gratia sua, quæ valebat apud Magnates. Pingitur ubique decorus torque aurea, cui appensa Electoris *Joh. Georgii II* effigies adamantibus enitescens. Enumerantur virtutes ejus plurimæ, sapientia, prudentia, humanitate temperata incredibili gravitas, candor eximius, pacis & concordia amor, modestia, avaritiæ fuga, cum nec lucrum privatis scholis quæsierit, neminem cogendum ratus ut gratum se præstare vellet, comitas, sobrietas ac frugalis vita. Pietas ejus imprimis prædicatur, etiam in carminibus sacris pangendis exhibita, & comprobata delectatione ac lætitia sancta, quam ex odis Davidis, quas Psalmos vulgo dicimus, petit, & exquisitiore studio, quo sacra coluit publica, præ cæteris auditus cantu Deum celebrans. Quo collimavit potissimum symbolum ab eo electum: *unum est necessarium*. Hoc excellentiæ ipsius argumentum certum, quod poësin cum oratoria facultate nexu rarissimo copulavit. Quæ laus ipsius Ciceronis & Virgilii non est. Nec in Latina tantum, sed etiam Germanica Poësi excolenda, cum *Opius* amico suo strenuum se ostendit, Dactyli præcipue carminis inventionem ac usum. Quare in Societatem sic dictam frugiferam allectus, & cognominatus fuit *der Venossene*. Sicut & Germanica ejus, quæ videre lucem, Poemata referuntur; nec silentur quotquot ejus prodire scripta, nominatis iis etiam, cum quibus amicitia ei intercessit, & qui cum ad se pertrahere voluerunt, inter quos primo loco Potentissimus Rex Suecorum & Gothorum *Gustavus Adolphus* reponitur, qui cum ad varias professiones in Academia sua Upsaliensi elementissime invitavit. Id quoque non taectur, quod Elector Saxonie præficere ipsum Illustri Portensi ludo cogitarit, licet.

Col.

Collegis aliter visum fuerit. Significatur juxta, cum de suscipiendo Gymnasii Hamburgensis Rectōratu cum eo actum fuerit, amorem patriæ ac Academiæ Wittebergenfis obtinuissē, ut maneret. Tum fortunæ ipsius rationes exponuntur, quæ non beatissima quidem; nec tenuissima tamen fuerit. Matrimonium inuit faustum cum virgine pudicissima Elisabetha, *Jacobi Crusii* Jurisconsulti filia, cum qua vixit feliciter 45 fere annos, & e qua filias quinque & sex filios procreavit, undecies pater factus, quamvis duo tantum filii, Martis castra secuti, totidemque filiarum superstites vixerint. Filius natu major *Christianus Augustus* apud Electorem Saxonicum rei tormentariæ & fabricarum præfectus fuit supremus. Gnatarum natu maxima Elisabetha conjugem sortita est D. *Hen. Coselium*, Pandect. P. P. & Curia Elect. Scabinatus & Fac. Jurid. Assessorem. Alteram Dorotheam duxit uxorem *Orbo Prætorius* foceri optimi successor non indignus. Reliquum fuit, ut de valetudine his aliquid adjiceretur, annis prioribus jam non robustissima, servata tamen ultra naturæ leges, inter morbos, quibus tentata est, usibus publicis, Divino beneficio, usque ad annum ætatis septuagesimum, quo podagræ doloribus & calculi valde vexatus ac denique fractus, A. M DC LX d. XII Februarii expiravit placide. Quam columnæ primariæ illius Academiæ prolapsionem orbis literarius lamentationibus justis prosequutus est. Exequiæ XI Cal. Martii paratæ. Concio funebris ab *Abrahamo Calovio*, parentatio ab *Ægidio Strauchio* habita. Corporis exuvie in æde sacra, quæ arci contigua est, compositæ: ubi monumentum erectum visitur. Monetur denique, rariora manuscripta *Buchneri* reperiri apud Samuelem *Cnaubium* Wittebergæ, quorum partem etiam *Strübelius* & *Hübnerus* tenent, tempore suo evulgandam.

RATMUNDI VIEUSSENS, DOCTORIS MEDICI
Monspelienfis, Regiæ Societatis Londinensis Socii,
Novum Væserum Corporis Humani Systema.

Amstelodami, apud Paulum Marret, 1705. in 12. pl. 20.

Cum *Nobilissimus Autor*, cujus nomen aliquoties in nostris Cindaruit Actis, in præsentī opusculo cum primis secretiorum

p. 142.

p. 90.

92.

93.

94.

95.

118.

& excretoriorum corporis ductuum originem demonstrare constituerit, haud praepostere videbimur agere, si prius innuamus, quinam canaliculi secretoriorum & excretoriorum nomine ab *Autore* insigniantur, & qualis utrorumque notetur discrepantia, quam tubulos recenseamus, qui conformationem *Uteri*, *Coryledonum*, *Manmarum*, *Vasorum sanguiferorum*, *Lienis*, *Hepatis*, *Renum*, *Pancreatis*, variarumque *Capitis* partium, ingredi observentur. Et enim ductus, recrementitios solummodo succos ex arterioso sanguine secernentes, muscutorum videlicet & membranarum lymphatici, secretorii; humores vero excrementitios segregantes, more spongioso urinosorum renum ac biliferorum hepatis tubulorum excretorii appellantur: qui autem ductus nunc recrementitiorum, nunc excrementitiorum humorum secretioni vacant, uti vasa vesiculoso-lymphatica uteri, partim pro secretoriis, partim pro excretoriis venditantur. Utriusque tamen generis canalium dum alii immediate, alii mediate succos secernendos aut excernendos ex arteriis depromunt, illi primarii, hi secundarii cognominantur: sicque membranarum vasa lymphatica & adiposa pro secretoriis primariis, atque ii tubuli, qui spongiosam uteri substantiam contextentes ex propria illius membrana nascuntur, pro secretoriis secundariis habentur; prout renum ductus urinosi excretoriis primariis, & biliferi ductus internæ folliculi felleæ superficiei appensi, excretoriis secundariis annumerantur. Secretoriorum demum vasorum alia immediate, alia mediate, succos ex arterioso sanguine secretos in venas exonerare pariter atque excretoriorum ductuum alii immediate, alii mediate, humores excrementitios ex interioribus corporis eliminare, indigantur; vasis lymphatico - nerveis & adiposo - nerveis titulum a nervulis nutuantibus iis, qui cum lymphaticis & adiposis vasis strictissime coalescunt eorumque cavitatibus inhiant. In hoc interim vasa lymphatica *Autoris* a *Bartolinianis* discernuntur, quod priora ex arteriis emergant, & in venas partim, partim in spongiosam alicujus partis substantiam, desinant, posteriora vero ex venis oriantur, numerosa v. g. lymphatica uteri muliebris ex venis membranæ propriæ, atque nunc in receptaculum lumbare, nunc in ductum thoracicum, nunc in venas alias terminentur. Sed ad partes ipsas deveniendum, quas ex tubulis ejusmodi

con.

contextus, post præviam earundem in aqua coctionem vel mace-
rationem, nec non exsiccationem, microscopii subsidio specialius
Noster annotat, initium ab *Utero*, cum humano, tum ovillo, fa-
ciens, quod filius, Medicinæ Doctor, primam ipsi subministrasset
ansam in utero mulieris, ex abortu denatæ, eorum vasorum vesi-
culosum-lymphaticorum, quæ sub interna membrana porosa re-
ticularem plexum efformant, principium in arteriis finemque in
venis detegendi. Circa generaliore uteri virginei atque ovilli
gravidis, in superficie itidem permultis lymphaticis *Bartholinianis*
stipati, structuram ratione membranarum advertit, utrumque ute-
rum ex tribus membranis, communi una & duabus propriis, coale-
scere, quarum communis a peritonæo oriunda innumeris lymphaticis
nervis tubulis ac paucioribus sanguiferis interspersis, prop-
riarum vero prima innumeris ductibus sanguiferis ac indefinitis
lymphaticis, partim ab arteriis, partim a communi membrana
prodeuntibus ac fibras musculosas mentientibus, præsertim in gra-
vidis, quando eorum nonnulli ob nimiam ostiolorum aperturam
tenuissimas simul sanguinis particulas admittunt, evidenter con-
stet. Quoad specialiore vero texturam, uterum muliebrem ab
ovillo distinguentem, in illo duabus membranis propriis spongiosam
notat interjacere substantiam, intra poros suos irregulariter dispo-
sitos succum ductorum lymphaticorum recipientem, atque ex par-
te ad venas, ex parte ad uteri cavum, intervenientibus finibus sub-
rotundis ac porosis deponentem: quæ, etsi vasorum retiformium
præ se fert speciem, ob tunicarum tamen defectum vix verorum
ductuum nomine insigniri mereatur, per quam vero apta, ut in
gravidis succum simul lacteum a nonnullis vasculis dilatatis reci-
piat, ad glanduloso-vesiculosam placentam uterinam transferen-
dum, in non-gravidis autem singulis mensibus facies transcolatæ
lymphæ colligat, quæ successive acescendo, incallescendo atque
fermentescendo, sanguinis, per venas compressas remeare impe-
diti, secretionem & excretionem menstrui per lymphatica ex-
pansa spongiosamque uteri substantiam sine ulla vasorum ruptione
producant. E diverso in ovillo utero primam membranam prop-
riam cum secunda partim immediate, partim intermediis conæ-
rere cotyledonibus, pocula quodammodo æmulantibus, quales aquæ
fri-

p. 2.

7. 15.

16.

8.

9.

13.

14.

- p. 29. frigida immerſi hanc mox lacteam reddant, per triduum vero in ea macerati explicatis ſuis vaſis lymphatico-nerveis, per innumeras propagines tenuiſſimas invicem communicantibus, exiguum aſpergillum, ſeu potius omnino evolutum acaciae florem referant, ductibus ejuſmodi lymphatico-nerveis ex arteriis proficiſcentibus ac in venas deſinentibus, abſque eo, ut propagines emittant, utero ovillo aëque ac muliebri inhiariſtes. Membranarum hinc foetus ovilli ſtructuram arcumque cum cotyledinibus & vena umbilicali nexum inveſtigaturus, ubi chorion & amnion duas membranas ſtriſtiſſime unitas, e vaſis ſanguiferis & lactiferis contextas ad laticem, cui foetus innatat, ab huius cutis tubulis lymphatico-nerveis recipientes & continent, allantoidem vero ſero urinoſo turgidam ac e lymphaticis & ſanguiferis vaſis conflatam, monſtravit, prolixam ad primas vias inſtituit digreſſionem, ut cum viam ad renes brevifſimam & latifſimam, quam acidulae, ſpirituofa, aliaque aſſumpta cito emetiantur, tum ventriculum primum ſimul alimentorum liquidorum eſſe colatorium, patefaciat. Viam ſcilicet iſtam, primum per ventriculi lymphatico-nerveae vaſa, ex arteriis ortum ac in venis terminum obtinentia, venas gaftericas & gaſtro-epiploicas, deinde per ſimiles inteſtinorum tenuium ductus lymphatico-nerveos, venas meſaraicas, innumeros venae portae ramos, ſuperiorem inferioris trunci venae cavae partem, dextrum cordis ſinum, arteriam & venam pulmonarem, ſiniſtram cordis cavitatem, ſuperiorem trunci inferioris aortae partem & arterias emulgentes, haberi indigitat. Per tubulos autem ventriculi lymphatico-nerveos, aëque ac inteſtinorum, aliquid liquidi ad venas tranſcolari, adjuſmento eſſentiae croci, ventriculo poſt internam ſuperficiem aqua frigida deterſam infuſae, atque intra bihorium non modo ſtomachi parietes, ſed & vaſa ſanguifera tam ventriculi quam omenti cum ductibus huius adipofis, flavo colore inſcientis, comprobatur, ſimulque obſervationibus eorum confirmatur, qui vitam aliquandiu protraxerunt, etiamſi in cadaveribus ipſorum diſſectis omnis via, vel a ventriculo ad duodenum per præternaturalem pancreatis magnitudinem ac indurationem, vel ab inteſtinis ad vaſa lactea per horum defectum atque meſenterium gypſeum, penitus apparuerit intercepta. Eſſentia tamen croci quia pariter e
- 22.
- 25.
- 30.
- 37.
- 40.
- 34.

ventriculi, semoto omento, inverſi ac ſuſpenſi fundo ſenſibiliter
 ſtillare ſoleat, aliquid pinguedinis quoque per omenti ductus adi-
 poſos ad ventriculum deferri, adeoque fermentum ventriculi, ali-
 mentis coquendis dicatum, e miſcella ſucci huius adipoſi, ſpiritu
 quodam acido volatili ſaturati, ſpiritus animalis nitroſis aeris par-
 ticulis imprægnati, atque laticis lymphatici, reſultare colligit. Sed
 ad chorion rediens, modo huius cum cotyledonibus uteri con-
 nectionem ope exiguum corporum glanduloſo-vaſculoſorum ſub-
 raborum, tanquam totidem placentularum, mera vaſcula ſanguif-
 era pluraque lymphatica involventium; modo co hæſionem
 membranarum foetus & placentæ uterinæ cum utero interceden-
 tibus atque coaleſcentibus lymphaticis, ita fieri tradit, ut in pro-
 ductione & accretione foetus ovilli atque humani, fuſius explana-
 ta, non ſanguis, ſed ſuccus lacteus a cotyledonibus per placentu-
 las & ab utero per placentam uterinam ad venam umbilicalem
 foetumque tranſcolari ac propagari intelligatur. Quemadmodum
 vero *mammis* inſignis cum utero intercedit conſenſus, ita illarum
 porro ſimilem cum huius declarat conformationem, utpote ex
 membrana propria & ſubſtantia glanduloſo-veſiculofa non aliter
 compoſitam, quam quod vaſa ſanguifera & lymphatico-nervea,
 ab arteriis enata & ad venas partim, partim ad ſubſtantiam veſi-
 culofam abſeuntia, membranam compingant, textus autem ſpon-
 gioſus laticem lymphaticum partim mediate, dictorum lymphati-
 corum medio, partim immediate ex arterioſo ſanguine deriveret, ac
 per tubulos lactiferos ad papillas diſpenſet. Majorem ſolummo-
 do albedinem ſpongioſi mammarum corporis majori firmitati va-
 ſorum lymphatico-nerveorum deberi, nonniſi lympham tenuio-
 rem atque a facibus depuratam admittentium, cum uteri lym-
 phatico-nervea molliora craſſiorem ſeculentioremq; lympham
 recipiant, ſicque texture veſiculofæ cineritium inducant colorem.
 Quo luculentior nihilominus lymphatico-nerveorum vaſculorum
 in utero. *mammis*, aliſque partibus exortus ex arteriis reddatur
 in progreſſu tam in genere *vaſorum ſanguiferorum* exteriores &
 interiores glandulas veſiculofas, i. e. veſiculas pellucidas, e tubu-
 lis diverſi generis ſimul intextis reſultantes, obſervationibus, expe-
 rimentis & rationibus demonſtrare, quam in ſpecie *aorte* ac *ve-*
p. 32.
41.
44. 52. 54.
59. & ſeqq.
63.
73.

M m m n e

75. *ne cave* singulas tunicas una cum secretionis modo extricare annitur. Ex iis, quæ in cadavere alicujus a rupta pulmonum voinica mortui observavit, evidentissimus contextus glandularum vesiculofarum nimis dilatatarum in pericardii membranis propriis propriaque cordis & auricularum illius membrana, extrema demum superficie omnium vasorum cordis, una cum pericardii & cordis tubulis lymphatico - nerveis, nobis haud silendus videtur. Aor-
82. tam vero, non minus atque arteriam pulmonalem, in quatuor dirimens tunicas, primam eorum nerveam ex implicatione diversi generis vasorum, alteram vasculosam ex vasculis rubris, subflavis sive sanguiferis, ac cineritiis seu lymphaticis constructam, utramque vasculoso - vesicularem, respectu vesiculofarum glandularum a vasorum diversis flexibus concinnatarum, tertiam spongiosam fluidum succum in poris suis irregularibus continentem ac radicem omnium ductuum constituentem, quartam denique interiorem, sat validam, licet pia meninge tenuiorem, poris innumeris propter varios succos ex arterioso sanguine continuo secernendos instructam, pluribus explanat. Ne manca tamen ista tunicarum videatur evolutio, propagines nervorum prosequitur, quæ interiorem arteriarum texturam a primo sui ortu ad extremos usque fines subeant, statimque in exiguissimos abeant tubulos membranaceos, cum tenuissimis spongiosæ arteriarum tunicæ ductibus secretorii coalescentes & una cum ipsis membranas constituentes, quatenus corporis membranæ non solum lymphaticis, vel adiposis, vel lymphaticis & adiposis simul, sed & nerveis ductibus consent, spiritum animale in secretorios canales, pro liquorum fluiditate atque vi augenda, exonerantibus. Ne autem circa ductuum adiposorum ex arteriis originem dubium relinquatur, præterquam quod pinguedinem consideret, tanquam ramosas sanguinis arteriosi partes, tum ad omentum, quod in museo siccum asservat, ductuum adiposorum perspicua foramina immediatumque ex arteriis
99. artum ac finem in venis apertissime sistens, tum ad croci essentiam, a sinistro cordis ventriculo intra viginti quatuor horas ad totum magnæ arteriæ truncum, binas arterias coronarias & superstratam ipsis pinguedinem penetrantem, hæcque cuncta colore croceo perfecte tingentem, provocat. Quemadmodum vascula lymph-
103. pha-

phatica, quæ in membranis vesicularum succo crystallino gravidarum contextum repræsentent, dilatata nimis ipsum sanguinem recipere, exemplo portionis intestini coli inflammatae dat demonstratum. Eam præterea, qui hæsitat, num arteriæ capillares variis suis inflexionibus vesiculosa quadantenus vascula referant, tandemque in venas desinant, adeoque arteriæ & venæ continuos canales constituent, jubet intueri *lienem* humanum, post aliqualem membranæ communis a propria in parte convexa separationem, per mensem in aqua maceratum, certoque pollicetur, deprehensurum illum esse, viscus hoc non solummodo mirandum vasorum haberi plexum duplici membrana obvolutum, sed minores quoque ejusmodi plexus arteriosos propagines in venas minores abire, tenuissimis forsitan nonnullis exceptis, quas ductuum lymphaticorum vires supplere, ac in venas terminari suspicatur, quod indefinita ejusmodi vascula tam in membrana comuni splenis suilli, quam intra texturam anteriorem ejus aliquamdiu in aqua macerati, propter crassiorem sanguinem copiosiori lymphâ diluendum, nudis oculis detexerit. Ad venas progrediens, in venæ cavæ ramis tunicas, ab arteriis mutuatas & minori vasculorum apparatu instructas, describit tres: communem ac mediam e vasis diversi generis varie intertextis conflatas, atque anteriorem spongiosam, indefinitis foraminibus, partim sensibilibus sive ostiis ductuum venosorum, partim insensibilibus, seu spiraculis lymphaticorum & adiposorum tubulorum, pertusam. Venæ portæ ac venæ cavæ per totum *hepar* distributionem exhibet talem, qua innumerae utriusque propagines in membranaceas cellulas ovales abeant, inque his pro hepatis glandulis constituendis diversimode convolvantur, per veramque anastomosen invicem conjungantur. Quoties enim jecur suillum in tenues lamellas dividatur, atque hæ in frigida macerentur, toties utramque earum lamellarum superficiem cellulis membranosis instructam, interiori autem cujusque cellulae superficiem speciem quandam musci cinereo-rufi, non nisi extremos fines propaginum venæ portæ cum capillaribus cavæ immediate unitos comprehendentis, ad nutum conspici. Circa venam denique pulmonarem non aliud addit, quam quod illa pro pulmonaris arteriæ sobole jamjam a *Malpighio* fuerit habita; quoniam pot-

p. 110.
113.

114.

115.

116.

117.

118.

120.

121.

- tiorem curam gerit rationem patefaciendi, qua omnium arteriarum conicarum parietes a sanguine e sinibus cordis propulso per totum sui tractum ab invicem diducantur, simulque a vasculorum ex spongiosa illarum tunica nascentium ostiis una dilatatis, sive sensibilibus, sive insensibilibus, magnitudine, figura & situ discrepantibus, nunc sanguis, nunc alius succus proportionatus admittatur, totque humores diversi vi dictorum vasculorum elastica, mox, dilatatione arteriarum cessante, ad venas pariter, atque secretorios & excretorios tubulos propellantur: quare virium celerima fiat jactura, si v. g. in febribus malignis motus cordis ad brevissimum etiam tempus intermittat. Ast tadiofum Lectori haud dubie foret, si in iis ulterius commemorandis, quæ *Autor* de renibus, ductibus biliferis, pancreate, tandemque de pia crassaque meningē, cinerea cerebri substantia, quarto spinalis medullæ involucri, vasis sanguiferis cerebrum irrigantibus, glandula pineali, valvula cerebri majore, infundibulo & glandula pituitaria, fusius edocet, quibusque propria errata in *Neuregraphia* quoad ultimas partes commissa candide corrigit, tantæ insistere vellemus prolixitati: ex omnibus proinde solam sufficere renum structuram percurrere, & duabus membranis ac duplici substantia coagmentatam. Exterior renum membrana adiposa ductus, quos obtinet adiposos, immediate ex arteriis fertur adsciscere, atque exilissimas eorum productiones ad renum venas extimas per membranam propriam æque spargere ac propria membrana, nervulis, multis vasculis sanguiferis & indefinitis lymphaticis constans, tenerissima lymphatica filamentorum specie ad easdem venas demittat. Exterior vero renum substantia, glandulosa adhuc reputata, omnis vasculosa, i. e. ex arteriis, venis atque innumeris ductuum adiposorum & lymphaticorum utriusque membranæ productionibus coagmentata, non minus adstruitur, atque interior eorum compages ex triplici tubulorum genere, arteriis puta, venis & ductibus urinariis deducitur. Arteriarum videlicet emulgentium ramos cum nervis unitos, emissis propaginibus arteriosis & sub albis filamentis ad utramque membranam, modo versus renum pelvim tendendo sub hac alias atque alias elateribus suis exiguissimas propagines, in exilissimas venas ubique socias abeuntes totamque pelvi subjacentem glandulosam substantiam constituentes,
- exer-

p. 123.

143.

144.

146.

148.

149.


155.

159.

161.

TAB. X. ad A. 1705

FIG. IV.



exerere, & quidem tot, quot membranaceæ sint fistulæ, ex elongato pelvis margine conflata; modo cum venis versus extimam renum substantiam excurrendo in plures facessere arcus majores, minores alios intra & extra se comprehedentes, ac interiorum renum compagne in duo veluti hemisphæria dividentes, a quorum antica & concava parte ad interiorem, a convexa vero & postica parte ad exteriorem renum substantiam indefiniti furculi, venulis ubique stipati, propagentur. Ex antica pariter & concava arteriosorum arcuum parte, ut & ex antica facie vasculosorum plexuum renalium atque ex arteriis concomitantibus spongiosos ductus urinarios, urinam transcolantes & in nonnullis animalibus unum corpus cinereo-albo-spongiosum, in aliis plures carunculas sive papillas concinantes, primam nascisci originem, ratione, experimentis ac observationibus, uberius evincitur. Antequam tamen explicatione Figuræ finiamus transcriptæ, qua in rene vervecino, secundum longitudinem a parte convexa ad pelvim usque secto, arcus omnes arteriosi una cum membranaceis suis fulcimentis interiorque facies vasculosorum plexuum renalium, exenta substantia vasculoso-spongiosa, representantur, *Experientissimo Autori* de Systemate, hoc vasorum corporis humani non possumus non applaudere, eatenus omnino novo, quatenus ante eum vasorum *Bartolini* lymphaticorum principium a venis, cunctorum vero reliquorum tubulorum secretoriorum & excretoriorum exitum præcise ab arteriarum tunica spongiosa, & nonnullorum finem in venis, nondum, quantum novimus, asseruit ullus, etiam si arteriarum cum venis continuationem *Servanmerd*, *Leuwenhæckius*, *Craanius*, *Lifterus* alique, aut saltem conjunctionem intercedentibus vesiculis *Mayor*, immediatamque simpliciorum organorum sacernentium ex arteriis originem *Nuckius*, *Ruysehius*, *Comperus*, &c. jamjam divulgaverint.

Explicatio Figuræ I Renem vervecinum exhibentis.

TAB. X.
Fig. I.

- A A A A Extima, seu glandulosa renis vervecini substantia.
B Arcus arteriosi minimi paulo super majores arcus constituti.

Mmm 3

C. Ar-

- C Arteriæ venas comites habentes, quæ e superna & postica arcuum arteriosorum majorum facie nascuntur, & extimæ renis substantiæ convexam illius partem occupanti effor- mandæ impenduntur.
- D Arcus arteriosi majores.
- E Ea vasculosorum plexuum renalium pars, quæ arcubus majoribus & minoribus arteriosis circumscribitur.
- F Arcus minores arteriosi.
- G Hæc vasculosorum plexuum renalium pars, quæ a margine pelvis ad minores usque arteriosos arcus protenditur.
- H Cavitas pelvis.
- I Membranaceæ fistulæ e margine pelvis elongato conflata, seu membranacea arcuum arteriosorum fulcimenta, quorum parietes tenuissimi evadunt, dum in arcus arteriosos & venosos abeunt.
- K Ostium ureteris.
- XX Propagines arteriosæ ex arcubus arteriosis majoribus emergentes.

DE AURE HUMANA TRACTATUS, IN QUO integra ejusdem Auris Fabrica, multis novis Inventis, & Iconismis illustrata, describitur; omniumque ejus Partium usus indagantur. Quibus interposita est Musculorum Uvula atque Pharyngis nova Descriptio & Delineatio, Auctore ANTONIO MARIA VALSALVA, Imolensi, Philosophia & Medicina Doctore, in Bononiensi Universitate ad Incisionem & Ossificationem Anatomicam Professore conducto, nec non Nosocomii Incurabilium Chirurgo.

Bononiæ, typis Constantini Pisarii A. 1705. in 4. Constat 1. Alphabet. & Figurarum Tab. X.

Præfat.

Quamvis *dexterrimum nostrum Anatomicum* ii haud laterent, qui majorem in Auribus humanis scrutandis & delineandis posuerunt industriam, inter quos *Celeberrimum Dominum du Verney* cum primis extollit; quia valde nihilominus dubitaret, an tale organum, cujus partes exiguæ durissimo inclasæ habentur ossi, cujusque vul-

vulgatæ historiæ nec inter se nec cum aure ipsa, in multis conveniunt, adhuc penitus perlustratum esset, proprias vires in admirando ejusmodi sensorio studiosius investigando experiri voluit, ut quæ in eodem aut illustrari, aut augeri, aut etiam inveniri labore & diligentia possent, in lucem protraheret. Neque indefessam accuratissimi Auctoris sedulitatem, tantæ spei innixam, felicibus successibus caruisse, præsens tractatus, nitidissimis atque curiosissimis figuris ornatus, eo apertius loquitur, quo evidentius, cum circa *Auris humana structuram, tribus cavitatibus, exteriori videlicet sive auricula & meatu auditorio, media seu tympano, & interiori sive labyrintho* constantem, tum circa omnium ejus partium usus, plura novæ sistit detecta, quæ vel sola cum Benevolo Lectore nunc imus communicatum. Ut ab *auricula* vero & *meatu auditorio* faciamus initium, varia hic, ab aliis neglecta, innuenda veniunt, *glandula nempe cutis sebacea, cartilaginis quidam processus, glandula tragi, auricula musculus anterior, musculus tragi & antitragi, novum auriculae ligamentum, verum auditorii meatus incessum observandi ratio, glandularum meatus auditorii corpus reticulare, auriculæ & meatus auditorii rami venosi a peculiari vena occipitalioriundi, nonnulla basis cranii foramina, certior nervum in odontalgia adurendi locus, atque in parotide humana lymphatica seu conglobata glandula.* Cutis auriculæ glandulæ salutantur sebaceæ, quod humorem secernant sebo similem, naturaliter post sui exsiccationem in fursureas abeuntem particulas, quales glandulæ in spina pariter & alis nasi, ahisque faciei partibus, potissimum sub palpebris, nec non in capillata capitis parte, atque circa collum & scapulas reperiantur. Præter notas auriculæ eminentias ac foveas, a cartilagine efformari solitas, exiguus & acutus in parte hujus anteriori, ubi helix immediate supra principium meatus auditorii concham claudit, ostenditur processus. Prout ex parvæ glandulæ tragi vocantur, quæ ciceris exilis magnitudine super cartilagine ad tragus versus finem collocantur, cum glandulis lymphaticis inguinalibus & axillaribus convenientes, cum parotide autem non confundendæ. Externis auriculæ musculis quatuor, uni superiori & tribus posterioribus a *Casserio* inventis, quintus anterior adjungitur, a temporalis musculi membrana im-

C. I.

P. 3.

4.

5.

7.

me-

- mediatè supra exortum processus zygomatici ab ossè temporum, enatus, &, antequam auriculam attingat, in duas divisus partes, quarum altera in partem anteriorem superioris conchæ cavitatis, altera verò paulo superius in partem anteriorem cavitatis scaphæ infigitur. Duobus autem auriculæ musculis internis, utrumque extremum intra illam obtinentibus, ac in capitibus potissimum macilentorum conspicuis, nomina a trago & antitrago ita imponuntur, ut musculus tragi, ambitu fere circulari circumscriptus, fibris carneis externam tragi faciem occupare, musculus vero antitragi basin ad posteriorem antitragi partem habere, & pyramidis in forma assurgentem in conchæ marginem, ubi antihelix definit, inferi perhibeatur; quibus musculis in auricula fibræ carneæ, a gibbo conchæ circa ejusdem dimidium recedentes & in anthelicem transversim extensæ non minus associantur, atque fibræ aliquando carneæ musculis externis a quadrato colli ad inferiorem auriculæ partem soleant accrescere. Auricula cum ossè temporum non solum per musculos exteriores, sed & per nexus membranaceos, imprimis per ligamentum, coherere asseritur, quod acutum illum processum in auriculæ cartilagine indicatum, itemque superiorem cartilaginosi meatus auditorii partem, cum temporali ossè ibi colliget, ubi ab hoc zygomaticus processus erumpit. Quo meatus auditorii, a coarctatione conchæ incipientis & usque ad tympani membranam per os temporum progredientis, tota cavitas cylindro quidem elliptico comparata, sed satis tortuosa atque serpentina exactè cognoscatur, cera vel alio liquato corpore jubetur repleri. Membrana adiposa ad meatus auditorii solummodo medietatem dicitur elongari, statimque ab ingressu in fibras carneas abire reticulari ordine dispositas atque suis areis glandulas ceruminis, a *Domino du Verney* primum descriptas, fulciantes, cum e diverso auriculæ cutis eundem meatum investiat totum suæque expansione membranacea, in quam circa medium ejus gracilescit, ipsius membranæ tympani exteriorem faciem constituat. Dum arteriæ ac venæ exteriores traduntur, mentio fit nonnullorum ramorum venosorum, qui sanguinem non in venam jugularem, sed singularem prorsus reducant, ex eo occipitalem appellandam, quod plures ramos alios ab occipitis partibus acci-

accipiat, utrinque alias post mammillarem proceſſum per novum foramen cranium ſubintrans, atque ſanguinem in ſinus laterales exonerans. Qui funiculus nerveus pone auriculam ſuperiora capitis petit, & in odontalgia omnium certiffime aduri poteſt, ſi ignitum ferramentum quatuor digitos longum tergo tragi, & quidem per tranſverſum auriculæ applicetur, non tam a portione paris ſeptimi dura, quam ab eo potius nervo ſtatuitur proficiſci, qui inter primam & ſecundam colli vertebram emergit, atque deorſum primum vergens mox ſurſum refleſcitur. Ex glandulis tragi ſimilique majuſcula, in parotide etiam humana ſub auriculæ lobo multoties deprehenſa, auriculæ pariter ac meatui auditorio vaſa eſſe lymphatica, quamvis a nemine hucusque viſa, haud fruſtra conjicitur. Sed *tympani* cavitatem ingrediamur, atque in hac *membrana tympani* compoſitionem ex duabus laminis, modum proceſſus mallei minoris muſculum a Caſſerio inventum detegendis, demonſtrationem ejus *membrana mobilis*, cujus interventu baſis ſtapedis cum fenestra ovali connectitur, foramina *tympani* cum cavitate cranii communicantia, nec non *tube Euaſtachiana muſculum*, tanquam nova, una cum nova muſculorum *uvula & pharyngis* deſcriptione, perlultremus. Tympani membranam, elliptica peripheria ſtipatam ſimilisque figuræ (niſi quod ex una parte interruptitur) oſſeo annulo ſtricte incluſam, ex duræ meningis partim, partim cutis meatus auditorii, expansione membranacea coaleſcere, ſicque notabili robore pollere, in humano declaratur ſœtu. Antequam Autori de *Experientiſſimi noſtri Rivini* hiatu membranæ tympani ex *Munnicks* libro de Re Anatomica conſtitit, circa interruptam annuli oſſei partem indagando, aliquando ab eodem exiguum quoddam & ſincerum foramen in tympani membranæ circumferentia, ubi mallei proceſſus minor, illam aliquantum verſus meatum auditorium elevat, obſervatum fuiſſe exponitur, in quale tamen poſtmodum, cum ſoli ſetæ porcinæ immiſſioni minus fideret, fruſtra ſæpius inquiſiverit, licet in ſtatu præternaturali fluidorum a tympano ad meatum auditorium transitus variis obſervationibus confirmetur, ſimulque in ulcerum auris medela baſarni Peruviani inſtillati uſus certiffimus commendetur. Ex tribus mallei muſculis, hujus proceſſibus, majori, minori

p. 16

C. 2.

18.

19.

20.

21.

25.

N n n

& mi-

- & minimo implantatis, ille præcipue, qui in minorem mallei processum definit, in lacertosis atque violenta morte defunctis investigari atque tunc oculis usurpanti promittitur, si, cavitate tympani aperta, in eus a malleo separetur, & tympani membrana blande e vicinia removeatur, in quantum ille paucis constans fibris totus sub incudis corpore meatuque auditorio condatur. Stapedis basin ellipticam, nullis pertusam foraminulis, fenestræ ovali, quam exacte claudit, per tenuem membranam, circa stapedis capitulum paulo firmiorem, ita cohaerescere, ut sursum deorsumve, si opus, per eandem fenestram possit moveri, ex singulari surditatis specie, ab induratione hujus membranæ ossæ dependente, fatis evincitur. Relictis tamen quatuor ossiculis perioestio, non vero sanguiferis vasibus destitutis, ac in infantibus magis densitate minori quam magnitudine ab adultorum discrepantibus, foramina potius commemoremus, quæ viam sanguini aut ichori a cranii cavitate ad aurem concedunt, atque circa superiora in illo sinuositatis mastoideæ pariete occurrunt, quo ipsa a cranii cavitate distinguitur & sub quo malleus cum incude articulatur, etiamsi aliquando super ipsam quoque tympani cavitatem, nunc duo eorum, nunc tria, nunc saltem unum reperiantur, specillum plerumque ac liquorem per tubam Eustachianam in cavum cranii injectum admittentia. Talia siquidem, quæ per aures soleant excerni, subinde revera a cavitate cranii promanare, observationibus diversis adstruitur; sicuti ortus humoris, quo tympanum irrigatur, vel a membrana, qua investitur, vel interstitiis, cranium & duram matrem interjacentibus, reputatur. Canali a tympani cavitate supra palati extrema dimisso, & ab inventore tuba Eustachiana vocando, musculus attribuitur, qui & hanc tubam, & foraminum nasi internorum extremitatem dilatat, quatenus fibræ carnez ex latere anteriori tubæ Eustachianæ, a parte ejusdem membranacea, nec non a contiguo extremo margine partis cartilagineæ per totum illud spatium, quod inter tubæ finem ejusque ossæ partem interponitur, deprehendantur progredi, atque, postquam oblique descendendo tendinem efformarunt, per inferiorem partem internæ alæ processus pterygoidis excurrere, donec rursus circa inferiorem marginem foraminum nasi internorum diffundantur atque in horum

ram membrana terminentur. Quoniam vero tubæ isti cum musc-
 culis uvulæ & hisce cum pharyngis musculis continuitas interce-
 dit, ususque tubæ Eustachianæ absque certis uvulæ motibus præ-
 stari nequit, tanto magis historia muscutorum uvulæ & pharyngis
 subnectitur, quanto longius etiam vulgares eorundem descriptio-
 nes & iconismi a vero abesse videantur. Uvulæ quippe tria muscu-
 lorum ostenduntur paria: quorum primum, aptius salpingo-sta-
 phylinum, quam pterygo-staphylinum internum, appellandum,
 ab inferiori tubæ Eustachianæ parte ossea emergat, hincque
 sub inferiori membranacea parte ejusdem tubæ oblique ad uvulæ
 basin descendat, ibique cum fibris comparis musculi quasi conti-
 nuetur; secundum vero par glosso-staphylinum a lateribus lin-
 guæ in parte ejusdem inferiori paucis fibris erumpat iisque
 aliquantum restrictis ad latera versus uvulæ medium infigitur; ter-
 tium denique pharyngo-staphylinum amplam originem ab in-
 feriori pharyngis habeat parte, ubi in œsophagum incipiat restringi,
 & per anteriorem pharyngis partem lateralem assurgens, cum ad
 ipsius superiora pervenit, fibras suas nistat arcus inflectat, sub ton-
 sillis protensus atque parti inferiori & laterali uvulæ connexus.
 Pharyngis autem, veluti superioris œsophagi partis, membrana
 glandulosa, musculis ac tribus orificiis instructa, quinque muscu-
 lorum paria cum uno impari exhibentur, suisque nominibus insi-
 gniantur. Primum par, quod vulgo cephalo-pharyngæum au-
 dit, idem innuitur, quod pharyngo-staphylinum jam nomi-
 natum fuit, staphylo-pharyngæum etiam salutandum, quia pha-
 ryngem non minus ac uvulam valeat movere. Alterum par,
 glosso-pharyngæum potius, quam sphæno-pharyngæum vocatur,
 quod a lateribus linguæ in parte hujus inferiori confusam cum mu-
 sculo glosso-staphylo fortitur originem, hinc per superiorem pha-
 ryngis partem circulari quasi incessu ita pergens, ut fibræ unius mu-
 sculi cum fibris alterius, interposita tamen lineola veluti tendinosa,
 concurrant. Q. emadmodum tertii paris stylo-pharyngæi principium
 a processu styliformi, atque finis in lateribus pharyngis jamjam
 constant, ita quartum par, omnino novum, hyo-pharyngæi titulo
 indigitatur, quod duplicem in osse hyoide obtineat insertionem,
 longiorem nimirum in appendicibus cartilagineis, brevioram vero

P. 43.

47.

48.

49.

- in processibus ejus cornuīs, a quibus terminis fibræ aliquantulum oblique recedentes versus superiora pharyngis inclinent, & in hujus medium lata expansione desinant, cum oppositis rectam ibi lineam tendinosam componentes. A musculorum hujus paris violenta distensione peculiarem luxationis speciem inferri posse, notabili exemplo confirmatur. Quintum par thyro-pharyngæum nuncupatur, quia ab utroque latere thyroidis, per totam hujus altitudinem duas acutas productiones formando recedat, & suis fibris oblique ascendendo in partem posteriorem pharyngis ad ejus medium in rectam lineam tendinosam more antecedentis desinat. ^{P. 50.} quantum Casserius pharyngæum vulgo dictum ex duobus musculis compositum jamjam annotarit. Ultimus, qui restat musculus, crico-pharyngæus denominatur, ad sphincteris naturam magis accedens, dum fibræ ejus, sub inferiori paris thyro-pharyngæi productione ab eadem cum ista cricoidis parte recedente, transverse tendunt atque œsophagi principium cingunt. Tandem, ut auris conformationem absolvamus, indigitanda supersunt: *cavitas orbicularis ante canalū semicircularis majoris orificium proprium, canalium semicircularium proportionēs, scala tympani & vestibuli differentiæ, quinque vestibuli foramina nervos transmittentia, tresque canalium semicircularium zona sonora*; ceu quæ in interiori auris cavitate sive *labyrintho*, vestibulum canales semicirculares, & cochleam involvente, fuerunt observata.
61. Canalium semicircularium, cavitate elliptica, interdum cylindrica præditorum, major qui audit, altero orificio cum canali semicirculari minori gaudet communi, canalem quasi communem constituyente, altero autem proprio in orbicularem quandam cavitatem dilatatur, cum canalis semicircularis minimus per duo orificia, alterum latius, alterum angustius, videatur communicare.
63. Quam proportionem autem tres isti canales semicirculares inter se observent, in multis quidem subjectis magna cura fuit indagatum; quia vero in diversis diversa apparuit, talisque etiam in *Tabula peculiari* adumbratur, exactam eorundem longitudinum proportionem vix determinari posse, merito colligitur. Dum cochlea per septum aliquod, partim durius, partim mollius sive zonam cochleæ, in duas dirimitur scalas, harum ea, quæ per fenestram rotun-

rotundam tympanum respicit, scala tympani, quæ autem vestibulum spectat, scala vestibuli salutatur, atque intuitu non solum situs, sed & capacitatis, figuræ & superficiei, utramque inter insignem haberi discrepantiam animadvertitur, in quantum scala tympani cavitatem latiore & irregulari figura donatam, asperamque superficiem, scala vero vestibuli cavitatem minorem & ellipticam atque superficiem levem, obtineat. Altera nervi acustici mollioris portio, quæ in sinuositates versus vestibulum excavatas sese insinuat, non per tria, sed quinque foramina eam vestibuli partem, quæ canalibus semicircularibus opponitur, supra orificium scalæ vestibuli traditur ingredi, atque totidem furculis in tenuissimam membranam uniri, modo in vestibulo medio suspensam, modo præsertim in auribus non recentibus propter exsiccationem, fornici ejus adnexam; a qua tamen vestibuli membrana aliæ membranæ ad tres canales semicirculares per horum quinque ostia distribuuntur, zonæ sonoræ appellandæ, quod strictiori teniolæ sive parvæ zonæ figuram referant, ac potissimum motibus sonoris excipiendis interserviant. Altera vero ejusdem nervi mollioris portio, sinuositatem versus cochleæ centrum excavatum intrans, per minima foramina cochleam dicitur subire, ibique partem septi membranaceam sive zonam cochleæ constituere. Neque vas sanguiferum, & fortassis etiam lymphaticum, cum nervis versus labyrinthum a cerebro delabi ambigitur, cum in oculo bovis ad multos dies in aqua macerato, per nervum opticum non solummodo vasa sanguifera, sed & lymphatica insignia, apparuerint diffusa. Atque tot novis in tribus auris humanæ cavitatibus lustratis, progredi demum convenit ad ea, quæ circa cunctarum partium descriptarum usus singularia videntur. Quoniam scilicet motus sonori ab auricula validius repelli debent, ideo illa auriculæ pars, quam idem motus jamjam subituri contingunt, nempe concha, circumquaque dispositis musclicis, in tonico perpetuo motu persistentibus, ex unaquaque ejus parte firmari putatur. De glandulis sebaceis, si per omnem fere cutem adessent, in universum ambigetur, annon quibusdam tumoribus cysticis, præsertim steatomati, originem præbeant, quod partim materia in steatomatis folliculo contenta, similis omnino illi sit, quæ in talibus glandulis reperitur,

p. 69.

72.

76.

77.

P. 2. C. 4.

84.

- tur, partim in nulla alia parte æque frequenter, ac in palpebris, ejusmodi tumores observandi & secandi veniant. A cartilaginis incisuris, in meatus auditorii principio occurrentibus, sonoros motus egregie corroborari, exemplo talis polyphonice declaratur tubæ, quæ ex pluribus conglutinatæ chartarum stratis formata voces tunc præ aliis intendit, quando interna strata hic illic laxato glutine, ab invicem paulo discedunt, vel studio etiam inter strata illa intercapedines relinquuntur. Circa venam occipitalem proponitur problema: cur Natura, quem sanguinem deorsum in jugularem venam expeditius demittere potuisset, pertusa peculiari foramine calvaria, intra hanc compellere in lateralem sinum maverit? In soni per quatuor ossiculorum motum mechanicum ab auditorio meatu ad labyrinthum propagatione ossicula ista provectibus venditantur, ita sibi invicem adaptatis sive unitis suæque hypomochlia habentibus, ut manubrio mallei versus tympani cavitatem plus minus repulso, mox basis quoque stapedis sursum plus minus per ovalem fenestram moveatur, & illo versus meatum auditorium recedente, hæc itidem eodem momento versus tympanum relabatur. Hinc a stapedis musculo altiorum hujus basis per fenestram cum membranæ ruptura ascensum non tantummodo impediri, sed & impulsorum ossiculorum restitutionem promoveri, aut saltem præcaveri, ne in validiori eorundem restitutione tenuis stapedis cum reliquis ossibus commissura dissolvatur. Membranam tympani ruptam haud difficulter in integrum restitui posse, variis comprobatur observationibus; a sono autem omnino cominoveri, exactiori scrutinio aliarum tympani partium in eundem usum conspirantium confirmatur. Per foramina in tympano detecta, fluida morbosa a cavitate cranii modo ad meatum auditorium, modo ad oris cavum, modo ad nares expelli, itemque per eadem aerem externum in duram matrem immediate agere, atque odora in affectibus apoplecticis insignem virtutem exerere posse, uberius docetur; quemadmodum, si tuba Eustachiana claudatur, auditum illico amitti, observationibus demonstratur. Uvula cum musculis pharyngo-staphylinis & salpingo-staphylinis, aliquando ad exquisitè audiendum catenus usum præstare posse statuitur, quatenus orificium pharyngis, quod
- ver-

versus nares aperitur, a dictis musculis uvulam versus medium hujus orificii simul trahentibus obturetur, obturatumque minorem aeris quantitatem transmittat. Et auditum a muscutorum salpingo-staphylinorum erosione omnino graviorem reddi, per experientiam omni dubio liberatur. Tandem sonori motus, interveniente membranæ tympani atque ossiculorum motu ad labyrinthi vestibulum delat, eo ordine canales semicirculares atque cochleam percurrere fusius indigitantur, ut ab eisdem intra vestibulum labyrinthi commune canalis majoris & minoris orificium, nec non canalis minimi orificium augustius, utpote fenestræ ovali e directo opposita, primum ingressis, hinc per tres canales ac tria reliqua orificia ad vestibulum, demumque ad scalam vestibuli in cochlea reflexis, potissimum tres canalium zonas, zonamque cochleæ, latitudine & longitudine propter diversorum tonorum perceptionem distinctas, tanquam primum auditus organum, affici distinctius constet. De cætero spem *industrius Autor* facit, se posthæ, si otii peritique artificis copia suppetat, naturalem hanc auris humanæ anatomen artificiali, dudum desiderata, esse illustraturum. Ex Figurarum autem elegantissimarum Tabulis decem, Indici antepositis, eas inprimis transcribere visum fuit, quæ Tabulam V, VI & X constituentes, novæ musculorum uvulæ & laryngis descriptioni lucem præferunt, omnesque auris partes, auditui maxime inservientes simul junctas, atque proprio situ & magnitudine exprimunt.

TAB. X. Fig. 2.

Uvulam exprimit, secundum partem anteriorem, cum suis musculis juxta novam descriptionem delineatis.

A. Uvula.

BB. Musculi salpingo-staphylini.

CC. Musculi glosso-staphylini.

DD. Musculi pharyngo-staphylini.

ee. Tonsillæ.

Figur. 3.

Pharyngem exhibet, secundum partem anteriorem, cum suis omnibus juxta descriptionem datam orificiis & musculis; exceptis musculis glosso-staphylinis, in præcedenti Figura lit. CC. sufficienter depictis.

FF. Mu-

p. 122.

C. 6.

126.

136.

140.

144.

TAB. X.

Fig. II

Fig. III.

FF. Musculi salpingo-staphylini.

G. Uvula sua membrana, nec non parte glandulosa, denudata, ut appareant fibræ musculares in eandem se inferentes. Eadem vero uvula sursum aliquantum tracta, ut orificium pharyngis ad nares aliquatenus in conspectum veniat.

HH. Musculi pharyngo-staphylini, sive mavis staphylopharyngæi; a quorum dextro membrana investiens sublata est, ut fibrarum ejus * * integer processus manifestetur.

II Musculi glosso-pharyngæi: quorum progressus, ut ex toto appareret, pars superior membranæ pharyngis ablata fuit.

KK. Orificium ad nares.

LL. Musculi stylo-pharyngæi.

MMMM. Musculi hyo-pharyngæi.

NNNNnn. Musculi thyro-pharyngæi.

OO. Musculus crico-pharyngæus.

P. Oesophagi principium.

QQ. Orificium ad os.

rrrrrr. Glandulæ hic illic in pharyngis cavitate conspicuæ.

S. Orificium pharyngis ad oesophagum.

TAB. X.

Fig. IV.

Figur. 4.

Pharynx n sinit, omnesque ejus musculos secundum partem posteriorem.

AA. Musculi salpingo-staphylini.

BB. Glosso-pharyngæi.

CC. Glosso-staphylini.

* Uvula sua membrana, nec non parte glandulosa denudata; eademque sursum aliquantum retracta, ut orificium ad nares conspicatur.

DD. Orificium pharyngis ad nares.

22. Musculi pharyngo-staphylini.

EE. Stylo-pharyngæi.

FFFF. Hyo-pharyngæi.

GGGGgg. Thyro-pharyngæi.

HiH. Crico-pharyngæus.

33. Linea tendinosa, quam concurrentes musculi glosso-pharyngæi, hyo-pharyngæi, thyro-pharyngæi componunt.

I. Oesophagus.

Fig. 5.

Fig. 5.

Aurem exprimit ab anteriori parte, sive qua finem spectat, aliquantum tamen versus occiput inclinatam, ut distinctius quatuor ossicula in conspectum veniant.

a. Extremitas aquæductus Fallopiæ, a qua auditorii nervorum parvis portio dura erumpit.

b. Portio ossea ex parte sinuositatis mastoideæ, illa nempe, cui alligatur processus brevior incudis, ideo relicta, ut de ejusdem incudis hypomochlio melius constet.

c. Musculus minimi processus mallei. Musculus vero processus minoris huic oppositus observari non potest, quia totus sub incude & meatu auditorio reconditur.

d. Musculus processus majoris, qui per totam tubæ Eustachianæ longitudinem extenditur, a canali suo osseo liberatus.

e. Cartilaginis tubæ Eustachianæ antèrùs latus, in quod præcedentis musculi fibræ carnez inferuntur.

ff. Musculus novus tubæ Eustachianæ.

g. Musculus stapedis, liberatus a canali suo osseo.

1. Canalis semicircularis major.

2. Canalis semicircularis minor.

3. Canalis semicircularis minimus.

4. Vestibulum, in cujus secundum hanc partem inspecti fornice duo tantummodo foramina occurrunt ex quinque illis, quæ nerveos furculos in ejusdem cavitatem transmittunt. Tria, quæ supersunt foramina, in sequenti Figura sub oculos cadunt.

5. Canalis cochleæ.

6. Nervorum auditoriorum portio mollis, unam sui partem versus cochleam demittens, alteram vero, quæ in furculos quinque dividitur, in vestibulum protendens: ex quibus furculis duo abscessi, ne duo illa, per quæ ipsi ingrediebantur, modo indicata foramina obtegerent.

Fig. 6.

Aurem delineat, visam a parte posteriori, sive qua occiput spectat, eoque tamen versus anteriora inclinatam, ut fenestra rotunda, membrana tympani, & ex parte etiam ossicula in conspectum veniant.

000

a. Aquæ-

- a. Aquæductus Fallopianus.
- b. Tubæ Eustachianæ principium.
- c. Cartilaginis ejusdem tubæ posterius latus.
- d. Tubæ finis.
1. Canalis semicircularis major.
2. Canalis semicircularis minor.
3. Canalis semicircularis minimus.
4. Vestibulum, in cuius, ab hac parte inspecti, fornice primo exigua tria foramina in conspectum veniunt ex quinque illis, quæ nerveos furculos in vestibulum transmittunt. Deinde sub iis foraminibus, aliud majus foramen occurrit: & hoc est fenestra rotunda.
5. Cochleæ canalis, intra cujus gyros relicta est sinuositas illa minimis foraminibus pertusa, ex qua ea pars portionis mollis, quæ cochleæ prospicit, eandem cochleam per indicata foramina ingreditur: quæ porro majoris perspicuitatis gratia paulo majuscula, quam naturæ sunt, ostenduntur. Cætera ex præcedentis Figuræ explicatione perspicua sunt.

Fig. 7.

Exponit membranam vestibuli, item cochleæ & canalium semicircularium zonas, molli nervorum auditoriorum portioni annexas, magnitudine naturali & in eodem situ, in quo conspicerentur, si tota ista labyrinthi superficie, quæ in præcedenti Figura exhibetur, sublata, ipse labyrinthus aperiretur,

TRAITISE OF FLUXIONS, OR AN INTRODUCTION to Mathematical and Mechanical Philosophy, useful for those, that would apply Mathematics to Nature, by Charles Hayes, Gent.

h. c.

TRACTATUS DE FLUXIONIBUS, SIVE INTRODUCTIO ad Philosophiam Mathematicam & Mechanicam, in eorum gratiam conscripta, qui Mathematicis rebus naturalibus applicare cupiunt. Autore CAROLO HAYES.

Londini apud E. Midwinter, etc. 1704. fol.
Constat plagulis 315.

Autor

Alitor Nobilissimus & in novo calculo infinitesimali probe ver-
fatus, quantitates, quæ partem quantitatis finitæ infinitesimam constituunt, seu differentias infinitesimales sive inassignabiles, cum nonnullis vocat Fluxiones, ad imitationem receptæ phra-
seos, qua ex fluxu puncti dicimus fieri lineam; quamquam id
revera nihil aliud significet, quam motu puncti lineam describi.
Voluit autem hanc doctrinam exponere post *Illustriſſimum Mar-
ebionem Hospitalem*, cujus præmaturum obitum adhuc lugemus, et si
in modis loquendi & notandi nonnihil ab eo recedat. Alia tamen
nonnulla alterius generis utilitatis causa adjungit, & in proœmio
doctrinam Conicam compendiose proponit ex opere nuper edito
Clarissimi Milnes de Conicis Sectionibus.

Seſſ. 1 Naturam quantitatum infinitesimalium exponit.

Seſſ. 2 Algorithmum hujus calculi tradit, ab *Illustri Leibnizio* in
Actis nostris anni 1684 mense Octobri primum propositum, &
simul ostendit in multiplicationis Algorithmo, quomodo duorum
rectangulorum xy & $(x)(y)$ seu ABCD & AEFG differentia sit
 $x dy + y dx$. Quod adjunctis litterarum notationibus ad ejus figu-
ram hoc modo designare visum est in fig. VIII, ubi AB est x , AD y

AE est (x) seu $x + dx$, AG est (y) seu $y + dy$ & ABCD est xy , & AEFG
est $(x)(y)$ & GDCH est $x dy$, & EBCI est $y dx$. Unde patet, inter
ABCD & AEFG differentiam esse GDCH & EBCI una cum
CIFH, seu $dx dy$, sed quod habetur pro nullo. *Seſſ. 3* agit de
modo per calculum ducendi Tangentes, incipiens a circulo, pa-
raboloidibus & hyperboloidibus: de ellipsis quoque & focus
tractat: calculum etiam Tangentium ex Curvarum æquationibus
ducere docet: deinde ad Curvas non Analyticas procedit. Non-
nulla etiam exempla exhibet pro methodo Tangentium inversa,
ubi ex valore Subtangents non difficulter reditur ad æquationem,
in qua nulla alia est indeterminata, quam abscissa & ordinata. *Seſſ. 4*
est de areis curvilinearum superficierum, quas, ubi opus, seriebus
infinitis exhibet. Agit & de Logarithmicæ, Cycloidis, Cissoidis
& talium areis. *Seſſ. 5* de Maximis & Minimis, quam rem illu-
strat exemplo Dioptrico de facillima via radiorum lucis, & quæ
convenit cum linea brevissimi descensus, de quibus in his Actis.
Seſſ. 6 de punctis flexus contrarii & regressus in Curvis. *Seſſ. 7*

T A B. X.
Fig. VIII.

de solidorum dimensionibus & speciatim de iis, quæ rotatione generantur. *Seff. 8* de curvarum in rectum extensionibus & evolutionibus. *Seff. 9* de lineis, quæ concursu reflexarum formantur. *Seff. 10* de iis, quæ formantur concursu refractarum; quas lineas quidam catacausticas & diacausticas vocant. Ubi & de focus vitrorum sphaericorum succedaneorum. *Seff. 11* de centris gravitatis linearum, superficierum & corporum. *Seff. 12* de centris percussionis. *Seff. 13* de centris oscillationis & de pendulis isochronis. *Seff. 14* de infinitesimalium usu in Astronomia. Hic motus Planetarum in ellipsis explicantur, nec tantum *Newtoni* calculus exponitur per lineas trajectorias, sed & *Leibnitii* per circulationem harmonicam & paracentricas impressiones, ex Tentamine ejus de motuum coelestium causis his Actis inserto. *Seff. 15* de tangentibus curvarum & differentialibus quantitatum exponentialium: cujus calculi fundamenta, ut multa alia hujus operis, ex his Actis transumuntur, & subinde utiliter illustrantur.

EPISTOLARUM B. PAULI APOSTOLI TRIPLEX

Expositio. Autore R. P. BERNARDINO A PICONIO,

Minorita Capucino, S. Theologia emerito Professore & antiquo provincia Parisiensis Definitor.

Parisii, apud Jo. Anisson, 1703. in fol. Alph. 9.

Scriptorum Paulinorum egregia captus præstantia operis præsentis Autor, Senex venerandus, die eadem ac nocte meditari per longum satis temporis spatium studiose perrexit, & post exactam cujusque capitis discussionem, imo & post plerorumque versuum & verborum saltem obscuriorum explicationem in *Commentario* factam, brevem capitis instituit *Analyfin*, in qua velut in speculo exhibetur statim ordo & connexio textus Apostolici, cui denique *paraphrasin* quandam superaddidit, quæ mentem illius fideliter exponeret. Singula autem hæc privatos primum in usus consignavit, nunc vero aliis etiam inservire meditationum suarum publica hac evulgatione laboravit, in qua tamen *Analyfin* & *Paraphrasin*, utut natu utraque posterior sit, *Commentario* jure antepo-

teposuit. In *Analysi* capitis cujusque habetur in suas partes resolutio, quæ tamen ordinem & connexionem simpliciter declarat. In *Paraphrasi* texenda sedulo cavit, ne plura diceret, quam cogitaverit Apostolus, indeque mentem cujusvis textus breviter & clare aperuit ipsiusmet Apostoli verbis, aut saltem æquivalentibus, paucis aliquando tantum additis, quæ ad pleniorẽ intelligentiam visa fuere necessaria. In *Commentario* id egit, ne triciis Grammaticalibus aut quæstionibus mere curiosis animus distractus exsiccaretur. Istis ergo sepositis, earum loco observationes ubique pias, morales & asceticas expositioni admiscuit. Triplicis hujus operæ dilucidationem hanc subministrat. *Analysin* designare at in charta quasi Geographica provincias, urbes & oppida, per quæ iter faciendum sit; *Paraphrasin* easdem provincias, urbes & oppida in semetipsis exhibere notat, verum adhuc quoque summam quasi & in globo; at *Commentarium* uniuscujusque urbis templâ, palatia, aliæque visu digna quæcunque sigillatim repræsentare innuit. In Prologo, Paulinis Epistolis omnibus generatim præmissis, de earum agit ordine, quem juxta Tillemontii mentem ita concipit, ut primam omnium priorem ad Thessalonicenses, ultimam vero posteriorem ad Timotheum constituat. Sed & singulis seorsim Epistolis peculiares addidit præfationes, in quibus de earum occasione, scopo, summaria idea aliisque ejusmodi disseruit. Ex iis autem ut vel unicum huc afferamus, notatu haud censemus indignum, quod anceps Autor hæreat, dicendumne cum Theophylacto, quod Epistola ad Hebræos scripta quidem a Divo Paulo fuerit Hebraice, sed ab Interprete perito post in Græcæ linguam traducta, sive Lucas ille, sive forsitan alius censendus sit? an affirmandum cum Origene, quod cogitata quidem Pauli sint, dictio vero alicujus ex illius discipulis, qui ipsius scribam & interpretem una se gesserit? Quæ in Commentario occurrunt notæ atque observationes, paulo breviores sunt, & a recepta passim, Scriptores ad minimum inter Pontificios, interpretandi ratione vix unquam maximopere discrepant.

DESCRIPTIO VETERIS NOVÆQUE ROMÆ.

Amstelodami, apud Franc. Halma, & Lugduni Batavorum
apud Petrum van der Aa, 1704. in fol.

Constat decem fere alphabethis, & figurarum ænearum iustis pla-
gulis circiter 90, præter minores quam plusimas ipsi
textui infertas.

Splendidissimum hoc opus, etsi Batavorum præcipue usibus de-
stinatum, dignissimum tamen est, quod ad notitiam omnium,
qui bonas literas & elegantius effictas imagines in deliciis ha-
bent, perveniat. Postquam nimirum magnum illud Thesauri An-
tiquitatum Romanarum Græviani opus Bibliopolæ celeberrimi in-
lucem edidissent, magno inter alia figurarum æri faberrime inci-
sarum numero ornatum illustratumque, ut ex sumtibus eam in-
rem factis fructus etiam aliquis ad nationalium suorum eos, qui
vel Latine nesciunt, vel Thesaurum ipsum comparare non pote-
rant, redundaret, id ceperunt consilii, ut Thesauri velut epito-
men quandam, seu breviorẽ Romæ descriptionem adornandam
curarent, sed iisdem figuris, & si quæ obvix forent, aliis instru-
dam. Hæc agitantibus commodum in manus incidit Doctissimi
Viri *Francisci Deseine*, gente Parisiensis, sed qui fortunatum se-
dem Romæ constituit, *Descriptio Urbis Romæ*, quam hic Gallico
sermone in usum peregrinantium composuerat, Lugduni in Gal-
liis A. 1690 edita, & a nobis in Actis hisce Tomo II Supplemento-
rum Sectione VII p. 345 recensita. Eam itaque instituto suo maxime
idoneam, ex Gallico sermone in Belgicum transfundi curarunt,
integram, cumque nossent, *Basilii Kenneti Antiquitates Romanas*,
Anglice antehac in usum Ducis Gloucestriz p. m. editas, in pretio
esse apud Eruditos, a Viro Clarissimo *Wilhelmo Sewel*, quem con-
stat Bibliothecam Orbis Eruditi (*De Boekzaal der geleerde Weren-
relt*) Belgico idiomate hoc tempore adornare, facile impetrarunt,
ut illas ex Anglico in Belgicum itidem sermonem traduceret. Ita
ex duobus illis scriptis nata nostris *Roma hæc Vetus & Nova*, tot
ico-

iconismis exornata, quæ non potuit non, Belgis imprimis, longe esse gratissima. Unum est, quod addamus, Romæ Veteri *Picthuras* quosque *Antiquas Sepulchri Nasionorum*, a Petro Santi-Bartoli delineatas & a J. P. Bellorio illustratas, Romæque primum Italice A. 1680 editas, quas Latine a Ludolpho Neocoro conversas Tomo quoque XII Thefauri Græviani inseruerant Editores, nunc Belgico sermone operi huic adjectas esse.

Algemeene Weereld-Beschryving &c.

Hoc est:

*GEOGRAPHIA UNIVERSALIS AB A. PHER. DE LA CROIX
Gallicè primum conscripta, nunc vero in Belgicum sermonem
translata a S. DE VRIES.*

Amstelodami, apud Fr. Halma, 1795. in 4.

Constat Alph. 10, Plag. 13, Figuris æneis 100.

ET hunc librum Batavorum itidem usui præcipue dicatum, nobis indicare hic paucissimis suffecerit. De prima editione Geographiæ hujus Gallica, in Actis nostris A. 1693, p. 114 seq. diximus, additis etiam animadversionibus nonnullis. Secundæ Germanicæ, in hanc nempe linguam ab Hieronymo Dicelio nostro conversæ & hic illic auctæ, A. 1698, p. 169 meminimus. Tertia hæc Belgica est, quam Simoni de Vries, Viro multis nominibus de nationalibus suis bene merito debemus, qui non solum opus hoc amplificavit magis emendavitque, sed & celeberrimæ Sansonis chartas Geographicas & præcipuarum urbium delineationes elegantes adiecit.

*SPECIMEN LITHOGRAPHIÆ HELVETICÆ CURIOSÆ, QUO
Lapides ex Figuris Helveticis selectissimis ari incisi sistuntur &
describuntur a JOHANNE JACOBO SCHEUCH-*

ZERO Med. D.

Figuri typis Davidis Gessneri, 1702, in 8. Constat plag. 5, & fig. Tab. VII. Quanta sit solertia Clariss. Authori, scientiam Physicam in altius evehendi fastigium, testatur abunde, quam ante paucos annos publici juris fecit, Physica Germanico idiomate conscripta. Helveticam in specie Historiam naturalem peritius ut pertextat, interdum atque notu operam navat non exilem. Cujus testimonium præsens præbet fragmentum, ex quo de ingenti Fossilium figuratorum in Helvetia repeniendorum numero judicare quis facile potest. Historicum potius quam

quam Physicum agit in hoc Specimine Vir Clar. ab examine hypotheseum & propriarum cogitationum de origine id genus mirandorum propalatione abstinens. Communicabit tamen easdem, majori observationum supellestile si fuerit instructus, in ampliori opere, cui collectanea inde ab aliquot annis se parasse, in præfamine enuntiat. Pro quo conatu suscipiendo & absolvendo ut Deus vires & sanitatem largiatur, omnes boni nobiscum exoptant. In præfenti Fossilia figurata maxime rara & curiosa nominasse sufficiat. Qualia sunt Concha fossilis tellinoides porosa & levis p. 21; Astacopodium binis articulis invicem junctis constans p. 27; Rajæ cauda fossilis p. 29; Lentes lapideæ striatæ, utrinque convexæ, vitreis figura similes, in massa lapidea vario sub schemate conspicuæ p. 30; Cranioides, p. 45; Conchula fossilis echinata p. 49; Conchites ab uno cardinis latere brevissimus, ab altero longissime excurrentes, striatus p. 54; auris marina fossilis, p. 58; Ceratoides articulatus striis transversis undatus, & ornamentis foliaceis insignitus p. 59; Echinometræ digitus fossilis stellulis undique exornatus p. 63; Cancri Moluccani fragmentum fossile pag. 65.

L I R I N O V I.

Suide Lexicon Græcæ & Latine. Textum Græcum cum manuscriptis codicibus collatum a quamplurimis mendis purgavit, Notique perpetuis illustravit &c. Ludolphus Kusterus. Cantabrigiæ, typis Academicis, 1705, fol. Tomi tres.

Antique Literature Septentrionalis Libri duo. Quorum primus Georgii Hicessii S. T. P. Linguarum veterum Septentrionalium Thesaurum Grammatico-Criticum, & Andree Fournaine Equitis Aurati Numismata Saxonica & Dano-Saxonica: alter Humfredi Wanleii Librorum veterum Septentrionalium Catalogum Historico-Criticum complectitur. Oxonia e Theatro Sheldoniaco, 1705, fol. Tomi tres.

Humfredi Hodii de Bibliorum Textibus Originalibus, Versionibus Græcis & Latina Vulgata Libri IV. Oxonii e Theatro Sheldoniaco, 1705. fol.

D' Amboinsche Rariteitskamer, of Eene Beschryvinge van allerhande Schaaltvischen, benevens de voornaamste Hoornries en Schulpfen, als ook zommige Mineraalen, Gestenten &c. door Georgius Everhardus Rumphius. T^o Amsterdam, by Francoes Halma, 1705. fol. cum figuris multis æneis.

* * * * *

A C T A ERUDITORUM,

publicata Lipsiæ

Calendis Novembris, Anno M D C C V.

DESIDERII ERASMI OPERUM OMNIUM TOMUS V, VI & VII.

Lugduni Batavorum, apud Petrum van der Aa, 1704.

1705. 1706. in folio.

Tomus V constat Alph. 7. plag. 16.

- - - VI - - - Alph. 6. plag. 22.

- - - VII - - - Alph. 6. plag. 13.

DE elegantissima, quæ in Hollandia hoc tempore magno studio sumptuque adornatur, Opera Erasmi editione, mense Augusto anni superioris p. 352 sq. diximus, cum primum, secundum ac quartum eorum tomos in his Actis recenseremus. Suffecerit itaque, nunc quidem solum, indicasse tres tomos alios, qui ex illo tempore editi nuper admodum ad nos pervenere: ut eo certiori spe omnes, solidioris eruditionis, qualem Erasmi scripta nusquam non spirant, cupidi fruantur, opus integrum & certo & brevi in lucem publicam proditum. Utique strenue rem urget solertissimus Bibliopola, neque hætenus aliam ob causam tomum tertium Epistolis destinatum premit, quam quod quotidie adhuc ad eum undique ex Bibliothecis illustribus epistolæ hætenus ineditæ perferuntur, quas una cum antea impressis Lectori benevolo communicare gestit: cujus rei jam aliquod indicium a nobis in Novis Literariis mensi nupero Majò subjunctis factum meminimus.


Tomus ergo *Quinrus* scripta Erasmi, quæ ad pietatem instituant, eaque numero triginta novem complectitur. In his Theologum Practicum se exhibuit Erasmus, ac doctissimi Editoris,

Ppp

ris, qui Præfationem præmisit, iudicio, dum salutaria monita Lectorum animis instillare nititur, ipse rerum Divinarum amorem, quo animus ejus arsit, abunde prodidit. Tametsi vero idem optet, ut quemadmodum olim pleraque opusculorum horum Galli, Angli, Belgæ, Hispani atque Poloni in linguas vernaculas translata habuerunt, ita & novæ, post tantam linguarum harum ætate temporibus Erasmi ad hanc usque ætatem mutationem, ad elegantiam seculi eorum versiones adornentur, ut etiam, qui Latine nesciunt, ad lectionem eorum alliciantur: ita non dissimulat tamen, esse in iis quædam, quæ nec sibi, nec aliis, sine ulla exceptione probentur; sed pauca ea ferenda esse monet, ob præstantiam doctrinæ ac salubritatem præceptorum in parte maxima obviæ. Eminere autem præ cæteris idem censet *Enchiridion Militis Christiani* (cui Lovanii A. 1518 edito quæ præfixa ab Erasmo fuerat epistola, in nostra hac editione in volumen epistolarum amandata est, constituitque trecentessimam vigesimam nonam) *Opusculum de ratione vera Theologia, Christiani Matrimonii Institutionem, & Vitam Christianam.*

Tomus Sextus Novum Testamentum, cum versione Erasmi Latina Græco textui e regione adjecta, ejusdemque Annotationes exhibet. Quæ quidem nova editio prioribus non uno nomine præferenda est. Nam primum cum in illis numeri commatum non essent additi, in hac & Græcis & Latinis diligenter addi curavit Bibliopola. Dein Annotationes Erasmi, quæ ad calcem subjunctæ antea erant, ut facilius conferri cum textu ipso possint, singulis nunc paginis subjiçuntur. Eadem porro, ut commodius inveniantur, referuntur ad numeros versionis Erasmi, cum ipse olim non in suammet, sed vulgatam translationem eas scripsisset. Præterea summa totius Scripturæ & Index rerum, quæ in Novo Testamento leguntur, in editione autem Frobeniana Operum Erasmi A. 1540 non comparent, quod tamen in antiquiore alia Novi Testamenti editione invenirentur, probante haud dubie Erasmo adjecta, ea hic quoque adjecta deprehenduntur: perinde ac additamenta alia elegantia & frugifera, quæ in editione Basileensi anni 1522 leguntur, in secutis aliis dubium quam ob causam resecta. Ut adeo nihil omiserit Bibliopola eorum, quæ

5



quæ novam hanc editionem quam perfectissimam reddere possent. In Præfatione eruditissimus Editor a suspitione Arianismi, in quam apud nonnullos Erasmus inciderat, quod loca quædam, quæ ad Divinitatem Christi, tot aliis argumentis abunde evictam, probandam præter necessitatem adduci vulgo consueverunt, labefactare in. Annotationibus visus esset, breviter eundem vindicat.

Tomus Septimus Paraphrases Erasmi in Novum Testamentum continet, Opus, judicante Editore in Præfatione, quod inter omnes ejus lucubrationes multis maxime placuit, atque Auctori minimam invidiam creavit. Ne vero nec illæ ornatiores prodirent, commata primum diligenter numeris ad marginem notari Bibliopola curavit. Deinde textum quoque integrum Vulgatæ Novi Testamenti versionis in margine exhibuit, primis tantum octo Matthæi capitibus exceptis, quod hujus rei non statim ab initio in impressionis in mentem venisset. Denique singulis capitibus summam contentorum complexa disticha præfiguntur, dudum nescio a quo edita, nec nulli tamen usui Lectori futura.

OBSERVATIONES MACULARUM SOLARIUM

a R. P. JARTOUX Soc. Jes. Pekinomissa

ad G. G. L.

Die prima mensis Novembris anni 1701 hora circiter post meridiem $1\frac{1}{2}$ directis casu in Solem Telescopiis 6 pedum, visa est macula in disco Solis distans $\frac{1}{11}$ circiter a margine inter orientem & meridiem. Illius figura erat oblonga sed irregularis; mole exigua muscam æquare visa est. Fig. 1.

Eadem die hora circiter tertia apparuit alia, sed multo minor, inter priorem & marginem Solis, paulo vicinior majori maculæ quam margini. vide Fig. 2.

Die secunda oriente Sole eadem visæ sunt maculæ, quæ prius, sed paulo a margine remotiores, & inter se magis distitæ. Tum alia tertia deprehensa est inter primam & secundam versus Astrî meridiem; hæc erat minima, nec nisi telescopio duodecim pedibus longo videri potuit. Vide Fig. 3. Secunda longior apparuit quam hesternæ die, ita ut in Solis marginem prope orientem porrigeretur. Maxima seu prima macula visa est circumdata

Ppp 2

cras-

TAB. XI.

Fig. 1.

Fig. 2.

Fig. 3.

crassiori aliquo quasi aere in modum atmosphæræ, cujus extrema facile discerni possent. Multæ etiam passim illuxerunt faculæ tres illas complexæ maculas, & ad viciniorem Solis protraxerunt marginem. Hæc per duas horas ab ortu Solis distincte observare licuit.

Fig. 4. Eadem die ante occasum Solis secunda seu minor macula in duas divisa fuit, easque exiguas, sed distinctissimas. Tum non longe a tertia macula mane deprehensa, altera quarta conspecta fuit tenuior, Solisque versus orientem sita. vid. F. 4.

Fig. 5. Die tertia oriente Sole paulo major visa est prima macula una cum ampliori quasi atmosphæra. Secunda non amplius in duas divisa apparuit, sed vel utræque coaluerunt inter se, vel alterutra evanuit. Quæ superfuit tamen ex illis, erat rotundior quam prius. Tertia situm mutasse visa fuit, eandem rectam lineam cum prima & secunda occupabat. Quarta vero tenuior, quæ hesternæ die primum apparuerat, magis ad meridiem accessit, fuitque semper minor qualibet altera & primæ ampliorique maculæ propior. vid. Fig. 5.

Fig. 6. Ex tot maculis sola constans fuit, quæ prima maximaque fuerat; nam cæteræ omnes una cum faculis evanuerant, etiam ante horam post meridiem secundam. Interea duæ aliæ (F. 6.) mole quidem exiguæ, sed obscuritate conspicuæ visæ sunt, inter centrum Solis & constantem priorem maculam æquo ferme intervallo. Tum inter extremas istas alia tertia, denique etiam quarta deprehensa fuit, ita ut duæ extremæ majores, duæ mediæ minores essent, vixque percipi possent. Fig. 7.

Fig. 7. Die quarta oriente Sole jam non amplius visæ sunt minores maculæ, quæ pridie apparuerant. Sola major illa, de qua prius, conspici potuit, sua semper circumdata quasi atmosphæra. Sed tamen hora post meridiem $2\frac{1}{2}$, eam ferme dixisses divisam in duas, quarum altera minor meridiem, altera major Solis orientem respiceret. Occidente deinde Sole, divisa etiam visa fuit, sed non certo, ita ut dubium adhuc esset, an perforata, an secta in duas foret macula; ea jam tum tertiam Solaris diametri partem percurrisse videbatur. Fig. 8.

Die

Die quinta oriente Sole, quantum solius telescopii ope judicare potui, deprehendi maculam illam tunc sitam esse in diametro efficiente cum axe Solis angulum circiter viginti quinque gradus orientem inter & meridiem: eamque jam $\frac{2}{3}$ partibus diametri versus centrum processisse. Denique divisam esse in duas, certo compertum est. Quæ minor hesternæ die meridiem respicere videbatur, ea hodie versus proximum Solis marginem sita eandem omnino cum majori diametrum occupabat. Fig. 9.

Fig. 9.

Eadem die hora circiter post meridiem $3\frac{1}{4}$ divisæ superius maculæ intervallo majori distare ab invicem visæ sunt, ita tamen, ut eadem adhuc quasi atmosphæra concluderentur. Major Solisque centro vicinior juxta minorem in longum porrigebatur: minor vero prope triangularis erat. Cæterum jam tantæ molis non erant, quantæ fuerant altero abhinc die, priusquam divisæ apparerent. Ante Solis occasum magis semper ac magis ad Astri centrum occidere eadem maculæ visæ sunt. Fig. 10.

Fig. 10.

Die sexta duplex illa constansque macula Solis axem superasse deprehensa est centrum inter & meridiem, minorque ipsius a centro digressio videtur fuisse $\frac{1}{10}$ diametri. Situs utriusque is fuit, quem fig. 11. exhibet. Atmosphæra, quam dixi comprehendere maculas, jam etiam in duas dividi tenuiorque fieri visæ est. Hæc Sol oriens Fig. 12.

Fig. 11.

Fig. 12.

Eadem die ante occasum Solis maculæ multum ad occidentem processerant.

Die septima Nov. oriente Sole utraque non parum minui macula visæ est. Motus ad occidentem videtur fuisse celerior, circa axem Solis quam alibi. In ipso meridie transmissa per telescopium Solis imago, & plano perpendiculari excepta cum macularum situm exhibuit, quem ostendit Fig. 13.

Fig. 13.

Eadem die occidente Sole, maculæ mihi visæ sunt adeo vicinæ diametro conjungenti orientem & occidentem, ut semper dubitaverim, an illum jam superavissent, nec ne. Etsi minuantur indies plurimum, tamen illas ad extremum discum perventuras existimavi, imo & aliquamdiu postea duraturas, quanquam absoluto orbe recurrere non posse videantur.

Die octavo Sol tam oriens quam occidens, maculas minui & ad septentrionem jam declinare confirmavit; in ipso meridie ab occidente abesse visæ sunt $\frac{1}{2}$ parte diametri.

Fig. 14. Die nona orto jam Sole maculæ visæ sunt ab occidentali margine distare circiter $\frac{2}{3}$ diametri. Fig. 14 exhibet macularum situm ipso meridie observatum. Sol occidens eas multo minores & ad marginem eodem cursu procedentes ostendit.

Fig. 15. Die decima macularum situs e diametro respondebat ei loco, in quo primum deprehensæ fuerant, antequam in duas abirent. In ipso meridie atque occidente Sole illas quidem, sed non illarum atmosphæram per nubila videre licuit. Fig. 15.

Fig. 16. Die undecima orto jam Sole visæ est macula instar puncti oblongi jamjam proxima margini occidentali. Fig. 16. Illi præbuit punctum lucidum paulo maculæ quam margini vicinius, sed valde conspicuum. Aliud etiam punctum lucidum micabat in maculæ capite versus occidentem. Prope eandem versus centrum erant multæ alæ longiores faculæ.

Fig. 17. Eadem die, hora circiter decima, deprehendi vix potuit macula, quæ non nisi instar lineolæ apparebat vicino Solis margini parallelæ. Micabant etiam duo, de quibus superius, puncta lucida. In ipso meridie eadem macula visæ est declinare ab occidente versus septentrionem, viginti aut viginti quinque circiter gradibus. Hora circiter secunda, præter duo superiora puncta micantia, apparuit non longe a macula linea curva perlucida versus septentrionem, quam etiam mane deprehendisse mihi visus sum. Eadem vidi adhuc occidente Sole. Fig. 17.

Die duodecima oriente Sole frustra quævisi maculam, quæ in percurrendo Solis disco insumisse mihi visæ est duodecim circiter dies.

Atque ea sunt, quæ circa Solis maculas homini observare licuit omni ope destituto, tum quadrantis, tum horologii oscillatorii. Verum ea ipsa solum die, qua videri desierunt maculæ, in mentem venit mihi, potuisse me facile constantem illius maculæ locum in disco Solis sine ullo errore deprehendere, qualibet non solum die, sed etiam diçi hora, atque ita ejus motum certo metiri, si

si nempe telescopio aptassem duo, ut sit, ad angulos rectos semutuo secantia reticula, tum directo ad Solem telescopio numerassem oscillationes alicujus globi e filo penduli, dum Sol mox unum, mox alterum simul percurrit reticulum, atque etiam notassem, cui oscillationi uterque per utrumque reticulum maculæ transitus responderet: nam tunc sive linearum sive numerorum ope habuissem, quonam in Solis loco sita esset macula.

Quod spectat ad faculas, cum meminisssem *Christiano Eugenio* nunquam in Sole visas fuisse, eximiumque illum Astronomum sentire, in Sole nihil esse posse ipso Sole lucidius, majori adhibita diligentia, quicquid potui diu multumque observavi, idque præcipuum deprehendi, fuisse circum faculas quandam diffusam, quasi fuliginem tenuiori fumo haud absimilem, ita ut faculæ nullo modo essent lucidiores iis Solis partibus, quæ nulla ejusmodi fuligine macularentur. Unde fieri posse putavi, ut materia, ex qua constarentur, vel in quam resolverentur maculæ, diffusa per aliquam Solis partem sua hic densitate maculas, hic diaphaneitate faculas in Sole efficeret, præsertim cum non apparuerint faculæ, nisi crescentibus aut jam evanescentibus maculis.

UITLEGGINGE VAN DEN PROPHEET AMOS &c.

i. e.

EXPOSITIO PROPHETÆ AMOS, QUÆ VOCUM EMPHASIS, loquendi formula, priscarum gentium ritus, varique antiquitates & historia explicantur. Per THEODORUM van

TOLL, apud Wudebergenfes Ministram.

Trajecti ad Rhenum, apud Ant. Schouten, 1705. in 4.

Constat alph. 3. plag. 3.

Qui edecumatis lucubrationibus suis, quibus tum jura Christi Regia ex Pl. LXXII, 1 (in Actis nostris A. 1687 mense Martio p. III. memorata) tum Prophetiam Joelis justo commentario illustravit, solidæ eruditionis laudem, publicumque meruit plausum Reverendus Autor, jam absolutum expositionis vaticiniorum Amosi opus erudito orbi sistit, nec auctoris indignum nomine, nec lectori poenitendum. Cujus in elaboratione eandem præf. *** 3. dem

- dem secutum se fatetur rationem ac methodum, qua in Joële explicando usus, quamque in præfatione illius commentarii prolixè exposuit. Rem omnem vero ita aggreditur, ut universam Prophetiam in tria partiatur membra, quorum 1. gravissima complectitur judicia Dei ac poenas Syriis, Philisthæis, Tyriis, Edomitibus, Ammonitis & Moabitibus infligendas: 2. Judaici extirpationem populi, sublatumque penitus a Juda & Israel regnum juxta ac sacerdotium memorat: 3. regnum Christi divinasque pollicetur benedictiones per Evangelii præconium in conversos Judæos pariter & gentes conferendas.
4. Cum quæ in præcognitis explicari solent, Propheta ipse v. 1 exponat, ad ipsam itarum textus exegetin se accingit Autor, ante omnia observans, alium hunc & diversum a Patre Esaiæ, cujus 2. Reg. XIX, 2. 20. 2. Chron. XXVI, 22. Es. I, 1. fit mentio, esse Amosum: quod iste regio ortus sit sanguine, noster autem humili loco natus, & pastoritium vitæ genus secutus. Ubi quidem in significationem vocis נָקָרִים inquit, quæ cum ad radicem נָקַר נִקְרָה, signare, stigmatibus impressis notare, originem suam referat, ob notata ac signata pecora ad pastores translata est. Qua in derivanda origine, varia ex antiquitate lectu haud indigna inspergit.
5. Hinc ad Patriarcharum vitæ institutum pergit, eosque non ex ea, quam Aristoteles reddit, ratione pascendis pecoribus operam dedisse affirmat, quod otio fere disfluant, & sine labore victum parent pastores: sed quod id vitæ genus animum non adeo occupet, aut a divinarum rerum abstrahat contemplatione. Tum & pecorum perquam necessarium in sacris ipsorum usum fuisse: quid quod & pastoritia vita egregia ad rite & sapienter ineundas rationes monita suppeditet, quibus, ex Philonis judicio, Moses etiam, Jethronis oves per quadraginta annos pascens, mansueto populi Israel regimini assuefactus fuerit? Tum porro in Ægyptiorum, quo pastores prosequabantur, odii causas paulo curatius inquit. Et has quidem alii, Manethonis apud Josephum testimonio nixi, in turbas conjiciunt, quas pastores olim Ægyptiis ingentes dederunt, ipsorumque in se animos, irasque hoc pacto concitarunt: alii in pecorum mactatione & cæde collocant, quæ pastoribus frequens, Ægyptiis pecora cæu Numina colentibus, religio-

higionis fuerit: *Nunquam fas fuit Aegyptiæ*, inquit Macrobius l. 1. Saturnal. c. 7. *pecudibus aut sanguine, sed precibus & ture solo placare Deos.* Quod & Juvenalis confirmat: quanquam minus bene huic sententiæ cum Scripturæ testimoniis, Gen. XLIII, 16. XLVII, 16. 17. Exod. IX, 19. convenire videatur. Cuzo quæ circa hanc quæstionem mens sit, ex ipsius verbis l. 1. de Republica Jud. c. 5. intelligi potest. Et huc quoque faciunt, quæ Jos. Scalliger Animadvers. ad Chronolog. Eusebii p. 18, Heidegger. Histor. Patriarch. Exercit. 1, Joh. van der Wayen Varior. Sacr. p. 298, & Burmannus *Wet en Getuygenisse* p. 298 observarunt. Jam ad Amosum redit Autor, c. VII, 14 se inter **נקרי** referentem: quam vocem cur per *אֲנָקְרִי* LXX Int. lectionis vitio decepti reddiderint, exponit. Thekoam, unde oriundum se ait Propheta, cujusque crebra in sacris literis mentio sit, 2. Sam. XIV, 2. XXIII, 26 &c. Kimchi florentissimum dicit oppidum fuisse regionis Asser: Epiphanius in regionem Zabulon locat, uterque non adeo verisimilibus argumentis nifus. Ex communi sententia urbs Judææ habetur, sex circiter milliaribus, juxta Hieronymum, ab urbe Bethlehemi distans, Hierosolymis versus meridiem sita, versus regionem Engeddi & desertum. Quæ licet arida esset & sterilis regio, ovibus tamen alendis sufficiebat, ideoque pastoribus frequens. Quorum e numero cum noster fuerit Propheta, occasionem nactus Autor, locum communem egregie illustrat, qui factum, ut eos sæpe ad obeunda ministeria sua vocarit Deus, qui nec autoritate, nec natalium splendore pollerent, sed in re tenui essent, vilesque ac contempti haberentur? Porro occasione verborum v. 1, **וְהָיוּ** cur Videntes olim dicti Propheta, & quot cœlestium visionum in usu fuerint genera, erudite exponit. Sed & ad alia progrediendum.

Cum Cap. statim I, p. 37 sqq. pœnas denunciat gentibus Propheta, in enumerandis ipsarum delictis solenne quasi ipsi est, ut tria quatuorve memoret peccata: quæ numeri restrictio in varias interpretes sententias traxit. Sunt, qui cum Vatablo, Clario, aliisque e Pontificis, utroque in unum conflato numero, septenarium efficiunt: commenti præsidium in particulam **עַל** singulis præmissam numeris collocantes; tum & quod septenarius multitudinis

p. 9.
10.

11.

12.

13.

7.

P. 38.

39.

fit & perfectionis numerus, ut in Scripturis Gen. IV, 24, Lev. XXVI, 18, 21, 24 &c. sic apud prophanos, Callimachum, Philonem, alios, Doughtæo in Analect. Sacr. Excurs. 169 allegatos. His ergo ea Prophetæ mens est: bis terve si in me deliquisset Damascus, haud gravatim veniam darem; at cum septima etiam vice, i. e. creberrime, ad iram me provocarit, suæque impleverit iniquitatis mensuram, haud diutius parcam. Alii rursus non combinatos, sed singulos indefinite accipiendos numeros censent, velut pari dictionis valore apud Homerum τοῖς καὶ τετράκις, & apud Virgilium ac Senecam, *o terque quaterque* dicitur. Quæ satis congrue conveniunt cum phrasi, sex & septem Job. V, 19. Prov. VI, 16; septem & octo Coh. XI, 2; duo & tria Job. XXXIII, 29; tria & quatuor Prov. XXX, 15. Unde sensus emergat talis: quod non tam ob tria delicta, quæ velut silentio involuta præteriri potuissent, quam ob quartum cumprimis, quod ferrea Gileadi trituratione sit, contra Syros & Damascum insurgens Dominus, debitas rebellionis, superbiz & contumaciæ ab ipsis repetiturus sit poenas. Sed vero alii determinatum hunc numerum malunt, eo quod quatuor maxime vicibus Israelitis bellum intulerint Syri. 1) cum in gratiam Asæ regis Judæ, arma caperent contra Baasam regem Israel, qua in expeditione Syriacus Benhadadi exercitus ingentem regno Israel intulit cladem, 1 Reg. XV, 18. 19. 20. 2) regnante in Israel Achabo, quo tempore adverso bis pugnarunt Marte, cæsis ultimo in prælio centum hominum millibus, præter viginti septem millia, Aphekæ mœniorum ruinis oppressa, 1 Reg. XX. 3) cum Hazael & Benhadad reges Syriæ cum Joahaso confugerent, ac universam fere Israelitarum gentem delerent, 2 Reg. XIII. 4) cum Rezin rex Syriæ & Pekah rex Israel Hierosolymas obsidione cingerent, Ahaso in Juda principatum tenente, 2 Reg. XVI. Quatuor ergo bella Israeli & Judæ Syri moverunt, quorum priora licet inulta, quartum tamen haud impune tulerunt, cum rex Assyriæ Tiglath-Pileser Rezino bellum faciens, ipso occiso Damascum expugnaret, civesque sub jugum mitteret. Sunt denique interpretum alii, maxime Pontificii, qui tria Damasci delicta de idololatria exponunt, incestu & cæde, quartum autem triturationem ferream dicunt. Quæ priora tamen cum non expresse Amos, bene Corn.

Corn. a Lapide *illa*, inquit, *ex cerebro interpretum conficta videntur*. Hæc itaque cum sine fundamento corruant, alii tritissimam ingressi viam, indeterminatum hunc numerum dicunt, de omni injuria Syriorum, Israeli, Judæ aliisque populis illata capiendum. Ita Cyrillus, Hieronymus, Vatablus, Drusus & alii multi, numerum certum pro incerto sumendum statuentes. Tandem ut suam quoque adjiciat symbolam Autor, tria priora non solum, ignota, sed & inulta existimat delicta fuisse, ad tempora usque Amosi: quantum tamen triturationem esse ferream, scelerum gravissimum, quod divinam maturarit vindictam. Quæ autem hæc trituration fuerit, ex iis vult peti, quæ in Joëlem commentatus est p. 261 & 443. Hic paucis saltem observat, per Gilead non unam designari urbem, quæ Cyrilli & Theodoreti sententia fuit: sed integram regionem tribuum Gad, Ruben & Manassis hæreditariam. Tum & ad vocabulum מלחמא notat, quod LXX per περισσας serras reddant: Symmachus, Aquila & Theodotion τροχῶς rotas: Theodoretus περισσωνδῆς τροχῶς falcatas rotas: Hieronymus currus, alii aliter. Ferreis itaque curribus seu rotis triturationi apcis Israelitas a Syris dissecatos ac serratos fuisse: quod poenæ genus in Oriente haud infrequens, teste Jud. VIII, 7. 2. Sam. XII, 13. 1. Chron. XX, 3. Proverb. XX, 26. Nil itaque cogit, ut cum Mercero improprie de violenta sumatur oppressione. Sed ex his ceu ungue sufficiat agnovisse leonem; cætera B. L. industriæ relinquimus.

P. 40.

41.

DE JURE PROEDRIÆ SEU PRÆCEDENTIÆ
variarum *Quæstionum Decades duæ, Auctore, CASPARE HEIN-
RICO HORNIO JC. & Antecessore Witte-
bergenfi. Editio secunda
auctior.*

Wittebergæ apud Meyerum & Zimmermannum, 1795. 4.

Constat 14. plag.

Plerisque hominibus delicata sui innata est æstimatio, adeo ut non tantum contemptum aliorum ferre non possint, sed & aliis sine causa postponi nolint: hinc non infrequentes, in vita civili, de præcedentia sunt contentiones. Ex hoc genere Excellen-

Qq 2 tiffi.

tissimus Autor duas decades exhibet, quarum syllabum breviter texemus. In prima decade primum occupat locum quaestio generalis, de moralitate controversiarum praecedentiae: deinde disquiritur, utrum Consiliarius Principis Imperii titularis praecedat Doctores & Licentiatos? tertia quaestio ostendit, quo loco Comes Sacri Palatii haberi debeat? in quarta disputatur, num is, qui prior licentiam adeptus est assumendi Doctorales honores, postea Doctor creatus, praferendus sit illi, qui medio tempore & Licentiatum & Doctor factus est? Quinta expendit, utrum Doctoris filia innupta mercatoris uxori sit praferenda? sexta rationem litis, inter bibliopegi & lanionis uxores de praecedentia compositae, exhibet: septima de eo satagit, quis e duobus potior, qui unius ejusdemque temporis rescripta Principis, quibus munera publica conferuntur, insinuant? octava poligraphum municipii, cum senatoribus vel decurionibus de loco certantem, sistit. In nona disceptatur de jure Collegii, quoad vindicandam aut defendendam Praesidis vel Collegae praecedentiam: decima tractat controversiam, utrum illi, qui in urbibus oppidisque, inter cives vexilliferorum munere funguntur, jus praecedentiae, intuitu aliorum civium habeant? In secunda decade Consultissimus Autor disceptat de praecedentia Doctorum, eorumque lite cum Consulibus civitatis municipalis: postea praecedentiam substituti Scholae Rectoris explicat: inde pergit ad quaestionem, utrum actus praecedentiae, quem antecessor exercuit, in possessorio prosit successor? huic subjungit proedria Doctorum, intuitu Superintendentium & Praefectorum, hoc etiam addito, quod Collegia Juridica de jure praecedentiae omnino respondere possint. His adductis, praecedentiam respectivam enucleat, ac quis proedria potior sit, si plures in exercitio jurisdictionis simultaneo concurrant, ostendit: tum praecedentiam Advocatorum, ut & bibliopolarum & mercatorum explanat, atque, evoluta actuum publicorum & privatorum, praecedentiae intuitu distinctione, castratoribus suum, qui aenopolis, ex quadam rubrica, ab ipsis non allegata, praferri cupiebant, ultimum locum cedit. Illustrando Consultissimi Autoris labori, vel unius quaestionis rationes specialius nonnihil recensimus. In decadis primae quaestione tertia, ut antea indicavimus, de Comite Pala-

Pala-

Palatino sermo est. Vivebat ille in civitate quadam municipali, in qua Senatorius ordo eo jure utebatur, ut singuli Doctores & Licentiatos præcederent. Quem ergo locum ipse ambire posset, edoceri voluit, ac id responsi a Facultate Juridica Wittenbergen- si accepit, quod Consuli regenti locum honoratiorem cedere debeat, cum velut incola jurisdictioni magistratus oppidani subsit. Hac occa- sione non tam quæsitum, quam potius pro certo suppositum fuit, quod Comitiva superet dignitatem Doctorum, cum Comites Pa- latini plerumque a Cæsare accipiant facultatem creandi Doctores; hi etiam, post exactos in Academiis legendo docendoque viginti annos, ex communi sententia, Comitivam nanciscantur; non mi- nus Comites Palatini Nobilibus pares habeantur, in multis quo- que iis præferantur, Illustres, Nobiles, Spectabiles & Clarissimi, nec non Consilarii ac Consistoriales Imperatoris audiant; Comiti- va etiam titulis Consiliariorum Cæsareorum, in Capitulat. Leopoldi art. 44 præponatur, ac involvat communicationem exercitii Re- servatorum Imperatoris, quæ ne ipsis quidem Statibus Imperii, præcipue extra territoria sua, facta sit. In eandem sententiam, in casu simili, pronunciavit Facultas Juridica Hallensis, & licet, pro Doctoribus, contra Comites Palatinos, suffragium tulerit Col- legium Juridicum Jenense, attamen quid ejus rationibus repo- nendum sit, alio Responso Hallensi ostenditur.

*JOHANNIS VOET, JURISCONSULTI ET AN-
ecessoris in Academia Lugduno-Batava, Commentarius ad Pau-
dellæ, in quo præter Romani Juris principia ac controversias
illustriores, Jus etiam hodiernum, & præcipue fori quæstiones
excipiuntur. Pars hac posterior continet octo &
viginti libros posteriores.*

Hagæ Comitum, apud Abrahamum de Hondt, 1704. in fol.
Continet Alphab. 12.

PRimam egregii hujus operis partem recensuimus in Actis anni
1699, mens. Novembr. ibique de laudabili Celeberrimi Autoris in-
stituto, de ordine quem sequendum sibi duxit, de elegantia sermo-
nis ipsius, deque singulari ejus eruditione, candore, industria ni-

hil diximus, quod non idem ad partem hanc posteriorem jure merito sit trahendum. Tardius a se impleri fidem, in primi voluminis præfatione datam, de hoc altero tomo edendo, non in sequiorem partem acceptum iri sperat Noster, si se, quotidianis professionis publicæ negotiis districtum, horas tantum subcisivas laboris hujus absolutioni impendere potuisse, cogitaverint Lectores, atque insuper materiarum partis hujus posterioris amplitudinem, respexerint ac difficultates. Quamvis autem haud grave sibi futurum fuisse dicit, apparatu majore de pluribus discere, verbis tamen parcendum censuit, rebusque potissimum, compendiose quidem, nec tamen eo minus pro dignitate explicandis, incumbendum; quarum etiam copia tantum non obrutus, evitare haud potuit, quin pars hæc secunda in longe majorem, quam prima, excreverit quantitatem, ne alioquin, quod quibusdam accidit, posteriora minore videretur diligentia, quam priora, tractasse. Cæterum, cum Virorum doctissimorum lucubrationes, de nonnullis ulterius cogitandi ansam præbuerint, calci totius operis quædam adjecit, quæ non solum his, quæ in parte priori, sed & his, quæ in hujus secundi voluminis ea parte, quam ante biennium excusam dicit, illustrandis & limitandis inserviant. Si quid verò tum in hac, tum in priore commentarii hujus parte affectaverit, id unum fuisse declarat, ne quenquam offenderet, neque tumidiore inflatoque scribendi genere uteretur, sed æquabili atque perspicuo; eo excepto, quod in *titulo de questionibus*, pro moderato in criminibus indagandis tormentorum usu pluribus agens, aliam quodammodo dicendi rationem adhibuerit, oratione ante annos plurimos publicæ recitata, nunc typis ibidem descripta.

p. 4. n. 7.

Ex tanta, quæ nobis offertur, rerum selectissimarum copia, visum fuit, speciminis loco, excerpere sequentia. In titulo de *Sponsalibus* asserit, quod si liberi sub conditione, *si pater in nuptias consenserit*, sponsalia contraxerint, & pater rogatus primo consentire noluerit, deinde vero, sæpius aliis intercedentibus, in nuptias consentiat, filius aut filia ex primo illo dissensu a vinculo sponsaliorum non liberetur (secus ac statuit Brouwerus) sed potius ex consensu paterno post interposito, etiamnum ad nuptias compelli possit. In hujus asserti fidem allegat *arg. L. 12. §. 2. ff.*

rem

rem ratam haberis; ex Lege autem §. 1. ff. Verb. d. Sign. cum decisionem casus plane diversi contineat, nihil in contrarium concludi posse contendit, proque sua sententia facere dicit placitum Ordinum Ultrajectinorum de matrimonio 6. Octobr. 1584. art. 10. Contra eundem Brouwerum, qui existimat, conditionem illam, *si abortum procuraveris*, sponsalibus adjectam pro non adjecta habendam, hanc vero, *si copulam admiseris*, esse re ipsa adimplendam, nisi mulier pudicitiae studens, velit matrimonii futuri spe decidere, variis argumentis ostendit, quod ex sponsalibus sub utraque conditione contractis ad nuptias juvenis compelli debeat, sive conditio impleta fuerit, sive implementum ejus sponsa, satiore secuta rationem, facere aut pati recusset; ne alioquin melioris sit conditionis, quae turpe factum adimplet, quam quae mature poenitens a probro abstinet, & virtutem sceleri anteponeat. Sponsalia de praesenti vulgo dicta, a sponsalibus de futuro, quantum ad effectus juridicos, apud Belgas diversa non esse affirmat, licet aliud jure Canonico scripto placuerit; adeoque sponsalia posteriora, verbis praesentis temporis contracta, non debere obesse prioribus, per temporis futuri verba initis, concludit. Non tamen cum Si-nnone van Leeuwen existimandum esse monet, sponsalia posteriora, ab initio in praedictum priorum haud recte inita, ex eorum genere esse, quae tractu temporis vires haud assument, sed potius firmari eadem, si sponsa, quae jure potiori nitebatur, mortua sit, aut desistat sponte, ita ut altera tunc sponsum ad nuptias cogere possit. In titulo *de Nuptiis*, polygamiam a Deo in patribus V. T. per quandam conniventiam toleratam, vel saltem non notabilibus poenis coercitam, revera praeceptis Divinis adversam fuisse, remissive asseverat. Edicto Caroli V. de A. 1540. constitutum fuisse docet, eum, qui puellam annis viginti minorem duxerit, quaeve adolescenti minori annis viginti quinque nupserit, non impetrato consensu patris aut matris talium minorem, aut majoris partis proximorum cognatorum, si parentes deficient, aut denique ipsius magistratus, cujus jurisdictioni minores tales subiecti sunt, nihil lucrari posse ex bonis talis minorennis seducti vel seductae, sive donationis, sive dotalitii, sive institutionis, sive legati, sive statutariae aut pacticiae communionis titulo. Has

p. 5. n. 8.

p. 11. n. 20.

n. 21.

p. 17. n. 1.

p. 21. n. 11.

pæ-

- penas deinde edicto publico Ordinum Hollandiæ anno 1580. art. 3. & 13. non modo confirmatas ait, sed & matrimonia sine parentum aut alterutrius adhuc superstitis consensu inita, ipso jure nulla renunciata esse; cui consequens sit, ut & ad parentum, qui rigido jure uti velint, desiderium tales conjunctiones, licet concubitu jam confirmatæ, dissolvi debeant. Patri, qui ob mores prodigos curatorem a magistratu accepit, cum arbitrium remittendæ injuriæ filio suo honesto illatæ relictum non sit, per *L. 17. §. 13. ff. d. injur.* nec concedendum esse putat, ut liberorum suorum nuptias ad suam metiatur vel utilitatem vel vilitatem, atque in eandem sententiam itum fuisse a Parisiensi Senatu, ex Antonio d' Espeisses & Abr. a Wesel commemorat. Jure civili per nuptias non inductam fuisse universalem bonorum inter conjuges communionem allatis in medium argumentis, probat, & his, qui contrarium ex *L. 1. ff. d. act. rer. amot.* nec non ex *L. 4. C. d. crim. expil. hered.* evincere volunt, respondet. Moribus vero Hollandiæ, & aliarum multarum gentium, statutariam esse asserit facultatem omnium inter maritum & uxorem communionem, in cujus origine, objecto, effectu, aliisque circumstantiis exponendis, p. 22. n. 14. haud vulgarem operam adhibuisse deprehenditur. Ex hac communione descendere dicit, ut & viri contractibus, stante matrimonio celebratis, uxor in Hollandia pro parte dimidia conveniri possit soluto matrimonio, sicut & hæredes ejus, etiamsi non utiliter, sed per mariti temeritatem, aut prodigalitem dissolutamque vivendi rationem, æs alienum contractum doceatur: ubi tamen indicat, quod uxor nolens, ex continuata mariti prodigalitate manifesta, quæ scortis, alea, similibusque exercetur, diutius obligari, petere possit bonorum separationem, (vulgo *bedelscheydinge*) qua impetrata publiceque significata, maritus nec ipsam, nec bona ejus obligare possit. In titulo *de Divoritiis* asserit, licentiam illorum toleratam magis, velut malum necessarium, quam probatam fuisse apud Romanos, idque tum ex eo evincit, quod secundum Plutarchum & Sigonium, Romuli lege mulieri maritum relinquendi potestas adempta fuerit, viro autem ejicere uxorem ex paucis tantum causis concessum, si scilicet veneficio circa prolem usâ fuisset, aut alienam pro sua subdidisset, aut adulterium commi-

mississet, tum & inde, quod (secundum Gellium) nominatim cautum fuerit, matrimonium Flaminis Dialis non nisi morte dissolvendum esse, quasi ab eo, tanquam summi Jovis Sacerdote, exactior vitæ ratio ac sanctitas observanda fuerit, adeoque minus in eo tolerari debuerit, quicquid a recti tramite videbatur deflectere, quam quidem in aliis, quibus ea virtutis ac integritatis gloria non ita peculiariter commendata erat. Eandem ob causam factum dicit, ut inter probrosas conditiones numerata fuerit illa, qua mater filiam instituerat, si a viro divertisset, ex insigni rescritto Imperatorio in *L. f. C. d. instit. & substit.* Ad titulum de *Tutelis* statuit, non esse demandandam Judæis tutoriam in liberos Christianos potestatem, idque non quidem Juri Registorum ob *L. 15. §. 6. ff. d. excus. tut.* bene tamen Juri, quod est in Codice, conveniens esse probat, cum homines isti secundum *tit. ne Christian. mancip.* propter seductionis periculum, ne mancipium quidem Christianum in potestate dominica habere potuerint aut possidere. In Belgio cautum esse ait edicto Ordinum Generalium d. 30. Aug. 1640. ut, si parentum alteruter Reformatæ religionis fuerit, tutela Pontificio non debeat demandari. Universitatis Lugduno-Batavæ studiosis fori quidem peculiaris privilegium indultum esse, attamen & ipsis studiosis minorennibus & studiosorum liberis tutores dare Cameram pupillarem civitatis Leydenfis, notat. Quod a nonnullis asseritur, tutores ob levem culpam haud fuisse remotos, sed tantum ob delum vel latam culpam, adeoque per culpam propositam in §. 6. *l. d. suspect. tut.* non nisi latam potuisse videri designatam, id gratis subsumi, sed nulla lege evinci contendit: patere enim ex *L. f. C. diff. tut.* & *L. 3. §. f. it. L. 4. ff. cod. tutores* ob negligentiam, segnitiam, rusticitatem, inertiam, simplicitatem, ineptiam removeri potuisse; ineptum vero esse, rusticitatem & segnitiam, ineptiam ac simplicitatem præcise latæ velle adscribere culpæ, cum & in levi, imò etiam levissima culpa segnities, negligentia atque inertia deprehendatur; eoque respicere Juris Consultum, quando ait, magnam negligentiam culpam esse, magnam culpam doctum esse *L. 226. ff. d. V. S.* Exemplo militum in expeditione occupatorum, etiam legatos ad exteras gentes missos, eorumque

p. 132. n. 6.

p. 191. n. 5.

p. 211. n. 7.

p. 271. n. 14.

Rrr

comi

- comites ac ministros non inutiliter testari, durante absentia & in locis peregrinis commoratione, secundum simplicem Juris gentium solennitatem, neglectis solennibus tum loci, in quo morantur, tum domicilii, unde absunt legationis causa, existimat Noster, inque eam sententiam etiam responsum esse ait ab Hug.
- p. 296. n. 8. Grotio in Resp. Juris C. Holl. part. 3. vol. 2. consil. 241. Moribus hodiernis non ambigendum esse dicit, quin unusquisque sive miles sit sive paganus, pluribus testamentis relictis mori possit, sic, ut in dubio omnia in priore & posteriore voluntate disposita exitum habere debeant, nisi quatenus contraria continent, quippe quorum intuitu suprema voluntas testatoris potior foret.
- p. 365. n. 11. An testamenta illorum, qui in Indias navigant, aut inde redeunt, in navi condi recte possint coram duobus testibus, jurato de voluntate defuncti deponentibus, antea disputatum fuisse docet inter Hollandiæ pragmaticos, quorum alii militum privilegia ejusmodi peregrinantibus tribuerint, alii vero denegarint; sed postea constitutum esse probat placito Ordinum Generalium, testamenta navigantium in Indias, aut redeuntium, debere in scripturam redigi in libro ei rei destinato, & subscriptione ejus, qui illud scripsit, nec non duorum testium, confirmationi. De jure accrescendi ubi agit, sententiam illorum qui inter legatarios verbis tantum conjunctos locum illud invenire negant, jure meliori ac rationibus firmioribus niti contendit,
- p. 606. n. 30. objectisque dubiis solidissime respondet. Jus Albinatus, vi cujus in Gallia fiscus succedit peregrinis in isto regno decedentibus, uti contra naturalem æquitatem & juris Romani principia inductum Nostro videtur, ita quoque ratione eorum, qui Ordinum Generalium subditi sunt, conventionibus inter Galliarum Reges & Fœderati Belgii Ordines identidem abolitum fuisse, idem significat. Parciorum antiqui juris civilis circa successiones tractationem supplere volens, inter librum XXXVIII & XXXIX de Feudis dissertationem inseruit, inque ea hujus quoque Juris elegantem atque perspicuum interpretem se præstitit. Multiplicatam illam vassallorum subordinationem, (qua jure feudali Longobardico a Capitaneis seu valvasoribus majoribus feuda accipiebant valvasores minores, & ab his iterum valvasores minimi vel valvasinū) secundum

dum usum Hollandiæ & vicinarum gentium, ignotam esse docet, ac tantum vasallum, qui a Comitatu Hollandiæ feudum tenet, subfeudum dare posse, ulteriorem vero subinfeudationum progressum non admitti, teste Hugone Grotio. Ab hoc tamen in eo dissentit, quod feuda Hollandica ad dominum directum re-verti statuat, si decimum cognationis gradum deficere contingat. Istam enim sententiam ostendit falso niti fundamento, quasi & allodialium successio ad eum gradum coarctata sit; quam successio- nis intra gradum decimum restrictionem neque juri civili, neque moribus Hollandiæ respondere, post titulum *ad Senatus C. Ter-* p. 602. n. 22.
sull. probaverat. Totum jus successionis feudorum hæreditario- p. 648. n. 79.
rum in Hollandia eo videtur ipsi redire, ut primo lineæ, dein gradus, tertio sexus, quarto ætatis ratio habeatur. Cui consequens esse dicit, ut filius secundogenitus potior sit nepote ex filio pri- p. 647. n. 76.
mogenito, sed & nepos ex filio secundogenito natu major, veluti viginti annorum, præferatur in avi defuncti feudo nepoti ex filio primogenito natu minori, veluti annorum decem; denique filius natu major sororis anteponendus sit filio fratris natu minori, li- cet, quod ad hoc ultimum attinet, contra placuerit Ultrajectinis. Ex usu hodierno, usque adeo necessariam esse tradit in feudis Hol- p. 656. n. 98.
landicis investituræ renovationem, ut nullus de feudo litigare pos- sit, nisi petita investitura, quam & ideo dominus directus & actori & reo indulgere soleat, salvo tertii cujuscunque & suo jure. Ra- tione laudimiorum, quæ in recognitionem domini directi, per va- p. 659. n. 106.
sallos investituram obtinentes, pendi solent domino, nec non cu- rialium, quæ solvuntur ministris curiæ investituræ vacantibus, ta- lem in Hollandia consuetudinem esse refert, ut feudum magnum aut medium per renovationem accipiatur, præstitis laudimiorum nomine decem florenis, parvum vero præstita unius anni pensio- ne; quod autem ad curialia sive curiæ jura attinet, debeantur pro feudo magno floreni viginti duo cum stufero (*stuver*) pro me- dio floreni decem, pro parvo quinque. Quænam vero feuda di- cantur magna, quænam media, quænam parva, fusius eodem in loco exponit. Etsi olim in Hollandia & vicinis regionibus, feu- p. 661. n. 109.
dis quoque obligatio ad servitia militiamque adjuncta fuerit, ta- men temporibus Caroli V. feuda magis allodiis hac in parte cœ-

pisse adæquari commemorat, adeo, ut servitia aut militia jam a
 longissimo tempore non inveniantur vassallis feudorum intuitu in-
 dicta fuisse, ac proinde negari haud posse, quod, si non expressa
 dicti Imperatoris constitutione, usu certe inveterato, ab illo servi-
 tiorum onere jam sint immunes. Furti actionem poenalem con-
 tra furis hæredes competere statuit, non solum, si ex dolo defun-
 cti aliquid ad ipsos pervenit, & si lis cum defuncto sit contesta-
 ta, sed & si tutor res pupilli surripuerit; tunc enim mortuo tu-
 tore, nti cæteras actiones, ita & furti actionem, contra hæredes
 tutoris datas fuisse, contendit, quia a seipso tutor exigere debuisset,
 sibi que solvere, *L. 9. §. f. L. 10. ff. d. tut. & ration. distrab.* Ad titulum
de Questionibus graviter de illarum justitia atque æquitate differit,
 multisque rationibus ostendit, quod, si circumspiciamus, si tardius,
 si non nisi pene probato erimine, ac reo gravissimis præsumptio-
 nibus onerato, judex tormenta decreverit adhibenda, nihil prorsus
 in illis deprehendi possit iniqui, quod non in carceribus, in tes-
 tibus, in instrumentis, in jurejurando, in sententia ferenda, in
 ipsa confessione liberrime emissa, aliisque extra omnem injustitiæ
 & iniquitatis controversiam constitutis, æque locum sibi vindicet;
 ac proinde nullam satis urgentem rationem suppetere, cur con-
 fessionem per hujusmodi tormenta, cum moderamine adhibita, pri-
 mitus extortæ, deinceps vero citra cruciatum renovatæ, magis, quam
 aliis legitimis probandi modis, fides esset deroganda. Atque
 hæc ex tomo undecimo operis hujus excellentissimi speciminis
 loco recensita suffecerint.

Medaillen-Cabinet Ernestinischer Haupt-Linie &c.

hoc est

SAXONIA NUMISMATICA LINEÆ ERNESTI-
NA Pars Prima, Auctore WILHELMO ERNE-
STO TENTZELIO.

est sub

Summibus Christiani Wermuthii numismatum Sculptoris
 stat Francofurti ad Meenum apud Knochium, & Lipsiæ
 apud Stockium, 1705. in 4.

Constat Alphab. 1. plag. 9. & tab. æneis. 15.

Pri-

Primam partem Saxoniae Numismaticae ab Amplissimo Tentzelio nuper admodum evulgatam, & a nobis in his Actis superiori mense Julio p. 289. s. recensitam, prima nunc Linea Ernestinae pars excipit, in cujus prooemio quaestionem Autor tractat, curiosam, *quam vetustissima sint numismata Saxonica?* Ubi aliter respondendum esse dicit, quando numismata sensu nominentur aëtherei, quae iconibus elegantioribus aliisque scitissimis figuris puro auro argentoque expressa sint; aliter ampliori, cum quicquid est nummorum mnemoniorum subintelligatur. Illa, vix reperiri perhibet Ernesto Albertoque antiquiora: haec autem, si Spangenbergio fides, longe majorem omnino vetustatem sapere, & eorundem primordia a braetatorum, qui vocantur, nummorum usu derivanda venire statuit, quos inter plures olim ad facti alicujus publici, structuraeque, cum primis Ecclesiasticae, similitudine rerum memoriam pertinuerint. Cujusmodi nummum & recentioribus temporibus inter solidos Saxonicos sub grossi forma reperiamus, una parte scutum Saxonicum praeferentem, cum inscriptione, *HILF SANCT ANNA*, h. e. *Adjuva Sancta Anna*; altera Electorale, cum inscriptione: *MATER. DEI. MISERERE. MEI.* Existimat igitur, grossum illum Fribergæ cūsum, consecratumque sive in genere cultui S. Annae matris Mariae, Christi que aviae, sub seculi XV finem in Saxoniam inducto, sive in specie ædificio capellae S. Annae Fribergensi, ubi pentadivio virili rhythmus integer ligno incisus conspiciatur, cujus initium nummo impressum sit: *Hilf S. Anna du Gerechte, Mir allen deinem Geseblechte, Amen*, h. e. *Adjuva S. Anna iusta cum omni tua cognatione, Amen.* Quod si forte quis opponat elegantissimum aureum argenteumque numisma, cujus antica sistat S. Elisabethae effigiem cum corona peploque, & inscriptione: *ELISABETHA. FILIA. ANDREAE. REGIS. HUNGARIAE. ORBIT. MARBURGI.* ANNO. M. CC. XXXI. postica Hospitalis Marburgensis Ecclesiam ab ea fundatam, & in circuitu verba Psalmi CXII: *DISPERSIT. DEDIT. PAUPERIBUS. JUSTITIA. EJUS. MANET. IN. SECLUM. SECLI.* responderet, falsum esse hoc numisma, neque ducentos adhuc annos superare, quoniam alia ejusdem scripturae, modi & typi, in Maximilianum I. & Carolum V.

retroque in Carolum M. aliosque Imperatores & Reges facta superfint, omnia ab uno Judæo aurifabro elaborata, & alio forsan tempore occasionem datum iri sperat, qua singularem hanc fraudem ulterius possit detegere. Cæterum ad calcem subnectitur Caroli Gustavi Herzi, Consilarii Aulici Schwartzburgici, epistola, qua is primæ partis Linæ Albertinæ numismata annotationibus quibusdam illustrat, eque nummophylacio suo sex alia cum Tentzelio communicat, in supplementum aliquando proditurum differenda. Spondet insuper Amplissimus Tentzelius, quod opere hoc Numismatico absoluto, omnes tam Ecclesiasticos quam Politicos Ministros Saxonicos, quotquot numismatibus innotuerunt, singulari fasciculo velit comprehendere, adeoque rogat præcipuos in Aulis Saxonice Status Ministros aliosque ex antiquioribus Nobilium Familiis oriundos, ut, quicquid de Parentum Avorumque vita ac numismatibus servant, sibi ad describendum formandumque gratiose & benevole concedant, ne debita operi perfectio curaque desideretur.

Sed ut ad rem ipsam deveniamus, quatuor hæc pars Electorum numismata repræsentat, 1) ERNESTI puta, FRIDERICI III, JOHANNIS & JOHANNIS FRIDERICI, in cujus sorore, MARIA, fratreque JOANNE ERNESTO, clausulam facit. ERNESTI duo tantum affert numismata, alterum quod ejus effigiem ex una, & ex altera Alberti faciem refert, idque in fraternæ divisionis memoriam excusum fuisse conjicit, quanquam & cuilibet liberum relinquit, ut, cum nomina adjecta non legantur, effigies has Friderico Electori Ducique Johanni tribuat. Secundum Ernesti iconem, habitu Electorali splendentem, exhibet, averfa vero pars vitæ curriculum paucis comprehendit, illudque ex Werthianis numismatibus petitum est. FRIDERICI III, qui Sapientis cognomen merito tulit, numismata viginti quatuor recenset Tentzelius, e quorum numero prima & primaria illa sunt, in quibus se *Sacri Romani Imperii Locumtenentem Generalem* Elector nuncupat, quem titulum nonnisi ab A. 1507, quo eundem hoc ipso axioma Maximilianus I. Imperator in Comitibus Ratisbonensibus tractaverit, ad annum usque 1519, quo Imperator modo laudatus obierit, gessisse eum monet, atque illos accurate

MENSIS NOVEMBRIS A. MDCCV. 503

refutat, qui ad vitæ usque finem hunc ab ipso fuisse adhibitum contendant. Carolum certe V. Imperatorem hoc cum elogio nunquam dignatum esse, ostendit. Notatu dignum illud quoque numisma videtur, in quo ejus collari insculptum cernitur nomen IHS. MARIA, quod tamen illo tantum tempore, quo Pontificiæ adhuc Ecclesiæ addictissimus fuerit Fridericus non autem postea, cum ad Evangelicæ veritatis agnitionem pervenisset, ipsi arripisse observat. Ab A. 1522. nummos Fridericianos ambuisse ait hanc inscriptionem: VERBUM. DOMINI. MANET. IN. ÆTERNUM, eodemque anno verba memorata, vel potius eorum literas initiales, manicis quoque primum innexas fuisse addit. Literas C. C. N. S. quæ passim in nummorum, tunc temporis cusorum, angulis compareant, more consueto sic exponit: *Crux Christi Nostri Salus*. JOHANNI Electori septem tribuit numismata, e quibus ullum, & memoriale quidem, ante annum 1530. cûsum, fuisse negat. Licet enim aliqui huc referant aurea illa vel argentea, quæ pestem, ut velint, Wittebergæ anno 1527 & 1528 grassantem, respiciant, unoque latere serpentem æneum, altero Christum crucifixum exponant, cum dictis Biblicis illuc spectantibus; nihilominus tamen, quoniam nec Joannis Electoris nomen, nec illius insignia ibi conspiciantur, omittere eadem consultius duxit; cum sine dubio pertineant ad alia sacra profanaque numismata, quæ isto tempore a sculptoribus proprios in usus elaborata, magno adhuc numero hinc inde asservuntur. E genuinis vero Johanneis istud imprimis notari meretur, quod peculiariter respicere censet speratam quidem & ab Imperatore promissam, dehinc vero negatam feudorum concessionem, quod Tab. V. num. 3. delineatur, & p. 56. f. declaratur. Circa nummos, in quibus effigies Electoris Ducisque Johannis Friderici appareant, in superiori vero averse parte epulum Herodis proponatur, & in inferiori Johannis decollatio, cum perigraphæ: *Johannes strast den Ehebruch Herodis, drum must er sterben, Marci VI*, quod est: *Joannes reprehendit Herodis adulterium, propterea morti traditur, Marci VI*, hoc observat, quod Joannes Elector, ex Comitibus Augustanis reversus, hanc posticam iconibus istis addi forte curaverit, in memoriam tam frustra speratæ investituræ, aliarumque ob religionem illata-

rum

rum afflictionum, quam colloqui præsertim memorabilis, die decollationis Joannis, Augustæ coenando cum Heinricho Brunsvicensi aliisque magnæ dignitatis convivis habiti. Ast insuper tamen alius expendendum altius relinquit, annon fama jam tum inter homines clanculum sparsa fuerit de furtivis Henrici, Ducis Brunsvicensis, amoribus cum Eva Trotтина, ut Johannes Elector illum familiariter in coena supra dicta monuerit. Cum enim isti magis posthac erumpentes in publicam vergerent criminationem, non septem solum infantes nominabantur, quos Dux cum Eva post factas illi habitas exequias genuerit, sed is etiam accusabatur, quod antea, illa adhuc in Gynecæo inter virgines versante, aliquot infantes ex eadem suscepit. Quos si quis computaverit, facile hujus rei initium in annum 1530, imo citius, poni posse innuit. In ultimo Joannis Electoris numismate, inscriptionem hanc, tanquam memoratu dignissimam, observari jubet, in qua JOHANNES. PATER. ET. JOHANNES. FRIDERICUS. FILII. EVANGELII. CONFESSORES. INVICTISSIMI vocantur. In postica summus Pontifex Hannas throno insidet, ante quem Petrus Apostolus cum tribus aliis personis stat, pone quos clypeolus numero 32 signatus jacet. Perigraphæ ex Actis Apostolicis desumitur: ET. LOQUEBANTUR. SERMONEM. DEI. CUM. FIDUCIA. ACTOR. 4. Re diligentius expensa, non adeo absurdum reputat, si quis numero illo breviato 32, tam annum, quam Evangelicorum Confessorum numerum notari dixerit. Quid? si Episcopus in throno sedens Archiepiscopum Moguntinum, tanquam mediatorem præcipuum, & qui ante ipsum stant Confessores, quadruplices ex Electorum, Principum, Comitum, Civitatumque numero Protestantes significant? Ad Apostolos enim applicationem commode fieri non posse censet, cum, testibus Actis Apostolicis, non quatuor, sed bini tantum, Petrus & Joannes, qui claudum sanaverant, ante summum Pontificem Syhedriumque Judæorum constituti fuerint.

Sed partem Tomi hujus secundi potissimam conficiunt numismata JOHANNIS FRIDERICI Electoris, quorum omnino sexaginta numerantur. Singula autem commemorare uti nostrum haud est, sic aliqua dedisse e præcipuis suffecerit. Vulga-

ris

ris quidem thalerus est, quem sub Tab. VIII. finem num. 3. Noster affert, una ex parte Johannis Friderici Electoris, altera Georgii Ducis imaginibus, titulis insigniumque scutulis signatum. Noluit tamen eundem silentio prorsus involvere, quia mysterium malumque omen nonnulli in eo quaerunt, quod gladius Electoris quasi fractus videatur. Equidem qui novit, quanta facilitate inferiundi monetis fiat, ut ferrum paulisper dimoveatur, eum nulla haec admiratione digna judicaturum autumat. Si quis autem, quæ olim cum Imperialibus Cromwellianis; & cum Hannoveranis monetis, quæ duas thaleri tertias seu sedecim grossos valent, aliisque ejusmodi monetis vulgata sint, huc conferre voluerit, eum sensu suo abundare permittit, majoris momenti reputans, quod A. 1695 Electoris hujus imagini, quæ picta in tabula lignea reperitur in conclavi Ecclesiastico Ducali Vinariæ, acciderit. Eam quippe die conversionis Pauli, durante concione, subito fragore totam perruptam fuisse refert, gladio Electorali illæso manente, prout ipse viderit, & Müllerus in Annalibus suis prolixè exposuerit. Tab. X. num. 4. 5. 6. 7. quatuor affert ejusdem magnitudinis numismata, quorum lemma unum est: GOT. STRAFT. DAS. UBEL. *Deus punit malum*; in postica vero modo hæc compareret inscriptio: DRVM. BIN. ICH. Herzog. HENRICH. Von. Braunschweig. VERDRIBN, i. e. *Propterea ego, Henricus Dux Brunsvicensis, ejectus fui*; modo ista: DRVM. HAT. MEIN. HAVS. EIN. BOSEN. GIBEL, i. e. *Propterea domus mea fastidium habet malum*; modo quatuor inter scuta hæc leguntur: GOT. HILFT. AVS. NOT, *Deus ex periculo eripit*; modo sequentia: NOLI. PECCARE. DEVS. VIDET. Singula hæc respicere observat felicissimam illam expeditionem, qua Elector cum Hassiæ Landgravio Henricum, Ducem Brunsvicensem, invadens, totum ejus Ducatum duorum mensium spatio occupaverit. Numisma, quo A. 1545 ante expeditionem Henrici Ducis, Pontificii elatum suum animum publice significarint, & quem sub anni finem Lutherus in literis ad Electorem Saxonie, Landgraviumque datis, ac Tomo VIII Altenburgensi fol. 465 relegendis descripserit, nunquam se suis usurpasse oculis fatetur, at varia tamen occasione belli Smalcaldici causa indicare haud omittit. Neque in allegandis iis

uspium defecit, quæ Joannis Friderici Electoris captivitatem pariter ac subsecutam tandem e custodia liberationem, pro fundamento agnoscunt. Qua occasione commentum istud perdidicimus explodit, dum insignem Hispani ostendent ocream, Johanni Friderico in captivitatem abducto exutam, in qua eques cum toto corpore locum inveniatur, quamque aliqui in Cimeliarchium Electorale Bavaricum Monachium translatam somniant. Cæterum si quis curiosus fuerit sciendi, quorsum altera Electoris ocrea pervenerit, cum ad Cimeliarchium Gothanum ablegat, ubi illa monstratur, inusitata quidem amplitudinis, non tantæ tamen, quantam Hispani jactent, ut totus eques, sed puer tantum quinque vel sex annorum illa se abscondere queat. Tenui eam consistere innuit corio fusco, ut facile complicari condique possit, unica tantum solea, non calcaneorum, quali hodie utamur, fulcimento. Electoris in maxilla sinistra cicatricem, e pugna Mühlbergeni reportatam, & post in diversis numismatibus expressam, p. 139 seqq. considerat. Titulum *nati Electoris*, quo ultimo vitæ tempore Johannes Fridericus usus fuerit, non Electorem nude se appellans, p. 200 seq. probe attendi cupit, & quid ob eundem monuerit statueritque Elector Augustus, p. 209 enarrat.

His aliisque latius deductis, sub finem nonnulla disserit, primum de MARIA, Johannis Friderici Electoris sorore, eodem patre genita Johanne Electore, sed matre diversa e domo Anhaltina, Philippo inde Duci Pomeraniæ conjugio sociata. Hujus effigiem in nummo A. 1545 cuso apparentem sistit, istumque summi gaudii testandi causa, ob auctam tunc tertio filio Principe familiam, prodiisse conjicit. Copulationem Mariæ hujus cum Philippo Duce Lutherum peregrisse, unoque ex annulis sponfalibus e manu sua excidente, ipsum paulo commotorem dixisse refert: *Hörstu Teufel, es gebet dich nicht an, du wirst nichts ausrichten! Heu Satana, hac nubi ad Te, ne quidquam efficies! ad Sponsos vero conversum: Wachset, und euer Same müsse nicht untergeben! Crescite, & semen vestrum non deficiat!* Ast eventum nihilominus docuisse animadvertit, centum annis post, Ducum Pomeraniæ familiam plane exaruisse. Sorori Johannis Friderici ejusdem fratrem, afficiat, JOHANNEM ERNESTUM, Coburgensem, cujus diem

emor-

emortualem, de quo hætenus disceptatum fuit, in octavum Februarii collocandum venire demonstrat.

HUMFREDI HODII LINGUÆ GRÆCÆ PROFESSORIS Regii & Archidiaconi Oxon. de Bibliorum Textibus Originalibus, Versionibus Græcæ, & Latine Vulgata, Libri IV. Præmittitur Aristæ Historia Græcæ & Latine.

Oxonii e theatro Sheldoniano, 1705. fol.

Constant Alphab. 8.

Viginti anni sunt, ex quo Autor Reverendus, quem plurima alia scripta celeberrimum reddidere dudum, edita contra Historiam Aristæ Dissertatione, a nobis in Actis nostris A. 1686 p. 205 recensita, in republica litteraria nomen sibi primum parare cepit. In libri istius præfatione, tres alios libros de versione LXX virali promiserat, quorum tamen editionem varia, quibus inde distractus fuit, negotia ad hoc usque tempus distulere. Factum interea est, ut vir magnus Isaacus Vossius, in appendice Observationum ad Pomponium Melam, paulo acerbius Aristæ fidem contra doctissimum Hodium defenderet: quod tanto magis accendere debere videbatur eum, ad maturandam editionem librorum cæterorum, & vindicias parandas. Verum impediri se variis studiorum-vicissitudinibus hoc facilius passus est, quod, utcumque Vossio visum fuisset, viros tamen passim doctissimos allatorum a se argumentorum vim sentientes invenit, Menagios, Pagios, Allixios, Pikios, & Dupinium imprimis, qui omnia argumenta sua contra Aristæ Dissertationi præliminari in S. Scripturas inseruerit, suppresso licet, quod paulo ægrius ferre videtur, Hodianò nomine. Equidem in operis de Scriptoribus rerum Ægyptiarum libro IV, ante annos non adeo multos, Vossio satisfacere ipsi quoque fuerat constitutum, idque aperte præfetulera in Prolegomenis ad Malalam §. 13. Sed tamen istud quoque institutum nova impedimenta denuo interverterunt, id agentibus fatis, ut hæ ipsæ vindiciæ suo denique loco, hoc est in diutissime expectato opere, quod nunc ob oculos habemus, conspicerentur.

In eo primo loco ipsa Historia Aristæ compareret, ad fidem

Confer.

Acta E. 1687.

P. 221.

nuperimæ editionis Oxoniensis impressa, cum vel lectiones diversas vel notas consarcinare, ad Scriptorem suppositum & nullius pretii, supervacaneum doctissimo Autori visum fuerit. Insequitur Dissertatio contra Historiam Aristæ, quæ primum operis hujus librum absolvit, in paucissimis ab editione Oxoniensi anni 1684 dissidens. Nempe prima duo capita, demtis nonnullis, ut breviora evaderent, in unum contracta sunt; quædam etiam in sequentibus in epitomen fuere redacta, pauculis quibusdam locis textui inspersis; plura in sequentibus capitibus textui subiciuntur, quæ tum illustrandis olim dictis, tum imprimis If. Vossii exceptionibus dispellendis inserviunt. Quod enim Vossius v. g. ad argumentum allatum ex *Hermippo*, dicente post *Cassandri* excessum *Demetrium Phalereum* in Ægyptum demum adventasse, excipit; licet verum hoc esse concedatur, nihil inde tamen confici posse, nisi id solum, quod tempus, quo in Ægypto *Demetrius* fuit, non XXIV, sed XIV vel XV annorum fuerit: ad id respondet clarissimus Autor, imo & hoc, si verum id esse concedatur, inde confici, quod *Hermippus* non erraverit, cujus auctoritatem erroribus imputatis convellere nifus fuerat Vossius. Quod *Antigonus*, cujus metu *Demetrius* ad *Ptolemaum* confugit, fuerit *Antipater*, *Cassandri* filius, qui & ipse *Antigonus* dictus sit, ut visum Hodio, eo impugnat Vossius; quoniam *Antipater* ille *Cassander* potius fuerit dicendus, si binomius extitisset, cum Græci cognomina vel a parentibus vel a præceptoribus acceperint, nec parens autem, nec præceptor *Antipatri Antigonus* fuerit appellatus: id levissimum clarissimo Autori videtur; indita enim a majoribus quoque Græcis nomina fuisse. Sic *Hermodamantis*, qui a majorum uno *Creophilus* appellatus sit, meminisse Jamblichum in Vita *Pythagoræ*: obitare quoque Vossio nomina *Alexandri Antiochi*, & *Demetrii Seleuci*, qui in Syria, & *Ptolemai Alexandri*, qui in Ægypto regnabant. Frequens autem in *Cassandri* familia nomen *Antigoni* extitisse, patere ex eo, quod filia quædam *Cassandri*, fratris *Antipatri*, vocetur *Antigone* apud Schol. Theocriti. Imo & nomen ipsi posse fuisse *Antigoni*, cognomen *Antipatri*, quod habere potuerit ab avo suo *Antipatro*, patre *Cassandri*. Ad argumentum Hodii contra *Aristeam* ex eo desumptum, quod nulla patris *Ptolemai Lagi* apud

cum

cum sit mentio, responderat Vossius, factum id ideo, quod ille regno se eo tempore abdicaverit penitus: verum & falsum hoc esse observat clarissimus ejus antagonista (eum enim nunquam regnum deposuisse, Dexippi, Eusebii, Africani testimoniis, & aliis quoque argumentis quamplurimis probari) & si verum sit, nullam tamen rationem reddi posse, cur & *Eleazarus* in epistola, & e Senioribus unus viva voce bene precetur *Ptolemao Philadelpho*, & uxori ejus, & sorori, & liberis, & amicis, patris ne verbo quidem facta mentione. Indignum *Demetrio* Bibliothecarii munus non fuisse, Hodio persuadere conatus eo fuerat Vossius, quod in Galliis quoque Archiepiscopus Remensis, Romæ ex Cardinalibus aliquis, isto officio fungatur: respondet iste, a Vossio quidem allegatos Bibliothecarios honorarios esse, nudo insignitos titulo, quales nulli apud veteres fuerint reperti; custodes saltem Alexandrinæ Bibliothecæ ejusdem conditionis cum ordinariis Bibliothecarum præfectis fuisse, a se exemplis compluribus esse demonstratum. Sed omnia percurrere nimis longum; ad partes itaque sequentes, quæ novæ penitus, nobis potius erit festinandum.

In libro itaque secundo de versionis Græcæ, quæ LXX vialis vulgo dicitur, ætate atque auctoribus prolixa instituitur disputatio. Confectam eam fuisse intra illud biennium, quo cum patre *Ptolemao Lagi* simul Ægypto præerat filius *Ptolemaus Philadelphus*, probabile esse ex eo, quod veterum alii *Ptolemaï Lagi*, alii *Philadelphï* regno hanc versionem adscribant, qui hac ratione optime concilientur, ut necesse non sit, cum Junio atque Weemsio statuere, duas diversas sub duobus Regibus istis versiones sacri codicis fuisse confectas: firmare id præterea disertum *Anatolii Alexandrini* testimonium, & ex recentioribus, plerisque & gravissimis scriptoribus, quorum loca adducuntur, hoc placuisse. Petrum Trecensem vero, Eutychium Patr. Alex. Philonem, Athanasium, autorem Seder Olam, Præfationem Pentateuchi Arabici, Justinum Martyrem, in designanda ætate hujus versionis, multos gravissimos errores commisisse. Versionem hanc neque *Ptolemaorum* autoritate, nec *Demetrii Phalerei* studio esse confectam, sed a Judæis, qui sub *Alexandro M. & Ptolemao Lago* magno numero, sive sponte, sive coacti, in Ægyptum de-

c. I.

c. II.

c. III.

venerant, (quod ex Hecataeo & Josepho discimus,) proprio motu, & in proprios usus. Augumenta, quibus *Ptolemaeorum* auspicia & *Demetrii* autoritas versioni huic eripiuntur, hæc sunt: 1. quod sola Pentateuchus conversa fuerit; probabile autem non sit, illos historica populi & prophetica oracula, quæ maxime illorum poterant curiositatem allicere, fuisse prætermittendos: 2. quod versio hæc neglecta & ignota semper fuerit ante Christianismum natum Gentilibus, quod pateat ex omnibus illius ætatis scriptoribus profanis, apud quos summa rerum Judaicarum ignorantia; ignotam autem adeo eam manere non potuisse, si tantorum Regum autoritate confecta, ab iis in tanto pretio habita fuisset. Demetrio & Ptolemæis tribuentes hujus versionis adorationem veteres & recentiores, vel dubiæ fidei esse & suppositivos, vel credulos nimis scriptores. Inter illos etiam ipse comparat Imperatoris *Alexandri Severi* nomen; in oratione quadam apud *Encolpium*: cujus rei non meminisse non possumus, quod inter nostros non ignotum quidem *Encolpii* nomen, ignotam tamen *Historiam* ejus esse, satis sciamus. *Encolpium* enim quidem scripserisse illius Imperatoris *Historiam*, ex Lampridio novimus, sed quis nostrum illam vidit unquam? Extat vero inter Anglos versio ex Græco, ut titulus habet, vernacula illius *Historia*, à *Thoma Elyoto*, Medico, A. 1549 edita: quam tamen, judice clarissimo Hodio, non est cur multum Britanniae invidemus, Spuriū enim illum foetum manifesta prodere ait indicia. Certissimum saltem esse, orationes, quæ in eo multæ habeantur, ab ipso *Elyoto* esse confictas; ejus enim ingenium & orationes confingendi consuetudinem ex aliis ejus scriptis sibi satis esse exploratam. Sed ad versionem nostram redeundum. Eam jam porro confectam docet non ab Hierosolymitanis, sed Alexandrinis Judæis. Certe opus non fuisse, ut Hierosolymis exemplaria & legis interpretes accerferentur, quorum inter tot millia Judæorum Alexandrinorum insignem copiam fuisse, necesse sit. Præterea dialectum hujus versionis esse Alexandrinam, quod fateatur Lexicographus Græcus Parisiis A. 1532 à Mich. Vascosano editus. Si solum Hebræorum eos didrachmum vertere, non Atticum intelligentes, sed Alexandrinum, quod ex Josepho Ant. III, 9. & Hieronymo

c. IV.

nymo ad Ezech. IV pateat. Vocem Ebraicam מִצְרַיִם more Ægyptiorum Οἱ Φι προferre. *Thummim* ἀλήθειαν vertere; id enim Ægyptium quoque esse, ut dudum monstravit Spencerus de Urim & Thummim c. 4 §. 12. *Josephi* nomen a *Pharaone* ipsi datum *Ψευδοφάνης* efferre, inflexo nomine ad usum Ægyptiorum, qui tum obtrinebat. Ægyptium quoque esse, quod *Παράν* Amos. V, 26 ponitur pro Ebr. מִצְרַיִם. Cum enim, h. e. *Saturnum*, Ægyptiis *Rephan* dictum, idque patere ex Coptica Tabula Planetarum in Prodrumi Copti c. 5 p. 147. Taceo cætera a doctissimo Autore observata linguæ Ægyptiæ vestigia. Id quoque, quod tanta fuerit Judæorum hujus versionis averſio, ut jejunio infaustam ejus confectæ declaraverint memoriam, argumento esse, a Judæis Hierosolymitanis eam profectam non esse. Quin & diserta loca Talmudica eam Alexandrinis tribuere. Nec Aquilam Judæum novam versionem Græcam fuisse moliturum, si istam ab Hierosolymitanis Presbyteris esse credidisset. Numero LXXII fuisse, plane absolum videri; quid enim eum numerum suafisset? esse hoc commentum ex affectatione Judæorum illius numeri, in aliis quoque rebus conspicua. Nec fuisse eos, qui in Synedrio confidebant: quid enim incredibilius, quam toto Senatu suo gentem fuisse spoliata, in Ægyptum scilicet commigrante? Nec LXXII fuisse *συνιδεῖς*, verum LXX tantum. Quin & esse ex antiquioribus & recentioribus, qui a paucioribus versionem factam dicant, Talmudistas Hierosolymitanos in Massecheth Sopherim, Leusdenium, Simonium. De Judæis quibusdam celebrioribus, qui in isto numero interpretum fuisse dicuntur, Eleazaro, Aristobulo, Simone Justo, Jesu Siracida, Daniele Propheta, Philone, Ezechiele Tragico, incerta esse omnia, & maximam partem manifeste falsa. Judæos Alexandrinos ægre ferentes, discrepantias suæ versionis ab Hebraizantibus passim notari, XL circiter ante Christum natum annis, Divino afflatu eam confectam esse, fingere cœpisse, idque Philoni jam fuisse persuasum, ut pateat ex Lib. 2. de Vita Mosis p. 510. Inde paulo post Philonis tempora, fabulam aliam de LXXII cellulis natales suos accepisse. Hanc triplici argumento destrui, primo autoritate adversa Aristæ, cujus fidem alias agnoscant adversarii: secundo ex dissen-

c. V.

c. VI.

- sa veterum, quorum alii LXXII cellulis singulos interpretes, alii XXXVI binos semper inclusos tradant: tertio ex Philonis Iudæi silentio: & quarto ex Prologo Ecclesiastici, ubi affirmetur, Scripturarum interpretationem eodem modo, quo alia versione solent, a textus originalis excellentia defecisse. Heinſii conjecturam circa originem fabulæ de LXXII interpretum totidem cellulis ſcriptorum conſenſu, propoſitam in Ariſtarcho I, 10, minime eſſe probabilem: tametiſi eam & Rivetus, & Weermſius, (qui eam quidem non Heinſio, ſed Joſepho Scaligero perperam adſcribat) Fridericus inſuper Spanhemius, nec non Hottingerus, velut ſagaciſſimam ac admodum plauſibilem commendent. Supponere enim eam perperam, quod fabula de aſſatu Divino interpretibus Græcis præſtitit, & de numero interpretum ſeptuagenario, & de cellulis diverſis, uno tempore orta ſit, & alia abſurda minimeque probabilia continere. Unice igitur hanc fabulam natales debere eorum ſtudio, qui Divinam hanc verſionem credi cupiebant. Simile quid vero de Poëmatum Homericorum correctoribus finxiſſe Græcos, eamque in rem fragmentum ineditum Stephani Grammatici adducitur. Non totam autem ſacram Scripturam a primis illis interpretibus fuiſſe translata, ſed *Pentateuchum* tantum, idque ipſius Pſeudo-Ariſtæ, Joſephi, Philonis, Ariſtobuli, Rabbinorum, Hieronymi &c. conſtare testimoniis, quæ prolixè contra diſſentientes vindicantur. Præterea ſolam Legem illis temporibus in Synagogis lectam fuiſſe, & ſeparatim ab aliis libris proſtituiſſe. Librum Joſue poſt *Ptolemai Lagi* demum fata eſſe translatum, ex voce γαιρός conſtare, quam Gallicam origine, diu poſt ejus tempora Græciæ civitatem indeptam eſſe, ſuſe & erudite monſtratur. Libros Propheticos cum *Eſthera* & aliis quibuſdam, ſub *Ptolemaeo Philometore* habitum Græcum induiſſe. Occaſionem fuiſſe eam, quod *Antiocho Epiphane* Legis lectionem Judæis in patria ſua prohibente, Prophetas loco ejus illi in Synagogis legere occiperent, idque imitatos Alexandrinos Prophetarum verſioni operam navare cœpiſſe. *Antiochum* nempe illum Syriæ a V anno *Ptolemai Philometoris* ad ejus annum uſque XVII præſuiſſe. Probabile hoc reddere Alexandrinorum Judæorum eo tempore ſummam cum Palæſtiniſ æmulationem, quo & *Oniticum* templum conſtruxerint: item quod auctor Chron. ci Seder Olam Zuta referat verſionem

nem Legis ad annum Græcorum 140: quod Anatolius inter Legis interpretes *Aristobulum* referat: quod ad *Onia* Sacerdotis S. ætatem, quidam hanc versionem rejiciant; hæc omnia enim in *Philometoris* incidere tempora. De *Esfera* libro id evincere argumentum Ulfersii de LXX Interpr. p. 22. Ad id, quod objici ex Siracidæ præfatione poterat, respondendum esse, sermonem ejus pertinere non ad *Evergetem* seniore, sed posteriorem, *Philometoris* successorem. *Librorum Samuelis* interpretationem *Philone* esse antiquiorem, a quo citatur in lib. de Nominum Mutat. p. 826. *Judicum* autem librum ejus ætate nondum Græce versum fuisse, inde patere, quod in lib. de Confus. Lingu. p. 339 locum ex illo libro alleget, in quo versionem Græcam non exprimat. *Jobum* contra & *Psalms* ante *Philonem* translatos esse evincitur, quia eorum versio ab eo citatur. Denique hoc saltem, quod neque unus totam Scripturam, neque plures communi consilio atque consensu interpretati fuerint, eo probari firmiter, quod summa sit in modo interpretandi disparitas, non in diversis tantum libris, verum & in singulis, ut in uno adeo pensâ diversis interpretibus distributa fuisse pateat. Ita nempe easdem voces Hebræicas in locis diversis diverse exprimi: eadem virorum, gentium, & locorum propria nomina diversis vocalibus animata legi: in aliis locis non declinari, in aliis contra, Græcæ accepta terminatione, inflecti: in aliis locis locorum & gentium nomina Hebræa, Græca in aliis poni: animalium, arborum, lapidum, mensurarum, ponderum nomina diversis & contrariis vocibus passim reddi. Cujusmodi discrepantiarum catalogo texto bene longo, Libro quoque secundo isti corona imponitur.

Libro tertio, quæ fuerit vel Hebræi textus, vel versionum Græcæ & Latinæ, per omnia retro secula autoritas, ostenditur. Ubi Parte priorē libri de textus Ebræi maxime, versionisque Græcæ agitur autoritate, & primo quidem Judæorum antiquissimorum de illis sententia repræsentatur. Ipsos igitur *Judæos Hellenistas* primas textui Hebræo detulisse probatur, idque ex præfamine Ecclesiastici; fabulam de Divinitate versionis Græcæ, post demum invaluisse. Apud *Hierosolymitanos* vero Hebræi textus summam fuisse autoritatem, clarius etiam liquere. Josephum eum secutum esse, contra Salmasium, Bochartum, Capellum, alios monstratur.

T t

Ju-

c.X

LIII.P.I.c.I.

Judeos tamen Hellenistas Græcam omnino versionem in Synagogis legisse, contra Lightfootum evinci ex Tertulliano Apolog. c. 18, Justino Cohort. ad Græc. p. 14, Apol. II pag. 72. Dial. cum Tryph. p. 297. sq. Gemara Hieros. tr. Sotah c. 7, & ex Philonis scriptis. Salmasium errare, per *Hellenistas* Proselytos tantum intelligentem, negantemque Judæos genere & natalibus, in Græcis urbibus dispersos, versionem Græcam in Synagogis legisse. Nullam de discrepan-
 tantis versionis Græcæ a textu Ebræo controversiam motam esse, ante circiter initia seculi secundi. Philonis enim tempore ea de re nondum esse disputatum, patere ex L. 2. de Vita Mosis p. 510, nec Josephi, qui passim etiam elogiis Græcam versionem ornet. Christianorum invidia hunc scrupulum ipsos Judæos Hellenistas movisse, idque ex Justino maxime firmari, Aquilæque historia, variisque Hieronymi locis, quibus recentiorum Judæorum testimonia accedunt. *Christum & Apostolos*, nullo habito discrimine, Ebræum Græcumve textum allegavisse: qua quidem occasione Hieronymi omnia adducuntur loca, quibus Hebræa sequi Christum Christianique sequaces agnovit; quibus subjicitur catalogus aliorum quorundam, ubi Hebræa eos exprimere ipse agnoscat Capellus, cujus tamen errores quidam circa ea taxantur, & supplementa locorum nonnullorum præterea ab Usserio ipsoque Autore observatorum adduntur. Cum tamen Hieronymus in quibusdam locis tueatur, Christum & Apostolos nunquam Græcam versionem sequi, ubi recedit a textu Hebræo, in aliis contrarium acriter defendat, res illa accuratius excutitur, repetunturque ejus rei gratia conciliationes quas clarissimus Pocockius in Porta Mosis tentavit. Subjiciuntur inde alia loca Pocockio non tentata, quorum partem *manum conciliatricem omnino superare*, clarissimus Autor agnoscit: illis tamen quæ Capellus attulit, ut priorem sententiam Hieronymi defendat, respondetur. Apostolicos viros Septuagintaviralem versionem plerosque allegasse, eam cum Hebræo textu raro comparare, ut adeo diserta testimonia pro majore hujus vel illius autoritate, rariora etiam compareant. Vexatum tamen illum Ignatii locum, in epistola ad Philadelphienfes §. 8. huc forte pertinere, cumque ita esse explicandum, ut velit Ignatius: *Non debere esse quenquam contenciosum; audivisse vero sese dicentes, quod*

Ev. an.

Evangelio nolint credere, nisi in δεξαῖον in archivis V. T. hoc confirmatum invenirent. Dicente vero se quod in illis archivis reperiatur, annuisse eos ὅτι πρῶτα quod manifestum hoc sit. Succedunt inde cæterorum Patrum Græcorum, usque ad Nicephorum Callistum, de autoritate textus Hebræi & Græci testimonia, quæ singula percurrere, variarumque occasione eorum observationum mentionem facere, prolixum nimis & a scopo nostro esset alienum.

c. IV. X.

In parte altera libri hujus tertii, de antiqua versione *Italæ*, primū agitur, ostenditurque Patribus, qui ea usi fuerunt, potiorē fuisse *Hebræi* textus & *Græci* N. T. autoritatem. Inde historia versionis ab *Hieronymo* susceptæ textitur. Eum, quod caput est, Autor monstrat ipsum fateri, se in quibusdam errasse: versionem *Græcam* *Hebræo* textui longo intervallo postposuisse: scripta vero ejus, quibus neget corruptos Judæorum codices, tempore posteriora esse iis, quibus id affirmet. Versionem illius ex *Hebræo* a *Damascio* Ecclesiæ non fuisse commendatam; *Ruffinum* etiam & *Augustinum*, non nimis præclare de ea sensisse, qui tamen textui *Hebræo* nuspiam derogent, sed primas ei decernant. Inde sæculo V multos *Hieronymi* versionem nondum recepisse, laudasse alios, sed originalibus non prætulisse. Sæculo VI & VII quoque non omnes ubique eam secutos esse. Sæculo autem VIII *Alcuinum Caroli M.* rogatu eam totam correxisse, & *Carolus* in epistola, ab eo unacum Clero Gallicano *Hadriano I* Papæ contra Concilium Nicænum oblata, taxare illud Concilium, quod ex versione *Vulgata* adduxerit quædam in *Hebræis* non obvia: nec *Papam* in responsione *Hebræos* codices propterea reprehendere ausum. Sæculo quoque XII correctam diligenter a quibusdam versionem Latinam fuisse, inprimis a *Stephano Cisterciensi Abbate*, indeque *Correctoria* Bibliorum nata; ea vero non exemplarium emendationes, sed correctiones ad fidem originalium fuisse, idque ex *Lyrano* patere, a quo *Hebræus textus* & *libri correcti* passim jungantur. Sæculo XVI etiam, post cœptam jam reformationem, in crassissima Scripturæ ignorantia, repertos tamen inter ipsos Pontificios esse, qui sane de versionibus, *Vulgata* maxime, sentirent. Utque cæterorum hujus sæculi testium nubem omittamus, ipsum *Papam Clementem VII* sex Judæis & totidem

L. III. P. II.

c. I.

c. II.

c. III.

c. IV.

c. V.

c. VI. VII.

VIII.

c. X.

c. XIII.

c. XIV.

Christianis Hebraice peritis mandasse, ut novam versionem adornarent, cuius rei mentionem faciant Jo. Campensis in Præf. Psalmorum, Jo. Cochlaeus Præf. in Disceptat. de novis ex Hebræo translationibus, Steuchus Eugubinus, Præf. in Recogn. & Santes Pagninus Præf. ad Vers. Bibl. De Historia *decreti Tridentini* ex Petro Suavi & Sfortia Pallavicino prolixius repetita nil addimus, nec de Historia editionum Vulgatæ Sixti V & Clementis VIII, quarum editionum discrepantias innumeras non tantum in *Bello Papali* Jamelius annotavit, sed potiores quoque in opusculo Anglico, cui titulus, *de Corruptione Scripturæ, Conciliorum & Patrum*, ad capita quædam reduxit, cuius ordine digestæ ab Autore quoque hic exhibentur. In editione *Sixtina* plurima loca sine codicum autoritate, tantum quod *Hebraeus* textus ita suaderet, esse mutata. Revocatam eam non esse, ex *Angeli Rocca* Bibliotheca Vaticana patere, nec ulli ante editionem *Clementinam* de decreto revocationis aliquid fuisse auditum: temere etiam evulgatam cum Bulla eam non fuisse, morte præveniente *Sixto*, affirmari, cum per varias orbis partes fuerit distracta. In *Clementis VIII* editione, plusquam 2000 loca unice juxta textus originales esse restituta. Et tamen ipsis apicibus versionis Vulgatæ insistentium esse, pronunciavisse *generalem Cardinalium Congregationem* an. 1574. *Decretum Tridentinum* de Textus Hebraici & Versionis Vulgatæ autoritate, magnas inprimis in Hispaniis excitasse turbas; quam in rem longa autorum ab utraque parte pugnantium series textitur. Ex illis autem, qui infano *Vulgatæ* amore tenebantur, ipsa *Hebraica* exemplaria corrumpere quosdam ausos esse, idque factum in Bibliis Regiis Gen. III, 15, ipsummet falsum *Rapbelengium*, imo & tale fuisse Psalterium Hebraicum *Lindano* jactatum, quod Isaacus Levita contra eum ostenderit, & Arias Montanus in apparatu suo agnoscat. Ex *Protestantibus* quosdam plus justo contempsisse *Vulgatam*, candide tamen & moderate alios de ea sensisse; quorum loca diligenter colliguntur. *Ludovicum Capellum*, dum varietatem codicum *Hebræorum* præfervide monstrare satagit, Vulgatæ quoque causam suscipere, eamque ob causam simul & ob antiquitatem punctorum, graves ei motas controversias fuisse, quarum historia textitur, eaque huic etiam libro finis imponitur.

L. IV.

Quarto denique libro de *ceteris Versionibus Græcis*, Ori-
ge-

genis Hexaplis, aliisque *editionibus* antiquis agitur. Ostenditur, hic, *versionem Græcam* LXXviri, *antiquiorem*, quam *Aristobulus* autoritate nonnulli admittunt, extitisse nullam. Falsum quoque præsuppositum esse, *Platonem* nempe ex sacris oraculis quædam decerpisse, quo inductus *Aristobulus* *versionem* illam, nemini veterum cognitam, confinxerit. Nullum certe locum proferri posse *Platonis*, quem ex sacris illis monumentis desumptum liquido constet. Rectiusque sentire Lactantium IV, 2, nihil Philosophos Græcorum a Judæis accepisse statuentem, quam Patres Apologetas, quibus alia sententia defensa, ideo tantum ut contentum Græcorum, quo prosequerentur Judaicas res juxta cum Christianis, immineant. Imo si quid etiam a Judæis profecerint Philosophi Gentiles, ex conversatione potius quam scriptis factum id esse, quæ Augustini quoque de Civitate Dei VIII, 11, & Origenis contra Cels. VI sit sententia. *Lagianam & Herodianam* *versiones* Serario confictas, nullas esse; priorem enim sub *Ptolemao Lago* confectam non aliam esse a LXXviri, *Herodianam* ex metachronismo Justin Martyris male confingi. Præter *Aquila*, *Symmachi*, *Theodorionis* *versionem*, *quintam* item & *sextam*, *septimam* etiam admittendam esse, quam perperam nonnulli in *editionem Lucianeam* converterint. Diserte ejus post *quintam & sextam*, in H. E. VI, 16, meminisse Eusebium, ex quo colligere etiam sit, eam Hierichunte in dolio Antonini Caracallæ tempore fuisse repertam. Male etiam ad *Psalms* eam tantum pertinuisse credere nonnullos; *Prophetas* enim *minores* juxta septimam *editionem* allegare Hieronymum. De *Origenis Hexaplis* inde proluxa succedit tractatio, cui cum in plerisque ad rem maxime pertinentibus cum Huetiana de eo argumento commentatione conveniat, plura de ea addere superfedemus. Id tantum observamus, ut specimen discriminis inter *editionem τὸν ὁ* in *Hexaplis & Κοινήν* prostacket, clarissimum Autorem discrepantias in *Psalms & Esais* observatas hic sistere, ab Usserio quidem etiam, sed minus accurate emendateque minus, repræsentatas. Post *Hesychii & Luciani* novas & correctiores *editiones* *versionis τὸν ὁ*, satis omnibus notas, *Joannis Josephi* commemoratur editio, Theodonto in Diss. MS. in *Prophetas*, & Quæst. 24 in *Exodum*, item Quæst. 10 in *Josue* laudata; qui Josephus an idem sit cum

c. II.

c. III.

autore Hypomnestici, aliorum iudicio permittitur. *Basilii* inde editio ex Syncello observatur. De *Arami* vero versione Græca, cuius Theodorus Mopsuesten. apud Photium Cod. 177 meminit, clarissimus Autor Alixio & Caveo calculum addit. Hieronymi versionem Latinam non totam a *Sophronio* Græce expressam fuisse, sed Psalmos tantum & Prophetas; multo minus Hieronymianam versionem Græcæ LXXviralis, rursus in Græcam linguam translatam, quod Huetio, nec emendatam ab Hieronymo LXXviralem esse, quod Bellarmino aliisque sit visum. *Patrophilum* Hebræas Scripturas denuo Græce vertisse, ex male intellecto Gregorii Laodicensi loco, Sixtum Senensem & Königium temere sibi persuasisse. *Apollinarium Laodicenum* editionem quandam mixtam ex omnibus versionibus adornasse, perperam ex Hieronymo colligi; de Explanationibus enim eum loqui Apollinarii, in quibus temere & sine iudicio, modo hanc, modo illam versionem sequatur. *Versionem XXX hominum* apud Philastrium Hær. post Chr. 91, confictam esse ab hominibus indoctis, quod in Bibliorum Græcorum marginibus Luciani editio allegaretur, indicio ejus facto littera Græca Α, quæ numeri tricenarii nota sit. Quid si nos dicamus, natum id ex eo, quod in codicibus quibusdam, ubi Aquilæ vel Symmachi vel alterius allegata prius fuit interpretatio, reliqui si consenserint τὸν Λοιπὸν titulo allegentur, qui littera initiali Α, cui quandoque minutæ figuræ ο inscribitur, indicatur. Editionem *Heracleensem* non aliam esse a versione Theodotionis, qui ex Ponto ortus fuerit, ubi sita Heraclea. *Græcam versionem ex Pentateucho Samaritica* factam esse, sine idoneis argumentis affirmari; & potuisse Patres nonnullos, qui Samaritica allegant, ab ipsis Samaritis de illis edoceri. Versionis inde Græcobarbaræ tum Judæorum Pentateuchi, tum totius Scripturæ Cyrilli Lucaris auspiciis concinnatæ, sit mentio. *Macedonicam* Versionem, de qua Galestinus nonnulla, cerebri Galestiniani sortum esse. De editionibus hodiernis LXXviralis versionis adduntur multa, ut & de codicibus ejus manu exaratis. Postremo de librorum Biblicorum numero & ordine, disseritur, tabulisque confectis qui ille fuerit, & quæ ejus omnibus seculis tum apud Judæos tum Christianos, sive Græcos sive Latinos diversitas, ostenditur.

*ANTONII VAN DALE DISSERTATIO SUPER
Aristea de LXX Interpretibus, cui ipsius pratenſi Aristea textus
subjungitur. Additur Historia Baptiſmorum cum Judicorum,
cum potiſſimum priorum Chriſtianorum, tum denique & Ri-
tuum nonnullorum. Accedit & Diſſertatio ſu-
per Sanchoniathone.*

Amſtelædami, apud Jo. Wolters, 1705. 4.

Alph. 2, plag. 20.

Quæ tot egregia nuper & olim ingenia exercuit, Historia de
verſione *τῶν* LXX, eam & ſuis obſervationibus haud indi-
gnam judicavit Vir doctiſſimus Antonius van Dale. Poſt ea igitur,
quæ Ludovicus Vives, Joſ. Scaliger, Dan. Heiſius, Joh. Wo-
wenius, Rich. Simonius, Jac. Uſſerius, Brian. Waltonus, Robert.
Bellarminus, Iſaacus Voſſius, & quem falſo quidem mortuum
credidit Noſter, Humfridus Hody, (at quanti viri?) pleniffima
nobis meſſe tradiderunt, haud ſperendum ſibi ſpicilegium reli-
ctum exiſtimavit, cui & ipſum Ariſteæ textum cum verſione La-
tina Garbitii, faciliorem ſcilicet lectoribus Autorem ipſum cum
ſuis obſervationibus conferendi copiam daturus, ſubjunxit. Duos
autem omnino, non unicum, eôſque admodum diſcrepantes Ari-
ſteas fuiſſe docet: unum quidem Judaicum, quem totum exhibet;
alterum, quatenus ex Epiphanio potiſſimum conſpici
poſſit, Chriſtianum, ſeu ab homine Chriſtiano quopiam atque
Hebraice non callente, ſed pro verſione LXX virali militante com-
poſitum. Illum quidem Judæum aliquem Alexandrinum, e nu-
mero iſtorum Helleniſtarum, qui nobis Apocrypha Tobie, Judi-
thæ, ſimiliaque imprudenter obtrudere, ſub falſis nominibus cona-
ti ſint, fuiſſe exiſtimat, Gentilis quidem præ ſe perſonam ferentem,
ſed peſſime illam, ſententiis de Deo plane Judaicis, uſuque vocis
Νεμω, pro legum ſyſtemate. Græcis ac Latinis plane inſolito, ſus-
tinentem, ætate inter Philonem ac Joſephum medium; Philonis,
qui primus forte hſtoriam de LXX Interpretibus publice tra-
diderit, dicta ulterius adornantem, Joſephoque tam lepidam fabel-
lam perficiendam relinquentem. His expoſitis, a quonam Pto-
lemæo adornata fuerit Bibliotheca Alexandrina, an a Lagi filio,
an

Cap. I.

c. W.

c. III.

c. IV.

c. V.

c. VI.

c. VII.

an a Philadelpho? primo omnium disquirat: & posteriori quidem institutæ Bibliothecæ laudem, nequaquam vero ista pietatis ac virtutis elogium, quæ ipsi a Philone, Epiphanio, Augustino, ipsoque Aristea tribuuntur, deberi, productis optimorum Autorum testimoniis confirmat. Deinceps etiam Demetrii Phalerei, cujus scilicet egregia in hac versione promovenda tanquam Bibliothecarii opera fuisse perhibetur, considerationem suscipit, ejusque neque tantam pietatem, Divinæque legis venerationem fuisse, quanta ipsi ab Aristea tribuitur, Athenæi testimonio ostendit, neque ipsum omnino eo tempore in aula Philadelphi vixisse, regiave gratia usum fuisse, quo versio facta perhibetur, multo autem minus Bibliothecæ præfectum fuisse, e probatissimis Historicis evincit. Quo loco digressionem facta ad Lipsi Syntagma de Bibliothecis, & Hodii sententiam, de Bibliothecæ Alexandrinæ antiquitate agit, eamque Pergamena posteriorem fuisse, e Plinio, Vitruvio, Strabone atque Scaligero demonstrare conatur. De hujus Bibliothecæ librorum numero, varias Autorum sententias refert. A Demetrio libros sacros e lingua Ebraica, a Philone vero, ex ignorantia patrii sermonis, e Chaldaica vertendos dici; varias etiam variorum, sed minime sibi coherentes sententias de pretio, quo libros sacros obtinere Philadelphus studuerit, observat. Eandem Scriptorum discrepantiam inter Aristeam, Josephum atque Epiphanium, in Epistolis a Ptolemæo de impetranda hac versione ad Judæos missis, exhibito singularum contextu notat, Epiphaniumque, qui Philadelphi Bibliothecam in Bruchio collocatam asserit, cum omnium Historicorum suffragio destituatur, errasse existimat: qui etiam finem, ob quem Philadelphus sacros sibi libros verti voluerit, verbis ex Aristea talibus probet, quæ aliorum relationi plane non respondeant; e quibus autem satis appareat, Græculum aliquem Christianum sub illo Aristea latere, cum *πίσις, καὶ ἀγία τὸ π*, quæ voces in Philadelphi epistola occurrunt, sensu mere Biblico hic polleant. Inter plura alia *ἀρυστά* Aristæ dicta, etiam illud examinandum sibi Autor sumit, quales libros istos 72 Apocryphos simul cum 22 Canonicis Philadelpho a Judæis missos fuisse credibile sit, cum vena intellectus, sapientiæ fons, & scientiæ flumen in istis latuisse dicatur? Et procul dubio Chymicos illos aut Alchymisticos, qua-

quales plures, scilicet Adami, Moſis, Mirjam, Salomonis &c. recenſet, a Verpulo iſto intellectos fuiſſe credit. In ſequentibus Juſtini Martyris potiſſimum narrationem de iſta verſione ſub incudem *κρίσις* ſuæ vocat, & præter ingentem *ἀναχρησιμὸν*, quo Herodem & Ptolemæum *συγχέρις* facit, nullibi ipſum ſibi conſtare, nec cum aliis etiam convenire, aliter in Cohortatione ad Gentem, aliter in Apologia rem referre oſtendit; frigida eſſe illa, quæ de conſecratione librorum ſacrorum Deo (ſcil. Serapidi) facienda, putida, quæ de LXX domunculis, enarrentur, ſacroque Scriptore proriſus indigna declarat. Deinceps occasione pretii ac donorum, quibus tantum ſibi theſaurum redimere voluerit Philadelphus, quæque ratione bene ſubducta mille etiam talenta ſuperarint, pluſcula de ipſius in acquirendis libris rarioribus liberalitate e Galeno Pergameno diſſerit, inprimis autem Æſchyli, Euripidis ac Sophoclis tragœdias ut deſcribendas acciperet, XV Athenienſibus talenta dediſſe commemorat, ſimulque trium horum Poetarum inſignem apud omnes antiquos gloriam, tragœdiarum ab ipſis ſcriptarum incredibilem fere multitudinem, ſummamque ingenii præſtantiam omnibus notam extollit: cum contra libri Judæorum pauciſſimis inter Gentiles fuerint cogniti, nulli fere nominati, adeo ut Herodotus ne nomen quidem ipſorum exaudiviſſe videatur: quæ tamen ipſorum obſcuritas ab Alexandro M. paulum illuſtrata ſit, cum & aliqui ſub ipſo Judæi militaverint, & ipſe templum eorum intra-vent, ſi fides habenda Joſepho: cujus hac occasione ſplendida mendacia de Alexandri erga Judæos favore, de Divinis ejus ſomniis ac viſionibus Prophetiſis, de tranſitu ejus per ſiccum mare, Pamphilum, quin circa ipſas etiam ſacras hiſtorias taxat, ubi ſimilima fabulatore Judæo Ben Uzielis de tranſitu Iſraelitarum per mare rubrum habeat: quod uberius exequitur, exempliſque de Samſonis nativitate, Saulo ac Davide, (ubi centum præputia, in capita humana numero ſexcenta ab ipſo commutata ſunt,) de Moſis in- cœlum aſcenſu, de Cyri pro Judæis reditum jam e captivitate meditantibus epiſtola, quibus ſexcenta alia addi poſſent, illuſtrat. Deinde ad libros Biblicos vertendos redit Autor, & quam rara ante captivitatem Babylo-nicam libri Legis exemplaria fuerint, quam pauca a captivis in Chaldæam tranſvehi potuerint, quantaque inde

c. VIII.

c. IX.

c. X.

c. XI.

c. XII.

Uuu

lin-

- linguæ Ebrææ ignorantia extiterit, ex ipsa Regum Judæorum, totiusque populi, ac exilii illius, quo tantum non omnes abducti sunt, historia ostendit. Unde non minus quam ex fastidioso Legis interpretum supercilio, qui raro aliis interpretandæ Scripturæ rationem tradebant, Philadelphi tempore vix LXX Seniores in populo Judaico, plurimam partem in captivitate retento, qui tam prompte Scripturam universam interpretarentur, existere potuisse, concludit: suamque istam conjecturam porro ex ipso Josepho, Scripturis N. T. & Jos. Scaligeri judicio probat, vixque adeo fieri potuisse, ut e singulis populi tribubus sex Legis interpretes mitterentur, existimat: quare & in Mallechet Sopherim quinque solum Judæos id opus perfecisse, ab Hilario vero ac Baronio ipsum Eleazarum totumque Synedrion, illius versionis parandæ gratia, in Ægyptum concessisse, dicatur. Insigniores dehinc fabulas alias huic historiæ admittas excutere suscipit Noster. Huc prædicata ab Eleazaro Philadelphi in Deum Israelis, non obstante incestuoso ejus cum sorore sua conjugio, pietas: Jordanus fluvius in morem Nili agros, perhibente id contra veritatem Aristea, inundans: mystela auribus sætum concipiens ac ore pariens: codices aureis literis conscripti: sacrorum librorum facta a Ptolemæo adoratio: emissæ, ob adventum librorum, Regis & Aulicorum Ægyptiorum, i. e. Judæis insensibiliorum hominum lacrymæ: dies festus atque anniversarius ob hanc versionem celebratus: instituta per VII juxta Aristeam, per XII juxta Josephum dies, cum Interpretibus ante versionem susceptam convivia: propositæ in illis a Ptolemæo Rege lepidissimæ, & a Senioribus nostris persapienter solutæ, ab Aristea recensitæ quæstiones: accubationes ac preces, remotis ipsis ideo Ægyptiorum Pontificibus, Judæorum more factæ: Menedemus Philosophus LXX Interpretum convivio, (quo quidem tempore dudum obierat,) adhibitus: ipse porro locus, Pharus Insula, & adgrediendæ interpretationis apparatus: distinctæ, juxta Justinum, Clementem Alexandrinum & Irenæum, 72 cellulæ: tredecim Scripturæ loca Divino instinctu ab Interpretibus immutata: in reliquis accurate sibi respondens τῶν LXX versio: plurima contradictoria hic ab Epiphanio, Cyrillo, Novellis Justinianeis, Philone, Josepho, Hieronymo, Justino, & Aristea tradita:

fa-

fabula de LXXII Grammaticis, a Pisistrato ad Homeri Poëmata restauranda congregatis ac seorsim collocatis, cum hac nostra de versione illa ^{tab} LXX comparata, aliaque pertinent. Sane, quæ capitibus sequentibus de inspiratione Divina circa hanc versionem ex Irenæo, Clemente Alexandrino, & Tertulliano; quæ de quotidiano Interpretum ad Regem accessu; de convivio ad Regis mensam, cum Aegyptiis scilicet, quos adeo abominabantur, habitos; de concurrente ad unanimum versionem, juxta Epiphanium & Augustinum, Divino miraculo traduntur, quorsum nisi ad fabulas referantur a prudentioribus? Notatu porro digna sunt, quæ de schismate inter Judæos Hebraizantes & Hellenistas, occasione hujus versionis, an scilicet & illa publice in Synagogis prælegenda sit, ex Actor. VI, 1. IX, 28. XI, 20. & Justiniano Novell. 146 traduntur: item quæ de controversia circa linguam e qua in Græcam LXX Interpretes Scripturam transtulerint, Ebræane fuerit, an Syriaca, vel Samaritana, vel quod plurimi velle videantur, Chaldaea, observantur; quæ quidem Autor noster in dubio relinquit, satis habens ostendisse, non magnæ hanc versionem autoritatis esse debere. Istud magis certum Nostro videtur, quod solus Pentateuchus versus fuisse ab LXX viris, ex Aristeæ, Philone, Hieronymo dicendus sit. Quare cum reliquorum Christianorum sententiam, qui 25 Canonicos libros ab iis versos credunt, tum Epiphani, qui cum Canonicis etiam LXX Apocryphos, tum vero maxime Cedreni nugæ, qui præter illos etiam plures alios, decem myriades scilicet, e variis linguis, ab istis LXX in Græcum sermonem translatos existimat, rejicit: H. Vossii sententiam vero, Pentateuchum quidem communem omnium LXX opera, reliquos vero Canonicos libros singulorum studio Græce conversos perhibentis, fundamento destitui demonstrat. Inde ad majores nugæ discutendas abit: fabulam videri, quod intra LXXII dies versio confecta fuerit, quod tamen Waltonus, quamvis nec Justinus, nec Tertullianus, nec Irenæus, nec Clem. Alexandrinus, nec ipse Epiphanius vel Augustinus id asserere ausi fuerint, communi Patrum sententia constare jactarit: *ἀνύστα*, quæ Aristeas, Irenæus & Epiphanius de Legis versæ prælectione, afferant: nugæ denique, quæ de facta ab omnibus Judæis Alexandrinis approbatione hujus versionis perhibeantur, cum & pau-

c. XIX.

c. XX.

c. XXI.

c. XXII.

c. XXIII.

c. XXIV.

- c. XXVI. c. XXVII. c. XXVIII. c. XXIX. c. XXX.
- cissimi Ebrææ linguæ gnari fuerint, nec exemplaria codicis accurata, unde de versionis bonitate judicare possent, habuerint : nec versio denique alia codicis sacri antiquior adfuerit, e cujus collatione judicium de versione ista ferre potuissent. Qua occasione, Autor noster, prolixiori digressionem, contra Justinum Martyrem, Huetium aliosque, qui Homerum, Hesiodum, Platonem, Pythagoram pluresque Gentilium Philosophos ac Poetas, pluram interdum e sacris literis mutuo quasi summis, suisque scriptis inferuisse perhibent, disserit, idque ob sacræ linguæ ignorantiam, versionis alicujus defectum, interdictam cum Judæis consuetudinem, aliasque rationes fieri vix potuisse arbitratur : testimonium vero de versione aliqua antiqua Aristobuli, ad quod Clemens Alexandrinus provocat, pariter ac Hecatæi & libri Macchab. 2, c. 1 falsitatis ac *versæ* maximopere bonis omnibus suspectum esse debere, declarat. Tandem & adorationem seu *παρακλῆσιν* versionem consecratam a Ptolemæo exceptam, annuoque festo Judæis ac Ægyptiis communi ejus memoriam celebratam, frustra & nugatorie ab hujus versionis statonibus asseri demonstrat, suamque de isto opere sententiam Josephi Scaligeri verbis finit : „ De LXX interpretibus „ scito fabulam a Judæis confictam, a Ptolemæo arcessitos, in unum „ locum coniectos, & non omnium, qui in unum locum convenissent, & capita contulissent, sed singulorum separatorum, qui „ Divinitus in eandem sententiam conspirassent, eam interpretationem fuisse. Quid ergo? cum coegissent eos Ptolemæi Græce „ contractus scribere, & annos a Ptolemæo Philadelpho putare, attribuerunt eam interpretationem ei Regi, qui eis necessitatem Græciscandi imposuisset? Igitur septuaginta interpretum paraphrasis Græca est, cum autore Philadelpho, sed Judæorum suadente utilitate conscripta, qui parum Ebraice sciebant, Græce autem loqui & scribere ab ipsis Regibus „ cogebantur. Ea sane, sive a LXX, sive ab uno, quod verius est, „ conscripta mendosissima & falsissima est. Istam Dissertationem ipse Aristææ textus, cum versione Garbitii, satis quidem illa vitiosa, excipit.

Subjungitur deinde Historia Baptismi cum Hebræorum tum maxime Christianorum, quem posteriorem originem suam e Judæis

daico Profelytorum baptismo Antor noster deducit, quemque a Servatore nostro, æque ac Eucharistiam, occasione Paschatos festi, in Christianismum translatum, ac Sacramentum Christianorum red- ditum esse existimat. Namque & Judæos olim eorumque Profe- lytos non minus baptismo, quam circumcissione & sacrificiis, in Ec- clesiæ gremium admissos esse, e Maimonide, Elia de Wides, & Petro Blesensi probat: quanquam an ritus ille a Mosæicis inde temporibus deducendus, an vero recentior sit, non satis apparere fateatur. Inde Johannis baptismum pœnitentiæ novum aliquid in populo Judaico non fuisse, Christi autem baptismum non pœni- tentiæ solum, sed initiationis etiam fuisse, atque uti Judæi Profelyti baptizati patrem, matrem, fratres, sorores relinquere debuerint; ita hunc quoque mysticam regenerationem postulasse. Baptismum Profelytorum apud Judæos ad res forenses, Christi autem Bapti- smum mere ad Ecclesiam & spiritualia ejus bona pertinuisse; illum in liberis non continuandum, sed parentibus Profelytis baptizatis, eorum prolibaptismo non opus fuisse, hunc contra Christiano- rum in posteris etiam continuandum, contra Socinum ejusque as- seclas, prolixè ex rei ipsius natura, veterumque Patrum testimoniis demonstrat, & ad Socini argumenta respondet. Ceterum verba illa, *Βαπτίζετε εἰς ὄνομα τῷ Πατρὶ καὶ τῷ Υἱῷ καὶ τῷ Πνεύματι*, non tam baptizandi formulam, quam illius, a quo institu- tus Baptismus sit, auctoritatem ostendere; successu tamen temporis, quod alia non compareret, pro formula usurpata putat. Inde ad doctrinam de Pædobaptismo accedit, de cujus origine senten- tiam suam verbis Salmasii præponit: Primis duobus sæculis ne- mo Baptismum accipiebat, nisi qui in fide instructus, & doctrina, Christi imbutus, testari posset se credere, propter illud: qui cre- diderit & baptizatus fuerit. Ergo prius erat credere; inde ordo, Catechumenorum in Ecclesia. Postea opinio invaluit, neminem, salvari posse, nisi qui baptizatus fuisset; ideo & consuetudo nata, infantibus baptismum conferendi. Tempore autem Tertulliani, ad cujus testimonium provocat, consuetudinem illam, dissuadente licet isto Patre ortam, ab Augustino deinde sæpius pro Apostolica traditione venditam, istis porro fundamentis nixam e Tertullia- no, Cypriano, perhibet: 1) Baptismum non tam esse manda-

tum ac statutum Servatoris nostri, quam prerogativam ac beneficium, per quod Regnum celeste detur, *quatenus baptismus est*. 2) Revera Spiritum Sanctum per manus impositionem dari. Huic tamen se sententiæ usu ipso, quod e Gregorio Nazianzeno probat, plurimos opposuisse, & baptismum ad adolescentiam, quin ad 30 usque annum distulisse commemorat, & Constantini ac Theodosii exemplis, Athanasique ætate, ubi rarus adhuc Pædobaptismus fuerit, confirmat: nec per legitimas quidem Sacræ Scripturæ consequentias illam probari posse putat. Illas igitur, quæ e Marco C. XVI. v. 16. & Matth. XXVIII, 19. eque familiis totis baptizatis 1. Cor. I, 16. 1. Cor. XVI, 15. Act. XVI, 15. & 32. aliisque locis ducuntur, enervare, contrarium vero e variis Doctoribus probare conatur. Ex illa porro de absoluta Baptismi necessitate sententia, Anabaptismi Hæreticorum, imo & Schismaticorum, originem, inde a Tertulliani temporibus derivat. Cypriani, Conciliique ejus ætate & autoritate habiti, discordibus licet Patribus, judicio istam sententiam confirmatam, postea temporis quidem a Romano Pontifice aliisque mitigatam, sed tamen non impeditum, quo minus & hæretici v. g. Ariani, Novatiani & Donatistæ, talionis quasi jure, quosdam orthodoxos rebaptizarent, esse ostendit. Hoc loco, quia non nisi *κατηχηµένους* ad baptismum admittendos censebat, aliqua ex antiquitate *περὶ τῶν κατηχηµένων*, occasione Profelytorum Judaicorum, in Christiana Ecclesia usitata, deque Catechumenorum diversis gradibus, alibi tamen etiam obvia, observat: aliqua de Gentilium mysteriosis sacris, & ritibus circa baptismum primitivæ Ecclesiæ, e Patribus notata inspergit: alias ceremonias circa Eucharistiam, v. g. de tempore cœnæ sumendæ, de diæta veterum, panibus usurpatis, variis cibis, de agapis earumque abusibus, nocturnis coetibus, datisque inde calumniandi occasionibus, osculo pacis, differentia inter clerum & plebem, oblationibus & precibus pro defunctis, de natalitiis martyrum, eleemosynis, de stationibus ac Paschæ jejunio, de crucis signaculo, horumque omnium causis, e variis antiquorum Autorum locis illustrat. Quæ, ut reliqua omnia, Theologorum judicio permittimus.

Tandem & Dissertationem super Sanchoniathone, ejusque cum sacris nostris Scripturis concordia adjungit. In qua Bochar-

ti potissimum, Huetii aliorumque veterum ac recentiorum, testimonia ex illo pro veritate avide corradentium, fiduciam vanumque conatum taxat, ipsosque sæpe gentilia, quandoque aut temere aut maligne conficta, conferre, istisque nugis S. Literarum Soli lucem affundere conari, indignatur. A Judæis certe Ethnicos illa accepisse, totam Israelitarum historiam percurrenti vix vero videri simile: inde & Taautem Sanchoniathonis Mosem, Gideonem ipsius Hierambalem non fuisse, ab eoque Sanchoniathonem legis codices nequaquam accepisse, contra Huetium, e mendaci, qui illud prodiderit, Porphyrii ingenio, ab ipso Huetio probe agnito, Chronologiæque ac ipsius Mosi Sanchoniathonisque de mundi generatione aliisque historiis discrepantia, evincit.

LA GERARCHIA CARDINALIZIA DI CARLO
BARTOLOMEO PIAZZA &c.

i. c.

HIERARCHIA CARDINALITIA CAROLI BARTHOLOMÆI PIAZZÆ, ex Congregatione Oblatorum
Mediolanensium, Opus Clementi XI Pont. Max.
dicatum.

Romæ, typis excusum in officina N. Bernabò, 1703. in fol.
Constat Alph. 10.

DE Eminentissimo Collegio Patrum Purpuratorum, quos sub Cardinalium nomine veneratur Ecclesia Romana, multi diverso modo, diversoque fine scripserunt. Nostro id potissimum propositum fuit, ut Ecclesiarum, quæ singulis Cardinalium certa ratione conceditæ sunt, statum antiquum pariter & hodiernum, ob oculos ponat. Initium facit ab Episcopis Cardinalibus, quorum olim septem fuerunt, hodie sex duntaxat existunt, nimirum Ostiensis & Velitrensis, Portuensis, Sabinensis, Prænestinus, Tusculanus ac tandem Albanus. Horum omnium diœceses ita describit, ut primo generatim, quæ olim fuerit, & quæ sit hodie singularum facies, ostendat, deinde loca singula ad quamvis diœcesin pertinentia speciatim exhibeat, quidque ubivis notatu dignum, vel naturæ beneficio, vel hominum munificentia inveniatur, stylo eleganti exponat, ad-

P. 3.

- p. 345. adjecta honorifica commemoratione virorum, vel martyrio ac sanctitate vitæ vel aliis virtutibus ac dignitatibus illustrium, qui aut oriundi fuerunt ex locis recensitis, aut ibi vixerunt, aut sepulcrum ibi fuerunt nati. Inde ad Cardinales Presbyteros progressum, facit, ac primo de Archipresbyteris trium Basilicarum Patriarchalium, nimirum S. Johannis Lateranensis, S. Petri in Vaticano & S. Mariæ Majoris tractationem instituit, cumque de variis illorum appellationibus, item dignitate ac prærogativis disseruisset, varia dictarum Basilicarum nomina, quidque singulæ præ reliquis præcipui habeant, & quorum liberalitate unaquæque splendidior facta fuerit, fusius recenset, subiecta descriptione duarum reliquarum Basilicarum Patriarchalium, nimirum S. Pauli & Laurentii. His præmissis, quænam sit obligatio Cardinalium in Titulis & Diaconiis suis, succincte ostendit, & generatim de Titulorum Cardinalitiorum origine, antiquitate, mutatione ac divisione, nec non antiquo Presbyterorum & Sacerdotum in Ecclesia ministerio agit. Postea speciatim Titulos ipsos, quorum sunt quinquaginta & unus, ordine exhibet, atque in singulorum tractatione ita fere versatur, ut primam cujusvis Ecclesiæ originem eruat, in prærogativas illarum inquirat, capellas, picturas, monumenta & quicquid in quovis templo maxime conspicuum existit, commemoret, Sanctosque, qui peculiari veneratione illud coluerunt, vel quorum reliquiæ ibi asservantur, nec non eos, qui beneficentiæ suæ documenta ibi reliquerunt, honoris causâ nominet, passim quoque miracula & alia notatu digna, quæ singulis in locis acciderint, exponat. Inter hæc inserit alia multa, quæ grata Lectoribus esse debent, ex. gr. de autoritate & antiquitate Vice-Cancellarii Ecclesiæ; de origine, ritu & mysterio ponendi primum lapidem, item nummos subji-cendi fundamentis templorum extruendorum; de usu antiquo solam crucem erigendi vel pingendi, sine effigie Redemptoris eidem affixi &c. De illis quoque titulis, qui olim inter Cardinalitios relati, sed tractu temporis suppressi fuerunt, nonnulla dicit. Tandem ad gradum tertium Cardinalium, scilicet Diaconorum, transiens, initio de origine illorum, potestate atque officio quædam præfatur, addita de reliquis Archi-Diaconis, Diaconis & Sub-Diaconis, item de Diaconissis, Sub-Diaconissis & Diaconis, qui *Servati-*
- p. 346.
p. 348.
p. 351.
p. 355.
p. 360.
p. 364.

p. 409.
p. 476.
p. 480.
p. 550.
p. 531.
p. 701.

p. 704.
p. 716.

rici dicuntur, deque benedictionibus Diaconalibus & quibusvis ecclesiasticis, digressione. Deinde eadem fere methodo, qua Titulos Cardinalium Presbyterorum antea recensuerat, singulatim, quatuordecim Diaconias, quæ hodiernum sunt Cardinalitæ, pertractat. Etiam illarum facit mentionem, quæ tales esse desierunt, atque ad alia quædam argumenta interdum descendit, quorum notitia non minus jucunda quam utilis esse videtur; in quibus fere præcipua sunt, quæ contra novas Criticorum opiniones de famoso illo simulacro, quod *Bucca Veritatis* nuncupatur, Jovique Ammoni olim dicatum jam prostratum jacet ante Templum S. Mariæ in Cosmedin, nec non ea, quæ de ichnographica delineatione & divisione Basilicarum secundum ritum Græcum, item de Hospitio Apostolico S. Michaelis, ac denique de Ergasterio, ad coerendam dissolutam juventutem a Clemente XI A. 1703. extructo, adducit. Totum opus uti singularem industriam, rerumque tam sacrarum quam profanarum eximiam cognitionem præ se fert; ita dubium non est, quin ab omnibus eruditis debito honore ac plausu excipiatur.

P. 710.

P. 719.

P. 748.

P. 774.

P. 797.

P. 802.

Friedrich Leutholss von Franckenberg Europäischer Herold u.

L. e.

FRIDERICI LEUTHOLEI A FRANCKENBERG
Fecialia Europaus, sive accurata Descriptio Europa-Christiano-
rum Imperii, Regnorum, Rerumpublicarum & Principatum,
juxta statum illorum naturalem ac politicum, bellicas
item & pacatas, ecclesiasticas & seculares dis-
positiones usque ad hunc A. O. R.
MDCCV. Tom. I & II.

Lipsiæ, apud Thomam Fritschium, 1705. in fol.

Constat Alph. 20. plag. 3. ac 13. tab. æneis.

Qui Juris Publici, domestici cumprimis, penitentiorem ac minus proletariam scientiam imbibere gestiunt, non possunt non de noviter recuso hoc libro, a septendecim jam annis per Germaniam celebratissimo impense sibi gratulari. Præterquam enim,
X x x quod

quod omnium in Europa Regnorum, Liberiorum Statuum, ac Principatuum, quotquot Christianam fidem colunt, origines, incrementa & vicissitudines, familiarumque illustrium etiamnum superantium stemmata compendiosa serie enarrata, quin & plerumque aulas, vires, copias, jura quoque atque prætensiones judiciose hic descripta inveniunt, totius potissimum Imperii Romano-Germanici, ejusque Procerum, nec non ditionum singulis subjectarum exactissimam notitiam, prout e rivulis tam Geographicis ac Genealogicis, quam Historicis ac Politicis haurienda, copiose dispensari, non absque voluptate insigni deprehendunt. Quo curatius vero atque uberius hæc omnia prostant, eo majores sane debentur gratiæ Excellentissimo libri hujus Autori, qui adscititio sub nomine modeste latet, quod medias inter arduasque splendidissimi muneris functiones, præclarum hoc opus sub incudem revocare, eaque cum sollicitudine expolire sustinuerit, ut nihil ad elegantiam ejus amplius desiderari queat. Oeconomia autem libri hæc est, ut in præliminari discursu multa, quæ Statui Politico in genere congruunt, maxime vero rationes cum conservandi, ornandi & defendendi proponantur, singulaque exemplis tam vetustis quam recentioribus apposite illustrentur. Hunc excipit primus tomus de Sacro Imperio Romano-Germanico, isque quadripartitus. Prima namque pars Historiam patriam à Caroli M. ævo usque ad Leopoldum Imperatorem nervose contextam sistit. Altera Imperii nomina, jura prærogativa, situm, fines, fluvios præcipuos, fertilitatem, nec non divisionem in X Circulos describit. Tertia summum Imperantem, cæterosque Germaniæ Proceres ac Status exhibet, & in quinque rursus abit sectiones, quarum prior de Imperatore, ejusque electione, coronatione, potestate, reservatis, dignitatibus ecclesiasticis aliisque juribus, quin & de Augusta ac privilegiis eidem competentibus ex professo agit: secunda Romanorum Regem, & quæ electionem ipsius comitari solent obstacula, jura item ac præeminentias ejus inducit: tertia Vicariorum Imperii diversas classes, officium atque autoritatem explicat: quarta porro de Statibus, & jurisdictione territoriali illis propria, modisque simul, quibus majestas hæc analogica limitatur, aliisque affinis materiis summam loquitur, mox in titulis quinque specialiori-

ri-

ribus eorumque articulis separatis Electores ac Principes tam Seculares quam Ecclesiasticos, Praelatos & Civitates Imperiales omnes debito ordine enumerat: quinta denique de Non-Statibus Imperii, ejus tamen membris immediatis ac Vassallis, praesertim de Personis illustribus ad principale fastigium evectus, Nobilitate Equestri, reliquisque Communitatibus & Subditis tractat. Huic tandem succedit quarta pars de Constitutione ac Regimine Sacri Imperii, prout in rebus Ecclesiasticis non minus quam in secularibus sese exferit. octo articulis distincta, ubi Illustrissimus Autor summo cum candore ac judicio Caesaris praerminentiam ac majestatem ejusdemque restrictionem, Capitulationis usum, altercationes circa perpetuam quandam concipiendam obvenientes, Comitia universalis, quaeque huc pertinent, Leges quoque Imperii fundamentales prolixè enarrat. Nec reticet potestatem Imperatoris & Imperii in Ecclesiasticis negotiis, religionisque & scholarum statum, modum itidem administrandi justitiam, suprema Tribunalia, manutentionem legum, sententiarumque executionem ob oculos ponit. Conventus insuper particulares, quibus publica salus promovetur, Imperii redditus, potentiam, interesse status, commercia, causas decrementorum, residuasque praetensiones recenset, sicque primum totum feliciter absolvit. Omnia vero inibi allata ex Historicis fide dignis & Comitalibus actis depromit, multa etiam e tabulariis Principum, propriaque rerum experientia, quam ad stuporem usque adeptus est, confirmat, ut non mirandam sit, innumera hic occurrere, quae apud alios frustra quaesiveris. Speciminis solum loco afferre liceat, quae p. 250 & seqq. circa Serenissimi Electoris Saxoniae jura indagavit. Nimirum licet per Bullae Carolinae tenorem satis expeditum videatur, Saxoniae Ducem in solennibus Curiae Imperialis processionibus gladium vagina nudatum Augusto praeferre debere, istud tamen juris ab illo non nisi post diploma Sigismundi Imper. de Anno 1415 Domin. Quasimodogeniti promulgatum, quod integrum hic comparet, quiete exercitum fuisse; antea enim controversiam ei desuper bis movisse Wenceslaum Luxemburgi, Lotharingiae & Brabantiae Ducem, cui sedandae Carolus IV remedia tantum palliativa adhibuerit. Eo etiam spectare, quod Elector in omnibus expeditionibus Imperii nomine

susceptis, præfente Augusto aut Rege Romanorum, tribunali bellico præfideat, copiasque suas tanquam Imperii Supremus Campi-Marschallus in principis statuere possit: etsi haud desint exempla, ubi is neutiquam primas habuerit, & Albertus Saxo anno 1475. in exercitu ad Novefium coacto ultimum cum suis & Imperii majori vexillo agmen clausit. Forte & mutationem quandam circa militiam Imperii Maximiliani I. tempore & postea subortam. Nihilominus Maximilianum II. anno 1567. Augustum Saxoniz Electorem summum Imperatorem omnium copiarum, quas Circuli subministraverant, Vicariumque suum declarasse, quin & nostra ætate anno 1689. Leopoldum Johanni Georgio III. gloriosissimæ memoriæ in hæc rescriptisse verba: *Quandoquidem Imperii exercitus modo sit adunandus & conventum jamjam, ut tessera militaris a se emanare debeant, ideo in sexaginta dies se eam Electori transmissurum fore.* Huic quoque juri recte annectendum officium gestandi vexillum Imperii generale seu majus, des Reichs Haupt-Fahne/una cum Minore signo, der Reichs Kenn-Fahne/quoties Imperator ipsemet ad bellum proficiscitur. Quam in rem varias literas producit, ex archivis, ni fallimur, lectu non injucundas, e quibus patet, præfente Casare aut Rege, absente autem Electore, Vexilli majoris Imperii portitorem fuisse Pappenheimium, velut Marschallum hereditarium, eundemque etiam vexillum minus gestasse, si Imperator exercitui non interfuerit, sicque vexillum majus latuerit. Nulli igitur Principum fas esse concludit vexillum ejusmodi Imperii ambire, idque etiam Sereniss. Electorem Brunsvico-Luneburgensem demortuum, Ernestum Augustum, agnovisse, ut licet Vexilliferatum Imperii enixe prensasset, ponderatis tamen Electoris Saxoniz in vexilla prædicta militaria juribus, sponte destitit, sibi que solum in coronationibus aliisque curiis festivis Imperialibus vexilli alicujus gestationem reservaverit. Jurisdictionem in buccinatores ac tympanistas, sive in aula sive in militia serviant, quod attinet, illam non modo in Conventibus Imperii, aut quoties copiaz Imperii nomine colliguntur, sed semper ac ubique locum habere affirmat, ita ut omnes dissensiones atque lites inter memoratos buccinatores ac tympanistas, ubicunque aularum Germaniz degant, agitata a Saxoniz Electore, tanquam communi omnium

judi-

judice ac patrono, plenissime decidi queant, citra ullum præjudicium, quod Statuum de non evocandis subditis privilegio hoc pacto inferri metuatur, seu exemplis clarissime demonstrat. Extare cum in finem certam ordinationem ab Imperatore A. 1658. denuo confirmatam, in qua refractariis pro re nata, vel multa XXX marcarum auri puri irrogetur, vel receptio & manumissio tironum interdicitur, vel exclusio a toto consortio prævia causæ cognitione adjudicetur. In Comitibus autem præter jura Archimarchallatui annexa, eminere etiam in Electore Directorium in causis Evangelicis, quod unde incunabula sua accersat, & qua ratione hodie num continetur, quidve involvat, eleganter exponit. Pergit, deinde ad dignitatem Supremi Venatoris Imperii, quam Imp. Leopoldum Joh. Georgio II. A. 1661. d. 28. Aug. renovasse constat, nec minus sententiam Strauchii, adstruentis Electorem Saxoniam, ut Marchionem utriusque Lusatiæ, nobilitatem conferre posse, quia Bohemiam Reges olim istud juris in omnibus territoriis suis exercuerint, in translatione autem dicti Marchionatus omnia Regalia nullo excepto cessa fuerint, breviter ventilat, dicendo Serenissimam Domum Electoralem sibi hoc Regale nunquam arrogasse, nec credidisse illud, utpote Regi Bohemiam proprium, in se transmissum; explorandum itaque ante omnia, num pristini Marchiones, qui Regali axioma caruerunt, nobiles creaverint? Plura in tanta selectissimarum rerum copia coacervare facile liceret, nisi persuasi essemus mirandam Illustrissimi Viri prudentiam & sagacitatem per totum opus diffusam; cuilibet jam abunde in oculos incursum. Quapropter hic subsistimus, id saltem adjuturi in altero tomo Galliarum, Hispaniarum, Lusitaniarum, Angliarum, Scotiarum, Hiberniarum, Daniarum & Norvegiarum, Sueciarum, Poloniarum, Hungariarum, Bohemiarum & Borussiae Regna: tum Venetorum, Fœderatorum Belgarum, Genuensium, Helvetiorum, Lucensium, Genevensium, Ragusanorum & S. Marini liberas Respublicas; denique Romani Pontificis, Ducis Sabaudiarum, Magni Hetruriae Ducis, Ducum Lotharingiarum & Slesvici, Magni Magistris Ordinis Equestris Johannis, Ducum Mantuae & Montisferrati, Massae & Carraræ, Mutinæ, Monæci, Arausionensis, ut & Parmæ ac Placentiæ Principatus & Dominationes pari methodo atque ingenii ubertate describi.

Franequeræ, apud Franc. Halma, 1704. 8.

Alph. 1. pl. 3.

Sicut fecunda fuit admodum Gentilium superstitio in confingendis Diis pene innumerabilibus, quorum cultum plebeculæ miseræ & quasunque nugas dementer arripiendi commendarent: ita operæ pretium facturos se arbitrati sunt Viri doctissimi, si, quæ leguntur sparsim in antiquis monumentis de titulis eorum, veneratione, solennibus sacris & ceremoniis, quibus hæc consuebantur, colligerent diligenter, atque singularibus libris explicarent, & hac ratione lucem his accenderent, qui in legendis aut interpretandis veteris ævi scriptoribus versantur. Accenseri meretur istis præsentium Opusculorum perquam eruditus Auctor, qui aliorum exemplis incitatus, Sacerdotes Martis Salios & Deos Cabiros describendos sibi sumsit, & Inscriptiones quoque duas, Smyrnæ repertam unam, atque monumentum Heriæ Thisbes Monodiariæ continentem alteram, quarum utramque in Sponii Miscellaneis Eruditæ Antiquitatis ostenderat, suis Animadversionibus illustravit. Et in illo quidem de *Salis Sacerdotibus* libello, de nomine ipsorum, origine, diversis generibus, vestitu, armis, carminibus, coenis maxime exponens, a saliendo dictos mavult, quam cum Stephano le Moyne ab Ebræo שלל quod tinnitum significat, propterea quod nequeat doceri, cymbala & crotala Sacerdotes illos pulsasse; eosdemque a Salisatoribus distinguit, qui, Isidoro teste, dum ipsis membrorum quædam partes saliebant, aliquid sibi exinde vel prosperum vel triste prædicebant. Institutos vero primum in Herculis memorat honorem, quos e Dionysii Halicarnassensis & Livii sententia Numa deinde Marti consecravit, & diversis cognominibus appellavit populus, Palatinos videlicet alios Collinosque & Agonales, alios Albanos, prout nimirum vel in Palatino aut Collino, quem Agonalem etiam si ve Agonom dictum ostendit e Festo, vel in Albano montibus sua habebant sacra. Pergit de Collegio ipsorum commentari & diversis in eodem muneribus, in quo Præsul alius sive

egregius, qui chorum sistebat & saltare faciebat, & salendi modum dabat; alius Vates, qui Saliaria carmina præcinebat, atque cantus dabat modum; & Magister quoque alius, qui potestatem habebat inaugurandi & exaugurandi, & Salios juvenes instruebat, ut rite portare ancilia, & secundum modulos rhythmos saltare discerent, cujus ordinis ea præstantia, ut in ipsum non nisi Patritii cooptarentur, atque ex his Patrimēs solum & Matrimēs, h. e. qui utrumque parentem in vivis adhuc haberent; qua ratione cum Virginibus Vestalibus convenerunt, quæ & ipsæ, nisi patrinx essent & matrinæ, constitui non poterant. Vestem Saliorum describit Noster deinde, atque tunicam pictam sive versicoloream fuisse tradit, super quam æreis baltheis erant cincti, & trabeas inducebant fibula contractas, ne saltantibus esset impedimento, capitis tegumento gaudentes fastigiatis in coniformam pileis, ob quos illos Enniano vocabulo tutulatos dici posse credit, cum tutulus metam sive apicem pileis in vertice additum significet. Arma Saliorum, quod inter omnes constat, fuerunt ancilia, quæ male a Dionysio Halicarn. ejusdem cum Thracum peltis figuræ dicta, scuta fuerunt brevia & rotunda, & ovali figura ad ejus similitudinem efficta sunt, quod, eodem Dionysio & Plutarcho testibus, delapsum cœlitus & in Numæ repertum est Regia, qui circumferri illud etiam & annuis sacrificiis voluit honorari. Ea occasione agit de Festo, in quo ancilia circumlata, quod Kalendis Martiis habuit initium, & per dies aliquot celebratum est, quorum ultimus sacer Mamurio, qui ad similitudinem cœlo delapsi ancilis alia subrefecerat, Numma potissimum suadente. Istis autem diebus arma illa circumtulisse, scribit, sacerdotes, pugionibus & interdum lanceis quoque & virgis ea percutientes, & e sacrario h. e. secreto illo in Martis templo loco, in quo sacra reponerantur, deducentes, & cum singulis vespers propter urbis amplitudinem in locum illum referri non possent, in extructis cum in sinem ædificiis, quæ Mansiones appellata sunt, custodientes, qua occasione hoc ipsum vocabulum explicat. Gestasse, addit, collopendentia per urbem incedentes, & in Comitio maxime frequentes, qui locus, ex Marliani sententia, Romani fori pars fuit incipiens a porta Palatii & desinens ad ædem D. Mariæ novæ, sic ut sublatis pedibus & alternantibus, qualis fullonius saltus apud Senecam ep. 15. ad tibiam & per vices ferrentur, & aliquando Salii omnes, aliquando qui-

quidam modo ipsorum saltarent. Carmina, quæ canebant, dicebantur axamenta, quam vocem eum Scaligero & Dacerio ab axibus derivat, h. e. tabulis, in quibus descripta habebantur, ut a pueris etiam possent edisci, & Numam itidem Pompilium autorem agnoscebant, prisca Latinorum lingua consignata, & obscura adeo propter obsoleta verba, ut vix ipsis Saliis deinde intelligerentur. Istorum carminum *Λαίψα* colligit quoque Noster, & obscura vocabula secundum litterarum ordinem disposita explicat, Varronis potissimum Scaligeriq; atque Festi opera usus, & tandem de Saliaribus cœnis veterum scriptorum testimonia congerit, quæ opiparæ adeo, ut, si quæ magnæ aliæ fierent, Saliarum inde dicerentur. Secundum Opusculum absolvit *Dissertatio Philologica de Deorum Cabirorum mysteriis*, quæ quia olim jam prodiit & lecta est, quin labore excerpti illam supersedere possimus, non dubitamus. Hoc sufficiat monuisse, quod per Deos Cabiros ab Ebræo כביר, quæ vox magnum, potentem, validum notat, dictos Romanorum Penates Gutberlethus intelligat, ab Ænea post Trojæ excidium in Italiam deportatos, Cererem videlicet, Proserpinam, Plutonem, Mercurium, & ante hos Jovem atque Dionysum, quin & Dioscuros Castorem & Pollucem, nec non Æsculapium quoque, qui in multis locis, sub aliis tamen nominibus, culti sunt, Beryti scilicet in Phœnicia, Carthis in Mesopotamia, imo in Ægypto etiam, & Samothracia; sed in ea re non habet consentientem Jo. Antonium Alstorium J. Ctum Venetum, qui Venetiis A. 1703 dissertationem evulgavit de Diis Cabiris, atque nomen hoc a voce Chober, quæ Incantatorem significat & Deut. XVIII, 11. legitur, deducit, & fascinatores arbitratur fuisse præstigiis deditos, nomine Tricopatreum, Eubuleum, & Dionysium, & proximis ante vel post Ogygis diluvium seculis floruisse & orbem pervagatos esse, sicut Zoroaster apud Persas, & Magi alii apud gentes alias, divino quoque honore cultos. Caterum cum in ipso ætatis flore extinctus sit Gutberlethus, neque absolvere poterit inde, quæ molitum fuisse, de Telchinibus, Curetibus, Idæis Dactylis, Corybantibus & Magnæ Deûm Matris Sacerdotibus Gallis, ex Dissertationis ejus de Diis Cabiris Præfatione discimus, non possumus non præmaturum doctissimi Viri obitum, & quod iis monumentis, ad sacrorum gentilium interpretationem multum profuturis careamus, dolere.

* * * * *

ACTA ERUDITORUM,

publicata Lipsiæ

Calendis Decembris, Anno MDCCV.

*CORPUS JURIS CIVILIS ROMANI, DIONYSIO
GOTHOFREDO JCTO Auctore. Cum Appendice seu Au-
dario eorum, quæ prioribus hujus forma editionibus defuerunt,
& Indicibus singulari cura revisis & locupletatis. Editio
novissima Sacratissimo Cesari JOSE-
PHO dedicata.*

Lipsiæ, sumptibus J. Frid. Gleditschii Bibl. Lips. & Frid. Knochii
Bibliop. Francofurt. ad Mœnum, 1705. 4.

Constat Alph. ii. & plag. 9. chartæ augustæ.

Cum e tot Corporis Juris Civilis Romani editionibus,
quæ in Germania, Belgio, aliisque provinciis hucus-
que prodierunt, nulla a mendis purgata ita fuerit, quia
accuratiorem dudum Romani Juris cultores desiderave-
rint, ac præterea ne quidem fœdatarum erratis editio-
num exempla in officinis librariis amplius prostant: de nova ea-
que elegantissima & emaculatissima editione adornanda, jam ab
aliquot annis cogitarunt, consiliaque ac sumptus eam in rem con-
tulerunt Bibliopolæ solertissimi, Lipsiensis alter Jo. Frid. Gledit-
schius, alter Francofurtensis Frid. Knochius. Itaque ne illotis
manibus rem tantam aggredierentur, ante omnia præclarissimo-
rum Jctorum mentem explorandam censuere, ecquid ad ornan-
dam perficiendamque editionem novam conferri posse judicarent.
Tum textu editionis Francofurtanæ A. 1663 in 4, quem imitaren-
tur, selecto, quod tamen nossent, nec eam a mendis immunem
esse, exemplo plane novo ad integra in diversis illustrioribus Ger-
maniæ Academiis Jctorum Collegia confugere non dubitarunt,
Yyy obla-

oblata cuique certa exemplaris portione, rogantque ut eam quam diligentissime reviderent, nec minus in notis Gothofredi, quam ipso Legum contextu errata corrigerent; nec difficulter ab Excellentissimis Viris impetrarunt, ut uno publici commodi promovendi desiderio accensi, strenuam ea in re operam navarent, ac quisque pensum suum magna dexteritate absolverent. Atque ita demum tot præstantissimorum Jctorum studio, perpurgatum, & tantum non ab infinitis mendis liberatum opus, Typographo Lipsiensi tradiderunt, nec ordinariis correctoribus satis confisi, Viro juris peritissimo, qui & antea in revidendo Corpore Juris Canonici Pithæano, cum id A. 1695 apud nos sumptu Gleditschii nostri imprimeretur, (Francofurti ad Moenum hoc anno recuso) suam eam in solertiam abunde comprobaverat, curam, ne quid novorum mendorum irreperere pateretur, quantum quidem humana industria caveri id potest, commiserunt. Quam Bibliopolarum sollicitudinem (nam de typorum elegantia ac chartæ nitore, quæ primo cuique obtutu occurrunt, nihil dicemus) tanto magis laudandam publice censemus, quanto ea est apud alios hodie infrequentior, plerisque, quam emendate libri, quos publicant, excudantur, infra curam habentibus. Cæterum ut in aliis etiam usui publico accommodatio esset editio, nec quicquam in ea facile desideraretur, non modo Indices Titulorum Legumque ita locupletati sunt, ut evolutio multo facilius evaserit, sed & opuscula alia, præter ea, quæ in prioribus hujus formæ editionibus comparuere, ex editione Amstelodamensi A. 1663 in fol. repetita accesserunt, nimirum *Notitia Reliquiarum Juris ante & post Justinianum*, a Jac. Gorbofredo & Josepho Maria Suaresio conscripta: *Editum perpetuum a Salvio Juliano compositum & ad ordinem Digestorum restitutum*, & *Ordo Edicti perpetui una cum serie librorum, quos Jcti veteres ad idem Editum scripserunt*: *Antonii Contii Jcti Prefatio in librum Novellarum*: *Constitutio Imp. Zenonis de novis operibus*: *Julii Pacii receptorum Sententiarum Libri*: denique *Marqu. Freberi Chronologia utriusque Imperii ab excessu Justiniani usque ad finem Imperii Orientalis, subinde nunc aucta & emendata, & enarratione rerum post ea tempora ad obitum usque Divi Leopoldi Casaris locupletata.*

MENSIS DECEMBERIS A. MDCCV. 539

MISCELLANEA CURIOSA, BEING A COLLECTION of some of the principal phenomena in Nature &c.

h. e.

COLLECTIO PRÆCIPUORUM QUORUNDAM Natura Phenomenorum a maximis vii hujus Philosophis explicatorum, una cum variis Discursibus coram Societate Regiæ ad promovendam Scientiam Physicam & Mathematicam instituta recitatis.

Londini, apud J. B. & Johannem Senem, 1705. in 8vo.
Constat 1 Alph. & 5 Tabb. æneis.

PLeraque omnia, quæ in hoc opere continentur, jam in *Actis Anglicanis* publicata sunt: in gratiam vero eorum, quibus pretiosa ista volumina pervolvere non datur, præcipua inventa Physica & Mathematica ex istis Teligere, & in unum volumen mole exiguum compingere voluit Autor, in præfatione observans, se talia exhibere, quæ jam censuræ orbis eruditi exposita approbationem meruere, & quibus tanquam fundamentis firmis posteritas infinita superstruere valebit. Placuit autem ipsi Discursus singulos verbotenus recensere, uti Societati Regiæ vel exhibiti, vel coram ea recitati fuere; ne in compendium missi obscuri evaderent. Præcipui jam leguntur in *Actis* nostris, nempe A. 1692 p. 307, quæ celeberrimus *Hallejus* de quantitate vaporum ex mari exhalantium, eorundem circulatione, & origine fontium; A. 1684 p. 387, quæ de Theoria declinationis acus Magneticæ; A. 1687 p. 509, quæ de Ventis statis intra Tropicos, eorumque causâ; *Tom. 2. Supplem. p. 328*, quæ de calore Solis proportionali in omnibus latitudinibus; *ibid. p. 333*, quæ de invenendis focus lentium per Algebram modernam; A. 1702 p. 180, quæ de invento a *Rob. Hookio* Barometro marino; & tandem A. 1700 p. 87, quæ *Woodwardus* de Vegetatione Plantarum differit. Quæ ulterius ab *Hallejo* de vera Theoria æstus marini proponuntur, in summi Geometræ *Isaaci Newtoni Principiis Philosophiæ Naturalis Mathematicæ*, quæ mensè Junio anni 1688 p. 304 & seqq. recensuimus, & *Davidus Gre-*

Yyy 2

80.

gorii Elementis Astronomiæ, nobis mense Octobr. anni 1703 p. 452 & seqq. commemoratis leguntur, atque *Newtoni* Theoria ista debet auctori. *Newtoni* Theoria lucis & colorum, ejusque uberius explicatio, ex *Optica* ipsius nuper publicata, & proxime a nobis recensenda, peti debet. Ejusdem Theoria Lunæ in eruditissimo opere Astronomico *Gregorii* modo laudato jam est publicata. *Romeri* Demonstratio de successiva Luminis propagatione, non solum ab illustri *Hugenio* in ingenioso *de Lumine Tractatu*, nobis A. 1690 pag. 481 & 561 commendato, sed & a Scriptoribus Systematicis, quales sunt *Job. Bapt. Hamelius* & *Franciscus Bayle*, fuscæ sunt exposita, & a nobis ex Tractatu *Hugeniano* ad annum cit. p. 483 in compendio proposita. *Wallisii* cogitata de Mensura resistentiæ medii in motu projectorum, caput 101 Tractatus de Algebra absolvent, quem A. 1686 p. 283 recensuimus. *Narciss* de Sono discursus, generalibus solum terminis, Visus cum Auditui & Opticæ cum Acusticæ convenientiam exponit. Quæ *Hallejus* de magnitudine atomorum ex ductilitate auri, nec non de variis speciebus quantitatum infinitarum earumque inter se proportionibus demonstrat, atque de distantia stellarum fixarum docet *Franciscus Robertus*, ea jam plerisque innotuisse credimus. Quare de his omnibus in præsentia non dicimus: pauca tamen de discursibus reliquis, qui in præsentia opere continentur, subnectemus.

Exhibet nempe quoque Auctor noster sæpius jam nobis laudati *Halleji* Tentamen de causa mutationis declinationis acus Magneticæ, cum hypothese de structura interiorum partium Telluris: in quo cum per observationes probasset, mutationem istam esse universalem suosque habere gradus, utut non omnibus in locis eosdem, causam ejus tandem assignare nititur. Quemadmodum vero ex ipsis Actis nostris A. 1684 mense Aug. p. 392 constat, quod phenomena declinationis acus Magneticæ salvaturus asserat, Terram esse Magnetem quatuor Polis magneticis instructum, & acum magneticam dirigi versus viciniorem: ita facile conicere poterat, mutationem declinationis inferre mutationem situs Polorum. Hanc declaraturus, Tellurem sibi concipit, ut geminum Magnetem, constantem nempe ex crusta exteriori & nucleo, fluido quodam intermedio interjecto, ita ut tum ista, tum hic binos habeat Polos

los Magneticos, & ambo circa commune centrum ac axem diurnæ rotationis intervallo quatuor viginti horarum rotentur. Crustæ globi nostri Terraquei, quem incolimus, Polos tribuit fixos, ita, ut, si hi essent soli, versus quos materia magnetica moveretur acus directrix, hæc constanter eandem haberet declinationem. Ut igitur variatio declinationis explicari possit, nucleo h. e. globo minori intra Tellurem concluso Polos tribuit similiter fixos respectu ipsius, at mutabiles respectu crustæ. Ponit enim, nucleum & crustam inæquali revolvi circa communem axem celeritate, ita tamen, ut inæqualitas nonnisi post plures revolutiones factas reddatur sensibilis: cui determinandæ si sufficerent observationes (quas non sufficere Noster docet) variatio declinationis ad computum revocari poterat. Non autem absurdum esse, sibi concipere concavitatem intra Tellurem, & in ipsa pendulum globum minorem, inde evincere conatur, quod celeberrimus *Newton* in *Principiis Philof. Nat. Mathem.* demonstraverit, densitatem Lunæ esse ad densitatem Terræ, ut 9 ad 5 quam proxime, adeoque Lunam, corpus longe minus, esse densiorem Tellure, corpore longe majori. Quæ cum accuratius expenderet, probabile ipsi visum fuit, plures sphaeras intra cavitatem istam contineri, adeoque hanc tandem Telluris assignat structuram internam. Præter nucleum solidum, intra Tellurem duas adhuc alias sibi concipit sphaeras concavas cum suis atmosphæris, cumque sphaeras inclusas magnitudinibus Veneris, Martis atque Mercurii proportionales statuatur, horum Planetarum nomina ad istas significandas transfert. Jam quia diameter Telluris est 8000 circiter milliarium Anglicorum, sphaeris concavis crassitiem tribuit 500 milliarium, & atmosphæris altitudinem isti æqualem, ut diameter nuclei prodeat 2000 milliarium. Cum ulterius animadverteret, Venerem, Martem atque Mercurium terrestres nobis nullum præbere usum, qui crustam exteriorem incolimus, atque nostro ævo pro certo haberi, Terram esse e numero Planetarum, omnesque Planetas non sine ratione supponi habitatas, tandem partes Telluris sua habere animantia, e. g. aerem aves & insecta, aquam piscium innumera genera, terram reptilia: non incongruum ipsi videbatur asserere, & globos istos in Tellure conclusos habitari. Quod si objicias,

sine luce viventia ibi commorari non posse, regerit, multos dari modos, quibus lux ibi producat; nempe vel ea ratione, qua ignes nostri fatui generantur, atmosphas istas illuminari, vel fornices concavos variis in locis resplendere Solis instar, vel lumen aliquod ibi produci, cujus nullam nos habeamus ideam.

Idem *Hallejus* tradit Regulam decrementi altitudinis Mercurii in Barometro, pro diversa hujus supra Telluris superficiei elevatione. Supponit aerem esse elasticum, resistantiam elateris æquari ponderi prementi, spatia ab aere sub diversis pressuris occupata esse in ratione reciproca pressurarum, gravitatem aeris specificam esse ad gravitatem aquæ prope superficiem Terræ ut 1 ad 800, Mercurii ad aquæ ut 10800 ad 1, atque adeo digitum unum Mercurii æquari 10800 digitis cubicis aeris: unde si aer ejusdem esset densitatis, atmosphæræ altitudinem fore 5, 1 mill. atque in ascensu 900 pedum seu 10800 digitorum Mercurium in Barometro descensurum per unum digitum. Sed quia expansio aeris in ea ratione crescit, in qua pondus atmosphæræ incumbentis decrescit, Mercurii descendens altitudinem augeri, & spatium quodlibet uni digito argenti vivi respondens continuo crescere. Quamobrem aerem ad majorem extendi debere altitudinem. His principiis jactis problemata de determinanda altitudine Mercurii ad altitudinem aeris datam, & altitudinem loci, in qua barometrum collocandum, ut Mercurius datam obtineat altitudinem, curiosa magis esse, quam difficilia pronunciat: eademque solvit ope quadraturarum spatiorum inter Hyperbolam & ipsius Asymptotos, geminamque computavit Tabellam, in quarum altera altitudines aeris altitudinibus Mercurii; in altera altitudines Mercurii altitudinibus aeris respondentes exhibentur. Ex qua colligit, in altitudine 41 milliarum densitatem aeris se habere ad densitatem nobis vicini ut 1 ad 3000, in distantia 53 ut 1 ad 30000, ostenditque per observationes crepusculorum, aerem ultra 45 miliaria non extendi, nempe ad 44, 4 Anglica scilicet, qualem 4000 est semidiameter terræ. Atque inde ulterius infert, aerem ad 180000 spatii partem comprimi posse, quod in statu naturali occupat. Quoniam vero hæc consequuntur, si atmosphæra inalterabilis supponatur, atque rarefactionis & condensationis capax

in

in infinitum, utraque vero hypothesis falsa est, si rigore spectetur: computum quoque istum non satis esse exactum monet. Variari certe specificam aeris gravitatem, dum calor aerem dilatat, & frigus comprimit, dum effluvia particulis aereis graviora immiscetur, quemadmodum salia aquæ permixta pondus ejus augeant. Condensationem terminari in certo gradu per experimenta *Florentinorum* atque *Hooekii in Microgr. cap. 5.* Nec rarefactionem in infinitum procedere, quod particulis elasticis competere debeat magnitudo determinata in statu naturali, exemplo lanæ. Hæc igitur *ἀποδείξεις* conclusionum superiorum Geometricam turbare. Unde & in eadem elevatione diverso tempore non eandem obtinere altitudinem. Hinc in causas ascensus & descensus & inquisiturus, primo phænomena recenset, ex quibus concludit, præcipuam ascensus & descensus & causam esse variabilitatem ventorum in zonis temperatis, cui adjungenda sit incerta exhalatio & præcipitatio vaporum in aere: atque ex his causis phænomena resolvit.

Idem ulterius ex communicatis per *Justellum* cum Societate Regia catalogis, in quibus ab anno 1687 usque ad 91 inclusive ætas & sexus omnium Vratislaviæ singulis mensibus mortuorum consignabatur, & horum numerus cum numero natorum comparabatur, construxit Tabulam, in qua singulis ætatis annis adscribitur numerus personarum ad eos profectarum & Vratislaviæ degentium. Hujus Tabulæ multiplicem monstrat usum. Nempe inde deducit non solum omnem numerum Vratislaviæ viventium, qui est 34000, sed & numerum eorum, qui arma gerere valent, ad 9000 assurgentem: imo generaliter concludit, in quacunque civitate, numerum illorum esse quartam circiter numeri omnium incolarum partem. Derivari hinc posse ostendit gradus mortalitatis pro omni ætate; quot mori debeant per annum tuæ ætatis homines, ut certus esse possis, te isto anno non moriturum, hoc enim ostendit sola differentia inter numerum personarum ætatis propositæ, v. g. 25, & proxime subsequentis 26, qui in præsentī casu Vratislaviæ est 7: nec non quot mori debeant, ut persona quædam ætatis cujuscunque non moriatur, antequam attingat ætatem propositam: quomodo inquiratur, quo ætatis anno per-

so-

sona quædam ætatis cujusdam propositæ sit moritura. Quæ speculationes non censei debent inutiles, cum earundem insignem ostendat usum in definiendo pretio æsecurationis, quæ dicit certum quoddam contractuum genus Anglis in plurimis negotiis civilibus admodum familiare. Imo easdem speculationes ad gemina prorsus transfert, qualia proposuit *Wilhelmus Perry* in *Arithmetica Politica*, cujus proluxa recensio occurrit in Actis nostris A. 1691 p. 407 & seq.

Noster denique ex Hallejanis inventis nobiscum communicat ejus discursum de gravitate & proportionibus, in quibus corpora gravia descendunt, nec non de motu projectorum: in quo cum celeberrimus Autor varias variorum hypotheses recensuisset, ut ipso eorum dissensu difficultatem causam gravitatis efficientem detegendi ostenderet; ab omni prorsus hypothesi abstinet, atque certius philosophaturus, stabilitis quibusdam per experientias indubias gravitatis proprietatibus, methodo demonstrativa ope principiorum Geometricorum & Analyseos Speciosæ regulas deducit, juxta quas corpora gravia descendunt, & projecta moventur.

Præter discursus hæcenus commemoratos, in præsentî opere continentur adhuc tres ad Physiologiam spectantes, in quorum primo *D. Georgius Gardenius de Aberdeen* Theoriam generationis; in secundo *Clopton Haverus, M. D.* cujus *Osteologiam* A. 1691 p. 573 recensuimus, concoctionem; in tertio *J. Drake M. D.* influxum respirationis in motum cordis exponunt. Ex singulis quædam scitu non injucunda proferre libet. Quod theoriam generationis attinet, doctissimus ejus Autor ad tria eandem capita revocat, nempe 1. quod animalia generentur ex animalculo, 2. quod animalcula ista originaliter insint semini marium, 3. quod sine ovis in fœminis animalcula in animalia mutari nequeant, ut adeo Eclecticum quasi agens, hypotheses *Harvei* & *Dn. de Leuwenbæk*, quarum hanc A. 1686 mense Oct. p. 475 descripsimus, conjungat. Ad primum stabiliendum sequentibus utitur argumentis: 1. quod *Malpighius* in ovi nondum incubati cicatricula pulli rudimenta observavit, 2. quod subito post incubationem omnes partes appareant, vi experimentorum *Harvei* atque *Malpighii*, manifesto, ut ipsi videtur, indicio, partes illas non ex fluïdo

do concrevisse, sed ibi jamdum nondum explicatas extitisse, ab origine mundi procul dubio per omnipotentiam Dei formatas. Alterum confirmaturus hæc producit argumenta: quod 1. in semine masculino omnium animalium innumera animalcula a *Dn. Leeuwenhoek* fuerint detecta: quas observationes exhibuimus A. 1682 p. 321. 2. quod per observationes *Malpighii* rudimenta foetus solum reperiantur in ovis a mare foecundatis, non autem in subventaneis: 3. quod figura animalculorum a *Dn. Leeuwenhoek* delineata conveniat cum figura rudimentorum foetus in ovo tum ante, tum post incubationem a *Malpighio* descripta: 4. quod ex hac hypothese reddi possit ratio, quomodo multi foetus una excludantur, & multa ova in gallina per unum coitum cum gallo celebratum foecundentur: 5. quod prima de Messia prophetia novam ex ista accipiat lucem, in qua vocatur semen mulieris, cum omnes homines reliqui sint semen viri: 6. quod eidem adspiciatur analogia vegetationis plantularum; semina enim esse plantulas, quæ terræ tanquam utero committantur. Denique ultimæ hac ratione evincit: 1. quod animalculum non possit in lucem edi, nisi in proprium cadat nidum, quem centrum cicatriculæ in ovis esse appareat: unde licet myriades animalculorum in ovum unum cadant, haudquaquam tamen præter unum in lucem edi possent. Addit, fortassis nidum molli animalculorum ita proportionatum esse, ut nonnisi unicum recipere possit: quæ sit ratio raritatis monstrorum. Absolutam nidi necessitatem in oviparis ad oculum patere. Hanc vero solam differentiam inter ovipara & vivipara quoad præsentem materiam in eo consistere, quod in his ova præter cicatriculam & eorum colloquamentum nihil contineant, ita ut foetus extra ista in uterum radices protrudere teneatur nutrimentum recepturus: alii ova in oviparis proprie dici possint uterus quidam in ordine ad foetum, quoniam non solum cicatriculam cum amnio & colloquamento, quod immediatum sit foetus nutrimentum; sed materiam insuper contineant in colloquamentum convertibilem, ita ut foetus radices suas nonnisi in albumen & vitellum ovi agat, unde omne suum nutrimentum derivet. 2. Quod hæc cicatricula non sit originarie in utero, ex frequentibus extra uterum conceptionibus probat., quales occurrunt in *Trans. Phil. Angl. n. 139, 150 & 172*, & in No-

vellus Reip. Literariae Mens. Sept. A. 1685. p. 996. Unde probabile fieri aſſertit, teſtes muliebres eſſe ovaria huic uſui deſtinata. Subjungit 3. quod in conſeſſo ſit apud omnes, foetum in utero per amplum temporis ſpatium poſt conceptionem cum matre connexionem non habere, eſſeque in iſto ovum perfecte rotundum, molis exiguae, cum foetu in medio incluſo, qui ſucceſſive funiculum umbilicalem emittat & utero tandem alligetur. Unde appareat, cicatriculam, quae ſit fons nutritionis animalculi, non oriri in utero, ſed alibi, atque in iſtum deſerri tanquam in ſolum aptum, ex quo nutrimentum recipiat ad vegetandum foetum. Eſſe vero teſtes foemineas revera ovaria, hoc experimento evincere conatur, quod parere nesciant formellæ, ſi abdomen aperiatur, ac teſtes exciſcentur. Reſpondet tædem tribus objectionibus, quibus hoc ultimum aſſertum ſubſiſſe videri poterat.

De concoctione quæ tradit *Haverius*, in compendio huc redeunt. Tribuit nempe ciborum in ventriculo comminutionem ſalivæ, quam pro liquore habet ex gemino alio compoſito, altero nempe acido, altero oleoſo, oleo terebinthinæ non prorsus abſimili, quorum unusquisque e peculiaribus glandulis ſecernatur: id quod ſequenti comprobatur experimento. Aſſumſit fruſtum carnis crudæ, idque diſſecuit in minuta magis, ſed iſs tamen majora, in quæ maſſicatione reducitur, panisque micis admixtis oleum terebinthinæ & oleum vitrioli aſſudit: quam maſſam cum per quatuor horas in balneo Mariæ digeſſiſſet, in pulvẽm redactam deprehendit. Salivam certe prodeſſe fermentationem, etiam cum non edimus, per bullulas ipſi inexiſtentes utut in ore non agitatæ. Motum ſtomachi per reſpirationem productum cibo diſſoluto cum ſaliva citius permixcendo inſervire. Per hanc autem fermentationem apta diſponi alimenta, ut cum bile in inteſtino duodeno fermentare poſſint: quod hoc experimento probat. Cum bilem naturæ ſaponaræ ſupponat, ſaponem in aqua calida diſſolutum oleo terebinthinæ ac vitrioli admixcuit, & in mixtura fermentationem oriri obſervavit.

Influentiam reſpirationis in motum cordis adſtruximus *Durkii*, *Loeperi* explicationem ſyſtoles ſen contractionis cordis per mechanicam viſceris hujus ſtructuram laudat; verum explicationem diaſtoles per motum reſtutationis improbat, cum ſtatus con-

tra-

tractionis fibrarum sit potius naturalis, adeoque non dari possit diastole sine externa quadam violentia, prouti experientia in omnibus musculis doceat, non dari in ullo musculo motum restitutionis confirmans. Ita musculos a potentia antagonistarum liberos esse in statu contractionis, illos similiter, qui antagonisti carent, ut sphincteres gulæ, anus, vesicæ, semper esse in eodem. Quod vero cor sit musculus, isque solitarius, sine ullo antagonista proprio, nec voluntatis imperio subiectus, proxime adeo ad sphincteres accedens, a *Lowero* aliisque dudum esse demonstratum. Musculares fibras cordis per nervos actuatæ immediatum esse systoles instrumentum concedit; quin tamen musculi intercostales cum diaphragmate, dum sanguini per pulmones viam pandunt, suum quoque conferant, negari non posse. Ostendit ulterius, vasa sanguifera in pulmonibus in costarum elevatione ac depressione eandem cum bronchis pati debere mutationem, nempe coarctari, dum costæ deprimuntur ac pulmones subsidunt; extendi, dum costæ elewantur & pulmones aere inturgescunt, ut via sanguini ex dextro cordis ventriculo in sinistrum aperiatur. Diastolen igitur fieri asserit, dum a pondere atmosphæræ, quæ musculi antagonistæ vicem subeat, costæ deprimuntur, pulmones subsidunt & vasa sanguifera coarctantur, ita ut sanguis per venam pulmonariam veluti ope emboli cujusdam in sinistrum cordis ventriculum protrudatur. Tandem quædam subjungit, quæ circa foetum in utero moneri poterant.

DE SUSPECTIS DE HÆRESI OPUS.

Autore ANSELMO DANDINO CÆSENATE, olim

in Patria Sancti Officii Consultore, nunc utriusque Signaturæ

Referendario, & Sacra Congregationis Indici Consultore.

Romæ, apud Vincentium de Romanis, 1703. in fol.

Alphab. 8.

EX officii, quod olim in patria sua gessit, ratione operis hujus sanam Clarissimus Autor arripuisse videtur, in quo suspectorum de hæresi & culpam considerare prolixius intendit & pernam.

Zzz 2

Utrius.

Utriusque tamen contemplationem antecedere jubet aliqua præliminaria, quæ primo circa *suspicionem* in se spectatam occupantur. Hanc posteaquam *criminis incertam* definitivè *repræsentationem*, illius a præsumptione differentiam in eo collocat, quod, cum illa solum in malam, hæc vicissim in utramque partem sumi sueverit. Suspicionis tres esse gradus innuit, aliamque levem, aliam probabilem, aliam violentam facit. Fontes, unde scaturiat suspicio, modo patriam esse dicit, modo parentes, modo educationem, jam vitam antea actam, mox dicta & facta, interdum & amicos; quæ singula latius exposita sistit, & his absolutis, ad generaliorem *hæreseos* indagationem pergit. Et hæc ipsi est *error intellectus voluntarius*, contra aliquam *propositionem catholicam cum pertinacia assertus ab eo, qui baptismum accepit*. Ad hujus definitionis ductum in capitibus aliquot proxime sequentibus multa cumulat de errore intellectus, deque voluntario errore, & reliquis vocabulis, quæ ad sensum descriptionis istius principaliorem pertinent. Ad opus ipsum propius accedens, hac quidem vice solam partem primam absolvit, & quinam sint *de hæresi suspecti*? indagat. Principem inter eos locum *blasphemis* assignat, ubi blasphemiz & definitionem pandit & divisionem, & plerosque blasphemantes hæreseos suspicionem incurrere observat, exceptis forte iis, qui in magna, quam vocat, eamque levi & levissimæ opponit, ebrietate tales se gerant, aut qui passionibus cerebri affecti rationalis facultatis defectum sentiant, (quanquam hos ob malum exemplum castigari posse admittat;) aut qui dormientes blasphemant, nisi vigilantes forsân antea linguam male disertam fecerint; aut qui ob iracundiam mentem abalienantem in blasphemias voces erumpant, atque similes. A blasphemis progreditur ad *supersticiosos*, quibus *idololatras* accenset, & *magos*, sed eos tantum, qui paciscantur, eum Dæmone, magiam namque naturalem nullius inducere criminis suspicionem observat; *divinatores* item, arte usi Dæmoniaci qui fuerint, & *sortilegos*, qui a Deo eventum non expectent, nec a casu, sed a Diabolo, qua de causa sortes divinatorias omnes rejicit; imo & *vane observantia* studentes prioribus addit, & *maleficos*, & eos, qui *superfluum, vel falsum cultum Deo exhibeant*. Admodum deinde prolixus est in referendis hunc in censum iis, qui

qui

qui Sacramentis abutantur, sive illi eadem conficiant sine potestate, aut debita minus materia, formaque, loco item temporeque haud debito, aut ceremoniis dispositionibusve non debitis; sive illa minus rite offerant, aut secus, quam fieri debebat, conferant. *Fautores* porro *haereticorum* de haeresi vehementer suspectos esse pronunciat, sive omittendo peccent, eosque vel non denuncient, vel non capiant, vel non custodiant; sive committendo, dum eos receperint, honoribusve & dignitatibus insignire haud vereantur. Heic sigillatim ad Principes excurrit seculares, eosque haereticis saluum quidem conductum posse concedere admittit, si solam spectes immunitatem a violentia, sed non item, si de immunitate absoluta quaesiveris; libertatem certe conscientiae iis a Principibus per-mitti, aut dignitates in eos conferri posse, inficiatur. Multo magis *defensores haereticorum* suspicione haereseos gravari dicit, & inter alia Ministros Sancti Officii, inquisitioni actu inservientes, nec directe nec indirecte impediri posse, absque haereseos suspicione, statuit. Sed de iis, *qui cum haeticis conversantur*, paulo censet mitius, & conditiones, quibus fieri id liceat, exponit. Quo pacto etiam *retinere libros haereticorum legereque* aut concessum sit, aut minus? indagat. Denique post commemoratos atroque cat-bone notatos illos, qui haereticorum funus comitentur, aut haereditatem iis relinquunt, aliosque, iis praecipue eandem suspicionis notam inurit, qui propositiones haereticas vel parum Catholicas in medium proferre studeant. Haec prima operis pars discussit, de qua istud adhuc monemus, quod Index diffusissimus & tertiam omnino integri tractatus partem constituens eidem subnectatur.

LETTERA DISCORSIVA DI APPOSTOLO
ZENO &c.

i. e.

DISSERTATIO EPISTOLICA APOSTOLI ZENI,
Nobilitate Cretensis & Civis Veneti originalis, ad Dn. Abbatem JU-
STUM FONTANINI, Bibliotheca Eminentissimi Dn. Cardi-
nalis Josephi Renati Imperialis Praefectum, de magno Opere
Meditationum Philosophicarum Dn. BERNARDI TAR-

Zzz 3

VI.

*VISINI, Patricii Vencii: qua eadem de origine deque
Viris doctis Gentis Tarvisina expo-
nitur.*

Venetis, apud Antonium Bortoli, A. 1704. in 8. Plag. 4.

Cum *Meditationum Philosophicarum* Illustrissimi Viri Bernardi Tarvisini primum volumen prelo jamjam exiret, scripta est a Nobilissimo Autore ad venerabilem Fontaninum, ex *Aminata Tarsi defenso atque illustrato* scriptisque aliis cognitum jam nobis & laudatum, hæc Epistola, qua non modo argumentum istarum Meditationum, verum etiam concinna Familiæ Tarvisinæ antiquæ & nobilis, inprimisque doctorum ex ea Virorum, & Illustrissimi hujus Bernardi adhuc superfutis historia continetur. Nos ex ea, serius huc allata, more nostro pauca delibabimus. Ponitur inter majores Illustrissimi Bernardi Tarvisini, post paucos, Marcus Tarvisinus, Fundator *Abbatia S. Thoma Cisterciensis ordinis, Torcellana diocesis*, qui A. MCC obiit. Cujus *Abbatia Historiam* aliquando in lucem dabit Epistolæ Autor. Deinde eminet Bernardus, qui A. M CCC LXVI floruit, in cujus MS. codice de *transmutatione metallorum*, qui auctior servatur in Bibliotheca Tarvisina, quam in Theatro Chimico Argentorati A. M DC XIII exscriptus legitur, sunt hæc verba ad finem: *Finit hic liber, &c. compositus per Magistrum Bernardum Comitem Tervisianum, qui acquisivit Comitatum & diuionem de Neige in Germania per hanc artem pretiosam & nobilem.* Sequitur Zacharias prior, insignis Venetorum Orator Concilii Constantiensis tempore, cujus *Orationes* ad Romanum Pontificem aliosque eloquentissime habitas in lucem edi optat Autor, atque aliquot earum MSS. Patavii servari a Patribus Eremiticis indicat: deque eodem hoc sese expositurum pollicetur *Libro de Scriptioribus Venetiis*. Postea Pauli prioris, magni peregrinatoris, mentionem facit, ejusdemque MS. *Libri Historici & Geographici*, quem apud Hieronymum Petram nuper defunctum viderit sic inscriptum: *de Nili origine & incremento: item de Aethiopum regione & moribus liber singularis, compositus per me Paulum Trivisanum Nobilem Venetum, in insula Cypri, anno reparata salutis M CCC LXIII.*

Hinc

Hinc post aliquos est Marcus Antonius, Reipublicæ Venetæ Dux Illustrissimus. Deinde Nicolaus, Philosophus inprimis Platonicus, cujus *Ionem* Dialogum Platonicum, & *Græco Italicum* & Venetis A. M D XLIX in 8 editum memorat. *Opera autem Platonis* ab eodem multis locis signata & notis indiceque aucta, in Bibliotheca Tarvisana se videre meminit. De Andrea Jcto agens, errorem Alberici notat, qui in Catal. p. 7. 8. hunc in templo S. Mariæ Matris Domini sepultum scribat, inscriptione deceptus, quam Paulus Tarvisinus Andreæ filiolo suo duorum annorum ætate, mortuo posuerit. Postea Marci Herois meminit, ejusque amicitie singularis cum Nicolao Barbarigo cultæ, cujus fama permotus Carolus I Rex Angliæ per Legatum suum horum amicorum imagines abs Venetis petierit. Ejusdem Marci, præter libros editos, cum MSS. alios memorat, tum unum de *Religionibus* & de cultu Divino, Italice MS. in Biblioth. Tarvis. sibi visum. Dehinc ad Franciscum Tarvisinum, unicum Bernardi superstitis fratrem, venit, Nuncium illum quondam Alexandri VIII P. R. ad Galliarum Regem, eoque loco Epistolam integram promittit *Maintenonia*, qua hæc Pontificis S. ad se epistolii meminit, & Franciscum Tarvisinum laudat. Cujus ejusdem commentarium de *Juramento reis deferendo* editum, item *decisiones* cum *Thomæ Tarvisini Jcti decisionibus* edendas, museum porro antiquitatibus refertum, denique *dissertationem Chronologicam & Genealogicam* pro veritate Scripturæ S. conscriptam commendat epistolæ nostræ Clarissimus Autor. Qui jam tandem ad Illustrissimum, Bernardum Tarvisinum, Meditationum Philosophicarum autorem devolvitur, ejusque parentes, & studia philosophica, philologica, mathematica, pictoria, antiquaria describit; deinde museum, cujus Inscriptiones Græcas & Latinas *Jo. Ant. Astorio* editum iri confidit; postea Bibliothecam mille & amplius MSS. codicibus refertam, inter quos est *Alex. Tassoni* *Conspectus Annalium Baronii* tribus voluminibus, quo multi Baronii errores castigantur, &c. quos omnes in *Catalogo MSS.* se commemoraturum promittit Noster; porro scripta nondum publicata XLII; præterea mores atque amicitias ejusdem commemorat, tandemque ad Meditationum ejus Philosophicarum opus progreditur, cujus *Specimen*, li-

brum

brum nempe de *Immortalitate Animæ*, Venetiis A. 1699 in 4 prodisse docet. Ipsum autem illud *Meditationum* opus, non compilatum, sed ex ingenio Autoris natum, in VIII volumina, partibus distincta, dispescitur. E quibus primum Volumen partibus tribus, adversus *Scepticos* rerum veritatem & cognitionem, adversus *Atheos* DEI existentiam & providentiam, deindeque animæ immortalitatem demonstrat. Volumen II Legibus Gentilium rejectis, Scripturæ S. auctoritatem confirmat. III Fidei Christianæ veritatem: IV Religionis Catholico - Romanæ præstantiam, Mahometana cæterisque condemnatis: V Pontificis R. dignitatem probat. VI deinde, ad Politica spectans, Legum necessitatem ostendit. VII autem morum doctrinam affectuumque, moderationem commendat. Denique VIII viam tranquillius & vivendi & moriendi commonstrat. Hæc ubi latius paulo diduxit Autor Epistolæ doctissimus, libellum concludit. Cæterum eundem Nobilissimum Autorem plura alia & edidisse, & adhuc moliri, non ignoramus. Quippe Tomo I operis, quod *La Galleria di Minerva* inscribitur, & Venetiis A. 1696 in fol. prodire cepit, p. 65 ejus Vita Joannis Georgii Trissini, p. 78 Vita Joannis Baptistæ Guarini Poetæ celeberrimi, & p. 165 Series Chronologica Auctorum, qui publica auctoritate Historiam Venetam scripserunt, deprehenduntur; ut taceamus, eum Academix, quam *della Galleria di Minerva* vocant, Secretarium diserte perhiberi ejusdem operis tomo II p. 165. Quin & elegantissimum ejus Drama *Il Narcisso Pastorale*, intra decem dierum spatium compositum, commendat Joannes Cinelli in Bibliotheca Volante Loculo (*Scanzia*) X, qui hæcenus desideratus Venetiis hoc ipso anno prodit, pag. 9. Denique ex Justi Fontanini libro *L'Aminta di Torqu. Tasso disejo e illustrato* Romæ A. 1700 edito p. 179 didicimus, Apostolum Zenum opus excellentissimum de Poetis Italis moliri, in quo eos contra exterorum censuras defendere conabitur.

OSERVATIO AD RECENSIONEM LIBRI DE
Fidei & Rationis consensu a Domino JAQUELOTO
editi mense Octobri proxime præcedenti
factam.

Cum

Cum hæc Recensio Clarissimi Jaqueloti Sententiam de *Leibniziana Harmonia præstabilita Hypothesi* attigerit, quæ nusquam adhuc in his Actis est explicata; operæ pretium visum est, ad meliorem ejus intellectum, missam nobis ipsorum Dn. Jaqueloti verborum ex Libro recensito excerptorum Latinam versionem adjungere, ut appareat, quis sit consensus aut dissensus. Quia (inquit pag. 381. 382.) difficile est, comprehendere, quomodo voluntas motum corpori imperet, Celeberrimus Leibnitius Corpus considerat tanquam machinam tensam & dispositam ad efficiendos omnes motus quos producit, & Animam tanquam substantiam omnes continentem ideas sese successive evolventes, modo motibus omnibus corporis conformi & correspondente. Itaque cum brachium movere volo, evenit, ut brachium moveatur virtute machinæ dispositæ atque tendentis ad brachium in hoc instanti movendum. Hoc modo Anima & Corpus se fere habebunt, ut duo horologia pendula, quæ motus suos pariter lisdemque momentis exercent. Qui causas occasionales defendunt, volunt ob unionem animæ & corporis, Deum ad certorum motuum præsentiam in anima formare certas ideas; & ad præsentiam certorum actuum voluntatis, Deum producere certos motus in corpore. Quod Dn. Leibnitius non probat, quia ista hypothesis perpetua supponit miracula. Systema receptum medium inter has duas sententias tenet, quæ magnas difficultates pati videntur. Videri possit prima specie, in priore systemate libertatem non nisi quandam illusionem esse, cum anima & corpus per causam efficacem & antecedentem ad omnes suas cogitationes & actiones disponantur, tantumque revera evolvatur, quod erat rectum & involutum. *Systema causarum occasionalium* majoribus adhuc difficultatibus laborat. Nam in eo Deus agit omnia, creaturæ non nisi umbræ sunt vanæ, & entia actionis expertia. Quid ergo virtutibus & vitiis fiet? An credi oportet, Deum ad aspectum Bethsabæ in anima Davidis ideam concupiscentiæ excitasse, & in animas Pharisæorum impressisse ideas blasphemiarum contra Spiritum Sanctum, cum demones viderent ex corporibus dæmoniacorum ejectos? Quocunque effugio, aut quacunque subtilitate utamur, res huc semper redit. Exponit deinde Clarissimus Autor rationes, cur systema receptum,

A a a a

quo

quo anima in corpus & corpus in animam influxum exercet, ipsi magis placet. Sed tandem ita pergit p. 387. sqq:

Si tamen systema Leibnitianum bene intelligitur, reperietur, in eo non destrui libertatem; anima enim facultatem habet decreta sua formandi, ac volendi quod placet. Et quod actiones corporis ab anima imperatas attinet, non potest officere libertati dispositio corporis ita a Deo formati, ut motus ejus præcise voluntatibus animæ respondeant, quod tali exemplo intelligi potest. Ponamus, Mechanicum egregium scire, quæ ego famulo meo tali die sim imperaturus, eumque posse formare automatam par exequendis omnibus motibus a me ea die imperandis. Certum est, me tunc Automato illi tanquam famulo meo imperaturum ea, qua fruor, libertate, neque illam ipsius automati spontaneam ad suos motus determinationem, quicquam libertati meæ præjudicaturum. Eodem se modo res habet in corpore humano, secundum systema Leibnitianum, quod ideo appellari solet *Systema Harmonia præstabilita*. Deus formavit nostra corpora tanquam machinas, quæ debent respondere certis motibus nostrarum animarum. Tale Automatum non est impossibile Deo, qui novit omnes determinationes meæ voluntatis, motusque machinæ his determinationibus accommodavit. Hoc systema exemptum est difficultatibus, quæ in aliis reperiuntur. Non intelligitur in systemate recepto, quomodo voluntas agere possit in corpus, & in systemate causarum occasionalium omnia fiunt miraculose, & Deus movet brachium meum occasione meæ voluntatis, corpus propriè loquendo nihil agit. Sed in systemate Leibnitiano agit revera. Quod animam attinet, concipi utique potest, Deum ipsi in creatione dedisse ideas confusas & involutas omnium objectorum universi, quæ evolvantur & distinctæ fiant, prout objecta mutationes producant in eo corpore, quod animæ est conjunctum, quia Deus ita creavit animam & corpus, ut perfecte sibi respondeant. Anima deinde in sese ipsa agit secundum illas ideas & perceptiones distinctas, ut judicia sua formet, suæque placita ac destinata animo concipiat, secundum electionem quam inhiuit. Ipsa imperat, & corpus exequitur virtute dispositionis a Creatore ad exequendum ei datæ.

Itaque concludo (*inquit Vir Clarissimus sub ipsum differantia*)

rio-

sionis finem) si intelligi queat, animam agere in corpus propria virtute, & quodam genere influxus, qui motum in eo producat, sequendum esse systema receptum. Simplicius enim est aliis & liquidius, (*plus simple & plus dégagé.*) Et in favorem ipsius, adduci potest exemplum Dei cuncta creantis & conservantis sola voluntate. Sed si velimus sequi ideas, quas habemus de corpore & de spiritu, una cum propriis eorum attributis, atque adeo nolimus corpus agere in spiritum, aut spiritum (creatum) in corpus; amplectendum erit systema Leibnitianum. Systema enim causarum occasionalium non nisi mera est illusio. *Hec Clariusfimus Autor*, agnoscens commercium animæ & corporis, secundum naturæ ordinem, non alio modo, quam secundum Leibnitianam hypothesin, intelligibiliter explicari posse. Quoniam in iis, quæ in corpore & anima intelligimus, nihil apparet, quod ad influxum eorum mutuum explicandum inserviat. Cæterum modus, quo Deus agit in creaturas, toto genere diversus est, consistit enim in creando: quoniam ipsa creaturarum dependentia a Deo seu conservatio, continua est creatio. Hanc autem dependentiam veram & necessariam esse, certis demonstrationibus docemur, etsi modum hunc agendi, ob infinitam ipsius agentis naturam, explicare non possimus.

GEOGRAPHIA SACRA, EX VETERI ET NOVO
Testamento desumpta & in Tabulas quatuor concinnata, Autore
NICOLAO SANSON, Abbavillæ & Galliarum Regis Geographo. Accesserunt in Indicem Geographicum Notæ
JOANNIS CLERICI, nec non ejusdem
Præfatio.

Amstelæd. apud Franciscum Halmam, 1704. in fol. ch. aug.
Constat Alph. 2. plag. 7. & Tab. Geogr. 4.

Liber iste jam olim, anno nimirum seculi superioris sexagesimo quinto, Lutetiæ Parisiorum lucem adspexit. Cum igitur, Francisco Halmæ, Bibliopolæ Amstelodamensi solertissimo, eundem denuo typis exprimere visum fuisset, doctissimum Clericum, adiit, & ab eo petiit, ut, si qua ratione nova hæc editio exornari augerive posset, illud facere non gravaretur. Vir ille

Clarissimus, quemadmodum nihil prius antiquiusve habet, quam ut bonis literis quacunque data occasione auxiliatrices manus commodet, sic hac quoque vice honestis petitis absque ullo negotio annuit, adeoque ejus opera varia accesserunt, quæ novam hanc editionem splendidiorem longe atque Reipublicæ literariæ utiliorem hæud dubie reddunt. Primo enim præfationem præmisit luculentissimam, in qua quendam indiculum eorum texit, qui aut Judæam descripserunt, aut certe quidpiam ad Geographiæ sacræ illustrationem, labore atque industria sua contulerunt. Nec tamen omnes, qui Itineraria olim aut nuper Terræ sanctæ scribere, in medium attulit, eos tantummodo recensere satis habens, qui antiquam Judæam eruditorum oculis exposuerunt. In hisce itaque recensendis initium facit ab Aristea, qui in Historia LXX Interpretum, & Hierosolymam & Judæam paucis descripsit; agmen vero claudere jubet celeberrimum Fridericum Spanhemium, non ita pridem fato functum, qui primæ parte Geographiæ sacræ, Judææ Chorographiam breviter & perspicue tradidit. In hisce autem omnibus, quorum mentionem fecit, tum quæ laudanda, tum quæ desideranda veniant, paucis lectori indicavit. Et tandem, cum in Geographia sacræ spicilegium non omnino spernendum relictum fuerit, se ipsum in Commentario suo ad Josuæ librum mox edendo, id sedulo operam daturum esse pollicetur, ne quid in posterum ad Geographiam illam antiquam Judææ probe intelligendam desit. Post hæc Clarissimi Clerici prolegomena, alia, ipsius nempe Auctoris, præfatio sequitur, in qua instituti rationem breviter exponit, quam in adornandis duabus tabulis Geographicis, quarum una totius orbis in Bibliis sacris cogniti partes continet, altera Terram promissam sive Judæam in suas tribus divisam exhibet, secutus fuerit. In iis enim concinnandis, se Terræ sanctæ tabulas omnes & descriptiones, a variis auctoribus exaratas, inter se contulisse, iisque accurate inspectis, Adrichomii typum aliorum omnium optimum, ejusdemque descriptionem reliquis exactiorem cognovisse. Quamvis igitur Adrichomii typum se plurima ex parte imitatum esse, non disiteatur, diversam tamen ab eo rationem in locorum positionibus se observasse, earumque pene alteram partem immutasse, & ubi Adrichomius ex singulis urbium nominibus

bus

bus plura fecerit, iis verum genuinumque nomen restituisse. Hanc præfationem excipiunt animadversiones in tabulam Judææ, ubi numerum civitatum cujuslibet tribus earumque situm, longitudine & latitudine locorum simul ad marginem adnotata, accurate exponit, ita ut observationes notatu utique dignas subinde inspergat. In hisce autem animadversionibus, lectores sapissime ablegat ad Indicem Geographicum, quem iisdem Auctor statim subjunxit, in quo regiones & loca omnia, in utraque tabula Geographiæ sacræ descripta, uberius explicat, rerumque simul temporibus utriusque Testamenti in iis gestarum historiam, verbis ex Scriptura S. satis prolixè allegatis enarrat. Quamvis autem Sansonius in hisce, quæ hæcenus recensuimus, egregiam plane operam præstiterit, doctissimus tamen Clericus in notis ad Indicem ejus Geographicum evidenter ostendit, Virum Clarissimum feliciter, & magis inoffenso pede, in hoc stadio decurrere valuisse, si æque a notitia Hebrææ & Græcæ linguæ, ac reliqui Geographicæ disciplinæ artificii, instructus accessisset. Quod si enim ipsos fontes adire licitum ei fuisset, multa sane urbium nomina Vulgata sequendo perperam non scripsisset, nec etiam animadversiones veritati Historiæ repugnantes sæpius attulisset; id quod Clericus in notis jam dictis multis omnino exemplis probavit. Nec solum in iis id egit Vir doctus, ut potissima Sansonii delicta, minoribus prætermittis, emendaret, sed passim quoque addidit, unde plura & meliora peti possint, in eorum gratiam, quorum hæc accuratius nosse intererit. Agmen in hoc opere Geographico claudit brevis tractatus, quem *Judææ* nomine auctor Sansonius insignivit, in quo id potissimum agit, ut brevem historiam contexat eorum, qui hanc regionem diversis temporibus incoluerint. Quibus omnibus accedunt Jesu Christi & Apostolorum Petri & Pauli vitæ, ab eodem in epitomen contractæ, in quibus, verbis ex Scriptura S. desumptis, præcipue describuntur illorum patria, mansiones, itinera & peregrinationes, quæ ut lectorum oculis eo melius represententur, in hunc finem utriusque operi tabula Geographica est præfixa.

Et sic finem de hoc libro disserendi faceremus, nisi unicuique adhuc commemorare, operæ prætium fore existimarem. Nimirum sub finem Bibliopola pollicetur, se suavis Virorum do-

ctorum, Eusebii librum de Locis Hebraicis, quem Clericus quoque in præfatione cæteris omnibus ad Geographiam sacram pertinentibus præstare dixerat, cum Hieronymiana versione, quamprimum editurum esse. In eo autem excudendo, se Jacobi Bonfrerii editionem, quam sequatur, elegisse ait, ita tamen, ut notis subinde novis Clarissimi Clerici illustrata ea proditura sit, eidemque operi subjiçiat descriptio Terræ sanctæ a Brocardo quondam edita, cujus itidem Clericus in præfatione supmentionem injecerat. Hæc omnia ita typis imprimenda ma adseverat, ut cum Sanfonii non nimis spisso opere, ad voluminem constituendum, conjungi & una compingi queant.

*JO. BARTHOLDI NIEMEIERI THEOL. D. ET IN
Academia Julia P. P. Theologia Moralis. Editioni huic
secunda accesserunt de Gentilium statu atque
conditione post hanc vitam Dissertationes duæ.*

Helmstadii, apud Salom. Schnorrium, 1704, in 4to.

Constat Alph. l. pl. 3.

JAm aliquot effluxerunt anni, ex quo Maxime Reverendus Autor Theologiam Moralem in usum exercitiorum Academicorum, adornavit, preloque commisit. De cujus nova editione, ob distracta exemplaria, cum cogitaret, notas, quas in priori promiserat, passim inferere in animo quidem habuit, verum ne auditorum suorum commodis mora injiceretur, hac vice libello nihil addidit, nihilque in eo immutavit. In illo autem eam observat methodum, ut in parte communi finis, cum ultimi & externi, qui est æterna hominis salus, tum proximi & interni, qui est pia & Christiano homine digna vita, rationem habeat, hinc subjecto, homine scilicet justificato & renato, exposito ad media deveniat, ac in parte speciali triplicem statum hierarchicum sequatur, ad illius ordines singula vitæ genera reducens. Ne tamen sine omni additione libellus hic prodiret, eidem Dissertationes duas, de Gentilium statu atque conditione post hanc vitam, jam anno 1694 primum editas, Clarissimo Autori placuit subungere, in quibus ortho-

orthodoxa sententia, cum S. Scripturæ testimoniis, tum præfæ Ecclesiæ suffragiis atque consensu confirmatur, & contra dissentientes, quorum magnam nubem posterior Dissertatio sistit, non accurate minus quam modeste adstruitur.

JO. ANDRÆ SCHMIDII, D. P. P. ABBATIS *Maria-Vallensis*, *Compendium Theologiæ Moralis, in varios Auditorum usus conscriptum, & in subsidium memoriæ tabulis instructum.*

Helmstadii, impensis Jo. Melch. Suftermanni, 1705. in 8.
Constat Alphabet. 1. plag. 3.

Cum Theologiæ Dogmaticæ & Ecclesiasticæ Historiæ compendia, maxime in usum suorum Auditorum, hætenus ediderit Reverendissimus Schmidius, commoda discipulorum non minus se promoturum esse existimavit, si primas Moralis Theologiæ lineas duceret, easque typis exscribendas traderet. Quamvis vero diversi hujus doctrinæ doctores diversas tractandi rationes sequantur, dum quidam solum Decalogi ductum observant, ut veteres nonnulli & recentiores; alii & Decalogi & Orationis Dominicæ ordini insistant, uti *Hornejus*; alii capita omnia Catechetica respiciunt, ut *Dannbauerus* & *Langius*; alii Locorum omnium Theologorum rationem habent, uti *Majus*: quamvis etiam juxta monitum *Baconis de Verulamio de Augm. Scient. l. 7. c. 1.* duas hujus doctrinæ partes constituere quis posset, alteram de *exemplari*, seu natura boni, alteram de *regimine* & cura animi, quam partem *Georgicam animi* Baco adpellavit, uti hæc Celebrerrimus Autor in hujus libelli prolegomenis p. II. ipse monet: placuit tamen eidem aliam viam eligere, ac methodum practici scientiæ alias communem retinere. Præmissis nimirum quibusdam prolegomenis, in quibus natura & constitutio Theologiæ Moralis exponitur, in tres partes dispescitur: compendium, quarum *prima* vitæ sanctimoniam illiusque oppositum describit; *secunda* subiectum operationis, seu hominem sanctificandum exhibet; *tertia* denique de principiis & mediis ad vitæ sanctimoniam ducentibus agit. Singula autem ita pertractantur, ut thesēs breviores, in-

inspersis quibusdam notis, in singulis capitibus declarentur, in quorum fine tabulæ synopticæ ad juvandam legentium memoriam adduntur. In brevi alloquio ad Auditores, huic compendio præmissio, Cel. Autor a Deo ad elaborandum majus aliquod Theologiæ Moralis Systema plura eaque specialiora continens capita, nec non ad pertexendas reliquas operas, quas olim auditoribus suis promiserit, vires & otia sibi expetit. Hujus ergo voti ut compos reddatur, nos ipsi benignissimum Nomen serio precamur.

D. ÆGIDII STRAUCHII, THEOLOGI OLIM Vitenbergensis atque Gedanensis, Theologia Morali, in Academia Regia Pomeranorum e manuscripto edita atque disquisitioni publica exposita a D. JO. FRID. MAYERO, Consiliario Regio, Theologo Prof. Prim. Universit. Pro-Cancel. & Superint. Generali, qui Bibliothecam Scriptorum Theologiæ Moraliæ & Conscientiarum adjeci.

Gryphiswaldiæ & Lipsiæ, apud Jo. Wolffg. Fickweilerum, 1705, in 8. Constant Alph. 2. pl. 9.

Quemadmodum celeberrimi nominis Vir, Jo. Frid. Mayerus, Gryphiswaldensis Academiæ illustre decus, & sui ingenii præstantissimi, & aliorum monumentis editis, eruditum Orbem jamdudum sibi obstrictum reddidit: ita cum præsens Ægidii Strauchii opusculum scholis ultimis Vitenbergæ, antequam Gedanenses accederet, ab ipso traditum, in sermum instructissimæ suæ Bibliothecæ hæcenus delituisse, noluit illud, pro eo quo in rei literariæ commodum fertur studio, publicæ luci amplius invidere. Equidem auctius quoddam Moralis Theologiæ opus, ab eodem beatæ memoriæ Strauchio elaboratum, plurimorum manibus ferri non ignorat; ex quo ea, quæ huic opusculo deesse videntur, B. Hilfemanni Casibus Conscientiæ, quæ itidem ex manuscripto editurus est, addere constituit Summæ Reverendus Editor: utilis tamen ipsi visum fuit, præsens compendium, quod ingeniosa brevitate se commendat, Orbi erudito exponere, præsertim cum usus Doctorum Academicorum illud edere, & XXI disputationibus

bus ad ventilandum studiosis juvenibus proponere susceperit; perinde uti olim in Academia Vitenbergenſi, Doctoris publici munere fungens, B. Dorchæi Theologiam Moralem typis publicis exſcribi fecerat, & ex cathedra Academica publico examini ſubjce- rat: quod Dorchæi quoque opus ex B. Autoris *αὐτογενὲς Φυ*, quod interea nactus eſt, accuratius edere conſtituit. Ipſum vero Strauchii opus, quod Viſo Perilluſtri, Olao Hermelino, Carolo XII Suecorum Monarchæ a ſanctioribus conſiliis, una cum Bibliotheca ſubjuncta Mayerus dedicavit, ita comparatum eſt, ut primo naturam & conſtitutionem Theologiæ Moralis, deinde ſinem atque media tum generalia, tum ſpecialia, exhibeat hac methodo, ut ex propoſitis quæſtionibus, quibus *ἐν 9 τοῖς* quædam ſubjicitur, conſuſiones certæ educantur, quas antithetiſis demum excipit.

Quod Bibliothecam Scriptorum Theologiæ Moraliſ & Conſcientiariæ attinet, quam Celeberrimus Mayerus in ſtudioſæ Ju- ventutis gratiam collegit, & B. Strauchii libro adjecit, in tres par- tes illa dividitur, in quarum prima Scriptores noſtræ Eccleſiæ, in ſecunda Reformati, in tertia Pontificii, ordine alphabetico ita re- cenſentur, ut anno, quo quivis mortem obiit, plerumque in- dicato, librorum huc ſpectantium titulus exhibeatur, ſapiusque aut de ſcriptoribus, aut ſcriptis, judicium quoddam ſubjicia- tur. Dam p. 5. Autor *Jo. Conradi Dannhaueri libros Conſcien- tia apertos*, h. e. *Theologia Conſcientiaria* tomos duos memorat, monet ſe primas perfectiſſimi laboris hujus lineas, quas in gratiam auditorum privatorum Argentorati A. 1647 ſummus Theologus duxerat, in Mſto poſſidere, quæ lacunas quasdam in poſteriori tomo occurrentes, cujus publicationi *B. Dannhauerus* immortalis eſt, feliciffime ſupplere poſſint, easque, ſi Deus vitam viresque conceſſerit, quas ipſi quoque exoptamus, e tenebris ſe productu- rum promittit. Neque prætereundum eſſe exiſtimamus, quod p. 26 circa *B. Schomeri Specimen Theologia Moraliſ* occurrit, de quo plurimi hætenus perſuaſi fuerunt, morte laudati Aucloris præmatura factum fuiſſe, quin opus præſtantiffimum perficere potuerit. Verum Mayerum noſtrum V. r Clariffimus *Jo. Philip- pus Palthenius*, ipſius Collega conjunctiſſimus, qui mutui adſe- ctus Puſendorffium inter & Schomerum interpres olim extitit,

Bbb b

alia

alia edocuit, monuitque causam abrupti operis non magis morti tribuendam, quam mutatæ in *Schomero* potius animi sententiæ, quæ alia jam ratione opus susceptum aggredi ad *Pufendorffii* sententiæ, induxerat in animum. Scilicet (ita Mayerus ipse rem exponit) postquam proscripta, quæ in scholis olim obtinuerat, rerum a revelatione atque ratione pendentium confusione, *Pufendorffius* meram Philosophiam Moralem ita tradiderat, ut ad captum esset omnium omnino hominum, quacunque illi religione tenebantur, & posita certa propositione, quam vocat, fundamentali, reliquæ ex ea theses perpetuo quodam ratiociniorum nexu junctæ deducerentur: monebat idem *Schomero*, ut Theologiam Moralem, ex sacro Codice traditis unice depromptam, eoque principio initiam, continua coherentium dogmatum serie extructam, omniumque, qui circa res rationi proprias dissentirent, captui accommodatam nobis daret, ut adeo latus Philosophiæ, utpote natura sua prioris atque latius patentis, quæ eandem subsequitur, atque strictius præcipit, Theologia apte clauderet, & in singulis partibus, quæ hominis, quæ Christiani officia sint, distincte cognosceretur. Id quod eo quidem commodius *Pufendorffius* exstimabat, quod hoc modo docendi ratio, ipsi Christo usurpata, in usum scholarum adduceretur, qui non dispari ratione summam legi ad *charitatem* reduxisset, quam qua ipse honestatis compendium in *socialitate* tradidisset, simulque surrecturis inter Theologos atque Philosophos controversiis æternus poneretur obex. Hinc adeo, probante *Pufendorffii* sententiæ *Schomero*, factum esse, ut non tam de veteri opere continuando, quam de novo concinnando, Theologus summus cogitaverit: spes deinde omnes intervertente morte. P. 28 *Conflicta Theologiae* Vitebergensia, a Calovio, Meisnero, Quenstedio & Deutschmanno collecta, Mayerus recenset, optatque non modo, ut istorum exemplum alii Doctores Facultatum Theologicarum nostræ Ecclesiæ imitarentur, sed dolet etiam vehementer, scripta ejusmodi sanctissima sæpe ab hæredibus Decanorum negligi penitus ac pessime haberi, mente imprimis volvens, quæ de plurimis Consiliis & Responsis Theologorum Lipsiensium, *Schilteri*, *Weinrichii*, *Lyseri*, *Höpfneri* aliorumque, a *B. Scherzaro* olim audiverit. Et quamvis idem fere

fa-

fatum eam Facultatem, quam hodie ornat Magnificus Vir, oppres-
ferit, subtraxeritque hucusque *Rungiorum, Krakewizii, Batti, Bal-*
thas. Rauens, aliorumque labores, spem tamen non levem ad-
fulgere dicit, quadam illorum, Deo propitio, improbo stu-
dio se adepturum, & publico daturum
esse.

ERRATA.

Pag. 16 lin. 18 lege רררר. Pag. 13 sqq. lege *Theraphim*.
Pag. 15 l. 5 pro *filium suum* lege *Leviam*. P. 196 l. 6 pro *para-*
chiales lege *ecclesiam*. P. 198 l. 9 pro *itaque* lege *atque*. P. 201
l. 33 ante vocem *frequenter* pone *interca*. P. 206 l. 27 pro *pars*
fructuum lege *magni autem sint fructus exinde abvenientes, pars*
illorum. P. 238 initio lineæ 11 ponatur vox *ipsorum*. P. 239 l. 23
pro *stabilitas* lege *stabilita*. P. 312 l. 13 pro *existimerur* lege *se-*
existimet.

INDEX AUCTORUM,

quorum Libri aut Inventa hoc volumine
recensentur.

I. Libri Theologici & ad Historiam
Ecclesiasticam spectantes.

- Alexandri (Natalis) Expositio Evangelii Jesu Christi secun-
dum quatuor Evangelistas. 388
Anonymi Conciliatio Moysi & Stephani circa numerum Familiae
Jacobi. 103
Anonymi Admonitio ad Catholicos Federati Belgii incolae de
Decreto Romanae Inquisitionis contra Archiepiscopum
Sebastianum dato. 105
Anonymi Motivum juris pro Procuratore Curiae Ecclesiasticae
Mechliniensis contra P. Paschasium Quessel. 421
Bbb b 2 Bac.

alia edocuit, monuitque causam abrupti operis non magis morti tribuendam, quam mutatæ in *Schomero* potius animi sententiæ, quæ alia jam ratione opus susceptum aggredi ad *Pufendorffii* sententiam, induxerat in animum. Scilicet (ita Mayerus ipse rem exponit) postquam proscripta, quæ in scholis olim obtinuerat, retinenda a revelatione atque ratione pendentium confusione, *Pufendorffius* meram Philosophiam Moralem ita tradiderat, ut ad captum esset omnium omnino hominum, quacunque illi religione tenerentur, & posita certa propositione, quam vocat, fundamentali, reliquæ ex ea theses perpetuo quodam ratiociniorum nexu junctæ deducerentur: monebat idem *Schomerum*, ut Theologiam Moralem, ex sacro Codice traditis unice depromptam, certoque principio innixam, continua coherentium dogmatum serie extractam, omniumque, qui circa res rationi proprias dissentirent, captui accommodatam nobis daret, et adeo latus Philosophiæ, utpote naturæ suæ prioris atque latius patentis, quæ eandem subsequitur, atque strictius præcipit, Theologia apte clauderet, & in singulis partibus, quæ hominis, quæ Christiani officia sint, distincte cognosceretur. Id quod eo quidem commodius *Pufendorffius* existimabat, quod hoc modo docendi ratio, ipsi Christo usurpata, in usum scholarum adduceretur, qui non dispari ratione summam legi ad *charitatem* reduxisset, quam qua ipse honestatis compendium in *socialitate* tradidisset, simulque surrecturis inter Theologos atque Philosophos controversiis æternis poneretur obex. Hinc adeo, probante *Pufendorffii* sententiam *Schomero*, factum esse, ut non tam de veteri opere continuando, quam de novo concinnando, Theologus summus cogitaverit: spes deinde omnes intervertente morte. P. 28 *Consilia Theologica* Vitebergensia, a Calovio, Meisnero, Quenstedio & Deutschmanno collecta, Mayerus recenset, optatque non modo, ut istorum exemplum alii Doctores Facultatum Theologicarum nostræ Ecclesiæ imitarentur, sed dolet etiam vehementer, scripta ejusmodi sanctissima sæpe ab hæredibus Decanorum negligi penitus ac pessime haberi, mente imprimis volvens, quæ de plurimis Consiliis & Responsis Theologorum Lipsiensium, *Schilleri*, *Weinrichii*, *Lyseri*, *Höpfneri* aliorumque, a *B. Scherzaro* olim audiverit. Et quamvis idem fere

fatum eam Facultatem, quam hodie ornat Magnificus Vir, oppres-
serit, subtraxeritque hucusque *Rungiorum, Krakewizii, Battii, Bal-*
thas. Rauens, aliorumque labores, spem tamen non levem ad-
fulgere dicit, quodam illorum, Deo propitio, improbo stu-
dio se adepturum, & publico daturum
esse.

E R R A T A.

Pag. 16 lin. 18 lege עירר. Pag. 13 sqq. lege *Theraphim*.
Pag. 15 l. 5 pro *filium suum* lege *Levitam*. P. 196 l. 6 pro *para-*
chiales lege *ecclesiam*. P. 198 l. 9 pro *itaque* lege *atque*. P. 201
l. 33 ante vocem *frequenter* pone *interca*. P. 206 l. 27 pro *pars*
fructuum lege *magni autem sint fructus exinde obvenientes, pars*
illorum. P. 218 initio lineæ 11 ponatur vox *ipsorum*. P. 239 l. 23
pro *stabilitas* lege *stabilita*. P. 312 l. 13 pro *existimetur* lege *se-*
existmet.

INDEX AUCTORUM,

quorum Libri aut Inventa hoc volumine
recententur.

I. Libri Theologici & ad Historiam
Ecclesiasticam spectantes.

- Alexandri (Natalis) *Expositio Evangelii Jesu Christi secun-*
dum quatuor Evangelistas. 388
Anonymi *Conciliatio Moysi & Stephani circa numerum Familiae*
Jacobi. 103
Anonymi *Admonitio ad Catholicos Federati Belgii incolae de*
Decreto Romanae Inquisitionis contra Archiepiscopum
Sebastenum dato. 105
Anonymi *Motivum juris pro Procuratore Curiae Ecclesiasticae*
Mechliniensis contra P. Paschasium Quesnel. 421
Bbb b 2 Bac.

Bacchini (<i>Benedicti</i>) <i>Dissertatio de Ecclesiastica Hierarchia Originibus.</i>	330
Brantii (<i>Gerhardi</i>) <i>Historia Reformationis Belgii & vicinarum provinciarum.</i>	56
Braunii (<i>Job.</i>) <i>Commentarius in Epistolam ad Hebræos.</i>	390
Braun (<i>Davidis</i>) <i>Meditationes selectæ de Sublimi Hominiis Scientiis.</i>	51
Burkough (<i>Roberti</i>) <i>Discursus de Unitate Ecclesiæ; de Differentiis Separatione ab Ecclesiâ Anglicana &c.</i>	232
Calvoerii (<i>Casparii</i>) <i>Ritualis Ecclesiastici Pars posterior.</i>	166
Chreyghton (<i>Johannii</i>) <i>irium S. Johannis & unica S. Jacobi Epistolarum Explicatio.</i>	269
Clerici (<i>Joannis</i>) <i>Nota in Geographiam Sacram Nicolai Sansoni.</i>	555
Croesii (<i>Gerhardi</i>) <i>Historia Hebræorum ab Homero exposta.</i>	74
Cyrilli Hierosolymitani Archiepiscopi Opera, quæ supersunt, omnia. 1	
Van Dale (<i>Antonii</i>) <i>Dissertatio super Aristæ de LXX Interpretibus: Historia Baptismorum &c.</i>	519
Dandini (<i>Anselmi</i>) <i>De Suspectis de Hæresi Opus.</i>	547
Dodwelli (<i>Henrici</i>) <i>De Nupero Schismate Anglicano Patensis ad externos, quæ Episcoporum a Magistratu Seculari independentia asserenda commendatur.</i>	132
Erasmi (<i>Desiderii</i>) <i>Operum omnium Tomus V. VI. VII.</i>	481
Feustkingii (<i>Jo. Henrici</i>) <i>Commentarius in Epistolam II ad Timotheum, secundam & tertiam Johannis, & Jude.</i>	242
Forbesii (<i>Joannis</i>) <i>a Corse Opera omnia.</i>	227
Van der Hardt (<i>Hermanni</i>) <i>Epistola in Genes. II. 18. 19. 20. de vocis ab Adam animalibus.</i>	247
Hodii (<i>Humfredi</i>) <i>de Bibliorum Textibus originalibus, versionibus Græcis & Latina vulgata.</i>	507
Hunnii (<i>Egidii</i>) <i>Tthesaurus Apostolicus, completens Commentarios in omnes N. T. Epistolas & Apocalypsin Johannis.</i>	241
Jaqueloti <i>Consensus Fidei & Rationis.</i>	440. 552
Ittigii (<i>Thome</i>) <i>de Synodi Carentonensis a Reformatis A. 1631 celebrata Indulgentia erga Lutheranos.</i>	364

INDEX AUCTORUM.

565

- Junieu (*Petri*) *Historia Critica dogmatum & cultuum bonorum
malorumque in Ecclesia ab Adamo usque ad Chri-
stum receptorum.* 9
- Kennet (*Wbite*) *de Appropriationibus & Augmento Curarum, quæ
Vicaria dicuntur &c.* 193
- Leidekkeri (*Melchioris*) *de Republica Hebræorum Libri XII.* 97
- Ludolfi (*Jobi*) *Psalterium Davidis Æthiopice & Latine, cum No-
tis & Lectionibus.* 64
- Mabillonii (*Johannis*) *Annales Ordinis S. Benedicti.* 413
- De Malvenda (*Petri*) *de Concilio Tridentino Epistola & Observa-
tiones* 246
- Mayeri (*Joh. FridERICI*) *Bibliotheca Scriptorum Theologia Moralis
& Conscientiaria.* 560
- Milles (*Thomæ*) *Nota in S. Cyrilli Archiepiscopi Hierosolymitani
Opera.* 1
- Mulleri (*Joh. Joachimi*) *Historia Protestationis Statuum Evangeli-
corum & Augustana Confessionis.* 255
- Nicholls (*Gulielmi*) *Collatio cum Theista, concernens doctrinam
de Immortalitate Animæ.* 91
- - *Tractatus de Religione Principis.* 381
- Niemcieri (*Joh. Bartholdi*) *de Conjugiis prohibitis Dissertationes
junctim editæ.* 315
- - *Theologia Moralis.* 558
- A Piconio (*Bernardini*) *Epistolarum B. Pauli Apostoli triplex Ex-
positio.* 476
- Pippingi (*Henrici*) *Sacer Decadum Septenarius, Memoriam Theo-
logorum nostræ ætate Clarissimorum renovatam ex-
hibens.* 230
- Quesnelli (*Paschasii*) *Idea universalis Libelli, qui sub titulo Moti-
vi juris contra P. Quesnellum editus est.* 426
- Sanson (*Nicolai*) *Geographia Sacra, cum notis Joh. Clerici.* 555
- Schmidii (*Joh. Andrea*) *Compendium Theologia Moralis.* 559
- Scgambati (*Scipionis*) *Archivorum Veteris Test. Libri III, seu de
Apocryphis V. T.* 337
- Strauchii (*Egidii*) *Theologia Moralis, edita a D. Joh. Frid. Maye-
ro.* 560

Bbb b 3

Stri-

- Strimelii (*Samuelis*) *Delineatio Consensus inter Evangelicos, Lutheranos & Reformatos, in fundamento fidei.* 139
 Van Toll (*Theodori*) *Expositio Prophetæ Amos.* 487
 Vaes (*J. A.*) *Processus Officii Fiscalis Curia Eccles. Mechliniensis contra Gabrielem Gerberon.* 242
 De Vargas (*Francisci*) *aliorumque de Concilio Tridentino Epistola & Observationes.* 246

II. Libri Juridici.

- Anonymi Manuale Processus Imperialis, seu Judicii Casareo-Imperialia Aulici.* 439
 Bergeri (*Jo. Henrici*) *Enarratio L. 10. ff. de Jure Fisci & L. 2. C. qui & adu. quos in integr. rest.* 433
 - - - *Electa Processus Executivi, Possessorii, Provocatorii & Matrimonialis.* 36
 Gothofredi (*Dionysii*) *Corpus Juris Civilis Romani.* 537
 Hornii (*Casparis Henrici*) *Jurisprudentia Feudalis Longobardo-Teutonica.* 340
 - - *De Jure Proedria seu Præcedentia.* 491
 Kennet (*White*) *de Appropriationibus, & Augmentis Curarum, qua Vicaria dicuntur &c.* 193
 De Lyncker (*Nicol. Christoph. L. Baronis & Equitis*) *Consilia, seu Responsa.* 314
 Mayeri (*Joh. Ehrenfried*) *Tractatus de Jure Primariarum Precum.* 428
 Menckenii (*Ludexi*) *Dissertationes Juridica.* 344
 Rivini (*Q. Sept. Florentis*) *Enunciata Juris ad Ordinationem Processus Saxon. Electoralem.* 379
 Struvii (*Georgii Adami*) *Jurisprudentia Germanice.* 43
 Struvii (*Burckhard Gottibellii*) *de Vita & Scriptis Georgii Adami Struvii.* 127
 Voet (*Johannis*) *Commentarii ad Pandectas Pars posterior.* 493
 Westenberghii (*Jo. annis Orwin*) *de Causis Obligationum liber singularis.* 207

III. Libri Medici & Physici.

- A** Nonymi Dilucidatio Libri de Generatione Vermium in Corpore Humano. 345
- Anonymi Collectio precipuorum quorundam Naturæ Phenomenorum, una cum variis Discursibus coram Societate Regia recitatis. 539
- Camelli (Georgii Josephi) Historia Stirpium insule Luzonis & reliquarum Philippinarum. 180
- Cowperi (Guilielmi) Epistola exhibens Anatomen earum Marsupialis Americani partium, quæ a fœmina partibus discrepant. 110
- Freind (Johannis) Emmenologia, seu de Fluxu Muliebri Menstruo. 174
- De Moor (Bartholomæi) Pathologia Cerebri Delineatio Practica. 57
- Morlandi (Samuelis) Observationes circa partes & usum florum in plantis. 275
- Raji (Joannis) Historia Plantarum Tomus III. 180
- Ridley (Hum.) Observationes de Asthmate, Hydrophobia, Cordis in Embryone structura &c. 117
- - - Experimentum Anatomicum ad veram Duræ Matris motus causam detegendam. 215
- Sidetæ (Marcelli) Carmen de Medicina ex Piscibus. 326
- Scheuchzeri Specimen Lithographiæ Helveticæ curiosæ. 479
- Tournefort (Josephi Pitron) Corollarium Institutionum Rei Herbariæ. 138. 180
- Valsalvæ (Antonii Mariæ) de Aure Humana Tractatus. 462
- Vieussens (Raymundi) Novum Vasorum Corporis Humani Systema. 453
- Wedelii (Georgii Wolffgangi) Centuriæ II Exercitationum Medico-Philologicarum Decas I. 251
- - - Introductio in Alcibiadem. 406
- Wolffii (Ido) Observationum Chirurgico-Medicarum Libri II. 286
- Wrightii (Jo.) de Ulcere Pulmonum Epistola ad Gu. Cowperum, cum hujus responsione. 211

IV. Li-

IV. Libri Mathematici.

- A** Nonymi Collectio Naturæ Phenomenorum a maximis avi-
bus Philosophis explicatorum. 539
- Bernoullii (Joannii) Motus Reptorius pro Lineis Curvis in unam
omnibus aequalem colligendis vel a se mutuo subtra-
hendis. 347
- Blanchinii (Francisci) Solutio Problematis Paschalis. 305
- Craig (Jo.) Solutio Problematis a Jo. Bernoullio in Diario Gallico
A. 1703 M. Febr. propositi. 190
- Hayes (Caroli) Tractatus de Fluxionibus, sive Introductio ad Phi-
losophiam Mathematicam & Mechanicam. 474
- Jartoux Observationes Macularum Solarium Pekino ex Sina-
missæ. 483
- Newtoni (Isiaci) Tractatus duo, de Speciebus & Magnitudine
Figurarum curvilinearum. 30
- Quartaironii (Dominici) Responsiones ad nonnullas Assertiones pro
Reformatione Calendarii Gregoriani de Pascha-
A. 1700. 319

V. Libri Historici, Geogra-
phici &c.

- A** Nonymi Sylloge Itinerariorum, quorum aliqua e linguis ex-
oticis in Anglicam translata, alia nunc primum
ex schedis Auctorum prodeunt &c. 151
- Anonymi Historiæ humani generis. 431
- Arriani Nicomedienfis Expeditionis Alexandri Libri VII & Histo-
ria Indica. 295
- Bacchinii (Benedicti) de Ecclesiastica Hierarchia Originibus. 330
- Begeri (Laurentii) Commentarius in Flori Rerum Romanarum
libros duos priores. 49
- Bosmanni (Guilielmi) Historia Itineris ad Littoris Guineensis in
Africa provincias suscepti. 261
- Bran-

INDEX AUCTORUM.

569

Brantii (Gerhardi) <i>Historia Reformationis Belgii & vicinarum provinciarum.</i>	36
De la Chaussée (Mich. Angeli) <i>Aureus Constantini Augusti Nummus de Urbe liberata explicatus.</i>	285
De la Croix <i>Geographia Universalis.</i>	479
Dodwelli (Henrici) <i>Chronologia Xenophontea.</i>	310
Eyringii (Elia Martini) <i>Vita Ernesti Pii, Ducis Saxonia.</i>	68
Fabricii (Jo. Alberti) <i>Bibliotheca Græca.</i>	323
Flori (L. Annaei) <i>Rerum Romanarum Libri II priores cum notis Laurentii Begeri.</i>	49
Von Franckenberg (Friderici Leutholzi) <i>Fœderalis Europæ, sive Accurata Descriptio Europæo-Christianorum Imperii, Regnorum &c.</i>	529
Gatti (Antonii) <i>Gymnasi Ticinensis Historia & Vindicta.</i>	394
Genebrier <i>Dissertatio de Magna Urbica.</i>	399
- - - <i>de Nigriniano.</i>	403
Gronovii (Jacobi) <i>Nota in Arrianum de Expeditione Alexandri & Historiam Indicam.</i>	295
Gros de Boze <i>Dissertatio de Jano antiquorum deque Nummis eo pertinentibus.</i>	405
Hankii (Martini) <i>de Silesiorum Nominibus, Majoribus & Rebus ab A. 550 ad 1170.</i>	257
Hooft (Petri Cornelii) <i>Opera omnia.</i>	385
Hyde (Eduardi) <i>Comitis de Clarendon Historia Rebellionis & Bellorum Angliæ Civilium ab A. 1641.</i>	145
Leidekkeri (Melchioris) <i>de Republica Hebræorum Libri XII.</i>	97
Leuckfeld (Jo. Georgii) <i>Descriptio Historica Libera Imperialis Abbatie Walckenredensis.</i>	409
Löschneri (Valentini Ernesti) <i>Ion, sive Originum Græciæ restauratarum Libri II.</i>	361
Lucentii (Julii Ambrosii) <i>Fulginateusum Elogia Sacra.</i>	267
Mabillonii (Johannis) <i>Annales Ordinis S. Benedicti.</i>	413
Mulleri (Jo. Joachimi) <i>Historia Protestationis Statuum Evangelicorum & Augustana Confessionis.</i>	255
Nicolson (Wilhelmi) <i>Bibliotheca Historica Scoticæ.</i>	156
Pippingii (Henrici) <i>Sacer Decadum Septenarius, Memoriam Theo-</i>	

Ccc c

10-

<i>logorum nostra aetate Clarissimorum renovatam exhibens.</i>	230
Sanfon (Nicolas) <i>Geographia Sacra cum notis Jo. Clerici.</i>	555
Smithi (Thome) <i>Vita D. Rob. Huntingtoni & D. Ed. Benwardi.</i>	217
Struve (Burchard Gottbelff) <i>de Vita & Scriptis Georgii Adami Struvii.</i>	127
<i>Selecta Bibliotheca Historica.</i>	169
Teisserii (Antonii) <i>Auctarium Catalogi Auctorum, qui Librorum Catalogos, Indices, Bibliothecas &c. confignarunt.</i>	335
Tentzelii (Wilh. Ernesti) <i>Saxonia Numismatica.</i>	289. 501
Vaes (J. A.) <i>Processus contra D. Gabrielem Gerberon.</i>	242
Wächleri (Christfried) <i>de Cancellariis Veterum Commentatio.</i>	171
Wells (Eduardi) <i>Opera Xenophontis illustrata.</i>	310
Wolffii (Jo. Christophori) <i>Historia Lexicorum Hebraicorum.</i>	301
Xenophontis <i>Opera omnia, curante Ed. Wells.</i>	310
Zeni (Apostoli) <i>Dissertatio Epistolica de magno Opere Meditationum Philosophicarum Dn. Bernardi Tarvisini, qua & de origine & Viris doctis Gentis Tarvisina exponitur.</i>	550

VI. Libri Philosophici & Philologici Miscellanei.

A Bschatzii (Jo. Asmanni L. B.) <i>MetaphraSES & Opera Poëtica.</i>	71
Braun (Davidis) <i>Meditationes selecta de Sublimi Homini Sciencia.</i>	31
Buchneri (Augusti) <i>Orationum Academicarum Volumina tria.</i>	448
De la Chausse (Michaelis Angeli) <i>Aureus Constantini Augusti Nummus explicatus.</i>	285
Croesii (Gerhardi) <i>Οἰκὸς Ἑσπεῖος, sive Historia Hebraeorum ab Homero in Odyssæa & Iliade exposita.</i>	74
Descene (Francisci) & aliorum <i>Descriptio Veteris Novæque Roma.</i>	478
	Gro-

INDEX AUCTORUM.

571

Gronovii (Jacobi) <i>Thesaurus Antiquitatum Græcarum, Tomi VI.</i>	85
<i>VII. VIII.</i>	85
- - - Tomi IX. & X.	85
- - - XI. & XII.	123
Gutberlethi (Tobia) <i>de Saliis Sacerdotibus & Opuscula alia.</i>	534
Hooft (Petri Cornelii) <i>Opera omnia.</i>	385
Huntingtoni (Roberti) <i>Epistola.</i>	217
Jaqueloti <i>Consensus Fidei & Rationis.</i>	449
Kederi (Nicolai) <i>de Numis Runicis Commentatio.</i>	36
Needham (Petri) <i>Geoponicorum sive de Re Rustica Libri, cum prolegomenis, notis & indicibus.</i>	183
Nicholls (Gulielmi) <i>Collatio cum Theista, concernens Immortalitatem animæ.</i>	91
Normii (Frederici) <i>Liber Satyrarum sedecim.</i>	312
Piazzæ (Bartholomæi) <i>Hierarchia Cardinalitia.</i>	527
Relandi (Adriani) <i>Dissertatio altera de Inscriptione Numerorum quorundam Samaritanorum.</i>	276
Rohrmanni (Christiani) <i>Uratistavia centum anagrammatibus adumbrata.</i>	299
Temple (Wilhelmi) <i>Opuscula posthuma, de indignatione populi: de sanitate & longæva vita: de eruditione veterum &c.</i>	39
Tribbechovii (Joannis) <i>Elementa Lingua Puzosinæ, seu Græcæ vulgaris.</i>	61
Ursii (Jo. Josephi Marchionis) <i>Observationes in Librum Gallicum Bouhoursii de Sententiis Ingeniosis.</i>	370
Wächtleri (Christfried) <i>de Cancellariis Veterum Commentariæ.</i>	171
Wedelii (Georgii Wolfgang) <i>Centuriæ II Exercitationum Medico-Philologicarum Decas I.</i>	251
Zeni (Apostoli) <i>Dissertatio Epistolica de magno Opere Medicationum Philosophicarum Dn. Bernardi Tarvisini Patri- cii Veneti.</i>	559

INDEX RERUM NOTABILIORUM

in hoc volumine obviarum.

אֲבוֹכָא <i>vocis Hebrae significatio.</i>	Advocata Abbatis Walcken-
15. 16	denfis penes quos olim fuerit?
Abbatia Walckenredensis qui-	419. sq.
nam olim Advocati?	In Advocatorum pœna leutera-
Abrahami Historia ab Homero	tionis aut appellationi non est
descripta.	locus.
82. sq.	379
Abſchatzii (Jo. Asmanni) elogi-	Ædilitium Edictum explicatum.
um.	310
71	Ægyptii cur Apin & Mnein co-
Acacii Cafariensis lis cum Cyrillo	luerint?
Hierosolymitano.	19
3. sq.	Ægyptiorum Iſis & Ofiris qualia
Academix Ticinenſis Origo.	Numina?
397	22
398	Acx quantum patiatuſ compres-
Academiæ Cancellarii.	ſionem?
173	542
Accreſcendi jus num inter legi-	- - condensari & rareſcieri ne-
tarios verbis tantum con-	quit in infinitum.
junctos locum habeat?	543
493	Acris expansio quomodo creſcat?
Actio panalis furti quando com-	542
petat contra furis hæredes?	denſitatis quam ſit ratio?
500	542
Actionum in factum origo &	altitudo.
varietas.	543
209	Æthiopicum Davidis Pſalteri-
Acus magnetica inventio.	um.
152	64
- - declinatio cur	Agnelli de Ravennatis Eccleſia
varietur?	Pontificibus ſcriptum cum no-
140. 541	tis Benediſti Bacchini publi-
Acuſticæ cum Optica convenien-	candum.
tia.	339
540	א' יוויא Cbristi.
Adamus num omnibus animal-	353
bus nomina impoſuerit?	248
Adipoſi ductus ex arteriis orien-	Alchimix abuſus.
tes.	408
458	In Alchimiam Introduſio.
	406
	Al.

- Alchimiſtarum requiſita. 407
 modus ſcribendi. 407
- Alexandri II R. P. erga Lanfrancum, olim præceptorem, pietas. 397
- Almæ textura. 277
- Ammianus Marcellinus explicatus. 405
- In Amoſi Prophetiam Commentarius. 487
- Amphoræ quid & quotuplex? 280
- Amplitudo Curvæ. 350
- Anabaptiſmi Hæreticorum & Schismaticorum origo. 526
- De Anagrammatibus variorum judicium. 299
- Anagrammatum exempla curioſa. 300
- Anclia Saliorum deſcripta. 535
- Angeli num bodieque peccare queant? 8
- In Angliâ qua fuerit pro diverſis temporibus bonorum Eccleſiaſticorum conditio? 191
 novum ſchisma ſub Wilhelmo Rege exortum 132
- Angliæ Reges quomodo annatas & decimas e beneficiis Eccleſiaſticis ſibi vindicant? 199 ſq. 205
- Ab Anglicana Eccleſia qui diſceſſerunt, num ſint ſchismatici? 237
- Cum Anglicana Eccleſia nunquam communicare poſſint Diſſenſientes, ut habiles ſiant ad officium publicum? 237
- Anglicani belli civilis A. 1641 accepti hiſtoria. 145
- Anima & corpus quomodo erga ſe invicem ſe habeant? 553
- Anima humana quid? 52. 446
- Animæ immortalitas aſſerta. 53 91 ſeqq.
- Animalculorum in ſemine humani figura. 545
- Animalia generantur ex animalculo. 544
- Animalibus cunctis num nomina impoſuerit Adamus? 248
- Animantium prima ſtamina ab origine mundi exſiſtere. 545
- Animus inquietus proprium hominis. 39
- Anna Auguſti Electoris Saxoniæ conjux Nata Daniæ Regina in nummiſ diſta. 294
- Annæ Angliæ Regina erga pauperes Eccleſiæ Miniſtros liberalitas. 193. 205
- Anni Tropici quantitas. 369
- Antiquitates Hebræorum illuſtratae. 27 ſq.
- Apin & Mænevin Aegyptii cur coluerint? 19
- Apis apud Aegyptios non Ofiridis, ſed Iſidus, ſeu Naturæ univerſæ ſymbolum. 22
- Apocryphorum Veteris Teſtamenti Librorum Catalogus. 338 ſq.
- Apolloniæ traditio, quod Chriſtus

- Apostolis preceperis, ne intra 12 annos Hierosolymis excederent, explicata & defensa.* 332
- Apoplexia quid?* 59
- Apostolorum Collegium Hierosolymitanum cur Αρχιεπισκοπικόν non fuerit insignium?* 133
- Appropriationum in Anglia origo & abusus.* 193 sq.
- Apuleius Geoponicorum scriptor quis?* 186
- Arabum Elephantiasis est morbus Phœnicæ Hippocratis.* 252
- Archi - Mareſchallatus Imperii Romano - Germanici Saxonia Electori competens quamvis jura complectatur?* 531 sq.
- Argathelæ Comitatus in Scotia memorabilis erga Carolum Regem ingratitudo.* 149
- Αρτυρον quid?* 253
- Arstæx de Septuaginta - Virali versione commentum exploratum.* 510 sq. 519 sq.
- quomodo natus?* 511
- Arrianus emendatus.* 290
- Arteriarum textura.* 458
- Asia Græcorum patria antiquissima.* 362
- De Asini capite in Hierosolymitani templi penetralibus deducti calumnia gentilium unde?* 281
- Ασπιδιον quid?* 254
- Asscuratio Anglis familiaris.* 544
- Asthma sicum & humidum inter se non differunt.* 119
- Astorii (Jo. Antonii) de Divi Cæsaris sententia.* 336
- Astrorum cultus per imagines ut caperis?* 17
- Asymptotos quamvis?* 32
- Athenæus explicatus.* 281.
- Cum Auditu visus convenit.* 549
- Aventures de Telemaque fils d'Ulysse, liber notatus.* 78
- Augustanorum Comitiorum A. 1530 Historia.* 257
- Augusti Electoris Saxonia memoria dicata numismata.* 294
- Auriculæ structura.* 463
- glandula sebacea.* 462
- musculus quintus.* 462
- cum offe temporum conexio.* 464
- Auris humana fabrica.* 462
- partium usus.* 469
- Aurium officula.* 465. 466
- Axamenta quid?* 536
- Aximensis in Guineensi littore provincia quibus bodienum parcat?* 262
- B** *Aldæ (Philippi) Descriptio Littorum Malabaræ &c.* 155
- Baptismi in veteri Ecclesia ætæmonia.* 8. 9
- Baptismus Judæorum cum baptismo Christianorum collatus.* 524
- Bali-*

Basilii (Valentini) Vita.	255	Bouhoursius refutatus.	371 sq.
Baumgarten (Martini) Iter in Ægyptum &c.	153	Brunnemannii (Johannii) Vita.	232
Belgicarum Ecclesiarum Catholi- carum libertates.	108	Brunsvigo-Luneburgicæ Domui asserum jus in Abbatiam Wal- ckenredensem.	412
Bellarminus notatus.	18	Brutorum anima num immorta- lia?	94
Benedictini Ordinis Annales Ma- billoniani.	412 sq.	De Bucephalo varia.	297
Scriptores.	414	De Buchanani Historia Scotica judicium.	161
Bernardi (Edwardi) Vita.	223	Buchneri (Augusti) Vita.	450
Scripta.	224	in Academi- am Wittebergensem merita.	453
SS. Bibliorum nova versio Slavo- nica adornanda.	240	Buckinghami Ducis Georgii fata & ambitio.	148
versio Græca LXX- vinalis quo tempore & quibus auctoribus fuerit confecta?	509 sq. 519 sq.	Cabiri Dii quinam?	536
Bibliotheca Historica.	169	Cainan quomodo in Genea- logiam Christi apud Lucam ir- repperit?	99
Græca.	323	Calculus. Vide Differentialis & Summatorius.	
Historica Scotica.	156	Cambialis Processus notabilia.	437
Scriptorum Theolo- gia Moralis & Conscientiaria.	561	Camdenus (Guilielmus) notatus.	158
Bilis natura & usus.	546	Camphoræ vis topica.	178
Bochartus notatus.	526	Cancellarii Academicarum.	173
Boethius (Hector) notatus.	157. 161	De Cancellariis veterum commen- tatio.	171
Bonarellus (Guidobaldus) a cen- suris Gallorum vindicatus.	375	Caprifolii textura.	276
Bonorum Ecclesiasticorum in Anglia diversa diversis tem- poribus conditio.	195. sq.	Cardinalium, Episcoporum, Pres- byterorum & Diaconorum Diœceses & Tituli luculenter descripti.	527 sq.
Botanicæ rei promovenda studi- um.	139	Carentonenfes Synoditres.	366
Botanici studii incrementa.	181	Carent-	
Botanicorum librorum recensio.	181		

- Carentonenſis Synodi a Reformationis A. 1631 celebrata indulgentia erga Lutheranos ſub examen vocata. 364
- Carterii (Franciſci Gemelli) Iter recentiſſimum circa mundum. 155
- Cari ſpecies tres. 59
- Caroli I Magna Britannia Regis infelicitas. 150
- Cafalius (Jo. Baptiſta) notatus. 87
- Caffianus Baſſus collector fragmentorum Græcorum de Re Ruſſica. 185
- De Caſſiodoro varia. 173
- Catecheſium S. Cyrilli, Archiepiſcopi Hieroſolymitani, editio nes & verſiones varia. 1 ſq.
- Catechumenorum in Chriſtiana Eccleſia cum Proſelytis Judæorum comparatio. 526
- Catholicæ Eccleſie quanam? 136
- Cave (Guilielmi) Epistoſa de Presbyteri Penitentiarii in Eccleſia inſtitutione & abrogatione. 167
- Cenſus Auguſti. 251
- Ceremoniæ in ſacris præter eas, quas Deus conſtituit, a Magiſtratu Politico recte inſtitutione. 234
- Cereviſiarum jus. 437
- Cephalalgia a vermibus ſub cute in vertice nidulantibus. 287
- Cephalalgiz cauſa. 58
- Cerebri Pathologia. 17
- herubim & Theraphim num iidem? 14
- Chorii textura. 457
- Chriſti ecſtaſis. 253
- αἰώνια. 255
- Chriſtiana religio aſſerta. 5155
- Chriſtianæ religionis propagata tres periodi. 332
- De Chriſto conſenſus Reformatorum cum Lutheranis. 143
- Chriſtus & Apoſtoli num Veteris Teſtamenti loca ex textu Hebræo, an ex Græca verſione allegarint? 514
- In Civitate quacunq; quot ad pugnandum apti? 543
- Claudi Novi Teſtamenti. 254
- Clemens Alexandrinus illustratus. 329
- Clementina periodus. 307
- Cleri in Anglia miſera ſub pluribus Regibus conditio. 200 ſq.
- Coddæus (Petrus) Archiepiſcopus Sebaſtenus & per Belgium Federatum Vicarius Apoſtolicus Janſeniſmi accuſatus. 105 ſq. 423
- defenſus. 106
- Cœcitas & ruptura cornea ex Hemisrania. 287
- S. Cœna num apud Reformatos uti liceat Lutheranis? 368
- De Cœna Domini num fundametaliter Reformati a Lutheranis, & viciffim, diſſentiant? 141

Colorum Theoria Newtoniana.	reus explicatus.	284
540	Arcus triumphalis.	284
Coma vigil quid?	58	Contractus quales celebrentur
58	58	inter metallifodinarum cultores?
Comitorum Græcorum Poetarum deperditorum notitia.	324	343
324	Cor est musculus.	446
Comitibus Palatinis quis locus debeatur?	493	Cordis embryonis delineatio.
493	546. 547	119
Comitorum Augustanorum A. 1530 Historia.	257	diastole a Loxero male explicata.
257	287	In Cordis cono vulnus sanatum.
Conceptiones extra uterum factæ.	545	155
545	545	Corneæ rupturæ & cæcitas ex Hemimetria.
Concionandi nova ratio quibusdam familiaris reprehensibilis.	389	287
389	546	Coronæ Imperialis textura.
546	553. 554	276
Concoctio quomodo fiat?	546	Corpori quomodo motus a voluntate imperetur?
546	553. 554	553. 554
Condictio ex Lege quid & quod duplex?	209	Corporis Juris Civilis Romani editio nova.
209	537	537
Confessio auricularis Pontificiorum improbatæ.	168	Corpus & anima quomodo erga se invicem se habeant?
168	553	553
peccatorum ad S. Communionem accessuris quatenus in Ecclesia Anglicana necessaria?	168	num in se invicem agant?
168	555	555
Conjuges inter num communio bonorum Jure Civili constituta sit?	496	Craigii (Jobannii) Solutio Problematis de transformatione Curvarum taxatur.
496	348. 349	348. 349
omnium bonorum communio in Hollandia ejusque effectus.	496	Creationis Historia vindicata.
496	380	441
Conjugia quanam prohibita?	316. sq.	Creditricis, quæ debitori nupsit, pecunia pro dote habetur.
316. sq.	380	380
Consilia seu Responsa Juris nova.	314	Crescollius (Ludovicus) notatus.
314	31	88
Constantini Augusti nummus an Ddd d	31	Curva reperiens.
31	31	31
	Cur-	486
		Curvæ primi, secundi, tertii &c. generis quanam sint?
		31

- Curvæ Geometricæ quomodo inveniantur innumera æquales? [166](#)
 proprietates. [325](#)
 ampliuudo. [350](#)
 Curvarum primi generis proprietatibus similes proprietates curvarum generis secundi & superiorum. [31](#)
 umbra quasnam generare valeat curvas? [33](#)
 De Curvarum transformatione iudicium Leibnitii. [350](#)
 Curvas transformandi methodus. [353. 354. 356. sq.](#)
 Cycli Paschales notati. [321](#)
 Cyclus novus Paschalis. [305](#)
 censura
 Mathematicorum submissus. [308](#)
 Cyrilli ex Theophylacto desumtus. [320](#)
 notatus. [321](#)
 Hippolyti notatus. [321](#)
 Eusebii notatus. [321](#)
 Victorii notatus. [321](#)
 Theophili notatus. [321](#)
 S. Cyrilli Hierosolymitani Archiepiscopi Opera omnia. [1. sq.](#)
 Vita. [2. sq.](#)
 Scripta. [5. sq.](#)
D Amali Pontificis Romani cum Hieronymo familiaritas. [172](#)
 Dampier (Guilielmi) Plana in exteris regionibus observata & collecta. [183](#)
 Davidis Psalterium Æthiopicum. [64](#)
 Declinatio Acus Magnetica cur varietur? [540. 541](#)
 Dei existentia ex natura ipsa evicta. [51. sq.](#)
 Demetrius Phalereus num promotor fuerit versionis LXXvralis Bibliorum? [503. 520](#)
 Demontiosius (Ludovicus) notatus. [57](#)
 Δυναμις quid? [254](#)
 Diaconorum Cardinalium quatuordecim Diaconia. [539](#)
 Dialectus Alexandrina. [510. sq.](#)
 Dianæ Ephesæ symbolica statua. [28](#)
 Diastole cordis a Lowero male explicata. [546. 547](#)
 quomodo fiat? [547](#)
 Dicæarchus illustratus. [124](#)
 Diogenis editio Amstelodamensis novæ emendata. [324](#)
 Ex L. Diffamari quomodo agendum? [433](#)
 Differentialis calculi origo. [34](#)
 & methodi fluxionum convenientia. [35](#)
 & summatorius calculus quomodo differant? [35](#)
 ipsius xj demonstratio. [475](#)
 Differentiarum genesis. [34](#)
 De Dionysio Syromemorabilia. [222](#)
 Dispensatio num fieri possit circa [100.](#)

- conjugia jure Divino prohibita? 318
 Divortia quatenus apud Romanos fuerint tolerata? 496
 Docetarum error jam aeo Apostolico natus. 8
 Doctorum lis de precedencia cum Comitibus Palatinis. 493
 Dowglas (Garweni) versio Scotica Aeneidos Virgilii. 160
 Δογματι quid? 254
 Dura Matris motus causa. 215
Ecclēsia Romana reliquarum in Occidente mater. 333
 Ecclesiae primitiva facies. 133 sq. forma num. ad formam Romani Imperii fuerit instituta? 331
 alio modo in Oriente, alia in Occidente fundata. 333
 Ecclesiasticae Antiquitates illustratae. 8
 Hierarchia originēs. 330
 Ecclesiasticorum bonorum in Anglia diversa diversis temporibus conditio. 195 sq.
 rituum institutio humana auctoritati vindicata. 234 sq.
 Ecclēstis Christi. 253
 Εγγασμωθ? quis? 15
 Elateris in aere resistentia quantā sit? 542
 Elephantiasis Arabum est morbus Phœnicus Hippocratis. 252
 Emmenagogorum operandi ratio. 178
 Encolpii Historie Alexandri Severi versio Anglicana spuria. 510
 Epactarum error jam aeo Apostolico natus. 321
 In Epactarum dispositione a quibus error commissus? 320
 In Epactis Cycli disponendis major Plenilunii quam Nivilunii habenda ratio. 308
 Episcoporum jura vetera & a Magistratu Seculari independentia asserta. 132. 138
 olim pariter expli- cata. 137
 Cardinalium Dia- ceses. 527
 In Epistolas Apostolicas Commentarius Egidii Hunni & Jo. Henrici Feustkingii. 241
 Erasmi (Desiderii) Operum nova editio ex Belgio expectanda. 239
 Erasmus (Desiderius) a suspitione Arianismi vindicatus. 483
 Ernesti Pii Ducis Saxonie Vita. 68
 Evangelij Jesu Christi secundum quatuor Evangelistas Expositio. 188 seq.
 Evictio quando praestanda? 46
 Europæorum Regnorum ac Re- rum publicarum luculenta Descriptio. 529
 Eutēbi de Locis Hebraicis liber cum versione Hieronymiana. Ddd d 2

- Et notis Jo. Clerici edendus. 558
 Eusebii Cyclus notatus. 320
 Eusebius illustratus. 21
 Executivi Processus in foro qua-
 ratio? 436
 Exorcismus in baptismo jam in
 veteri Ecclesia observatus. 8
Faber (Tanaquillus) notatus. 90
 Factionum in Rebus publicis ori-
 go. 39. sq.
 Faculae Solares observatae. 484
 Facularum Solarium natura. 487
 Farina in plantis an contineat
 plantas seminales? 276
 Femoris tumor per fascinationem
 inductus curatus. 287
 Fermentationi producenda infer-
 vit saliva. 546
 infer-
 vit bilis. 546
 Fermenti ventriculi origo. 457
 Feuda in Hollandia a servitiis
 militaribus immunita. 499. sq.
 Feudalis jurisprudentia explica-
 ta. 340. sq.
 Feudalium mandatorum Colle-
 ctio. 343. sq.
 Feudorum in Hollandia qua ra-
 tio? 499
 Fidei fundamentum quinam arti-
 culi constituant? 140. sq.
 Et rationis consensus. 440. 442
 444
 Fidenis regni in Guineensium
 confiniis descriptio. 264
 Fides operibus contradiſtinguitur
 quid D. Jacobo? 273. sq.
 Fisci jus in dubiis quaestionibus.
 433. sq.
 Fixarum distantia. 549
 Florentini Concilii exemplar Et
 fragmenta. 219
 Florum partes Et usus. 275
 Florus per numismata illustratus.
 42
 vindicatus. 58
 illustratus. 282
 Fluxionum definitio. 35
 Fluxus albus ex mensium suppres-
 sione unde? 178
 De Foersteri (Joannis) Lexico He-
 braico iudicium. 303
 Foetus ovilli membranae. 456
 rudimenta in quibus ovis
 inveniuntur? 545
 multi quomodo una exclu-
 dantur? 545
 Foramen ovale cordis in embryo-
 ne. 120
 Forbesii (Joannis) a Corse Vita.
 227
 scripta. 228
 Formosae insulae Descriptiones.
 153
 Formula Concordiae quatenus a
 Reformatis etiam probetur?
 141. sq.
 Formulae negotia feudalitatis con-
 cernentes. 344
 Fossilium figurarum in Helve-
 tia

<i>ia Historiæ</i>	479	Georgius Dux Saxonie unde Bar-
Franci (Georgii) de Franckenau		bat nomen tulit? 292
<i>Vita.</i>	232	Gerberon (Gabriel) Jansenius
Francisci (Erasmi) Vita.	232	damnatus. 242
Freinshernius (Joannes) notatus.		Gerberoni (Gabrielis) scriptus.
	87. 297	244. sq.
Friderici Barbarossa Authentica		Gordiani Africani nummus vin-
Habita illustrata.	389	dicatur. 37
Fridericus III Elector Saxonie		Gordoni (Roberti) Theatrum
quandiu S. R. L. Locumtenen-		Scotia. 48
tem Generalem se nuncupave-		Gothofredi (Dionysii) Corpora
rit?	502	Juris Civilis Romani editio no-
Fritschii (Abasperi) Vita.	232	va. 537
Fulginatium Scriptorum Elogia.		Græca Bibliotheca. 333
	267	Græcæ Lingue vulgaris seu Pa-
<i>Historiæ Scriptores.</i>		uânâs Elementa. 61. sq.
	269	corruptio unde? 61
Fundamentales Fidei articuli		Græcarum Antiquitatum The-
qui?	141	saurus Gronovianus. 25. 85. 124
Furti Actio penalit quando com-		Veteris Testamenti
petat contra furis hæredes?		versionum historia. 516. sq.
	500	Græci olim num ex Europa in-
G enerationis theoria.	544	Asiam, an ex Asia in Europam
Gentilium Theologia stolidis-		migraverint? 361
sima.	10	Græcorum origines genuina. 303
<i>Philosophorum, vitia</i>		Autochthones explosi. 361
<i>notata.</i>	54	Grammaticarum Hebræicarum
<i>religio explosa.</i>	54	origines. 302
Geniales partes maris Marsupia-		Gravitas aeris specifica. 542
lis Americani.	110	Mercurii specifica. 542
Geographia Sacra Sanfonis &		aeris specifica variat. 543
Clerici.	555	Gravitationis causa efficiens detectu
Geographiæ Sacra Scriptores.		difficilis. 544
	556	Grotius (Hugo) notatus. 499
Geoponicorum sive de Re rustica		Guarentigati instrumenti in foro
libri.	183	requisita. 436
		D d d 3 G u m.

Guarini (Baptista) Pastor Fidus	venta.	326	
Germanice versus.	72	Hermetis Tabula Smaragdina	
Guarinus (Baptista) adversus		Chimie sublimioris & Lapidu	
cenfuras Gallorum vindicatus.		Philosophici Theoriam conti-	
375		net.	253
Guineæ descriptio.	262 sq.	Hierarchia Cardinalitia.	527
incolarum misera condi-		Hierarchiæ Ecclesiasticae origines.	
tio.	263		330
mores & in-		Hieronymi versio Bibliorum	
fientia.	264	quanta auctoritas?	515
De H eresi suspecti qui ?	547	Hieronymus notatus.	3
H arduinus emendatus.		num Cancellarii	
401		munere apud Damasum fuerit	
Haveri sententia de concollione.		functus ?	172
546		Hierosolymitanæ Ecclesiæ prima-	
Hebræorum Historiæ ex Homero		va summa auctoritas.	134
eruita.	74		nascen-
antiquitates illustra-		te Christianismo Primatus.	332
ta.	97. sq.	Hierosolymitanam inter & Ca-	
Ad Hebræos Epistola illustrata.		sariensem Ecclesiam contentio	
390		de Primatu Palæstine.	3
Hebraici Veteris Testamenti tex-		Hipparchi instrumenta Astrono-	
tus quanta fuerit auctoritas?		mica notata.	309
513		Hippolyti cyclus notatus.	321
Hebraicorum Lexicorum Histo-		Historia Reformationis in Belgio.	
ria.	301		56
Ex Hemisphæria cæcitas & ruptura		Belli Civis in Anglia A.	
cornea.	287	1641 capti.	145
Henochus cur recentioribus Ara-		Navalis.	151
bibus Edris dicatur?	326	Comitiorum Augustano-	
Hepatis structura.	459	rum A. 1530	257
Heracliti Ephesi scripta.	329	Silesia.	259
Herbariæ rei Institutionum Co-		Græcarum Personarum	
rollarium.	138	Veteris Testamenti.	5659.
Hercules Medicus.	252	legislatorum Græcorum.	
Hermetis Trismegisti libri & in-			328
			Histo-

- Historiæ Hebraorum conditor *sa.* 146
 Homerus. 74. sq. causa, cur Historiam belli
 Fulginatum in Italia Civilis Anglia composuerit? 2
 scriptores. 267. 269. 147
 Historica Bibliotheca Siruviana. 118
 169 Hyperbola cuiusvis generis quoti-
 Historicorum Scotia Catalogus. nam habere queat asympto-
 160. sq. tos? 32
 Hohnsteinii Comites Advocati Hyperbolarum varia genera. 33
 olim Abbatia Walckenreden- S. Jacobi de Fide & Operibus
 sis. 411 doctrina explicata. 273. sq.
 Homeri scripta recensita, eorum Epistole Analysis. 272
 que prima editio. 327 Jacobi VI Scotia & post Angliæ
 Homerus Historia Hebraorum Regi numismata. 165
 conditor. 74. sq. Jacobi Patriarcha familia, que
 Homicidarum singulare olim a in Egyptum descendit, quot
 pud Francos supplicium. 418 numero personis consisterit?
 Homo num sit pura machina? 103 sq.
 92 Jamaicensium Plantarum Histo-
 Hooft (Petri Cornelii) Vita. ria. 182
 386. sq. De Jano antiquorum Dissertatio.
 Historia Henrici IV Regis 407
 Gallia Belgica. 387 Jansenianæ factionis capita præ-
 styli sublimitas. 388 cipua. 424
 Hori Hieroglyphica a quo pri- Jansenismi accusatus Paschasius
 mum Latine conversa? 324 Quersnellus. 422. sq.
 Huetius (Petrus Daniel) notarius. Jansenistarum Gallia Episcopo-
 398. 527 rum querela de Curia Roma-
 Hulfemanni Casus Conscientie na. 109
 edendi. 560 Idololatriæ origo. 10. 17
 Hunniani Collegii instituendi varia genera. 18
 quis olim Ernesto Pio Saxonia Sejunium quadraginta dierum
 Duci scopus? 69 num inde ab Apostolorum tem-
 Huntingtoni (Roberti) Vita. 217 poribus usitatum? 3
 Hyde (Eduardi) Comitiss Clarendonensis Academiæ nova incre-
 rendonensis fata eorumque cau- mensa. 96
 Jero-

- Jeroboami idololatria qualis? 24
 S. Ignatii locus illustratus. 515
 Episcopi Antiocheni Epistola Syriaca frustra questita. 218
 Imagines majorum quomodo aservari primum & paulatin. coli coperint? 13. 14
 Imaginum cultus apud Pontificios qualis? 18
 Immortalitas anime asserta. 91. sq.
 Imperatorum Germanicorum ex jure antiquo circa sacra reliquia, jus primariorum precum. 429
 Imperii Germanici Statuum Evangelicorum Protestatio in Comitii Spirensibus & Legatio ad Carolum V. Casarem 256
 Imperii Romano-Germanici luculenta Descriptio. 530
 Incarnationis mysterium rationi conciliatum. 445
 Indifferentia post praeceptum superiorum sunt necessaria. 2. 6
 Infinitae quantitates varias inter se habent proportionales. 540
 Infinitesimi generis curvae quanam sint? 31
 Ingratitudinis praevisa exemplum memorabile. 149
 Intestinarum abscissio sine acri detrimento. 287
 Investitur in feudis Hollandicis renovationis necessitas. 499
 Investiturarum feudaliū formula. 344
 Joannis Friderici Electoris Saxoniae numismata illustrata. 503. sq.
 ocrea inusitata amplitudinis. 506
 sponsalia cum Catharina Caroli V. sorore contracta & rescissa. 257
 S. Johannis trium Epistolarum Analysis. 269
 Josephus notatus. 521
 Jovem lapidem jurare quid? 255
 Irrationales Geometrice quaquam quantitates dicantur? 36
 Isaacus immolendus apud Momeum. 84
 Isis & Osiris qualia apud Aegyptios Numina? 19. sq.
 Itinerariorum Sylloge magna novae. 151
 collectiones v. 152
 Judææ seu Terra Sancta descriptio. 556
 Judæis tutela liberorum Christianorum minime concedenda. 497
 Judaicæ Reipublicæ status qualis & olim & tempore Apostolorum fuerit? 352
 Judaismus expiosus. 55
 Judicii Imperialis Casareo-Aulici Processus. 430
 Ju-

Julius Africanus Chronographus idem cum auctore Ktesor. 186	Legislatorum Gracorum Histo- ria. 328
Jutorum Scotia libri. 164	Leibnitiana Harmonia prestabi- lita hypothesis explicata. 553
Wittebergensium Histo- ria. 435	quomodo cum libertate voluntatis con- sistat? 554
Juridicarum Dissertationum fa- sciculus. 344-59.	Lethargus quid? 59
Juridicorum Responsorum fasci- culus. 344	Lex X Pandectarum de Jure Fi- sci explicata. 433
Juris Primariarum Precum ori- go. 429	Lexicorum Hebraicorum Histo- ria. 301
Jurisprudentia Siruviana Ger- manice edita. 45	Libertatis natura. 446 sq.
Jusjurandum quatenus Aetiori Reove in foro Saxonico liceat deferre? 439	Libri in lucem prodicuri. 336
Justinus Martyr notatus. 521. 524	Licitationis prima jus pater per filium mandato licet non in- struatum acquirit. 389
K εττορ Φόρς unde dicta Ve- sia? 21	In Liene, pulmonibus & pene va- sorum sanguineorum commu- nicationes. 214
K όδεγας quid? 254	Lienis textura. 459
L abyrinthi auris structura. 468	Lineæ primi, secundi, tertii, quarti &c. ordinis quam di- cantur? 31
Lapides figurati Helvetici. 479	Lithographia Helvetica. 479
Lapidis Philosophici materia. 408	Loescheri (Val. Ern.) de Causis Lingua Hebraica promissum opus. 303
us. 408	Longævitatis causa. 41
Lares & Theraphim iidem. 13	Loti historia concumbentia cum filiabus, ab Homero descripta. 81 sq.
Laudemiorum nomine quid in renovatione Feudorum in Hollandia præstandum? 499	Lowerus notatus. 546
Laurentius (Josephus) notatus. 87	Ludolphi (Jobi) elogium. 67
Legati ad exterarum gentes missi quatenus durante absentia testari possint? 497. 498	Lumen successive propagatur. 540
Ex Lege Diffamari quomodo a- gendum? 438	

- Luminis Theoria Newtoniana.* 540 *crescunt.* 483
Luna Tellure densior. 541 *atmosphæras habent.* 484
Lunæ theoriæ novam Isaacus *in plures dissolvun-*
Newton invenit. 540 *tur.* 484-485
densitas quomodo se ha- *divisa rursus coale-*
beat ad densitatem Terræ? *scunt.* 484
54 *moventur.* 485
Lutherani & Reformati num in *Maculæ Solaris motus quantitas.* 686
fundamento fidei consentiant? *Macularum in Sole loca sine in-*
139 sq. *strumentis observandi metho-*
Lutheranismi Historia Secken- *dus.* 486
dorfsana supplementum. 256
Lutheranos inter & Reformatos *Magistratui Politico jus in Epi-*
num speranda unio? 365 *scopos negatum.* 132
qualis *Magnetica acui inventio.* 152
in Fide consensus? 391 *Magnia Urbica num Maximo*
Lutheranus num salva conscien- *Augusto fuerit nupta?* 400
tia ad sacram cum Reforma- *Caro, Carini & Nume-*
tis Canam accedere possit? *riani Patri, vindicata.* 402
368 *Mammæarum structura.* 457
Lux intra viscera Terræ quo- *Manium evocatio & consultatio*
modo producat? 542 *quomodo invaluerit?* 14
Luzonis Philippinarum Insula- *Marcelli Siæta de Medicina ex*
rum præcipua stirpium Histo- *Piscibus Carmen Grace &*
ria. 183 *Latine cum notis editum.* 326
Lygü & Quadi, Silesiorum ma- *Marfupialis Americani maris*
jores, num a Sclavis Polonis *partes genitales.* 110
plane fuerint oppressi? 259 *Martis operandi ratio.* 180
Lymphatica vasa: Vicussenii. 454 *Matrimonia quam prohibita?*
457 *315 sq.*
M *Abillonii (Joannis) de Scri-* *In Matrimonialibus causis cau-*
ptoribus Benedictini o- *tio pro reconventionem & ex-*
pus promissum. 420 *pensis non est præstanda.* 380
Maculæ Solares. 483 *Matrimonialis Processus Electæ.* 439
magnitudine differunt. 483 *Matrim-*

- Matrimonium quatenus Luthe-
rano cum Reformata, & vi-
cissim, permixtum? 369
cum puella annis vi-
ginti minore, aut adolescente
viginti quinque annis minore,
sine parentum consensu ini-
tum, cui pena sit obnoxium
in Hollandia? 496
- Medicinæ defectus unde? 42
- Mediolanensis Ecclesia Juris Me-
tropolitani antiquitas in du-
bium vocata. 334
- Medulla ossium an seniat? 340
- Melchisedecus in Homero depre-
bensus, 83. sq.
- Menagius notatus. 329
- Mendaciorum libri. 219
- Menses per mammæ erumpen-
tes. 287
- Mensium suppressio causa. 176
cura. 177
- Menstrui fluxus causa & pletho-
ra, 175
periodorum causa, 175
terminus ultimus. 176
phenomena. 174
- Menstruus sanguis ut profluat? 455
- In Mente est sensarium commu-
ne. 60
- Mercatorii libri num vim habe-
ant documenti garentigint? 380
- Mercurii vis emmenagoga. 180
altitudo in barometro
- pro diversa huius super Tellu-
ris superficie elevatione quo-
modo variet? 542
in eadem elevatione va-
riat, 543
ascensu & descensu
causa in Barometro. 543
- Metallifodinæ Regalibus vindic-
cata. 342
- Inter Metallifodinam conceden-
tem & fadinarum cultores
contractus velus emphyteuti-
cia, 343
- Methodus observandi loca ma-
cularum in Sole sine instru-
mentis, 480
- Metropotes Ecclesiastica quomo-
do primitus instituta? 331. 333
Politica quæ olim
Romanis fuerint? 332
- Metropolium Italicarum præ-
ter Romanam, antiquitas in
dubium vocata, 334
- Milles (Thoma) de Operibus S.
Cyrilli Hierosolymitani meri-
ta, 1. sq.
- Minos Homeri, Abrahamus. 8a
- Mvæ quid? 254
- Monachorum in Anglia aries,
quibus aliorum jura invasor-
unt, 196. sq.
- Monasteriorum Benedictinorum
Historia. 417
- Monsonis (Wilhelmi) Disserta-
tiones ad rem navalem spec-
tantes. 155
- E. c. c. z Mor.

- Morbus Phanicus Hippocratis
est Elephantiasis Arabum. 352
- Moscovia literarum bodie studio
dedita. 240
- Moscoviae Imperatoris cura stu-
diorum promovendorum. 383
- Moses sub Typbonis nomine no-
tatus. 23
- Et S. Stephanus circum-
merum familia Jacobi con-
ciliati. 103 sq.
- Mosis de origine Universi Histo-
ria vindicata. 102. 441
- Motus obreptionis. 351
- subreptionis. 351
- quinam non cadat in mu-
sculos? 546
- Mulier sine curatore quatenus
possit obligari? 46
- in causa matrimoniali
quatenus personam standi in
judicio habeat? 439
- Muratori (Ludovici Antonii) Li-
bri duo de consummata Ita-
lorum Poesi prodituri. 379
- Musculus nullus admittit mo-
tum restitutionis. 546
- N**atura universalis Egyptio-
rum Isis. 20
- varii nominibus cele-
brata. 21. 22
- Navarette (Ferdinandi) Relatio
de Regno Chinae. 153
- Necromantiae varia genera. 15. 16
- Nervi arterias subeuntes. 453
- Nicæni Concilii canon sextus il-
lustratus. 334
- Nigrinianus certiori aetati asser-
tus. 403
- Nomina animalibus cunctis num
ab Adamo imposita? 248
- Novilunii medii numerandi ra-
tio. 306.
- De Nourry (Nicolaus) nota-
tus. 329
- De Numeris aureis Patrum sen-
tentia. 321
- Numi argentei Runis insigniti
spurii. 36
- Samaritani illustrati. 279
- Novi Testamenti. 253
- Numismata Scotorum. 165
- Saxonica illustrata.
289. sq. 506. sq.
- Numus Runis insignis. 38
- aureus Constantini Au-
gusti explicatus. 284
- Nutritionis animalculi fons 546
- O**bligationis natura & varia
genera. 208
- Occasionalium causarum systema
improbatur. 553
- Odyssæ ab Homero num ante
Iliadem scripta, aut contra? 76
- Olsonæ Principatus in Silefia
num secundum proprium, an im-
proprium? 344
- Opii vis topica. 178
- Cum Optica Acustica conveni-
t. 540
- Ora-

Oraculorum origo.	14	jam confirmatum, dissolvendi.	
Orationes Panegyrica & fune-			496
bres Augusti Buchneri.	449	Pascha anni 1700 per Epistolas le-	
Literaria A. Buchne-		gitime non definitum.	320
ri.	450	1707 qua die cele-	
Orcadum Historia Jacobi Wal-		brandum?	309
lace.	159	Paschalis decima quarta nume-	
Origenis Philosophumenon fr. 5g-		randa ratio.	309
mentum.	88	decima quarta ex Pa-	
Osiris & Isis qualia apud Egy-		trum sententia.	320
prios Numina?	19 sq.	canon antiquissimus.	
Ossa hyoidea Marsupialis.	110		320
Ossium nutritio.	346	cycli notitia.	321
De Ovale (Alphonfi) Relatio de		Paschatis celebratio quando hoc	
Regno Cili.	155	saeculo controversa?	309
Oviparorum & Viviparorum dif-		Pastores cur odiosi Egyptiis?	488
ferentia.	545	S. Pauli Epistolarum Expositio.	
Ovulum cum utero quando &			476
quomodo connectatur?	546	Peccata tria quatuorve quo sen-	
P edobaptismi origo ex mente		su memorentur Amoso?	489
Antonii van Dale.	525	Peccatum ad mortem quale di-	
Palatinatus Saxonia cum Elesto-		catur 1. Job V, 162.	271
ratu connexus.	342	Penates Dii qui & quam variis	
Palatinos Comites inter & Do-		Gentilibus?	11
ctores lis de precedentia.		Penis structura singularis in Mar-	
	493	supiali.	113
Pallacopæ, alvei, descriptio.	298	Pequinum urbs in China eadem	
Pallavicinus (Sfortia) a censu-		cum Cambalu.	154
ris Bouhoursii vindicatus.	377	Pertinax Imperator cur Janum	
Parabolarum divergentium ge-		in nummo exprimi curavit?	
nera.	33		406
Partus post matris mortem.		Petiveri (Jacobi) Botanici elo-	
	287	gium.	182. 183
Parentum jus in Hollandia libe-		S. Petrus cur tres claves mani-	
rorum conjugium sine suo con-		bus gestans in veteribus pi-	
sensu initum, etsi concubitu		cluris representetur?	419
		Ecc e 3	Pha-

- Pharyngis musculi. 467
 Philo illustratus. 87
 Philosophandi methodus certa. 544
 Philosophicarum Meditationum opus magnum Bernardi Tarvisini. 550, 552
 Philosophorum Gentilium vita notata. 54
 A Phoeniciis Græcorum Theologia derivata. 12, 13
 Photii Historia Manichæorum edenda. 2
 Photii S. Cyrillo? 7
 Pighius (Stephanus) notatus. 87
 Planetæ habitantur. 541
 Plantarum Historia Joannæ Razi Tomus III. 180
 ingens incrementum. 181
 Plato & Philosophi Græci alii num quæ ex Scriptura S. bauerini? 517, 524, 527
 Plethora est mensuri fluxus causa. 471
 Plutarchi Alexandrini Proverbia Græcâ publicata. 89
 Plutarchus Charonenſis illustratus. 329
 Poemata Baronis Absbargii. 73
 Pœnitentiarii Presbyteri in Ecclesia institutio & abrogatio. 167
 Poloni num unquam Imperatoribus Germaniæ fuerint tributarii? 259
 Pontificis Romani decreta num censura possint subjici? 106
 Possessio contra singulos acquisita num noceat universitati? 438
 Possessorii processus in foro Electi. 437
 Possessorium summarium quatenus contra Principem valeat? 438
 Potteri (Joannæ) Archaeologia Græcâ commendata. 126
 Potus aversus in hydropobicis unde? 118
 via ad renes. 456
 De Præcedentia controversia varia. 492
 Precum primariarum Ius in Germania quodnam? 428
 Presbyteriani num in Anglia re se separarint ab Ecclesia Anglicana? 236, 238
 Presbyterianorum Ministri num legitime sint ordinati? 239
 Presbyterorum Cardinalium Basilice. 528
 De Processu Executio monita. 436
 Cambiali monita. 437
 Possessoria notabilia. 439
 Matrimoniali notabilia. 437
 Processus Saxonicæ Ordinatio illustrata. 379
 in foro alius ordinarius, alius summarius, & hic vel regularis, vel irregularis. 436
 Pro-

- Prophetia prima de Messia Phyl-
sice explicata. 545 querela adversus ad-
versarios & defensio. 446
- Protestationis Evangelicorum. 536 **R** Abbini haud optimi de An-
Imperii Statusum Historia. 536 tiquitatibus Hebraeorum
Psalterium Davidis Aethiopice. 64 testes. 102
- Ptolomæi, Lagus & Philadel-
phus, num auctoritatem suam
interposuerint, ad S. Biblio-
rum Græcam seu septuaginta
viralem versionem consien-
dam? 510 Rationis & Fidei consensus. 440
Ad Pufendorfianæ Philosophiæ
Moralis exemplar componen-
da Theologia Morali. 562 442. 444
- In Pulmonibus, liene & pene-
sanguineorum vasorum com-
municationes. 214 Ravennatensis Ecclesiæ jus Me-
tropoliticum discussum. 331. 334
- Pulmonum ulcus ex variolis cu-
ratum. 211 Rawleigh (Waltheri) artes, qui-
bus in aula Elisabethæ adiu-
rum sibi ad altiora paravit. 432
- Ex Pulvere pyrio tabaco admix-
to oculi jactura & mors. 287 In Reconvensione non attendi-
tur privilegium fori de non
avocando. 380
- Punctum lucidum in macula So-
lari micans. 486 Reformati & Lutherani num in
fundamento fidei consentiant?
139 sq.
- Purgantium operatio inconstans
unde? 177 Reformatos inter & Lutherana-
nos num speranda unio? 365
- Pyrrhonismus destructus. 442 qualis in Fide con-
sensus? 391
- Pythonis spiritus nil aliud, quam
spiritus divinationis. 15 Reinefius notatus. 314
- Q**uasi contractuum quor spe-
cies? 208 Religionis Christianæ propagatæ
tres periodi. 332
- Quesnelli (Paschasii) fata & ob-
Jansenismum propugnatum
condemnatio. 421 sq. Remonstrantium in Belgio His-
toria. 56
- accusationis capita. 422 Renum structura. 460
- scripta. 425 Resistentiæ medii in motu proje-
cturæ mensura. 540
- Respiratio insluit in motum cor-
di. 546
- Republicæ cur factionibus ob-
noxia? 39
- Judaica statum qua-
li

- lia & olim & tempore Apostolorum fuerit? 332
- Restitutio in integrum ob reverentiam denegata. 454
- Rittershusianæ tabula Genealogica emendata. 257
- Rituale Ecclesiarum Evangelicarum. 186
- Ritus in Ecclesia, præter eos, qui præcepti sunt a Deo, constituendi libertas & necessitas. 234 sq.
- ab Apostolis constituti quales? 235
- Roberti II Scotiæ Regis uxor, an concubina fuerit Elisabetha? 162
- Romæ veteris & Nova elegantissima descriptio. 478
- Romana Ecclesia ut a Petro & Paulo fuerit fundata? 313
- Ad Romani Imperii normam, num primitus Ecclesia fuerint instituta? 331
- Runæ in nummis vetustius inventa. 36
- De Rustica Re fragmenta Graecorum. 183
- S**abzorum secta. 220
- libri. 222
- Sacerdotes Salii quinam Gentilibus? 534
- Saliæ Cana unde dicta? 536
- De Salignac (Franciscus) Archiepiscopus Cameracensis notatus. 72
- Salii Sacerdotes quinam olim? 534
- Salivæ natura. 546
- Salmasius notatus. 514
- De Salute æterna num quis Reformatus certus esse possit? 143
- Samaritani nummi illustrati. 379 sq.
- Samaritanorum reliquia. 218. 220
- Samothracæ Dii, qui fuerint Gentilibus? 11
- Sanchoniathonis Historia ex Mose derivata. 12
- num qua cum Scriptura & concordia? 526 sq.
- Sancti Benedictini. 417
- Sanguineorum vasorum communicationes in pulmonibus, liene & pene. 214
- Sanguinis pressio diversa morborum est author. 57
- transitus per cor embryonis. 121
- Sanguis ut in tanta copia per pulmones corruptos & obstructos transire possit? 213
- Sanfonius (Nicolans) laudatus & notatus. 557
- Saturnus & Isis idem. 23
- Satyrorum novarum liber. 312
- Saxonæ Palatinatus eum Electoratu junctus. 342
- Electorum ut Marchionisque Lusaria Nobilitatem conferre possit? 533
- Ele-

NOTABILIORUM.

595

Electoris Jus gladium pagina nudatum Imperatori in solennibus processionibus preferendi. 53.	Exod. XXXII. 6. 24
officium gestandi vexil- lum Imperii majus. 532	Judic. XVII. 15
jurisdictio in buccina- tores & tympanistas. 53.	1. Sam. XXVIII. 7. fqq. 16
in Comitibus Imperii di- rectorium in causis Evangelicis 533	Psal. XXVIII. (XXIX.) 6. 67.
dignitas supremi Ve- natoris Imperii. 533	Esa. XII. 3. 282
Saxonice Domus Numismata illustrata. 289. sq. 500 sq.	Hoseæ XIII. 2. 24
Jus Advocacia in Ab- batiam Walckenredensem. 411	Amos. L. 3. 489 sq.
Saxonici Processus Ordinatio il- lustrata. 379	V. 26. 22
Saxovivensis Archiepiscopi in Ita- lia claritudo. 268	Matth. XXIV. 30. 216
Schisma novum in Anglia re- gnante Wilhelmo exoritur. 13.	Joh. VII. 37. 282
Schismatis num rei sunt, qui ab Ec- clesia Anglicana discesserunt? 237	Act. VII. 74. 103
In Scholiis Græcis veterum allega- torum scriptorum indices. 325	XVI. 16. 15
Scotiarum Regum Majestas in con- troversiam vocata. 159	Gal. V. 1. 236
Genealogia. 162	1. Joh. V. 16. 270
Scotica Bibliotheca Historica. 156	Jacob. II. 14. fqq. 273 fqq.
Scotorum cum aliis gentibus fa- dera. 159	Hebr. L. L. 393
Scripturæ S. loca illustrata Gen. II. 18. 19. 20. 247	IX. 4. 282
	XI. 35. 36. 393
	A Seckendorf (Viri Ludovici) vita. 232
	Seckendorffianæ Historiæ Luthe- ranismi supplementum. 256
	Secundinarum retentorum cura. 178
	Semen animalium innumera- animalcula continet. 545
	Semina se habent instar ovorum. 276
	Sensorium commune in mente est. 62
	Sententia adversus universitatem Syndicum non habentem lata transcat in rem judicatam? 380
	Septuaginta viralis versionis Biblio- rum Dialectus Alexandrina. 510
	F f f f Scr.

- Historia integra.* 512
 Serpentum cultus apud Eidenfes. 256
 Sherardi (Guilielmi) Botanici *elogium.* 152
 De Sybillinis oraculis iudicium. 370
 Silesia Imperatoribus Germaniae olim tributarii ac subiecti 259
 Silesiorum nomen unde natum? 258
 Majores. 258
 Historia. 259
 Simulacrorum cultus origo. 17
 Sixti V. editio versionis Bibliorum vulgata fueritne revocata? 516
 Slavi Polonorum Lygios & Quados Silesiorum majores plane oppresserint? 259
 Slezer (Johannis) Theatrum Sclaviae 115
 Sloane (Hans) Historia Stirpium Jamaicensium. 182
 Sociniani refutati. 394
 Socrates cum Sosicrate confusus. 324
 Sodomiae excidium ab Homero descriptum. 81
 Soporosorum affectuum notae characteristicae. 58
 Spasmodorum differentia. 69
 Spasmus quid? 69
 Specierum immutatio an possibilis? 497
 Spontalia num semper conditioni non impleta irrita fiant? 405
 de praesenti & de futuro apud Belgas non sunt diversa. 495
 Spotswoodi (Johannis) scriptoris Historiae Ecclesiasticae Sclavorum *elogium.* 163
 Stanlejus (Thomas) notatus. 89
 Statuarum origo & cultus. 17. 18
 Steatomatis origo. 469. 470.
 Stegeri (Adriani) vita. 232
 S. Stephani Act. VII. 14. *capita* 75
 Familia Jacobi numerantis sententia cum Mose conciliata. 103/4.
 Stephanus (Henricus) notatus. 12.
 Strada (Famianus) a Bouhoursii vellicationibus vindicatus. 372
 Struvii (Georgii Adami) Vita & scripta. 107
 adversarii. 131
 Stryckianum Juris Pseudalis Examen illustratum. 342
 Strypius, scriptor vite Cranmeri, laudatus. 157
 Successio hereditariorum seu doctorum qualis in Hollandia? 499
 Suida notatus. 325
 Summatorum calculi origo. 34
 Summatorius & differentialis calculus quomodo differant? 34
 Sutherlandi (Jacobi) Hortus Medicus Edinburgensis. 18
 Synodus Sclavica in Janina congregata. 359

Systoles cordis instrumentum. 547	Uala. 230
Systole quomodo fiat? 547	Theophili cyclus notatus. 321
Tabula Hermetis <i>Smaragdina</i>	Theraphim qui? 13 sq.
Chimia sublimioris & Lapidis Philosophici ibidem continet. 253	& Cherubim num iidem? 14
Tacitus illustratus. 282	Thesaurus (Emanuel) notatus & excusatus. 379
Tάλαρον quid? 254	Ticinenfis Gymnasii Historia & Vindicia. 394 sq.
Tarvisinæ Gentis Nobilissima origo & Viri docti. 550 sq	aniquitas. 396
Tatius (Torquatus) contra Bourhsium vindicatus. 372	Tituli Cardinalium explicati. 528
Templorum origo. 14. 17	Tormentorum usus ab iniquitate vindicatus. 500
Terra est Planities. 541	Tournefort (Josephi Pittoni) Plante nova in Orientalibus regionibus observata. 183
Terræ interior structura. 541. 542	Tragicorum Poetarum Græcorum perditiorum notitia. 324
* diameter quanta sit? 541	Tridentinum Concilium epistolis quorundam Hispania Episcoporum illustratum. 146
semidiameter quanta? 542	quantas turbas inter ipsos Pontificios dederit? 247
Testamenta eorum, qui in Indias navigant. 498	S. Trinitatis mysterium rationi conciliatum. 45
Testamenti Veteris Librorum Apocryphorum recensio. 338 sq	Tristanus notatus. 403
Testamentum Novum cum versione & annotationibus Erasmi accuratius in nova Erasmi operum editione proditum. 48	Tutores ob quam culpam removeri jure Civili potuerint? 497
Testes fæmineæ ovaria. 546	Tympani aurium structura. 465
Theocrata in Republica Hebræorum. 100	Typho idem qui Moses. 23
Theologiæ Moralæ nova systemata. 558. 559. 560.	Vaillantius notatus. 37
Scriptores. 361	Ex Variolis ulcus pulmonum curatum. 211
Theologicæ veritates num omnes fundamentum fidei concernant? 140	Vasæ secretoria & excretoria quæ? 454
Theologorum nostra ætate Clarissimorum Memoria renovata. 454	Vasorum corporis humani systema

596 INDEX RERUM NOTABILIORUM.

- m.a. novum.* 453
 Venæ cava perforatio ab arteriis spermaticis Marsupialis. 111
 Venarum tunica. 459
 Ventriculi vulnus transversum infliclum curatum. 287
 fermenti origo. 457
 Versiones Græcæ Veteris Testamenti vera alia, alia conficta. 516 sq.
 Vesta cur $\chi\epsilon\upsilon\tau\epsilon\phi\omicron\varsigma$ nuncupata? 21. 22
 Veterum eruditio vindicata. 42
 Victorii cyclus notatus. 321
 Visus cum auditu convenit. 540
 Vituli aurei in deserto figura. 18
 cultus Israelitarum quorsum spectatus? 24
 Ulcus pulmonum ex variolis curatum. 211
 Ulysses apud Homerum non unus. 75. 79. 80.
 Vossius (Isaacus) notatus. 295
 refutatus. 508. sq. 519. sq.
 (Gerb. Job.) notatus. 329
 Urachi in fetu humano perforatio. 122
 Uratislavia Silesiorum metropolis centum Anagrammatibus celebrata. 300
 quoriam alii homines? 543
 Uratislaviensium quos arma gerere valeant? 543
 Uteri prolapsus verus. 287
 vasa vesiculoso - lymphatica. 455
 humani textura. 455
 membrana. 455
 ovilli membrana. 455
 Vulgatæ Bibliorum versiones quantum inter se discrepent? 516
 Uvula ad auditum facit. 479
 Uvulæ musculi. 467
 Walckenredensis Abbatis Historica Descriptio. 400
 Advocatus penes quos fuerit? 410
 Walckenredensium Scriptores. 410
 Wallace (Jacobi) Historia Orcadum. 159
 Waltonus notatus. 523
 Wittenii (Henningii) Memoria Theologorum continuata. 230
 Wittenius (Henningius) notatus. 435
 Xenophontea chronologia. 310. 311
 Zeni (Apostoli) scripta edita & edenda. 550 sq.
 Ziegleri (Casparis) vita. 232

* * * * *
 * * * * *



